

50

E

14

15-G

23

15-G-23.



Ex Bibliotheca
Majori Coll. Rom.
Societ. Jesu


~~30.3.31~~

~~30/50
F. 27
30/21~~



H. $\frac{2}{5}$.

leg^{no}. 68. 13.



1916

IOANNIS
LUDOVICI VI-

VIS VALEN-
TINI,

De Disciplinis Libri XX. in tres
Tomos distincti, quorum ordi-
nem versa pagella indicabit.

Cum indice copiosissimo.

Biblo.

Secr.

Call.

Norm.

Soc.


Sesk.



LUGDVNI,

Apud Ioannem Frellonium B

1551.



TOMO PRIMO CON-
tinentur septem Libri de
corruptis artibus.

Primo Libro de corruptis artibus in uniuersum.
Secundo de corrupta Grammatica.
Tertio de corrupta Dialectica.
Quarto de corrupta Rhetorica.
Quinto de corrupta Philosophia naturæ.
Sexto de corrupta Philosophia morum.
Septimo de corrupto iure ciuili.

SECUNDO TOMO LIBRI DE
Tradendis Disciplinis, siue de Doctrina
Christiana quinque.

TERTIO TOMO DE
Artibus Libri octo.

De Prima Philosophia Libri tres,
De Explanatione essentiarum unus.
De Censura ueri duo.
De Instrumento probabilitatis unus.
De Disputatione unus.

IOANNES LV- DOVICVS VIVES

Ioanni Tertio, Lusitaniæ & Al-
garbiorum Regi inclý-
to, Domino Gui-
neæ & cætera.

S. D.



MAIORVM præclara facinora vt
nobilitatem posteris suis adferunt,
ita etiam necessitatem ingentem, ne
ab illis degenerent. Nec aliud vi-
dentur esse, quàm notæ quædam
generosi seminii: vt sciant omnes, quid ab il-
lis debeant expectare, ac quasi reposecere suo iu-
re. Quod in mutis animantibus, & stirpibus
videmus pastores, atque agricolas facere, vt vel
oues vel arbores egregias insigniant: foetumque
earum pro certo habeant peculiaris cuiusdam
& excellētis præter cæteros virtutis futurum.

Equidem cùm in tuorum maiorum res gestas
intueor, quæ omnes in te vnum sunt collatæ,
atque impositæ, magno atque acerrimo iudicio,
diligenti vigilantia, & cura opus tibi fore vi-
deo, vt illas non sustineas modò, sed (quod ab spe-
cimine tuæ virtutis passim requiritur,) auctio-
res ad posteros tuos, & splendidiore transmittas. Ausi sunt progenitores tui Lusitania egressi,

Gesta Lu-
sitaniarum.

noua maria, nouas terras, noua atque incognita sy-
 dera scrutari. Primùm litus Atlantici maris deie-
 ctis inde Agarenis occuparunt. Euecti longiùs vl-
 tra viam solis, penetrarunt ad orbem nobis aduer-
 sum, per mensi mare notionale sub Aethiopia: hinc
 ad mare rubrum, adque fauces Persici sinus munie-
 runt sibi arces. Transgressique supra ostium In-
 di fluminis, in feracissima & beatissima Indiæ to-
 tius ora, ius sibi & ditionem quesierunt. Ostende-
 runt nobis vias cæli ac pelagi nunquàm antea ne-
 fando quidem auditas: populos, nationesque vt ri-
 tu, ac barbarie admirabiles, ita etiã iis opibus, quas
 tantopere affectus nostri suspiciunt. Planè generi
 humano suus est orbis patefactus: vt veterum pere-
 grinationes quas fama in cælum euehit, nemo sit
 adeò ignarus rerum, qui cum his censeat comparan-
 das, siue magnitudine viarum, siue difficultate itine-
 rum, siue prolatione rerum inauditarum, quæ tam
 vehementer facie, cõsuetudine, more à nostris ab-
 horrerent. Sed hæc omnia longè antetellit propa-
 gata longè & latè pietas nostra tanta cum gloria
 Christiani nominis, tanta cum vtilitate eorũ, quos
 subegistis, vt meliore sint illi conditione, quia victi
 à nobis: quàm vos, quia illos vicistis. Nam vobis
 quid aliud his victoriis partum est, quàm vt in que-
 rendo, ita in conseruando studium, & labor, & dif-
 ficultas negotii? Grande propositum est Christia-
 nis principibus exemplar quod æmulentur, hæc de-
 mum esse induenda arma, huiusmodi quærendas vi-
 ctorias in quibus victores sibi vincant & Deo, victi
 perpetuò se esse superatos latentur: quãdoquidem

E P I S T O L A.

ex victoria sui tam ampla ad eos ipsos emolumenta reuertuntur: & in illa Asia vel Africa nō de agello quopiam vel ciuitatula ingenti virium apparatu & mole dimicare, sed de latissimis prouinciis & regnis: vt maxima orbis totius pars præmium esset fortunæ belli. Maioribus quidem tuis, qui hæc tanta ex tam paruis initiis fecerunt, gratulandum est, iam amplissimam tot laborū & tam indefessæ virtutis mercedem consecutis: tibi verò prima huiusce cursus spatia ineunti, non tam est gratulandū, quàm cohortandus es, vt quod restat, alacriter decurras, eisdemque vestigiis ad pulcherrima facinora insistas, quibus illi ipsi, quorum intra domesticos parietes habes exemplum. Conseruanda sunt tibi, quæ accepisti, eisdem artibus, quibus illi parauerunt, diligentia, industria, mansuetudine, magnanimitate, magnificentia, constantia, fide: vt quemadmodum nos ad virtutem te progenitorum tuorum excitamus, ita minores tuos posterius ad te imitandum erigant, & exhortentur. Quod futurum speramus de quibusdam tuis actis, quæ iam ista ætate velut experimentum tui edidisti, cū aliarum rerum quæ dignæ sunt viro principe, tum verò sanctæ ac incorruptæ iustitiæ, & cū opus est, seueræ quoque, & inflexibilis: qua perfecisti, vt non iam (quod multis in locis solet fieri) hominibus seruiant leges, & iura: sed vt legibus & æquitati homines obtemperent, ac seruiant, quò sint liberrimi. Hic ipse ingenii tui gustus, ne tu tibi admodum placeas, quasi pignus est ad omnes tuos, quo magna deinceps & pulcherrima opera tanquam debitum à te repetent: mole-

E P I S T O L A.

si appellatores futuri, nisi in tempore, quæ debes,
 repræsentantes. Fauor etiam iste tuus erga literatos, &
 literas, quemadmodum in sapientiam & cultum in-
 genii sis affectus, testatur. Neq; verò nuda est isthæc
 beneuolentia, & sterilis, quemadmodum apud ple-
 rosque principum, qui satis, abundeq; sese rentur
 se cisse, si laudent, aut se bene cupere fateantur. Ad-
 iungis benignitatem, atque adeò pro regiis opibus
 magnificentiam. Testis est Luteria, atque aliæ Aca-
 demix, in quibus tot scholasticorum agmina de tuo
 aluntur. Nimirum faues tui similibus, faues futuris
 tibi magno vsui. Iustissima de causa iactatum est il-
 lud per Hispaniã, nullum esse patrem familiars Emanue-
 le parente tuo prudentiorem: qui neminem in
 familia sua vacare officio voluit, filiosque suos tor-
 pere otio non est passus: omnes, quod principes de-
 cebat, & rei militaria assuesecit, & studiis literarum.
 Tum intelligis quanta sit inter principes & erudi-
 tos homines munerum consensio: vt non sint duo
 hominum genera, quæ amica inter se magis, & con-
 iuncta esse cõueniat: vt alterum ab altero fulciatur,
 & quasi mutuum inter se auxilium præbeant. Sunt
 vtrique ciuitatibus & populis à Deo tributi, vt be-
 ne illis consulant eruditi præceptis, principes edi-
 ctis & iussu, ambo exemplo sui. Eruditio quiete in-
 diget, quam præstat regia potestas: hæc verò consi-
 lio, ad molem tantarum rerum tractandam, quod
 præstant docti prudentia ex disciplinis collecta: vt
 appareat si alterutris alteri desint, exequi eos mu-
 nus suum, ac tueri non posse. Talis tui & eorum,
 quos enutris, erit consociatio officiorum, vt tu il-
 lorum

E P I S T O L A.

lorum peritiam, illi tuam potentiam adiuuent, & sustentent: quod erit liberalitatis tuæ pretium amplissimum. Nam quos audias alios rectiùs, aut quorum vel accuratioribus, vel fidelioribus vteris consiliis, quàm illorum, qui beneficio tuo tales euaserunt, vt adesse tibi maximis de rebus deliberanti meritò possent? Hæc tua summa adeò & singularis in literas, & literatos voluntas adduxit me, vt liberos, quos nuper de disciplinis cōscripseram nuncupare tibi non dubitarem, hoc est, de rebus, quas tibi multò esse gratissimas omnes scimus: vt si placere opus tractatione non possit, inscriptione saltem placeat. Vale Brugis Mense Iulio. Anno M. D. XXXI.

Aa 4

IOANNIS LV-
DOVICI VIVIS
VALENTINI

In libros de Disciplinis,

Præfatio.



OGITANTI mihi nihil esse in
vita vel pulchrius vel præstabilius
cultu ingeniorum, quæ disciplinæ
nominantur, qui nos à ferarum ritu
& more separat, humanitati restituit,
& ad Deum extollit ipsum, visum est de illis, quan-
tum ipse quidem assequeretur, literis mandare: id-
que alia, nisi fallor, ratione, quàm plerique maio-
rum nostrorum fecere: primùm ita apertè ac dilu-
cidè, vt percipi facilè, ac teneri possent, quæ dice-
rem. Tum ad naturam rerum, quoad præstare po-
tui, congruenter: vt libeat ingenio cum delecta-
tione aliqua illas cognoscere, fructus quoque re-
deat ad discentes amplior. Nam vsui accommo-
daui illas, quò ad huiusmodi studia generosa inui-
tarentur ingenia. Nitorem præterea sermonis ad-
didi aliquem, & quòd non expediret res pulcher-
rimas sordidè ac spurcè vestiri, & vt studiosi ele-
gantiorum literarum non perpetuò in vocum, &
sermonis cognitione adhærescerent: quod hacte-
nus ferè accidit, tædio nimirum infrugiferæ ac
horridæ

P R A E F A T I O.

horridæ molestiæ, quæ in percipiendis artibus diutissime erat deuoranda. Itaque venietur paulatim ad vtilitatē doctarum linguarum, quas ideo tanta diligentia paramus, vel quia disciplinas continent, vel quia sunt illis continendis idoneæ. Conatus sum etiam artes ab impiis scrupulis repurgare, atque à gentilitiis tenebris ad lucem traducere pietatis nostræ: vt quod olim veteres illos scriptores fefellit, nō id factum humani ingenii vitio, sicut nonnulli arbitrantur, sed illorum ostendam. Ideoque rationes attuli petitas ex natura, nō è diuinis oraculis: ne ex philosophia in Theologiam transilirem. Quod si quadantenus patefecero, profectò laboris mei fructum capiam vberimum. Nam quid excogitari vtilius potest, quàm homines à tenebris ad eius lucis intuitum transferre, quam intueri adeò refert omnium, vt sine illa perpetuò futuri simus miserrimi? & si qui malignè se illam suspicabantur videre, planius & apertius conspiciant: atque illo modo, quo se clarissimè putent cernere. Nec inter prima studia Gentilitiis erroribus imbuti, mox religionem illis contamine- mus: sed ab exordio statim rectis, sanisque persuasionibus assuescamus, quæ paulatim nobiscum adolescant. Verùm quòd antiquorum hominum in tradendis artibus confirmata esset authoritas, ne illa vel præcipienti mihi officeret, vel studio- si, qui sese libenter ac facilè duci alicui receptæ fidei committunt, declarandum mihi fuit, quibus in rebus lapsos esse illos censerem: sic rectius, com- modiùsque existimaui posse me de artibus differe-

P R A E F A T I O.

re. In quo opere multa fuerunt mihi cōtra priscos
 authores disputanda, non omnes quidem, nam id
 infinitum, atque inutile fuisset, sed receptos solū,
 & diutino consensu approbatos. Hīc meipsum, si
 qua est fides, suscepti huius mei sæpenumero pu-
 duit, & confidentiam ipse meam damno, qui scri-
 ptoribus æuo consecratis audeam repugnare, Ari-
 stoteli in primis, cuius ego in humanis artibus in-
 genium, industriam, diligentiam, iudicium, vnicè
 præter cæteros & admiror, & suspicio. Sed rogo,
 ne quis me idcirco vel ingritudinis, vel temeri-
 tatis damnet. Nam & habendam ego illis maxi-
 mam gratiam semper duxi, qui quod studio & so-
 lertia potuerunt exculpere, non inuiderunt nobis
 suis posteris, & si quo lapsi sunt loco, ignoscen-
 dum humanæ infirmitati in culpa communi. Por-
 rò de scriptis magnorum authorum æstimare mul-
 tò est literis conducibilius, quàm authoritate sola
 acquiescere, & fide semper aliena accipere omnia:
 absint modò iudicandi, & pronuntiandi pestes, li-
 uor, acerbitas, præcipitatio, impudentia, & dicaci-
 tas scurrilis. Neque enim effœta est iam vel exhau-
 sta natura, vt nihil prioribus annis simile pariat,
 eadem est semper sui similis: nec rarò tanquam
 collectis viribus pollentior, ac potentior: qua-
 lem nunc esse credi par est robore adiutam & con-
 firmatam, quòd sensim per tot secula accreuit.
 Quantum enim ad disciplinas percipiendas om-
 nes aditum nobis inuenta superiorum seculorum
 aperiunt, & experientia tam diuturna? vt appareat
 posse nos, si modò applicaremus eodem animum,
 melius

P R A E F A T I O.

melius in vniuersum pronuntiare de rebus vitæ ac naturæ , quàm Aristotelem , Platonem , aut quenquam antiquorum: videlicet post tam longam maximarum & abditarum rerum obseruationem , quæ nouæ illis ac recentes admirationem magis pariebant sui , quàm cognitionem adferebant. Quid Aristoteles ipse? An non superiorum omnium placita conuellere est ausus? Nobis examinare saltem , ac censere nefas erit? præsertim quòd, vt Seneca sapienter dicit , qui ante nos ista mouerunt , non domini nostri , sed duces sunt. Patet omnibus veritas , nondum est occupata. Multum ex illa etiam futuris relictum est. Neque verò ipse æquari me antiquis illis postulo , sed rationes eorum comparari cum meis : vt tantum mihi habeatur fidei , quantum ratio mea euicerit , vbiparia fuerint argumentorum momenta , impudentiæ foret recusare , quominus prisca illi mihi & cuius recentiorum scriptorum anteponantur , id est , tam longo experimento comprobati nouis & incognitis adhuc. Equidem vt de me vno loquar , nolim quenquam se mihi addicere : nec author vnquam sectæ , nec suasor ero , etiam si in mea verba iurandum sit. Siquid vobis ô amici rectè videbor admonere , tuemini illud , quia verum , non quia meum: id & vobis & in commune studiis omnibus conducet. Nam pro me digladiari nec proderit mihi , & oberit vobis ob dissensiones & partes : veritatis sectatores vbicūque eā esse putabitis , ab illa state me verò seu viuente adhuc , seu fato iam defunctum relinquitte meo

PRAEFATIO.

te meo iudici, cui vni conscientia mea satis factura est. Nec dubito, quin ipse sim in his quæ attuli, sæpenumero falsus, videlicet qui lapsos esse illos contendo, cum quibus ego nec ingenio, nec studio, neque usu, & cognitione rerum, vlla ex parte sum comparandus. Sed quemadmodum Aristoteles pro inuentis a se reposcebat gratiam, veniam verò pro omisissis: ita ego voluntatem meam oro, consulatis boni, erratis autem in nouo duntaxat inuento faciles, benignique ingnoscatis. Nulla ars simul & inuenta est, & absoluta. Si quis hæc mea & expolire dignabitur rudia, & explere defecta, fortasse efficietur id, quod cum fructu aliquo iuuet cognosci.

PRAEFATIONIS

FINIS.

INDEX RE-

RVM QVAE IN HI-

SCE XX. IOANNIS

Ludouici Viuis li-

bris continentur,

locupletif-

simus.



A		Acta conciliorum	158
Ba ^{ct} ione	516	Actio	436. & 492
& 572.		Actio ingenii	255
Ab effectis	517	Actio naturalis	477
Abenrois	167	Actius Sannazarius	307
Ab eo in quo		Actus	411
est	578	Adagia Erasmi	301
Ab inhaerentibus	516. & 567	Addiffiniendum quid prin-	
Abrahamus quomodo ad in-		cipio sumendum	513
uestigationem Dei perue-		Addita	518
nit	227	Ad aequitatis cognitionem	
Absoluta	525	& interpretationem qui-	
Abstractio mathematica.	178	bus opus	208
Absurda dogmata originem		A' diffinitione	570
ab Homero traxerunt	13	Administrationi Reipublice	
Academia in quavis prouin-		quibus opus	367
cia statuenda	243	Admonitioni feroces se pre-	
Academia quid	248	bent superbi	16
Academia sensibus fidem ma-		Adolescere	479
le abrogauit	566	Ad probabilitatis inuestiga-	
A' causis	516	tionem quos enarrabit do-	
Accidentalialia	413	ctor	318
Accidentia	409	Ad quaesita per quid, acci-	
Accurtius	12. & 206	dentis responsum adiun-	
Acron	308	gimus	102
		Ad que	

INDEX.

Ad quæ utilis disciplina primæ philosophiæ	402	Alienum	482
Ad quale substantiam reddunt	103	Alii aliis credunt omnia	37
Ad rem	581	Alii aliorum inuenta obscurarunt	24
Ad res rusticas qui legēdi	313	Alimenta	215. & 479
Adriani pontificis mos	386	Aliud vel diuersum	507
Aduersæ	124	Altercationes in iure	211.
Ad viuum omnia refecant	127	& 373	
Adulteria impunita ubi	198	Ambiguus sententiis quare vsus Aristoteles	22
Aedificia	216	Ambiguum	526
Aegesippus	257	Ambitio	17
Aegnatus	308	Ambrosius	304
Aelianus	355	Ambrosius de officiis	240.
Aelius Donatus	307	& 365	
Aelius Spartianus	357	Ammianus Marcellinus	357
Aequitas	158	Amor	516
Aequiualentia	542	Amor nos Deo deuincit	492
Aequiuoca	526	Ampliationes & restrictiones	123
Aër	428. & 458	Amygdalus	517
Aesopi fabulæ	297	Analogia	427. 512. & 526
Aeternitas	452	Analogum	526
Affecta valetudo	340	Andreas Alciatus	305
Affectus	10. & 512	Angeli	416. & 512
Affirmatio	530	Angina	517
A' fine	576	Animæ quinque functiones	600
A' genere	515. & 569	Animi	416
Agens	437	Animus	512
Agentia naturalia non directè corrumpunt	484	Anni varii	86
Agere ex præstantia	498	An pars hominis homo	462
Agython de Tartaris	358	An quatuor elementa sint in vnoquoque misto	430
Alabadenſis Apollonius	10	Ante rem	519. & 586
Albertus Crantus	358	ἀντίτρον	ibidem
Albertus Grotus	338	Anticipationes	172. & 564
Alexander Seuerus in rebus dubiis historiæ gnaros consulebat	350	Antigerio	512
Algorismus	332	Antinomix	206
		ἀντινομία	429. & 499
		Antiq	

antiquissimi artis rhetoricę	Argumentum ab equivo-	
præceptores	132	co 593
antisthephon	548	Argumentum ab amphibo-
antoninus Florentiæ archi-	logia	ibidem
episcopus	360	Argumentum idem ex variis
partibus	515	locis depromi potest 594
passione	516	Aristotelem gentiles pro im-
pollinaris	307	pio habent. 186
pollini tributum, Nosce	In Aristotele sunt multa do-	
te	183	gmata parum solida 32
appellatio	539	Aristoteles arte maximus 51
appianus Alexandrinus	356	Aristoteles aliter mundum
A' priuatione in habitum re-	fieri non posse putat 421	
gressus	475	Aristoteles contraria inter-
A' propinquis pueri inge-	dum sentit 26. & 159	
nium explorandum	253	Aristoteles de mundo 312
A' proprio	569	Aristoteles in alienas linguas
Apuleius	304	quomodo transfusus 22.
A' quibus authoribus absti-	& 56. & 193	
nendum	286	Aristoteles in moralibus 186
A' quibus, & quemadmo-	Aristoteles medicinæ ope-	
dum discamus	225	ram cur dedit 225
A' quibus non discendum	Aristoteles omnes carpsit 25	
Arabes	167	Aristoteles quomodo stude-
Arabica interpretatio com-	re consuevit 45	
mentatoris qualis	167	Aristoteles solus in schola
Aratus	306. & 307	161
Archimedes Siculus	181	Aristoteles vaser in definien-
Archimedis opera	335	do 165
Arcus tensio	485	Aristotelis de vtilitate diale-
A' rei appellatione	592	cticę sententia 94
Argumenta iurisperito-	Aristotelis enarratores 106	
rum	210	Aristotelis libri ad quę hæ-
Argumentatio	109. & 543	reditate peruenerunt 23
Argumentationis tractatio	De Aristotelis libris 97. & 110	
603.	Aristotelis nasus cereus 57	
Argumentorum inueniendo	Aristotelis obscuritas 21. & 56	
rum tractationem rhetor-	Aristotelis volumina cur in-	
es occupauerunt	111	telligi non potuerunt 166.
Argumentum	109. & 566	& 193

I N D E X.

Arithmetica	332.233.& 235	Athenarus	301.& 395
Arma	217	Athenis vetiti oratores affe-	
Arrianus	355	ctus mouere.	145
Ars	1.211.223.& 434	ἀρομον	504
Ars grammatica	290	A toto.	515
Ars naturæ æmulatio	435	Attributa	519.& 583
Ars tradenda æqui & bo-		Auaritia	17
ni.	369	Auditiua	178.& 333
Artes ad vsum, non inanem		Augustini Retractiones	
delectatiunculam referen-		16.& 388	
dæ	237	Augustinus	304
Artes in alienissimis locis ha-		Aures variæ	144
bitare censentur	13	Aurium iudicium seculis mu-	
Artes maleficii reliquas affla-		tatum	ibidem
tu suo vitiarunt	11	Ausonius	306
Artes quomodo distingun-		Authores causarum natura-	
tur	225	lium	337
Artibus liberalibus quot o-		Authores de philosophia mo-	
lim impendebantur an-		rum	363
ni	48	Authores historiæ	353
Artis finis	223	Authores imperitè enarra-	
Artium aut cognitionis no-		ti,& intellecti	53
men falsæ imposturæ non		Authores linguæ Græcæ	318
merentur	222	Authores mathematicarum	
Artium differentiar	223	333	
Artium diuisio	4.& 232	Authores medicinæ	341
Ascensus	547	Authores misti	301
Asconius Pedianus.	308	Authores Oeconomicae	366
Aspectus naturæ	234	Authoritas quomodo cen-	
Assensuum differentiar	564	setur	587
Assentatio doctorum	378	Authoritas quomodo eleua-	
Astra alii obseruât, alii con-		tur	589
temnunt	177	Authoritas sacrarum litera-	
Astra an multum virium in		rum	264
hæc corpora habeant	177.	Authorum differentiar	286
& 180		Authorum nomina.	290
Astrologia	180	B	
Astronomia	333	B Albi	279
Athenæ præseruida ciuitas		Balsamum	517
133		Baptista Mantuanus	294
		Barb	

Barbara	551	nō magis esse loqui, quā	
Barbaries multiplex.	78	tacere	139
Barboco	553	Cælii antiquæ lectiones	301
Baroco	554	<i>Karpis</i>	454
Cæsius de ethnicis poëtis le-		Cæsar quotidiano sermoni	
gendis	306	utilissimus	293. & 306
Catalarii	59	Calculationes	171
Beatitudinis tria genera Ari-		Calepinus ex quibus dictio-	
stoteles facit	187	narium suum congelsit	
Beatitudo	186	227	
Beatus Rhenanus de rebus		Calor	428
Germanicis	358	Calor omnia vivificat	484
Beda presbyter de Anglis		Camestres	554
ibidem		Campanus	305
Bellum quo argumento qui-		Capitolinus	357
dam iustum esse dicunt	36	Caput in altercatione omni	
Bembus	305	quod sit	610
Benevolentia	197	Carminum lex à Catullo la-	
Berosus Babylonius	354	ta	81
Bibliothecarum clades	19	Carolus Bouillus de perspe-	
Bionis Philosophi dictum	15	ctiva	334
Blæsi	279	Castigatio	283
Blondus	357	Casus	435
Rocardo	554	Casus in artem interdū ver-	
Boëthus	304. & 333	titur	ibidem
Bombarda	517	Casus in iure	212
Bona omnia	489	Casus in quibus sit	517
Bonitas	492	<i>Karaisles</i>	564
Bonorum tria genera Ari-		Categoriæ	97
stoteles facit	187	Categoricæ enuntiationes	
Bonum quid sit cuique	489	528	
Bucolica Virgilii	294	<i>Karuyopu</i>	529
Budæi annotationes & absis		Cato antiquarius	296
301		Cato oratorem quomodo	
Budæus	305	diffiniuit	136
C		Catullus	306
Cæca est arrogantia	12	Caula condendi mundi	415
Cæcilius Plinius an au-		Causæ	437. & 573
diendus qui ait, Oratoris		Causæ voluntatis Dei	396

Causalis	<u>541</u>	Cognitio quæ	<u>222</u>
Causarum cognitio	<u>449</u>	Cognitio rerum naturæ	<u>311</u>
Causarum differentia	<u>575</u>	Coitus	<u>512</u>
Causarum diuisio	<u>443</u>	Collata	<u>524</u>
Causa sine qua non	<u>576</u>	Collatio studiorum	<u>282</u>
Κακοφωνία quæ dicatur	<u>592</u>	Collectiones septemdecim in tres ordines distribuuntur	
Celarent	<u>552</u>		<u>554</u>
Cenotaphium	<u>211</u>	Collectiæ enūtiationes	<u>531</u>
Censorinus de die natali	<u>338</u>	Columella	<u>296</u>
Censorinus de musica	<u>334</u>	Comici	<u>294</u>
Cesare	<u>554</u>	Commendatio eruditionis	
Chrysippus	<u>258</u>		<u>284</u>
Ciceroniani	<u>62. & 151</u>	Commentarii Græcæ linguæ	
Ciceronis imitatio	<u>325</u>	Budæi	<u>300</u>
Ciceronis stylum quomodo imitantur	<u>153</u>	Commentator	<u>167</u>
Cicero quæ in dialecticam coniecit	<u>95</u>	Commoditas	<u>218</u>
Cicero cur paucissimos versus in oratione citat	<u>144</u>	Communicatio sui	<u>492</u>
Circumstantiæ	<u>212</u>	Comparata	<u>583</u>
Cirandi benignè per quos profecimus	<u>387</u>	Comparatio	<u>547. & 606</u>
Citatio legum	<u>210</u>	Composita enuntiatio	<u>530.</u>
Claudianus	<u>307</u>		<u>& 532.</u>
Cleanthes Stoicus	<u>7</u>	Composita vox	<u>526</u>
Coaceruatio	<u>548</u>	Cognatus	<u>468. & 475</u>
Codices mendosi	<u>34</u>	Concio	<u>517</u>
Codices puriores ac integriores	<u>35. & 93. & 180</u>	Concio eloquentiæ nutritrix	
Cæli Aristotelis seculo quot	<u>470</u>		<u>145</u>
Cæna in honoris gradu non facienda	<u>246</u>	Concionatores huius temporis	<u>147</u>
Cogitatio cuiusdam Gotthorum regis de Roma instauranda, alióq; nomine appellanda	<u>19</u>	Concordia doctorum	<u>384</u>
Cognitio	<u>493</u>	Concretum	<u>525</u>
		Concurrentes	<u>247</u>
		Conditionalis	<u>541</u>
		Conditiones bonæ legis	<u>369</u>
		Conficta	<u>404</u>
		Confusio artium	<u>51</u>
		Confusiones nominum in poetis	<u>86</u>
		Congregationes multipli.	<u>131</u>
		Coniug	

I N D E X.

coniugata	570	D	
consequutiones quales faciunt	118	Dæmon	494
consignificatiua	521	Dæmones	416
contemnendo parua, a millia sunt magna	49	Damnandi ne sint scriptores	
contigua	461	quod aliquoties lapsi fuerunt	26
continua	461	Damnantes quæ non recordantur se legisse	66
contra arrogantiam doctorum	375	Darapri	552
contradicentes, hoc verum in lumine naturæ, illud in lumine fidei	164	Dares Prygius & Dictis Cretenfis	354
contradictio	533	Darii	551
contra naturam	438	Datili	552
contra negantes de verbis se esse sollicitos	20. & 49	De academia	370
Contraria	473	De arte	290
Contrarietas	533	De causis naturæ	338
Contra veritatem non dicendum, nec pro materia infami	322	Decem rerum genera	97
Conuiuium	592	De censendo	385
Cornelius Nepos	356	Declamatio	373
Cornelius Tacitus	296	Declamationes Quintilianianæ alienæ ab ipsius præceptis	146
& 326. & 357		Declaratio quid	511
Cornucopiæ Perotti	297	De calis qui enarrabuntur	312
Correctio	282	De compositis enuntiationibus	540
Correctio declamationis	323	Decori sæpe obliuiscuntur poætæ	84
Corruptum	482	Dedocendo	383
Crocodilina	562. & 563	De exercentibus medicinam	344
Crocodilus	562	Defatigatio	476
Cudbertus. Tonstalus de arithmetica	334	De forma & forma acceptio- nis terminorum	118
Cupiditas veri inueniendi	6	Degeneratio.	482. & 493
Curiosa delectatio scrutandi	228	De gloria	379
Cyprianus	304	De imitatione	324
		De indiuisibilibus	451

I N E E X

De ingenio	<u>265</u>	Deus neurospastes	<u>420</u>
De infantia	<u>603</u>	Dexteritas	<u>26.&51.</u>
De laudando	<u>388</u>	Diaeta	<u>235</u>
Delectatio in habitu	<u>419</u>	Diæticus	<u>ibidem</u>
De libris	<u>235</u>	Dialecti	<u>269</u>
De loco Academiæ	<u>242</u>	Dialectica	<u>93.&309</u>
Delphinus	<u>516</u>	Dialectica Laurentii Val-	
Demonstratio	<u>100</u>	le.	<u>130</u>
Demosthenes	<u>301</u>	Dialectica metaphysica pro-	
<i>Δίον</i>	<u>109</u>	pago	<u>96</u>
De poetis	<u>287</u>	Dicendi genus Aristotelis.	
Deprehensa	<u>404</u>	<u>22.</u>	
De prima philosophia	<u>314</u>	Dicendi ratio non spernen-	
De ratione linguarum	<u>321</u>	da	<u>319</u>
De rebus spiritalibus	<u>336</u>	Dictionary	<u>291</u>
De reflexis & insolubilibus		dictum	<u>529</u>
<u>562.</u>		Differentia.	<u>103.&505</u>
De republica qui olim scri-		Differentiæ	<u>67</u>
pserunt	<u>367.368.</u>	Differentiam & propriū non	
Descensus	<u>547</u>	accipere magis & minus.	
De scribendis operibus	<u>389</u>	<u>105</u>	
Descriptio naturæ	<u>312</u>	Diffinire quanti sit viri	<u>520</u>
De singulis literis singulos li-		Diffinitio	<u>508.&511</u>
bros qui scripserint	<u>69</u>	Diffinitiones mistæ	<u>519</u>
De spiritibus seu mentibus		Dilemma	<u>548.&608</u>
<u>413</u>		Diligentia grammaticorum.	
De transferendo	<u>280.&298.</u>	<u>65.</u>	
De versu in soluta oratio-		Diminutum	<u>461</u>
ne	<u>141</u>	Diodorus Siculus	<u>87.&354</u>
De vita & moribus eruditi.		Diogenes Laërtius de philo-	
<u>374.</u>		sophorum vitis	<u>337.355.</u>
Deum esse	<u>395</u>	& <u>357.</u>	
Deus	<u>396</u>	Dion Cassius Cocceius	<u>357</u>
Deus an agat necessariò	<u>471</u>	Dionysius Halicarnassæus	
Deus an operatur infinitè		<u>356</u>	
<u>970.</u>		Dioscorides	<u>313.&402</u>
Deus corpus non habet.	<u>413</u>	Directè concludere.	<u>550</u>
Deus immobilis	<u>464</u>	Disamis	<u>553</u>
Deus infinitus	<u>468</u>	Discendi ratio	<u>229</u>
		Discen	

scientes	246	ctum	62
disciplinæ omnes cōnexio-		Doctores quidam prædam	
nem habent inter se	51	suam spectant, non disci-	
serti	279	puli institutionem	251
siunctiua	504	Docto viro cogitandum fre-	
sputantes de miraculis &		quenter de migratione ex	
is quæ naturā omnem ex-		hoc æuo	380
cedunt	171	Doctus vir ad capeffendam	
sputare discendi finem esse		republicam non se in-	
populus putat	39	geret	377
sputatio exterior	610	Dogma de consequenti	561
sputatio quid	610	Domian foris docendi pue-	
sputationes	38. & 281.	ri	248
& 342. & 316. & 38c.		Donatus Acciolus de Caro-	
sputationes de vitiis	365	lo magno	358
sputationes in Gramma-		Dotes medici	340
ica	77	Draco Atheniensis	198
sputatiōes in medicina	342	Druydæ Galliæ sacerdotes	3
sputationes in morali.	195	Duces decepti	25
sputationes publicæ raræ		Duces scientiarum	18
erunt	245	Ducum & præceptorum mul-	
stinguere inter verba quæ		titudo	28
urbana, quæ rustica recen-		Duo necessaria ad actionē	
tiores nondū potuerūt	73	487.	
stributio rerum in locos		Duo vitia ab eruditione re-	
314		pellenda	244
uersa	585	Dux vitæ mens	394
uersæ	524	Δύναμις	440
uina	438	E	
uina in scholis pueris pro-		Editio	391
ponuntur	113	Editionis correctio' ibid.	
uinatio	180	Effecta	576
uini vates vnde poëtæ no-		Effectio	411
minantur	81	Effectio est substantia	411
uisa enuntiatio	530	Effectiones cælestes	432
uisio	508	Effectiones igneæ	ibidem
uisio moralis philo.	362	Effectus actionum	478
uisio rerum	403	Eginhardus de Car. ma.	358
ocere habitum est abie-		Electio professorum	247

I N D E X.

Elenchi	105	3.&355.	
In Elenchis multæ captio-		Esse	405
nes in Latinū versæ gratiā		Esse non recipit magis aut	
perdiderunt	109	minus	418
Elocutio	140	Essentia	493
Eloqui	156	Esualis	335.&339
Emendatio	390	ἐπιτομὴν	460
Enarratio authorum	274	ἐπιτομὴν	ibid
ἐνδεχόμενον	99	Ethica	183.&235
Energia	287.&411	Ethicorum volumina Arist.	
Enthymema	546.&560		363
Enumeratio	605	Etyma quomodo Cicero vo-	
Enuntiationes	518	cauit	592
Enuntiatio singularis	531	Etymologia	512
Enuntiatio vera	535	Euangelium Christi	356
Eus	405	Euclides	334
ἐνστάσις	603	Euentus	229.577
ἐπαγγελία	530.&547	Euripides	307
Epicherema	546	Eulebi ⁹ Cæsariēsis	358.&359
Epicuri placita pietatem læ-		Eutropius	357
dunt	228	Ex adhærentibus	515
Epistolæ Ciceronis ad Atti-		Excellentiæ in Deo	492
cum	293.&523	Excellentia speciei	494
Epitheta in Homero	292	Excogitata	414
Epulæ	173	Exegerice	73
Eques	519	Exemplar	441
Eralmus	297.&305.&	Exemplū	547.&583.&604
307.&325.		Exemplum diffinitionis in-	
Eralmus de Ciceronianis	151	quirendæ ex Rodol.	513
Errata medi. impune sunt	175	Exercitatio	319.483
Error hominis in se cogno-		Exercitatio ad vites confert	
scendo	499		485
Erubescunt iureconfulti sine		Exercitatio artis	224
lege loqui	210	Exercitatio legum	373
Eruditio	516	Exercitationes corporis	317
Eruditio propter quæstū	47	Exercitia artis medicæ trifa-	
Eruditio quot reb ⁹ cōstet	376	ria	342
ἐρωτημα	565	ἔξις	439.&475
Ἐλδρας Iudææ gentis scriba		Exitus disciplina	226
			Ex

Ex linguarū cognitione ma- lum non exiguum artibus natum	20	Flavius Vopiscus	ibidem
Experientia	221	Flosculi ex autho. selecti.	49
Experimenta	173.347.349	Forma	406.411
Exponibilia	123	Fortitudo	189
Ex primo gustu quidā iud.	37	Franc. Patri. de repub.	368
Extra naturam	438	Franciscus Petrar. 304. & 307	
F		Franciscus Philel.	ibid.
Facies	406	Franciscus Picus	305
Facilia ac dilucida inuol- nunt	14	Franciscus Syluius	308
Falsæ Aristotelis opiniones nō ad lucem nature sunt sumptæ	164	Frigus	419
Fapello 553. Fapismo 552		Furari habetur alibi festiūm	128.
Faustus Victor	353		
Felapton	553	G	
Felicitas Aristotelica contra- ria pietati nostræ	188	Aguinus de rebus Fran- corum	358
Fenestella de magistratibus & sacerdotiis Ro. vrbis	355	Galenus	51. & 305
Ferio 552 Ferisco 553		Gellius	301. & 304
Ferison	553	Generatio	493
Ferrum in comœdia non po- test nominari	84	Generationes & corruptio- nes vnde	426
Festino	554	Genesis	354
Festiūm Philippi Alexandri patris dictum	174	Gennadius	357
Fides 511. Fines	225	Gentilium opera lecta qui- bus nihil nocuerūt, & qui- bus nocuerunt	218
Fines Dei ad nos referūt	446	Genus	103. & 503
Finis	444. 483	Geometria	233. 335. 332
Finis à cupiditate nascit	444	Geometria habet tria princi- piorum genera	179
Finis bonorum	219	Georgii Vallæ mathema.	335
Finis hominis	226. 595	Georgius Trapezuntius	305
Finis studiorum	377	Gloria	191
Finitio	511	Gloriæ cupiditas medicinæ se admiscuit	175
Fiscus principis	201	Gloriæ cupiditate ad superua- canea eruēda acti sunt	160
Flavius Blondus	357	Glossas fieri in iure Iustinia- nas vetuit	203
		Gradatio	547. 557. & 607

I N D E X.

Gradus honorum	59	H	Abitus	439
Græca historia fabulofissi- ma	354	Hadrianus	Cardinalis	
Græca lingua	268			295
Græci Aristotelis interpre- tes.	310	Hæresis an in vocum an in rerum studio sit.		25
Græci cur mendaces in histo- ria	87	Hæresis crimen		30
Græcitatis studium	297	Hebræa lingua		269
Græcitatis studium Quinti- lianus iubet Latinis literis præponi	271	Hermolaus		305. & 308
Græcorum ingenia qui mor- bus vitiauit	11	Herodianus histo.		300.
Grammatica	64. & 235	& 357		
Grammaticæ dignitas.	70	Herodotus		87. & 355
Grammaticam cur quidam contemnunt	69	Hesiodi genealogia		307
Grammatici nomen prisca complures affectarunt	21	Hesychius		301
Grammatici officium	65	Hic immensitatis		458
Grammaticorū crisis amif- sa	34	Hieronymi locus enarratus absurdè		55
Grammaticorum varia eru- ditio	71	Hieronymus		304
Grammaticos vocari se pro- bro ducunt	73	Hieronymus de scriptoribus ecclesiasticis		358
Grammaticus quid profitea- tur	64	Hieronymus quibusdā Græ- cè scripsit, eum Erasmus in Latinum transtulit		37
Γραμματικὴ	64	Hieronymus Vidas		307
Γραμματικὴ	ibidem	Hispanorum prouerbiū		260
Grande nefas rati recentio- res à maiorum placitis de- flectere	28	Historia		85. & 349
Græpalus de domo	297	Historia imago veritatis		89
Græques authores è scholis iecti	42. & 160	Historia magistra vitæ		88
Gregorius	306	Historia naturæ		235
		Historia omnibus artibus vri- lis		351
		Historia tripartita		358
		Historiæ delectatio		349
		Hodie		452
		Homeri virtutes		298
		Homeri vitia		299
		Homerus ex Platonis repub. cur pulsus		287
		Homerus quomodo opus suum		

I N D E X.

suum edidit	300	Imprudentes quidam ad men-	
ominibus quàm Deo cre-		datia prolabuntur	87
dere malumus	184	<u>In</u> alio esse	454
omo	516	<u>In</u> alio quæ sunt vel fuerūt ar-	
omo per loca argumento-		gumentū de eo adferūt	581
rum	594	<u>In</u> assignādo subiecto & præ-	
omo princeps sublunariū		dicato quid spectandū	108
397		Inchoata	432
omo rerum indigus in hāc		Indagata	404
lucem prodit	1	Indefinita enuntiatio	108
onor adeptus artibus	61	<u>Indicatiui</u> nomina.	528
onor alit artes	7	<u>Individuum</u>	504
onor magis est in honorā-		Inductio	547. & 606
tibus quàm in honorato		Ineptos mercaturæ aut ciui-	
194. & 455		tatis muniis ad scholas mit-	
onores artium ineuntibus		tunt	261
pecunia imposita	60	<u>In</u> finibus nō tenditur in in-	
oratus	306	finitum	448
orribilis sophista	127	<u>In</u> finitæ enuntiationes	532
umanum iudicium	395	<u>In</u> finitum	451
ypotheticæ enuntiationes		Ingenia præclara & solida ab	
119		schola cur refugerunt	57
I		Ingeniū fiscella eruditio.	10
Acobus Faber	310. & 333	<u>Ingenium</u> quibus instrumen-	
Idem	507	tis inuenit artes	7
gnē habent quæ aluntur	432	<u>Ingenium</u> sequetur cōgruen-	
gni quis locus assignetur		tia	325
428		Inhærens	506
gnorare aliquid nefas non		Inhærentium interitus	487
ducet Grāmat.	273. & 303	<u>Inhærentium</u> motus	473
nitantur, nec sciunt quid sit		<u>Inhærentium</u> ortus	486
imitari	149. & 150	<u>In</u> historia qui legendi	296
mmensitas	458	<u>In</u> historię cognitione circa	
mmodici in his quæ nun-		friuola non cōuenit disti-	
quàm contingunt	171	neri	352
mmortalitas	493	<u>In</u> infinitum in causis rectā	
mperitia cum arrogantia &		non disceditur	444
impudentia	56	<u>In</u> Latinis verbis qui duces	
mpossibile	440	sequendi	296

I N D E X.

In patria meliore sunt omnia conditione	253	Iodocus Clichtoueus	334
In. pro potentia	455	Iordanes Castilio de rebus Gotthicis	358
Inquisita	404	Iosephus	355. & 356
In sacris literis & Aristotele cur plurima detorta	55	Iotacismus	279
Insolubilia	125	Iouinianus Pontanus	297.
Instantia	124	305. & 307.	
Instrumentum veri quærendi	7	Iracundus	516
Instrumentum	441. 467. & 576.	Ira fortitudinem accendi	190.
Integrum	461	Ironia pro dissensione est	565
Intelligentia	493	Isidorus Hispalensis	302
Interiora per externas actiones aut passionis se proferrunt	434	Isocrates	301. & 327
Interpretatio	512	Isocrates numeros cur in orationem inuexit	145
Interpretes	307	ἰχθυοφίται	279
Interpretes legis	372	ἰχθυόεντες	ibid.
Inuenire an sit rhetoris	118	Iucunditas orationis detinet lectorem	91
Inuentio medii	552	Iudicia	216. & 601
Inuentio probabilitatis	235	Iudiciali genere nihil indigemus	322
Inventores	11. 221	Iudicium	232. 347. & 349.
In verbo quæ	530	Iulius Frontinus	357
Inuidia magistrorum	15	Iulius Higinius	313
Ioânes Boccatus	296. & 304	Iulius Obsequens de prodigiis	356
Ioannes Câtuariensis de perspectiua	334	Iulius Pollux	301
Ioannes Chrysostomus	306	Iureconsulti Pannoniæ	213.
Ioannes Dullardus	72	Iurisconsulti veteres	204
Ioannes Hantuillensis	307	Iurisperitissimi & imprudentissimi simul multi	209
Ioannes Picus	305	Iurisprudentia	ibid.
Ioannes Pierius	308	Ius ciuile	515
Ioannes Ruellius de arte veterinaria	341	Iustinus	304. & 355
Ioannes Sacribusti	312	Iustitia	131. & 196
Ioannes Stofflerinus	334	Iuuenalis	306
Ioannes Tritemius	359	Iuuenus.	307

INDEX

L		Leonardus Brunus	304.&357
Abdacismus	279	<u>Lex</u>	570
Labor	475	<u>Lex</u> contradictoriarum	542
cedemonii seruos ebrios		<u>Lex</u> contrariarum	542
ur liberis suis offere-		Libanius	305
ant	364	<u>Liberales</u> artes quę & quot	4
stantius	304	<u>Libri</u> legum ἀρχιτυποι	208
am Catastrophen Comi		& 373	
i amoribus addunt	83	<u>Libri</u> Machabeorum	356
inpridius	357	<u>Libri</u> suppositi	34
ndinus	308	<u>Licentiati</u>	59
υγγίλει	279	<u>Licentiati</u> iuris	60
inæ linguæ authores	290	Linea	178.450.&465
ini dialectici per omnia		Lingua doctorum	268
Aristotelis vestigiis insti-		Lingua Latina	167
erunt	160	Linguarum casus & obscu-	
ini non tantam habent		ratio medicinæ cladem at-	
articipiorū copiam quā-		tulit	175
am Græci	117	Linguarū ignoratio	19.&296
urentius Valla	66.295.	<u>Linguas</u> contemnentium a-	
& 304		nimos quid vrat	76
ctio authorum	293	<u>Linguas</u> vocant hæreseos se-	
ctores	45.&361	minarium	73
genda aurea	91	<u>Literæ</u>	3
ges	198.217.&363	<u>Literæ</u> sermonis vicem obti-	
ges dici faciles ægerrimē		nent	233
erunt iurisconsulti	204	Literati	70
ges diffinitionis	519	Literator	64
ges diuisionis	509	<u>Literatura</u>	Ididem
ges in quo repertæ	101	Liuius	2.6.326.&355
ges Pauçæ & faciles	204	<u>Loca</u> & tēpora	253
ges Romanæ	203	<u>Loca</u> attributa	456
ges sancientium quæ pri-		Locus	455.&579
ma cura erit	202	Locus ab essentia	569
gum indices vel elenchi		Locus spiritalium	457
o Albertus de architecto-		Logica noua	112
nica	335	Logica vetus	Ibidem
onardus Aretinus	359	λογικὸν ἥσασιν, cur vocatus ho-	
		mo	259

INDEX.

Λόγος	Ibidem	Martianus annotauit Cice-
Longolius	153. & 154	ronem in deligendis pedi-
Lucanus	295. & 356	bus non satis consentire
Lucianus	301	<u>144</u>
L. Florus de Romana hi-		Martianus quomodo diffe-
storia	<u>356</u>	rentiam finiat 104
L. Lucullus ingens impera-		Marullus <u>307</u>
tor ex rebus legendis fa-		Materia <u>213. 410. & 421</u>
ctus	<u>350</u>	Materia argumentorū quo-
Ludus in quaque ciuitate cō-		modo tractatur <u>602</u>
stituendus	<u>254</u>	Materia celorum <u>407</u>
Lumen naturale	161	Materia copiosa disputandi
Lusus	<u>285</u>	in medicinam inuecta
Lutherus	<u>74. & 75</u>	176
Lycurgus de adulteris nihil		Materia & actio 257
cauit	<u>212</u>	Materia ingenii Ibidem
M		Materia non perit <u>424</u>
Macrobius	301	Materia rhetorices <u>135</u>
Magis & minus	<u>419</u>	Materiae artium differētes <u>224</u>
Magister	<u>243. & 246</u>	Materiae paratio <u>478</u>
Magistri affectus	<u>263</u>	Materies <u>407</u>
Magistri nonnulli in fami-		Mathematica <u>178</u>
liam se dant locupletum		Mathematicarum artium stu-
61		dium <u>330</u>
Magistrorum eruditio	<u>303</u>	Mathematicae disciplinae in-
Magnanimitas	190	tegriores permansere <u>180</u>
Magnificētia	Ibidem	Maximae locis assignatae à
Magno conatu magnas nu-		Boetho 110
gas agere	<u>475</u>	Maximorum authorum ora-
Mala ex disputationibus	<u>40</u>	tiones ex versibus aut ma-
Mancinellus	308	gna illorum parte consti-
Manilii astronomicon	306.	tae <u>142</u>
& <u>313</u>		Media <u>444</u>
Μαυρίκιος	109	Medicina <u>173. 216. 235. & 339</u>
M. Tullius	<u>303</u>	Medicina quaestiuosa <u>174</u>
Margarita philosophica	<u>334</u>	Medici ad aegrum ingressus
Maria Siculus de rebus Ara-		qualis <u>344</u>
gonensibus	<u>358</u>	Medici iuuenes <u>176</u>
Martialis	<u>306</u>	Medicorum liuor <u>177</u>
		Med

Medium in motu	473	Mores ad ingenium.	258
Elanchrithon	305	Morum præcepta in media	
Emoratiua	138	rhethorica	134. & 135
Emoria	3. 138. & 277	Mos Caroli Viruli	335
Emoria duabus constat		Moses	228
partibus	277	Motus	464
Emoria ingenii signum		Motus cæli cur circularis	
259		466	
Emoriæ veteris cognitio-		Multa arte nostra fiunt me-	
nem inutilem esse sibi per-		liora quàm sunt à natura	
suadent quidam	350	producta	470
Emoria patrum & auo-		Multi à receptis cur non pos-	
rum per quos cœptum sit		sunt discedere	30
reuocari in Italia studium		Multi tota vita nihil aliud	
linguarum	148	sunt quàm dialectici	126
Endacium	591	Mundum non fuisse æter-	
ente & manibus reliqua		num	422
animalia anteimus	230	Mundus	592
lentiendi licentia in res sa-		Mundus aliquando condi-	
cras irreplet	90	tus	420. & 469
ἐπιμνήσκω	231	Musica	234. 331. & 333
leta	128	Musica mutata	181
Metaphora	512. & 526	Musica vitiata	Ibidem
n metaphysicam impetus fa-		Musicus	235
ctus	112	Mutatio	507
Metaphysicum ingenium		Mutationes ingeniorum	256
quem dicant habere	166	N	
Meteororum libri quomo-		N Atare discebant pue-	
do tractentur	166	ri	5
Methodice	73	Natura	234. & 419
Michaël Ritiis	359	Natura communis	112
ἡ ἀποδείξις	243	Natura homini quæ dederit	
Mistæ enuntiationes	531	161	
Mistum	482	Natura in rebus pietatis ple-	
Mistum naturale	413	raque nos docet	165
Modi significandi	77	Natura instrumentis indi-	
Mœnia	217	get	425
Moles	406	Naturam aliam confinxerunt	166
Monstra quæstionum	112	Natu	

Natura rerum infinite varia	192	Obligaciones	125. & 316
Naturale	437	Obſcuritas veterum	21
Naturalis magia	228	Obſervatio fabularum	67
Naturaliter q̄ iudicantur	395	Occaſio	454
Nauclerus	354	Oculus ingenio ſimilis	255.
Necceſſarium	440. & 535	& 258	
Necceſſitas	157	Odiū Grammaticæ	70
Negantes	524	Oeconomia	235
Negatio	530	Oeconomica	365.
Negationis uſus	122	Officia	365
Neglectus canonum	68	Omnia ſunt deo natural.	442
Negligentia	45	Omnia ubique ſatis aptè dici	
Negotium	212	quidam arbitrantur	54
Neloquantur celeriter pue- ri	280	<i>quicquid</i> 460 <i>quoyvq̄</i> lbi.	
Nemo reiectus ab honoris gradu qui numerarit	60	Oppianus de piſcibus	313
Nector	297	Opiniones errorum	41
Nicolaus Beraldus	307	Opiter	519
Nihil cauſa ſui piſius	450	Optimum	448
Nobilis ſepulchri inſcri- prio	177	Oracula veterum de ſcho.	383
Nobilitas	319	Oratio homini ſimilis	141
Nominum diſtinctio	506	Orationes	528
Non imitandus vnus	324	Orationis cultum qui affe- ctarint	72
Norma excellentiarum	324	Oratores	132
Noſtra & patrum memoria quę in naturę cognitione ſita	160	Oratoria ars quando pror- ſum ſublata	147
Noua & ſomniata rerum na- tura	53	De oratoria Ciceronis ver- ba	136
Numeris deuincta magis re- cordamur	78	Ordo credibilium	566
Nunc æternitatis	452	Ordo præceptorum	264
		Ordo rerum	426
		Ordo ſtudii	272
		Ordo tradendę medicine	341
		<i>Orayava</i>	287
		Orichalcum	517
		Oris vitia	272
		<i>Op</i>	511
O Bex	603	Otho Phryſingenſis	359
O biecſtio	ibid.	Otiū vitandum	235
O biecſtum	529		

Ouid

I N D E X.

Quidius	306	Perfectio	219
Quidius	409	Perfectiones Dei	490
P		Perfectum	488. & 499
Alaphatus	306	περι ἑρμηνείας	99
Palladius	296	περι γάσσεως 212	Persius 294
Parasitus	513	Perspectiua	175. & 131
Par fides omnibus tribui-		Petrus Crinitus	301. & 357
tur	37	Petrus Crescentias	313
Parthasius	308	Petrus Marlus	308
Parus	459. & 569	Petrus Martyr de nauigatione	
Partes & factiones in omni		nibus Oceani	359
disciplinæ genere	29	Petrus textor.	301
Partes temporis	45	Phantasia	404 & 486
Participium non semper idē		Pharmaca	431
quod verbum reddit	17	Philippus Beroaldus	308
Particulares argumentatio-		Philo Alexandrinus	354
nes	544	Philologi	302
Particularis enuntiatio	531.	Philologia	235. 271. & 302
& 532		Philosophia morum	61
Parua logicalia	122	Philosophi Athenis inuisti.	61
Passio	436. & 572	Philosophi est de æquitate	
Paterculus Velleius	356	tractare	368
Patriam duplicem facit Ci-		Philosophorum imperitia &	
cero	574	superbia	159
Patri cura erit de filii mori-		Philostratus	305. 354. & 357
bis	249	Phurnutus	85
Paci ad honorum gradus		Pietas	220. & 227
admittendi	245	Pietas artium regula	227
Pallinus	307	Pietati nulla ex se materies	
Pallus Aemelius	358	contraria	Ibidem
Pallus Cortellius quam imi-		Pietatis fundamenta statim	
tandi viam ostendat	152	initio tradenda	261
Pallus Orosius	354. & 357	Pindarus	300
Pallus Varnefridus	357	Pius Pontifex de rebus Bohe-	
Super 519 Pausanias	355	micis	358
Culiores gentium historie	358	Placita	127
Cuniarum auditas	59	πλατωναίως	279
Peccatum causa qua desciiunt		Platina de Romanis Pontifi-	
homino a Deo	399	cibus	358
		Pla	

Plato	<u>305.327.338.</u>	Porphyrion	<u>308</u>
Platonis Academia	<u>242.257</u>	Possibile	440.535.& 538
Platonis edictum Academiae		Possidonii Stoici artium par-	
fronti inscriptum	176	titio	<u>4</u>
Platonis opinio, recordari		Posteriora analytica	100
nos, non addiscere	<u>564</u>	Posthumus	<u>512</u>
Plautus	<u>293</u>	Post rem	<u>519.& 587</u>
Plinii Cæcilii episto.	<u>326.292</u>	Præcepta	<u>1</u>
Plinii Secundi diligentia	<u>45</u>	Præceptor qualis	<u>318</u>
Plinius	<u>306.314</u>	Prædicamenta permixta &	
Plutarchi vitæ	355.356	confusa	<u>98</u>
Plutarchus	<u>89.& 327</u>	Prædicamēta Porphyrii	102
Plutarchus de poetarum le-		Prædicari in quid	103
ctione	<u>288.& 306</u>	Prædicatum	<u>129</u>
Poesis	<u>78.234</u>	Præiudicia	<u>587</u>
Poesis theatra	<u>83</u>	Præmium virtutis	<u>121.& 122</u>
Poëta	<u>235</u>	Præiens	<u>452</u>
Poëta vera canet	<u>82</u>	Præstantia	<u>489</u>
Poëtæ	<u>306</u>	Præteritis imperfectis in nar-	
Poëtæ loquendi figuris cur		rationibus cur utamur	
abusi	85		<u>538</u>
Poëtarum fabulas ad natu-		Præter naturam	<u>438</u>
lem interpretationem tra-		Precarium	<u>172</u>
hunt	<u>79</u>	Primæ intentionis	<u>515</u>
Poëticum ingenium	<u>295</u>	Prima in disciplinis exerci-	
Polydorus Vergilius de in-		catio	<u>6</u>
uentoribus rerum	<u>359</u>	Prima inuentio	<u>1</u>
Politica	<u>235</u>	Prima Philosophia	<u>234</u>
Politianus	<u>297.305.307.308</u>	Prima præparatio materiæ	
Polybius	<u>356</u>		<u>426</u>
Polyhistor	<u>235</u>	Prima rerum diuisio	<u>402</u>
Pompei lex	145	Primus ingressus pueri in	
Pomponius Lætus	355.357.	scholam	<u>247</u>
& <u>305</u>		Principes non tenentur le-	
Pomponius Mela	<u>312</u>	gibus	<u>129</u>
Pontanus de bello Neapoli-		Principibus calum datum	
tano	<u>359</u>		<u>200</u>
Populum magnū erroris ma-		Principi quod libet licet	
gistrū Socrates vocat	<u>184</u>		<u>122</u>

I N D E X

ora analytica	100	Pueri naturaliter simii	249
antes	524	Puerorum vnusquisque li-	
atio	408.& 474	brum habebit chartæ va-	
ilegium	371	cum	376
abile	567.& 602	Puer quomodo audiet	ibid.
abiliora	603	Pugnæ enuntiationum	533
bationes per cōtrarii pro-		Pulchrum	190
sitionem	585	Puncta in tempore	466
clus	334	Punctum	179.& 450
copius & Agathias	357	Purbachius	312.& 334
fflor	246	Purum	482
fflores aut magistri qui		πῶμα	565
ciendi	ibidem	Pythagoras arithmetica acu-	
fflorum mores cor.	58	men ingenii explorabat	
νῆψας	222	259.	
nuntiare	138	Pythagoras cur non scri-	
nuntiatio	323	pserit	3
peritius	306	Q	Væ ab aliis capiuntur
portio	512		518.
positio nō potest osten-		Quæ artes Christiani	231
ere seipsam	125	Quæ cognoscuntur tripli-	
prium	105.505.506	cia	161
specta	405	Quæ contra naturam	441
per.	307	Quæ ex historia tenenda	352
tagoræ Abderitæ senten-		Quæ habent vtilia gentilium	
a	403	libri	238
dens	235	Quæ habent mala	239
dentia	139.217.&	Quæ ingenia inepta lite-	
35.& 347		ris	202
dentia diuinatio	348	Quæ in scriptore quoque	
dentia duplex	ibid.	consideranda potissimum	
dentius	295	36.	
201	279	Quæ rem capiunt	517
lomæi astronomia	335	Quæ sit argumentorum ra-	
lomæi picturæ	313	tio	608
lor discendi	15	Quæstio	565
ri affectus	263	Quæstio de libris gentilium	
rilis educatio	371	258	
ri magistri	60		

I N D E X

Quæstiones ridiculæ	113	sentiam	417
Qualis magister	35	Quomodo tradenda rhetorica	30
Qualitas quomodo vocetur à quibusdam	103	Quomodo versabitur inter homines eruditus	381
Qualitates secundæ	429	Quos consultet solùm	297
Quantitas	450	Quos discipulus leget in Græcis	300
Quantitas duplex	178	Quos Græcos consultet solùm	301
Quantitas enuntiationũ	107	Quot sunt angeli	417
Quatuor elementa	426	R	
Quatuor prima inhærentia	428	R Aphaël Volaterranus	302.313.334.& 359.
Querela de historia ecclesiæ	304	Ratio dux legis	371
Qui authores in quaque virtute præcipui	326	Ratio inueniendi argumenta cuius sit	140
Quidam exactissima omnia in vnoquoq; requirunt	37	Ratio inueniendi argumenta	317
Qui discipulo seorsum legendi.	295	Rationalis	141
Quies	464.485	Rationẽ evidentẽ in omnibus quidam postulant	15.
Qui in arte authores	303		159.311.
Qui libri ex Aristotelis libris desumpti	165	Rationum fides	25
Quintiliani errores	109	Ratio syllogismorum	549
Quintilianus	304	Rariunculæ collectæ, quibus discipuli in singulis causarũ generibus vterent	139
Quintilianus philosophos furti arcebat	135	Reales	179
Quintus Curtius	304.& 355	Recentiores dialectici sophistæ	311
Quod pro argumento sumitur	587	Recentiores historiam quomodo scribant	90
Quomodo alii vtuntur locis	596	Recreationes	284
Quomodo ferenda inuidia.	39.	Rectum mensura sui & obliqui	489
Quomodo imitandum	327	Reductio	555
Quomodo ingenium proficeret se	259	Reductio enthymematis	559
Quomodo leges docendæ	372	Reductionum ratio	556
Quomodo res veniunt ad effectum		Reflexa	

INDEX.

Cc 2

I N D E X.

Seruius Honoratus	307	mentis posse vertere can-	
Sextus Aurelius	357	dida in nigrum	129
Siculi	132	Sophistica	228
Signa	586	Sophistica an vtilis aliis ar-	
Significare	521	tibus	129
Significare aliquid & aliquo		Sophocles	307
modo	523	Sorita	548. & 607
Significare idem & diuersum		Species	406. & 503
524		Species quomodo distinguū-	
Significatiua	523	tur	497
Similis forma	543	Spiritualitas	234
Similiter cadentia & desinen-		Statius	306
tia	82	Status	480
Similitudo	584	Stellæ quid in mundo agant	
Similitudo accidentalis	506	470	
Similitudo quorundā inepta		Stoici intra iudicandi fines	
reicitur	29	dialecticam concludunt	
Simplex	463	25	
Simplex vox	526	Strabo	313. & 359
Simultates inter literatos	17	Strofae duo	307
Singulare	504	Studiorum fructus	381
Singulares enuntiationes	531	Studiorum fructus pecunia	
Socrates	183	non est æstimandus	177
Societas	232	Studium ab oratione auspi-	
Socrates nihil se scire profes-		candum	376
sus	375	Stylus triplex	140
Socrates quatenus Geome-		Subalterna oppositio	108
triæ operam impēdendam		Subcontrariæ non sunt op-	
censebat	331	positæ	ibid.
Socraticæ interrogationes		Subiectum	529
310. & 326		Subiectum inhærentis	487
Solertia	434	Substantia	409
Solinus Plinii simiolus	313.	Substantia & accidens an di-	
& 359		stineta	ibid.
Solon de parricidiis legē nō		Substantiæ nomen nisi per-	
tulit	212	raro infinitari non potest	
Sophista	127. & 611	106	
Sophista respondens	612	Subtilitas	256
Sophistæ iactantes se argu-		Suetonius	316. & 356
		Sui	

I N D E X.

cerica	311	Tenebræ in nobis , nō in re-	
das	301.& 359	bus	400
berbia	10.& 218	Terentii fabellæ	293
berbia non obstinata tan-		Termini crescēdi ac minuen	
um sed & præcept	17	di	480
berficies	450	Termini syllogismorum	
beriores	524	550	
opulare vocant imitari	150	De terminis quomodo præ-	
oppositio confusa	536	cipiant	114
oppositum	504	Terminus connotatiuus	115
ora naturam	438	Terminus naturæ & noster	
lonius Apollinaris	151	417	
la dictator libros Aristo-		Tertullianus	304
elis emit	23	Themistius de scriptis Ari-	
ius Italicus	306	stotelis	22
logismi in singularibus		Theodorus Gaza	305.
57		& 326	
logismi multiplices Ibid.		Theologus	335
logismorum vis in quo		Theonomus	ibid,
ta est	510	Theophrasti sententia	375
logismus	549	Theophrastus de stirpibus	
αββηκστα	409	313	
cretismus	500	Thessalus ἱατρονικῆν se vo-	
nesius	305	cavit	175
ntaxis à Grecis parum ac-		Thomæ Linacri Gramma-	
uratè conscripta	298	tica	295
T		Thomas Aquinas	363
Emeritas	445	Thomas Morus	307
Temperantia æris	428	Thucydides	355
mporis cuique assignati		Τὸ ὅν	406
breuitas	231	Topica	102
mporis diuisio.	453	Tormenta	591
mporis & loci differentie		Tortellius	297
82		Totum	461.& 569
mpore certo detinebun-		Tragici	294
cur in quaque disciplina.		Transcendentia sex faciunt	
45		114	
mpus	452.579.& 580	Transitus in gradatione ob-	
nebræ ingeniorum	9	seruandus	607

I N D E X.

<i>Τραυλοί</i>	<u>279</u>	quam cognosceret præce-	
Trebellius Pollio	<u>357</u>	ptor	<u>274</u>
Tres artes de sermone	<u>64</u>	Verorum sunt nobis natu-	
Tria causarum genera	<u>137</u>	raliter ingenitæ formatio-	
Tria tempora	<u>137</u>	nes	<u>164</u>
Tribonianus consuevit le-		Vescus	<u>235</u>
ges pretio vendere	<u>206</u>	Vestēs	<u>216</u>
Triplex mensura in tempo-		Veteres tantummodo perfe-	
re	<u>463</u>	quentes	<u>31</u>
Triplex stylus	<u>140</u>	Vici	<u>216</u>
Trogus	<u>855</u>	Victus	<u>235</u>
Turburcinari	<u>511</u>	Vipera	<u>511. & 517</u>
Turpinus de Carolo magno		Vir bonus	<u>137</u>
<u>358</u>		Vires	<u>433. & 467</u>
Tybullus	<u>306</u>	Virgilii Aeneis	<u>294</u>
V		Vergilius quomodo Home-	
V Acuum	<u>414. & 458</u>	rum imitetur	<u>154</u>
Valerius Flaccus	<u>306</u>	Viriles	<u>209</u>
Valerius Maximus	<u>295.</u>	Virtus	<u>182</u>
<u>& 356</u>		Virtutes in oratione unde	
Valerius Probus	<u>307. & 390</u>	spectentur	<u>140</u>
Vanum	<u>448</u>	Vis	<u>406. & 493</u>
Varietas ingeniorum infi-		Vis sciendi & intelligendi in	
nita	<u>162</u>	verbis est	<u>403</u>
Varietas rerum ex viribus		Vita	<u>493</u>
<u>408</u>		Vitæ quorundam sigillatim	
Varronis de lingua Latina li-		editæ	<u>359</u>
bri	<u>297</u>	Vitanda tria genera captio-	
Veras causa declamabant ve-		num in sophista	<u>611</u>
teres	<u>146</u>	Vitia duorum generum	<u>364</u>
Verba adiectiua	<u>117</u>	Vitium in naturæ scrutatio-	
Verba adiectiua volunt re-		ne	<u>160</u>
solui in substantiua	<u>ibid.</u>	Vitruuius	<u>335</u>
Verba aliis rebus accomo-		Vlpianus quibus verbis pro-	
dantur, non sibi	<u>562</u>	tesionem iuris sit com-	
Veri cognitio paruifecta	<u>44</u>	plexus	<u>208</u>
Veritas	<u>600</u>	Vna lingua	<u>266</u>
Veritas nullius propria	<u>392</u>	Vnaquæque ars alia quauis	
Vernaculam puerorum lin-		adiuuatur, nec protinus	
		pars	


INDEX.

pars est illius	134	Vocum collatio	545
unde nascitur nomen loci		Volcatius Gallicanus	357
597		Voluntarium	438
unde nata est rerum distin-		Voluptas	218
ctio	496	Vox significans	522
unde tanta poetarum au-		Vfus linguarum ad vitā	302
thoritas	287	Vtopia Thomæ Mori	367
niuersale	502	<i>ὕλη</i>	407
niuersalis enuntiatio	531	<i>ὕλη, γένεσις</i>	409. & 504
nita	400	Z	
niuoca	526	Zænobia regina historiæ	
num-	463	Z perita	350
nus mundus	464	Zeno cui dialecticen, & cui	
ocabula in philosophia		rhetorice comparauit	
prima	316	94. & 133.	

F I N I S.



IOANNIS LV-
DOVICI VIVIS DE
causis corruptarum artium
Liber Primus, qui est
de artibus in yni-
uersum.



A N I M A N T E S omnes naturæ
benignitate, ac magisterio satis esse
ad tuendam vitam instructas vide-
mus. Quippe integumenta corpo-
rum naturæ munere accipiunt, & ci-
bo vescuntur parato, & ubiq; obui-
o. Homo verò prodit in lucē hanc mul-
tarum rerū indigus, vt appareat cri-
mine aliquo detracta illi esse naturę
beneficia, nullis reliquorum animantium denegata. Non ha-
et quo se à vi frigoris, ab æstu, ab imbre tueatur, nisi quæ-
ta multo labore: nec ei alimēta terra fundit nisi rogata, imò
acta longa & molesta cura. Illa tamen in re, indulgenter
omo est à principe, & authore suo habitus, quod cum ipse
ecessitates sibi sua culpa tam varias accersierit, Deus tamen
strumētū ei reliquit ad eas quoquo modo propulsandas,
genii acumen viuax & sua spē actuosum. Hinc sunt na-
nuenta hominum omnia vtilia, noxia, proba, improba.

Prima rerum inuentio necessitatibus succurrit: hæc enim Prima
enia mirificè exacuit ad ea excudenda, quis obsessor adeò inuentio,
is arceatur, ne qua expugnare valeat, quod ab eo tanta
gentia diu noctūque oppugnatur. Initio sibi quisque pro
ta consiliū captabat, vt rebus oppressis afflictis que sub-
ret. Tum si quid relaxamenti concederetur, vsu & medi-
ne excogitabat, quod proficeret in posterum: hæc ab eo Præcepta,
yno per varia experimēta collecta, vel collata cum alie-
cepta efficiebant, quæ etiā alios in re simili iuuarent;

Ars.

multa verò simul cōiuncta, quæ ad vnum aliquem, similēve vitæ vsus spectarent, vocarunt artem. Hæc iam olim sunt à maximis viris scite animaduersa, Aristotele philosopho in libris primæ philosophiæ, Virgilio & Manilio vatibus, quorum hic inquit:

Et labor ingenium miseris dedit, & sua quenque

Aduigilare sibi iussit fortuna premendo. Et idem:

Per varios vsus artem experientia fecit.

Gene.3.

Tum Virgilius connumeratis commoditatibus quas Iupiter hominum generi ademisset, videlicet vmbra quandam affecutus dicti illius, execrabilis terra opere tuo, vt alia quædam veræ pietatis, coactos esse homines canit pulso verno operi incumbere:

Tum variæ, inquit, venere artes.

Labor omnia vincit

Improbis, & duris vrgens in rebus egestas.

Et post:

Vt varias vsus meditando extunderet artes.

Et quemadmodum videmus in vita contingere, vt homines pertuncti domesticis & necessariis negotiis applicent animum ad aliquid altius ac liberalius cognoscendum, ita artibus, quæ præsentī atque vrgenti necessitati opem ferrent rite inuentis ac constitutis, visum est humano ingenio sensim ad pulchriora sese attollere. Nescit animi nostri vigor quiescere, opere, vt inquit ille, pascitur. Tum Mathematicæ & philosophiæ naturalis quæsitæ, & ciuitates constitutæ, & leges datæ, quæ tametsi vitæ magnoperè profunt, tamen non illis necessitatibus consulunt, quibus terræ fossio, aratio, repastinatio, & alia quæ operibus rusticis exercentur: neu vellenda lana, & nenda, & texenda, aut ædificia construenda, quis sine vita ne diem quidem vnum posset propagari. Et quo quæque artes altiores res, minúsque præsentī, & diurno corporis vsui necessarias spectabant, hoc præstantiores habebantur, eorúmque professores digniores sapiētīæ nomine: videlicet hominum consensu, id declarante, excellentiora esse quæcunque ad animum pertinerent, quàm quæ ad corpus: & hoc naturali quadam informatione in humanis pectoribus inædificatū expressumque. Et corpus quidem pecudis more præsentibus acquiescit, oblitum præterita, securum futuri. Animus verò vt pote diuinus, recordatur transacta, & ea in

vsu

vsum futurorū reuocat. Vnde vetus sententia, prouidentiam Memoriae filiam esse atq; vsus: magnus rerum actarum the-
 saurus est memoria, quæ quod fluxa in plerisq; & infirma
 esset, visum est adiuuari eam reminiscētia, vt quibusdam ve-
 lut signis rediret in recordationem eorum, quæ quæreret:
 hæ literæ fuerunt. Apud alios imagines animantium, qui-
 bus Aethiopes vulgò utebantur, & post eos Aegyptii. Sed hi
 tantum in sacris atque in arcanis rebus, quæ idcirco sunt
ἱερογραφικὰ nominata: quorum crebra mentio apud veteres.
 Mira res est, quisquis ille fuit tanti author inuenti, quatuor
 & viginti notulis plus minùs potuisse tantam humanarum
 vocum sonorumque varietatem compræhendere. Sunt qui
 inuentionem hanc perstrinxerint, vt ille in Phædro Plato-
 nis, qui Theuto Aegypto de repertis literis glorianti, tan-
 quam memoriæ adiumento responderit, illum non memo-
 riam adiuuisse, sed reminiscētiā. Et Pythagoræ Samio,
 hanc ferunt fuisse causam: cur non scriberet, quod diceret
 nolle se scribendis sensus animi sui discipulos desidīæ assue-
 facere, quippe qui monumentis literarū confisi, minùs me-
 moriæ excolendæ studerēt. Eadem propemodum fuit Druy-
 darum Galliæ Sacerdotum mens: idcirco multa illa ver-
 bium millia, quibus sacra, & ceremoniæ eorum continen-
 tur, alii aliis velut per manus tradebant sine scriptione vlla.
 Sed certè necessariæ sunt literæ ad æternitatem memoriæ.
 Infidelis est enim illa per manus traditio, quod is, qui acci-
 pit, vel non satis accuratè auscultauit, vel obliuiscitur, aut
 quod negligenter recoluit, aut morbi alicuius, aut certè
 ætatis ipsius iniuria, quam non temere dicunt auferre o-
 mnia: interdum quoque moritur, antequàm tradat accepta.
 Pythagoræ ipsius vt videmus quàm pauca extant? & hæc opa-
 rarum exempta noxæ æui: nec illa aurea, vt vocant, ver-
 tegeamus, nisi Philolaus aliquid ausus esset contra ma-
 tri præcepta, condiscipulis frementibus, & vehementer
 amantibus. Druydarum nihil est reliqui. Eldras quoque
 Bagantis Iudææ, quum cerneret populum suum toties
 ac sedes mutare, tum cædibus & exiliis absumi, statuit
 de lege domini inter ipsos velut successioneibus, atque
 ditatibus tradebantur, literis consignare atq; mandare.
 Et literis artes omnes, & necessitates, & sapiētia, tum res
 & omnis antiquitatis memoria ceu thesauro quodam

conferuantur, ne vnquā intercidant. Sed de artibus corporis alius erit mihi dicēdi locus. Nunc de iis artibus, quæ inquisitione mētis constant, erit sermo: quæ fuerint apud veteres, quemadmodum adultæ viguerint, quemadmodum postea marcuerunt, & illarum quædam sensim deciderint, ac penē extinctæ sint. Sententiam verò de artibus meam, hoc opere non aperiā, tātū quā ratione, quibus causis corruptas esse existimem, indicasse contentus. Nam adiciam huic operi Christo propitio, libros alios, quibus persequar quid ipse de artibus, deq; disciplinis, de scholis, de institutoribus sentiā.

Artium
diuisio.

Galenus medicus hac vtitur sectione artium, vt alias dicat contemptibiles vilēsque, quæ corporis laboribus & manibus exercentur, quas Græci *καρπορρηγας* vocarunt. Alias honestas & homine libero dignas, de quo genere primam facit Medicinam: hoc condonandum amoris professionis, & tanquam pietati in nutricem bene meritam: Addit Rhetoricam, Musicam, Geometriā, Astronomiam, Arithmeticam, Dialecticam, Grammaticā, Legum prudentiam. Nec repugnat, si quis velit huic numero adscribere eas, quas fingimus pingimusque. Quod hæc tametsi citra manuum operam non obeantur, tamen non videntur egere robore illo, & lacertis iuuenilibus. Seneca verò non adducitur vt in numerum liberalium artium pictorem recipiat, non magis quàm statuarios, aut marmorarios, aut cæteros luxuriæ ministros. Aequè luctatores, & totum oleo ac luto constantem scientiam expellit: quod ei conuenit cum Galeno. Nec liberalia studia sunt sentētia Senecæ exercitationes rei militaris. Venationem quoque à liberalibus Salustius excludit. Possidonius Stoicus artes hunc in modum particbatur, vt alias vulgares & sordidas nominaret, quæ manu constarent, & essent ad instruendā vitam occupatę, expertes decori atq; honesti: Alias ludicras, quæ ad voluptatē tenderent oculorum atq; auriū. Pueriles sunt, & aliquid habentes liberalibus similes, quas *ἐκὺβρίας* Græci vocāt, quæ non perducunt animum ad virtutē, sed expediūt. Liberales verò, imò, vt inquit, solæ liberæ sunt, quibus est curæ virtus. Recepta opinio est, septem esse liberales artes: Tres de sermone, Grammaticam, Dialecticam, quæ eadem est Logica, Rhetoricam: Quatuor de quantitate, Geometriam, Arithmeticam, Musicam, Astronomiam, quas mathematicas nuncupāt Græci, seu quis dicat discip

Liberales
artes quę
& quor.

disciplinales. Has ingenuas cognominarunt, quasi has solas ingenui discerent, ac exercerent. Nemo enim serè in liberis ciuitatibus ingenuus manuariis artibus operam accommodabat. Sed puer hūcce erat artibus deditus, iuuenis verò militiæ, campo, gymnasio, aut publicis negotiis, administranda, republica, causis actitandis, & eiusmodi exercitamentis, quæ sola censebant illi digna homine libero. Vnde illud in comœdia: fac periculum in literis, fac in palaestra, in musicis, quæ liberum scire æquum est. Illæ enim artes maximè existimabantur ingenuis hominibus ad vitæ cultum, & ad rempublicam gerendam congruere, vt sermo esset emendatus & purus: tum ratio differendi cum facundia esset in promptu, quis in foro: quis in senatu, & cum populo agerent. Tum ad priuata negotia Arithmetica: ad agriculturam & nauigationem Astrologia: ad mensuras agrorum Geometria. Postremò ad honesta oblectamenta Musica, quæ apud Græcos maxime in pretio fuit. Romani non perinde eam coluerunt, homines magis militares & rusticanae simplicitatis. Discebant quoque pueri simul cum literis natare: quod Græco prouerbio declaratur, quod in imperitum penitus iaci est solitum, neque literas eum nosse, neque natare: idem est & Romæ factitatum. Sed miror prætermittas ab illis Architecturam & perspectiuam ad multa utilem: nisi has sub ambitu Geometriæ concluderunt, aut quod Architectura manu exerceret, quauis rara omnino ars, & quàm paucissimi tenerent in Græcia, sicut Plato quodam in loco testatur. Porro nemo miretur nullam esse de morali philosophia mentionē, tam quòd illorum iudicio quærenda pecunia primū est, & protinus ad censum, de moribus vltima fiet quæstio: quàm quod, vt recte Possidonius apud Senecam diffiniuit: Artes hæ quæ liberales nuncupantur, pueriles sunt, rudimenta nostra, non opera. In nostris scholis hæc quoque, fundamenta sunt trium ædificiorū, Medicinæ, Theologiæ, & peritiæ Iuris, quas supremas artes, disciplinasque nominamus, & vsui quotidiano cum primis seruiunt. Philosophiam moralem adiunximus, quæ multum Theologiæ adminiculatur, & ex qua ius esse ortum existimant sacrum & prophanum, Tum cognitionem naturæ rerum, sine qua medicina manca est prorsum: nec rite aut percipi potest, aut teneri. Atque hæc velut collegiis sunt distin-

Natare disciebant
pueri.

Etia, vt vnum esset septem illarum liberalium artium, quibus annumeratur Philosophia, quæ est de moribus, quæq; de natura: alterū Medicinæ, tertium Ciuilis Iuris, quartū Pontificii, quintum & supremū Theologiæ. In his militiæ quædā, & ascensus ad fastigium dignitatis per certos honorū gradus.

Prima in discipli- ra sunt ab opifice Deo positæ, ac cōstitutæ. Sed ad eas huma- nis exer- num ingenium ægre penetrat à luce ac viribus destitutum: citatio. quod si nō stimulis quibusdā vrgeretur, ac excitaretur, nihil fieri possit illo squallidius aut horridius. Primū necessitas acutiſſimum calcar addidit seu pugionem verius ad vigilandum: quippe si in ea paulisper obdormisceret, in discrimen veniret, ne vnquam euigilaret postea. Nec solum in sua quisque necessitate sollicitus satagit eorum, quæ essent opus, verū auxiliū implorauit eorum, à quibus se aliquid subsidii consequi posse speraret. Inuitati sunt complures, quos multitudo plurimum valere ingenio arbitrabatur, & allecti maximis præmiis, vt artibus in commune necessariis darent operam: laboris præmia fuerunt pecunia, honor, decus, gratia & priuata & publica. Ea de causā Aegyptii sacerdotes multam in mathematicis posuerunt operam, quod vehementer Geometria Aegyptus tota indigeret, confusis per annos agrorum limitibus ab inundante Nilo. Adduxit ad tractandas atque excolendas artes magnitudo rei, & opus vnum excellentia mentis nostræ longè dignissimum cupiditas veri inueniendi, qua nihil est præclarior, nec quod magis deceat hominem: sicut ignorari, falli, decipi, turpe ac miserum iudicamus: quæ vt euitarent, philosophatos esse priuscos illos, nec alia causa, aut in alium vsum, Aristoteles perhibet grauis imprimis author. Admiratio huius tanti operis ingentes illos animos ad studium & inquisitionem causarum cōpulit. Hinc si quid se putarent nouum & aliis inauditum inuenisse, incredibilis sequebatur delectatio, tantquam parta victoria, & tantis difficultatibus superatis: ea delectatio detinebat eos in cura & labore: quam illi delectationem opibus, dignitatibus, & aliis omnibus vitæ commodis præponebant. Ergo expedierunt se varia hominum ingenia, vt in verum hoc quasi defodiendum ac eruendum prorsum incumberent: alia spe præmii inducta, alia vt fruerentur iis oblectamentis, quæ ex spectatione theatri huius naturæ

naturæ maximè capiuntur, variæ subinde ac diuturnæ. Præstantia ingenia ex sublimi illa & generosa nota huc venerūt, quod cum se tanta pectoris luce illo vigore mentis præditos reputarent, ac instructos, nulla in re alia consumi tanta bona oportere censuerunt, quàm ut rem pulcherrimam scribendi. Instrumētum tarentur ac complecterentur, & quatenus liceret, quàm plurimis prodesse. Omnes ergo miræ alacritate contendunt adiuti luce quadam, velut duce viæ, qua insisterent ad quærendum, tum quærendi dexteritate & industria, postremo diligentia, atque studio, quibus vires omnes explicabantur ingenii, atque animi. Lux erat vis mentis & acumen, quo prospicerent quò eundem esse, & quâ: dexteritas erat illis ceu scientia explicandi se è locis arctis & difficilibus, ut ex facilioribus quid facto in difficilioribus esset opus colligerent: diligentia erat, ut promouerent, & propius accederent: quò intenderant. Sic enim imagine quadam sunt hæc ob oculos ponenda. In diligentia sunt animi intentio, & quasi vigilia quadam, nam contrarium, remissio est somnus: cura, sedulitas, labor. Inuentor artium & disciplinarum omnium est ingenium acumine & solertia præditum ac instructum, sed diligentia atque vsu vehementer adiuuatur: nam per diligētiam & procedit longius, & plura ei se aperiunt, quæ prius erant abdita & occulta, nō aliter quàm nauigantibus: ita & acies mentis expolitur, atque exacuitur, & dexteritas ac solertia fit promptior. Quemadmodum de Cleanthe Stoico memoriæ est proditum, qui habetudinem ingenii ad studium & vigilantiam tanquàm ad coacuebat. Acre ingenium & vsui aptum naturæ sunt munera: diligentia vel necessitate vrgetur, vel delectatione allicitur, vel admiratione magnitudinis & pulchritudinis rei capitur: quanuis in hoc quoque tacita inest delectatio, postquam affecutus est causam tantæ rei. Deinde cupiditate aliqua excitatur decoris aut pecuniæ. Postremo perficiendi spe alitur & detinetur. Ergo ut in quibusque gentibus hæc viguerunt, ita ibi artes vel inuentæ sunt, vel auctæ excultæque. Græcia parens fuit disciplinarum omnium, ingeniiis sæcunda acutis, subtilibus, viuidis. In Aegypto permagnus mathematicarum vsus, quas præmiis & honore afficiebat necessitas. Acutissime illud in hominum moribus ac natura deprehendit, qui dixit honore ali artes. Honorari artes.

Ingeniū
quib⁹ in-
strumen-
tis inue-
nit artes,

Excellere enim quisque cupit, & honore affici: quare, ut id consequatur, ei se tradit studio, quod in pretio esse videt. Ita fit, quàm rectè, non disputo: nec solum in magnis ciuitatibus ac populis, sed in quocunque cœtu, in quacunque consuetudine & familiaritate hominum, virorum, scæminarum, senum, iuuenum. Sic eloquentia maximè in liberis ciuitatibus floruit, velut Athenis & Romæ, quod is certissimus esset gradus ad maximos honores, ac potetiam. In Academiis publicis plerique alliciuntur illis honorum nominibus, tum iis quæ magno æstimantur. Vnde Lutetiæ tanta Theologorum copia, Aureliæ iurisperitorum: apud Nitiobriges, quem nunc montem Pessulanum vocant, medicorum. Et sub principibus, ut quisque arte aliqua delectatus, ita ea in eius regno tractata est, & exulta: Sub Alexandro militabant plurimi: Sub Augusto nemo non cudebat carmen: Neronis tempore multi per urbem cantores, histriones, phœnisci, multi magi. Adrianus omnes faciebat observatores veterum scriptorum. Romæ Leone Pontifice omnia perstrepebant cantibus, Iulio armis. Phœnices nauticas artes multum exercebant ad suum quæstum: & hoc magis hisce inflammabantur rebus ad cognoscendi cupiditatē, quo spes ostenderetur amplior perueniendi quò intendissent: ut Chaldæi & Aegyptii, qui propter locorum opportunitates, quod planicies in illis locis essent, & cælum serenum, cognitione se astrorum dederunt. Ex iis ergo initiis ortæ sunt artes, his fulcimentis sustentatæ, his alimentis auctæ ac confirmatæ. Non quod ars vlla vel ad absolutionem aliquam sit perducta, vel ita extersa ac expolita, ut nihil haberet admistum inutile ac reiiciendum. Non ex sunt humani ingenii vires, clausi mole hac corporis & tenebris, ut aliquid excudat perfectum atque absolutum, cui non desint plurima ad cumulum perfectionis, & quasi ad fastigium illud naturæ cuiusque rei. Nec potest quicquam à multis contrectari, cui non aliquid adhæreat vitii, tanquam ex cōtagio. Nunquàm ergo vel perfectæ fuerunt artes vel puræ, ne in sua quidem origine: ea est superbissimi animi cæcitas atque imbecillitas. Sed certè beneficio magnorum ingeniorum usu ac studio adiutorum erectæ sunt, atque ex parvis admodum initiis ad magnitudinem quandam perductæ: ut non fuit perinde difficile augere inuenta, atque omnino inuenire: tum correctæ multa quæ pa-

rum

rum rectè fuerant in originibus obseruata, & exornata quæ ruditer, & illustrata quæ obscurè. Hæc omnia quasi brachiorum vi aliquo vsque progressa tanquam aduerso flumine, vbi primum cœperunt brachia remitti, relapsa sunt, alia sensim, alia magno impetu ceu moles per præceps præruptum. Non abs re Virgilius exclamat:

Sic omnia fatis in peius ruere, & retro sublapsa referri. Nec mihi solùm quomodo ceciderint, ac corruptæ sint video dicendum, sed etiam quomodo in ipsis originibus, & quasi inter ipsas formantium manus detortæ sint, ac deprauatæ. Sic enim apertius corruptelæ omnes patefient, nō tantum recentiorum hominū, sed veterum quoque, quibus tamen artiū exordia debemus: non quod author sim cuiquam, vt ingratus sit illis, quibus acceptum ferimus ingeniorū cultum, & humanitatem omnem: verum agendi gratias alius erit locus: nec pro beneficio non habebimus gratias, & quidem semper, etiam cū illorum indicabimus peccata: nam quod falsi, quod lapsi sunt, ignoscemus communi sorti, ac naturæ. Lapsus tamen ad nostram cautionem detegemus: quantum quidem fuerit virium nostrarum. Quanto ii, qui sunt in artibus versati, & ingenio, ac dexteritate plus valuerunt, & studio ac diligentia in eam rem contenderunt, tantò artes ex eorum manibus & adultiores exierunt, & tersiores. Sic contrà acies illa mentis retusa, tanquam lux quædam offuscata, tum dexteritas impedita, postremò socordia ac desidia artes affligerunt omnes, vt vel magnitudini detraherent, vel corrumperent puritatem: & quum hæc in prima inuentione contigerunt, limo & cœno fontem inficerent, vt nunquàm puri ac liquidi riui defluerint. Ingenio tenebræ offunduntur, primum naturali quadam hebetudine, atque obscuritate, vel in vniuersum ad omnia, vel ad eam ipsam rem atque artem, ad quam se applicat. Nemo expendit vires ingenii sui, quid possit ferre, quid recuset: vnusquisque satis sibi fidit: nec est vllus tam infelicis ingenii, qui ferè desperet se quiduis posse assequi, quod acumine deficiatur, sed quod voluntate, ita ad ea se adiungit ac tradit, quibus tam est aptus, quàm vulpes aratro. Nec mirū est amorem sui in vnoquoque esse cæcum, vulgus patrum non acutiùs cernit in vitiis, in indole filiorum, nihil sibi nō spondent de sua sobole, si non iudicio, certè desiderio ac voto: vt proximus est

Tenebræ
ingenio-
rum quæ.

spei amor, ita ad artes eos deducunt ab ingeniis illorū alienissimas. Magistri restant: hos oportebat esse oculatos in Alabadē- admittendis discipulis, qualem fuisse Alabadensem illum
 sis Apol- Apollonium dicendi magistrum, de quo Cicero in libris de
 lonius. Oratore scribit, quod cum mercede doceret, non tamen patiebatur eos quos iudicabat nō posse oratores euadere, operam apud se perdere: dimittebātque, & ad quam quenque artem putabat esse idoneum, ad eam impellere atque hortari solebat. Verū ille vnus ex omni memoria. Ceteros qui quidem mercede docent, pretii cupiditas exoculat, sine delectu vllō recipiunt ad se discipulos, & quo frequentius habuerint auditorium, hoc se rati maiora facturos operæ pretia: non solum oblatos auidē amplectuntur, sed quærunt, ambiunt, pelliciunt, trahunt ad se quosunque possunt quacunque ratione, ac via: satis esse existimantes si sint homines, modò habeant quod numerent. Et vbi inualuit ambitio, si contemnitur pretium, certē numerus quæritur ob vanam nominis opinionem, quod celebre habeat auditorium.

Ingeniū Eruditio, & artes quæ compressæ & velut coactæ talibus fuerint ingenii, necesse est eadem facie & natura prodeant, quæ sunt ipsa ingenia, scilicet praua, detorta, vitiosa. Neq; enim
 fiscella eruditiois. aliter eruditio ab ingenio vnde manat vel formam accipit, quàm caseus à fiscella: vel naturam resipit ac vinum è dolo, vel vt re: quare necesse est vt malè tradant, quæ malè acciperunt. Iam affectus omnes animi si non retundunt mentis aciem, certe impediunt, ac retardant, & quasi rubigine obducunt: quocunq; illi inuaferunt, lucem offuscant animi, & dispiciētiā veri perturbant, non secus ac densæ nebula ante oculos offusæ. Supremam & celsissimā illam mentis lucem, superbia perstringit, & à recto itinere abducit transuersam: hæc est eminendi atque excellendi cupiditas, vt videatur habere quæ nullus alius, aut quæ pauci, nempe altissima ac præstantissima, rara, noua, plurima, aut omnia. Ergo ingenia quæ aptè ac feliciter essent in mediocribus rebus vel ex natura sua, vel ex institutione versata, supra vires se erexerunt, vt ea crederentur scire ac tenere, quæ omnes iudicarent esse celsissima. Vt natus ad Grammaticen, ad enarrandos Poëtas atque historicos, aut qui hic tantum in rebus esset exercitus, voluit pro Philosopho, pro Theologo haberi, quum eas artes ne de nomine quidem nosset.

Alii

Alii quod paucissimorum esset: aut nullius potius futura prædicere; abdita & recondita detegere, maximas opes temporis momento inuenire, Astrologiam, Physiognomiam, chalciniam, magiam & cæteras diuinandi ac maleficii artes sunt professi, nec solum inter gentiles, in quibus latissimè patebat regnum Sathanæ, sed etiã inter Christianos, à quibus fortior Sathana Christus, iugum tyrannidis illius excusit, & armatum illum exarmauit: scilicet quod non minùs & superbia atq; ambitio, & pecuniæ ac voluptatum cupiditas in nos dominantur, quàm in Gentiles: atque vtinam non magis. Harum artium studium vitiauit tanquam afflatu quodã vicinas quasdam artes, & illas, quarum ope vtendum esset in illis maleficiis: nempe diuinatrix astrologia certiore illam & castam astronomiam: Physiognomia de venturis, de opibus, de liberis, de felicitate, illam, quæ est simplicior ac verior de signis constitutionis corporis, & animi: Magica dæmonum veneno quodam infecit scientiam naturæ rerum. Iam quod in disciplinis omnibus atque artibus præcipua est penes inuentores gloria, multi quoque noui placiti voluerunt esse authores, miserrimum ducentes alienis demũ vestigiis insistere. In literas inuenta sua miserunt, vt vbi-que legerentur, vt ducerentur nouum aliquid super cæteros attulisse, qui morbus mirificè Græcorum ingenia vexauit. Vnde in historia tot mendacia, quum arbitrarentur occupata esse à prioribus vera, & sibi scribendi materiam præreptam, seque nullo in pretio futuros, si eadem recenserent cognita iam, & prouulgata. Ita quo magis legerentur, & placerent, & admirabiliores forent in vulgus, fortiter sunt de Aegyptiis, de Assyriis, de Persis, de Græcis, de omnibus nationibus mentiti. Tum Philosophi cupidine proferendi nominis, nihil veriti sunt absone commentari, & à receptis opinionibus longissimè recedere. Sodalem habui Lutetia, qui se citius quàm vt nihil adduceret noui dogmatis, affirmaturum aiebat, quæ pro comperto haberet, esse falsissima. Fuerunt qui vellent videri nihil omnino ignorare, vt illi in Græcia Gorgias, & Protagoras, Hippias, Prodichus, Eutydemus, Dionysiodorus, & alii, qui in cœtu ac frequentia hominum, quæstionem quacunque de re poscebant, paratos se ad omnia ex tempore respondere, tãquàm non modò scirèt omnia, sed ad manum & in numero habent. At illos tanti insti

Inuentores.

Cæca est
arrogan-
tia.

nistituti promissores magistros optimè tum loquendi, tum etiam sentiendi, Socrates, qui nihil sciret, in leuissimis sæpe rebus paucissimis & facillimis quæstionibus irretitos, deridendos suo ipsorum auditorio relinquebat. Vtinam intra Græciæ fines vitium hoc constitisset, & non alias quoque inuasisset nationes, vt grande existimetur dedecus cuncta-
ri tempus poscere. Cæca est arrogantia, & quocunque intendit per confidentiam, atque impudentiam temere grassatur: ergo nihil dubitat quiduis subito intrepidè asseuerare, etiam de arcanis rebus, & maximè reconditis. In superbia hac alii magna illa & admirabilia tenere, ipsi sibi persuadent, vel prauæ naturæ vitio, vel quod quum id vident esse spectatoribus persuasum, ipsi iudicio illorum de se acquiescunt. Alii non tam scire se arbitrantur (neque enim se non norunt) quàm id aliis creditum esse, ac certum cupiunt: Priores incredibili se progressu in disciplinis fraudant, quum contendere supercedent, quò se iam peruenisse arbitrantur: de quibus grauissimè Seneca, puto, inquit, Multos ad sapientiam potuisse peruenire, nisi se iam crederent peruenisse. Posteriores quacunque via & ratione queunt ostentare opes suas, augere in maius ac melius, fucum deniq; oculis intuentium facere laborant, nihil tacito conscientiæ testimonio tribuere. Quæ ipsi sciunt, omnium prima & potissima volunt credi. Quæ alii infima, abiecta, sæpe etià cui tãda, atque auersanda: nullus est cuiusquam artis adeò mediocris aut humilis quoq; ac vilis professor, qui si sit superbus, non illam aut præcipuam omnium censeat, aut non certè existimari petat, ac contendat: illudq; adeò moribus est receptum, vt efferre quenq; artem suã, & laudibus cælo æquare, etiam aliis omnibus antepondere licere, ac pium esse arbitrentur: Grammaticus se vnũ putat sapere, delipere reliquos: Philosophus reliquos miseratur vt pecudes: Iurisconsultus alios omnes deridet: Theologus despicit: non quod se cæteras artes ignorare dicant, aut præ se ferãt: imò nihil cunctãtur confirmare sua illa vna disciplina reliquas vniuersas præstantius claudi ac contineri, quàm in libris eorum, qui de illis nominatim tradiderunt. L. Crassus apud Ciceronem omne disciplinarũ atque artium genus, cognitione iuris contineri asseuerat, & quidem, si diis placet, libello XII. tabularum. Hoc idem nostri iurisconsulti habent persuasissimũ.

Gram

Grammaticus totam philosophiam, quàm larè se diffundit. historicorum & poëtarum libris contineri autumat, quos quum habeat in manibus, nihil sit quod Aristotele aut Platone indigeat: videlicet hoc est superbiæ ingenium, quantum valeat sibi arrogare, atque ad eum se modum componere, vt nulla videatur re carere, quæ quidem pulchra esse ac magnificianda videatur. Quam artem ritè percipient ac tradent, qui eam alienissimis in locis habitare censent, & illhinc esse petendam, vbi vix illius sit uestigium vllum inuenire? Idcirco videas falsissima atque absurdissima in omnibus artibus asseuerari ab iis, qui illas violente exprimunt ab authoribus, qui aliquid earum obiter & quasi aliud agentes attigerunt, non ad exactam illam censuram, sed ad eam, ad quam opus suum aptabant. Noui qui etiam scriptis libris affirmaret terram esse maiorem sole, & in nocte umbra terræ totum cælum obscurari, quod Virgilius dixerit.

Inuoluens umbra magna terramque polumque.

Quot absurda in philosophia dogmata ab Homero traxerunt originem, quum multi veterum non illum vt ingeniosum Poëtam legerent, sed vt philosophum doctissimum ac grauissimum. Iurisconsulti, si quid sit à suis proditum in historia, certius putant quàm si à Tito Liuiio: vt de XII. tabulis quòd eburnæ fuerint, quia id Pomponius dixerit, idè in quacunque alia disciplina. Iam quæ non poterant vllò modo ostentare ea tenuisse se aliquando aiunt, sed vel oblitos tanquam puerilia, & se indigna: vel abiiecisse tanquam periculosa & noxia, & è numero artium expellenda, etiam si sint ex iis artibus, quas illi amplissimæ suæ professionis titulo comprehendunt. Rogatur Philosophus, aut Theologus, aut Medicus, aut Iurisconsultus de singulis, sciat ne grammaticam, poëticam, rhetoricam: exhibileum, qui id quærat magno vultus fastidio, sæpe etiam cachino, & ad pueros remittit. Tenet linguas Latinam & Græcam, seminarium vocat hæresum tenuisse in tenera ætate, sed esse dedita opera oblitum. Quid Rhetoricam? ridet moto capite: de geometria, ita plane de punctis & lineis ridicula quædam. De Arithmetica, iocatur, bene numeraturum se, adit modò pecunia. Cæterum de proportionibus vidisse quædam perfunctoriè in commentariis ad tertium Physicorum Aristotelis. In Astronomia partem sphæræ Ioannis à sacro busco aliquando audiuit

uit adolescens in schola. Musicam cantores scire in templis? Cedo quid de perspectiua, & Cosmographia? nec nomina audivit vnquam, curiosa, inquit, sunt hæc, & periculi plena, nefas est attingere: At morale philosophiâ certè scies aliquot dicta ex Ethicis Aristotelis: ad œconomicâ respondet se nō alere familiam: ad politicam, nec regere ciuitatem. Quid ergo nosti vir maxime, & de eruditione admirande: omnia, sed horum nihil. Et hæc pronuntiarunt homines maximæ auctoritatis, qui essent morum, & totius eruditionis censura, ac velut norma quædam. Tantum auctoritatis pondus in teneras artes cadens mirandum non est: si eas confregit. Delicati sunt flosculi, leni ac dulci fauoris aura proferunt se ac vigent: insectatione ac vituperatione illico tanquam fascino aliquo contrahuntur, ac marcescunt. Detestabilis superbix rabies: non solum ipsi fraudarunt se vtilitate doctrinæ, sed aliis quoque fide auctoritatis suæ præcluserunt viam ad bonam mentem, parati tam multa bona ingenia perdere, ne pilum de præcepta existimatione amitterent. Pronuntiarunt temere de singulis non animaduersis, & sæpe omnino incognitis: damnarunt alia maximè probanda, commendarunt alia noxia, & ingeniis ac vitæ obfutura. Et centuissent ipsi hoc idem haud dubiè multò rectius, si animo potuissent moderari, & non maximum essent dedecus interpretati, vel cunctantius res tantas expendere, vel videri pulchrum aliquid ignorare. Nam de illorum numero, qui eas disciplinas, quas sodales damnarent, vel leuissimè degustasset, is non accedebat aliorum sententiæ. Sæpe qui quæ nescirent, dānarant, ingressi primos illarum artium aditus, mutata subito opinione, ac sententia damnata approbauerunt. Quo apparet non de suis artibus sententiam illos dicere, sed de existimatione sui. Et quemadmodum circulatores nodos quosdam faciles aliter tamen & inuoluunt, & euoluunt, quàm in communi vsu consueuimus, quo res videatur difficilior, ac proinde admirabilior: ita quidam quæ facilia, quæ prompta, aperta, dilucida sunt in disciplinis, quas norunt, inuoluunt, & intricant, ne res scilicet vel vilescat facilitate, vel etiā fiat vulgaris, multis spe successus ad eam capeffendam inuitatis. Sic Iurisperiti artem suam, quæ & natura facilis est, & quam esse facilem è re est generis humani, quibuscunque rebus potuerunt, intricarunt, & exasperarunt, vt ardua videretur esse ac lamosa,

nec

Facilia ac
dilucida
inuoluunt.

nec cuilibet penetrabilis: Philosophi quidam metaphoris & ambagibus obscurarunt, quæ dilucidè potuissent dicere: alii scrupulos, ubi nulli sunt, quærunt, & nodum, quod aiunt, in scirpo, quo videantur altiùs rimari, & subtiliùs omnia examinare. Nec solùm ignaris inuiderunt suam peritiam, sed eiusdem artis studiosis ac peritis. Ideo ne ea crederentur illi scire, quæ plane sciebant, ipsi quæstiunculas excitarunt, ut est id facile etiam in rebus liquidissimis, ut si scientiæ opinionem aliis detraxissent, id totum in se deriuaretur, quod aliis decederet. Verùm non mouere quæstionem, sed bene profligare, hoc demum acuti est hominis & docti. Fuere qui quo magis premant alios, & pondus eleuent, eorum quæ dicuntur rationem in omnibus euidentem postulant, contemnentes si non adferatur, quod impii in rebus pietatis faciunt. Qui si verò id ubique præstari possit, aut vlla sit res, quæ cōtrouersa non queat reddi nimium inquirendo, non veritaris vitio, sed nostrorum ingeniorum, sicut lux alia videbitur quàm sit, si nimirum oculorum aciem in eam intenderis, non lucis culpa, sed oculorum, qui tam leui de causa hallucinantur. Illud perridiculū, quod quidā falsas suas opiniones nulla ratione munitas ac fultas, satis se cōstabilisse rētur si verisimiles in cōtrariū rationes utcumq; dissoluerint, nō animaduertentes haud quaquam idem esse inimici domum destruerē, & cōstruere tuam. Sed illud mirandū maximè, fuisse præceptores, qui discipulis eruditionem inuiderint, ne illi gloriam suam æquarent. Ut de quibusdā Græciæ sophistis traditur, propter quos Socrates pollicebatur cōmunicaturū se sua candidè, & sine inuidia. Alexander dei villanus in præfatione operis sui significat fuisse Maximianū quendam, cuius nugæ veteres lociis nolebant pandere charis: sic enim scribit. Memoria patrum & nostra plurimos nouimus, qui bonam institutionem adolescentibus suis inuidissent. Maximus profectus hæc superbia impediuit, dum alii ab aliis nolunt discere, vel quia se docere potius credunt posse, quàm debere discere: vel quia dedignantur, aut pudet, ne se inferiores fateantur, aut alii credant. Quibus de causis & rationibus sapientissimus Bion philosophus superbiam dicebat esse impedimētum profectus. Puduit à superioribus doceri, scendi, qui nullos volebant fateri superiores se, qui postulabant credi absoluti in omni sapientiæ genere. Puduit à paribus,

Inuidia
magistro
rum.

Pudor di
scendi.

mul

multò magis ab inferioribus, & vulgo hominum, à quo tamē quæ ad opificia & encyclopediam pertinent fuerant roganda. Iam Plinius ea de causâ conqueritur, quæ essent *τῆς τεχνικῆς καὶ διὰ τῆς* ignota aut incerta esse ingeniis facta.

Quanto nunc magis ipse idem Plinius, Varro, Columella, Vitruvius, & alii ignorantur, quod turpe atque erubescendū ducimus ab agricola, vel fabro aliquid percontari. Quod si quem id nō pudeat, & omnia sciendi studio posthabeat, eum profectò alii subannabunt, & explodent. Quocirca iam pridem nihil à doctis hominibus scribitur de iis, quæ quotidie noua inuenit vita: & meliùs tenemus vsum illorum temporum ab hinc annos plus mille, quum veteres illi scriberent, quorum diligentia nihil non annotatum præteribat, quàm vsum memoriæ auctorum aut patrum. Si ea superbus erubescit doceri quæ erant vel à doctis, vel à plebe audienda, qualia oportet exire, quæ is de rebus huiusmodi pariat, quæ praua, manca, cōfusa, perturbata, quàm monstrosa, vt magis legentium mentes perturbent ac confundant, quàm instituant & illustrent. At saltem bona spes est, dicet aliquis, mutaturū eum sententiam, & depræhensō errore, rediturum in viam, admissurum meliora, & traditurum. Admonitioni cuiusque ferocem se superbus præbet, & contra bene monentem consurgit, vt rabiosus canis: vel quia inferri sibi aliunde lucem posse non putat, vel quia si illata credatur, ignominiam esse censet: contradici sibi, iniuriæ loco deputat. Quem ergo errorem ipse vtcunque mutaret abs se depræhensum, si alius indicet magis infigitur, & pertinacius: quicquid semel animo collibitum est, defendit, ne discedere à sententiâ existimetur. Quod si ipse errorem suum quandoque depræhendit, ita corrigit, vt maiorem habeat rationem existimationis suæ, quàm veritatis: non omnino se priùs falsum, nec prorsum esse in alia opinione: bene se antea sensisse, nunc meliùs, & tersiùs. Prætexit ætatem suam, aut occupationes, aut tempus, ne culpa videatur fuisse in ingenio, cuius vnus laudem ambit, sed in oportunitate ad bene statuendū. Vnus Augustinus Retractiones. Aurelius Augustinus, vir tantus retractationum libros reliquit, simpliciter ac bona fide, quem nullus est ad hoc tempus imitatus: videlicet mansueto vir ingenio, & modicè de se ipse sentiens. Isti nostri fastu, & superbia turgidi, inuerti ac corrumpi malunt, quod non ignorant verum esse, quàm

quàm videri errasse, aut fuisse à quo monstrari illis aliquid potuerit: & tantò admonitionem terunt acerbius, si quæ dixerint, literis consignata euulgarint. In quo maximam artes plagam accipiunt, nam non satis est pertinacem, & obstinatam superbiam esse, est etià præceptum, vt quicquid in mentem veniat, fortissimè asseueret. Fortassis minus esset iacturæ, si ea pertinaciter tuerentur, quæ prius multum, & diu perpensa atq; examinata adferrent: nihil tale, imò quando solus honor spectatur tanquàm scopus, quem se adepturos scribendo arbitrantur, statim ad scribendum se accingunt adolescentes rudes, atque inexpertes eorum quæ tractant, vt non immeritò hæc tanta prurigo, satyricis sit salibus defricata:

Scribimus indocti, doctiq; poëmata passim, inquit ille.

Et alius:

Tenet insanabile multos scribendi cacoethes.

Prætereo quæ ex hac pertinacia & studio non cedendi, nascantur venena Christianæ charitatis, rixæ, contentiones: & quemadmodum à Paulo Apostolo scribitur, inuidiæ, conuitia, suspiciones sinistrae, conflictationes hominum mente corruptorum, interdum quoque pugnae, & cædes: odia inter hæc creantur, quæ nunquàm deponuntur, nisi cum anima: vt citius reges in gratiam post mutuas ingentes clades redeant, quàm ipsi moderati philosophi post simulates de literis susceptas. Quid aliud testificatur hæc, nisi nos in philosophia animos gerere gladiatorios, superbiæ instinctu Simulra-
tes inter
literato-
res. studere, nò amore bonitatis, aut veri cognoscendi. Inter tam offensos atque iritatos animos, quomodo expurgari potest verum, vt liquidum existat, quod à sola mentium nostrarum luce perpurgatur, quæ lux maximis est perturbationum nebulis oppressa, atque offuscata. Minor fortasse est in quibusdã, Auaritia sed tamè mentium nebula, pecuniæ, opum, dignitatis, voluptatum cupido, in nonnullis pectoribus maior, quæ etiam pestis disciplinas inuauit. Nã vt multi humanitatis artes sunt tanquàm honorum instrumentum secuti, ita nò pauci illas propter ea, quæ modò recensui, expetierunt. Vulgo in eam Ambitio opinionem est iam ventum, vt eruditio velut diurna quædam sit opera, cui ad vesperam honor aut utilitas veluti laboris merces necessario sint parata. Sic persuasa est stulta multitudo non alium fructum quæri literas, non in alium quæ-

rendas esse, quàm ob diuitias, atq; opes, aut popularē quandam de sapientiā nomine venerationem. Hic per manus error traditur. Patres filiorum teneros animos eo imbuunt, propinqui, necessarii, nutrices, nutricii, pædagogi infigunt, vt quum in eam ætatē ventum est, in quā rerum accessit intelligentia, & iudicium, reuelli nullo penitus modo queat: hac mente ad scholas à patre puer deducitur, hac ipse puer ingreditur, quæ pariter cum ætate adolefcit. Ergo ea sola disceat, quæ ad finem hunc perducant, sape noxia, & legibus vitata, qualis est magia, & incantatio legibus XII. tabularum prohibita. Quod si homines tenues, ac famelici ex iis artibus alimenta instituerint sumere, quibus non satis valent, fames cogit eos pertinaciter tueri quicquid semel susceperint, ne indoctiores habeātur si melius dicenti cesserint, animo præsertim stimulante malè de imperitia sibi conscio. Tum simulant aliorū contemptū, & eos mordent, ac perstringunt atriter, quos suo quæstui officere suspicantur: compellunt artes seruire, & ad voluntatē eorum torquent, qui dare possunt. Videas quosdam qui opulenti prius liberi ac modesti erant in sentiendō, ac iudicādō, postea in egestatem delapsi, & assentatores sunt facti diuitū, & immodesti, asperi, rabiosi in eos omnes, à quibus noceri aliqua sibi suspicentur.

Duces
scientia-
rum.

Multum etiam extrinsecus est illatum tenebrarū in animos ab ipsis authoribus, quibus in hac via, & inquisitione tanquàm ducibus vsi sumus: siue quod eos non intelleximus bene admonētes, siue quod inuiderunt nobis ductum suum, siue quod ipsi falsi nos etiam, qui nos illis credebamus, fefellerunt. Principio, quæadmodum est in sacris historiis proditum, in permissione illa & confusione linguarum, quæ facta est in Assyria rege Nembroto, imperia nec dari poterunt, nec accipi, quum mutuo nō intelligerent: ita ignoratis magnorum scriptorū linguis, quid nobis præciperent, quæ eundum, & quæ suaderent, nō intelleximus: veterum authorum cognitionem, qui Græca aut Latina lingua monimenta ingeniorum suorum consignassent, ac posteris tradidissent, ademit prorsum nobis ignoratio harum linguarū, quæ tanta bellorū continuatione propè exoleuerunt, quum gentes illæ quæ Septentrionem incolunt, in Italiam sese & totum Occidentem effuderunt, Gotthi, Alani, Vandali, Sueui, Turuli, Hunni, Longobardi, & postremi omniū ab Orientē,

Lingua-
rū igno-
ratio.

re, Agareni. Nam cū bellum literas simul cum bonis artibus, ac pietate opprimit, quod inter bellicos furores non est virtuti nec honos ullus, nec locus. Pellitur ē medio sapientia: vi geritur res, inquit Ennius. Tum gentes illæ natura feræ, & ab omni penitus ingenii cultu alienæ, primū ingeniem bibliothecis cladem attulerunt, cōflagrarunt illis incendiis vrbes, & regna, & scelerato illo atq; impio igne magnorum quoque ingeniorum opera exusta sunt, quibus auctores malè præfagi, vitam atque immortalitatem fuerant polliciti. Victores enim, vt de gallo est in fabulis, margaritum quod non intelligebant, contempserunt. Simul irritæ sunt ab eis linguæ, ac studia omnia, nec solū eis detractum est pretium, sed cōtumelia addita, seu quod nollent quenque in victis plus sapere, quā victorem: & vt quisque esset doctissimus, ita crassus illis hominibus imprimis erat suspectus tanquā vaser, & ad fraudes ac dolos maximè appositus: seu quod emolliri per hæc virū virtutem opinarentur, ac minū bello idoneos reddi, cui omnia illi tum tribuebant laudem, gloriā, decus: ex bello vno verum, germanūque etiam sempiternum oriri rati. Græca lingua diuulsa ab Occidente, Græcia imperio & commercio excessit Italia, Gallia, Hispania, Germania. Hostes verò imperii Romani nec linguam quoque Romanam potuerunt ferre, quā & ipsi tum ignorarent, tum etiā odissent. Cogitasse ferunt regem quendam Gotthorum vt Romam dirutam instauraret, & nominaret Gotthicā. Qui seruiebāt, & quidem dominis superbissimis, ac crudelissimis, eum sermonē admiserunt, inque eo se exercuerunt, quo vt apud dominos possent. Ita sermoni verè Latino ac purè, succelsit mistus quidam ex Latino & peregrino. His linguis Latina & Græca vel amissis, vel magna ex parte tenebris obrutis, necesse fuit, vt eadem quoque nox artes illas & disciplinas opprimeret, quæ essent linguis illis traditæ: occultatæ significationes singulorum verborum, incognitæ loquendi formulæ: & tamen qui hæc nesciebant, volebant videri eos scriptores, & quidem luculentè intelligere, qui Latini sermonis fuerunt obseruantissimi. Quasi verò aliud sint libri quā voces, & loquendi rationes ac formulæ, quæ qui intelligit, is demū assequitur scriptoris sententiam, non alius. An librum de philosophia Hispanè scriptum probè intelliget Italus ser-

monis nostri ignarus, quamlibet vicinæ sint hæ duæ linguæ? Leges duodecim tabularum probè capiebat populus ille, qui tum veniebat, quum ferrentur: Cicero negat se totas intelligere. Quid ita? non hic doctior, quam vulgus illud rude? multo. Sed voces quædam ita ex vsu abierant, ut significatus intercidissent. Nicolaus Leonicens, Thomas Linaccer, & alii queruntur ignoratione Græcitatæ multa esse à Plinio perperam à Græcis ad nos traducta. Idem Diuus Hieronymus de septuaginta interpretibus ex Hebræo in Græcum. Quid opus est exemplis veterum? Isti ipsi qui negant se de verbis esse sollicitos, quot locis hallucinantur ignoratione verborum? quoties est eis horriolandum, quam multum se torquent. Quam plausibiliter dixit Bartholus, de verbibus non curat Iuriconsultus? De quibus ergo rebus mouent tam multas quæstiones, nisi de verbis legis? quæ si intellexissent, non ita passim deprauassent leges stultissimis sensiculis. Dicat exempli gratia Iuriconsultus centesimæ calendis dari vtiliter stipulamur, non intelligas tu quid sit vsura centesima ego intelligam, an non melius sensum ego Iuriconsulti tenebo, quam tu. Si res in colloquium inferrentur, faterer eum, qui res cognosceret melius intellectu- rum quibus de rebus ageretur: Sed quum verba sola vsurpentur, necesse est verborum significatus, ac sensus optime teneat, qui exactè dicit intelligere se, de quo disseratur. Fortassis non tam id esset necessarium in Geometria, Arithmetica, Musica, Pictura, quia lineolis & notis quibuldam vtuntur oculos in rem præsentem ducunt: In aliis fieri nequit, quo minus verba intelligi sit necesse. Quocirca quum verba magnorum scriptorum non intelligerentur, nec percipi sensa potuerunt. Vnde omnia apud eos inuersa, & illa eorum dictis sensa attributa, non quæ quisque ex verbis colligeret, sed quæ pro libito cōminisceretur. Reuertuntur tam longo postliminio Græca & Latina lingua, seu renascuntur veriùs. Et tanto ex bono non exiguum cœpit malum artibus nasci, vnde tota erat salus speranda. Quod homines vtriusque linguæ peritia & cognitione instructi, quum ad legendos artium ac rerum scriptores accedunt, Platonem puta, aut Aristotelem, aut Plinium, aut Hippocratem, aut Galenum, aut Pandectas iuris, aut nouum, aut vetus instrumentum pietatis, & ex linguæ imperitia lapsos nonnunquam

quam vident interpretes, qui multum in illis artibus operæ posuerunt, quoniam ipsi peccatum depræhendunt linguarum ope, ac beneficio, illico se peritiores esse in illis artibus opinantur, quam illi ipsi fuerint post tantam & tam diuturnam exercitationem: ergo illos contemnunt præ se, & vix primis gustatis rudimentis ad scribendum de illis artibus prouolant, rem se facturos rati utiliore, quam illi veteres artis professores fecerint, si aliquot locis hallucinatos interpretes indicarint. Aditus quidem sunt linguæ ad artes omnes, quoniam illis sunt traditæ. Sed aditus tantum, non item artes: hostia, non ædes.

Inuiderunt nobis veteres beneficium suæ institutionis, *Obscuritas veterum* dum ea quæ inuenissent non aperte ac simpliciter nobis communicarunt: sed tot inuolucris contexta, ut facilius esset illa ipsa ex natura rerum eruere, quam ex eorum libris. Scitè Socrates Heracliti Ephesii librum Delio vrinatore dixit indigere. Sunt in quibus facile des obscuritati veniam, quod ea non ex scriptore nascatur, sed ex rebus: ut in Pythagoricis & Platoniciis numeris, quibus constare illis placet hominis animam. Alii arcere voluerunt profanum vulgus à cognitione rerum, quas traderent, contaminaturum non intellecturum. Fuerit sanè causa aliqua in rebus sacris, quam prætexere videtur Plato in Epistola quadam ad Dionysium: at in profanis quid causæ possunt dicere: ut quum Heraclitus disputat de rerum natura, Pythagoras de numeris, Aristoteles de causis, & hisce rebus quæ inter nos versantur, denique de his, quas nos scire, nec ullum erat periculum, & vehementer hominum generi cōducebat. Sed de aliis minùs fortasse fuerit quàm de Aristotele quærendum. Reliquorum enim, ut quæ scripserunt parum sunt appositè dicta ad discendum, ac percipiendum ætas paulatim deleuit scripta, vix ut vel ipsa nomina existant authorum. Ruditer enim, impolitè, & cōfusè, sua congesserant, artis penitus expertes.

Aristoteles verò quacumque suscepit tractanda, siue de moribus, siue de natura, siue de sermone ac differendo in artis for-*lis obscuram ac faciem redegit, ut nec poëticam quidem omiserit, ritas.* & alia minoris notæ, quæ ad nos non peruenierunt: quo nomine haud facile quis dixerit, quantum ei studia & disciplinæ omnes, quantum studiosi ipsi debeant. Sparsa enim collegit, congesta digessit, confusa distinxit, obscuris attulit lu-

men, omnia ita reddidit concinna & apta, vt percipi facile ac teneri queant magno cum fructu eorum, qui artium fructum aliquem sequuntur. Fuit vir ille, mea quidem sententia ingenii acumine, iudicio, dexteritate, prudentia, diligentia, atque studio omnium cuiuscunque ætatis scriptorum facile præstantissimus, edoctus diutissimè à magistro non dicendi modo, sed etiam sapiendi Græciæ totius princeps. Quantam hic potuisset adferre vtilitatem omnibus discipulis? quantam lucem? si quæ vel ab aliis accepisset, vel inuenisset ipse, aut reconcinnasset, apertè ac dilucidè voluisset prodere. Sed tum ipse obscuravit consulto sua, tum fortitæ aliæ obscuritates accesserunt, quæ aquam fontis huius in fistulas perturbatam mitterent. Primum, vt scriptores omnes qui ante ipsum fuissent, carpserrat, callido, & vafro vir ingenio, talionem veritus, sententiis est vsus ambiguus, & in vtrunq; latus flexibilibus. ne quis etiam existeret, qui ipsius dicta laceraret: ita cavit sibi semper via, qua elabi depræhensus posset, ne teneretur, vt quicquid dixisse videretur, integrum esset ei qui vllum tuendū suscepisset, negare eam fuisse illius mentem: vt etiam in reddendis causis naturæ, vbi paulò erat apertiùs loquendum, operis titulo ademerit reprehensionis ansam, in scripto opere problemata, vt iudicium videretur relinquere lectori liberum, admonitum modo ab scriptore. Themistius quodam loco furori simile esse dicit, si quis speret se ex Aristotelis scriptis sententiam eius penitus affecuturum. Idem ipse Aristoteles ad Alexandrum scripsit neminem commentarios illos, quos rex doleret in vulgum missos, intellecturum, nisi qui ab se domi audiuisset. Nec solum obscuritas fuit in rebus sensorum, sed etiam in verbis: affectauit enim quoddam dicendi genus presum, & astrictum, Attico etiam breuius & contractius, vt interdum non tam eloqui videatur, quàm res indicare: tum quòd id visum est aptissimum ad occultandas sententias animi: tum quòd in tradendis artibus non existimauit multis verbis onerandum esse discipulum, ita vt plerunque non tam sint eius verba intelligenda, quàm nutus interpretandi. Et hic tam in sua illa naturali lingua obscurus, & reconditus, in alienas linguas est ad philosophiæ atque artium omnium cognitionem transfusus, in Latinam, Arabicam Chaldeam, non ab aliquo & linguæ ex qua verteret, & in quam verteret

Ambigu-
is senten-
tiis qua-
revsus A-
ristoteles

Dicēdi ge-
nus Ari-
stotelis.

ret peritissimo, qui sententias commodè annumeraret non verba, sed vel à pueris, vel à superstitiosis, vel ab imperitis, qui verbum verbo reddiderunt: tum phrasés, & schemata, & figuras omnes quæ erant in Græco sermone elegantissimæ atque aptissimæ ad Latinum, aut Arabicum inuitas ac repugnantes pertraxerunt, vt nemo esset qui linguam suam patriam sic inuolutam ac peruersam agnosceret aut intelligeret, tum multa non assecuti pro capto suo transtulere, vt non iam cognoscendam haberent Aristotelis mentem, sed interpretis & clamores, tumultus, tragœdiæ, quæ de intelligentia dicti cuiusquam Aristotelis excitarentur, non de illius essent sed interpretis sensu. Neque verò ab illis ineptissimis ad transferendum versus, sed ab eruditissimis: qualis olim fuit Boethus priore seculo, & patrû memoria Hermolaus Barbarus, Argyropylus, Trapezuntius, & paulò antea Leonardus. Taceo de Gaza propter libros animalium, qui sunt explicatiores. Sed in his libris, in quibus de artibus præcipit, non potuit vires illas suæ linguæ conseruare, vt plerunque non quiuent ad nos pertrahi verbum aliquod, aut dicendi ratio & phrasis, in qua situm esset vniuersum robur sententiæ. Quo fit vt melius vel à mediocriter Græcè docto in lingua illa sua intelligatur, quàm à Latinissimo in Latina. Ad consultam illam obscuritatem accessit alia fortuita, quòd Aristotelis libri cum tota Theophrasti bibliotheca, sicut Strabo, Plutarchus, & Diogenes perhibent, ad Nelium quendam Sceptium hæreditate peruenit, hominem literarum penitus ignarum: hinc ad Appelliconem Teium deuoluta, ex his codicibus locis aliquot, & confusis: de Appellicone, dictator Sylla emit, & Tyrannionem adhibuit Grammaticum, qui volumina in ordinem redigeret: hic, vt par est, in multis secutus est iudicium suum, interdum non assecutus. Andronicus Rhodius euulgauit libros. De multis eorum librorum, venit in controuersiam, essent ne Aristotelis, vt de prædicamentis, de quibus Boethus disputat. De Analyticis quadraginta volumina scribit Ioannes Philoponus reperta esse in vetustis bibliothecis: ex stilo & differendi acumine hæc quatuor Aristoteli esse adiudicata, quæ nunc sunt in manibus. Quis posset bene sequi ducem tam obscurè admonentem?

Alii alio- Nec solùm inuiderunt nobis lucem suam, sed etiam alie-
 rum in- nam, vel non admonendo vbi possent iuuare, & quali perfe-
 uenta ob- rendo ad nos voces, quas priores duces ædiderant: sed quæ
 securarūt, quum ad nos peruenissent, nimis iam essent tenues atque
 exiles, vel obruendo, vmbriis atq; obscuritate dissimularunt
 multa aliorum inuenta, vt sua in illorū locum reponerent:
 quum potuissent, si quid habebant difficultatis, faciliora ad
 posteros, atq; explicatiora tradere. Nam nō aliter quā qui
 voces ē proximo audiunt, promptius eas intelligunt, quā
 qui procul: ita proximi inuentoribus, aut alioqui scriptori-
 bus quibuscunq; melius capiunt, quæ dicunt: siue quod res
 illa ætate sunt cognitæ, & verba & loquendi tota ratio, figu-
 ra, allusiones, prouerbia, sententiolæ: siue quod cōcipiendi &
 explicandi ratio ferē sua est cuiq; ætati, & iis omnibus qui in
 ea viuunt, cōmunis: quocūq; ille, vt de aliis taceam, intel-
 ligit orationes & epistolas Ciceronis, præsertim ad Atticū?
 equidē haud scio an omnino vllus, quas omnes bellē intel-
 ligeremus, si eas Alconius aliquis esset interpretatus, aut
 quispiam æui illius homo eruditus. Sic philosophorum do-
 ctrinas, & placita discipuli, aut certē illorum ætatibus vicini
 dilucida ad nos transmisisissent si voluissent, sed multo aliter
 animū induxerunt: nam fuere qui silentio præterirent, quod
 vtiq; visum est modestissimum præ eo, quod alii fecerunt,
 qui perstrinxerunt, carpsērunt, inuerterunt prorsus. Stoici
 Peripatetica, Peripatetici Platonica & Pythagorica, Epicu-
 rei Stoica. Ita sectæ inuicem momorderūt, ac dilacerarunt,
 inter quas contentiones & pugnas de gloriola, periit lectori
 fructus magnorū inuentorum, quæ potuissent cum utilitate
 posterorum relinquere, si non maluissent ea frangere quā
 inflectere: nam fortassis leniter detorquendo ad veritatē de-
 duxissent. Sed illorum monimenta tempus consumpsit edax
 rerum. Aristoteles noster vtinam in gloria expetenda fuisset
 paulo moderatior, quæ illi haud dubiē contigisset amplissi-
 ma: qui inuentorum diligentia, & acumine priores omnes
 longē antecedeat, potuisset nobis relinquere multa à pri-
 scis sapiētiae studiosis acutē ac prudenter excogitata. Sed ille
 vt indefesso illo suo studio omnes quotquot ante se aliquid
 scripserant, euoluerat, legerat, excusserat: ita neminem præ-
 teriuit, quem non carperet, ratus tantum in se deriuaturum
 gloriæ, quantum aliis omnibus ademisset, tanquā subli-
 mior

mior esset cæteris, acutiùsq; ac longiùs prospiceret. Carpit Aristote-
quidem plerunq; meritò, in quo ingentem meretur laudem, lesomnes
quòd fallas aliorum opinaciones tanquàm periculosa loca carpit.

indicarit. Sed nonnunquam affectatè, interdum nò citra ca-
lumniam, in quo cum multi inceserunt. Nam veteres cum
viderent rerum vocabula, quæ in promiscuo essent vsu, pa-
rum congruere ad ea quæ ipsi accuratiore naturæ inquisi-
tione eruisent, vel ipsi sua sibi finxerunt verba, vel in com-
munibus vsi sunt longissimis ac reconditisimissis allusioni-
bus ac metaphoris: nonnunquam id còsultò faciebāt quem-
admodum dixi, vt cognitione rerum maximarum indignos
prohiberent: Aristoteles ad eorum sententiam in alienissi-
mam opinionem detorquendam vulgari est abusus signifi-
catione, vt eos consensu populi premeret, & quasi publico
præiudicio condemnaret: vt de Ideis, & motu animæ con-
tra Platonem, de vnitæte entium contra Parmenidem. Ea
res non solum veras antiquorum sententias nobis ademir,
quæ fortassis iactura fuisset tolerabilis, verum quod est
gravius, Aristotelem nobis timidiorem effecit ad eloquen-
dum quæ sentiret, reputantem scilicet quod est in mimo:

Ab alio expectes, alteri quod feceris. Quid quòd priores, Duces de-
cepti.

quibus nos ducendos penitus commisimus, ipsi sunt sæpe-
numero falsi, vt falli nos quoque, qui sequeremur, fuerit
neceffe. Primum non pauci eorum fuerunt ingenio haud
satis acuto ad inspicendas res tot inuolucris contextas: alii
res nouas, & quasi tum primum nascentes contemplari po-
tuerunt magis quàm censere: ita vt in plerisque iudicandi
facultatem longa admiratio consumpserit, sicut in specta-
culo magno, raro, admirabili, vsu venit, vt antea subdu-
catur, quàm spectatores potuerint assequi, & statuere quid
rei fuerit, aut cuiusmodi. Adde quòd rationes quædam, &
argumenta, quæ sequebantur aliis mediocria, & vtcunque
probabilia ad persuasionem rerum maximarum atque ab-
strusarum suffecerunt: aliis indigna sunt visa, à quibus mo-
uerentur, vt alii plus valuerint ingenio, & instructiores fue-
runt à dialectica vel naturæ vel artis, atque studii beneficio
accepta, neque enim dici potest, quos errores in se admise-
rint veteres philosophi ducti leuissimis argumentis, quòd
rationem atque artem colligendi ignorarent. Cuiusmodi
sunt ea, propter quæ Epicurus asseruit voluptatè esse sum-

Rationū
fides.

Dexteritas.

mum bonum. Anaxagoras omnia esse in omnibus, & alia quæ passim sunt obuia iis, qui antiquorum legunt placita. Acutum ingenium nisi dexteritate quadam regatur, & acrimonia iudicii in colligendo, non aliud est quam sagax quidam canis, sed venationi parum assuetus, qui hac & illuc temere ingreditur, & feram quæ minimè oportet, persequitur. Damnem ego illos quod aliquoties lapsi fuerint? Equidem non magis, quàm si quis maximo labore vel fontes inuenerit vulgo necessarios, vel metalla multa eruerit, non tamen repurgarit. Non possunt multa simul proferri & expoliri: non potest vnum aliquod diu quæsitum ab eodem inueniri, & excoli: non sufficit tot rebus vita: non humani ingenii vis brevis & infirma. Beatus ille, inquit Plato, cui vel in senectute datum est, vt veras de rebus habeat opiniones. Quòd si tam seræ ætas ad aliquid est rectius sapiendum expectanda, fœtus hi senibus iam nascuntur patribus, vt educare eos atque instituere non queant. Ego quum Aristotelem tam multa in lucem protulisse video, nonnulla verò parum exculta atque expurgata, non aliter eum admiror quàm diligentem aliquem auratque argenti efflorem, qui massas ingentes magna vi brachiorum eruerit è venis terræ. Ignosco autem quod homo vnus non omnia tam multa, tam varia, tam difficilia, quæ eruerat, coxerit ac repurgarit: non potest obire vnus, quæ vix centum præstiterint. Multò minùs miror Aristotelem contraria interdum sentire: vt de videndi ratione, qui in libris de anima intrò nos dicat admittere, in problematis foras mittere. De commistione prædicamentorum mista esse in categoriis fatetur, in Topicis negat. Dialecticam alibi ait materiam habere propriam, alibi nullam. Mireris tu in tanta varietate rerum aliquid esse visum vno tempore, quod nò alio? Quis est cui non id quotidie contingat in plurimis? Vlysses apud Homerum mutari ait hominum animos quotidie cum sole. Cicero se in diem ait viuere, & quicquid aliquo tempore animum probabilitate percusserit, id affirmare. Itaque negat secum oportere agi tabulis obsignatis. Dominus noster author nostrorum animorum non solùm in dies mutari nos dicit, sed etià in horas: nòne, inquit, duodecim horæ sunt in die? Quæ sunt à me dicta, ne quis putet vel me malè de Aristotelis

lis ingenio & doctrina sentire propter lapsus aliquot: quum
 labi sit ferè proprium mortalitatis nostræ, vel authorem es-
 se cuiquã vt tantæ magnitudini inuentorum, tantæ vtilitati
 ac beneficio artium, ac disciplinarum omnium, sit ingratus,
 propter aliqua minùs accuratè ab illo, vt puto, expensa, aut
 fortasse à nobis ipsi: quod idem velim existimari esse à me
 dictum de quocunq; magnæ notæ scriptore. Iam multos,
 qui acie ingeniorum satis erant instructi, piguit in fulgorè
 veritatis intentè aspicere, eos qui dicebantur aspexisse sunt Alii aliis
 secuti. Inde errores priorum traditi ad posteros & confir- credunt
 mati, dum tantis de rebus malunt aliis posteriores credere, omnia.
 quàm ipsi iudicare. Quod vitium nō solùm est in nuperri-
 mis sed in antiquis etiam, Plinio, Cicerone, Aristotele ipso,
 hæc enim est non exigua causa, cur interdum acutissimus
 scriptor affirmat pugnantia, secutus videlicet variorum o-
 piniones: nam quæ vsu semel sunt recepta & confirmata, ita
 fiunt sancta & fixa, vt nefas existimetur ab eis discedere: au-
 thoritatem illis penè inuiolabilem consuetudo tribuit: vt
 multi in præceptis artium perhibendis, non in ipsam veri-
 tatis faciem direxerint obtutum, sed vsui se tanquam optimo
 duci & peritissimo magistro commiserint: etiam in iis,
 quorum vsus non est dominus: eum si explicuissent, & in ca-
 nones redeuissent, bellissimè se perfunctos opinabantur
 præcipiendi munere: quod Aristoteli in arte Rhetorica con-
 rigit, & poëtica. Quas artes non videtur mihi tantus artifex
 ad examen illud iudicii & rationis exemplis relictis accom-
 modasse, ad quod alia erat solitus: sed vsu, & recepta con-
 suetudine adductum illam exposuisse pro formulis artis. In
 eodem poëticæ argumento Horatius, quæ recepta essent,
 præscribit. Hieronymus Vidas nostræ ætatis scripsit car-
 men excultum sanè, & mire Virgilianum de poëtica, in quo
 satis habuit Homeri ac Virgilii virtutes percensuisse, ac de-
 clarasse, easque pro absolutis artis præceptionibus tradi-
 disse. Cicero leges & rempublicam instituens, ciuitatem Ro-
 manam pro exemplari proposuit, ad quod se populi omnes
 fingerent ac formarent. Nec saltè in re tanta & tam præclarè
 cogitare voluit, quod ipse idem se in perquirenda optimæ ac
 præstantissimæ eloquentiæ ratione fecisse testatur: vt non
 eam qualis aliquando in eloquentissimo fuisset homine quæ-
 reret, sed qualem esse oporteret, quæ fortassis in nullo
 vnquam

vnquam mortalium fuisset: vt non in alicuius hominis intrueretur eloquentiam, dum de illa scriberet, sed in specimē perfectæ eloquentiæ, quam Plato Ideam appellat. Quod si hoc faciendum censuit in eloquentia, & verbis quæ ab viu peti solent, quanto erat magis elaborandum in legibus, & re publica, quæ vsu deprauari solent, non adiuuari. Ea credulitas receptorum, quum in priscis illis fuerit, quātam in recentioribus esse oportet, qui sibi ipsi diffusi grande sunt rati nefas à maiorum placitis desistere vel latum vnguem. Itaque quum non minùs naturæ benignitas mente illos, ingenio, iudicio donasset, ipsi tamen amiserunt iudicandi de viribus ductorū facultatem partim à rebus ipsis sublatam, partim ab ipsis eisdē iniqua sui damnatione abiectam celerrima, desperatione sui, quum quantum possent ac valerent, nunquā periculum fecissent. Itaque videas Theologos omnes scholæ Thomā, Scotū, Ochamū, Holcotū, Gregorium Ariminensem, Petrum Haliacentem, & alios, quum quid de lumine naturæ quærunt Aristotelis adducentes placita pro culmine, ad quod peruenire potest homo naturæ luce adiutus, quasi altius nullum ingenium nulla in re possit ascendere, quā quò ille peruenit.

Ducum & præcepto- rum multitudo. Ad hæc tot sese nobis obtulerunt duces, tot sunt nos vt sequeremur se vnos adhortati, & alios vt omnes vitaremus tāmquam in perniciem ducturos, & quidem probabili pro sua parte ratione ostensa. Vt proficiſcētis animus inter tot Mercurios ac viarum indices tam varios, atque inter se discordes constitutus hæserit, cui pareret potissimum ignarus: & inter tot voces in diuersa trahentium qui iudicare vel nescit, vel non vult, sequitur aut suauissimam, nempe captus eloquentia: aut eam quæ ad congruentem cupiditati suæ finem promittit se ducturam: vel quæ est ingenio suo conuenientissima. Infinita est scribentium turba, ingens, immensus librorum numerus: nescio cui me applicem, cui adiungam: præsertim quum nemo se audeat arbitrum offerre tantæ controuersię, vt legendos à non legendis iudicio & sententia sua secernat, quin huic maxima sit inuidia, & penè publicum odium subeundum: neque enim est vllus tam malus liber, qui alicui non placeat tacita quadam congruentia ingeniorum, ac cogitationum. Quūque tot esset notis ad distinctionem opus, nos tamen ita illorum vestigiis adhærere atque

que insistere decreuimus, vt nefas existimemus ab illis vel pium vnum despectere, siue damnatione nostrorum ingeniorum, siue odio quærendi: quum & illi fuerint homines, vt nos, quorum est proprium falli & fallere: primique illi inuētores velut rudes modo quasdam massas atq; informes, sicut dicebam, tradiderint posteris suis expurgandas & formandas. Quid quòd illi qui in nos paterna fuerint beneuolētia, & charitate, noluisse nos ita despondere animos, vt nihil supra se quæreremus. Et qui ex illis fuerunt boni viri, haud dubie manum quoque illis porrexerunt, quos altius videbant ascensuros, quā quòd ipsi peruenissent: hoc enim iudicabāt e re esse generis humani, vt in dies artibus, disciplinis, virtute, ac probitate proficeret. Nos vero homines esse nos ipsos arbitramur, aut etiam minùs, illos plus quā homines, heroēs scilicet aut semideos. Non quin illi multa & magna nobis præstiterint, sed & nos nō parum nostris minoribus possemus præstare, si anniteremur, aut plus etiam quā illi adiuti illorum inuentis, adhibito nostro iudicio. Falsa est enim atque inepta illa quorundam similitudo, quam multi tanquā acutissimam, atque appositissimam excipiunt, nos ad priores collatos esse, vt nanos in humeris gigantum: non est ita, neque nos sumus nani, nec illi homines gigantes, sed omnes eiudem staturæ, & quidem nos altius euecti illorum beneficio: maneat modò in nobis, quod in illis studiū, attentio animi, vigilantia, & amor veri: quæ si absint, iam non nani sumus, nec in gigantum humeris sedemus, sed homines iustæ magnitudinis humi prostrati. Ergo diffisi nobis, & clausis oculis nos alicui commisimus, quem bellè atque acutè cerne re crederemus, non optimo duci quem elegimus, sed primo ad quem nos applicauit fors. Id cupiunt ductores prauæ gloriæ suæ magis auidi, quā veritatis, vt res in studia & sectas scindatur, vt quod impetrare nō possunt bonis artibus, extorqueant diffensione, ac velut ciuili bello. Nullū est tam incorruptum disciplinæ genus in quo non sint partes ac factiones, etiam in ipsa Theologia, vbi minimè congruebat. In disciplinis omnibus passim scribunt & docent periti, imperiti, boni, mali. Vnusquisque constantissimè defendit suam nec est vlla adeò absurda atque infelix secta, quæ non suos inuenerit adiuratos. Deducitur ad scholam filius ab indocto patre: quantæ felicitatis est non incidere in malum ac imperi

peritum doctorē, quum eiusmodi sint plena omnia? Quid aliud est tum patri faciendum, quàm suscipere vota pro institutione sui filii? Venit eò adolescens novus, rudis omnium, imbuatur statim sectæ placitis: recipit, assentitur, afficitur prius, quàm possit iudicare: audit dici omnia constantissime à præceptore ingenti asscueratione vultus, supercilii, sententiæ, videt recipi omnia magno consensu atque admiratione à cōdiscipulis, credit esse inera oracula, ita haurit, ita quam certissima & indubitata, tanquam illa quæ prima principia nominantur. Quare de motu, de tempore, de his quæ sunt in anima, de constitutione corporum, deniq; de rebus incomperitissimis, omnia ingenti asscueratione confirmantur: vt si quis vel ambigat, non secus putent contra hunc nō esse disputandum, quàm si negauerit vnumquenq; esse, aut non esse. Non solum ita se his addicit, & mācipat, vt ea modo censeat esse verissima sed vt alia cuiuscunq; modi habeat suspecta: adeò iudicio se spoliatur præcipuo, non solum in tractandis artibus bono, sed in tota vita facultate inquirendæ veritatis aptissima. Multi eorum ne possunt quidem à receptis semel discedere, quum alia penitus nec legerint, nec audierint, ignari sint ne aliqua suis vel meliora, vel peiora, vt qui nō credunt aliam esse Dialecticam, aliam Theologiam, quàm cui ipsi sunt dediti: quod mihi Lutetiæ, & aliis plerisque meis cōdiscipulis contigisse memini. Qui verò legunt quæ aliena sunt à suis, alii decursu iam ætate nequeunt discere, & pudet quæ iuuenes didicere senes perdenda fateri, vt inquit Poëta, alii quum sint penitus in iure ac mancipio contrariæ opinionis, tanquam vana, absōna, stultia respiciunt, atque aspernantur. Sin scriptoris nomen authoritatem tuetur, omnia ad sua dogmata detorquent, vt sua videatur dicere, etiam cū diuersissima loquitur, & tanquam in civili discordia, vtraque pars trahit quæcunque quæcunque potest ratione ad fauorem sectæ, ad lædendum aduersarium. In quo ardentissima fuit Græcorum leuitas, sed nos illis hac in parte grauiores non sumus. Quæcunque à receptis discere pant, explosa, exibilata sunt, velut insanix & furoris plena, nec cognita, nec audita, tantum ex suspitione quod cum suis non consentirent. Nunc quæcunque ab scholæ placitis dissident, scholastico theologo sunt hæretica, quod crimen ita vulgatum est, vt rebus quoq; leuissimis impingatur, quā

Hæresis
crimen.

striptum per se atrocissimum. Idem inter se facerent Thoma addictus de Scoticis, hic vicissim de illo, nisi quod scholæ assuetudo, in qua personant variae scholasticorum sententiae, audiendi sensum mitigasse, ac emolliuisse animum videtur. Nam qui sua non sunt cœnobio egressi, planè isti quicquid non est ex præceptis sectæ, refugiunt tanquam venena, & illico errorem clamant. Nec tam pertinaciter principes opinionum quamlibet obstinati pro suis inuentis depugnassent, quàm isti pro placito alieno. Sed fortassis in quibusdam foret tolerabile, si non in progressu corruptiora essent, quàm in prima origine. Verum exercitatio ingeniorum, & semper in eisdem iam ab initio lapsis, & corruptis, longissimè rem à recta via abduxit, quum ipsi monitis melioribus ingressus omnes præclusissent. Ah quanto se fructu disciplinarum fraudant, quòd semper aliis credunt, nunquàm ad se ipsi reuertuntur, nec se vocant in consilium, ut examinent cuiusmodi sint quæ tanta cura addiscunt. Et Secta re-
 eorum qui sese ac ingenia sua certis scriptorum generibus, centium.
 ceu in seruitutem tradidere, alii ita sunt recentes, ut veteres omnes ne de nomine quidem norint, partim non intellectu si eos adirent, partim quòd exactiora omnia apud novos esse credant, partim quòd occupatis incredibili nouorū longitudine nunquàm ad priores illos caput vacet attollere. Alii nouitatem omnem aspernati ita veteribus adhærent, ut si neotericum attingant, metus sit ne contaminentur.

Verum permultum refert quos veteres, quos novos esse Secta ve-
 arbitrare. Si illi qui artes disciplinæque & inuenerunt, & terum.
 auxerunt sunt antiqui, noui verò qui vel corruerunt artes, vel corruptentibus accommodarunt suas manus, planè vel umbilicos illorum antiquorum malim, quàm verbosissima recentium monimenta. Sin tu ad Iastos redis, & virtutem æstimas annis, quemadmodū ille dicit, ut quanto sit quisque vetustior, hæc apud te sit nominis ac fidei potioris. Quid, an non Aristoteles Anaxagora posterior, & Cicero M. Catone, & Demosthenes Pericle, & Vergilius Ennio? At posteriores istos antiquarii homines prioribus illis longè anreponunt. Hi quoque non exigua sanè eruditioni suæ incrementa detrahunt, & iudicium debilitant ac trangunt. Primum ita addicti & mancipati sunt veteribus, ut quicquid nō putent vetus esse, continuò damnent inauditum, incogni-
 rum

tum, etiam si maximè sit vetus, modò retens credant, vt recentia, si existiment esse vetera, adorent: neque enim iudicio adducuntur, sed solo nomine. Vidi qui verticulos hominis viuentis quod in peruertere bibliotheca reperti essent puluere oblit, ac iam ferè exeli tineis, aperto capite veneratus sit, tanquàm Virgilianos, aut alicuius æui illius: & alius Ciceronis epistolam, cui consulo nomen erat præpositum gallicum, magno fastidio aspernatus est, addito etiam conuicio barbariæ transalpinae. At inquit progressæ sunt aliquousq; artes, inde deciderunt, eos qui in fastigio artium scripserunt, solos terimus manibus. Qui possunt de hoc censere, quum alios nefas esse putent attingere? Equidem haud abnuerim magnum in priscais illis hominibus ingenium fuisse, multum vsum, ac diligentiam circa res eruendas, & tradendas illustriores posteris. Sed malè de natura cenlet, quicumque vno illam aut altero partu effectam esse arbitratur. Cur se non putent aliquid excussuros, si annitantur? quum nulla sit tam facilis atque humilis ars, in qua non infinita occultantur, quæ possint multa ingenia diutissimè exercere. Et recentiores haud sanè pauca excuderunt, nonnunquam acutius, sæpè etiam verius: quòd illi varietate rerum distracti, aliquas parum exactè curarunt cognoscere, vñ docuit aliter esse, quod Hippocrati, Aristoteli, Plinio, & aliis eius notæ vñ venit. Videre est in Aristotele, vt de illustrissimo ac certissimo scriptore potissimùm loquar, in eo inquam sunt quædam dogmata in multis quidem certa, sed sæpè parum solida & catholica: vt quum dicit, si est aliqua propria animæ operatio siue phantasia, contingit eam separari à corpore, si non est, non contingit. Ceu quis dicat, si clausus in hoc cubiculo potest aliter quàm per vitream fenestram lumen aspicere, potest è cubiculo exire: Si non potest, nec è cubiculo exire: aut quod principia rerum naturalium sint contraria. Non nego quin dogmata eius omnia possint à pertinace defendi, vel centum cuneolis infarctis vt fulcian-
tur, inuersis, detortis, mutatis multis mille interpretatiunculis. Sed certè contradictioni sunt exposita, quæ ingenia torquet, non instituit. Et certè quod est mirabilius; ex his tam incertis, & male firmis dogmatibus impugnat suos aduersarios, vt Parmenidem, & Melissum, ex sua sectione prædicamentorum, ex suo ente simplici, & ambiguo. Nec est quòd
cui

eniquam absurdum videatur, priscos illos parum interdum firma pronūtiata vniuersalia adferre. Vniuersale enim pronūtiatum ex multis singularibus oportet nasci bene obseruatis. An verò mirandum est, si quæ erant tam varia in natura rerum, quæ mutarentur regionibus, quæ temporibus, ipsi vniuersaliter affirmando noua & tum primum ab eis animaduersa sint falli? vt quod Aristoteles dicit in primo de animalibus, cui crura sint gracilia, & brachia esse gracilia, cuius contrarium videmus in hac Belgica, in qua homines multi vix habent suras, brachia tamen succi plena, & bene habita. Quæ de Italia aut Græcia præcipiunt, parum congruunt alijs locis ac regionibus, nec ipsis etiam eisdem in quibus scripserunt, videlicet vel ratione vitæ mutata, vel ingenio loci. Quis iam ad Vitruuii normā ædificat? Quis ex præscripto Galeni cœnat? Quis ex Varronis aut Columellæ præceptis arat? multa illo traduntur seculo, quorum contraria nunc experimur in cælo, in terra, in elementis: vt de habitatione sub zona torrida, de ortu Nili, de Antipodibus: tum in stirpibus, in animantibus, in frugibus. Persica poma scribit Plinius, quæ Romæ nascerētur esse noxia, nunc sunt in delitijs: vbi sunt oues illæ Bethicæ tinctæ, vt Martialis inquit, colore natiuo? Ita istis, qui vetera modò persequuntur, vsu venit, vt quo seculo & inter quos viuant homines ignorent, adeò in priscis familiariter versantur, vt domi, quod dicitur, & inter suos peregrini sint. Ignorant mores atque eruditionem suorum temporum, & oderunt. Quamquam idem isti antiquarii sua vellent esse in pretio, & legi & manibus teri quantumlibet annicula. Et affectus in re omni tantoperè dominantur, vt etiā gentes ac nationes spectent: non probo hunc, quia non huius aut illius regionis: quasi ingenia poma sint, aut vina, quæ solo & regionibus censeri solent. Vbique bona nascuntur ingenia, excolantur modò, alibi fortassis frequentiora, sed vbique nonnulla. Verum isti ne suis quidem terris ac ciuitatibus parcunt, quo appareat non tam eos iudicare, quàm inuidere: putant maledicendo & contemptus specie affecuturos se, vt illis, quos despexerint, anteponantur. Sed non idem est maledicere & vincere, despiciere, & antecellere: nō modò qui incorruptè æstimaunt, intelligūt quorsum calumnia pertineat, sed qui eodem quoque morbi genere tentantur, nō æquè aliorum malæ causæ

fauent, vt suæ malæ: videlicet quòd superbus aut inuidus, non perinde in alienis est cæcus, vt in suis: quin potius vitia quæ in se non cernit, acutissimè in aliis intuetur, & carpit. Sed esto sequamur maiores nostros per omnia, & in illorū vestigiis nos quoque pedes nostros figamus, vt pueri faciunt per lusum. Qui tamen sint hi maiores nostri, aut quæ illorum voces ignoramus.

Gramma-
ticorum
crisis
amissa.

Primum amissa est Grammaticorum crisis, & quasi publica potestas de libris censendi. Olim enim Grāmatici magna & latè patenti eruditione per omnia scriptorum genera diligenter versati, non dicta solum, verum etiā integros libros, vt est apud Quintilianum, censabant, essent ne cuius inscriberentur authoris: aut si eius nō essent, ex phrasi & filorationis, ex differendi ratione cui assignandi essent, iudicabant. Nunc verò quia & grammatici se in tenebras quasdam pristini abdiderunt, & grammaticam professores maiorum artium contubernio suo expulerunt, tanquam in cornices columbam, vt est in fabula: idcirco non modo dicta, & sensa inepta ac stulta, sed sordidissima quoq; & abiectissima opera genti ac familiæ clarissimorum authorum supponuntur: adscripta sunt Aristoteli, Platoni, Origeni, Cypriano, Hieronymo, Augustino, Boëtho, Ciceroni, Senecæ, quæ ipsis nunquàm ne per quietem quidem in mentem venerant, indigna non solum tantis ingeniis atque illa eruditione, sed etiam eorum seruis, si quos Scythas habuerunt, aut Seres. Fuere qui ad conciliandam libro auctoritatem, nomen magni authoris adscriberent: alii, quum multi olim libri anonymi æderentur, leuissima aliqua adducti coniectura, huic aut illi adiudicabant: alii, si tituli nomen non agnoscebant, nihil dubitarunt mutare, & ad quemcunque esset visum transferre: fuere descriptores, qui quod nomē primum menti occurreret, id præponerent pro titulo. Horum omnium exempla sunt non pauca in iis authoribus quos modò nominaui: & hæc omnia sine discrimine recepta, & auctoritas eis ac fides non minor, quàm veris illis & germanis præbita.

Libri sup-
positi.

Codices
mendosi.

Iam verò & codices ad nos venerūt mendosissimi, vt quæ illorum fuerit mens, quæ sententia de rebus, non liqueat. Aliàs corrupti sunt codices casu aliquo, vt ferunt sacros libros, qui à septuaginta versī sunt in Græcum, pugione fuisse perfoſſos,

perfoſſos, vt quædam verba legi nullo modo potuerint. Et libri Ariſtotelis, ac Theophrasti, vt dudû dixi, tineis, & blattis exesi reperti sunt: & erant quidem illa tum autographa, ex quibus alii codices dimanabant. In aliis situ & puluere quædam sunt obscurata, in aliis literæ vetustate exoleuerunt. Sed enim uero in describētibus maxima hæsit culpa: fuerunt semper librarii homines serè imperiti, qui libris transcribendis tenuitatem suam sustentarent: nō raro etiam mulieres & sacræ virgines, qui si vel minimum cogitationem aliò diuertissent, mendum inducebant vnum atque alterum, imò permulta penitus inextricabilia. Ea in plurimos codices transfundebantur, qui ex codice illo exscribebantur velut ab exemplari, quod nunc crebrius fit in libris ære impressis, in quibus nullum est mendum, quod nō in mille codicibus insidere sit necesse. Interdum qui scribebant nesciebant legere, confundebant omnia, vt compositio esset literarū & verborum contextus, coniecturis inuestigandus. Quæ verò semel mendæ irrepserant, religio erat attingere, ac demutare, velut in mysticis libris inductus fuerat à librario illiteratissimo error, ad eum corrigendum putabant opus esse consilio totius ecclesiæ, quantumlibet lapsus esset dilucidus, & vel pueris perspicuus. In aliis scriptoribus nō solum librarii errata persequiebantur semidoctuli, sed etiam probe scripta, quæ ipsi non caperent. Itaq; deprauarunt rectos sensus, & pro errato vno, quod conabantur expungere, aspergebāt quatuor. Videmus vt quisq; veterum scriptorum his quingentis annis in studiosorum manibus versatus est, ita ad nos venisse corruptissimum, vt Plinium, Senecam, Hieronymum, Augustinum, Aristotelem: puriores sunt atq; integriores, qui in vetustis bibliothecis situ & puluere latuerūt obfessi, & apud barbaros atque imperitas gentes, quàm vbi viguerunt studia: quòd vt illos nō attigerunt homines imperiti prorsum, ac rudes, ita datum est eis sciolorum audaciam ope suarum latebrarum subterfugere, qui, sicut est apud Quintilianum, dum librorum insectantur incitiam, produnt suam. Iam ætate sua Cicero conqueritur Græcos quàm Latinos libros esse emendatioris, quippe quod indocti homines magis in Latinis versarentur, quàm Græcis. At verò, qui in locum mendosum incidit, non hæret, nihil cunctatur, sed somnium aliquod comminiscitur, quod affirmet scriptoris esse sen-

sum purum putum. Vnde mirę in enarrationibus scriptorum ineptiæ, & hæc tempore ac ætate auctæ, quæ moles somniorum ac umbrarum, admora qua locus illustraretur lucerna quâlibet tenui, protinus evanesceret. Quid quod nec audiunt eos quos se dicunt habere duces, quid dicant, aut quomodo? & cum multos habeant, quos quibus anteponi oporteat, nesciunt, & qua de causâ, ut qui se veteres profitentur sequi, nec qui sint veteres norint, nec qua quisque auctoritate & fide. Nam primum inscii temporum & rerum gestarum, non considerant quæ sunt in quoque scriptore potissimum considerata, quibus temporibus vixerit, cuius opinionis de rebus, cuius sectę, qua auctoritate, quomodo scripserit, qua dicendi sit usus ratione, qua lingua, sentiat omnia quæ scribit, ita esse, an varias inducat personas, & qua potissimum significet mentem animi sui, quo loco dicat, quo tempore, apud quos, ioco, an serio: nã sunt hæc omnia spectanda, ut eliciatur quę sit cuiusque mens. Isti verò nihil animaduertunt horum.

Scriptores omnes censes tur æquales.

Scriptores omnes vel æquales censent, vel etiam posteriores fecerunt priores, ut Boëthium Hieronymo, Hieronymum Aristotele, Iureconsultos pandectarum Cicerone ac Aristotele. Quicquid à Terentio, aut aliis comicis vel tragicis, quicquid à Platone, à Cicerone, & ab aliis, qui dialogos scripserunt literis est mandarum, eam putauerunt esse auctoris sententiam quacunque inducta persona: nec saltē admoniti sunt non ea loqui sentire, quæ loquebantur socii, nec Solomonem, aut Dauidem, quæ persona stultorum ac impiorum dicunt. Eiusdem momenti sunt istis, quæ Cicero in foro dicit, tempore seruiens ac causæ, ut quæ in officiis & cæteris libris philosophicis, ubi veritas non ad populares sensus atque affectiones, sed ad exactum rationis iudicium eliminatur. locans multa dicit Socrates, *zignu* in sophistas: omnia ab istis accipiuntur serio. Si quid exempli causa dicitur, id iudicant ab authore affirmari, quod frequētissimè in Aristotele faciunt. Quas Dominus noster ad facilem mentis suę explicationem parabolas vsurpat, isti pro lege vitæ accipiunt, sic debere nos agere, quia sit in Euangelio. Noui qui diceret de bello an sit iustum disputari non oportere, quod Dominus in Euangelio bellum approbarit. Quærenti quo loco responderit, in parabola de rege, qui bellum illaturus reputat quibus copiis possit rem gerere, Item in illa de forti armato

mato custodiente atrium suum. Quid non peruertant humilissimi iudicia? His Paulus scripsit ad Romanos Romanè, ad Ephesios Hebraicè. Ioannes Euangelium suum Hebraicè. Hieronymus Gracè, & versus est ab Erasmo. Mattheus Latinè, & si quis tētet corrigere, id verò nihil sit aliud, quàm profiteri se magistrum spiritus sancti: quàm tragicis verbis puerilia? parem tribuerunt fidē omnibus. Dicat vnus-
 quilibet de rebus Romanis aliquid, puta Vincētius, vel Antonius, vel qui confinxit gesta Romanorum moralizata, tantum apud istos nactus est fidei, quātum Liuius aut Suetonius: dicat de Cosmographia, quantum Strabo aut Mela: de iure, quantum Vlpianus aut Papinianus: satis est esse scriptum, à quo, non putant reuertere: alba linea sunt omnes in albo saxo. In Hispania puer audiebam in fidem dicti aliquius citari librum impressum: hoc locupletissimum erat testimonium. De moribus, de probitate, de religione locuturi tam graues auctores esse Gentiles rentur, quàm Christianos. Paria sunt quæ Cicero, aut quæ Hieronymus, vel Chrysostomus dixerit. Examinaturi dictum hominis Peripatetici, sententiam hominis Stoici adferunt: aut de Stoico, Epicuræi, non vt rationes conferant, sed vt placita. Ibi sudor & anhelitus in redigendis ad concordiam discordissimis. Dementes non intelligunt eum, qui tam multos & tam diuersos sequatur, nullum sequi? Non desunt qui velint de iis qui sequēdi sint iudicare, sed omnia ex primo gustu: vt si in limine in vnum aliquod prauè dictum offenderint, reiiciāt protinus & aspernentur propter illud omnia: aut si quod benedictum viderint, omnia illius causa amplectantur, & teneant, non aliter quàm pueri, qui si ex scutella aliqua cibum aliquando suauem ederint, omnia in illa scutella putant futura talia: sin insuauem, omnia insuaui: nec aliter de domo, de manu porrigentis statuunt, ex vno aliquo irritatur, vel cupiditas ad omnia, vel odium atque auersio. Quidam adeò sunt in alios seueri, seu sæui potius, vt omnia in vnoquoque requirant exactissima, ne patiantur aliquando Homerum dormire, vt est in proverbio. Non satis est bene esse opus ac doctè scriptum de philosophia, piè de religione ac sobriè, historiā, si qua fortè admista est, expendūt, vculas & syllabas ad examen reuocant. Non tuetur librum ampla rerum cognitio, si in re leuissima scriptor fuerit ne-

gligentior, totum protinus opus reiciunt, & religio est attingere, ne contaminentur. In quo & de se ipsi pessime merentur, qui vberimo se fraudant doctrinæ fructu, & de artibus, quas præiudicio suo iniquissimo illis orbant doctissimis scriptoribus, & tam bona peritiæ parte.

Disputa-
tiones.

Disputationes quoque non leuiter exocularunt iudicium: fuerunt quidem olim, sed inter iuvenes institutæ disputationes, quo excitaretur vigor ille animi sæpe torpens, & alacriores essent ad studia, vel ut vincerent, vel ne vincerentur, tum ut altius infigerentur, quæ à magistris acceperant. Inter viros aut natu grandiores fuit quædam opinionum ac rationum collatio, non ad victoriam intenta, sed ad enucleandum verum. Nomen ipsum testatur dici disputationes, quod per eas veritas ceu putaretur ac purgaretur. Postea vero quam ab auditoribus profecta est laus & pretium ad eum qui optimè videretur sensisse, & ex laude sæpenumero diuitiæ, ac opes, praua vel honoris, vel pecuniæ cupiditas animos disputantium inuasit: ut tanquam in pugna sola spectaretur victoria, non elucidatio veritatis: ut & ipsi quicquid semel dixissent, strenuè tuerentur, & aduersarium prosternerent, ac conculcarent. Humilibus & sordidis ingeniis, quiq; deiecto capite hæc sola intuerentur, leuia & momentanea, parum est visum magnum pretium ab studiis probitas, aut veri intelligentia: quæ duo illi quod non satis acutè cernerent, nec quantæ essent æstimationis assequebantur præsentem mercedem quæsierunt pecuniæ, vel auræ popularis. Ideo quo maius esset operæ pretium, populum ad sua certamina admisierunt, tanquam spectatores fabulæ in theatrum productæ: tum quod fieri ad concessum par erat, philosophus deposita illa tam graui & veneranda persona, histricam induit, ut commodius saltaret: factus est populus spectator, arbiter, iudex, & quod non facit aulædus in scena, fecit philosophus in schola, ut tibias non sibi & musis aptaret, quod monet vetus magister, sed omnino coronæ, ac multitudini, à quo rediturus erat ad actores honor & quæstus.

Disputa-
tio vnde
dicta.

Nihil opus fuit vera & solida doctrina non intellecturis, sed fucus & puluis ob oculos multitudinis obiectus. Ergo indagandi veri vna & simplex via est relicta, faciendi luci apertæ sexcentæ, qua quisque ut commodum sibi esset grassaretur, præsertim cum nihil sit tam deformæ, quin amato-
rem

rem inueniat. Nec solum in hanc opinionem populus eucurrit finem discendi esse disputare, vt militiæ conflictum, verum publicus consensus permultos veteranos & quasi triarios scholasticæ militiæ rapuit, sed qui ingento & iudicio non plus valent quàm plebs infima: vt superuacaneum esse ac stultum censeant, si quis ad mentem, & mores, & quietum illud inquirendi genus philosophiam reuocet, nullum esse alium studiorum fructum, quàm præsentī animo non cedere aduersario, intrepidè cum vel aggredi, vel sustinere, & callere quo robore, qua arte, qua supplantatione sit subuertendus. Ergo in re pulcherrima, & omnium præstantissima consultum fuit statim assuefacere puerum, & cum perpetuò exercere, altercandi statim natus initium, finis nullus nisi cum morte. Puer ad scholam deductus primo confestim die iubetur disputare, & docetur iam rixari, qui fari nondum potest. Idem in grammatica, in poëtis, in historicis, in dialectica, in rhetorica, in omni prorsum disciplina. Miretur aliquis, qui possint in rebus aperitissimis, simplicissimis, primis? Nihil est tam liquidum, tam clarum, quod quæstuncula aliqua velut vento excitato non perturbent. Inertissimæ datur torpedini, nihil inuenire, etiam fulgore solis, quod obscures in rebus explicatissimis, quod inuoluas in durissimis, ac inflexibilibus, quod plices & replices. Dicas vel hoc solum: scribe mihi, hic quæstio: si non ex Grammatica, at ex Dialectica: Si non ex dialectica, at ex physicis, qui motus sit scribere: ex metaphysicis, substans an inhærens. Atqui pueri isti nunc audiunt prima dialecticæ rudimēta, heri, aut nudiustertius in ludum admissi. Sic sunt tyrones isti assuefaciendi, nunquàm tacere, fortiter asseuerare quicquid in buccam, nequando videantur celsisse. Nec vna disputatio vno sufficit die, aut gemina, sicut refectio. Sub prandium altercantur, pransi altercantur, sub cœnam altercantur, cœnati altercantur. Agunt hæc, vt discant, an vt concoquant? Domi altercantur, foris altercantur. In conuiuio, in balneo, in vaporario, templo, vrbe, agro, in publico, in priuato, omni loco, omni tēpore altercantur: nō toties sub lenone rixatur meretriculæ, aut sub lanista dimicant gladiatores appetēte munere, quoties isti sub magistro philosophiæ. Populus non ille moderatus & grauis, sed leuis, barbarus,

Mala ex
disputa-
tionibus.

bellax, hac velut pugnae specie mirificè delectatur. Ita vt sint imperitissimi homines permulti, & omnis literaturæ penitus expertes, qui hanc spectaculi huius voluptatem reliquis omnibus anteponant: & quo magis pugnam referant, dimicatione quadam vtuntur agili, ac veloci, & quasi punctim feriunt, quo citiùs hostem suum conficiant: nec perpetua oratione aggrediuntur aduersarium, nec longiorè eius sermonem possunt pati. Si quid paulò pluribus verbis dicat sui explicandi gratia, clamant ilico ad rem, ad rem, cathegoricè respòdero. In quo ostendunt, quàm inquietis sint animis, ac leuibus qui ferre verba aliquot non possunt. Qui ferrent quatuor, aut quinque horas perpetuas dicentem, interdù septem, vt olim in Græcia, & Romæ. In quo facilè quiuis cognoscat patiétiam & grauitatem illorum hominum, & nostrorum leuitatem. Quanta nascitur hinc corruptela & moribus, & disciplinis, inflammatis animis, & ad pertinaciam obfirmatis? Clamores primum ad raurim, hinc improbitas, fannæ, minæ, conuitia, dum luctantur, & vterque alterum tentat prosternere: consumptis verbis venit ad pugnos, ad veram luctam ex ficta & simulata. Quinetiam quæ contingunt in palæstra, illhic non desunt, colaphi, alapæ, consputio, calces, morsus, etiam quæ iam supra leges palæstræ, fustes, ferrum, saucii multi, nonnunquam occisi. Est ne hæc exercitatio sapientiæ? est hæc professio venerandæ disciplinæ? egressi illhinc, quæ scripta, maledicta, inuestiuae mutuae? & odium inextinguibile. Victoris gloria & arrogantia, tanquam in cruento bello, & victi pudor atque inuidentia. Victor non se imperitum aliquem, & mucosum vicisse reputat, sed cunctam scholam: reliquos omnes tanquam è curru quodam triumphi despicit, vel maximos illos artium parentes, atque educatores si reuiuiscant, non ausuros secum congregari arbitretur, aut indubiè victum iri, si congrederentur. Et quoniam omnia ad pugnam hanc referebantur, nihil cogitarunt quàm vera essent, quæ asseuerarent, sed quàm ipsi ea possent retinere ac tueri, quæcunque semel suscepissent: aut si qua premerentur, possent elabi quacunque peruicacia, improbè pernegando, & cæce prosternendo omnia, quæ obstant, etiam si rationis lux vltro se in illorum oculos ingerat: ita vt pro solutione fortissimorum argumentorum, & quæ adigerent eos ad res absurdissimas, satis haberent

berent respondere, admitto, nam sequitur ex conclusione mea: vnde est illud: ego nego, proba tu, defendam cōsequenter. Nam qui consequenter, vt ipsi dicunt, defenderit, quamlibet absconis admissis & concessis pro erudito habetur, & disputationi, hoc est, apici scientiæ totius aptissimi. Quippe luctæ huius vniuersa ars in hoc est sita, si tueatur quisque quemcunque errorem susceperit sine contradictione sui ipsius. Ceu verò difficile hoc sit factu ex eorum arte obiurgatoria permittis omnibus quæ consequuntur, qualiacunque sint, sublati quæ aduersantur vel liquidissimo veris atque indubitatis. At verò qui error est in disputatione ita defensus, vt non tum potuerit conuelli propugnatori tantquam scetus suus, & multis spectantium tanquam nouum inuentum arridet. Ita primum ex errore fit controuersia, ex controuersia opinio.

Et quod vnusquisq; suis fauet immodicè, odit contraria, Opinio-
fit acerrimus propugnator opinionis suæ, impugnator nes erro-
alienæ. Vnde extiterunt initia sectarum, quæ pertinacissimè rum.
sunt & à sectatoribus propugnata, & ab inimicis oppugna-
ta: Quia vt nos velut per rimulam quandam verum procul
positum aspicimus magis, quàm discernimus: si & oppugna-
tor vt suam opinionē tueatur, & oppugnator vt alienā opi-
nionē expugnet, omnes ingeniū vires intendant ad rimulam
hanc oblimandam, existimātes in hoc verti magnum decus,
sed vterque ingeniosus credatur aduersus veritatē, facile est
intelligere, quantò rimula eiusmodi fiet angustior, & mali-
gnius cerneretur verum. Toties, tandiu altercari, omnia re-
uocare in dubium, & ad stultas quasdam subtilitates, ac mi-
nutias, hoc verò non est veritatem purgari, sed primum in-
terteri, hinc deteri, postremò interire: nō putant isti, sed sca-
rificant, & scalpunt, & dulcedine scalpendi acti sanguinem
quoque eliciunt: & hæc quidem non pro vero, sed contra ve-
rum, vt susceptum illis esse dicas bellum in veritatem: nam
pro ea dicere, cuiuslibet esse arbitrantur, cōtra verum autem
ingeniosissimi & peritissimi, quod non magni est ingenii,
sed prauī, quid autem proficient dementes? veritas in tuto se
collocavit, nihil aduersus eam possunt fuci, fraudes, callidi-
tates nostrorum ingeniorum: ingenia cum ingeniis confi-
guntur, & inter se certant puluerē ac tenebras mutuo offun-
dere. Quid non inueniant homines cōtra homines, si in hoc

penitus, & semper incumbant, si nihil relinquunt intentatum, dum imponant, & fallant, præsertim cum vitio nostrorum oculorum quædam aliter multo videntur, quam sunt: & ut Aristoteles ait, falsa quædam maiorem habent similitudinem veri, quam vera ipsa: ergo aliquas præstigias excogitat, quæ positæ ob aciem nostræ mentis, illam ad veri lucem non sinunt penetrare. Quumq; minus multo potest dare operam ut an tenebræ ac præstigiæ sint, diiudicet intenta & occupata, vel dum alium ferit, vel dum se tuetur: non vacat in se redire, & lucem ingenii ac iudicii offusis nebulis quiete admovere, plus nimio occupatæ quæstiunculis ad disputationem armandis, atque exarmandis: semper in agitatione voluntur ac motu, nunquam sinunt aquam fieri liquidam, quam sint bibituri. Quo fit, ut moderata quadam collatione studiorum enitescat veritas, tanquam attritu: nimium autem altercando amittatur, ut Publius Mimographus dixit. tanto sapientius poëta in scenâ, quam philosophus in schola. Age verò, quemadmodum se parant huic pugnae primum graues omnes authores, & qui parum essent altercationes adiuturi ex schola eiecerunt, tanquam senes, & imbellem multitudinem e castris, aut vrbe obiecta, Platonem dico, Ciceronem, Senecam, Plinium, Hieronymum, Ambrosium: retenti sunt modo, qui tela conflictatiunculis illis possent suggerere, Aristoteles, Augustinus, & similes: ex quibus ea tantum decerpserunt, & quidem prauè intellecta ac detorta, quæ in aciem venirent non eruditam illam, & dignam inquisitione magnorum ingeniorum, sed circulatoriam, & diuinatricem, quam quiuis facillè obeat sine libris, sine cognitione rerum. Imò hæc inutilia sunt isti pugnae, cui satis sit vnumquemque cogitasse, ac se muniisse, quemadmodum absurdissimum inuentum possit retinere, veritati autem pedicam & cavillum obicere. Quocirca nemo istorum libros Augustini, & Aristotelis attingit, quibus opus sit animi attentione. ac studio ad res cura & cognitione dignas: non libros de Ciuitate Dei, non de doctrina Christiana, non Aristotelis problemata, aut de animalibus, politica, æconomica, non eiusdem rhetorica, nec huius quidem artis nouerunt nomen, quod hæc magnum studiū, variam rerum notitiā, perpetuam orationem, exactum iudiciū requireret, mathematicas quoque artes deseruerunt

Graues
authores
ex scholis
eiecti.

runt penitus, quoniam radio & puluere contentæ: non didicerunt histrionicam: quod si res ante oculos non ponas, frustra in eis multa verba temere funditaris: quædam tamen ex illis surripuerunt vocabula, punctum, lineam, superficiem, corpus, triangulum, quadrangulum, circulum, centrum, hæc quoque ad clamores ac rixas pertracta, si quando horum mentio in libris Aristotelis incidebat: cætera quæ studium & tacitam cogitationem postulant, verecundè sunt relictæ. Iam si quid ex solidis attingerent scriptoribus, non alia mente percurrerant, quàm gallus Aelopi scalpebat firmum, vt aliquid quod ederet inueniret: sic isti vt telum aliquod vel acciperent iam paratum atque expositum, vel sibi concinnarent hasta & ferro illhic repertis, cætera omnia suspensè legerunt animis, & ad curam certaminis properantibus. Quocirca quum disputandum esset, quum loquendum, & quidem promptissimè, nam illis nihil turpius quàm tacere, aut cunctari, & loquendum iis esset qui eo venerant ab omni lectione, ab omni cognitione inopes, ac deserti. Quid fuit reliquum, nisi ex cogitare sibi nouas artes, noua dogmata, nouam rerum naturam, quam vt impudenter assererent, disputationis ardor initio suasit? hinc quum viderent se defendere consequenter posse, tanquam vera receperunt: res enim & ab imperitis, & inter imperitos agebatur, id est, inter eos, qui irridere & refellere stulta inuenta nescirent. Somniarunt mira dogmata, tanquam formulas totius veritatis, talia, vt nulla sit plerumque veritas certior, quàm quæ ad eiusmodi canones minimè congruit: qualia sunt in dialectica, in phisicis, in iis omnibus, in quibus multum & diu regnavit disputatio: & tamen ad has regulas censeri veritatem volunt, ad quas quum veniat illa inuita & repugnans, seu verius nunquam veniat, mirum non est largissimam altercationibus materiam suppetere, dum ea via insistitur ad inueniendum verum, quàm nunquam peruenias. Ita nihil tam videtur certum & statutum, & veritati aptum, quod non ilico diuersissimum esse à vero appareat: vnde contendendi & rixandi copia benignissima. Quid dicitis Aristotelem vos disputando victuros? Ne iuretis ipsi, ego, id pro vobis deierabo, & quidem persanctè: nam quas artes vos modo ex omnia stis, quas nugæ, & quidem ex illius, vt putatis, dogmatibus, ipse si reuisceret, non intel

intelligeret, ac ne suos quidem libros, vt vos explicatis: nec solum hoc Aristoteli contingeret, sed Platoni, & acumini illi tam celebrato Chryssippi, aut Carneadis, prudentem grauem senem si ad lusiones suas & cauilla pueri pertrahant, haud ægre vincent. Et si ciuitatem legibus atque institutis cuius ali cuius bene constitutam ac ordinatam perueras, is si redeat qui illam instituerat, nimirum peregrinus erit in sua republica. Si vestra ista est Dialectica, Dialecticam Aristoteles ignorauit. Si philosophia, philosophiam. Si ius ciuile, rudis est iuris Vlpianus. Si medicina, nesciuit medicinam Galenus. Iam nec Cicero quidem scit Latine, si Latine locutus est Scotus, aut Thomas: Nec Titus Liuius bonus author rerum Romanarum, si vera sunt gesta Romanorum moralizata. Quæ spes est mutatu-¹ros istos tuas glandes bonis frugibus, si illas cuius filigini anteponunt? Vos quidem Aristotelem vinceretis, si vestra somnata dogmata admitterentur, sed illis sepositis, & ex communi hominum intelligentia, & natura, vel vetulæ vobis fucum tacerent, & istam vestram inuictam loquacitatem constringerent, ac cogerent obmutescere. Quamquam hæc non tam senes iactant, quam iuuenes præteruidi, & pugnaces: qui vt homines militares ingentem se ex bellicis lacinoribus & multis victoriis gloriam relatu-²ros confidunt, Nam senes errorem suum taciti agnoscunt, sed partim piget confiteri, quia feram esse poenitentiam credunt, quum nulla sit sera ad discendum ætas, vt Augustinus inquit. Fatum est enim quod nesciant, flagitium, quod nolint scire: partim pudet, quod præcepta gloria (spoliari iniquo animo capiant: atque hoc interdum impedimento est quo minus iuuentutem suam admoneant, vt quæ ipsis defuerunt, illi quærant. Sed antequam de disputationibus finem dicendi facio, adiciam illud quod ostendit, quam isti homines eruditionem & cognitionem veri parui fecerint, quam se penitus confictui dederunt, & eum quibuscunque potuerunt rebus aluere: etiam inter illa ipsa inepta, absurda, stulta dogmata, si quod esset vnde copiosum aliquod & fertile oriri posset disputationi seminarium, tamen falsum esse existimarent, inferebant nihilo minus in scholam, & statuebant tanquam positum & fixum, ne materia deesset rixandi: videlicet quod ex illo quod verum esse non dubitarent pauciora existerent quam

quæ ex falso argumenta. Exempli gratia: Secta illa scholastica, quæ à Gulielmo Occhamo defluxit, & nominalium se appellauit, ridet quæ Ioannes Scotus, & ii qui reales dicuntur, de punctis, de momentis, de interuallis, de indiuisibilibus affirmant, & tamen illi ipsi disputaturi, vel in logicis de incipit, & definit, vel in phisicis de motu, & tempore opinionem Scoti tanquam veram subiiciūt, vt sit dimicatio diuturnior. Sed quanuis illi altercandi nec finem nec nodum vllum no uerunt, nobis tamen aliquis est faciendus finis, & transeundum ad reliquas corrumpendi artium causas, tamen si non minor suppetit nobis materia insectandi rixas illas, quàm illis clamandi, dum rixantur. Sed nemo non videt quanta & moribus, & iudiciis. ac proinde disciplinis quoque inter hæc pugnas plaga est inflicta. Diximus de ingeniorum tenebris, dicendum nunc est quantum negligentia nocuerit, per quam etiam tenebræ sunt in nostris pectoribus densatæ, & quasi per desidiam squallor & rubigo menti obductus. Olim *ueteres*, qui se ad studium veritatis ac sapientiæ contulissent, omne perire tempus sunt rati. quod literis, quod cognitioni non impenderetur. Nota est Plinii Secundi diligentia quam Cæcilius sororis eius filius, in literas retulit: & idem ipse in præfatione naturalis historiæ satis indicat de somno se, & rebus valetudini necessariis detrahere solitum, quod impenderet studiis: nimirum quod tum demum se viuere censeret, dum illa *commentaretur*, vsq; est Marci Varronis testimonio, quod vita esset vigilia. Aristotelem quoque scribunt ita studere cōsueuisse, vt globum æneum teneret in manu subiectis peluibus, in quos decideret si dormitasset, & excitaretur sonitu. Longum erit si exordiar historiam diligentia antiquæ, si peregrinationes literarum gratia, si amplissima patrimonia, opes, dignitates studiis posthabitas: facilia sunt cognitu, si quis philosophorum acta velit inspicere. Habebant etiam procures Romani in illis imperii occupationibus lectores, quos Græca voce *ἀναγνώστει* nominabant, qui epulantibus, qui dormitantibus, lauantibus, deambulantibus, iter facientibus legerent. Refrixit mirum in modum ardor ille in hominum animis, vel quia non liberet operam dare, vel quia non liceret: non libuit propter socordiam, aut desidiam, quod graue cor hominis, & ad terram nutu ac pondere suo vergens, nullis ad dili

Negligentia.

Lectores.

13
 diligentiam stimulis pungeretur: vel quòd nō putarent opus
 esse in publicum sua diligentia, quum crederent satis mul-
 tos in eam rem incubuisse, atque incumbere, & veritatem
 quantum in commune sufficeret productam esse. Nec ipsi
 se arbitrati sunt indigere, quòd satis cognitione rerum vide-
 rentur instructi ad vitam: honorem autem vel opes, aut te-
 nues, aut profectò contemnendas ex literis atque ingenio
 prouenire, aut illis ita abundarent ipsi, vt ex literis non habe-
 rent quærendas: postremo eas non tanti facerēt, vt propter-
 eā laborem studiorum susciperent scribendi vel expoliendi,
 quæ inuenissent, homines pigri & impatientes curæ ac labo-
 ris: quales fuere Lucillius poëta: vt Horatius eum taxat, &
 Galba: multique oratorum de quibus in Bruto M. Tullius.
 Fuere qui desperarent se tam multa posse legere, quod erant
 legenda ei qui mediocrem in studiis operam vellet ponere.
 Pars diffidit se intellectuuros aliquot ingenii sui vitio, etsi hi
 rari: sed plerique conscientia imperitiæ earum rerum, quæ
 essent ad intelligentiam necessaria, vt puta linguarum, aut
 philosophiæ, aut veræ alicuius eruditionis ac solidæ, quibus
 non tam diligentia deerat, quàm facultas. Queritur Iusti.
 Cæsar tot milia versuum esse in libris veterum Iurisconsul-
 torum, quos etiam maiores altero tanto iuisset cognosce-
 re, piguit illos legere, piget etiam centones illorum in Pan-
 dectis rite scrutari: non piget scrutari ac rimari Bartholos,
 Baldos, Albericos, Iasones, quos qui videat, exclamet pro-
 tinus illud è satyra: *Quis leget hæc? Qui plures habent & lon-
 giores versus. quàm non dico sex & triginta integri Iuris
 scriptores, tot enim sunt in Pandectis eorum nomina, sed
 etiam sexcenti tales.* Qui à Liuiio abhorret, vt diffusè, non
 dubitat se credere pelago Vincentii historialis. Vallam qui
 non legit, leget Catholicum. Nuper causabatur quidam vi-
 tæ breuitatem, quæ non sufficeret euoluendis Hieronymis,
 Augustinis, Ambrosiis, Chrysostomis, & is tamen ad umbili-
 cos percurrerat non paucos ex iis, qui summas aut com-
 mentarios in sententias Theologicas conscripserunt, qui-
 bus omnibus legendis tres ætates hominum non suffice-
 rent quanlibet longe. Aristotelem grauamur inspicere non
 Paulum Venetum, aut Auerroëm, bone Christe quantam
 molestiam videtur mihi istis contingere quod nostri homi-
 nes prouerbio dicunt, farinam spargere, cinerem colligere.

Ut diuites malè profusi denarium pauperi datum deflent, scurræ mille numos datos gloriantur: Sic isti in rebus bonis præparci sunt temporis: in malis largi & liberales. Non sunt visæ illis obscuræ tricæ, & exomniationes recentium in omni disciplina, in Dialectica, in Physicis, iure civili, medicina, Theologia, quoniam illis assueuerunt, ut vitiosi oculi tenebris: visæ sunt eis obscurissima, & impenetrabilia, quæ dilucidè erant ab antiquis prodita, quoniam insueti: ita malunt ea qualiacunque ex interpretibus sui similibus, hoc est, ex cœnosis lacunis haurire, quàm ex ipso puro fonte. At quod grauissimum est, negligentia hæc indies crescit, nam & indies magis assuescunt commentis recentium, minùs veteres curant agnoscere, quos omnino vellent perditos, nisi conseruaret eos maiestas nominis, & reuerentia vetustatis, nunquàm tamen nec videntur nec audiuntur, tantum sententiolæ quædam illorum sunt vulgares, quas passim iactant & vbique inculcant quantuncunque sint iis de quibus loquuntur alienæ. Quædam etiam à principibus suæ sectæ citata traduntur per manus, cum eo intellectu & interpretamento, ad quod torsit illa, qui ad placiti stabilimentum inducebat, quo nihil putant esse certius ac exploratius. Et istis quidem non libet, aliis non licet, non est commodum, non vacat, quòd longe diuersis rebus sunt intenti atque occupati: ut qui vel parandis opibus dediti, aut vendendis voluptatibus, aut mala potentiæ atque opum ambitione inflammanantur, ea in illorum animis cura studium literarum blandum & mansuetum faciliè expellit, imò has esse nugas arbitratur, præ suis voluptatibus ac pecunia.

Sunt qui eruditionem suscipiunt, tanquam facultatem quandam numi aut honoris quærendi, isti ad adipiscendum præstitutum animo finem intenti, id solum de studiis desumunt, per quæ breuissimè, quò intendunt, perueniant. Nam qui propter mercedem operam sumunt, mallent si fieri posset mercedem citra operam omnem consequi: quod in istis est agnoscere, qui qua via ad honorem aut opes perueniant penli nihil habent, perueniant, modò. Quo fit ut illa consecretentur sola, quæ ad destinatum animo finem compendio perducunt, reliqua tanquam superuacanea sinunt valere: atque adeò, ut quisquillas reiciunt, & purgamenta. Sic medici quas practicas nominant solas legunt, illi qui

Eruditio
propter
quæstû.

quidem qui quæstus gratia student. Iuris studiosi rubricas, formulas, & actiones, & constitutiones litium, reliqua siue philosophiæ arcana, siue ex iure pulchra quidem illa, vera, solida, & cognitu dignissima, ne attingunt quidem: nihil est enim eis dulce, nisi quod præsentē adfert mercedem, in quam solam inconniuentes habent oculos. Quippe non secur philosophia & labor studiis impensus grauis istis molestusque est, atque agricolæ fossio vel aratio, veredario cursus, lutori suere, textori texere. Seruile est enim mercenarium quodcunque, angitq; animum properantem ad præmium: & sicuti Horatius inquit, spe finis dura ferentem. Ita nullum est eis tēpus breue, vt animo cupienti nihil satis festinat. Olim septem anni liberalibus artibus impendebantur, recisi fuerunt ad quinque: & hoc nimis longum, ad tres cum dimidio sunt redacti: ferunt vtrunque seruitutem hanc nonnulli eorum, & sicut ille in Comœdia amator, macerant se tantisper, nam quidam de hoc ipso detruncant. Qui illorum animus apertissimè sese tubinde profert. In illis enim quas vocant relaxationes studiorum, & recreationes animi, in quos se lusus, & quantam sese licentiam effundunt, etiam grandiores natu, nam de pueris minùs mirandum. Quo gaudio ex scholis tanquam è caueis euolant: quàm inuiti eodem reuertuntur: vt videtur serui ex compedibus soluti, intolerabili quadam miseria ad tempus leuari, magno metu, ac mœrore, quum ad eandem redeundum est in ergastulum. Simul per licentiam illam ea designant flagitia, ea scelera, vt credas nihil eos in scholis discere aliud, quàm malefacere. An non satis clamant se in opera detineri, cætera odiosissima nisi propter mercedem. Nam qui generosioris sunt pectore, & dignitate scientiæ ipsius, inducunt ad philosophiam animum, iis vel ex ipsa philosophia crebra adsunt alia ex aliis oblectamenta, aut ita ex bibliothecis exeunt, vt solius valetudinis habere rationem videantur, rei vehementer studioso labori necessarii. Quocirca moderatissimis se ad studia, vel deambulationibus, vel lusionibus reficiunt, ac reparant. Verùm illi nec quærunt nisi mercedi aptissima, & eam consecuti finem labori imponunt: nam quorsum attinet amplius defatigare. & vltius progredi, vbi ad metam perueneris? Itaq; vnde cunq; malunt raptim detungi rerū summis, quàm rationibus detineri, & causis cuiusq; cognoscendis, quòd demum verè est scire.

scire. Inuenti sunt in omni studiorum genere, qui desideria Floſculi conſulerent, collectis ex lectione veterum quibuſdam ceu ex authoriſculis, ne priſcos illos poſteri haberent perlegendos, horibus col- mines plus ſatis nugis occupati & diſtenti, & hi fugitantes lecti. laboris præſertim moleſtiſſimi, quod ſcilicet ægre illos in- telligerent: centones eiufmodi pro ſolidis magni nominis authoribus complexi ſunt. Ita nunc Hieronymus, Augu- ſtinus, Chryſoſtomus, & priſci illi ac primi religionis no- ſtræ ſcriptores non ex ſuis ipſorū monumentis cognoscun- tur, ſed ex collectaneis ſententiarum Petri Lombardi, ex Cathena Aurea Diui Thomæ, & aliis rhaſſodiis eius no- tæ. Naſti ſunt & medici ſuos decerptores floſculorum ex libris Galeni, Hippocratis, Auicennæ: conſuit centones iu- riſconſultorū Tribonianus. Derruncatus eſt Luteriæ Ari- ſtoteles & traditus vix dimidiatus, ne ſic quidem breuiaria hæc lectores inueniunt: longum exiſtimatur ea percurrere, ſit ſatis indices aut rubricas inſpexiſſe. Qui poſſunt au- thorum ſenſus percipi deſerti, & deſtituti ſuis velut fulci- mentis, nempe iis quæ antecedunt, quæque ſubſequenturæ utraq; enim maximam lucem adferunt interiectis, quæ nu- da hodie ac orbata proponuntur. An non iſtud paſſim uſu venit, vt quod per ſe parum intelligitur, ex collatione prio- rum ac poſteriorum fiat manifeſtum. Et iſti floſculis, & ſummaryis, & vt vocant, margaritis contenti, feſtinantes ad finem animo optatum ea tanquam ſuperuacanea conte- mnunt, vnde non modo vera eruditio, ſed nec illa ipſa con- ſtare poteſt ficta & adumbrata, quam ipſi affectant. Nami 8 Contem- nendo quum ex paruis naſcantur & componantur magna, neceſſe eſt vt paruis ſuo ipſorū iudicio contemnendis aditum quo parua, ſunt amiſſa magna. que ſibi obſtruxerint rerum maximarum. Primum nihil fuerunt ſoliciti quemadmodum ſcriberent, quum tantum intereſſet probus dicerent an probrus: cedo, an cedo: homi- nis, an ominis: Chriſte, an Criſte. Atqui Meſſala Corui- nus & C. Cæſar tanto ingenio, eruditione, opibus, dignitate viri, non duxerunt ſe indignum de ſingulis literarum præci- pere. Si enim literæ ſunt vocum elementa, quibus artes om- nes ac diſciplinæ conſtant, quomodo non compoſita ne- gliguntur, ſi ſimplicia contemnantur: an tu pharmacū vllum recte confece- riſ, cuius vel herbas vel radices conculceſ prius, ac conſpurceſ? Iam & verba diſſimulabant ſe curare, quum

maximè laborarent facundissimè dicere. Sed quia non succedebat, volebant aliis persuadere non sequutos se, quod assequi non quivissent. Ergo nomina omnia vetera eorum, quibus postea mutatae sunt appellationes, funditus penè amissimus, herbarum, stirpium, animantium, urbium, regionum, fluuiorum, montium: herbas pro saxis, vrbes pro fluuiis, homines pro nauibus vsurpamus. Interciderunt quod proximum fuit, phrasès, & loquendi formulæ, tum historia, mores populorum ac gentium, & tota cognitio vetustatis. Negabāt sua interesse, tuerit ne Annibal Pœnorum dux an Scipio. Vicerit Cæsar Pompeium, an contra Cæsarem Pompeius. Sit in Assyria Babylon, an in Mesopotamia. Hispania sit ne ad Occidentem, an ad Meridiem. Scelopendra herba ne sit, an avis. Sint in duodecim tabulis Romanæ leges an Scythicæ. Hæc si dicunt futuri cerdones aut coqui, nihil repugno. Sin eruditi homines de cathedra vitæ duces, & profelsi se ingeniis lumen adierre, quis non indignetur? quocirca prisca homines, qui orbes illos disciplinarum contecerunt, videas quicquid libris suis admiscent, adeo esse purum atque exactum, vt vnum illud studuisse ac egisse semper dicas in vita. Differit Cicero, Seneca, Aristoteles, Plato, Hieronymus, Ambrosius, Galenus, Vlpianus, Sexuola, aut illorū aliquis de rebus morum, attingit obiter historiam, fabulam, descriptionem regionis, naturam herbarum, animantis ingenium ac mores tam accurate, tam vere ac prope quàm qui illis de rebus profitentur se tradere. Scribit nostrorum hominum quispiam de philosophia, de iure, de Theologia, de re medica, admiscet historiam ineptissimè narratam & falso, negat hoc suum esse institutum: attingit aliquid de Cosmographia inscite, negat esse suum institutum: loquitur de vi verbi imperite, negat esse suum institutum: de arbore, de animante indocte, negat esse suum institutum. Quod est ergo tandem tuum institutum? nihil statuisse recte dicere? Quam esse putamus eiusce rei causam, nisi quod veteres & euoluebant omne librorum genus, & intelligebant: isti nec inspiciunt, & frustra inspicerent egeni lucis illius, quæ nos ad intelligentiam artium quasi manu ducit, quæ in istis nulla est prorsum, in antiquis magna erat, & dilucida. Istos miseros facit & inopes negligentia omnium, illos faciebat diuites omnium diligentia & cura. Nimirum

acute illi apud se cogitabant, nullam esse artem aut periti-
 adeo ab alia remotam & disiunctam, quæ non illi lucem
 sæpe aliquam adferat: ideo disciplinas omnes vt virtutes,
 communionem inter se quandam & nexum habere docue-
 runt, quod non ab vno authore, aut vno loco est proditum.
 Testantur id Plato, Cicero, Fabius, Vitruuius, & alii per-
 multi, vnde natus est ille, vt Cicero inquit, concentus do-
 cetrinarum omnium, & consensus: & vt Quintilianus or-
 bis disciplinarum, quem Græco verbo *ἡμυκλοπαίδεια* vo-
 cant. Defuit multis ad inquisitionem artium, & ad præce-
 pta illarum dexteritas, vt temere sine arte, sine sagacitate
 quacunque se via aliqua ostendisset, illhac insisterent ad in-
 uestigationem veritatis: non penetrarunt ex affectis ad cau-
 sas primas, non ex compositis ad elementa & initia, non ex
 singulis collegerunt vniuersum, non ex vniuerso præcepe-
 runt de singulis, & quasi fluium, qua opus esset corripi-
 runt. In quibus reliquos omnes non secus antecelluit Ari-
 stoteles, quàm sydera vniuersa sol. Proximus est ei Gale-
 nus Pergamensis si non esset tam redundans, nempe Asia-
 nus. Sed & isti non raro ad rem præsentem accommoda-
 runt quæ inquirerent: vt Aristoteles, quemadmodum etiam
 alii in rhetoricis, & poëmaticis sparse, & temere profude-
 runt, quæ inuenissent, non aliquo fine proposito, media
 alia ex aliis nascentia tanquam in scholis gradus suffulcie-
 runt: non ex re atque vniuersitate naturæ ad præsens insti-
 tutum atque opus deduxerunt, quod est artis, sed aliam ex
 alia similitudine quadam collegerunt: aut quæ sita est eis
 præsens utilitas, non vt finem tenerent artis, sed vt suum.
 Hæc antiqui: recentiores vero qua tandem dexteritate tra-
 ctabant artes, quum nesciant quæ cuiusque artis sit mate-
 ria, qui finis, & quasi scopus, quid agat, quò spectet, in quem
 vsum discatur? Modo artes ex similitudine cōiungunt: & fa-
 ciunt vnã ex duabus diuersissimis. Rhetoricam vocarunt
 Grammaticam, quod vtraque esset de loquendo. Poëtam di-
 cunt Rhetorem, Rhetorem Poëtam, ob concinnã & modu-
 latam orationem. Dialecticem de locis argumentorum Rhe-
 toricem appellât, quia Rhetorica quoq; inuentionem argu-
 mentorum traderet. Modo ex artificibus distinxerūt. Si quis
 bene loquatur Latinè, quia hoc in ludo literario putatur di-
 dicisse, Grāmatica est quicquid loquatur, & de quacunque re,

Dexteri-
tas.Aristote-
les arte
maxim^o.
Galenus;Confusio
artium.

Differant duo de re eadem philosophica, Latine vnus, alter vitiose ac barbare, quæ Latinus dixerit, erit Grammatica, quæ verò imperitus philosophia. Quæ Lyranus aut Hugo scribunt in nouum Testamentum, Theologia est, quæ Erasmus, Grammatica. Idem de Hieronymo, Ambrosio, Augustino, Hilario dicturi, nisi nomen obstaret, tamen hic etiã nescio quid mussant. Quod si Ioannes Picus Apologiam suam corrupto illo non scripsisset sermone, haudquaquam haberetur Theologus, sed Grammaticus. Alciatus, Zalius, Cantuincula Grammatici sunt quum de iure disputant. Accursius est Iuriconsultus vel quum interpretatur, q; id est, & ait, id est, dixit: seu, id est, aut. Diligens & accuratus historicus, vel quum de origine x i i. tabularum lepidam fabellã cõminiscitur, aut de adoptione Germanici Cæsaris. Quicquid ciuilis homo in republica de ciuitate administranda, de moribus, de re familiari loquitur, est Rhetorica, quicquid dialecticus, est dialectica. Quicquid tractat Iuriconsultus, peritia iuris, etiam si de vocabulis inquirat, & in medio Grammatici iure ac possessione versetur. Quicquid physicus, physica, etiam de punctis, & lineis, & superficie, & numeris. Quicquid ergo facit sutor, sunt calcei: quicquid carpentarius, carpentum, etiam quum intritum parat ad cœnã. Et hæc vulgus rude si diceret, rideremus: at dici ab ipsis sapientiæ luminibus, quis non indignissimè accipiat, qui fines & modos, & materiam earum artium, quas honore professionis suæ ostentant, penitus ignorant? Non desunt, qui nec similitudinem vllam sequantur, nec artifices, sed quod primum in buccam: oratoriam nolunt grammaticam vocare, poeticam dicunt, hanc rhetoricen: homines delicatuli bellum existimant puerorum more res alias pro aliis in loquendo vsurpare, quod in pueris ridemus vtique, amplectimur, osculamur: in illis senibus reliquorum magistris flagitiosum est, & animaduersione dignum, non aliter ac si velint ipsi ad pueriles ineptias redire decursa iam ætate. Homines qui tam prauè & à magistris suis artes acceperunt, & in animis suis excolunt, quomodo sunt eas nisi prauissimè quoq; tradituri? Sic ex olido vtire in olidum vtrem vinum transuasetur, quale tandem proferetur ex hoc secundo? non solùm corruptas eas disciplinas atque eruditionem necesse est illos tradere, sed multò iam corruptiores quàm acceperant: nam ipsi

ipſi malè atque imperitè verſando in peius deformarunt, & res ſemel à via in auium delapſa, quò longius progreditur, eò magis à recto aberrat, & longius ab eo diſcedit, quò erat eundum: ſam. vi libros non attingebant, quos nec intellexiſſent, illos dico veterum, vnde tanquam ex fonte eruditio omnis dimanat, erat tamen neceſſe aliquid dicere: tranſtulerunt omnia ad commentitias quaſdam formulas, ad ridicula quædam & ludicra, ad quæ nihil eſſet opus lectione veterum, aut omnino libris vllis, quando facilius & expeditius videretur abſurdum aliquid inuenire & cogitare, quemadmodum tueri poſſes: quod ſi perfeciſſes breui tempore, labore exiguo author prodibas noui inſtituti, & alieno labore magnam partam gloriâ verbis in te tranſmouebas, vt inquit ille. Et quemadmodum authori nihil erat libris opus, ita nec impugnatori, & ei qui demoliri contendebat, quæ alter extruxiſſet: quûmq; hæc rerum natura eſſet eis igno- rata, ipſi aliam ſomniarunt, quæ eſſet ad ludendum, ad altercandum, ad rixandum aptiſſima, & ad pullatam coronam accommodatior, quæ illa admiraretur quæ nullo modo ca- peret, & acumen illorum ſuſpiceret, quicquid quæ nuſquâ eſ- ſent tam acutè eſſent intuiti.

Ipfiverò nouæ & confictæ rerum naturæ aſſueti, quum ad hanc noſtram tranſeunt, omnia offendunt noua, omnia ſunt eis paradoxa, omnia admirantur, quaſi in ſyluis & ſolitudine educati, in urbem tunc primû adducentur. At quum ſe aliquando ad lectionem magnorû authorum traducunt, vehementiſſimè demirantur illa non congruere cum ſuis, nam ad illos ſuos fictitios canones, ſententiâ authorum vo- lunt cenſeri, quæ quum videant inter ſe repugnare, primum imperitiæ aſcribunt veterum, rati ſe exactè loqui, illos rudi- ter, & quod dicunt Minerua crassa: deinde impulſi authori- tate nominis, tum magnitudine eorum, quæ illiſcribun- tur, hærent inter illa ſenſa, & ſuas formulas, incerti quor- ſum ſe applicent, ſed vincit in multis inueterata conſue- tudo, & authores aiunt ad bonum ſenſum loqui, ſe verò ad perfectam quandam rationem & regulam, id eſt, ad rigore, ſic enim ſuum frigus vocant appoſitiſſimè.

Age verò, quomodo authores ipſos vel intelligunt vel e-
narrant? Primû nihil penſi habent, quis ſit author, cuius in-
ſtituti, quo fuerit tempore, qua uſus ſcribendi ratione. Epi-
carrati,

& intel- cureum, Stoicum, Academicum torquent ad placita Peripatetici, omnia deniq; ad ea, quę sola norunt. Magnos authores nolunt quicquam habere cōmune cum populo, quali verò nō illi sermonē à populo acceperint, sed ipsis domi nasceretur. Quo remotius ab omni cōmuni sensu scriptoris sensum abduxerint, eo putant acutius se dixisse, & propius ad illius mentē accessisse. Quicquid esset ex cōmuni intelligentia, tanquam indignū scriptoris sententia reiecerunt, & ab hac discesserunt rerū natura, nequid sibi esset cōmune cum populo: quippe naturam hanc imperitorum ducebant esse, alteram illam suam doctorū. Ad examen quod sibi ipsi confixerant reuocarunt syllabas, literas, literarū apices. Vnusquisque voluit ad ingenii sui modū alios omnes scripsisse. Aridus & ieiunus lector nihil censuit explicandi causa esse dictum, nō animaduertit copiosum scriptorem sapenúmero contentum non esse rem vnā semel bene dixisse, alia repetere infigendi & inculcandi gratia, quia sic expedit argumentō, alia vt magis intelligatur quod dicitur, alia natura copiosi ingenii atq; interdum redundantis. Contra laxus & fusus multo vult dici, tanquam corticem, quę possis tollere sine periculo, ita ieiunus in copia Ciceronis tanquā in vndis iactatur. Copiosus in Aristotelis parsimonia, tanquā in angustiis premitur: quum Cicero plerisque locis ornatum spectarit fusus & plenus. ~~Aristoteles autem astrictus &~~ sibi instans, res solas, ~~parcissimus~~ verborum. Quę autem vel exempli causa, vel similitudinis, vel confirmandę, aut declarandę sententię suę ab autore ex aliis disciplinis attinguntur, qui non confidit se posse explicare, præterit penitus, & negat esse suscepti instituti, nihil pertinere ad se: alii qui turpe existimant penitus tacere, sic exponunt, vt præstiterit tacuisse. Nam quum sibi, doctissimē videntur locuti, dicunt in genere, Galilęa nomen est regionis: struthiocamelus nomen est animantis: colloquintis nomen est fructus: Cyrus nomen est viri: quęrat lector quid & quale sit quicquam. Alii qui sibi magis fidunt, nacti suo iudicio campum in quem excurrant, vnius verbuli tenuissima arrepta occasione de re dicunt paucissima, præter rem infinita: alienissimis locis infarciunt, quęcunq; est collibitum: nimirū quod quum finem & vsum artium ignorent, omnia vbique satis apte & congruenter dici posse arbitrantur. Loquitur obiter

Arist

Aristoteles aliquo loco de punctis, ipsi totam Geometriam eodem effundant, dico eam quam norunt, quæ est à Geometria alienissima: Loquitur de Helena, totum bellum Troianum ab ovo gemino, sed nouum penitus, & vel ipsi Homero, aut etiam Vlyssi inauditum. In sacris literis fit Orientis mentio, nō autumant alienum de toto ortu & ocaſu signorum differere, de Solis cursu, de Lunæ vicibus: vt postquam perorauerint, possit tanta loquacitate tortus auditor quæri, bella hæc quidem, sed quorsum hæc tam bella? Tam qui nihil videretur falsum dixisse etiam si nihil congruens cum sensu authoris, satis se bene putabat suo munere persunctū, videlicet Aristotelica fretus regula, omne verum omni vero consonat: atqui hæc parum inter se cohærent: Dionysius fuit Syraculsi tyrannus, & sol mouetur in zodiaco: non conferebant priora cum sequentibus, sed detrunccatam sententiā sumebant exponendam, nec expendebant an satis recte diceretur, si is esset sensus. Hieronymus Platonis peregrinationes recensens in Epistola ad Paulinum inter cetera scribit. Captus à piratis & venundatus tyrāno crudelissimo paruit, sed quia philosophus maior emente se fuit: hic interpretati sunt maiore se fuit mente, id est, fortiorem sumpsit animum: nec considerarunt posset ne Latine dici maiore se fuit mente: & tamen acutum se quiddam credebat inuenisse Brito, aut si quis fuit alius inuentor. Sodalıs quidam noster Lutetiæ quoties disputaret tot solœcismis, tot barbarismis vt intelligi à nemine posset, supposita inquebat congruitate. Sed in sacris literis & in Aristotele plurima sunt detorta hæc de causa quod sententiolam aliquis decerptam ad disputationem adiert, quam alter ex tempore interpretetur, nec prioribus nec posterioribus expensis, quæ nec recordaretur, ac ne vidisset quidem vnquam. Suscepit Israel puerum suum, voluteum qui susceperit puerum esse Israelem, quasi in eum possit cōpetere quod additur, recordatus misericordiæ suæ: sed horum exempla non possunt numero comprehendı. At quicquid semel affirmassent præsertim multis audientibus, nefas fuit recantare, aut ab eo discedere tanquam à voto quod dicunt solenni. Subiectoq; absurdissimo aliquo senticulo tanquam fundamento, surgebat ilico incredibilis moles ædificii, quæ hoc erat inanior quo altius erigebatur. Sed fortassis nō adeo nocuisset imperitia, ni fuisset eū

arrogantia & impudentia coniuncta: nam cessissent indocti
 melioribus, aut verecunde utiq; tradidissent, quæ sentiebant.
 Imperi- At verò arrogantia audaciam & impudentiam confirmavit.
 tia cum Ita nihil dubitarunt, ut quæque in mentem veniebāt, ea con-
 arrogan- tinuo ingentiscū supercilio asseuerare: deformissīma por-
 tia & im- tenta sunt illata in ius ciuile, in Theologiam, in Poëtas, in
 pudentia, Oratores: & ea erat siue confidentia, siue socordia, nunquam
 ut crederent futurum vllum qui ea refelleret, quia refelli in
 præsens non poterant. Qualia verò sint quæ in reconditis
 & non omnibus notis rebus pro veris asseuerant, ex istis
 promptioribus & nulli nō obuiis licet coniecturam sume-
 re: in expositionibus vocum, in historiis, in iis quæ etiam
 pueris sunt nota, magno supercilio, magna totius vultus
 asseueratione ac fastidio falsissima confirmant: pessimum
 cæcitatē genus est nescire se esse cæcū: clamant & indignan-
 tur, & iniuriam sibi testificantur fieri si quis ad sanitatem
 tentet reducere, quod est phræneticorum proprium.

Obscuri- Sed ut Aristotelis obscuritas multum nocuit artibus, sic
 tas Ari- horum in Aristotelē interpretationes artes omnes peruer-
 stotelis. terunt. Non potuerunt recte Aristotelem exponere, & hæc
 ipsa difficultas temeritatem atque impudentiam exacuebat,
 ut tanto magis auderet quisque pro interpretamento adfer-
 re, quicquid in mentem venisset, quo minus refelli ac confu-
 tari posset inter tantas tenebras. Et quemadmodum vulgo
 dicunt, perturbatus amnis quæstui erat piscantibus. Dixi
 quanta est eius & ex sententiis, ex verbis, ex tota dictione in
 Græca quoque lingua obscuritas: cui alia accessit fortui-
 tāque. Versus est male ab imperitis, qui dum in Latinum
 transferunt, nec Latinum fecerunt, nec reliquerūt Græcum:
 & ut difficile est interpretari quæ non capias, nec à doctis
 quidē potuit recte verti: quod multis in locis non satis quid
 ille sibi velleret, intelligerent. Tum etiam abundat ille ac pla-
 nē passim scateret historiis, fabulis, allusionibus ad Homerū,
 Sophoclem, Euripodem, Alcæum, Hesiodum, omnes deni-
 que Poëtas, oratores, historicos, ad prouerbia, & sententias
 vulgo receptas. Quid poterāt in his dicere homines omnium
 ignari, præterquam eorum quæ ipsi sibi sinxerunt? necesse
 erat eos, quod in aliis fecerant, hic quoque comminisci ali-
 quid & fingere: & tamen hac difficultate ipsi abusi sunt ad
 suum commodum, ut minus deprehendi possent, quæ prauē
 contor

contorſiſſent: vnde magnus acceſſit vnicuique ſcholæ ac ſe-
 ctæ fauor, tanquam ab ſe Ariſtoteles ſtare, tractus ab expo-
 ſitore, quò nunquam ſe Ariſtoteles venturum potuit ſuſpi-
 cari. Vt iam etiam vulgo inter eos non omnino, vt ſolent,
 inſcite Ariſtoteles dicatur habere naſum cereum, quem qui-
 liber quò velit, ſectat pro libito. Nam cum eo tempore ſub Ariſtote-
 latis linguis clauſa cognitione vetuſtatis, extincta luce o-
 mnium, qua declarandi eſſent authores, quum facillimos & cereus.
 apertiſſimos nemo intelligeret, & vnicuique liceret in eo
 quicquid videretur tuto fingere, quantam putamus ex Ari-
 ſtotelis obſcuritate licentiã ad quòdcunq; animo eſſet col-
 libitum vel affirmandum vel negandum acceptam? Tyran-
 nio grammaticus & Andronicus Liuius qui libros illius, vt
 dixi, diſtinxerunt, & euulgarũt, tum Alexander primus Ari-
 ſtotelis interpres, Themiftius, Boëtius, Ioannes gramma-
 ticus & alia multa ſe in Ariſtotele nõ aſſequi verecunde ſunt
 profeſſi, homines Græci & Græce peritiſſimi diutiſſime in
 illius philoſophi libris cum magna diligentia atque ſtudio
 verſati. Iſti verò nec Latini nec Græci primo Ariſtotelis in-
 titu fortiter aſſeuerant eum eſſe illius ſenſum, qui illis pri-
 mus in mentem venerit, imò vero in buccam: nuſquam
 cunctantur, nuſquam hærent, omnia ſunt illis ſole clario-
 ra: nimirum iuxta ſuum illorum dictum, qui nihil ſcit,
 nihil dubitat. Et hunc non minus quàm alios detorſerunt
 ad ſuas illas formulas: tantòque hunc accuratius quanto ex-
 actius in omnibus exiſtimabatur ſcripiſſe. Quapropter
 obſcuratis artibus, remotis à ſenſu communi, conuerſis
 ad ludicra quædam ſpinofa & inamœna ſine vllò penitus
 emolumento ac fructu ad vitam, præclara ingenia & ſoli-
 da, & cum magno quum ſuo, tum publico fructu ſtudiis
 vacatura, ab ſchola refugerunt. Nam vbi paulum modo ad
 illas ſe literas artèsque applicuiſſent, ceu ſpecimine quo-
 dam & exemplo capto, reſiluerunt protinus non à peritiã,
 quam illa ingenia vnice expetebãt, ſed à carniſcina animo-
 rum inutili, ſeu potius damnoſiſſima: videbãt enim ſub tot
 corticibus tam duris nihil occultari nuclei, inanem ſumi la-
 bore, vbi nihil ſperaretur fructus, tum ſe à rectis & natu-
 ralibus ſenſibus ſtudio illarũ artium ad detortiſſimas ac de-
 prauatiſſimas traduci artes ac diſciplinas, illas iuſſerũt va-
 lere, & earũ poſſeſſione ceſſerũt ingeniis cum artibus con-

gruentibus, vt similes haberent labra lactucas. Itaq; vacuam & derelictam possessionem artium obscuri homines & abiecta ingenia occupauerunt, delata illhuc tanquam ex naufragio ad scopulum & subsidium necessitatum ac rei familiaris: nonnulli quod laudem aliquā & gloriolam quandam hinc sese apud homines aliquos paraturos sperarint. At quū populus maximos habuerit olim honores artibus propter eas vtilitates, quæ ab illis in commune nascerentur, adempta vtilitate omni ab artibus, honorem quoq; eis suum detraxit, quem nec tueri professores ipsi possent. Hinc factum est vt ignorati fines artium quò spectarent, quò tenderet, ignoratus vsus, ignorata vtendi ratio ac via effecerint, ne iam artes eam vtilitate in publicum aut priuatū præstarent, ob quā & inuentæ fuerāt & exultæ. Tum acceptæ & tractatæ propter opes, aut honorē quærendū finem tantis instrumentis indignum, quum præstantius esset, quo quærerent, quàm quòd quærerent: non potuerunt animos discantium aut docentium ad humanitatem & virtutem excolere atq; informare.

Professo-
rum mo-
res corru-
pti.

Quocirca non solū artes, sed professorum quoq; mores sunt corrupti. Vetus est hac de re infectatio illorum, qui aduersabantur philosophiæ, & querela eorum, qui fauerent. Rhetores, Poætæ, Comici, & Satyrici philosophos mordent & lacerant, quòd homines sapientiæ præceptis instructi, leues se præbeant, ineptos, assentatores, mendaces, ministros sceleris cuiuslibet, ac facinoris, interdum etiā duces: præcipientes de prudentia, nihil erat illis imprudentius: de legibus & iustitia, nihil iniquius: de temperantia, erant ad voluptates omnes proiectissimi: de contemnendis opibus, indignissima faciebant & patiebantur vnius numi gratia: de veritate, nunquam verum dicebant: de libertate, nihil erat abiectius: de modestia, nihil arrogantius: homines, inquit Paccavius, ignaua opera: philosophica sententia. Aristophanes Comicus quoties eos perstrinxit? Aristides & Lucianus Sophistæ, & Tymon, qui Syllos composuit, dentem illis infixerunt. Iuuenalis Satyrā vnā in illorum maledictis consumpsit: & erat materia Satyræ aptissima, atque vberissima: Prætereo veteres poëtæ Atticos. Philosophiæ studium profecti meliores viri, quàm vulgus philosophorū, vt Plato, Cicero, Seneca dolent propter illos in totum vituperari philosophiā, disciplinā sanctā, & amplis

amplissimum Dei munus. Nec querelæ huiusmodi priscis sunt seculis consumptæ, ad nos vsque redundarunt. Quippe nostro tempore qui artium doctrinam profitentur, nec ea exhibent, quæ sint cuiquam vñ, nec se meliores viros, quàm illi de quibus modo dixi. Cuius mali eadem est causa, nempe illa ipsa, quæ quibuscunque sese rebus admisceat, magnam & præsentē perniciem adfert rebus publicis, priuatis, sacris Pecuniæ profanis, auiditas pecuniæ. Nam in scholis quo in maiore auiditas. numero lautior esset docentis conditio, nullus est ingeniorum habitus delectus, admissi omnes promiscue: & qui cum fructu aliquo versaretur in literis, & qui vel operam luderet & impensam, vel magno esset suo atque aliorum malo literis abusus: nec solum tales in cœtus sunt scholarum recepti, vt essent discipuli, verum etiam in numerum eorum qui alios essent docturi. Excogitati sunt in publicis academiis quidam velut honorum gradus, non malo vñque sententia mea consilio. Nam vt Romæ sub Cæsaribus nō licebat cuius de iure respondere, sed cui hoc esset à Principe concessum, ita rectoribus scholarum visum est arcere à professione artium imperitos. Eos verò quos ad hoc magno adhibito iudicio & severo examine dignos censuissent, gradu aliquo honoris insignirent batalarios dixerunt, vocabulo veterelinguæ gallicæ vsurpato in tyrocinio militiæ de iis, qui iam prælio interfuissent, ideo longè alio quam vulgo creditur, etymo: sed non hoc agimus: hinc licentiatos quasi facta copia quandoque velint magistros fieri, postremo magistros & doctores. Verum quod scholæ nonnunquam opus esset pecunia ad sumptus ineuitabiles velut alendis ministris publicis, gymnasio conseruando, sarto tecto, imposita est summa pecuniæ iis, qui honores inirent: à primo modica, quæque necessariis impenderetur vsibus. Expetiit eum dignitatis locum indignus aliquis, & quod eruditione atque ingenio præstare non poterat, tentauit iis, per quos ageretur, corrumpendis: alius adorsus est illos gratia, alius promissis alius præsentī pecunia: vbi semel sancti prius, atque incorrupti homines lucri dulcedinem gustauerunt. Is sensus reliquos omnes semel extinxit: certas statuerunt summas, quas illi penderent, qui admitterentur ad honores: quarum pars scholæ & ministris eius cederet, pars magistris & rectoribus scholarum: nec prouiderunt quantam literis, artibus, disci

Gradus honorū.

Batalarii

Licētiati.

disciplinis, orbi toti, qui ab iis regitur, ac disponitur, eadem & ruinam adferrent, promiscue quibuslibet t admitterendis, sed potentior fuit respectus exigui commodi, quàm tanti publici in vniuersam hominum gentem. Igitur quæstiosa res cœpit esse scholarum regimen, & emptum est non secus ac mercimonium promercale, vt reuenderet, qui erat mercatus: quæsitum est pretio, ambitu, & ne quid deesset dedecori ac indignitati, armis quoque. Qui erat adeptus agebat propter quod quæsierat: nullus locus, nullus honor, nulla dignitas denegata est ei, qui numeraret. Sed vt sciretur quanti ordinariè emeretur dignitas, statuta est certa summa pecuniæ, qua minorem nefas est accipere, de maiore fas est liceri: definitum etiam tēpus, & assignati qui examinerēt.

Nemo re Nominent mihi vel vnum iis ducentis annis reiectū, qui iectusque versatus præscripto tempore in scholis, certam illam pecuniam dependerit, quacunque ætate, conditione, ingenio, peritia, moribus. Si quis non credit, inspiciat tot per Galliam cerdones, factores, coquos, rhedarios, nautas, fabros, & peiores, iis grassatores, latronesque artium vel magistros, vel batalarios, nec desunt in Germania, nec in Italia. Si quis alibi non inuenit, Romæ quærat. De licentiatis iuris nihil scilicet possum dicere: sed hoc fortassis risu magis dignū, quærunt vbi que lites, quas nutricent, pueriliter cauillando, & homines in odio illo detinent, molesti & clientibus, & aduersariis, & iudicibus. Illud dolendum magis, quòd annis omnibus tot batalarii, licētiati, magistri medicę artis ex Academiis in vicos atque vrbes, tanquam carnificum manus emittuntur. Isti ergo quando nihil in scholis egerunt aliud, quàm mactando se expectare finem statim temporis, vt honoribus donarentur, adepti quod concupierant omni renuntiant labori, & si eruditioni non queant, certè nomine se auctoritatem suam tuituros confidunt. Quum verò ex schola exeunt insignes nomine, magnæ ad populum auctoritatis, ac venerationis, quid aliud possunt docere, quàm quæ negligenter & imperitè didicerunt? Ab his ignorantia per Europam omnem velut seminatur, ac propagatur. Videas in eis pueros iam magistros, qui pædagogo adhuc indigeant, & quos Aristoteles tanquam inidoneos auditores de schola expellit moralis disciplinæ, tum hanc, tum alias omnes non præstant quidem, profitentur tamen. Quid aliud oportet hos facere tam
imma

immaturo honore onustos, & pressos, quàm disciplinarum labori cedere, & arrogantia, inuidentia, cæterisque vitiis repletos intolerabiles fieri, quum magistri nominentur earum artium, quarum vix prima rudimenta posuerunt. An putamus insolentiores quosquam esse iis, qui quum sapientiam nullam habeant, pro sapientibus tamen ad turbam se venditant: nihil est medium: sapientia optimos facit, simulatio sapientiæ pessimos: propterea quod quæ tenere bonis artibus nequeunt, fraude & flagitiis tuentur. Sunt ex magistris nonnulli, qui vel nulla penitus peritia, vel minore audacia non applicant se ad exercitiū disciplinarum: in familiam se locupletum dant hominum, nec nomen tamen deponunt, & indigna honore illo ministeria obeunt, adulantur, assentantur ut serui dominis: quod etiam peritiores faciunt ad diuites scribentes, quum illucet spes lucri aliqua: & quia istis inter scholasticas illas concertationes & pugnas nullus fuit locus vel historiæ cognoscendæ, vel præceptis morum: vel eloquentiæ, vel institutis ciuitatum, & rationi reipublicæ administrandæ, tantum in fictis illis quisquiliis molesti & rixosi corruptum ad negotia siue priuata siue publica iudicium trahunt. Quocirca nemo semel operam illorum expertus magnis denuo rebus adhibet, in cœtu hominum superciliosi, in cōuiuium morosi, & tristes, in concionibus loquaces, & inepti: in consiliis importunè cauillatores, omnia tentant carpere, & conuellere ex fictis illis suis normis: in magistratu rapaces: in potestate impotentes, in colloquio spinosi, & ab omni humano sensu alieni. Ut quemadmodum de philosophis sui temporis ait Socrates in Apologia Platonis, melius multo de rebus iudicaret vulgus hominū, quàm illi totius sapientiæ consulti. Semota utilitate ab artibus, & à professoribus remotis animis sua eruditione dignis, honor omnis & ab artibus, & à magistris est excussus: quippe quum nec vllis prodesse artes, nec suis ipsis professoribus, vel ad bene viuendum essent vtilis, vel ad bene sentiendum. Tum ex multis iudicium est factum de omnibus, ut tales putarentur vniuersi quales se non pauci exhiberent. Inuisi fuerunt Athenis philosophi, & ipsa adeo philosophia, etiam tum, quum maximè in illa ciuitate studium illud floreret: hinc populus etiam Romanus. Indignabantur enim eos, quos rerum & sapientiæ cognitio meliores debuisset facere, peiores esse hominibus

Honor a
demptus
artibus.

omni

omnino imperitis. Eterat quodcunque vitium in illis notabilius, qui formationem morum, & scientiam omnium virtutum promitterent. Itaque Athenis & Romæ, quisquis vituperare voluit vel philosophos, vel ipsam philosophiâ, secundo admodum populo est vsus. Neque nunc verò repugnantem haberet multitudinem, quanquam populus noster multo se habuit quàm ille priscus moderatius: nam quū huius ætatis philosophi, & vtilitatis minus adferant, siue ad loquendum, siue ad sentiendum, quàm illi Athenis aut Romæ, nec prohibitate aut cōpositione morum antecellant, tamen populus seruauit adhuc non parum venerationis iis, qui artes profiterentur, etsi nullam præstarent. Nescio an ea sit causa quod Atheniensis & Romanus populus quæ à philosophis dicerentur, intelligebat, ideo facilius poterat de illorum ingenio, ac eruditione cēsere: noster non intelligit, ideo nec iudicat, & admiratur. Honore artibus detracto artes iacuerunt: illæ solæ sunt exultæ, quæ essent in pretio, vt oratoria propter forum & curiam, & ius ciuile ad constitutiones formularum, & litium: reliquam eruditionem, qui magni & honesti cupiebāt esse in populo, vel negligebant prorsus, vel si quam didicissent, occultabant ne se proferret: & tam solite literas tegebant, quàm erant discēdæ. Marcus Antonius orator apud Ciceronem hoc probabiliorē orationē suam populo fore existimabat, si omnino didicisse nunquam putaretur. Scire se dissimulabant, multo minus volebant videri docere: id munus ad seruos est delegatū, si quos haberent literatos: aut Græcis & Asianis hominibus mandatū liberis quidem, cæterum non multo meliore conditione quàm erant libertini, de qua indignitate merito quæritur Seneca: Ante Blandum inquit rhetorem, qui eques Romanus Romæ docuit inter libertinos præceptores, pulcherrima disciplina cōtinebatur, & minime probabili more turpe erat docere, quod honestum erat discere. Quo factum est vt literas scire indignum sit habitum viris principibus: docere verò sordidum prorsus & abiectum. Agrippina Neronis mater Senecæ viro integerrimo professoriam linguam tanquam probum obicit, & quæ non obiciebat adulteris adulteria, militi crudelitatem, lenatori auaritiam, iudici rapacitatem & sordes, viro innocētissimo & optimo quod alios meliores redderet exprobrabat. Ea persuasio ad nostram vsque ætatem peruenit

Docere
habitū est
abiectum

nit, vt potio-rem ac præstantio-rem esse vulgus existimet discipulum magistro: vel cerdo aut rhedarius præceptorem filii sui iuuenem bono loco natum, quòd præceptor sit, peiorem filio suo censer. Idem iudicium impie est ad res sacras, & sanctissimas translatum: vt sacerdotem vilio-rem existiment profano, tantum nescio quid exhibent honoris propter receptum morem. Quid dicemus esse causæ, an quod natura mercenarius omnis sordet: an quod ita suasit peccatū in nobis regnans, & peccati author & altor diabolus, vt pro vilissimis habeamus quæ sint optima: desiderere, nihil neque scire neque agere, nihil à bestia differre, pulcherrimum sit & præstantissimū. Quocirca excellentia ingenia, quæ se contemptui vident futurum, si doceant munus tam fructuosum, tam dignum illo acumine, illa ingenii luce, illo iudicio, ac pericia refugiunt, & auersantur: deserunt scholas, in quibus totius humani generis linguæ, animi, mentes ad optima, aut pessima informantur: tradunt has contaminandas, & conspurcandas tardissimis ingeniis, rudissimis, prauis, seruilibus, quæ vel nihil cunctantur spe tenuissimi præmii in scholas se tanquam in pistrinum detrudere: vel auide scholas arripiunt tanquam gloriolæ alicuius messes. Atqui huiusmodi ingenia doc. ut vel pessima, quia non norunt alia, vel corrupta ab animo ad pecuniam, vel famam cæco impetu corrente.

LIBRI PRIMI FINIS.

IOANNIS LV-

DOVICI VIVIS DE

causis corruptarum artium

Liber Secundus, qui

est de Gram-

matica.

Tres ar-
tes de ser-
mone.



Gram -
matica.

V AE proximo sunt à nobis libro dicta, semina sunt vniuersarum artium corruptarum, nam illa cunctas pariter læserunt, tanquam satum nō in vnam aut alteram eruditionis aut literarum partem, sed in cunctas simul ad perniciem corporis totius incubuerit. Nunc sigillatim de vnaquaque differendum est. Veterum scriptorum consensus tres artes de sermone posuit, Grammaticam, quæ quid, & qua ratione diceretur, indicaret: Rhetoricam, quæ ornatum & cultum: Dialecticam, quæ argumenta & probabilitatem. Vt in Grammatica sit illud quod ipsi volunt docere: In Dialectica probare, in Rhetorica mouere. Sed de his postmodum videro. Nunc de Grammatica: ea Græco nomine de literis dicitur, idcirco à Quintiliano literatura transfertur in latinam vocem, aptam quidem illā, sed non perinde receptam. Infantia eius circa literas, syllabas, & singulas vocum est versata, vt quicque aptè & scriberetur & pronuntiaretur, hisque finibus fuit contenta. Qui hæc præstabat, *γραμματικός* à Græcis dicebatur, à nobis, Varrone authore, literator: cuius artem Martianus Capella *γραμματικὴν* vocat verbo apud Grecos, quod equidem meminerim, rarissimo, sed vlturpauit illorum in fingendo licentiam. Visum est paulo altius puerum ducere, vt quæ in lingua, quam disceret, scripta essent, intelligeret. Expositi sunt ei Poëtæ, historici, & alia scriptorum genera: hoc quoque

ne voluerunt Grammatici esse munus, quem literatum nominarunt: artificis hoc est magis quam artis. Sed fuit hoc eorum prudentissimum consilium. Nam quum linguæ arbitrium sit penes populum dominum sermonis sui, mutatur subinde sermo, usque adeo, ut centesimo quoque anno prope iam sit omnino alius, nec qui tunc viuunt, eorū linguam intelligant, qui ante centum annos fuere. Ergo ne intelligentia veterum scriptorum penitus interiret, prouisum est ut essent professores, ad quos ea cura spectaret, tenere verborum omnium vires ac significationes, & esse velut thesauri illius custodes, atque ærarii tribunos. Ius sermonis, sicut Horatius inquit, populi est recte ne, ac vere quicquid sit dictum, vel singularum artium, vel iudicii ac prudentiæ. At quid quicque significet, quem sensum reddat, hoc demum Grammatici: qui si locus incidat in Virgilio:

Est via secta per ambas,

Obliquus qua se signorum verteret ordo,

Explicet quid ibi Poëta senserit, & satisfecerit suo muneri. Vltior inquisitio recte ne dixerit, hoc iam astronomi erit. Quod si idem ipse Grammaticus non leuiter omni genere artium imbutus sit, hoc copiosius & splendidius explicabit quos enarrandos susceperit: non id exigit ars Grammatica, sed disciplinæ nexu quodam mutuo se continent, & iuuant. Ergo Grammatici officium est os pueri, & ma-

Grammatici officium.
Diligentia Grammaticorum.

quitur: itaque nequiverunt rite omnia annotari. Adde quod passim mutatur arbitrio eius multitudinis, in cuius manu est lingua illa. At nunc, quum populum Græci aut Latini sermonis habemus nullū, sed ab authoribus sumendum est ius verborum: sunt qui quoties aliquid non recordantur se legisse, damnant ilico, & tanquam lege Mutia Lucinia ex ciuitate eiiciunt. Alii ita sunt vni aut alteri scriptorum additi, vt quod non apud eos sit, etiam si millies apud alios, velut parum Latinum reproberent. Nec desunt, qui ex vno aut altero loco generalem formam conficiunt. Atqui in his omnibus multipliciter peccatur. Nam nec Grammaticus legit omnia, & sæpe de his pronuntiat, qui solas legit familiares Ciceronis epistolas, aut Terentium: & vt legerit, non attentus omnia, non omnia obseruauit, expendit, excussit: & vt fecerit, non omnia annotauit: nec memoria tantæ rerum ac verborum varietati vna sufficit, quæ & multitudine intricatur, & ætate fit inualida, quæ aufert omnia. Denique nihil est in homine fluxius, atque infirmius: ergo plus tertia parte bonorum vocabulorum ex ærario linguæ Latinæ reieci-mus, tanquam adulterinos numos, & in tanta egestate fastidiosi, pauperiores indies finimus, dum vnusquisque quo diligentior videatur ærarii præfectus, aliquid repudiat, nemo infert. Ideo sermonis inopia quotidie laboramus. Quidam (si diis placet) non verba modo, sed sententias multorū verborum, quas se non legisse recordantur, expellunt, & in peregrinitatem redigunt: quod si ita est, nec licebit dicere, Petrum diligo, aut rem mihi gratā vos tres feceritis: nulquam enim hæc sunt apud authores Latinæ linguæ. Sed neque scriptores omnia scripserunt, & eorum multi amissi sunt. Et quædam vel verba vel loquendi formulæ apud aliquem vnum tantum leguntur, qui si perisset, nos illa, quæ sunt germanæ Romana, ex ciuitate pelleremus. Itaque in iis quæ dicenda sunt noua, vt ex ipsis veteribus & receptissimis oportet analogiam non parum valere, de qua destinatus est mihi aliis libris locus. Iam authores vt de meos, qui ætate Ciceronis vixerunt optimos esse in Latina lingua, Terentius tamen qui antea fuit nō malus, nec Titus Liuius, Seneca, Plinius, Quintilianus, Tacitus, & alii, qui post vixerunt vsque ad Adrianum Cæsarem: in hoc Laurentius Valla est nimis vehemens, & acer, tanta in Ciceronem, & Fabium Quintilianum

Lauren-
tius Val-
la.

lianum admiratione, atque obseruantia. Idem est in aliis omnibus, vt de centendis vocabulis, & quicquid non recodatur se legisse damnando ceu minus probando, tū de vniuersalibus formulis ex vno loco, aut altero obseruato. Fortassis hac tam immōdica religio ipsius erat tempore pernecessaria. Nam quum omnia pessum iuissent in negligentiam, acri aliqua & exacta erant cura reuocanda: sed eam rem, quum iam nihil videretur necessarium, auxit insequentium Grammaticorum superstitione, partim vt ipsis quoque benemeritis de Latina lingua cognomen attingeret, partim miro ardore insectandi ac reprehendendi. Quis audeat facile pronuntiare Latinum non esse verbum aliquod aut dictum, quum in eo Quintilianus & Cicero sint falsi, duo totius Latinae linguae & lumina & columina? Ille quum negat Romanē dici germanus frater, Cicero piissimus, & facere contumeliam. Sunt qui contaminari se verentur, si quid aliter Latine dicant, quā Cicero, ridicula religione, ne dicam De Ciceronis superstitione stulta. Primum quomodo loquentur de iis, quae apud Ciceronem nulla sunt, de structura, de sutrina, de tetrina, de agro colendo, nisi fortē omnia sint mutuaturi ex paucis illius verbis in Catone maiore, & aliquot ad fratrem, & ad Atticum epistolis: necesse erit eos obmutescere in reliquis, ne quid dicant parum Ciceronianē, videlicet satius erit tacere, quā male loqui. Quid in Poëmate, quid in historia facient, quae ille non scripsit? Quid quod quaedam dixit, quae eadem nec minus acute, nec minus festiue, nec minus, vel ad declarandum, vel ad persuadendum, apte ab aliis dicuntur: Imō sunt apud eum nonnulla, quae si astrictius, & pressius cogerentur, haberent plus neruorū, & efficaciae. Sed de Ciceronis imitatione alibi. Habemus etiam Differentia- significatus vocum, & differentias, Graece Ammonii, & interpretum Poëtarum, Latine Nonii, Gellii, Donati, Acronis, Seruii, vt interdum de industria videantur ea praecipere, quorum penitus contraria magno authorum cōsensu liceat deprehendere: vt non aliter rectius vtare, quā si contrā, atque isti monstrauerint. Aiunt distare, quae sunt Synonyma, aut aliter differunt, quā ipsi praescribunt.

At vero obseruatio, & cura historiarum, ac fabularum in. Obseruandum quum ad minutias illas ineptas, & scitu indignas fabulentū est, confundit ingenia, iudiciū, & alia magis necessaria larum.

obtundit, & memoriam occupat, ne sit locus melioribus. Tum dulcedine illa nominis diligentia euehuntur longius. Et tanta cura huiusmodi rimantur, ac perquirunt, ut videatur in eo agi imperii totius salus: tanta gloria, si quis quid eruerit, tanta ignominia si ignorarit, ut coniurasse contra rempublicam existimetur: hinc rixæ, & maledicta, & conuitia atrocissima. istis impenditur tempus, & obruitur ingenium cum maiore fructu aliis vacaturum, nam hæc in infinitum recedunt, & cassæ cuiusdam sunt solitudinis. Audiât de ea re Quintilianum: Nam qui omnes, inquit, etiam indignas lectione schedas excutit, anilibus quoque fabulis accommodare operam potest, atqui pleni sunt huiusmodi impedimentis grammaticorum commentarii, vix ipsis qui composuerunt, satis noti. Nam Dydimus quoque, quo nemo plura scripsit, accidisse cõpertum est, ut quum historiae cuidam tanquam vanæ repugnaret, illius proterretur liber, qui eam continebat, quod euenit præcipue in fabulosis vsque ad ridicula quædam, etiam pudenda: vnde improbissimo cuique pleraque fingendi licentia est, adeo ut de libris totis, & authoribus, ut succurrit, mētiatur tutò: quia inueniri, qui nunquam fuerunt, non possunt: nam in notioribus frequentissime depræhenduntur à curiosis, ex quo mihi inter virtutes grammatici habebitur aliqua nescire. Hactenus Quintilianus.

Neglect⁹
canonũ.

Iam verò sunt qui omnino formulas negligunt: nam quum consuetudo sit magistra orationis, & huic ars cedat, quid aiunt, opus est canonibus & præceptis, ex quibus non raro videmus multa in sermone vitia contrahi? Nec mihi sanè nimia illa præceptorum observatio, ut exposui, placet: & si populum haberemus vel Latine loquentem, vel Græcè, mallet cum eo annum vnum ad linguam illam percipiendam versari, quàm sub eruditissimis ludimagistris annos decem. Nunc verò quum ciuitatem nullam habeamus vel Græcæ linguæ, vel Latinae, vel Hebraicæ, quorum tandem usu discemus linguas has? Ex authoribus inquiunt: quum ergo non succurret animo, quemadmodum apud illos legerimus, hærendum erit, atque etiam obmutescendum, aut solæcismis fœdanda oratio, quod his videmus accidere, qui formulas in totum respuunt, ut modo Cicerones sint, modo solæcistæ. Quid quod isti etiam normas quasdam sibi ex usu colligunt, quis regantur in loquendo. Atqui hæc est ars. An non præstat

collecta à maximis & doctissimis viris accipere labore
 guo, quàm tanto & tam infelici ipsum sibi parare? & que
 sigillatim confectaris, habere generatim annotata magna
 ra & iudicio. Profectò mediocris artis cognitio, & pueros
 cognitionem linguæ manu ducit, & prouectis sapenu-
 ero adiumento est, quum à memoria nihil suppeditatur le-
 um, quod sit ei; quod eloqui conantur, simile. Quid quod
 ec analogiæ normas singulorum verborum, & composi-
 tionis negligebant, etiam eo tempore, quum à populo peti-
 oterat vsus certissimus magister sermonis, vt Quintiliani
 tempore, etiam Tullii, & vsus prauè loquentium plerunq;
 analogia refellebatur. In scriptoribus quoq; nonnulla de-
 rauata corriguntur ex artis formulis, & canonibus. Sed hæc
 me planius fusiúsq; explicabuntur in libris de ratione lin-
 guarum. Nunc solas artium corruptelas demonstramus.
 At verò veterum grammaticorum mores artem apud non-
 nullos in contemptum adduxerunt: Sed ea tamen res non tam
 artem, quàm professores læsit: magis nocuit illud, quod nō-
 nulli, qui viriles admodum viros existimari se cupiunt, Gram-
 maticam contemnunt, quod pueris tradi sit solita. Ceu verò
 non & optima cōueniat ætate illa exhiberi. Quis fundamen-
 ta & tenues origines despiciat, sine quibus res maximæ non
 constant? Non dubitandum est quin vtilitatem artis acutis-
 simè Romani procures perspexerunt, de quibus hæc sunt
 in libro Suetonii Tranquilli de illustribus Grammaticis:
 Post Lælium Stilonē qui vixit Sylla dictatore cura grāma-
 ticæ artis increuit, vt ne clarissimi quidem viri abstinerent,
 quo minùs & ipsi aliquid de ea scriberent, vtq; temporibus
 quibuscum super viginti celebres scholæ fuisse in vrbe tra-
 dantur, pretia, mercedésq; grammaticorum ingentes: & hæc
 quidem ea ætate, qua videbantur ad eum sermonem quem
 suxerant cum lacte, non admodum arte hac indigere. Sed
 illi nihil negligebant, quod posset aliquando prouectis vti-
 litatem aliquam adferre. Idcirco de singulis literis Iulius Cæ-
 sar Dictator, & Corvinus Messala non solum oratorum
 sui, sed ciuitatis quoque principes singulos libros con-
 scripsere. Ergo illi minima confectando ingentem peritiæ
 omnis aceruum confecerunt: nos contraria ratione di-
 ruimus, ac penitus dissipauimus, minima non modo negli-
 gendo, sed etiam contemptu prosequendp, atque odio.

Odiū grā maticæ. Nam quidam ætate hac oderunt magis hanc disciplinam, quia ignotam sibi, quā contemnunt tanquam vilem aut se indignam. Sed ne odisse existimentur, contemptum aut negligentiam præ se ostendunt, tanquam eam pro nihilo ducant cura rerum præstantiorum occupati, reliq; huc est paulatim deducta, ut grammatici nomen iam obiciatur pro conuitio. Ego verò, ut de hoc quoq; loquar, non video quid sit, vel in nomine, vel in professione, vel in dignitate grammaticorum despicabile, & cōtemnendum: quæ omnia isti, quibus grammaticus maledicti loco est, ignorant: sed nos paucis explicabimus.

Gramma tica di- gnitas. Primum Grammaticus literatus est: atqui hoc nomen honestissimum, quo literis præditus ornatūque denotatur.

Literati. Literatos inquit Suetonius ex autoritate Cornelii Nepotis vulgo appellari, qui aliquid diligenter, & acute, scienterq; possint aut dicere, aut scribere. Quanta est in istis inscientia? Si quis literatos appellaret tanquam honorificam nuncupationem amplecterentur, & pro beneficio haberent gratiam: si quis Grammaticos, iuturiarum dicam scriberent: non aliter ac quidam canonici nomen libenter audiūt, regularis aspernarentur. Diaconos dici volunt, ministros se dici contumeliam clamarent. Ignoscendum quidem est inscitæ linguarum, indocta tamen arrogantia castiganda. Porro quid Grammaticus profitetur? non solum literarum & vocum peritiam, quamquam neque hoc omnino parum, sed intelligentiam verborum & sermonis totius, cognitionem antiquitatis, historiarum, fabularum, carminum: denique veterum omnium scriptorum interpretationem. Quid potest hoc maius vel amplius in studiis dici? Qua de causa illis, ut iam dignitatem attingam, permixtum est de scriptoribus cuiusque generis iudicium, quo sicut Quintilianus refert, ita sunt seuerè vti veteres Grammatici, ut non versus modo censoria quidam virgula notare, & libros qui falsò viderentur inscripti tanquam subdititios submouere familia permiserunt sibi, sed autores ipsos in ordinem redegerint, alios omnino exemerint numero. Tales inter cæteros fuerunt Aristophanēs, nō author veteris comœdiæ, sed Grāmaticus Bizantius genere, & Zenodotus, & Aristarchus, qui cognominatus est censor authorū, & alii permulti. Cui tandem vel philosophorum, vel eorum qui maximis titulis amplissimas

plissimas disciplinas, quâsque nemo non suspicit & professi sunt, & præstiterunt tantum est permissum? nedum istis fumosis, qui contemnendo omnia, videri volunt omnium callentissimi. Ergo Grammaticorum nomen prisca affectarunt complures. Nec ætate nostra defuerunt doctissimi, qui ornari se appellatione eiusmodi arbitrati sunt, inter quos Angelus Politianus, & Hispanus noster Antonius Nebrissen-
 sis, qui pro varia, & latè patenti eruditione, quum esset diligenter in omni scriptorum genere versatus, potuisset quodcunq; nomen vsurpare, non solum cum bona professorum eiusce artis venia, sed cum magna etiam lætitia, quod non parum gloriæ professioni suæ accessurum ex huiusmodi hominis splendore, & nominis celebritate existimassent: nihil tamen dici & haberi maluit, quàm Grammaticus. Nec Pius Pontifex vrbis Romæ nomen eiusmodi abhorruit. At nihil scilicet præstiterunt Grammatici in omni genere doctrinarum. Ioannes Philoponus illustres ac celebratos scripsit in Aristotelem commentarios: huius nomen nec scholæ ignorant, Ioannes Grammaticus nominatur. Erotianus Grāmaticos enumerat, qui accuratos, doctosque in Hippocratem libros composuerint. Xenocritus Hippocratis ciuis, Aristocles, & Aristæas Rhodii, Dydimus ac Antigonus Alexandrini. Utinam aliquid tale præstitissent vniuersi isti grammaticæ contemptores. Quod si Grammatici horum temporum hæc vel non faciunt, vel non possunt, culpa est hominum, nō artis, vel professionis. Profectò nimium fauemus nobis. Pulchra volumus tantum erudi, & haberi quæ possidemus, cætera vilia & aspernanda. Si grammaticam haberemus, celebraretur ea à nobis, & cohonestaretur, esset ex præcipuis, & maximè necessariis artibus. Argumento est, quod non quæuis grammatica à nobis improbat. Quis enim istorum grammaticæ osorum non cedit suum puerum, si dicat, ego sequor tibi: at permittit dicere, ego sequor abs te: quia illud scit Latinum non esse, hoc nescit? Eodem modo Latinam linguam contemnunt: at qui clamores quod in vulgares linguas quædam de Latino vertebatur: non id intotū probo, sed tantum malitiam istorum retego: nam quia hanc non habemus, ne hac parte existimemur māci, nec velle quidē nos habere simulamus. Olim ita sunt vitioso sermone vsi quidā ac spurco, vt

Antoni⁹
Nebris-
sensis.

Gramma-
ticorū va-
ria erudi-
tio.

cum videantur consulto affectasse, tamen non multo poterant terlius loqui, sed quædam certè minus sordide potuissent dicere. Nam simul ignorari cœperunt linguæ, continuo quod intellectum non est desit in pretio esse, & post paulum ignominia ac dedecori duci apud eos, quos pudebat & nescire & ab aliis doceri: pigebat tamen in curam se & laborem dare: quocirca operâ ea in re noluerunt ponere, quæ eû desuetudine facta esset obscura & perdifficilis: tum nihîl utilitatis allatura videretur præsentî exercitamento artium, imò vero cum probro, & derisu omnium disceretur. Nam quando de linguis desperauerant, tum auditores suos, ad omnia quæ traderentur sequaces, tum populum minime repugnantem in eam opinionem adduxerunt, ut cultu illo, atque ornatu sermonis magnæ atque excellentes artes tradi nō posse haberent persuasum, quicquid sic diceretur esse Grammaticam, quicquid suo illo more scæde ac sordide, id demum esse ex disciplinis altissimis, ac præcellentibus. Quoties illud mihi Ioannes Dullardus ingessit: quanto eris melior Grammaticus, tanto peior dialecticus, & Theologus: quasi vero nō sit Latinus, & Græcus sermo multo quàm ipsorum balbissima barbaries facundior, & copiosior, & non maximi viri de artibus omnibus quanto quàm nunc accuratius, & rectius purissimo scripserint sermone. Sed haud dubie noua prodigia quidificatio, realitas, identificatio, quiditativæ, eccitæ, & similia vetere elegantia explicari nequeunt: non capit res tam immundas pannus candidissimus. Sed nec illi omnino indubie mentiebantur: nam illæ artes, quas ipsi somniarant, ut à rerum natura, sic etiam ab omni usu sermonis abhorrebant: noua rerum natura fuit illis quærenda, nouus sermo. Ergo si quid ex veteribus disputationum gratia attingebant, partim animo semper in quæstiones vel armandas, vel exarmandas intento, non vacabat quicquam de sermonis usu annotare: tum quod viderent nō facere ad eam spem laudis, quam ipsi captabant, ut ingeniosi esse ac docti crederentur. Nam qui paulum ab scholasticis illis exercitamenti abscefferant, secretorum studiorum fructu atque oblectamenti contenti, diligentissime cultum orationis affectarunt: ut Beda, ut Bernardus, Hugo S. Victoris, Ricardus item S. Victoris, Robertus Tuicensis, Gerson, Cusanus, Simon Cassianus, Alcuinus, Rabanus, id genus alii, non ta-

men plus affecuti vitio seculi : quippe adeo sunt procedente tempore obscurata omnia , vt iam quum vel maxime cuperent, nescirent tamen quid in tantis tenebris sequerentur. ita putantes lignonem sumere, arripiebant penicillum, & cistam pro arca: vt nec hi recentiores qui à Laurétio Valla ad hanc ætatem fuerunt, quum summa sint in reuocanda Latina lingua vñ diligētia , nondum tamen distinguere potuerint verba, quæ urbana , quæ rustica , quæ germane Romana, quæ peregrina, quæ per iocum detorta. Neque urbanus est sermo, quicquid in Bucolicis Vergilii : de quibus est illud, nostri sic rure loquuntur. Nec quæ apud Theocritum, qui magis etiam quàm Virgilius pastorica ruditate in loquendo expressit. Nec omnia sic à seruis, quos Plautus inducit, dicta, vt senatores loquebantur. Ritus causa multa inuersa. Sed tantæ in linguas & tam densæ incubuerunt tenebræ , vt deprehendi ista nondum potuerint. Ad hæc quomodo potuit vel ab ipsis artis professoribus sedulo , & pro dignitate Grammatica tractari , quum illi quoque ipsi probro ducerent Grammaticos vocari se? An potest recte munus aliquod administrari, nisi ab eo, qui illo & delectatur , & gloriatur tanquam sibi decori futuro? Amisissis vocabulorum veris ac genuinis significatibus, tum etiam ratione coniunctionum, atque idiomatis linguæ, necesse fuit primum iudicium lunditus tolli : illud dico iudiciū à Grammaticis vsurpari, & eis omnium sententia merito concedi solitum. Hinc exegeticen Grammaticam amisimus: methodicē vero clausis Donato, Prisciano, Capro, Phoca, Diomede, & reliquis veteribus inuasērunt: qui quum de sermone Latino præciperēt, eas ipsas præceptiones barbare tradebāt, vt Alexander Gallus: & quia expositionem vocabulorum qualemcunque , aliquam certe oportebat scholis perhiberi, Donato, Seruio, Acroni, Porphyriōni, Festo, Varroni, Marcello, & huius notæ successerunt Hugutio, Papias, Catholicō, Brachylogus, Græcismus, Ioannes de Garlandia, & alia ridicula nomina, quæ docerent suam quisque patriam barbariem , non Latinam linguam. Nec satis illis fuit hæc ignorasse , & ab eorum cognitione Linguas arcuisse alios pro virili parte sua, etiam infamarunt teterrimi criminis , ne quis vellet propius accedere metu contagii. hæreseos Aiunt linguas errorū esse quoddam velut seminarium. Pri-
semina-
rium.

iidem, qui hæc dicunt, tametsi spurcam, obscœnam, distortam, balbam, vitiosissimam linguam tamen habent aliquã, fontes totius sapientiæ & mundi oracula. At linguæ excultæ aiunt atque elegantes. At ipsi admirantur, ac suspiciunt concionatorem in patria sua lingua facundum & exercitatum. Latina, inquirunt, & Græca, quid meruerunt miseræ: sed hoc qui constat, quum ipsi videre velint Latine loqui se, & quidem accuratius Latina intelligere, quàm illi, quos ipsi vocant linguarum professores, vt Hieronymum, Ambrosium, Hilarium, Augustinum, & veteres Iuriconsultos, qui omnes Latine scripserunt. Quid ergo si intelligas linguas, non potes esse hæreticus? eris, si loquare? ceu verò in sermone sita sit hæresis, & non in intelligentia: an ideo erit fons culpandus, si liquidior fluat, & purior? Deinde cur potius vera & exacta Latina hæreses adieret, quàm corrupta & neglecta? quasi non omnes penè hæreses e prauo sanctarum literarum intellectu nascantur: quod necesse est iis contingere, qui linguas eas ignorant, quibus scripturæ sunt proditæ. Mirum in Basilius, & Gregorius Nazianzenus, & Chrysostomus, quantò Arrio eloquentiores fuerunt, tantò hæreticiores existimentur: tum Hieronymus hæreticus sit, qui Latinos, Græcos, Hebræos, Chaldæos scriptores plures euoluit, accuratius excussit, quàm eorū qui post eum quisquā: nempe homo summa industria præditus, indefatigabili studio & longa vita vsus. Vigilantius verò, Iovinianus, Rufinus Catholici, qui minus Græcè ac Latine, quàm ille nouerant, & quos Hieronymus velut linguarum imperitos insectatur, tanquam errores ex ignorantia hauserint: & reuera ita erat: nam vt de aliis taceam, Vigilantius si sciisset qui vocarentur Hebraicè fratres, & vim illarum vocum nouisset primogenitus, & antequam, non illa aduersus puritatem sacre virginis deblaterasset. At docti sunt Græci ac Latini sermonis Lutherani, & Lutherus ipse quos Põtifex Romanus, & Academiæ consensus damnauit. Auditis dialecticorum acumen? Quid, num non etiam Lutherus dialecticus, & Sophista, & Theologus scholasticus, & quidem magis quàm Latinus? nam Græcè nihil penitus nouerat, quum ad scribendum accessit, Latine parum admodum: & quæ tuenda susceperat, dialectica, & argumentatiunculis tutatus est, non linguis. Sed fac habere linguas. An quicquid vir malus habet,

abet, protinus malum est? nec vnde venenum quidem fuit: nam vipera & serpentes eisdem herbis victitant, quibus ues: ea tamen in bonum, & salutarem succum conuertunt. Scam: illa in virus malum & mortiferum. Panis salubris & sano: aegro noxius. An aliunde hæreses suas cœperunt hæretici, quàm ex dictis mysticorum librorum, sed quæ inscientia & arrogantia sua deprauarunt, dum malunt illa ad suam opinionem detorquere, quàm mentem suam illis accommodare? Cur quum damnati sunt Vicleus, & Ioannes Hus, non etiam damnarunt sophisticam, cuius illi erant callentissimi? videlicet hanc omnes norant, linguas non norant. Sed quid in re nulli ignorata immoramur? Lutherani sunt Pomeranus, & Lambertus, an non magis Latini rex Angliæ, Rossensis, Ruseus, Latomus, Clichtoueus: & in eadem Germania Mosellanus, Ioannes Faber, Capito, Eccius? Contra Lutherum Erasmus, & Longolius scripserunt, & contra Erasmus Lutherus. An non his Lutherani omnes in oratione concedunt? Tam abest ab omni hæresi Budeus, quàm dulce ab amaro. Viuit ne quisquam hodie vtriusque linguæ callentior? Quid huc adferam Alexandrum Tostaltum, Morum, Sadoletum, Bembum, Lascarem, Brixium, tot philosophos, tot theologos linguarum peritos, quis omnibus atrocissima sit iniuria, si cognitio puriorum linguarum seminarum hæreseôn existimetur. Quid illi ipsi, qui linguas insectantur, quàm iactarent eas palsim, quàm ostentarēt, si vel intra mediocritatem haberent: quantopere affectant, & nō solum eleganter nolunt dicere: sed si vocabulum vnum sunt nacti paulo tersius, illud tanquam gemmam in pileo, in digito ubiq; monstrant atque ingerunt oculis: ergo quod habere tantopere concupiscunt, quia non habent, damnant. Si haberent, vehementer de eo gloriarentur. Cedo vero, est in studio vocū hærelis, an studio rerū? vtrum est in voce hærelis, an in re? Stultum est in voce dicere: est ergo in sensu & re. Atqui res & sensa nō sunt linguæ. Dicet aliquis, est in iis sensibus quæ linguis sunt tradita. Age, quorū, authorū, Gentilium, an Christianorum, an hæreticorum? Gentiles si ansam dant hæreseos, peius faciunt: qui Aristotelem, qui Porphyrium, qui Aberroem tanto studio euoluunt, quàm qui Ciceronem, Liuum, Quintilianum, Virgilium, & eiusmodi. Quæso vude paratio errorum materia, vtrum ex disputatione
de

de anima Aristotelis, Aberrois, Alexādri Aphrodisiæ, an ex vniuersis poëtis, & oratoribus? ne quid dicam, quàm est in Ethicis, in Politicis Aristoteles impius. A Christianis verò nefas est dicere instillari hæreses, siue Latini sint, seu Græci, quorum omnium scripta, & sententias, quomodo possunt, conantur cognoscere linguarum inimici. At hæreticorum libri nulli sunt, & si qui sunt, eos studiosi linguarum magis Theologis legendos concedunt, quam ipsi attingunt: ma- uult enim Latino aut Græco sermoni deditus, quid Cicero aut Demosthenes dicat, & quemadmodum scrutari, quàm quid Ioannes Vicleus, cuius libros ne inspiciat quidem, etiam magno pretio inuitatus. Quid? nolunt legi proceres artium, & disciplinarum omnium, philosophiæ Platonem & Aristotelem: medicinæ Hippocratem, & Galenum. Iuris illos veteres pandectarum, aut Cæsarum rescripta. Theolo- giæ, Cyprianum, Basilium. Chrysostomum, Hieronymum, Augustinum, Ambrosium, Hilarium. Atqui omnes hi sine linguarum ope intelligi nullo modo possunt. Cur damnant linguas? quid iis, quibus bene eos oportet cupere, tantum bonum inuidet? Si quando aliquem ex iis scriptoribus, quos modo nominaui, legunt, quod fit raro, & sero. Sed quum fit tamen, tum deprehendunt quanta luce ad intelli- gentiam authorum careat, qui à linguis sunt destituti, ac ino- pes. Profectò oportet eos esse prauissimos ac impios, qui quod ipsi sint cæci, nec alios communi hac luce patiantur frui. Enimuero non tam ego de illis malè sentio, quanlibet sint imperiti, & ex eis nonnulli stupidi, ut credam hæc ipsos non assequi. Sed hoc eorum animos vrit acriter, quod vi- dent aduentu linguarum non parum dignitati, & gloriæ eo- rum detrahi, qui tam necessaria eruditionis parte carent. Ideo linguas rem inuisam sibi conantur cum hæresibus cō- iungere, re omnibus meritisimo inuisa, quum natura & re sint diiunctissimæ, quod vel pueri ipsi non ignorant. Nec ipsi sanè Latinæ linguæ calumniatores parum ei debent. Nam quum alia permulta, tum hæc ipsa, quæ de linguis la- trant, si vulgari aliquo sermone dicerent, exploderentur à po- pulo, & eiicerentur: quia tamen facie aliqua Latini sermo- nis balbutiunt, non feruntur modo, sed etiam adorantur à multitudine, quæ credit non aliud Latina lingua contineri, quàm mera mysteria. Iam verò mirum si altercationis & ri-

hæc studiorum partem quietam reliquerunt: minime gentium.

Sed quæstiunculæ illæ veræ grammaticæ de cognitione Disputantiquitarum, de fabula, de historiola, de loco alicuius scriptoris, de voce, de proprietate sermonis, de ratione carminis Grammaticarum sunt vitæ aptæ ad suppeditandam altercationi contentiosam materiam. Nam si quæras quis confecerit primum Punicum bellum, aut quò primum appulerit Aeneas post tempestates, aut quid sit vitilitigator apud Plinium & Catonem: si rectè ille responderit, ad aliam quæstionem est tibi transeundum, sin secus adducta boni scriptoris sententia & authoritate corrigendus. At isti in eadem quæstione volunt diu lingari: cedere melius dicenti, aut ad aliud differendi argumentum transire turpe, tanquam torpidi & rudis sit ingenii non inuenire quod in eodem cauilleris: statim conclamant, ad rem, imò vero in rem, & præter rem. Ergo ex aliis artibus pertracta sunt in grammaticam prolixioris rixæ, & incitamenta & tomenta: quod non facile modo fuit factu philosophis, & Theologis, qui occuparunt ludos literarios ut ex suis concertationibus aliquid in prima hæc rudimenta deriuarent, sed etiam necessarium iis, qui alia omnia præter rixosa hæc, nescirent. Ex dialectica sumplerunt definitionum & diuisionum rationes, argumentationes, maiorem, minorem, conclusionem, consequentias. Vnde sunt quæstiones super Donatum, & glossa notabilis cum argumentis, & manulis, & alia iucundiora dictu, quam lectu. Tum ex metaphysicis realitates, formalitates, entitates, de modo significandi vocum: de quo scripserunt Scotus, & Albertus Saxo: & libellus Boethi, tam illius, quàm cui titulus est de scholiarum disciplina: qua re nullam ego in vniuersa artium omnium corruptela ineptiorem aut stultam magis excogitam vnquam esse arbitror. Ut quærat cur nomen hoc masculinum sit, illud neutrum, hoc verbum actiuum, illud deponens. Ceu verò non idem nomen apud Græcos masculinum sit, apud Latinos fœmininum aut neutrum. Idem verbum Græcis actiuum, Latinis deponens aut neutrum: & diuersæ voces eiusdem significatus in eadem lingua genera, & inflexiones habeât diuersas, & alia penè infinita, Scilicet necessariae erant amœnæ aliquæ digressiones assecutis penitus, quicquid de grammatica arte, & Latino sermone poterat

Modi, significandi

rat disci: ingenia bonorum authorum lectione defessa reparanda erant iucundis diuerticulis. Sed quum iam Latina lingua propè tota interisset, viderèntque plausibile, & venerandum, magnique ad opinionem ingentis eruditionis momenti horrenda barbarie, & solæcismis orationem conspurcare, vnusquisque ad exprimendum quod volebat, verbum de sermone vernaculo mutuabatur, aliàs quòd decorum crederetur, si quam pessimè Latine loqueretur: aliàs quòd expeditius: interdum quoque quòd meliore quidem voce non crebat quidem, sed non esset intellecta. Itaque malebant aliqui iuxta vetus dictum imperitius loqui, modo apertius: nata est hinc barbaries non vna, sicut vna erat Latina lingua, verum sua cuique nationi & genti. Aliam ex suo vernaculo inuexit Hispanus, aliam Italus, aliam Gallus, aliam Germanus, aliam Britanus, nec hi mutuo intelligebāt. Cognitio ni grammatices adiuncta est poetarum, & historicorum enarratio, atque interpretatio. Poësis oratio est certæ cuidam legi numerorum astricta, in qua non solum est pedum alligatio, sed etiam rhythmus, & concētus quidam harmonicus, quo audientium aures capiuntur, & demulcentur animi. Apparet quæsitum esse delinimentum hoc, vt si quid vellent altius in auditorum pectus demitti, & tenacius affligi memoriæ, hoc lenocinio delectationis facile consequerentur: Nam & libentius in animos admittimus quæ sic delectant, & numeris deuincta atque alligata magis recordamur. Itaque primis & vetustis carminibus laudes sunt decantatæ: Dei immortalis à Mose & Dauide, Rege Israelis: & apud gentiles decorū responsa carminibus sunt adita, quorum oporteret quàm diutissimè recordari. Quocirca condimentum hoc rebus profuturis tantopere conducibile, quum ad res minimè est profuturas translatum, apparet ex suo loco in alienum admodum inuitum, ac coactum demigrasse: hoc asperserunt res leues, ac noxias, & tanquam melle venenum intinxerunt. Primi illi gentiliū poëtæ Amphion, Orpheus, Linus, Museus, Thamyras, & eos secuti Phemius, Homerus, Hesiodus carminibus, & cantu dulcissimo genealogias & acta persequuti sunt perditorum hominum, regulorum, pastorum, denique illorū omnium, quibus rudis, vetustas vel ob inuentiōnem falcis, aut rotulæ, aras & templa erigebat, & honores tribuebat vni Deo immortalis debitos. Hinc eorum peregrinatio

nationes, nuptias, conuiuia, venationes, nauigationes, quæ omnia quum narrant, mireris vel eorum patientiam, qui tam diu sustinere potuerint de rebus vsque adeò leuiculis cogitare, vel auditorum lectorumve quos longæ adeò fabulæ de re nihili tedium non cœperit. Huccine cantus illi musici erant quæsitæ? vt homines libenter audirent cœnatos nescio quos, aut venatos aprum, quem prima ferierit puella venatrix, aut Herculem duos occidisse tauros, ex quibus sibi & comitibus cœnam struxerit. Iam pergunt in gestis illorum quos populus pro diis habet, colitque: narrant eorum bella, parricidia, adulteria, expulsionem parietum, fraudes, impietates, scelera capitalia & nefanda. At de quibus hæc? nēpe de iis quos imitari nos quatenus liceat, fas iusque sit, ita vt nullum in ciuitate admitti vel flagitium possit, vel malum facinus, cuius non homines deum aliquem habeant auctorem, & exemplum quo non modo se tueantur, verum etiam ad illud incitentur atque inflammentur: an non in theatro gentilium, & quibus erat deum atque hominum pater Iupiter, audet histrio persona adolescentis magno cum plausu dicere: Deum sese in hominem conuertisse, atque per alienas regulas venisse clanculum, per impluuium fucum factum mulieri. At quem deum? qui templa summa sonitu concutit. Ego homuncio hoc non facerem? ego vero illud ita feci ac lubens. Respondeat totum theatrum pro suo loque, purget deum, damnet hominem: quomodo id faciat non inueniet. Si inter eos sedebat Lælius aliquis, aut Galba, aut Gracchus aut quisquam illius æui orator surgat, dicat colorem aliquem pro suo deorum rege. Quocirca grauissimus philosophus Plato non poësin ex illa ciuitate exegit, quam condebat hominum bonorum, sed eiusmodi poëmata & poëtas. Quid de deorum prouidentia, de præmiis bonorum, de malorum suppliciis ea dicunt, quæ exposita sint irrisioni omnium. Lucianus Sophista ex placitis Epicuræ suæ sectæ, omnes gentilium deos, eorum facinora, actiones, sacra & religionem naso suspendit: nihil facit magnum: vel vetula quæuis delyra tales deos irrideat, ac contemnat. Trahunt quidam illorum fabulas ad interpretationem quandam naturalem, vt Stoici. Alii ad moralem, sed ita quemadmodum omnes Græcæ, Romanæ, Barbaræ historiæ possent torqueri. Eò deducunt eorum dicta, quò ipsi pertine-

re nunquam sunt suspicati: non aliter quàm quod Donatus Grammaticus facit in explicatione consiliorum Terentii. Sunt scilicet hæc Poetarum segmenta sensus spiritus diuini, qui vnus capit omnes quotquot venire vniuersis hominibus in mentem possunt. Landinus adeò Virgillii Poësim ad mores, & naturæ causas trahit, vt non solum absolutum eum philosophum, verumetiam Christianum fuisse contendat. Homerum Græci non philosophum tantum, sed omnium quoq; sectarum & initia omnibus dedisse Ionicis, Italicis, Platonis, Peripateticis, Stoicis, Epicuræis, Academicis. Scite Seneca: apparet nihil horum esse in illo, quia insunt omnia. Plato sententiam suam apertè ponit in Phædro, & quidem Socratis personæ assignatâ. Si quis inquit fabulis poetis non habens fidem ad cōuenientem sensum velit traducere, tanquam rusticana quapiam fretus sapientia, otio nimirum magnopere indigebit. Sed Stoici & quidam veterum philosophorum prudentissimè ad altiores sensus traduxerunt Homeri dicta, vt freta ad vulgum tanta authoritate, ac fide, minus læderent. Quanto sapientius quam nostri, qui ea, quibus vident multum à plerisque tribui fidei, malunt premere, quàm leniter ad se deflectere. Sed istud aliorsum, & altius pertinet, de quo dicemus aliquando. Descendunt iam à diis ad homines. Quid aliud sunt de hominibus dicturi, quàm dixerant de diis? nescias est meliores homines facere, quàm deos. Bella & sæuitias deorum, & amores, & diuitias, & fraudes, & versutias cecinerant. Tales effinxerunt homines maxima laude dignos, quales deos summos: acutissimè isthuc quidem. Quæ nam enim inueniri poterat laus amplior, quàm esse diis immortalibus longe simillimus? Ego vero homuncio id non facerem? ego vero id feci, ac lubens. Canuntur & concelebrantur ab eis vltiones, bella, & exempla omnia crudelitatis. Homero imago optimi principis expressa est in Achille, quo nullus fuit truculentior, aut inhumanior. Imago sapientis in Vlysse, quo nullus fuit fraudulentior, aut mendacior. Admirantur potentiam, regnum, opes, adulantur eis, pares faciunt deo, qui his sunt præditi. Quid illi qui vel suos, vel alienos sunt amores persecuti? quanta peste pueritiæ atque adolescentiæ animos consauciunt? Quid enim aliud sunt cordi adolescentis amatoris narrationes, quàm flamma stupis proxima? ipsæ per se attrahunt,

trahunt, atque incendunt, de quibus Menāder sentit, cuius versiculum Paulus Apostolus ore suo cōsecrauit: Corrum-
punt mores probos colloctiones improbæ. Atqui omnia
de libidine, de seuitie, de inani gloria, de fraudibus non dicta
sunt ruditer, atque impolite, sed exulta, exornata, vt etiam
absque omni rei ipsius illectamento verba ipsa per se arri-
derent, atque abblādirentur. Quid verò in illis rebus, quas
vltro malitia nostra expetit? quas audire, quas videre gessit,
quas omnibus sensibus vsurpare, ad quas toto impetu fer-
tur? Res sine verbis inuitalent, & attraxissent: verba sine re-
bus ad se pellexissent: dulci veneno dulce additum est condi-
mentum. In quo gemina accepta est calamitas, & quòd ab-
iecerunt occasione tantarum vtilitatum, si illa numerorum
suauitate, atq; elegancia orationis res optimas audientium
mentibus instituisent commendare, & quòd teneros ani-
mos, & in quiduis flexibiles rebus pessimis infecerunt. Istis
ne tandem rebus parati sunt numeri tantæ melodix, vt me-
lius humanis animis mala commendentur? Istis canendis
assecuti sunt poetæ, vt diuini vates nominarentur, vt sancti,
vt pii, vt audeat dicere Ouidius:

Est deus in nobis, agitante calefcimus illo.

Sedibus æthereis spiritus ille venit.

Est deus in nobis, sunt & commercia cæli.

Quæso te Publi Naso quando? quum doces quomodo puell-
la sit expugnanda, an quum epinicion cantas de expugnata?
An ne quia finxit hæc Homerus & transtulit ad deos homi-
num ineptias, leuitates, malitiam, scelera, dictus est ingenio
rum parens? quanto ille aptius, qui nugarum parentem no-
minauit: & Eratosthenes, qui poësin anile nugamentū nū-
cupabat. Et tamen consuetudo hæc legendi ac scribendi in
eam opinionem homines adduxit, vt iam non existimetur
poema, nisi de vitiis canat: Ita in poësin tāquam in sentinam
quandam vitia omnia confluxerūt, ac recepta sunt. Lex car-
minum hæc est à Catullo lata. Solonem aut Lycurgum di-
cas, aut si quis fuit istis sanctior.

Nam castum esse decet pium poëtam

Ipsū, versiculos nihil necesse est.

Qui tum denique habent salem, & lepōrem,

Si sunt molliculi, & parum pudici.

Quasi vero castus poëta esse possit, quum in libidinem est.

immersus, de libidine cogitat, libidinem meditatur, scribit; cantillat. Plato in Phædone poëtam ait oportere fingere, si sit futurus poëta: idem Plutarchus. Aristoteles etiam de rebus magnis & seriis scriptorē, nō poëtam nominari perhibet: sed aliud quiddam, ut Empedoclē. Est ne magis quiddam quàm de Deo canere? atqui poëtarum est hymnos componere. Cur orationis suauitate vel nugas condierit poëta, vel res malas, magnas autem & præstantes nō poterit quas uolet memoriæ quàm diutissimè mandari? Iam uero cur uerum non canet poëta ut falsa? An non satius est dulcedinem ueritati, quàm mendaciō inesse? Canit Virgilius res commentitias de Aenea, canit res ueras de Romanis in VI. & VIII. Cur minus hic quàm alibi poëta? An non in Georgicis poëta, & quidem melior, quàm in Bucolicis? At uero quoties in illo opere ad fabellā digreditur, statim adest Seruius, qui summo neat nos Vergiliū nō obliuisci se esse poëtam, hoc est nugatorē. Quàm uera Lucanus canat, scriptū est de illo distichon:

Sunt quidam qui me credunt non esse poëtam,

Sed qui me uendit bibliopola putat.

Quasi uero materia distinguatur ab aliis poëta, & non oratione. Quod si omnino poëta is demū est, qui mendacia uersu concelebrat, valeat poësis. Quid mihi mendaciū, & uitia, ad quæ feror procliuius, etiā suauitate & blanditiis carminis instillas, ut medullis uel non sentienti affigantur? Quid me in Syrenes præcipitas, quæ cantus dulcedine deceptū interficiant? malè profecto isti merentur de arte poëtica, quam tantis laudibus in cælum tollunt, si unicum illi opus tribuūt nugari. Hactenus quidem rerum corruptela. Iam uerborū, quæ per recentiores cōtigat. Nam ut crassi illi uictores, qui se, ut tempestas quædam à Septentrione in Occidentē effuderunt, non magis harmoniam, & concentū illum Græci, ac Romani metri capiebant, quàm asinus lyram, aut Midas Apollinis melodiam, ut est in fabulis, ad permulcendas asininas illas aures omisso rhythmō & proportionel longorū, ac breuium similiter cadentibus, & desinentibus fuit opus, alioqui non magis metrum censuras, quàm orationem numeris solutam. Nam discrimen omne breuiū, & longarum syllabarum prorsum amiserāt, quod acuta illa Romani, aut Græci populi auris faciliē diiudicabat. Hinc uulgares omnes per Europam linguæ non aliud habent metri genus: translatum

um hoc est ad Latinum sermonē, & diuersi excogitati contentus, vt fines similiter definerent, vt media cum finibus, vt media inter se, fines inter se, quorū singulis sunt sua nomina, caudati, leonini, & alia quæ satius erit non cōmemorari. Sed belle in sua barbarie luserūt deploratis illis melioribus, tanquam ita esset de rebus humanis actū, vt nullius felicioris, quod ad literas pertinet, seculi spes vlla foret reliqua.

Venit in scenam poësis populo ad spectandum congregato, & ibi sicut pictor tabulam proponit multitudini spectandam, ita poeta imaginem quandam vitæ: vt merito Plutarchus de his dixerit, poema esse picturam loquentē, & picturam poema tacens, ita magister est populi, & pictor, & poeta. Corrupta est hæc ars quod ab insectatione flagitiorum, & scelerum transiit ad obsequium prauæ affectionis, vt quemcunque odisset poeta, in eum linguæ, ac styli intemperantia abuteretur. Cui iniuriæ atque insolentiæ itum est obuiam, primum à diuitibus potētia sua, & opibus: hinc legibus, quibus cauebatur, ne quis in alium noxium carmen pangeret. Tum inuolucris cœpit tegi fabula: paulatim res tota ad ludicra, & in vulgum plausibilia est traducta ad amores, ad fraudes meretricum, ad periuriam lenonis, ad militis ferociam & glorias: quæ quum dicerētur cuneis refertis puerorum, puëllarum, mulierum, turba opificum hominum, & rudium, mirum quàm vitiabantur mores ciuitatis, admonitione illa, & quasi incitatione ad flagitia: præsertim quum comici semper catastrophæ lætam adderent amoribus, & impudiciæ: Nam si quando addidissent tristes exitus, deteruissent ab iis actibus spectatores, quibus euentus esset paratus acerbissimus. In quo sapientior fuit, qui nostra lingua scripsit Celestinam tragicomœdiam. Nam progressui amorū, & illis gaudiis voluptatis exitum annexuit amarissimum, nempe amatorum, lenæ, lenonū, casus, & neces violentas. Neque vero ignorarunt olim fabularum scriptores turpia esse quæ scriberent, & moribus iuuentutis damnosa. Plautus Captiuos suam fabulam sic commendat:

- Profecto expedit fabulæ huic dare operam.
- Non pertractate facta est, Neque item vt cæteræ,
- Nec spurcidi insunt versus immemorabiles.
- Hic neque periurus leno est, nec meretrix mala,
- Neque miles gloriosus.

Hanc eo commendas nomine, cur non & alias eundem ad modum componis? Sed statuerant omnino populo se venditare, & ab illo captabant plausum. Poeta quum primum animum ad scribendum appulit,

Id sibi negotii credidit solum dari

Populo vt placerent quas fecisset fabulas.

Erat ille populus & ignorantia numinis, & magnitudini opum ac imperii in omne deliciarum ac voluptatum genus profusus, & proiectus: nec aliud ingenti fauore excepturus, nisi ea quæ animo sic imbuto atque instituto obsecundaret. Recetiores in linguis vernaculis multo mea quidem sententia excellunt veteres in argumento deligendo. Nullæ ferè exhibentur nunc publicæ fabulæ, quæ non delectationem utilitate coniungant: quemadmodum iidem recentiores arte superantur à prisca Poetis, tametsi nec illi ubiq; fuerunt artis obseruantes, Aristophanem dico, Plautum, Ennium, & qui omnes dicitur arte vicisse, Terentium. Nam decori sæpe obliuiscuntur. Sic agunt fabulas, vt videantur agere, quod est indecorum: nam fabula non refert seipsam, sed rem gestã, aut quæ gesta fingitur, vt rem pictura, non se. Sume tibi verbenas ex ara, inquit Dauus apud Terentium: at res Athenis acta exprimebatur, nõ in scena: neq; enim in scena pepererat Glyceriũ, vt eius infantulus inuoluẽdus esset verbenis atq; Apollinis, aut Bacchi, quæ duæ in scena erigebãtur, vt Donatus exponit. Nõne tu dixi mihi esse inimicitias inter eos, ait Simo. Atqui scenæ ita erant occupatæ, vt nullus existat locus in quo id potuerit Dauus dicere Simoni. In Mostellaria Plauti nominatur de improviso quidam, cuius nomen paulò antea dicebat se ignorare, qui nominat. Et in Pænulo loquitur Hanno Pœnus. At vt scias nunc de hinc Latine iam loquar: quum res fingatur Athenis contigisse: nec seruasset decorum, si dixisset, Græcè loquar, sed sic: lingua qua tu me intelligas, atque hic iuuenis. Tum in media actione, inducit dicentem agi fabulam. Donatus illo Terentii loco, vtinam inuenirem vnde me præcipientem darem, ait: Non posse ferrũ nominari in comœdia, ne transeat in tragœdiam. Quod si verum est, non semel ex focco in cothurnũ transcendit Plautus. Nam in Pseudolo ferrũ nominatur: & in Cistellaria adulescens quidam vult sibi manũ adferre gladio armatã. Sed fortassis dictũ illud Donati est ex nimis illius subtilitatibus.

Hist.

Historia sequitur, in qua diffinienda parum ei iustos li-
 nites circundederunt. Alii enim sequuti etymon historiam
 etiam volunt ab *ἱστορεῖν*, quod est videre, quasi viderit quis
 quæ scribat. Alii, vt Cicero, historiã finiunt esse gestam rem
 b ætatis nostræ memoriæ remotam. Quæ duæ expositio-
 nes inter se pugnant, ita vt quæ Liuius de bellis Punicis scri-
 bit non sint prioribus historia: quæ verò de sua ætate nō sit
 Ciceroni. Ceu verò nō queat historicus res persequi, quibus
 ipse interfuerit. Quid quòd ipse Cicero, quum de historia
 scribenda deliberaret, primo de legibus sic disputat. Q. à
 quibus temporibus scribendi capiatur exordium. Ego enim
 b vltimis censeo, quoniã illa sic scripta sunt, vt ne legantur
 videm, ipse autem ætatis suæ memoriã deposcit, vt ea com-
 lectatur, quibus ipse interfuit. A. Ego verò huic potiùs as-
 sentior: sunt enim maximæ res in hac memoria, atque ætate
 nostra: tum autem hominis amicissimi Gnei Pompeii lau-
 des illustrabit: incurret etiã in illum memorabilem annum
 um, quem ab isto malo prædicari, quàm, vt aiunt de Ro-
 mulo & Remo. Sic Cicero: qui quid sit historia quanto ve-
 rius ac dilucidius in libro secundo de oratore, videlicet ope-
 re maioris eruditionis, ac iudicii. Historia est, inquit, testis
 temporum, lux veritatis, vita memoriæ, magistra vitæ, nun-
 cia vetustatis: nam quòd ab *ἱστορεῖν* deducitur, hoc valet, vt hi-
 storia res sit visæ, atque spectatæ, quasi quis dicat gesta. Quū
 contra fabula sit quam nemo viderit, quemadmodū Lucian-
 us ait Ctesian quendam Guidium de rebus Indicis scripsisse
 a, quæ nec ipse viderit, nec de alio narrante audierit. Ergo
 uum testis sit temporū, & lux veritatis, prima eius deprava-
 tio fuit admisceri rebus gestis mendacia. Initio à Poëtis, qui
 uòd solam captarent audientium voluptatem, & aurium
 uandam titillationem, ea sola consecrati sunt, quæ delecta-
 ent: quod quum efficere se interdum germana rerum veri-
 tati non considerent, & veris miscuerunt falsa, & ipsa eadem
 era aliò detorserunt, vbi plus putarent habitura vel gratiæ
 el admirationis. Abusi sunt ad eam rem loquendi figuris,
 metaphoris, allegoriis, amphibologiis, similitudinibus rerū,
 ut nominum: vt hominem cui esset nomen tauro, taurum
 ouem esse proderēt, nauem cui aries insigne, arietem: Vel-
 us fuluum, vel aurea scobe inspersum, aureū: excelsum mon-
 tem cælum: partem sublimem terræ, superos: deum ex am, in-

feros. Si quis suo periculo alterum è morte liberasset, pro illo dicebant mortem oppetisse: sphæram astrologiæ dixerunt cælum: montes teretes columnas quibus fulciretur cælum: longam hastam cælum tangere: grandem clypeum turrim. Fuerunt Poetæ scriptores antiquissimi: tradebant illa rudissimis hominibus elegatissima, vt illo seculo, oratione: tenebant ingeniosos, capiebant tardos: paulatim error traditus per manus, & confirmatus effecit, vt tam occulta veritas, & tot inuolucris operta, retegiam & proferri à sequentibus non posset. Phurnutus, & alii non pauci tentarunt veritatem ceu nucleum ex poeticiis nucibus elicere, sed parum feliciter, & mira inter se diuersitate. Accefferunt confusiones nominum: multi enim eodem vocati sunt nomine, vt Hercules, Ioues, Saturni, Apollines, Iunones: & à Poetis similitudine morum, aut formæ aptata nomina: vt quemadmodum Romæ multis principibus indita sunt sordidorum hominum propter similitudinem nomina, vt patri Pompeii Magni Menogenis coqui. Cornelio Scipioni Serapionis: Lentulo Spintheris. Sic Poetæ reges vocarunt Ioues, vt Plautus inquit. Viros robustos Hercules: Reginas Iunones: sapientes virgines Mineruas. Quo factum est, vt quæ alius gessisset, alii attribueretur: sicut omnia Herculum gesta, qui lex esse produntur, vni Herculi Thebano: omnia Iouis qui fuerunt Ciceroni tres, Ioui Cretensi. Et quum nihil magis faciat ad historiæ lucem, quàm digestio temporum per notas quasdam insignes ante Olympiades omnia prodita sunt perturbata & obscura, quòd nulla fuit temporum ratio atque annotatio communibus quibusdam signis tanquam luminibus distincta & impressa: quemadmodum Varro Terentius scribit author imprimis diligens & doctus: alii enim Aegyptiis regibus signabant æuum, alii Atticis, alii Sicyoniis: ita vt quid, quòque tempore sit actum confundatur: haud aliter quàm pricæ mensurarum & ponderum rationes propter tantam varietatem ægrè ad has nostras possunt conferri: ac ne præsentibus quidem inter se eadem ipsa de causa: nec solum in positione ætatum, sed in numero etiam annorum vsque ad derisus est in mendaciis progressum. Vbi sexaginta annos hi numerant, illi sexaginta millia: vbi centum, alia ducenta millia, vt in annis Aegyptiis, & Chaldæis, in quibus gentes illæ sine fronte mentiebantur. Annum hi

habeb

habebant menstruum, illi bimestrem, hi trimestrem, illi quadrimestrem, semestrem, decem mensium, duodecim mensium: aliis vnaquæq; syderis cōuersio erat annus, vt nobis solis. Et fuit illis nationibus tanta cupiditas patriam suam extollendi, præsertim ad exterarum nationes, vt vanissima commenta non dubitarint impudentissimè asseuerare. Ita quod Cicero & Quintilianus, & Iuuenalis historiam Græcam mendaciorum damnant. Cōmune est illis omnibus ad orientem & meridiem nationibus. Quid enim leuius in mentiēdo quàm Aegyptii ventosa regio, vt inquit Hadrianus, & ad omnem impullum mobilis. Sed Græcos multæ res ad mentiendū in historia pellexerunt. Primū idem illæ patriæ amor, quā putarunt se vehementer celebraturos si magnitudine mendaciorum extollerent, & se de illa optimè mereri. Præter hæc in Græcia ingens fuit excellentium ingeniorum copia, tum dicendi facultas prompta & abundans: quæ si se intra veritatis limites cohibuisset, non valuisset seipsam ferre tantis viribus luctantem secum & erumpere nitentem: ita quam materiam ex rebus non poterant nancisci, ipsi finxerunt sibi inusitatam, raram, immensam, admirabilem, stupendam, in qua se vis illa ingenii ac orationis faciliè exerceret. Sic etiam iudicabant se magis lectori placituros, quàm illos qui nudam essent & simplicem veritatem persecuti: præsertim quod viderent superiores occupasse laudem veræ narrationis, se si eadē dicerent fore contemptui, nec lectorē inuenturos. Quid quod videbant illa grandia, & tragica, & fabulosa magis otioso lectori arridere, magnamq; sibi parasse gloriam qui illa scripsissent, vt Homerum, Hesiodum, Musæum, Orpheum, & alios priscos poetas. Iam quo minus possent redargui non ausi sunt de rebus Græcorum mentiri, quādoquidem faciliè possent domi à multis confutari, longe petierunt historiam in qua tutius mentirentur: res Persicas, res Aegyptias, res Chaldaicas desumpserunt sibi, vt Herodotus, quem verius mendaciorum patrem dixeris, quàm quomodo illum vocāt nonnulli, parentem historiæ: & Diodorus Siculus quem nescio cur Plinius dicat desuisse primum apud Græcos nugari, quum nihil sit eo nugacius. An defendit eum titulus, quod liberos suos non illecebrosa aliqua nuncupatione inuidiosos fecerit, vt priores, sed bibliothecæ historiam inscripserit. Alii ad mendacia prolabantur imprudentes: quod verita-

Græci cur
mēdaces
in histo-
ria.

tem rei non petunt unde oportet: sed colligunt ex iis, in quibus raro est eam inuenire, nempe ex dissipatis rumoribus, ex epistolis, quæ dum res geruntur sunt scriptæ, in quibus certiores amicus amicum reddit non de his quæ sunt gesta, sed quæ ipse audierit: quale est quod Cicero scribit ad Atticum in Britannia nec scrupulum quidem esse auri, id scilicet fama vulgarat primo Cæsaris ad eam traiectu. In laudationibus vel viuientium vel mortuorum multa affinguntur, quo maior & præstabilior appareat, qui laudatur. Lilius ostendit nonnunquam quosdam historicos secutos funebres orationes falsâ quædam pro veris prodidisse. Explicatius Cicero in claris oratoribus loquens de epitaphiis: Quamquam, inquit, his laudationibus historia rerum nostrarum est facta mendosior. Multa enim scripta sunt in eis, quæ facta non sunt: falsi triumphi, plures consulatus, genera etiam falsâ, & ad plebem transitiones, quum homines humiliores in alienum eiusdem nominis infunderetur genus: ut si ego me à M. **Tullio** esse dicerem, qui patritius cum Seruio Sulpitio consul anno X. post exactos reges fuit. Sic ille. Addit inter virtutes historiæ esse illam magistrâ vitæ: atqui non raro de leuibus rebus scribitur, in quibus nihil sit omnino utilitatis aut fructus: ut de conuiuio, de venatione aliqua. Sæpe de rebus noxiis, ut de amoribus, ad quorum vel solam commemorationem humanus animus inflammatur non aliter audiendo, quàm videndo: Item de vltione eius, qui læsit prior: quod ut libentissimè facimus, etenim verticulo quodâ Græco fertur esse dulcissimum, ita etiam cum voluptate quadam audimus, & approbamus. Iam de bellis cum admiratione & commendatione, ut legentis animus ad cupiditatem eius rei vltro delabatur, quam audit tantopere celebrari, ac extolli. Nec pauci principes ad arma, & bellum venerunt haud alia de causa, quam extimulati gloria eorum, qui aliquando vincere. Miltiadis tropæa Themistoclem exuscitabant. Achillis nomen Alexandrum accendit. Alexander Cæsarem, Cæsar permultos. Occidit Cæsar variis præliis C. XCII. M. hominum sine bellis ciuilibus. Hæccine aliquis in laudibus eius ponat, tantam, ut sapienter inquit Plinius, iniuriam generis humani: soluantur diaboli, plures occident, laudabitur vero Iulius Cæsar, quod tot hominum millia neci dederit, quum ne vni quidem poruerit vitam dare. Non est ausus

comp

computare sanguinem ciuilem. At si quis acute inspiciat, quid aliud sunt omnia inter homines bella, quam ciuilia? Non minore coniunctione deuinctus est Indus Romano, quam Romanus Romano: non raro etiam maiore: hoc docet natura, hoc iubet naturæ author & magister Christus. Additur historiam esse imaginem veritatis. Imago ea est absolutissima, quæ rem neque maiorem reddit, nec minorem, non ut vmbrae in ortu & occasu solis longissimæ, in meritis prope nullæ. Quidam & sua laudibus in maius auxerunt, aliena inimica insectatione quantum ipsis licuit depresso: quorum neutrum est historici, sed singula suæ magnitudini ac naturæ relinquere. Inuenias apud scriptores rerum Græcarum ex culice, quod aiunt, factum elephantum Indicum: proponunt nobis tanquam egregium & clarissimum aliquem ducem, qui semel tantum sit cum hostibus cōgressus. Si cogites quibus eum ornent laudibus, aliquem te lecturum speres Alexandro, aut Cæsare, aut Pompeio præstantiorem: prodit aliquis Iphicrates Atheniensis, aut Agis Lacedæmonius, aut Philæpomenes Megapolitanus: nō hos viperō, sed tot laudibus dico impares: quod Sallustius perstringit, dicens: Atheniensium res gestas sua quidem sententia satis amplas fuisse ac magnificas, verum aliquanto minores, quam fama feruntur: sed quia prouenire ibi scriptorum magna ingenia, per terrarum orbem Atheniensium facta pro maximis celebrantur. Ita eorum qui ea fecere, virtus tanta habetur, quantum verbis potuere extollere præclara ingenia. Ea vero Græcorum iactantia rerum suarum maioris aucta est & impudentius, postquam magnitudo rerum populi Romani claritatem Græcorum cœpit obscurare, & quasi officere luminibus. Tum Græci ne Romanis substructionibus sua ædificia opprimerentur, cœperunt & ipsi altius ædificia sua erigere, & granditate verborum, & quum rebus deiciebantur, mendaciis quoque. Scripsit Plutarchus ingens opus quoddam de viris illustrium Græcorum, & Romanorum per collationem, & alterum breuius de similitudine rerum Græcarum & Romanarum, quod inscripsit paralella. In priore quam inique comparationes? Producit Romanus Marcum Catonem, vel Claudium Marcellum: opponit Græcus Aristidem, aut Pelopidam. Producit Romanus Brutium, producit Græcus Dionem. Mirmilliones cum Thracibus cōparantur. At in

Plutar-
chus.

collatione qui labor, quæ anxietas docti hominis, nec infacundi, ut in pari magnitudine similes ostēdat, vel dissimiles? Quam trahit breue corium dentibus, ut sutor? Iam in Paralellis loca quæ susceperat replenda, quando de re ipsa nō potest, de suo implet, ne quid turpiter hians & inane, vel lectore offēdat, vel minorem faciat existimationem rerum Græcarum. Hæc quidem veteres. At verò recentiores homines hanc partem memoriæ, hoc adiumentum prudentiæ penē totum amiserunt. Si narrant prisca, ut Græca illa aut Romana, aut barbara, ibi mira imperitia hominum, locorum, temporum, & sine fronte, sine pudore, mendacia fortiter asseuerata de iis, quæ prorsum ignorabant. Cuiusmodi sunt crebra in historicis libris linguarum vulgariū. Sed in eis quoque quæ Latinæ existimantur, qualis est liber de vitis philosophorum, qualis de gestis Romanorum moralizatis: quid erat opus tantis mendaciis? ceu verò moralizationē, quam quærebat non potuisset inuenire in veris Romanorum gestis. Sed fortassis hæc, quāuis grauiā, tolerabilia fuerint. Quale est in res sacras hanc quoque licentiam mentiendi irreptisse, seu potius apertē esse inuēctam: ut quæ traduntur de lepra Cōstantini, & balneo sanguinis puerilis, de lepra Vespasiani, de Gamaliele, de Beronice, de actis Christi, & diuæ virginis: clamamus & latramus ad minora, conuiuemus adhæc, quæ si in manus impiorum hominum veniant, sanctissimā & grauissimā nostram pietatem ridiculam illis, & exhibendam reddiderint. Nec in rebus propinquioris memoriæ tradēdis sumus religiosiores. Scribūt Galli Gallica, Itali Italica, Hispani Hispanica, Germani Germanica, Britanni Britannica, aut alii in gratiā gentis cuiuspiam: putat rerum author id se tantū munus suscepisse, ut quantū possit, gentem illam euehat: non oculū ad veritatē adicit, sed ad decus illius nationis: hoc ratus esse historiam scribere, si quid gens illa præclarum egerit, prodere, dilatare, exornare, extollere: si quid turpiter, aut ignominiose, tegere, eleuare, extenuare, defendere, excusare. Stulti non intelligunt hoc non esse historiam scribere, seu causam illius gentis agere, quod patroni est, non historici. Nec in actis sanctorum scribendis, maior est veritatis custodia, in quibus omnia oportebat esse exacta, & absoluta, vnusquisq; eorum acta scribebat, ut in quenque erat affectus: ita ut animus historiam dictaret, non

non veritas. Quàm indigna est diuis & hominibus Christianis illa sanctorum historia, quæ legenda aurea nominatur, quam nescio cur auream appellant, quum scripta sit ab homine ferrei oris, plumbei cordis. Quid sædus dici potest illo libro? ô quàm pudendum est nobis Christianis, non esse præstantissimos nostrorum diuorum actus, verius & accuratius memoriæ mandatos, siue ad cognitionem, siue ad imitationem tantæ virtutis, quum de suis ducibus, de philosophis, & sapientibus hominibus tanta cura Græci & Romani auctores perscripserint. Sed sunt aliqui paulò digniores historici nomine, vt Profardus Gallus, Aut Monstreletus, ut Philippus Comminius, aut Valera Hispanus. At isti mittunt sæpe præcipua, & quæ ad exempla, quæ ad rerum sum conducere dicunt de nugis, de rebus leuissimis: vt in caritate annonæ quanti Abbas quidam triticum venderit, aut quomodo prouentus monasterii auxerit: vt in prælio, quomodo miles aliquis gladium amiserit, aut in sedes descenderit, aut in equum ascenderit celeriter: quemadmodum Lucianus insectatur historicum quendam sui temporis, qui in narratione conflictus ad Europum Syriæ, relicto prælio longam fabulam exorditur de Masacha quodam Mauro milite, qui præ siti aberrauerit, & inderit in quosdam agricolas, à quibus prandio est excutus, quorum vnus aliquando fuerit in Mauritania, & alia nepta. Iam prudentiæ nihil possis illhinc haurire: non conclusiones admiscent, quas iuuet legere, non sententiam suam cutè interponunt, non prudenter admonent. Sunt in illis, quos modo nominaui, quidam dialogismi & sermones, & admonitiones loquacissimæ, & frigidissimæ, vt miser esse tam patientem vllum stomachum, qui illa possit decorare, duntaxat quod res insulsæ, nullo condimento conuariantur, non eruditionis, non acuminis, aut iudicii, non eloquentiæ, & ornatus orationis. Equidem haud ignoro, non esse veritatis esse historiæ, si sit vera, quæ vt reliqua habeat omnia, veritatem non habet, obtinere nomen suum non potest. Sed tamen iucunditas orationis detinet lectorem, vt res illas gestas velit cognoscere, neque id semel. Cui lectio vna sufficit vel Liuii, vel Taciti, vel Thucydidis? Quis non auctoritates illos sæpius sumit in manus, sæpius perlegit? At nostri in illo suo Latino sermone, stilo sunt sordidissimo, ac spurcissimo,

mo seu nullo potius: neque enim est stilus incondita illa barbarismorū & tolæcismorum congeries. Si vernaculis scribunt linguis, vnus est totius orationis color fulcus, & dilutus, vnus habitus, sine sale, sine vlla gratia & cultu, tenere vt lectorem dimidium horæ vix possit. Idcirco nec eos, nisi homo curiosus, legit, & cognoscendi temporum cupidus. Qui vero relegant, non inveniunt, vt satius ducant libros legere apertè mendaces, & meris nugis refertos, propter aliquod stili lenocinium, vt Amadisum, & Florisandū Hispanos, Lancilotum, & mensam rotundam Gallicam, Rolandum Italicum: qui libri ab hominibus sunt otiosis conficti, pleno mendaciorum genere, quod nec ad sciendum quicquam conferat, nec ad bene vel sentiendum de rebus, vel viuendum tantum ad inanem quandam, & præsentem titillationē voluptatis: quos legunt tamen homines corruptis ingeniis ab otio, atq; indulgentia quadam suis: non aliter quàm delicati quidam stomachi, & quibus plurimū est indultum saccareis modo, & melleis quibuldā condituris sustentantur, cibum omnem solidum respicientes.

LIBRI SECVNDI FINIS.

IOANNIS LV-
DOVICI VIVIS DE
causis corruptarum artium
Liber Tertius, qui est de
Dialectica cor-
rupta.



NUNC DE DIALECTICA differamus. Nam ea est, cui statim à grammatica puer committitur: de qua mihi fufius est, & cum cura disputandum. Quoniam, vt est à plerisque sordide contrectata, seu conculcata verius, multum contraxit squaloris, ac sordium, quam tamen conueniebat longè esse purissimam, atque integerrimam: nempe aditum, atque instrumentum aliorum studiorum, & artium: ex qua deprauata non parum aliæ quoque, vt philosophia, medica ars, & Theologia sunt contaminatæ. In has enim artes plurimum quisque ex illa puerili institutione transiit. Itaque cõrigit ei, quod de codicibus dixi primo libro. Nam qui eorum multum fuerunt in manibus hominum imperitorum, hi mendosiores ad nos venerunt, quàm qui in bibliotheca aliqua intacti iacuerunt, situ & puluere operti. Danda est ergo maior opera, & accuratior, quo repurgetur exactius, præsertim instrumentum cæterarum. Nec solum noui eius professores, sed veteres quoque in locandis finibus, in assignando eius officio, sunt falsi. Nam Dialectica inter initia sua, & cõtinuo in ipsis originibus res delicata, & tenera ab imperitè tractantibus iniuriam accepit: quo magis nescio culpandi sint recentiores, qui priorum errorem non animaduertunt, an danda iis venia: quum de acumine, iudicio, diligentiâ vsu rerum, ac peritia magna conspiratione de se desperant

tes veteribus concesserint, tanquam effœta iam natura, nec
 vlla meliore in posterum ingeniorum, aut studiorum spe.
 Sed de antiquis prius loquar: Postea de recetioribus, in qui-
 bus omnibus tantum attingam rerum fundamenta, & cau-
 sas corruptelæ more ac instituto meo: atque ex iis ea, quæ
 sunt omnibus confessa: nam opiniones sunt, præsertim apud
 Neotericos, infinite, & quas nemo vel percernere valeat. Er-
 go duas reliquas artes posuerunt de sermone. Dialecticam,
 quam artem disserendi vocat Cicero, Aristoteles logicam
 & Rhetoricam, quam artem dicendi: quarum illa ar-
 gumentum paucis & breuibus quasi punctulis colligat:
 hæc verò dilatat, & accommodet causis, iudiciali, delibera-
 tiuæ, demonstratiuæ. Idcirco Zeno Dialecticam manui
 dicebat esse similem contractæ in pugnum, Rhetoricen ve-
 ro eidem manui expansæ in palmam: vt in hoc velut sermo-
 nis ædificio grammatica cadat ligna, & lapides: Dialectica
 domum erigat: Rhetor condat ciuitatem. Grammatica vs-
 que ad verborum coniunctionem progrediatur: Dialectica
 vsque ad argumentationem: Rhetorica vsque ad sermo-
 nem, & quod exactius est, orationem. Aristoteles in libro
 Topicorum primo de vtilitate artis, quam tradit, videlicet
 de Dialectica differens, sic inquit: Illud verò iam sequitur,
 vt ad quot, & quæ præsens sit vtile institutum ostendamus. Est
 enim ad tria, ad exercitationes, ad congressus, & ad cogni-
 tionem philosophiæ. Quod exercitamentis, per se res indi-
 cat: quippe facultatem nacti, faciliè, quodcunque in manus
 detur, tractabimus. Ad congressus vero: nam eorum, quibus
 cum agimus in promptu habentes sententias, non ex alie-
 nis cum illis differemus. sed ex familiaribus ipsorum opi-
 nionibus reprehendentes, quæ parum videbuntur nobis re-
 cte dixisse. Ad notitiam porro philosophiæ: nam qui pos-
 sunt in vtrumlibet dubitare, iis neutiquam fuerit difficile,
 quid in quaque re verum sit perspicere, quid falsum. Condu-
 cit etiam ad origines initiorum vniuscuiusque disciplinæ.
 Quippe ex cuiusque artis primis initiis impossibile est de
 iis ipsis aliquid dicere, videlicet quum illa sint omnium pri-
 ma. Atqui ex cuiusque probabilibus necessum est de quoq;
 inuestigare. Hoc vero proprium, & maximè peculiare est
 dialecticæ: quippe quum inquisitiua sit, viam, & rationem ha-
 bet, qua ad omnium artium origines pertingat. Hæc Aristo-
 teles

es, bona, vt puto, fide à me versus, quæ sunt ei ex Platonis
 tentia desumpta, vt iustior sit excusatio culpæ cum tanto
 ro coniunctæ: & ignoscendum sit ei iusmodi ducem & præ-
 ptorem secuto. Principio si ita est iam non solum est de
 mone dialectica, sed de rebus, & quidem omnibus. Deinde
 detur Aristoteles sentire Dialecticam non habere modo
 riliūm instrumentum, sed copiam domi eorum quan-
 m, & velut thesaurum: quod quis non videt nullius artis,
 t facultatis esse, & si cuiusquam est id potius altiori cuidā,
 æ metaphysice vocetur esse deferendum. Nec illud sanè
 sponsum procederet habere eam instrumentum probabi-
 m per locos argumentorum: nam quid ex illis disputabit
 alecticus de pronuntiato hoc: nota est quæ partes habet
 illas. Cicero explicatius quidem, sed nescio an plura in ar-
 m hanc, quàm Aristoteles, coniciat. Nam in Bruto ad
 nc modum ait de Seruio Sulpitio loquens. Sic enim Bru-
 existimo Iuris Ciuilis magnum vsum, & apud Scæuolam,
 apud multos fuisse: artem in hoc vno quod nūquàm effe-
 let ipse Iuris sciētia, nisi eam præterea didicisset artem,
 æ docet rem vniuersam tribuere in partes, latentem expli-
 re diffiniendo, obscuram explanare interpretando, ambi-
 am primum videre, deinde distinguere, postremo habere
 gulam, qua vera, & falsa iudicarentur, & quæ quibus pro-
 litis essent, quæ nō essent consequentia. Dialecticam mi-
 videris dicere. Ita planè. Hactenus Cicero. In quo id quod
 alecticæ erat præcipuū tradere instrumētū inueniēdi, omi-
 , credo Stoticos sequutus, qui intra iudicandi fines diale-
 icam concludunt, & eā finiunt scientiā veri, & falsi, & neu-
 us: at hoc secuti diffinire, diuidere, obscuram rem explana-
 omnis sunt artis, non alicuius vnius. An enim dialecticus
 cet verum nean falsum sit melius ciuitatē ab vno regi, quā
 multis. Vel hoc: angulum obtusum æqualem duobus esse,
 sto & acuto. Sed nec instrumentum habet dialectica, &
 Cicero vocat, regulam. Quænam ars habet regulam, quæ
 ihi dicat, an verum sit, duos angulos acutos conficere
 um rectum, præter geometriam? Neque verò Cicero hoc
 on videt, sed vt est solutus ac liber, & probabilia tanquam
 es confectatur, nusquam consistit. In Academicis enim
 æstionibus sic loquitur: Dialecticam inuentam esse dici-
 veri, & falsi, quasi disceptatricem & iudicem. Cuius veri
 & fal

& falsi, & in qua re? In Geometria ne quid sit verum aut falsum dialecticus iudicabit? An in literis, an in musicis? At ea non nouit. In philosophia igitur sol quantus sit: quid ad illum? quod sit summum bonum, quid habet, ut queat iudicare? Quid igitur iudicabit? quæ coniunctio, quæ disiunctio vera sit, quid ambigüe dictū sit, quid sequatur quāmq; rem, quid repugnet. Tantum Cicero. Nec diffiniendi aut diuidendi norma huius est artis, sed alterius, quæ magis in cognitione rerum versetur. Ideo rectè illi, qui, sicut Boethus inquit, censuerunt nō esse hanc partem philosophiæ, sed velut ferramētum, ac suppellectilē aliarum artiū: nec illud Petrus Hispanus indoctè dissimiliter ac solet: Dialectica est ars artium non excellens inter omnes artes, quod imperiti dicūt, sed sicut ministra: ideo addit: ad omniū methodorum principia viam habēs, quod est ab Aristotele desumptum in Topicis. Quocirca Plato quum nihil vellet dialecticæ ex iis, quæ iam attributa, & quasi vsu, & diutina possessione vindicata fuerant, detrudere: viderētque illa, quæ posui maxima ex parte iuris esse primæ philosophiæ, dialecticam dixit esse speciem quandam, & velut propaginem metaphysicæ. Nec Aristoteles dissimulauit, metaphysicæ esse, quæ ad Logicam transferentur, quum in elenchis, ut dixi, tum quod statim ingressum dialecticæ fecit categorias, & quasi fundamentum artis ex prima est philosophia mutuatus. Quocirca parum est dialecticæ pro dignitate locus assignatus, ut ad eam ilico à Grammatica puer mitteretur. Quid inueniet, quid dicet de probabilibus, & principiis aliarū artium atque disciplinarum, cætera præterquam verborum, aut ad summum historiarum, & carminum planè rudis, atque vtinam horum istorum non prorsum inscius. Hinc videmus tam multa in artem hanc esse nugacissima commenta infarcta, quod aliquid erat loquendum puero rerum omnium scitu dignarum experti. Sed antequam ad hæc venio, pergā de prisca artis authoribus dicere, quorum primum, ut in omni artium humanarum genere, Aristotelem meritò posuerim. Nam Platonis etiam magna sunt in illius operibus artium omnium ac disciplinarum sparsa semina, & dialecticæ tota ratio, atque exercitatio in eius dialogis eluceat, præceptū tamen nullum ferè disertis extat verbis, præter litigiosa quædam in Eutydemo: multo minus Zenonis, Eleatis & Parmenidis

idisi: ad quos refertur artis inuentio. Sed indubie Aristoteles eam in artis faciem reduxit, ut & rhetoricam. Cæterum, quod liceat cum bona venia dicere, præterquam quod more uo obscure, & prolixè, etiam parum aptè ad vsum vel inveniendi argumenta, vel iudicandi argumentationes. Nemo est enim, qui quantumlibet diligenter lecta, & excussa vniuersa Aristotelis Logica, sentiat se instrumentum habere, De Aristoteli
 uo in aliqua ad differendum materia argumenta in promptu excogitet. Eius primus liber, quem statim obiectum in libris lo-
 redientibus voluit, est categoriarum, hoc est, prædicamentorum, quæ Quintilianus transfert elementa, Capella præcategoriarum.
 igationes: cuius cognitio ac tractatio, ut dixi, altioris est
 acultatis, nempe primæ philosophiæ: scilicet non ignarus uenem nihil posse de aliarum artium principiis dicere, aut uenire, quæ essent probabilia, nisi eorum notitia imbutus, *ὅτι ἐν τοῖς μετὰ τὰ φυσικὰ* traderentur: idcirco eadem
 oia eisdem penè verbis in eo repetit opere. Decem facit reum genera, in qua distributione siue ipse author illius fuit, siue quis alius Pythagoricus, aut Megarensis, quid secutus sit, equidem non facile dixerim. Neque enim ordinem sententiæ ipsarum rerum, quem nemo percipere, & tenere potest, quum sint rerum essentia, vel ipso Aristotele teste, obcurissimæ, & procul à cognitione mentis humanæ remotæ. Adhuc enim inter eos, qui operam aliquam in studiis philosophiæ ponunt, ambigitur, quæ vera sint inhærentia à substantiis illis, quibus adhærent, nō mente, & cogitatione, sed e vera distincta, tametsi nō sede, aut loco, quæ contrā. Senum vero, & cognitionis nostræ ordinem, non est secutus illo qui primas obtinuissent partes inhærentia, & alia essent disiuncta, quæ connexuit: alia copulasset, quæ disgregauit, empe quæ sub eundem sensum caderent, aut diuersos, tam internos, quàm externos. At verò in natura prima sunt caute, principia, elementa simplicia, tum agere & pati: postrema omnium composita: nec simul sunt quantitas numeri, & quantitas molis, quum ex hac nascatur illa: & prior qualitas, quàm ad aliquid: nec ad aliquid naturæ est, sed artis, ut habitus. Adde quod sicut ipse idem Aristoteles in prima philosophia sapienter dicit, mens nostra non aliter se ad naturæ manifestissimam habet, quàm noctuæ oculus ad lumen solis. Nec numerum quæstionum de prima substantia re-

spexit, quum multa quærantur, quæ non sunt hic connume-
rata. Vt si quis roget, quomodo sit Socrates sublatus, vene-
no inquit: cum quo disputat, cum Prothagora. Iam heri
& hodie de prima substantia non dicuntur: tempus vero de
illis dicitur, vt genus de speciebus, & in ea diuiditur vt par-
tes. Quid quod quæstiones confunduntur? Et in confesso est
alia & ex his, & præter hæc potuisse dari genera, tum aliqua
posse aliis concludi, & compræhendi. Nam permista & con-
fusa esse sua prædicamenta Aristoteles non dissimulauit,
quum aliqua ex his quæ essent *πρὸς* in qualitate posuisset,
& positionem, *ἐν τοῖς πρὸς*: qui si categorias tantum colle-
git magis quàm digessit, & ostendit magis quàm numera-
uit, tolerabile est esse confusas: quod & nos fecimus in his,
quæ indicatione tantum egent, vt in iis ipsis, & argumento-
rum locis. Et habent genera hæc tantam difficultatem, vt
non solum adolescentulo in manus posita, & rudi, sed etiam
grandiusculo, & maiore rerum cognitione instructo nego-
tium facebant: vt nemo facile dixerit, quæ in his decem re-
rum generibus collocentur, egressus quotidiana illa, quæ
crebro audit, nisi niultum, & sæpe pertractarit: quod idem
ipse author fatetur in calce capitis *πρὸς πρὸς*: imò vero ne-
sciet, nisi vnum quodque norit diffinire, quod est infinitum.
Sæpe etiam assignantur loca pro libito, aut ex leui aliqua
coniectura, vel suspiciuncula, traditis ab eo omnibus tam
implicate, vt opus sit passim multis ad singula interpreta-
tiunculis, imò interdum quoque diuinatiunculis, tanquam
cuneolis, & commissuris, recissuris, & reconcinnationibus,
quibus nihil est tam alienum, ac abhorrens, quod nō eò quò
institueris, pertrahas: vt si quis quærat, quorum hæc sint
prædicamentorum, gloria, fama, effectus, iusiurandum, ætas,
testimoniū, cuius sue liber? substantiæ ne quum constet for-
ma? an qualitatis ex quarto ordine? si huius, cur magis quàm
arbor? Tum similitudo, & paternitas: nam ad aliquid non
sunt, neque enim est paternitas filiationis paternitas. Atqui
si sit patris paternitas: sic erunt omnia ex genere qualitatis
πρὸς: quanquam satis multa ponat, vt scientiam, virtutem,
vitium, adducens non inconuenire genus & speciem esse di-
uersarum categoriarū, quum id tamen disertis verbis neget
in quarto Topicorum. Scio posse ad hæc responderi. Quid
enim in contrarium adfertur tam apertum, ac dilucidum,
cui

cui responderi non possit, præsertim à contentioso? sed il-
 lud ab inquisitore veritatis est tacitè spectandum, quàm
 aptè, quàm congruenter, quàm bene. Iam hæc genera
 nihil ad diffiniendum iuvant, non ad diffinitiones essen-
 tiales, quum præter vnam aut alteram ordinationem præ-
 dicamentalem, reliquæ propè sint ignoratæ propter diffe-
 rentiarum obscuritatē & penuriam: de qua Aristoteles ipse
 conqueritur: Nec accidentales causarum, inhærentium,
 partium: nam hæc in hisce elementis non explicantur. Suc-
 cedit Categoriarum liber *περί ἑρμηνείας*, id est, de interpreta- *περί ἑρμ*
 tione, quod, ut nomen ipsum sonat, magna ex parte Gram- *ηνείας*
 matici est potius, quàm dialectici officii: nam cuius est di-
 cere, quid nomen sit, quid verbum, quid pronuntiatum, quid
 universale, quid singulare, nisi Grammatici? Quod si ars
 Grammatica tradita iam ante Aristotelem fuisset, superse-
 sisset profecto philosophus acutissimus illis de rebus in dia-
 lectica præcipere. Sed quia videbat non oportere illa à dia-
 lectico ignorari, quum nullus de iis mentionem fecisset,
 non iudicavit esse prætermittenda. Pronuntiata illa, quibus
 additur modus, non habent dialecticam, sed grammati-
 cam quæstionem: videlicet de significantia illarum vocum,
κατηγορίαν, δυνάμιν, ἀδύνατον, ἰνδιξιμέτρον: qua voce mi-
 se est Aristoteles delectatus, pro eo, quod potest & contin-
 ere, & non contingere: quum sit potius, quod solet fieri,
 quod usu venit, quod est probabile, quod in nobis, inq; no-
 stra facultate est situm: quod verbo eius ostenditur *ἰνδιξιται*.
 In hisce autem modalibus, seu affectis vel res spectavit: quo-
 modo adverbia omnia modi sunt, & modales enuntiationes
 addunt, quod Boëthius subsignificat, ut Socrates celeriter
 errit, bene, malè. Tum verba, usu venit, solet, cōgruit. Nam
 in hisce omnibus, & infinitis harum similibus, haud secus
 quàm in illis de necessario, & impossibili, ambiguū esse po-
 test, quid modi vel aientes significet, vel negates, quæ quibus
 respondeant, & cum quibus recurrant aut nō recurrāt, Sin in
 pronuntiata ipsa est intuitus, ut eas modales nominaret, quæ
 imperatæ, & affectæ essent modo quodam, qui ipsi pro-
 nuntiationi competeret, ut necessario. q. necessaria enun-
 tiatio, impossibile impossibilis: non videtur causa cur qua-
 tor illos ita recensuerit, quasi nō essent alii. Eius enim sunt
 cultatis, & officii, verum, falsum, scitū, opinatū, quæ loan-

nes Buridanus, & alii quidam scholaſtici in modos referūt, credibile, probabile, opinabile, certum, incertum. Niſi forte Ariſtoteles pronuntiata ſpectauit ex rebus, non ex nobis. Sed certe in his non plus erat quod eſſet ex dialectica petendum, quàm in aliis, quibus aduerbia inſeruntur.

Priora analyticalica. Adduntur volumini *Πρῶτα* *ἀναλυτικά* duo libri priorū Analyticorum, vtilis quidem illi, & magni, atque excellentis ingenii. Sed vtilitas hæc obruta eſt primum multis ſuperuacaneis adiectis, vt de modalibus, quæ ad rem non magis faciūt, quàm cætera aduerbia. Nam de illis ſtatuendum eſt ex negatione, affirmatione, vniuerſalitate, particularitate. Impoſſibile non aliud eſt hoc loco, quàm nunquā, neceſſario quàm ſemper, poſſibile quàm aliquando. Tum de reductionibus ſyllogiſmorum, de iis, quæ vera ex falſis naſcuntur, quod eſt cuius ita promptum, vt vix ſit credibile Stoicos acutos homines, & in dialectica multum verſatos negaſſe id poſſe fieri. Omnia verò tāta ſubtilitate diſſecat, vt laborioſius ſit inſtrumentum intelligere, quàm vſum: ita pulcherrimum organum, & ſuperuacaneis oneratū, & in tantas minutias fractum, & conciſum parum habile vtentibus reddidit.

Posteriora analyticalica. Sequuntur poſteriora Analytica, doctum ſanè opus, acutum, & bonarum rerum pleniſſimū. Sed quorſum hæc tam bona? quid ad dialecticum de opinione, de errore, de ignorantia? non huius ſunt loci, ſed diſputationis de anima. Demonſtratio verò non videtur ad dialecticū pertinere, quum hic probabilia tantum ſpeculetur, & quæ contradictionem patiuntur ex Ariſtotelis ipſius ſententia. Demonſtratio verò incertis, & indubitatis verſetur, vt magis id videatur primæ philoſophiæ, quàm dialecticæ. Quæ verò de demonſtratione, præterquàm quod ſunt inuoluta & mirè intricata, nulli ſunt vſui. Demonſtrationem vult eſſe ex primis, & neceſſariis, ex proximis, ex cauſis. Cedo reſpicias nos, & caput noſtrū, an rerum naturā? Themिſtius Euphrade Hermolao interprete ſic ait. Nec demonſtratio ad naturā ſe ingenii noſtri ſubmittit, ſed rectam tenet ad veritatem viam, nec quid ipſi poſſumus attendit, ſed in ſolam rei naturā incumbit, illam veſtigat, illam explorat, etiam ſi nobis ignota, inſpectāq; ſit. Id ſi ita eſt, quid mihi tua iſta longa, & accurata de demonſtratione confert diſſertio? neq; enim ego pro capto naturæ intelligo, ac ne tu quidem, ſed pro meo.

Nos

Nos sumus homines, id est, ingeniis errori obnoxiiis, & infirmis: natura habet intelligentiam non errantem. Qui scio quæ sint prima, quæ sine medio, quæ tu vocas ἀμωα, quæ necessaria naturæ. Quæ sint mihi talia vix scio, nedum illa norim naturæ intima, ad cuius manifestissima, ut tu ipse fateris, caligamus. Inanis est ergo tota de demonstratione traditio, & sine usu. Sed nec omnino videris oculos in naturam cōieciſſe, nam immediatas propositiones ad nos reuers, in quibus nihil sit opus quenquam edoceri. Quod si homines doces, non erit tibi vna, & perpetua demonstratio: aliis enim alia sunt immediata, & prima: alii verisimilibus tātum capiuntur: alii nec evidentissimis, & de quibus sensus testificantur satis fidunt, ut Academici: Alii omnia credunt sensibus, ut Epicuræi: Aliis sufficit autoritas dicentis: Alii res sensibus expositas requirunt. Erit ergo demonstratio quasi esbia norma, quæ se ædificio accommodat, non sibi ædificium. Iam necessaria requiris, id est, quæ impossibile est aliter habere: isthuc verò quādo erit notum? quum omnia vniuersalia ex singularibus sint nobis collecta, quæ singularia vniuersalium sint infinita, persequi omnia nō potuimus: at si vnum est indiuiduum, non constat vniuersale. Et vniuersalia lōo usu comprobata, erant nobis in cælo, in elementis, quæ vel tempora, vel loci prodiderunt non posse in vniuersum affirmari. Iam causas requiris: & hic quæ nobis tenebræ? quæ quorum sint causæ, qui effectus nescimus. Quid agis, quidis ne nos, haud aliter demonstrationem constare vis, nisi ex tam raris, tam procul petendis, tam penè impossibilibus, quæ pèrinde ut qui ad morbum grauissimum, & deplorabilem medicinam promittunt confectam ex tribus aut quatuor simplicibus, quorum vnum est in India inuenire, alterum apud Seres, tertium in Ryphæis montibus, quartum in nido Phœnicis ex cineribus prioris nascentis. Quæso te, quæso demonstracionem vnā, verbi causa, tanquam ad vniuersas exemplum, quæ constet ex veris, primis, immediatis, notioribus, prioribus, causisque conclusionis: erit ne verò ista, quæ est in ore totius scholæ? omne animal rationale est sensibile, omnis homo est animal rationale, ergo & risibilis. Non tam homo est per hunc syllogismum risibilis, quàm ista demonstratio ridicula: ceu verò in propositione insint ista magnifica, vera, necessaria, immediata, notiora, priora,

causæ conclusionis. Cedo verò, quid hic agunt causæ? an non etiam effectus demonstrant eas, & quidem certius, atque efficacius utique nobis? num non alia etiam demonstrant in duabus illis quæstionibus, sit ne, & quid sit? quas duas solum cur posuerit, nescio, quum sint alia de quibus possit & quæri, & disputari, & quatenus licet, demonstrari etiam, ut de omnibus categoriis.

Topica.

Post utraq; Analytica sequuntur octo libri de locis argumentorum, quæ dicuntur *τοπικά*, locos vocant, & ceu thesauros argumentorum, quum ipsi argumentorum nihil habeant: neque enim hi loci sunt pixides, quibus continentur pharmaca, sed pixidum indices. Opus Aristotelis est longum, varium: multa sunt in eo præclara, sed ita tamen differit, tanquam qui colligit sparsa, non qui formulas, & præceptiones artis tradit ad usum aliquem conducibiles. Qua de re iam antea iure questus est Rodolphus Agricola. Neq; enim ex operis illius satis iusti lectione quilibet diligenti, & sedula, facultatē se vllus sentiet nactū vnius argumenti inueniendi. Sunt inquisitiones quæ sint genera, quæ differentia, quæ propria, quæ accidentia, quæ diffinitiones loquaces, inuolutæ, molestæ: & quod liceat cum bona tanti viri gratia dicere, nonnunquam etiam subineptæ, sed infrugiferæ prorsum. Neque enim quærit vnquam aliquis quid cuius sit aut genus, aut species, aut accidens. Admisset quæ sunt alienissima, ut de eligendo, & fugiendo: in quo videtur philosophus sylvam quandam ad communes locos congestisse, ut suos in thesibus exerceret, & quæstionibus indefinitis, sed ad inueniendi rationem parum commodē.

Prædicamēta Porphyrii.

Ex his libris Topicorum sumpit Porphyrius quæ de quinque vocibus cōposuit, opus, ut mea utiq; sententia, vtilissimu, ita longe ab utilitate traditum. Prætereo *ταυτολογίαν*, & molestiam orationis: de re loquar. Primum in eo locum obtinent quæstiones, quarū nec numerus est vllus, nec ordo certus. Alii alia quærunt, alii prius, alii posterius, prout est cuiusq; ingenium, & mētis intelligētia: nos enim respiciūt, & nostrū captū, non naturā. tam vnde sumūtur quæstiones hæ, quid est, quale est, & ea, quæ hisce respōdentur, nōne ex vulgo? quod Aristoteles fatetur primo Topicorum. Atqui ad multa quæsitā per quid est, qualitatis responsum adiungimus: ut quid vides? hominem album armatum, patrem tuum: ut apud Poëtam.

Dic

Dic mihi quid feci, nisi non sapienter amavi?
 in Propheta. Quid vides Amos? trullam cementarii. Et
 quale *τροίον* Græci substantiâ sæpe reddunt: Latini quoque
 qualis res est homo? animal ratione præditum: nam & qua-
 tatem cōpositum naturale vocat quidam, ut Cicero in Aca-
 demicis, sicut Stoici *ποσέτητα*. Iam verò quid dicunt esse præ-
 dicari in quid? Ea inquit Porphyrius prædicari in quid,
 uacuumque; conueniteum, qui interrogatus est, quid est ali-
 uid, reddere. Atqui ad huiusce rei intellectum necesse est euol-
 isse totam philosophiam, quæ est de natura. Neque enim
 Aristoteles ipse in libris Topicis tot verbis tam altè, tam
 anxie repetitis, explicare valuit, quid genus esset, quid spe-
 ies, quæ dicantur per quid: & accidens, ac proprium, quæ
 er quale.

De genere locuturus Porphyrius patrem, & patriam dicit
 esse genus: in qua lingua? In Phœnicia credo. Et mihi genus
 boue summo est, inquit ille. Et genus qui ducis Olympo:
 quod & ipse ostendit Porphyrius suo exemplo: Siue à pa-
 tre, inquit, siue à patria: Sic enim Oresten à Tantulo di-
 mus habere genus: Hylum ab Hercule. Rursus Pindarum
 genere Thebanum esse: Platonem verò Atheniensem. Est
 enim patria principium cuiusque generationis, ut pater. Non
 igitur Tantulum esse Orestis genus, aut Thebas Pindari.

Differentiam Porphyrius finit, qua abundat species supra
 genus, quasi non & abundet risibili homo supra animal, quæ-
 dammodum & rationale. Quod si dicatur non eatenus esse speci-
 em supra genus, responsioni huic aqua heredit, quod aiunt, pete-
 tur principium, & vitiosissima erit diffinitio, nepe perplexa:
 id quod accuratius esset explicandum, & declarandum pro lu-
 mine interetur minus etiam obscuri: quum enim ex accessione dif-
 ferentiae ad genus constitutatur species, quomodo tu in diffini-
 tione differentie de specie meministi, tanquam iam nota & expli-
 cata? Cedo, quas differentias adfers? miram earum penuriam dicit
 esse Aristoteles, nec ullis nos rebus quam magis indigeamus,
 magis carere. Rationabile est hominis differentia: vix aliam
 proferunt simplicem, nec ea ipsa est hominis ex sententia philo-
 sophorum, nam & angeli sunt rationales, quos illi vocant deos,
 & quidem animalia rationalia. Quid quod si in adiectiuo illo
 rationale animal pro substantiuo intelligas, potius erit iusta
 diffinitio quam differentia? Sed rationale dicunt differentiam,

Genus,

Differentia.

capacem disciplinæ dicunt proprium. Quid hoc plus habet, aut minus, quàm illud. Quæso bipes, & quadrupes, & volatile, & aquatile, quæ ab Aristotele & Porphyrio, pro differentiis ponuntur, implent rationem illam differentiarum, quæ essentiam dicant, & formæ rationem, & diffinitionis essentialibus sint aptæ, quum accidens designent. Quod si hæc sint differentiæ, quid Aristoteles differentiarum inopiam deflet? Quomodo hæc congruunt cum hoc Porphyrii dicto: Interius autem perscrutantes, non quodlibet eorū, quæ sub eodem genere sunt diuidentium esse differentiam, sed quod ad esse cōducit, & quod quid erat esse, & eius rei partes. Ergo bipes, aut volatile, non sunt differentiæ. Verum enim uero quis hoc dictum intelligat, quis vllam assignet differentiam, tam arctis limitibus conclusam. Non immerito Aristoteles ait nos differentiarum vexari paupertate, si differentiæ omnes ad tam exactam censuram æstimantur. Quis vero scit an mortale ad esse hominis conducatur: quasi vero nō possint homines esse immortales, ex Dei munere, ut anima: corporeum vero & incorporeum non formam attingunt, sed materiam, quæ pro differentiis ponunt in ordinatione. Quid quod Quintilianus mortale & immortale species dicit esse animalis generis. Sed rhetoris dictum parum exactè ad philosophiæ formulas dicent esse tornatum: quale illud est Ciceronis, & Ciceronem secutorum Senecæ, Victorini, & Capellæ, Romanum, & Troianum species esse hominis, quum non sint hominis, sed nationis: neque enim ad essentiam hominis pertinent, sed ad accidens: & de suis indiuiduis non in quid prædicantur, sed in cuius. Nam quod dicitur humanum genus, & de genere hominum alios Romanos esse, alios Troianos, genus eo loci pro gente sumitur, aut natione, aut forma: & ratione, & modo: ut genus vini, genus cibi, genus dicendi, genus belli. Sed hæc omnia ita sunt perplexè, & obscure diffinita, ut mirum non sit labi in eis magnos viros, & contraria inter se dicere. Bipedem Aristoteles differentiā facit, & Aristotelem sequutus Quintilianus. Porphyrius dicit esse proprium. Martianus etiam sic finit differentiam: est sufficiens ad id quod susceperis discretio. Et alio loco: differentia est sufficiens quæstioni discretio, ut si quaratur inter hominem, leonemq; quid intersit: respōdeatur quod hominutis, leo ferus sit: quod quidem nec hominē à mitibus cæteris,

ris, nec leonem à feris aliis distinguit animalibus. Sic ille: quæ omnia Porphyrius, & schola reiiceret, tanquam imperita. Sed de proprio quid dicunt? Porphyrius proprium in **Propriū.** quatuor significatus diuidit, quod soli, quod omni, quod soli & omni, quod soli omni & semper. Quintilianus etiam proprium dicit, aut quod soli accidit, ut homini sermo, risus: aut quod utique accidit, sed non soli, ut igni calefacere. Quomodo potest proprium vocari, quod sit alii commune, non secus, quam si bonum dicas malum, album nigrum, calidum frigidum: idque Aristoteles vetat fieri: nam bipes non propriū est homini, sed generale, & amplius. Nec quod aliquo tempore, inest soli, nisi etiam propriū dicas esse homini bipedem esse, quum solus sedet domi, cum cane, & equo ut à dextris esse, quod Aristoteles admittit, quo nihil video absurdius. Adde quam ineptum est tertiæ rationis proprii exemplū Porphyrii, canescere in senectute: atqui si hoc omni homini accidit, semper accidit, nempe in senectute canescere: neque enim Porphyrius canescere pro exemplo dedit, & explicuit in senectute, sed totum hoc est pro exemplo datum, canescere in senectute: Græcè enim sic legitur: *τὸ μὲν καὶ πάντι καὶ πάντι, ὡς ἀνθρώπων πάντι τὸ ἐν ἡλικίᾳ πρὸς γῆρας.* Sed de verbis ne simus nimium solliciti, conueniamus ad hæc minuta. Aiunt differentiam, & proprium non accipere magis & minus. Ego verò non video cur vnus homo non sit altero & disciplinæ capacior, & ad nauigandum aptior, aut ad artem medicam. Nam si essentia capacitatis aut facultatis ad disciplinas, ad nauigandum consideretur, nihil magis recipit aut minus: tam enim alba est hæc charta, quam ille gyplus in essentia rei albæ. Et hæc adeò obscura, inuoluta, difficilia, traduntur pueris paulò ante è ludo triuiali egressis, quæ non intelligunt grandes nati in philosophia detriti, ac penè consumpti. Postremus est liber de **Elenchi.** sophisticis redargutionibus, haud sanè inutilis disputanti-
bus, in quo nihil conuellemus, ne quidam nos arbitrentur anxie in Aristotelis operibus scrutari, quæ carpamus. Totius Logici instrumenti hæc est clausula: Reliquum erit verum omniū, vel eorum, ad quos hæc peruenerint, ut venia eis detur, quæ videbuntur ad institutionē prætermis-
sa, gratia autem habeatur pro inuentis, hoc verò est mea sententia equissimum. Nam nulla ars simul & inuēta est, & absoluta,

Aristote-
lis enarra-
tores.

nec ille tam multa potuit vnus, & primus inuenire, ac iudicare, multa ex iis, quæ inueniebat noua, admirabatur, inspiciebat propius: necdū tamen satis sibi fecerat familiaria censere ac æstimare vt posset, quod omnibus contingit inuētoribus. Nec dubito, quin idem mihi in iis, quæ ipse pario. Itaq; de Aristotele non dicam plura, quem ego veneror, vt par est, & ab eo verecunde dissentio. Aristotelis enarratores Græci Alexander, Themistius, Simplicius, Psellus, Philoponus, & alii, multum habent verborum: sententiarū nō aliud, quàm ipse Aristoteles. Latini nostri prisci illi Apuleius, Capella, Augustinus, Boëthius dialecticā suam deprauarunt, & vim attulerunt Romano sermoni, quod illum in iis, quæ ad linguæ proprietatem spectarēt, præceptis Græcitatē obtemperare coegerunt inuitum, ac repugnantē. Quæ enim sunt ex ratione linguæ, ea in vnaquaq; lingua sunt sua libera, & popularis potestatis: vt nec princeps quidem quicquam habeat in ea iuris, quālibet in alia potens ac sæuus: nec qui donare homines ciuitate potest, verba potest. At Latini dialectici per omnia Aristotelis vestigiis institerunt in præcipienda, & tradenda dialectica: vt quæ ille de verbis, de nominibus, de enuntiationibus, non malē Græcē tradiderat, nostri ad Latinum sermonem malē detorquerent. Cuiusmodi sunt de nomine, & verbo infinito, de enuntiatione infinita, seu incerta, & aliis: quæ ex grāmatica, & loquēdi vsu cēsenda sunt, non ex formula dialecticæ, & quidē, si diis placet, Græcanicæ. Neq; enim substantiæ nomen infinitari posse credo, nisi perraro. vt apud Ciceronē in primo Academicarū: Nec verò aut quod efficeret aliquid, aut quod efficeretur posse esse nō corpus. Quod versum est ad verbū de Græco Zenonis. Græcis enim facilius erat vti infinitis, quibus illud intelligeretur *ὅμ ἢ ὅμ. πᾶς οὐκ ἀνθρώπος. οὐκ ὅμ ἀνθρώπος*. Latine verò quis sic loquitur, nō homo disputat, vt intelligi velit, aliquid disputat, quod nō est homo: vel nō Socrates venenū bibit, id est, quod nō est Socrates. Egeo non pane sed pecunia: an aliqua re quæ non est panis? Cicero pro Cluentio: Non Archimedes potuisset melius describere. Et pro Rabyrio Posthumo: non amicus mihi, nō Pōpeius fuit: an aliquis, aut vt ipsi volūt aliquid quod nō est Archimedes, quod non est Pōpeius? vt apud Quintilianū: Raro inuenies iudicialem, in cuius nō parte aliquid eorū, quæ supra diximus, reperiatur:

an

in eo quod nō est pars, sicut apud eundem: hoc fecisti, non
 feci. Et Portius Latro, nulli nō oculi senatoriū te statim
 insignarunt ingredientem: & alia innumera. Latini enim
 cum loquuntur quod non est hoc, aut illud. Cicero con-
 fessione illa per finita, & infinita extrema: de qua est apud
 Aristotelem in libro *περί ἰμμερίας*: ut omnis homo est ani-
 mal, nullum non animal est homo. Sic, utitur in rhetoricis:
 constitutio & ipsa pars constitutionis quælibet intentio-
 nis depulsio est, quæ intentionis depulsio non est, ea nec cō-
 titutio est, nec pars constitutionis. Quare illa apud Aristo-
 tem *ὡς οὐκ ἀνθρώπος ἐστὶ ἄνθρωπος*, sic erant vertenda: Quic-
 quid non est homo, est iustum: nec Græci nomina hæc infi-
 nita observant, ac nec ipse idem præceptor Aristoteles, ut in
 quarto Topicorum *ὅτις ἡδονὴ μὴ ἀγαθὴ*, si qua voluptas
 non est bona. Quid quod ubi hære re possit negatio, ex usu
 nō sentendum est, non ex canone. Ut Martialis:

Pellibus exigui arctatur Liuius ingens.

Quem mea non totum bibliotheca capit.

Quo loco negatur verbum, non infinitatur illa vox totum.
 apud Ovidium:

Et si nullus erit pulvis, tamen excute nullum.

Quid illud est ex formula? an non potius ex intelligentia
 communi, & consuetudine illum ipsum qui videbitur ines-
 se, aut eum quem finxeris. Nam infinitari verbum adiecti-
 um, illud penitus est non solū in Latino sermone, sed etiam
 Græco alienissimum, & intelligentiæ repugnans: ut apud
 Ciceronem: Quum ingressus iter sit pedibus in equum om-
 nino ascendere non vult. Quis sit sensus, vult aliquid, quod
 non est ascendere. Non minus peccatum est in quantitatibus,
 ut vocant, enuntiationum. Aliquis concionatur, & quidam
 concionatur, particulares sunt. Atqui non magis hæc, qui-
 am concionatur, particularis est, quàm hæc, Socrates, con-
 cionatur, si qui audit, Socratem non norit: nam dicenti qui-
 am concionatur, subiectum singulare est: audienti vero,
 Socratem non agnoscat, non minus est verbum illud
 Socrates confusum, & vniuersale hominis, quàm illud
 quidam. Iam hæc omnia, omnis homo est animal, animal
 est omnis homo: omnia bonum appetunt, & bonum omnia
 appetunt: aliquis concionatur, aliquis non concionatur,
 non aliquis concionatur, vulgares sunt consuetudinis,
 penes

penes quam est isto rum omnium lex & arbitrium. Terentius hic solus nescit omnia: intelligi potest, vel non omnia ab eo sciri, vel nihil. Cur non bono viro stipem dedisti? aliàs hoc est, non esse datam bono, aliàs esse datam ei, qui bonus non sit. Cicero pro Sestio: Omitto gratulationes, epulas, partitionem ararii, beneficia spe promissa, prædam, latitiam paucorum, luctum omnium: hic omnium quasi plurimorum, aut reliquorum omnium. Ideo Aristoteles sensus, oppositiones, leges vniuersalium, & particularium posuit. Quæ vero essent vniuersales, hoc est, quibus verbis, & signis, qua constitutione, quo ordine fierent, non attingit. Videlicet sciebat de illis non posse in vniuersum præcipi, quæ essent vsus varii, & mutabilis. Idcirco etsi dixit qualia soleret vocare vsus vniuersalia, qualia negatiua, aut affirmatiua, non tamen vniuersalibus regulis definiuit. In indefinita magis est adhuc peccatum, quæ pro intelligentia fit, vel vniuersalis, vel indefinita, vel singularis. Romani hanc urbem condiderunt. Romanus homo hæc scripsit: non omnes, sed aliqui aut aliquis. Ecce tibi equus, quidam, certus: beata vita virtute constat: omnis beata vita, vides ad omnia eam genera transire, idcirco infinitam seu incertam vocari, quod ambigua sit natura, & mutabilis. Iam in assignando subiecto, & prædicato rem spectant, non verba: ut quum dico Socrates est albus, vel Socrates est homo, semper Socrates fit subiectum quocunque vertatur, quia in eo fundatur ratio prædicati, nempe iustus, vel homo. Sed non considerant spectanda etiam esse nomina, & voces: ut quum dico homo est animal, aliquod animal est homo, non omne animal est homo. Videndum enim non quid res sit, sed quid ego significem, quod nec ipsi possunt negare: nam dicunt in conuersione ex subiecto fieri prædicatum, & contra. Item in conclusione indirecta: ut aliquod animal est homo. In Braalipson, omne risibile est animal, & omnis homo est risibilis. Ex duabus particularibus negatiua, & affirmante. Martianus Capella, & Boëthius subalternam oppositionem constituunt. Quæ oppositio est, si quis dicat: Omnis homo disputat, Socrates disputat. Quid habent contrarium inter se homo & Socrates? Nec subcontrariæ sunt oppositæ, non magis quam si quis dicat: Socrates disputat, Plato non disputat. An repugnat sibi, qui dicit: Aliqui senatorum sunt assensu, aliqui non sunt assensu. Aristote

oteles ait oppositionem esse affirmationem, & negationem eiusdem de eodem, & non æquiuocè. Qui dicunt aliis etiam, aliquis non, nec de eodem loquuntur & ferè æquiuocè. Eandem Latinæ linguæ proprietatem oportebat quatuor esse in aliis locis dialecticæ. In Elenchis multæ rationes, quæ in verborum ambiguitate sitæ sunt, ac constitutæ, in Latinum versæ, nec gratiam, nec intelligentiam obtinent: quoniam proprietas Græca non est mutata: ut discipuli sunt scientes, *μὴν δ' αὖτε* enim illis est intelligere utentem scientia, & accipere scientiam. Quæ expediunt bona sunt: *ὅπου* expediens est, & necessarium, cuiusmodi sæpe mala sunt necessaria. Quod ais esse hoc tu es, propter infinitiuū, si apud Articos nominatiuo iungitur, *ἡγεῖσθαι ὅπου ὁ σὺ φησὶ εἶναι* & putas est silentia dicere, propter Græcum accusatiuum *συνῶντα*, qui est singularis masculinus, & pluralis neuter. Iam quum ad coniunctam orationem & confectionem est ventum, in qua sunt duo, argumentum, quod inuentum probabile, & argumentatio, quæ est confectio probabilis, & eo quod probatur. Vt Medæam esse matrem argumentum, cui si addas, ergo amat filios, argumentatio. Cicero & Quintilianus, & eos deinceps secuti confundunt. Nā Cicero locum facit in Topicis à consequentibus, antecedentibus, & repugnantibus, cum hæ sint rationes argumentationum hypotheticarum, non argumentorum verus certi loci. Quippe ex omnibus licet talem formulam conficere, quod idem Cicero ostendit exemplis sui: Si pecunia signata argentum est, legata est mulieri, est autem pecunia signata argentum, legata igitur: & sic de aliis, quæ ipse vocat semper loca dialectica: nisi fortè aliam esse rhetoricam confectionem putet, aliam dialecticam: quum sit vna tantum, eaque magis dialectici iuris quàm rhetorici. An dialectico solam relinquit argumentationem, quæ est de iudicando, errore Stoicorum adductus, de quo sum in principio locutus. In eundem errorem lapsus est Quintilianus, cum Boëthus, cui, ut Agricola censet, minor est tribuenda gloria, qui accuratius hæc suscepit tractanda, quàm magnis viris licuit Ciceroni, & Fabio Quintiliano: quos diversa ab istis studiorum ratio tuetur. Quintilianus vero propter syllogismum & epicherema hoc esse, inquit, discriminem, quod syllogismus constet necessariis, epicherema proba

probabilibus: atqui hoc non est discrimen argumentationis sed materiae. Sicut quum enthymema aliud ducit ex pugnantibus, aliud ex consequentibus, quæ pertinent ad locos argumentorum. Iam argumentum facit à dissimili: ceu verò dissimile aliquid probaret: nam qui dicit:

Non tamen ille, scitum quo te mentiris Achille,

Talis in hoste fuit Priamo,

Similitudine seu exemplo valet. Pater tuus non fecit, ergo nec tu debes facere. Tum causa seu origine, ille non fecit, ergo si tu feceris, ab illo degenerabis, nec verum erit tibi ab illo genus. Comparatione quoque: Ille in hoste nondum victo fuit clemens, tu ergo debes esse in hoste iam victo. Sicut in facto Fabii apud Livium verbis M. Camilli: vos in pace vultis urbem deserere, ille nec sacra deseruit obsessus. Cicero locum ponit à differentia, quem Quintilianus dissimilitudinis dixit. Non si uxori vir legavit omne argentum quod suum esset, idcirco quæ in nominibus fuerunt legata sunt. Multum enim differt in arca ne sit positum argentum, an in tabulis debeatur: hoc vero nihil probat, tantum quod antea probatum erat dissolvit & dissolvit: non hæc est collectio, sed dissipatio collectionis. Nam quod alius confecit legatum esse, hic per differentiam destruit. Si vero hic idem persuadere velit non esse legatum, aliunde erit ei petendum argumentum.

Sed Ciceroni non tam facienda est harum rerum, ac permagna habenda gratia, qui ipse tum primum propè inuentor excudit nobis partem dialecticæ utilissimam de inventione: quod opus inutiliter ab Aristotele cōgestum Cicero ad utilitatem ingentem aptavit. Boëthius in tradendis differentiis Topicis, quod opus ex Cicerone, & Aristotele, & Themistio concinnavit, vno aut altero Aristotelis dicto inductus est ad maximas singulis locis assignandas. Aristoteles enim, in secundo Topicorum de coniugatis tractans, inquit: Manifestum est quòd si ostenderit quis de coniugatorum aliquo bono vel laudabili, & alia erunt ostensa esse talia. Vt si ex laudabilibus est iustitia, & iustum, & iustus, & iuste. Item de contrariis loquens. Cuius generatio, inquit, bona, & ipsum bonum: & vice versa. Item de corruptione, & generantibus & corruptentibus, ex iis quæ à philosopho erant exempli causa dicta, Boëthius maximas collegit singulis locorum: quod aliud non fuit, quàm infinitam possessionem locorum contrahere

trahere in magnas angustias, & latissimè patentem vsum effecit, vt nullus penè esset. Quis enim vti possit locis ad illas maximas redactis: quasi vero non aliter vltus sit locorum, nisi per illas: hæc omnia argumenta, vt exemplum aliquod adferam, sunt à causa efficiente: Bonus, quia boni filius. Vir magnus, quia Scipionis nepos. Calidum, quia admotum igni. Decet te hoc facere, quia filius es Syllæ: & non decet, quia filius Q. Fabii. Opus seruandum, quia magni authoris: & non seruandum, quia hostis. Quæ dabitur in his omnibus maxima? Sed venio iam ad amicos meos recentes, vt ipsi vocant, sophistas, in quos tanquam in naus sentinam omnia huius artis vitia confluxerunt. & Aristotelis & priorum, & longè plura, & foetidiora, quæ ipsi de suo adiecerunt. Itaque quæ in antiquis reprobauimus ea supersedebo hic recensere: tantum ea consecretabor, quæ sunt recetiorum propria. Irrumpit ad tradendam dialecticam iuuenis ignarus Latini, & Græci sermonis, ignarus earum rerum, atque artium, quæ his duabus linguis sunt proditæ. Primum omnium quorsum pertineat dialectica ignorat, quæ sua, quæ aliena. Itaque & sua aliis cesserunt, & ipsi inualerunt aliena. Nam totam eam partem, quæ est de argumentis inueniendis occuparunt rhetores dialectico non inuito. Primum quod quum Aristotelem partis huius vel inuentorem, vt inquit Cicero, vel certè præcipuum præceptorem viderent illa adeo obscurè ædidisse, vt verti in vsum aliquem non queât, Ciceronem vero accommodasse operi, & eius traditionem Boëthium esse amplexatum audito Ciceronis nomine, tanquam aliena nota inspecta, verecundi homines manum continuerunt. Videbant etiam rhetores apertius de illis præcipere & aptius ad exercitationem. Tum etiam libenter cesserunt possessione sumptuosa, ad quam tuendam magis esset diuitiis opus: legenda, tenenda, cognoscenda multa, sine quibus inuentio tueri se, & nomen suum inquit: nam quid de pisce, de lapide, de republica, de re familiari inueniet, qui ne nomen quidem vnquam antea audierat? Et adeo peritiæ huius vsum amiserunt, vt quod est inuentionis argumenti, ad iudicium argumentationis transferant. Nam quemadmodum argumentatio bene censetur per figuras, & modos syllogismorum, ita ipsi dicunt per locum à genere, per locum à causis, per locum à cōiugatis,

à maio

Recentes
dialectici
sophistæ.

à maiori: quasi in hoc sint parati loci, ut censuræ sint argumentationum, & non indices argumentorum: ipsi eam retinere solam quæ est de inuentione, more spinosorum Stoicorum, ad quam nec linguæ opes, nec multa rerum suppellex magnopere videtur eis necessaria, sed tantum garrula quædam imperitia, & loquacitas inuicta: & pro illa vetere diuisione Logicam esse aliam de inuentione, aliam de iudicio, nouam ipsi diuisionem adduxerunt, esse logicam veterem, & logicam nouam. Cur ita nominetur, non magis scias dicere, quam cur digestum nouum, & digestum vetus. Logicam appellant veterem, in qua de simplicibus agitur terminis, vel pronuntiatis, prædicabilia, categoriæ, & de interpretatione. Logicam nouam priora, posteriora, Topica. Tum huic addunt septimum tractatum, quem recentes adiecerunt pomærio veterum imperio longius prolato. Ipsi tanquam veneto quodam transuersi acti in metaphysica impetum fecerunt: non illhinc modice repetunt, quæ videbatur ad logicam pertinere, ut Aristoteles fecerat, sed penitus se, & pueros suos immergunt in arcana illa natura, quæ constare, & intelligi nullo penitus modo possunt, nisi gustatis his exterioribus: nam ordo nostræ cognitionis hinc est ad illa, nec eò penetrari à nobis potest, nisi per hæc, quæ sunt foris. Ad incognita enim itur per cognita, & ad mentis iudicium per sensuum functiones. Isti contra rudem puerum, & à Grammatico recentem statim prædicabilibus, & prædicamentis, & sex principiis proluunt: ut olim Germani pueros suos recens natos rapido & gelido flumine. Sunt qui perpetuò ibi detinent, ut qui maximè sunt reales, quasi verò ad nugandum in illis com mentis inuenta sit dialectica, & non ad rectè differendum. Ibi nascuntur mira monstra quæstionum, de natura communi, qua miror non inrerdum eos terreri in somniis, aut de illa in tenebris audere verba facere, adeò res est monstruosa. Antisthenes, ut puto, primus vniuersalia quædam finxit in rerum natura à singularibus seiuncta. Plato Ideas posuit. Porphyrius quum hæc alieua esset à suo instituto videret, consulto se vitaturum hanc, & similes quæstiones est præfatus: isti non abstinere, quanquam ipsa & absurditate sui & argumentis nominalium iam est eò deducta, ut si apertius velint utique eloqui, appareat eos idem sentire. Hinc de compositione generis, & differentię, ad constitutionem speciei.

Quo

Quomodo sudatur cum velint genus esse pro materia, differentiam pro forma: ideo ponunt compositionem physicam, & metaphysicam, ut hæc constata sit ex quiditate generis, & quiditate differentiarum: & alia, quæ si quis legat vir cordatus, & opinionibus antea, partibusque non infectus, facile exclamet, ô nugas accuratas? ô eruditionem imperitam? Iam in prædicamenta infarciunt quicquid tractari vel solet, vel debet in prima philosophia, de omni rerum genere. Artigerat quidem nonnulla ex his Aristoteles, sed leuiter. Gilbertus Porretanus longius mouit sex principis conscripsit. Albertus Grotus & deinceps alii, nauem in altum deduxerunt, ut nullæ iam terræ appareant, cælum vndique & vndique pontus. Prætereo quæstiones illas ridiculas, utrum res ponantur in prædicamento, an nominantur quum disertis verbis Aristoteles de vocibus loquatur: quasi vero res possint prædicari, aut nomina prædicentur, nisi res aliquas significant. An Deus collocetur in prædicamento, timent scilicet pii homines, ne infinitus finito concludatur loco. Tum ascendunt supra prædicamenta, & faciunt sex transcendentia ex Sophista Platonis malè intellectæ, ens, res, vnum, bonum, verum, aliquid. Sic possent addi sexcenta, existens, idem, vtile. Vero, & bono quis vitur, pro transcendentibus: non nego quin aliquo in sensu omni rei conueniant, ut verum ad essentiam pertineat, bonum ad finem: illud intellectus, hoc voluntatis, sed verumque in Deo: nam nos fallimur fere, & in iudicando, & in eligendo: nec minus esset transcendens vtile aut commodum, quàm bonum eadem ratione. Nec naturalia passi sunt quietæ esse, libros Aristotelis de anima in posteriora effuderunt. Ad diuina transgressi pueri in schola ludentia & nuganti de syllogismis diuinis in manus dederunt, rem arduam, & periculosa. Ibi tam confidenter distribuunt, singularizant, particularizant, complete, incomplete, quàm si de pomo aliquo esset sermo: & dum volunt rem humana ingenia superantem in pueriles formulas redigere, in multa incidunt absurda, & impia, quæ tamen consuetudo inter illos effecit leuia: ut tres esse deos, tres essentias diuinas, filium esse patrem & non esse patrem, & alia, quæ aures abhorrent audire. Loquuntur ipsi de rebus offensus piarum aurium, quæ possunt esse magis? Sed his quia soliti audire non offenduntur, iis demum permouen-

tut, quibus non assuevere: Et quum nihil sit apud ipsos ab-
 iectius, aut despicatius Grammatici nomine, ipsi plura dis-
 serunt, quæ penè sunt ex triuiiali schola, quàm ipsi Gram-
 matici. Sed omnia absurdissime conuerlis vocabulorum
 significatibus, quò illis collibitum est, vt nihil reliquerint
 integrum, facile hoc sibi vindicantes, quum corrupta Gram-
 matica & lingua tanquam sensu amisso, nemo esset, qui in-
 iuriam sentiret, aut doleret, aut per iniuriam occupata re-
 peteret. Nam quæ in libris de interpretatione tractantur,
 an non literarii sunt ludi? ostendi de nomine, de verbo, de
 negatione, affirmatione, de signis, de quantitatibus pro-
 nuntiatorum: in quibus nuperrimi dialectici non contenti
 corruptela significationum, quam à maioribus acceperant,
 quandoquidem illa iam vulgata, & protrita videbantur, ipsi
 nouam penitus linguam inuexerūt: cuiuslibet hominis qui-
 libet asinus, & asinus præter ab asinus, & asinus possibiliter
 non sunt: alter alius homo est ipsemet: cuiuslibet alterius
 hominis alius asinus estens. Quis hæc vlla in lingua intel-
 ligat? adiectis literis quandoquidem verba deerant, & ad
 melius diuinandum. In terminis, quos primos obiciunt
 pueris suam scholam ingressis, quid aliud loquuntur, quàm
 de significatione, de complexione, de incomplexione, de
 communi, & proprio, quæ sunt puerilis in Grammatica in-
 stituti. Sed de his quomodo præcipiunt? Terminos Aristot-
 eles vocat in Topicis quasi extrema enuntiati *τὰ ἀπὸ*: &
 Boethus eodem sensu nomina & verba quæ in simplici pro-
 positione prædicantur: vt in eo quod est Socrates disputat,
 Socrates & disputat termini sunt. Isti quum terminorum
 notitiam tradant pueris tanquam rerum simplicium, ex qui-
 bus conficiuntur enuntiationes dialecticæ, integra pronun-
 tiata, & longas orationes faciunt terminos: & Homeri to-
 tam quam longa est Iliadem aut Odysseam: imò Iliadem &
 Odysseam. Si quis inter vtranque adscribat *τὸ ἄνθρωπος*, vocem
 omnem volunt significare se, & suum prolatorem, & pro-
 latori similem, quin etiam scriptorem, & tabellarium, &
 pennam, & manum, & Latinam literam, & Romanos, &
 Carmentem inuentricem, & alia ridicula. Quod si circus-
 lus cenopolii sit hederaceus, significabit Virgilium, quò-
 niam hedera coronabantur poetæ: veteres item ac ruinosos
 parietes, qui hedera solent vestiri: & festina lente significa-
 bit

bit Augustum Cæsarem, quod is dicto illo solet delectari: & laurus populum Carthaginensem, quod de illo triumphans Africanus lauro est coronatus: tum locus omnis eum, quem aliquando in eo loco vel vidimus, vel audiimus fuisse: & alia ridicula absque numero. Non est hoc significare, sed admonere, & alicui aliud ex alio venire in mentem. Nec minus illa iocularia: si ex eodem atramento, quo scribitur hæc vox homo, scribatur illa buf, an buf significabit? Nam isti non contenti rebus naturalibus, ad ea quæ supra naturam sunt, imò contra naturam, se extollunt, etiam inter pueros: ut atramentum poni in duobus locis: omnes terminos creabiles creari: horam diuidi per partes proportionales minoribus huc vel illuc terminatis in qualibet parte: diuidi hoc corpus in duas partes, rursus coniungi, sed contrariis copulis quàm antea: vel in partibus paribus Socratem esse album, in imparibus nigrum: creari aliquod infinitum, & alia eiusmodi. Quasi vllus sit horum vltus in dialectica, & communi vita, nec illorum quidem quæ nunquam contingunt, antecedens esse Romæ, consequens Luteriæ: vel antecedens proferri nunc, consequens cras. Quorsum hæc? Si assecuti peritiam necessariam in his animi gratia, tanquam tesseriis luderent, fortassis essent ferendi, sed homines imperitos, relictis veris, solidis & seriis, huc se conferre quis ferat? hoc cene est instrumentum seriarum disciplinarum plusquam pueriles lusiones? Sed de significando, quis melius potest, aut debet præcipere, quàm Grammaticus, aut certè populus, quem penes arbitrium est, & ius, & norma loquendi? Iam in terminis connotatiuis al- Termini-
bum significat rem & alborem: certè non magis quàm ho- nus con-
mo animam vel animal, vel rationale: neque enim quod ali- nota -
quid sit in alterius diffinitione, ab eo significatur: & de hoc tiuus,
termini genere, dant regulam: Quando terminus sumitur pro aliqua re, & definit sumi pro illa, si non est propter defectum rei, hoc est, propter defectum connotationis.
Quid ergo risibile, quid rationale? At inquit non recurrit formula: atqui oportebat eam recurrere, quæ traderetur pueris, ne fallerentur: tum quod ad cognitionem connotatiuorum parabatur. Sed esto ita. Quid nomina propria, quæ omnia possunt tolli, & imponi alia? Nec satis est quod Paulus Venetus dicit Socrates dupliciter accipi pro illo homi-

ne, aut pro hoc composito vocatus Socrates, hoc mutari posse, illud non posse. Idem dicat de vocibus mundi omnibus: loquor de scriptis, & quæ proferuntur: nam in mente imagines sunt rerum sine nominibus. Et tamen ex iis quæ sunt illhic, de termino complexo, & incomplexo definiunt, quod est imperitum: nam mens nostra compositas voces simpliciter sæpe intelligit, & simplices compositæ, vt audita hac, Troianorum acerbus terror Achillem solum nonnunquã intelligit, interdum quum Achillem audit, de terrore, & Troianis & scruitia iuuenis cogitat. Quid quod quæ vox est in vna lingua simplex, in altera est composita, vt Latine paterfamilias Græcè *οἰκοδωμῆτης*. Latine tribunus militum, Græcè *χιλίαρχος*. Latine tribunus plebis, Græcè *δῆμαρχος*. Et in eadem sæpe lingua: vt idem sunt dictator, & magister populi: Idem Censor, & magister morum. Quid quod Gregorius Ariminensis nullam catheticam pronuntiationem compositam vult esse in mente. Vtique non facile dictum est, quid cogitatus noster simpliciter sibi fingat, quid coniunctim, & complexè, adeò est liber, etsi hic ad hunc modum intelligit, ille multò secus, vt præcipi hac de re ex mente & intelligentia nullo modo possit. Ex istis cõficiunt dialecticæ enuntiationes, quæ constant subiecto & prædicato, sed eo ordine, vt non sit periculosius hunc vniuersi ordinẽ perturbare. Subiectum necesse est esse prius prædicato: omnis homo est animal rectè, animal omnis est homo, perturbata omnia, & confusa. An non hic est in prima forma syllogismus: omne animal est corporeum, animal est homo omnis, ergo omnis homo est corporeus: ergo animal tam prædicatur in assumptione, quàm in propositione subiicitur. Animal omnis homo est, rò omnis non est pars prædicati, animal est omnis homo pars est, verificari vt de nullo possit: neque enim inuenietur de quo verè dicatur, hoc est omnis homo. Quæ ego quid communi vsu & scriptoribus Latinae linguæ omnibus reprobem? ipso Aristotele confutabuntur. Is enim in libro Perihermenias istis pronuntiationis vtitur, est iustus homo, non est iustus homo: an non ibi iustus de homine prædicatur: atqui hoc ipse dicit disertis verbis, vt in hac eiusdem, est homo: Quid homo prædicatur nec iam vbi ait valet omnis homo, nõ valet omnis homo, est ne omnis pars prædicati? Sed isti nec Aristotelem quem tantum

tum habent in ore, nec vllum bonum, & magnum auctorem legunt, vel intelligunt: nec est opus auctoribus, aut libris ad ea, quæ agunt. Verba omnia adiectiua volunt resolui in substantiuum verbum, & participium: vt, ambulat, est ambulans, alioqui non esse satis perfectam, & satis explicatam enunciationem. Aristoteles, inquit, idem esse si quis dicat: Socrates disputat, & Socrates est disputans: an quia nihil sensu distant, protinus quicquid est in vna prædicatum, erit etiam in altera? neque enim hæc differunt, homo disputat, & animal rationale disputat: non tamen idem est subiectum. Quid quod ad resoluendum non tantam habemus participiorum copiam, quantam Græci, qui habent participia præteriti, & aoristorum in voce actiua, & præsentis, ac futurorum in passiua: vt hæc difficile possit à Latinis explicari, Socrates diligitur, aut laudatur, à Græcis facillimè. Quid quod non semper idem reddit participium quod verbum, præsertim in iis verbis, quæ non præsentem actionem, sed consuetudinem significant? Longe sunt diuersa, pingit, & est pingens: amat, docet, & est amans, est docens, quæ de dormiente bene dicantur in verbo ad hunc modum: hic docte pingit, hic amat illam, hic docet filios meos: non item in participio, quod præsentem actionem notat. Adde quod multæ sunt propriæ locutiones per verbum, quæ non sunt per participium, vt Socrates confidit, & est confidens: rubet, & est rubens: paller, & est pallens: pluit, & est pluens, licet, est licens. Sed in hoc non immorabor: nam inter ipsos sophistas parum conuenit aliis dicentibus verba adiectiua esse imcomplexa, cuius est sententiæ Petrus Mantuanus, in qua videtur Aristotelem & Boëthium habere auctores, aliis asserentibus ea esse complexa, nec dici verba dialectica. Sed ea disputatio & controuersia nec rebus, nec rationi loquendi officit. Illud magis & sermonem, & intelligentiam omnium lædit, quod prædicatum volunt astringere subiectum in his, ac eiusmodi: homo est pictus, homo est mortuus, in quibus de analogo prædicatur significatio ignobilior: vt hæc sit vera propositio, quod ablit, omnis homo est mortuus, & hæc, omnis homo est pictus. fortasse illis qui sedebant in specu Platonis, omnis homo erat umbra, nobis non item, nisi forte iidem isti, qui hæc somniant. Quid quum subiectum restringit prædicatum, vt in hac, Socrates albus: vt hæc sit vera, tan-

tum Socrates est albus : nam volunt esse sensum, solus Socrates est Socrates albus. Quod à Paulo Veneto allatum, ceteri magno applausu exceperunt, tanquam illhic Socrates substantivum sit illius adiectivi albi, & non potius homo. Quod si ita sit, nulla harum non erit vera, tantum Socrates est philosophus, Solus Socrates est Athenientis, solus Socrates habet patrem. Eadem lege factæ sunt hæ veræ: Socrates videt omne astrum, quum vnum tantum videt. Socrates possidet omnem alinum, qui vnum habet. Si sic lubet explicare, dicam & hanc esse veram. homo est alinus : nam sic interpretabor, homo est asini possessor. Respōdebunt mihi neminem sic vti illo pronuntiato. At ostendant ipsi quis ad eum modum vtatur illo tuo præter ipsos? Sed de hoc post paululum, nunc pergam alias addere.

De forma & forma Nec in minores angustias deducta sunt illa de forma, & forma
acceptio- forma acceptionis terminorum. A veteribus perplexæ sunt
nis termi prodita, sicut à Petro Mantuano, & ab Strodo, cuius diffi-
norum. nitionem consequentiæ formalis tres expositores Sermo-
neta, Ferabrich, & Thienensis nequiverunt satis declarare. Recentiores formam sic constituunt, vt sit eadem qualitas enuntiatorum, eadem quantitas, synonymitas terminorum, similis acceptio terminorum, vt nullus sit iam syllogismus bonus de forma, nulla oppositio, nulla conclusio, nisi in angustias sermonis illorum, & in illas loquendi absurditates redacta. Cicero sic colligit: Omne gaudere bonis animi beatum est, omnis sapiens iis bonis animi gaudet, omnes ergo sapientes beati. Instari enim potest sic: omne gaudere bonis animi beatum est, omnis stultus suauibus bonis animi gaudet, suauibus posito pro iis. Neque hic esset bonus: omnis homo legit. Socrates est vnus ex hominibus, ergo legit: nam in assumptione hæc est instantia, bucephalus est alinus hominis. Et Quintilianus libro secundo: Omnis ars habet aliquam materiam, Rhetorica nullam habet propriam materiam, non ergo est ars. Instatur: omnis homo habet equum aliquem. Socrates non habet equum albu, nõ ergo homo. In omni re sunt nimii: interdum volunt referri omnia ad animum, & modum concipiendi: cogitatione interdum in nudis vocibus sistunt sine intelligentia. Spectandum est in verbis omnibus quid mens soleat communiter intelligere. Iam quales cōsequutiones faciunt: homo est alinus, ergo baculus

culus stat in angulo. Socrates ambulat, ergo Deus est bonus: ad impossibile sequitur quodlibet, sicut necessariū ad quodlibet: quasi verò non ratio connexionis potissimum spectari debeat, ut in disiunctis, ego curro vel Deus est. In modalibus alias faciunt de sensu composito, alias de sensu diuiso: nō tam improbo rem, quā eorum in verbis definitionem: ut quum in medio est modus esse de sensu diuiso: Socrates necessario currit: quum initio vel fine, de sensu composito: Socratem currere est necesse. Aristoteles has duas ponit eodem loco, & sensu: quod est esse quum est, & quod non est non esse, quum non est, necessum est: & hanc, omne quod est necessario est quum est: nam τὸ ἀνάρκον in priore illa postponitur, in posteriore ponitur in medio. Et in primo elenchorum hanc vocat amphibolā: τὸ δύνασθαι καὶ ἡμῶν βαδίζειν, posse sedentem ambulare, & ait posse esse sensus diuisi, & compositi. Quid quod fecerunt alias modales, nempe verum, falsum, scitum, tum opinatum: ut Buridanus & alii: in quibus etiam de sensu diuiso, & composito: quod quomodo possit fieri nulla mens capit, ut Socrate scitum est disputare. Coniunctę categoricę, quas hypotheticas vulgò nominant, quū sint innumerę, nempe quot cōiunctiones, quot etiam aduerbiorum, non pauca reduxerūt antiqui inter eos ad tres species. Alii paulo plures addiderunt. Paulus Venetus, quē Dullardus, & vulgò eorum scholę in hoc, sicut in multis aliis, sequitur, hanc fecit distinctionem, ut quę coniunctiones cōiungunt enuntiationes per se intelligibiles, hoc est de indicatiuo, efficiant hypotheticas: Quę verò de aliis modis, nō item. Ideo has cōiunctiones licet, quamuis, etsi, quanquam, non facere hypotheticas. Quia rectē dicitur, licet Socrates currat, Socrates tamen non mouetur: non rectē autem, nec Latine, licet Socrates currit. An non hæc sunt ad risum mouendum aptissima? Primum has, & similes, si asinus volaret, asinus haberet alas, non negant esse hypotheticas. Deinde quid prohibet, quo minus bene & Latine dicatur, licet Socrates currit, etsi quanquam Socrates currit. Isti sunt qui in formulam redigunt Latinum sermonem, cuius umbram nunquam viderunt: sicut Mantuanus, qui ait ab hypothetica temporali ad quamlibet sui partem valere consequentiam, ut a cōiunctiua: ut hæc sit bona cōclusio, Tu moueris, cum curris, ergo tu curris, & tu moueris. Tum hæc: Aestas

est cum sol est in Cancro, ergo æstas est, & sol est in Cancro. Sunt enuntiationes quædam categoricæ de condictionato extremo, ut vocant: Socrates si est homo currit: Do tibi lapidem si est auis, & do tibi auem, si est lapis, ut hæc sit vera: Do tibi animal, si est homo, quum do adamantem: quæ sunt profecto aptiora ad ludendum, quàm ad loquendum: qualia sunt, quum in libris eorum aliis infinita: nam quis posset percensere omnia, non facilius quàm harenas Lybiæ: tum potissimum in iis, quæ vocant parua logicalia, omnia ex linguæ ignoratione excogitata: de quo pauca prius loquar, non tam disputandi, aut cõvincendi gratia, quàm docendi: nam ea est res, quæ si expolita fuerit, nec ipsos eosdem arbitror repugnatorios, qui sunt commenti. Quippe eius rei adhuc retinent semina quædam, sed degenerantia. itaque si vera, & meliora ostendantur, facile agnoscant & accedant. In hac rerum natura artes sunt ab hominibus cura, labore, meditatione, industria observatæ, ac excusæ. nulla earum sibi facit nouam materiam, sed in facta iam, & parata operatur: & aliæ circa res versantur, aliæ circa verba, quæ sunt Grammatica, Dialectica, Rhetorica: nulli istorum vel mutare populi sermonem, vel nouum licet fingere, sed in recepto quæ sui sunt muneris, defungi. Grammaticus rationem, & verborum simplicium, & aptæ compositionis inquirat. Dialecticus quæ faciunt sensus veros, quæ falsos: loquor ex recepta opinione quæ consequantur, quæ repugnent. Rhetor quæ pulchra, ornata, insignia, quæ cum dulcedine in animos blande instillentur, quæ aspera & dura. Si Grammaticus nouum aliquod, & inusitatum afferat vocabulum, aut doceat pueros suos aliter loqui, quàm populus loquatur, nimirum explodetur ut barbarus. Si rhetor dicturus noua sibi fingat schemata, & non illaumat de medio, stultitiam, & absurditatem hominis omnes explodent. Quid si dialecticus verum & falsum scrutatur, fictis suo arbitrato sensis verborum, relictis illis vulgaribus & receptis, planè dicent omnes, quibus lingua erit nota, non nostri sermonis verum inquiris, sed tuorum somniorum. Si tu in his verbis & hoc cõmuni sensu aliqua obseruas, audiam te docentem: sin fingis tibi linguam, ac voces, tibi, & tuis paras dialecticen, cuius nullus sit vsus, cum nemo sic loquatur, ac ne tu quidem, & tui: hoc adeò verum est, ut nec Aristoteles, nec

Boëthius,

Boëthius, nec ipsi idem, quibus hæc nescio quis Deus misit in mentem, ad præscriptum suorum canonum possint vera loqui. Aristoteles ac veteres omnes Græci vsum Græcæ linguæ sunt secuti: Cicero, & Latini Latinæ. Infinita sunt quæ ex communi vso affirmat Aristoteles in prædicamentis, in metaphysicis, in Topicis, denique vbicunq; de sensu verborum agitur. Et recentiores isti nō ignorant dialecticā suam præcepta esse in cōmuni lingua observata: ideo enim multa probant per communem modum intelligendi, & adtuendas eas enuntiationes quæ vulgo habētur pro veris: tot regulas illis prioribus interserunt, vt de suppositione accommoda, & personali, de tempore pertrāscto, de distributione, pro singulis generum, pro generibus singulorum, & eiusmodi haud penitus ignari obseruationē esse linguæ dialecticam. Quod si meliorem nouissent linguam, vtiq; ad eam accommodassent canones, sed de ea loquebātur, quam illi non solū optimam esse autumabant, sed solam, quum aliā ne de facie quidem vnquam vidissent. Nam quod dicunt quidem, ego sic mente cōcipio: hoc vero nihil ad dialecticam, quæ est de sermone: neq; enim quum dico homo est ceruleus, spectare debeo quid intelligat indoctus, qui ceruleum capiat pro cerco, sed quid in Latina lingua signet. Vera, & falsa, & contraria, & consequentia, inquit Cicero, sua sponte, non aliena iudicantur: de quo fuse disputaui in epistola ad Ioannē Fortem. Putabam olim, quum inciperent hæc mihi displicere, magnū me negotium habiturum istis confutandis contra homines pertinaces, distinctionibus armatos, disputando inuictos, & qui numero valerent. Sed hoc tempore renato sermone Latino, & vel pueris iam proprietatem linguæ Latinæ intelligentibus, facilius erit eorum confutatio, quæ ex præuē cognita lingua fuerunt corrupta: dicunt vsum populo concedentes scientiam nobis reseruamus: & duos faciunt sensus, bonum, & rigorem. Quid est rigor aliud ad eorum sensum, quàm exacta quædam loquendi ratio? At eam ex quibus petemus, nisi ex iis qui exactissimē quanque linguam tenent, non ex iis, qui sunt eius inscientissimi? In Latina ex Cicerone, Plinio, Seneca, Varrone, non Petro Hispano, aut Guilielmo Hentisbari. Boëthius, Apuleius, Capella, in suis dialecticis dicta Ciceronis adducunt pro testimonio, nempe Latini homines hominis Latinissimi quique absolute linguam

Parua lo
gicalia.

illam norat, & rigorem hunc poterat, adiuuare. Græci Demosthenis, Isocratis, Homeri, Euripidis, Sophoclis: de quo alio loco à me differetur: nos etiam magnorum authorum vtemur dictis: nam vnde nisi ab illis, requirenda est linguæ proprietates? Ex illa imperitia sermonis natæ sunt nobis suppositiones, ascensus, descensus, ampliaciones, restrictiones, appellationes, exponibilia, ad quæ si lingua esset aptanda, nō solum obmutescendum esset, sed aliquid esset verum in scriptoribus: vt interdum mirer, quomodo hæc eis venerunt in mentem, tam ab omni ratione, & loquendi, & sentiendi abhorrentia. In suppositione sunt discreta, determinata, confusa, distributiva: sunt termini certi, qui illas faciunt, certo loco, & ordine: omnis homo est animal, vera est, & animal confuse supponit: animal est quivis homo falsa, determinatè enim: caput omnis homo habet falsa, omnis homo habet caput vera: equus requiritur ad equitandum falsa: ad equitandum equus requiritur item falsa: ad equitandum requiritur equus vera. Cicero dicit in Oratore acumen dialecticorum requirendū est, & in finibus quoniam aliquid omnes. Quid Lucius, & Quintilianus? est aliquid in omni materia naturaliter primum. Et in sacris literis: pauperes semper habebitis vobiscū: sunt hæc falsæ: quis aliter loquitur? nec ipsi iidē, etiam cū de his præcipiunt. Iam vsum negationis, qui varius est apud Græcos, & Latinos, & vnamquaq; linguam, & patet latissimè, si quis conetur ad cæteras formas redigere, peribit sermonis vniuersa vis, & gratia. Nemo est ex aliqua parte non felix. Quid istud est, ex nulla parte? & dicunt quod mobilitat immobilitatū immobilitat mobilitatum, vt se negationes impedian: & negatio cadens super signū vniuersale. In omni lingua duæ negationes fortius negāt, præterquam in Latina. Demosthenes quatuor posuit pro vna. In nostra etiā sæpenumero non plus efficiunt duæ, quàm vna: vt, non possum ne dormire quidem. Cicero: Nolo ne hæc quidem humana ignoret. Idem sunt: non reueretur neque deos, neque homines: neque deos neque homines reueretur: non veretur homines, nō deos: non timet homines aut deos: non metuit hominēsvē deōsvē: ne scribere quidem nōuit, non nōuit ne scribere quidem. Aristoteles expressè ait non esse hanc vniuersalem: non est homo pulcher: nec idem esse, non est homo pulcher, & nullus homo est pulcher. In ascen-

su

su magna controuersia in ponendo constantia. Quidam re-
 centiorum repudiato vetere more, ita eam ponunt, vt ipsa
 enuntiatio, ad quam ascenditur, luce sit clarior præ constan-
 tia. Sed quomocunque ponatur, nullus est eius vsus, ne-
 que vnquam aliquis sic colligit, ne ludens quidem: multò
 aliter utebatur Socrates suis ἐρωγῶντες. Iam descendant
 mihi sub hac, quæ est apud Ciceronem in Academicis quæ-
 stionibus, iudicium Protagoræ est, qui putat id cuique ve-
 rum esse, quod cuique videatur: vel illa in secun. Philip. Ita
 cuique eueniat vt de republica quisque mereatur: an erit ita
 Antonio eue niat, ita Fabio, vt de republica quisque merea-
 tur. quid absurdius? In ampliationibus, & restrictionibus
 illa sunt prodigiosa meretrix erit virgo: artocrex deuorata
 & egesta sunt edenda: puer anniculus fuit centum anno-
 rum. In appellationibus non vidi papam, & papam vidi: con-
 sulem cæcidi, & non cæcidi consulem. Ergo omnes istæ ad
 eorum normam sunt falsa. L. Cæsar genuit Cæsarem di-
 ctatorem. Iesse genuit David regem ex ea quæ fuit Uriæ. Ca-
 ieta nutrit regem Lauinii: hæc mulier nupsit magno illi
 pictori Apelli, si antequam ad summum peruenisset artis,
 nupsit. Hoc opus scriptum est à patre Catonis si scripsit
 antequam Catonem gigneret, & alia quæ sunt in ore o-
 mnium infinita. Exponibilia fecerunt, tantum, præter, in-
 quantum, immediate, incipit, desinit. Tum comparatiua, to-
 tus, semper, ab æterno, infinitum. Cur non plura? quasi vero
 non penè verba omnia, & aduerbia possent etiam cum cauil-
 lis exponi aptis disputantium circulis: vt currit, quis motus
 necessarius sit ad currendum? cantat, quàm alta vox ad cantā-
 dum? plorat quis animi motus, quæ vox, qui gestus ad plorā-
 dum? ridet, quis oris rictus ad risum? solet, cōsuevit, quot a-
 ctus ad habitum, aut ad consuetudinem, quāta intermissio?
 & sicut incidit, ac desinit, cur non etiam aggreditur, expedit
 se, delassatur, cessat? Iam cum adduntur aduerbia, celeriter,
 benè, malè, tardè, penè, ferè, quasi, etsi. Quasi iam exponunt
 maior pars, vt si sint hic Romani mille quingenti, & vnus
 discesserit, verum sit quasi nemo Romanus hic remansit,
 putant agi de numero sententiarum in foro aut curia. Sed
 videamus ea quæ tradunt: tantum animal est homo, tantum
 coloratum est album: Sola animalia sunt homines. Quis
 hæc intelligat? bene additur inferiori exclusio. Quippe est ex-
 clusio

clusio velut quædam restrictio, quæ sit à minore atque ampliore, ad lumen æquo, sed sic, ut pro maiori positum appareat: tantum homo ridet: Soli Romani sunt liberi: superiori additum nullum facit sensum, & propè contrarium solet intelligi, ut: tantum liberi sunt Romani, quasi soli Romani sint liberi: & tantum animal est homo, quasi solus homo sit animal. Plinius libro septimo: Præter fœminam pauca animalia nouerunt coitum post conceptum: quomodo hic sit exceptio: horum verborum, incipit, & desinit, si loquendum sit ad canones istorum, nullus esse potest vsus. Quis poterit tenere minutias illorum instantium: quum in prandio sumo secundam buccam, aut etiam quum primam habeo inter dentes, non possum dicere incipio prandere, quod infinita vis instantium præterfluxerit: nec quum mando postremam, desino prandere. Quum libri secundam literam scribo non incipio librum scribere, quum antepenultimam, non desino. Quid ergo potest incipere aut desinere? Plinius apud Græcos inquit de nit nugari Diodorus: non possunt inueniri exponentes: reicienda est tanquam parum dialectica. Quæro cur homines nominales, qui negant esse in rerum natura instantia, Scotum, & reales sint in hoc secuti de instantibus exponentes immediate, incipit & desinit? An non videtis quæri, & materiam lusui aptiorem? Comparatiua, & superlatiua dicunt distribuere terminos sequentes, ut non idem sit, Socrates est Troianis doctior, & omnibus Troianis doctior: quia sunt duo signa mobilitantia. Socrates est Græcorum doctissimus, & omnium Græcorum doctissimus. Quid ego his & similibus refellendis nugis ludam operam, quam illi ipsi usurpandis, quæ sunt pueris ad derisum cognita? Illud acutum, quod ex huius exponentibus Socrates est Græcorum sapientissimus, vnam faciunt quidam omnes Græci sunt sapientes. Cur non has exponunt multò doctior, paulò, aliquanto, non multò, non paulò quæ magis expositione egent? Socrates à Græcis differt vera, differt à Græcis falsa, quia distribuitur. Et quemadmodum hanc, uterque homo disputat explicant aliquorum duorum hominum quilibet: ita hanc alter homo disputat, omnium duorum aliquis. Quis vnquam talem excogitasset sensum, qui Latinam linguam audiuisset? Tum signum collectiuum cum suo termino facere terminum communem, & propo-

sitionem indefinitam, & posse vniuersalizari, & fieri collectiuam. Capiamus ergo hanc omnes Apostoli Dei possibilibus sunt duodecim: fiat rursus collectiua omnes omnes Apostoli Dei, rursus distributiua omnes omnes omnes Apostoli Dei: quo quid est absurdius? Et hanc concedunt, omnes duo Apostoli Dei sunt duodecim. Similiter omnes Apostoli Christi non sunt boni, vel sunt non boni, veram esse volunt, quia Iudas fuerit malus: cui Aristoteles refragatur disertis verbis in libro Elenchorū, negans posse dici non bona ea, quorum aliquod vnum non sit bonum. Addunt obligationes, quas alii Theses vocant: quati verò hæc essent formularum artis, & non potius exercitatio, & vsus artis quo quisque nihil concedat repugnans, aut neget quod consequatur. Tum etiam insolubilia, quum in se reflectuntur enuntiationes: hæc propositio est falsa, omnis propositio vniuersalis significat aliter esse quàm est, omnis consequentia in Darii est mala, hæc est consequentia in Darii, mala ergo. Sed illas omnes, & similes de aliis oportet loqui, nõ de se. Si quis dicat ego mētor, cōtinuò rogabūt omnes quid dixerit, in quo sit mētus. hæc pronuntiatio est falsa: quærent quænam, si pergat dicere hæc ipsa respondebunt id nec verum esse nec falsum: idcirco non defuerunt inter eos quidā, vt Petrus Mātuanus, & Andreas Limosus popularis meus qui negarent propositionem posse ostendere seipsam multum aliis frementibus, quod tanta materia disputationibus detraheretur. Itaque calumnia eos impetuerunt, quo id dicerent subterfugientes argumentorū laqueos, & pugnam ignauè detrectantes. Sed sit finis, quum illi finem nullum faciant, nam in infinitum sunt egressi, quum in omni dialectica, tum potissimum in his paruis logicalibus, quem septimum tractatum nominant extra Logicam vtrunque nouam, & veterem, quod nihil esset de his traditum à prioribus: quæ res in causa fuit tantopere corrumpendi hanc partem, quod ipsi nulli melius sentienti innixi, toti essent sui confinxerunt omnia pro captu illo suo, & linguæ, & bonarum rerum omnium expertes. Atq; hoc loco, inque reliqua omni Dialectica quum ignorarent quænam essent sua, quæ aliena, & in omnes ferè artes impetum indoctè fecissent, detinuerunt auditorem diutissimè, tradendis tam multis præter rem naturalibus, supernaturalibus, diuinis, grammaticis

cis, quæ ut erant perplexa, & confusa omnia, ita fuerunt per maiores ambages circuducenda. Mirandum est, quum Dialecticam fateantur esse instrumentum aliarum artium: huic Lutetiae duos annos impendi, cæteræ autem philosophiæ, & de natura, & de moribus, & primæ philosophiæ, vix annū. Quid quod quidam etiam de hoc anno aliquid Dialecticæ decidunt. Multi tota vita etiam longissima nihil sunt aliud quam dialectici. Ea mora plurima sua fit inducere alienissimam à re, & deprauatissima. Idque vsu venit eis, quod est apud Ciceronem de philosophiæ studiis, persona L. Crassi in tertio de Oratore, ista discuntur, inquit, facile, si & tantum summas quantum opus sit, & habeas qui docere fideliter possit & scias etiā ipse discere: sed si tota vita nihil velis aliud agere, ipsa traditio, & quæstio quotidie ex se gignit aliquid, quod cum delidiosa delectatione vestiges: ita fit ut agitatione rerum sit infinita cognitio, facilis vsus doctrinam confirmet, mediocris opera tribuatur memoria studiūq; permaneat, libet autem semper discere, ut si velim ego talis optimè ludere, aut pilæ studio teneam, etiam fortasse si assequi non possum. At alii quia præclare faciunt, vehementius quam causa postulat, delectantur, ut Titius pila, Brulla talis. Quare nihil est quod quisquam magnitudine artium, ex eo quod senes discunt, pertimescat: nanque aut senes ad eas acceperunt, aut vsq; ad senectutem in studiis detinentur, aut sunt tardissimi. Res quidem sic se mea sententia habet, ut nisi quod quisque cito potuerit, nunquam omnino possit perdiscere. Sic Cicero. Et quia statim altercandum erat, & semper altercandum, quæ sita sunt spinosa quædam apta disputationibus, quæ materiam suppeditarent rixis, & diutissime proferrent altercationem etiam in tradendis præceptis artis: nihil semel dicunt, ne adimant sibi argumentandi, & in contrarium dicendi occasionem. Sed si quam diffinitionem, aut formulam tradunt, primum consulè & ruditer proponunt, postea paulatim, velut cogentibus ad id argumentationunculis, expoliunt, & crebris tibia cinibus fulciunt, ut denique per longissimos verborum circumactūs sit perfecta: & quærentur postea de prolixitate eorum, qui ex cultius scribunt, quum ipsi dum vndique ansas argumentorum venantur, id multis paginis vix explicent, quod exponi paucissimis verbis potuisset. Iam verone decisset velut bello huic com-

eatus, de omnibus inquisierunt etiam reconditis, & alie-
 s, & puerilibus, & absurdis, & de iis quæ capere non potest
 mana mens: quum tamen Aristotelis sit in primo Topi-
 rum sententia, neminem sanæ mentis propositurum,
 od ab omnibus vel reprobaturum sit, vel comprobaturum, vel
 am plurimis: hæc enim dubitationem nullam habent,
 m quæstio dialectica, est quæstio probabilis, non para-
 oxa: nec contenti iis, quæ natura ingenii humani assequi,
 definire poterat, ad viuum voluerunt omnia resecare, ad-
 cti dulcedine disputandi. Et quemadmodum qui pruri-
 s titillatione acti nimium scabentes sanguinem eliciunt
 dolor succedit in locum suauitatis: & mali chirurgi dum
 orbidum nimis resecant, sanum quoque attingunt: ita isti
 m nimium scalpunt veritatem, amittunt, & in falsum inci-
 nt, quod profert se maiore aliqua verisimilitudine, quàm
 rum ipsum: vt interdum orichalcum magis exprimit co-
 rem auri, quàm aurum ipsum: & qui simulat, quàm qui
 it simpliciter, propius ad imaginem veri accedit, etsi lon-
 us à vero ipso. Hinc est acutus ille Mimi versiculus: Ni-
 ium altercando veritas amittitur. Ad populum vero spe-
 atorem, & interdum etiam, si diis placet, altercationum
 bitrum quæsitæ ludicra tanquam in fabula, ac ipso sono
 andia, & vasta, vt pullata turba admiraretur, quæ non ca-
 ret, ipsique magni essent vulgi existimatione. Inde arro-
 ntia quod aliquid sibi esse viderentur, quia populo stulto
 dici videbatur: nam bellaces homines pulcherrimum cen-
 bant esse titulum inuicti vt principes: hinc sophistæ no-
 en sunt amplexi, quum alioqui sophistam diffinirent non
 istentem, sed apparentem. Quidam se horribilem sophi-
 am cognominabat Lutetiæ, non minorem eam appella-
 onem ratus, quàm Africani, aut Asiatici: Intrauit palam, &
 agno agmine ostentatio, atque ex ea pertinacia non ce-
 ndi melius dicenti, ne victus hoc coactusque vi argumen-
 videatur facere: & ex pertinacia tuendi quicquid suscep-
 nt conuicti, & prostrati, ad rem maximè absurdam confu-
 ebant, quæ illos in præsens periculo eximeret: mox
 berati honorem illi habebant, tanquam seruatrici, &
 gnitatem attribuebant placiti, ita ex euasione transi-
 it in dogma. Accendebantur leues homines gloriæ cu-
 dine, quum se quisque authorem haberi vellet noui inuen-
 ti, quæ

Sophista.

ti, quæ confirmavit consensus sequacium, quod erat factu
 facillimū, quum ad eam rem nec literis, nec libris esset opus,
 tantum inuicta contentione, si sibi in respondendo consta-
 ret, nec admitteret repugnantia: verè erant placita, nam pro-
 ratione nihil afferebatur aliud, nisi sic placet, sic videtur, im-
 pugna ipse, ego consequenter tuebor. Nam quum Aristote-
 les quinque metarum genera posuerit, in quibus sistit dispu-
 tatio, ubi ad aliquid illarum est peruentum, isti nihil est tam
 nugax, aut opinabile, aut contrarium magnis viris aut abur-
 dum, & anile, quod metam censeant: sola contradictio est
 meta, & ea vna efficit vt reiciatur dogma ad alia quantum-
 cunque absona, & stulta: vnicum dant responsum, concedo.
 nam sequitur ex mea conclusione: imò ipsi iidem posito do-
 gmate statim vltro inferebant paradoxa quædam, ad quæ o-
 mnia illa erat clausula: hæc omnia sunt concedenda, quæ se-
 quuntur ex opinione mea. Ita Dialectica fuit quicquid cus-
 tus aliquando, quomodo cunque venisset in mentem. Qualia
 vero essent illa placita præter ea quæ attingi, quæ tamen sola
 attingi maxime inter eos vulgaria, & receptissima: de peculia-
 ribus, quorum nullus est modus. Hinc potest intelligi, quod
 ad ea afferenda veniebant pueri sine lingua, sine libris, sine
 eruditione, instructi casibus tanquam quæstionibus hariol-
 landi, quas pueri vnius noctis meditatione sexcentas ci-
 tius excogitant, quam viri graues sexcentis annis vnā. O-
 mne a possibiliter est a, & tamen nullum b, possibiliter est
 a: & eiusmodi. Hinc infinita dogmata, & totidem dialecti-
 cæ: Hæc Pauli illa Hentisbari, alia Mantuani, Scoti, Tho-
 mæ, Alberti, Ochami, Pardi, Dullardi. parcam nominibus
 viuentium, & id quidem nō in ea parte, quæ est de inuenien-
 da probabilitate, aut de iudicio argumentationis quod esset
 ferendum, sed in intelligentia, & explicatione, ac vltimo sermo-
 nis Latini, qui vnus semper est, & simplex. Et tamen quum
 talia sine eorum inuenta, mirantur nō intelligi ab aliis, quæ
 ipsi somniant: quasi omnes sint Iosephi, aut Danieles, qui
 possint illa interpretari: egressique illam suam rerum natu-
 ram, quam incolunt, mirantur se, & sua ab aliis nō agno-
 sci, & ad huiusmodi formulas exigunt dicta omnium, quæ
 quum non congruunt, indoctos eos esse iudicant, & alios
 pronuntiant, gaudentque se nō intelligi, vt Circulatores
 quod obtutum spectantiū frustrentur: maximè quoque
 scrip

scriptorum dicta examinant, quæ non congruere ad suos canones initio non tam admirantur, quàm velut indoctos, & se inferiores aspernantur. Postea tuente illos vetusta authoritate, & consensu generis humani, ipsi etiam distinctionem habeant in gratiam illorum inuentam: Verum dicunt isti in sensu, in quo fiunt propositiones, non in sensu, quem faciunt. Quo quid potest dici insanius: quasi melius sciant pueri quem sensum faciunt verba, & sententiæ Latinæ, quàm Cicero, Varro, Plinius, Seneca, Hieronymus, Ambrosius, Augustinus: aut Græcæ, quàm Demosthenes, Plato, Aristoteles, Isocrates, Gregorius, Basilus, Chrysostomus, Origenes.

Adducti sunt quidam in eam opinionem ut dicant hæc quidem hæc hactenus esse aliis artibus utilia, quod acuant ingenia discendum, & si quis hæc intelligat facile etiam alia assequetur minus difficilia, quorum neutrum est verum. Videntur esse illa ingeniosa, partim quod non intelliguntur: nam quidam ea sola habent in pretio, quæ non capiunt, alii subtilissimam oportere rem esse arbitrantur, quam ipsi non cernant. Multis perinde videntur arguta, ut lusus pueriles festiui, & argutuli. Nam ænigmata hæc non ex ingenio eruditione multa exercitato & subactis, sed ex ignorantia meliorum sunt nata, tanquam herbarum inutiles in solo inculto: necesse erat eos aliquid agere. Hæc est enim natura humanorum ingeniorum, ut quoniam igneum est, etiam hebetissimum, sed ad aliquid agendum applicet. Itaque non acunt hæc ingenium, sed cogunt sylvescere, contentiosum reddunt spinæ istæ, & morosum, non viuendum, & actuosum: in pulchris acunt quidem, & dedolant, sed ita, ut nihil supersit solidi: extenuant, minuunt, deprimunt: & in his semel fractum haud facile ad res præclaras sinunt attollere: præsertim quum hæc non modo aliena sint à veris artibus, sed etiam contraria, ut tendentibus ad altiores, ac veras disciplinas, tanta sint hæc cura dediscenda, ne profectum impendant, quanta fuerant accepta: quum tamen instrumentum aliarum sit artium, ad quod deprauatum torquent alia, & post tam diuturnos clamores in scholis adeo se pugnando exercitados esse rentur, ut iactent se argumentis posse vertere candida in nigrum, & ex homine facere asinum, quod longissime abest à vero. Nam istorum lingua aut intelligitur, aut non. Si intelligitur, lanista in lanistam dimicat, & pirata in piratam, nihil est iacturæ,

etiam si antisophista mediocriter sit institutus, tanta est opinionum inter illos etiam probatarum varietas, ut hac conclusus euadere possit illhac. Ideo ad obstruendos exitus, & suffugia, multa consueverunt, ut ipsi vocant supponere.

Qui non intelligit, quæ loquuntur quomodo capietur? cogget eos apertius loqui, & communi lingua: in ea vero tam nihil valent, ut nulla sit vetula, aut cerdo de vulgi face, qui non illis vertat nigrum in candida: nec vlla tam imbecillis ratio sumpta de vita, & de medio, quæ non eos perturbet, nempe res ipsis noua atque inusitata. Laurentius Valla ag-
ca Laurē- gressus est reconcinnationem facere Dialecticæ, in qua dili-
tiii Vallæ. sentit ab Aristotele, & Peripateticis veteribus, ac nouis. Mo-
net in quibusdam neutiquam prauæ, & si ea sunt perpauca, in plerisque labitur, ut fuit vir ille vehemens, & ad faciendum iudicium præcipitatus. Nec solum in re dialectica falsus est, sed in philosophia, nam hanc quoque attingit, & quod magis mirære in præceptis Latinæ linguæ. Sed non minus illhic improbando aberrauit, quàm in elegantius, & inuectiuis. Caterum dialecticæ illius errores, qui sunt sanè multi, nos vel omitemus prorsum, vel in aliud tempus, si videbitur, reseruabimus: nam suscipere cum eo disputationem, res esset nimium prolixa, minimèq; in præsens necessaria, quod illius argumenta nec magnis rationibus nituntur, nec proinde sunt ab vilo recepta, tanquam dogmata artis huius.

LIBRI TERTII

FINIS.

IOANNIS LV-


DOVICI VIVIS DE

causis corruptarum artium

Liber Quartus, qui

est de corrupta

Rhetorica.



UMANAE omnes societates duabus potissimum rebus vinciuntur, ac continentur: iustitia, & sermone, quarum si alterutra desit, difficile sit cœtum, & congregationē vllam siue publicam, siue priuatā diutius consistere ac conservari. neque enim vel cum iniquo possit quis habitare, & contrahere vitæ commercia, siue sit

ipse optimus, siue iniquissimus, vel cū eo velit vivere, quem non intelligit. Itaque duo sunt velut clavi, quis conuentus hominum reguntur, iustitia & sermo: sed iustitia tacitas habet vires, & lentas: sermo vero præsentiores, & magis celeres: quòd altera rationis & consilii vim admonet, alter animi motus excitat. Ergo quem iustum esse arbitrantur, ab eo se homines facile patiuntur regi: qui vero plurimum potest sermone, estque ad dicendum instructissimus, hunc volunt ducem, & rectorem esse sui, & huic se totos permittunt, ratā eandem esse vim in animo dicentis, quam experiuntur esse in animi fluuio sermone. Sed non omnes congregationes quicquid volunt efficiunt. Nam in aliis vnus administrat omnia, vel certe pauci consensu, & conspiratione inter se quadam velut rōnicati, magnisque viribus & potentia suffulti, si quis imperio repugnet. Multitudo nec ad decernendum, exequendumve quæ statuerit habet vires, sed ne ad cœtus quidem, & conuentus celebrandos, quibus nihil est formidabilius paucorum potentia. Sunt aliæ congre-

Iustitia?
Sermo.

gationes, quę liberę nominantur, penes quas supremum est imperandi ius, & quodcunque imperauerint ad id exequendum vires. In illis prioribus si quis plurimum dicendo polleat, vel non auditur: neque enim finitur publicę loqui: vel etiam si dicat, & persuadeat multitudini, ea tamen & voluntatem habet metu prępeditam, & manus alligatas. In populari imperio quoniam quicquid multitudini est visum, id protinus habetur ratum, plurimum valet ad omnia vis dicendi. In istis ergo quando homines procliuitate naturę ad honores feruntur, ad opes, ad fortunas, dignitatem, potentiam, permulti studuerunt, vt optimę ad conciones ciuium dicerent: quod qui faciebant, oratores nominati sunt, & co-

Oratores rum ars oratoria: Gręcę rhetores, & rhetorica. Hoc quidem dicendi principium. Sed ornatius dicendi, & acutius inueniendi ex necessitate fluxit. Cuius originem Aristoteles Sicę origo. culis tribuit acuto hominum generi, & suapte natura faceto, atque ad dicendum parato. Apud hos enim cum crebra tyrannorum mutatione quorum nulla fuit regio feracior, possessiones, & bona adempta aliis essent, aliis donata, postea verò tyranno vel occiso vel pulso, qui exulabant, & patrimoniis erāt deuoluti, legibus & iudiciis, & equitate iuris sua repeterent, instituerunt excultius quoddam, & politius dicendi genus in forum adducere, tum acrius, & argumentosius idoneum ad persuadendum permouendūmq; iudicum mentes, & totius coronę. Hinc extitere artis huius pręceptores antiquissimi, Empedocles Pythagoricus qui mouisse aliqua circa rhetoricę scribitur, vt ait Fabius. Tum Corax & Tysias, qui ex vsu & dicendi consuetudine obseruata quędam pręcepta tradidere: hoc secutus est iam cultus & elimatus magis homo insulę eiusdem Leontinus Gorgias, à quo multi sunt Athenis docti. Ex necessitate hac recuperandi sua, ad alia quoq; experēda translatum est instrumentum: vt quemadmodum mouerant iudices, mouerent etiā animos in concione populi, senatus in curia, denique eorum omnium, qui plurimum possent in republica, & in quorum manu atque arbitrio fortuna esset omnis posita ciuitatis: idq; tantò erat efficacius, quantò is qui diceret, populum esset nactus acutum, callidum, intemperatę, concitabilem, qui facilię dicitis oratione tanquam aura quadam permoueretur, & agigaretur. Nam in bene constitutis ciuitatibus quieto & moderato,

derato, atque etiam paulò hebetiore populo etiam si libero, non tamen magnus relictus est locus facundiæ ad se iactandum, quemadmodum Cretæ, vel Lacedæmone. Athenis autem præferuida ciuitate ac mobili, & in Asiæ Græcis Colonis, qui penè fuerūt Athenis in ea loca deductæ, Rhodi quoque, & in Sicilia, postremo Romę dominatus est orator, vbi eloquētia inuenit turbas acumine ingenii præditas, inquietas, ambitiosas, & libertatis quadam aura tumefactas. Itaque Zeno ille Stoicus, qui Rhetoricen palmæ esse similem pronuntiauit, Dialecticē pugno, & aptius dixisset, Dialecticū ad subtilem doctorum examinationem argumentum colligere, Rhetorem verò ad popularē sensum applicare: nam breuius non raro colligit orator quàm dialecticus: vt quum enuntiationem vnā pro tota argumentatione ponit interdum bene longa, quemadmodum in instrumento probabilitatis est à nobis ostensum. Ergo vt erat exercitium hoc gradus ad ingentem potentiam, expetiuerunt hanc artem homines honorum cupidi, opulenti, occupati negotiis: quūque ad actionem & destinatum vsum conuerterent quicquid vel didicissent à præceptoribus, vel ipsi experimentis deprehendissent, vel inuenissent cogitationibus & incitatione mentis, non curarunt inquirere quid esset ea ars, quæ eius materia, qui limites: quàm latè pateret, quis scopus: videlicet nō eam ad scientiam aliquam excolebant, sed vt locum dignitatis in ciuitate amplissima obtinerent, opibus, & honore cumularentur, & quandam velut tyrannidem exercerent dicendi viribus tanquam satellitio circūsepti, quo & opem amicis ferrent, & inimicos fatigarent. Ergo illa omnia temere sunt ab eis definita, nempe ab occupatis, & aliò intentis. Videbant vsu quotidie venire vt de republica dicerent, de pace, de bello, de iustitia, de magnanimitate, fortitudine, opibus, fortuna, de nauigatione, de ventis, de hymbribus, de natura Oceani, de cælis, diis, hominibus, de affectibus, & opinionibus, de salubritate, de peste, de cibis: putauerunt omnia esse artis huius, quoniam nihil erat de quo non aliquando esset dicendum. Clamat Quintilianus, & indignabundus velut res suas repetit, amputata esse de rhetorica per homines desidiosos, quæ ad naturæ contemplationem quæq; ad componendos mores attinerent, & ex vno studio facta multa, tan-

quam membris vno ex corpore diuulsis ac dissipatis : fuerè qui tanto ambitu gauderent professionem suam extendi, ne rem leuem & cuius faciem aut obuiam viderentur præstare. Alii qui opes erant & p̄tentiam eloquentiæ adiumento consecuti, difficiliorem aditum & arduum magis ascensum ostenderunt, ne alii secum æquarentur dignitate, neu curarent eadem ingredi difficultate perueniēdi deterriti. Aristoteles Rhetoricen diffiniuit vim seu facultatem videndi quid in quoque sit probabile : nec facit, inquit, Rhetorice probabilia, sed videt: sicut nec facit medicus salubria, sed videt. Ita ne verò tam est de iustitia rhetoris dicere, quàm medici de pharmacis, de herbis: omnes igitur artes sunt Rhetoricæ, sicut pharmaca omnia medicinæ, imò hæc ipsa medicina Rhetoricæ pars erit; & muta illa corporum, & linearum, & numerorum inspectio, & tota ars puluere, & radio contenta Rhetoricæ fuerit pars. Quid facitis? immensum onus imponitis humeris tam teneræ puellæ, ac delicatæ? Idem imponitis dialecticæ. An rhetoricen conferruminationem quādam facitis artium & disciplinarum omnium? Quis non videt non esse rhetoris de cælo, deq; elementis dicere, de angulis, de pyramide? Quòd si illius sunt hæc omnia, cur de eis non præcipit? Quis vnquam tam ambitiosus fuit Rhetor, qui hæc ad curam suæ artis reuocaret? ne Græculi quidem, qui omnia tentarunt, & quorum innumerabilia extant tractationis huius præcepta. At qui hæc callent omnia dicunt melius: ceu verò non vnaquæque ars alia quauis adiuuetur, nec protinus pars est illius. Adminiculo est naturæ contemplationi, cognitio veteris memoriæ, num ideo historia pars est philosophiæ de natura? architectus melior, si sit philosophus: quid, ergo philosophia pars est architecturæ? Non potest esse historicus qui non sit Cosmographus, non astronomus, qui non arithmeticus, non medicus, qui non etiam physicus: artes tamen sunt separatae, & distinctæ. Hæc quum reputarent magni artis huius patroni, satis intellexerunt nō posse omnia illa tam varia, tam immensa, tam late fusa ac patentia rhetorem vnum capere ac sustinere: ideo alii geminam fecerunt rhetoricen; vnā vniuersalem, quæ res omnes complecteretur, de quibus aliquando dici possit, alterā particularem, & vsui ciuili appositam, quæ solum in rebus ciuilibus versatur. Ideo quædam de philosophia morū excerp-
pta

pta documenta in hanc artem inuexerunt, sed vt in alieno loco leuiter, & defungendi solùm gratia, Nec Aristoteles dissimulat parum exacte tradi sibi in rhetoricis, quæ de rebus mortalibus differit, sed, ad captum popularem, cui vni debet orator seruire turbis & cōcionibus natus. Cur Quintilianus qui philosophos furti arcessit tanquam iniquos possessores moralis disciplinæ, ipse nihil penè de ea re tradit? si remittunt adolescentem suum ad philosophum vt inde repetat, cur ipsi præcipiunt tam negligenter, & crassa quadam Minerua: vt appareat eos in alieno versari opere, & ad se nihil attinente? Cur tantam & tam præclaram suæ artis partem occupatam indigne ab iniquis possessoribus, & imperitia illorum contaminatam non repurgant, & suo splendori restituant? Sed certe non magis de moribus, aut de re alia quauis dicere fuerit rhetoris materia, quàm si quis scribendi profiteatur artem, materia huic fuerit pannus aut charta: bene ille quidem hæc scindet, si dentur, sed ipse non adferet quatenus scisor, ac ne si sit quidem inuoluta, aut dura, & parum scissioni apta ipse vt scisor euoluet, & molliet, & scissioni accommodabit, sed iam vt alius artifex id faciet, si quid fecerit tale. Non defuerunt qui præceptis morum in media rhetorica tradendis magis delitiis & desidæ cōsuluerint discendum, quàm quòd putarent esse artis: vt quandoquidem rhetoricam solam petebant ii qui in curia, & foro, & oculis multitudinis volebant versari, reliquas omnes artes vel non vacaret attingere, vel omnino vt ignobiles obscurasque aspernarentur, haberent in opere tituli rhetorices omnia velut delibata, de quibus esset eis aliquando in ciuitate disputandum: volebant omnes bene dicere, & citò volebant, de qua festinantia Cicero, & Marcus Fabius conqueruntur: ita illa ipsa quæ erant ab arte aliena non discerent, nisi velamento quodam rhetorices oblecta, vt quum absynthium pueris datur illitum melle. Ergo multis non licuit de arte præcipere, sed de hoc artifice, & vtili dolo ingesserunt, quæ simpliciter & aperte tradita respuissent. Sed hac de re satis.

Prætereo innumeras rhetorū opiniones, ac sentētiās: aliis De materia augmentibus materiam, aliis minuētib. Cicero varius est, Rhetorica & lubricus, & incōstās, vt serè in rebus philosophicis. Vellet Rhetorica omnia subiicere Oratori L. Crassus, M. Antonius non sinis,

Rhetorica quid sit.

quorum apud Ciceronē disputationes notissimę sunt. Nam Antonio is orator sufficit, qui verbis ad audiendum iucundis, & sententiis ad probandum accommodatis vti possit in causis forensibus atque communibus: quique sit præterea instructus voce, & actione, & lepore. Tales profecto fuerunt qui Athenis, & in Asia, & Romæ pro oratoribus habentur, celebranturque; decem illi Athenis, Tum Romæ duo illi, quos modo nominaui, & Cato, Gracchi, Galba, Sulpitius, Cotta, Hortensius, qui non instructi ac parati fuerunt à cognitione plurimarum artium, sed ingenii acumine & solertia, usu, prudentia communi, & in sermone elegantia, & cultu quodam. Iam quid sit ipsa Rhetorice ars ne, an scientia, an virtus, an vis, an instrumentum, & ut Græci dicunt *ῥητορικὴ*. Nam alii eam ita sustulerunt præclaris nuncupationibus, ut aliorum invidiæ obiecerint, qui illam etiā prauitatem quandam artis nominarunt, Græco verbo *κακοτεχνία*. Socrates in Gorgia Platonis adulatoriam, & simulatricem particulæ ciuilis facultatis. Alii vim, alii usum dixerunt, alii artem à scientia & virtute disiunctam. Quidam vero scientiam. Stoici eloquentiam dicunt virtutem, & sapientiam, & talem esse Rhetoricen: quemadmodum Quintilianus colligit, nec oratorem quidem esse posse nisi virum bonum. Quod Cato velut ex oraculo protulerit oratorem esse virum bonum dicendi peritum. In quo ira laborat & sudat, dum contendit planum facere Ciceronem ac Demosthenem, qui inter oratores primi habeantur bonos fuisse viros, ut me grauissimi viri misereat, qui res tam diuersas natura voluerit coniungere, & ex duabus inuitis & reluctantis vnā facere. Obscure quidem Cicero, sed aliquanto verius tamen in tertio de Oratore libro. De oratoria enim loquens sic inquit: Quo maior est vis, hoc est magis probitate iungenda summæque prudentia, quarum virtutum expertibus si dicendi copiam tradiderimus, non eos quidem oratores effecerimus, sed furentibus quædā arma dederimus. Sic ille: quam redit paulò post ad priorem ambitionem, & oratoriam facit esse sapientiam, nempe cogitandi pronuntiandi que rationem, vimque dicendi: & confundit quæ sunt discretissima: atque eiusdem esse artis retur bene sentire, & bene dicere, vtiliter sanè: atque vtinam id hominibus persuaderet, sed non perinde vere, quippe quæ finibus, materiis, & toto usu separ

separantur. Nam quod Cato virum bonū dicendi peritum oratorem esse pronuntiarit, miror communem atque vſitam loquendi rationem aliorum esse ab hominibus doctis detortam. Vulgari enim linguarum omnium consuetudine viri boni & nominantur, & habentur, qui nullo sunt pro-
 bro infames. Neque enim vir bonus est in proposito censendus, ad Socratis & Stoicorum formulam, & ad illam, iuxta quam de sponſione boni viri sententiam noluit ferre C. Fimbria consularis, vt est apud Marcum Tullium. Sed eo ipſo modo, quo Cato idem initio libri sui de re rustica: Et virum bonum maiores nostri quum laudabant, ita laudabant bonum agricolam, bonūque colonum: amplissime laudari existimabatur, qui ita laudabatur. An hic etiā Stoicum illum bonum virum quærent?

Iam quod exercitationis huius fructus peteretur, siue noxiis ciuibus in foro postulandis, aut tuendis innocentibus, siue in curia de eo quo de consolaretur, aut publice in concione sententiā dicendo, duo fecerunt genera causarum, iudiciale, & suatorium. Quod vero frequentes haberentur in Græciæ conuentibus panegyrici, tum dicerentur funebres laudationes eorum, qui pro patria occubuiſſent, quos illi vocant *ἐπιτάφιος*: Romæ quoque mos fuit viros primum fato functos, hinc fœminas quoque publice in funere laudari, additum est tertium, quod laudatiuum nuncupatur, & demonstratiuum, id est *ἐπιδεικτικόν*. Ita numerus visus est satis plenus, vt causarū tria essent genera, quæ modo memoravi. Hanc diuisionem Aristoteles in literas retulit, cæteri magno consensu tantum ducem sunt secuti. In quo sicut in aliis ferè artis huius non tam in rei naturam Aristoteles est intuitus, quàm vel consuetudinem explicuit, vel ea pro magistra vſus est. Siquidem facultas dicendi tanquam vniuersale quoddam instrumētum per omnia de quibus dicimus fusa est, non aliter quàm Grammatica, & Dialectica. Nec Cicero & Quintilianus tacuerunt plura esse de quibus diceretur, genera, etiam Quintilianus multa explicuit. Sed ex illorum trium præceptis putauerūt, quæ ad alia esset opus posse derivari. At qui diuersissimam habet inueniendi, disponendi, ornandi rationem. Quis non videt ad agendas gratias, ad gratulationes, ad consolationes, ad historiam, ad descriptionem, ad præceptiones longe esse alia, & inuentione, & elocu-

tione opus, quàm ad iudicia, & consultationes, & demonstraciones. Atqui illa non raro materiam suppeditant dicendi: ideo & de quibusdam horum separatim aggressus est quædam tradere Dionysius ab Halicarnasso. M. Fabio satis videbatur ratio in contrarium euincere, vt plura statuerentur genera: sed tutissimum censuit authores plures sequi, præsertim quum in eis haberet Ciceronem suum. Adde quod ex illis tribus quæstus nascebatur in ciuitate vberimus, quo factum est vt reliqua contemnerentur, tanquam sterilia, & homines in illis primis exercitati facilè si quid esset de aliis dicendum, ex suo vsu expediebant, quæ possent in vulgus cum fauore & plausu recipi, vt est in facultate hac exercitatio potior, quàm ars.

Rhetoricæ partes Iam quinque fecerunt partes artis, Inuenire, disponere, elocare partes qui, meminisse, pronuntiare: alii alia addidere, vt quidam iudicium. Principio meminisse naturæ est, quæ si arte adiuuatur non protinus est rhetoricæ, sed peritiæ cuiusdam, quam memoriam appellabant veteres, nunc vulgo memoratiuam, cuius inuentorem fuisse tradunt Simonidem vatem. Sed isti quemadmodum initio dicebam, quibus viderent indigere oratorem, ea omnia in artem hanc inuexerunt, tanquam artis partem. An non reliquæ artes omnes egent memoria Grammatica, Dialectica, Arithmetica, Iuris professio? Quid ergo vniuscuiusque artis memoria est pars? Quod si quis artifex vendicare sibi memoriæ tractationem ceu iure suo posset, is nimirum esset iuris consultus, qui maxime indiget, propter multitudinem & varietatem legum atque interpretationum. Ideo Cicero necessarium esse oratori dicit acumen dialecticorum, memoriam iurisperitorum. Pronuntiare verò ornametum est artis, non pars. Scribendo enim tueri orator potest suum munus, & maximus esse orator sine gestu, tamen non eam habebit venustatem, gratiam, vim, vt magistratus sordide aut neglectim vestitus. Porro in voce, si quæ sit eius natura spectatur, philosophi est officium: si quemadmodum exercenda, phonasci: si quomodo ea vtendum pro locis, pro temporibus, pro rebus, ciuile est educationis, vt tota gestuum & cultus ratio. Si hoc postremum vult sibi orator vendicare, sit sanè, quando nemo erit qui asserat. Quid inuenire, an huius esse artis, aut omnino vilius dicemus, de cælis, de homine, de tota natura, de moribus, de publica re, de priuata

priuata, quæ sis dicturus excogitare, atque inuenire? Quod si ita sit, quin huic nos vni cunctos tradimus, aliis omnibus valere iussis, tanquam superuacaneis? Sed hoc certe singulorum est artium in sua materia: in vita vero est iudicii, consilii, & quæ ex his nascitur, prudentiæ, quæ nulla comprehendere potest arte: ingenio, iudicio, vsu rerum, memoria paratur. Nam quid, quo loco, quo tempore, apud quos, quatenus sis dicturus, aut etiam non dicturus, hæccine sunt Rhetoricæ partes? profecto non magis quàm officia vitæ omnia, & publicæ, & priuatim: quibus tradendis nulla disciplina, nulla artis præcepta suffecerint: prudentia vbique præsto sit oportet tanquam cōsultrix, & rectrix omnium. An etiam audiendus erit nobis Cæcilius Plinius, qui ait didicisse se oratoris esse non magis loqui, quàm tacere quum est opus? Nunquid tacere quoque docet hæc ars? Quis iam non videt hos omnes prudentiæ surripuisse vnde domum suam locupletarent? Itaque cumulus ille rerum, qui quum à Latinis, tum vero à Græcis scriptoribus anxie congeritur, quid dicendum in proœmio, in narratione, argumentando, concitando animos, aut sedando, in epilogis, in suspirationibus immittendis, augendis, animaduertendis, tollendis, non sunt huius artis, ac ne vllius quidem, vsus sunt, qui in immensum abijt: vt mirandum sit Græcos homines, qui in eiusmodi mirifice solent sibi indulgere, non etiam plura de his reliquisse volumina, & quæ nulla possent lectione percurri. Quàm inepti in his sunt, qui collegerunt ratiunculas aliquot, quibus discipuli in singulis vel causarum generibus, vel rationis partibus vterentur, & dicta aliquot ex Demosthene, aut Isocrate desumpta? nam in hoc plures sunt Hermogenes, & alii Græci, quàm Latini, pro formula nobis obiciunt dicendi. Postcà vero quàm multum se, ac diu iactarunt, seque ac lectorem torserunt, nihil progressi hærent circa initia, & pueriliter sapere ac loqui iuuenem suum docent. Scilicet corruare in Tyberis aut Ilissi alueum conabantur ipsum Oceanum. Quid prodest illa coaceruare, quorum rarus, aut quod potius puto, nullus est vnquam vsus futurus? Ego abstræ in arte vniuersales canones, & dogmata ad omnem dicendi rationem apta è natura ipsa obseruata ac deducta expectabam, ac requirebam: nam ea demum artem efficiunt. Post hæc si tibi visum esset adiecisses exempla primæ exercitatio

tationis acciperem, ferrem, etiam si minuta & puerilia: pro
 formulis vero tradere exempla ipsa non est artificis, sed ex
 perti tantum. Verum hæc quemadmodum dixi, etenim dicē-
 dum est sæpius, nequis fallatur præsertim in re tanta, rheto-
 ricæ non sunt, sed iudicii, ac vsus. Idcirco exemplorum hu-
 iusmodi & plura, & accuratiora, & magis commoda docebit
 me dies vnus consuetudinis in foro, in curia, & cum pruden-
 tibus, quàm multi menses sub tali dicendi magistro consum-
 pti. Sed ratio inquirendi argumenta dialectici est. Ideo Ari-
 stoteles octo libros Topicos inter logicos posuit: de ea re
 quam tenuiter agit in rhetoricis, quàm penè nihil. Et quum
 amplificatio, quæ fit per res ex locis argumentorum petatur,
 ipsi de ea seorsum præcipiunt, vt dicas eos congerere potius
 dicendi documenta, quàm in artem quandam digerere au-
 dienti ad discendum vtilem: nimirum neque artem potuif-
 sent efficere ignari quid tradendum esset, & quatenus, quum
 de materia & finibus prauè ab initio iudicassent. Elocutio
 magis artis huius est propria: hanc verò perplexam & infini-
 tam reddidit immodica Græcorum subtilitas, & otiosa dili-
 gentia, quæ omnes loquendi formulas siue à loquentium
 consuetudine alienas, atque abhorrentes, siue protritæ cum
 primis & vulgares, tanquam schemata & orationis lumina
 adnotauit. Stylum siue characterem fecerunt triplicem,
 imum, summū, & inter duos illos interiectum mediocrem,
 idque multis verbis & exemplis, etiam vsque ab heroibus
 velut repetita origine, vt amplissimus sit Vlysses, Menelaus
 infimus, medius Nestor, nec satis verè, nec satis ad docen-
 dum accommodatè. Populum quidem facile fuerit in tres
 ordines distribuere, quia distinctio vna ex re sumitur, nèpe
 ex censu. Quòd si ex omnibus sumatur internis, corporeis,
 fortuitis, multò plures existent ordines. Eundem admodum
 in oratione virtutes, aliæ, spectantur ex electione verborū,
 aliæ ex contextu & numeris, aliæ ex figuris & schematis, aliæ
 ex argumentorum viribus & acumine, aliæ ex copia, aliæ ex
 tractatione animorum, aliæ ex grauitate sententiarum, ita
 non tria esse modo possunt genera, sed plurima, quando
 in vnoquoque horum sunt etiam plura quam tria. Cicero in
 Oratore hæc genera distinguit, sed ita vt non facile dixeris
 quid sit securus in secando, verba, an compositionem, an sen-
 tentias, an argumenta. Iam nec ad docendum hæc conduci-
 biliter

Stylus tri-
 plex.

biliter sunt excogitata: neque enim negant quin multa sint genera media, atque interiecta inter illa tria: atqui ea non minus oportebat explicari, quàm colorū genera, quæ natura inter atrum & candidum posuit, aut saporum inter dulce atque amarum, qui quidem vehementer ab extremis distant, nec facile est per extrema cognosci: aliam formam orationis infimæ epistola, aliud res rustica, aliud libri de philosophia postulant: non eodem mediocri ad virtutem, & ad perfectionem hortamur: nec similiter inuidiam & misericordiam mouemus. Fecerunt orationem velut hominem quendam, in qua essent caro, sanguis, succus, ossa, nerui, cutis, color, statura, habitudo, proportio partium, tum interna, ingenium, iudicium, vigor animi, affectus, educatio & mores: quarum rerum partes eisdem signant, quis in homine: sed obscurissime ac perturbatissime: nihil diffiniunt, ac declarant: non statuunt quid ossa, quid sanguineum vocent, quid succum, quid mores, idcirco mirifica est inter eos dissensio de his vt de eadem oratione non modo diuersa pronuntient, sed aduersa quoque: videlicet quum non constaret quid quicque appellaretur, sed temere ac ritu populari nuncuparent singula, vnusquisque hæc pro libito & captu suo vsurpauit. Illud vehementer admiror, quòd tanta atrocitate verborum versum in soluta oratione vetuerint fieri, scèdissimū id turpissimūque appellantes, nec partem quidem versus inferri sunt pasci duntaxat maiusculam. Cuius placiti sæpenumero profiteor me rationem quæsisse, necdum inuenisse vllam. Siquidem vniuersaliter prohibent, nec auditorem respiciunt, nec dicentem, nec rem de qua dicitur, nec ob quem finem dicitur, nec genus aliquod versus signant & distinguūt. Aiunt oportere cælari artem quæ prodit se si fiat versus, & ostendit in concentu & verbis occupatum esse oratorem, non in re: idcirco nec quod habeat versus numerum pasci sunt inferri, etiam si non sit versus: vt munera dare parenti. Tum ad grauitatem & opinionem veritatis cuius sermo, vt matrona quæpiam, vel puella honestissima non desyderat anxium cultum, & exquisita ornamenta. Audio. Sed multa in hæc dicto occultantur, quæ facile sit conuellere. Primum nihil possumus supra quatuor syllabas dicere, quod non in aliquam versus rationem cadat, quod ostendunt tam innumera versuum genera. At inquiunt genus noti carminis,

Atqui

Oratio
homini si
milis.

De versu
in soluta
oratione.

Atqui permultæ sunt pedestres orationes modulationes longè quàm iambici versus comœdiarum Plauti & Terentii, quàm vel heroici illi qui continuo feruntur cursu absque cæsuris, ut apud Horatium, Persius hic permagna negotia diues: vel cum cæsura est obscura, Nescio quid meditans nugarum totus, in illis. At non melos est in Sallustii proœmiis, in orationibus, in concionibus T. Liuii maius ac nobilius? Videre est pro lege Oppia, quàm nominaui potissimum quòd ea Catonis & consulis & per se grauissimi viri personæ attribuitur. Quid hoc quod fuit Græciæ iudicium? Platonis & Democriti, locutionem tamen à versu absit, tamen quod incitatus feratur, & clarissimorum verborum luminibus illustrata poema putandum magis, quàm comicorum poetarum, apud quos nisi quod versiculi sint, nihil aliud esse quotidiani dissimile sermonis. Nam quod cæsari volunt artem, utique tot versuum genera in calore scribendi deuitasse maioris est artis mea sententia, quàm in aliquod illorum vel imprudentem incidisse, vel prudentem deuenisse. Quis enim omnia illa tam multa, tam varia, quibus undique circumspicemur, effugiat? eo minus quum in curam sit rei potius: quàm verborum intentus: ut de M. Bruto refert Fabius, nō aliter ac gubernatoris sit peritissimi atque exercitissimi nauem inter Cyclades inoffenso cursu ducere. Itaque homo eruditus, & dicendi peritiam callens citius artem & diligentiam in eo deprehendat, qui in longa oratione genus carminum nullum admiscuerit, quàm qui in aliquod impegerit nonnunquam: hunc sciet de rebus fuisse naturaliter sollicitum, illum de vocibus, & dictione. Adde his, quòd qui non sunt iam versus, observatione, iteratione, vsu possunt fieri. Sic facti sunt versus ab Aristophane, ab Hipponacte, & aliis poetis, qui antea non habebantur. Sed profecto adhibeat quantamcunque operam & diligentiam quis volet, attentissime se obleruet ipse custos sui non poterit tamen versum effugere. Si quis maximorum authorum orationes excutiat, ex versibus, aut magna illorum parte videbit omnia confata, etiam notis, etiam sonoris magis, quàm sunt trimetri iambici familiares fabulis. Cice. in texto de republica: qui reliquos complectitur omnes, quatuor pedes sunt heroici: pro Milone dicere incipientem timere, trochæicus est, si iambicus in tertia sede par sit trochæo, ut idem ipse

ipse docet. Quum contra Titus Annius ipse magis, quinque pedes heroici: de lege Manilia, quanquam mihi semper frequens, dimeter iambicus. In Acade. quæst. Quæ cum essent dicta in conspectu consedimus omnes, verius est heroicus, si vnā syllabam demas, vt si dicas sedimus. Seneca episto. nonagesima secunda, originis suæ memor, dimeter iambicus, & quidem totus ē iambis. Liuius præfatione, nostra per tot annos vidit ætas, trochaicus est. Quid quod multa sunt verba simplicia quæ versum efficiunt adonicum, suspiciebant, accipiebant, imposuisset, archimagirus. Satis hæc vidit Martianus Capella, sed fulgore tantæ authoritatis præstrictus est: eius hæc sunt verba: Neue in notissimos versus, & maxime heroicos structura fundatur, iambicóque versus quamuis eos Cicero non euitet, quum dicit: Senatus hæc intelligit, consul vadet: & heroici versus finem vel initium non declinet, quum dicit: O miserum cui peccare licebat. Et in Academicis, latet ista omnia.* Varro magnis obscurata & circūfusa tenebris. Et in Verrinis plenum versum vna qui dem syllaba mutilum fudit, quum dicit: Quum loquerer rãti fletus gemitúsque fiebant: nec finem vitauit elegi, sicut ait: Oderat ille bonos. Incurrit etiam in hendecasyllabi phaleucii petulantiam, dum dicit: Successit tibi Liuius Metellus. Sic ille Aristoteles in arte poetica Iambum ait familiari sermoni peculiarem esse, ideo in illo multa nos effundere iambæa, non item heroica. An non Apud Ciceronem Crassus oratorem illum ait admirabilem esse & insignem, qui in oratione ipsa quasi quendam numerum versumque conficit: & mox: versus enim veteres illi in hac soluta oratione propemodum, hoc est numeros quosdam nobis esse adhibendos putauerunt. Quid est istud quasi & propemodum? cedo quantum progrediar? vbi listam? pueriles sunt istæ determinationes: populus concentum intelligit, numeri censuram non intelligit: si versum aspernatur propter concentum, vbiunque sit concentus eadem erit aspernatio: & concentus iste ac numerus, qui nunc non est versus, adhibe iterationem, & vsum, iam fiet versus. Quæro etiam si versum alienum licet citare in oratione, cur non liceat suum facere? eadem est harmonia, & concinnitas in alieno & proprio. Hæc quidem de ipso versu, nunc de authoribus. Po. Ro. bellaci & rusticitatis ostentatori suspecta erat ars omnis, & lite-

* Alias Luculle crassus occultata & circūfusa &c.

ræ, cuius sensum Crassus Ciceronianus, vt quisque optime
 sciret Græcè, ita esse nequissimum, vt in Syris venalibus.
 Tum si gestui addidisset orator versum, populus non esset
 sibi visus grauis oratoris orationem audire, sed saltantē hi-
 strionem spectare. Græco non item, cui etiam histriones ho-
 nesti erant. Cicero memor ingenii coronę suæ paucissimos
 in orationibus ac penè nullos citat versus: Demosthenes &
 Aeschines plures, & liberius. Cicero defendens Archiā, quod
 de studiis humanitatis loqueretur, nouo se dicendi genere
 vsus esse ait: & pro Murena præfatur veniam: & ad C. Cæ-
 sarem versus Homeri admiscens nouum epistolæ genus no-
 minat. Atqui Aeschines Solonem laudans maximo hominū
 cōuentu in accusatione Ctesiphontis inter illius decora poe-
 ticæ studium atque exercitationem numerat. Ad hæc aures
 sunt variæ, sunt quibus Ciceronis concentus sit effœmina-
 tus & mollis, sunt quibus durus: malunt Quintiliani decla-
 mationem. Alii alios pedes amplectuntur: Aristoteles pæo-
 nem, Cicero Dichoræum, nec ipse secum in deligendo satis
 consentiens, vt Martianus annotauit. Pedes inquit ille qua-
 dam permista confusione Cicero perturbat, dum dicit modo
 ditrochæo ionicum concludendum, modo pæonem primū
 probat incipientibus, modo finientibus, modo dochimum
 qui constat breui, duabus longis, breui & longa, cuius exem-
 plum posuit, amicos tenes. Item amphimacrum pedem, &
 rursus dactylicum numerum laudat, nec tamen certa scien-
 tia est. Ego tamen compendiosiora percurram, vt in hac syl-
 ua quibusdam videar præire tramitibus. Sic ille. At neque
 his grauiore aut meliores dat formulas, sed leues, & pueri-
 les admodum. Hæc quidem ex ingeniis nascuntur, quæ non
 omnia delectant eadem: alii aliis capiuntur, vt in sensibus
 variū soni allubescunt variis auribus, colores oculis, sapes
 palatis. Ad hæc mutatum est seculis iudicium aurium: aspe-
 ra, & dura compositio placuit Catoni & Gracchis, & ea viri-
 lis est visa. Concinniores fuerunt Antonius & Crassus: mul-
 to his & reliquis omnibus numerosior Cicero: mollis & de-
 litiosa & fracta compositio corrupto magis seculo sub Ve-
 spasianis & Traiano viguit, ita vt orationes, quod Corne-
 lius Tacitus queritur, ad lyram, nō aliter quàm poëtarum
 carmina, canerentur. In dicente etiam magnum discrimen:
 non decet orationis illa modulatio & numerositas frigidam
 senect

seneſtam, certe ardentem iuuentam deccebit. At cælanda eſt ars, nam id ſæpe inculcant, ne effluat. Quorſum? vt facilius perſuadeas. Quid ſi non vt perſuadeam ſcribo, ſed vt narrem, vel vt delectem? Poëtis ad delectationem licuit tot generibus carminum abuti, mihi non licebit quibus volam, qui tantum delectationem peto: quam fuiſſe cauſam Cicerō ſcribit cur numeros in orationē inuexerit Iſocrates, qui inconditam antiquorum dicendi cōſuetudinem delectationis atque aurium cauſa, quemadmodum ſcribit diſcipulus eius Naucrates, numeris aſtrinxit. Verum enimvero priſci illi oratores quocunq; iſtis de rebus modo diſputarent, ac ſtatuèrent, maximas tamen dicendi opes collegerunt magnitudine ingeniorū, ſtudii, vſus, exercitationis: quippe omnia hæc acuebat atq; ſtimulabat ingens eloquentiæ propoſitum præmiū, dignitas, opes, potentia in ciuitate, quod præmium ſimul primum ſublato eſt, eloquentia quoque eſt collapſa: nam quum oratorum licentiam nimium ſeſe viderēt effundere, multis eſſe innocentibus periculo, nocentibus præſidio: vt qui hoc quoq; arroganter profiterentur & iactarent de inferiore cauſa ſuperiorem ſe poſſe, & de ſuperiore, inferiorem facere: cohibendam velut clauſtris impoſitis duxerunt. Athenis vetiti ſunt affectus mouere, quod viſum eſt philoſophis longe æquiſſimum, ne iudicis animus nempe norma qua eſſet iudicandum à recto vllam omnino in partem inflecteretur. Romæ Pompeius magnus tertio ſuo cōſulatu legem tulit, vt actori duæ aſſignarentur ad dicendum horæ, patrono tres, & peroraretur eodem die. De quo Cicerō queritur in Bruto, inquit enim: Et perterritum armis hoc ſtudium noſtrum conticuit ſubito, & obmutuit lege Pompeia ternis horis ad dicendum datis. Et Tacitus impoſitos dicit eſſe velut frenos eloquentiæ. Cæterum in ius & poteſtatem vnus redactis omnibus, is non paſſus eſt vel tam crebro populum coire, vel tam frequentem, vel quenquam libere in publico loqui, quod vt erat, ita periculoſum eſſe exiſtimatum eſt potentiæ vnus. Quocirca excluſa eſt à concionibus eloquentia, id eſt, à theatro, & nutrice ſua, quemadmodum in libro de oratore ſecundo docet his verbis Cicerō. Fit autem vt quia maxima quaſi oratori ſcena videatur concio, natura ipſa ad ornatus dicendi genus excitetur: habet enim multitudo vim quandam talem, vt quemadmo-

dum tibicen sine tibiis canere, sic orator nisi multitudine audiente, eloquens esse non poterit. Principes raro ipsi loquebantur ad populum, & pauca, plerunque per edicta, haud aliter quàm ad seruos: in senatu sententiæ dicebantur non libere vt antea, sed in adulationē potentiæ compolitæ, erantque magis encomia principum, quam deliberationes de publicis vtilitatibus. In foro si princeps cognosceret, pudor verbatum eum detinere, quoniam & ipse interdum gestu testabatur properare se: conuersis omnibus ad delicias relicta cura rei publicæ, nec ipsi iudices, qui essent imperiti & delicati, longas ferebant orationes, sed breues, atque easdem amœnas: & quod in persona iudicis est flagitiosum, malebant aliquid, quod delectaret, audire, quam quod doceret de causa: aptatæ sunt huiusmodi affectibus orationes, & in forum allatum, quod scenæ magis congrueret. Ita genus dicendi penitus mutatum, ex sano, & sobrio, & seuerio ad luxum, & delicias, tanquam si virili veste posita muliebre msumpisset. Ipse populus in forum & iudicia coibat, non sicut antea inspecturus quid ageretur, & qua fide, tanquam dominus & rector omnium, sed velut in theatrum ad oblectationem omiſsa libertate, & cura rei publicæ segnis atque otiosus: & quia illud publice placebat in scholas inuectum est ad exercitationes: tales sunt declamationes illorum temporum inuentæ, non ad victoriam, sed ad voluptatem: neque enim pugnant, sed ventilant: poëticas quoque amœnitates per egressus petierunt: quod ostendunt Quintiliani declamationes, & quæ ex declamatoribus sui temporis citantur à Seneca. Digreditur quidem Cicero, & describit, sed seuerè, grauiter, & ad rem: paulo quidem fusius, nempe in orationibus infinitis, sed dignitate & dicentis, & audientium, & rei ipsius conseruata. Contrà illos ad citharam dicas aliquid animi causa canere, non rem grauissimam meditari: quod indigne ferunt Tacitus, Quintilianus, Seneca, ita vt quum illæ declamationes quæ Quintiliani circumferuntur nomine, tam alienæ sint ab eius ipsius præceptis, & tales vt contra eas potissimum inuehi videatur, non defuerint qui illius esse negent: & declamabant quidem veteres, vt Cicero, sed veras causas, & eas, quas mox essent in vero certamine acturi, quaique ex puluere & umbra in solem & militiam translaturi. Recentiores vero declamabant fictas, & omni-

no inutiles, quarum nulla in foro aut senatu posset contingere: nam eas quæ rebant in quibus maxime possent se iactare, & otiosos auditorum cœtus permulcere. Ad postremum, quum legibus iam à principibus constitutis iudicia exercerentur, visum est adhiberi potius ad examinandam causam iuris & legum peritum, quàm oratorem. Ita creuit potentia interpretum iuris, etiam in coniecturis: & studiũ artis oratorię prorsum sublatum circiter Antoninorum temporibus quum iurisperiti, qui plurimum valebant gratia apud principes, decreuissent ipsi soli totum occupare: & fortassis ita visum est Marco Antonio philosopho, qui non censuit expedire, vt iustum atque iniustum dicendo confunderetur: sublato corpore & imago periit. Declamare quoque est defitum, & artem cognosci, quæ nihil erat sine exercitio profutura. Inane verò censuerunt laborem aliquem fructu omnino adempto suscipi. Paulatim studium excolendæ linguæ cessauit, quum nullus esset eius operæ pretium. Quapropter ex bonis studiis maturrime omnium eloquentia est tanquam flos quidã delicatus flante Borea decussus: id est, remota illa populari aura eloquentiæ saluberrima, deserto linguæ cultu, & lingua ipsa sine vindice relicta, iniuriæ cuiusuis incur sui expolita, & obnoxia aduentu barbarorum velut accepta plaga intercidit. Recepta Christiana pietate pasci sunt principes, quod vniuersis in commune conduceret, vt presbyteri ad populum de rebus sacris loquerentur: ita sacri concionatores piscis illis oratoribus succedere, sed dissimillimo successu: nam quanto illos superamus rebus, tanto partibus omnibus eloquentiæ, tota vi persuadendi, sententiis, argumentis, dispositione, verbis, genere orationis, actione inferiores sumus. Cuius rei culpa diuisa est inter dicentem, & audientem. Olim qui dicebant erant callentissimi vsus, & totius prudentiæ communis, tractandorum animorum peritissimi artifices. Qui nunc dicunt, quàm dispar es, imperiti, ignari vitæ, imò etiam communis sensus: qui sint affectus, aut quemadmodum vel impellendi, vel reuocandi omnino nescii. Nec cui rei quæ verba, quod genus orationis sit adhibendum norunt, omnia bene conuenire omnibus rati. Sententias habent plumbeas, frigidas, iacentes, segnes, quæ animos dericiant citius, quàm excitent: argumentationulas colligunt ab illo exercitio scholastico, quæ ventilant

Cōcione
tores hu-
ius tēporis.

quidem, & titillant interdum, nunquam feriunt aut cædunt. Dispositio fusa & dissipata: nihil dicunt suo loco: actio immoderata, nihil pro re aut tempore: non in voce, non in oculis & ore, non in manu & digitis, non in gestu & statu corporis vniuersi: quæ illi ita habent cognita, vt nulla esse arbitrentur, nec interesse saltitent dicentes, an sedeant. Iam auditores habebant illi olim acutos, attentos, plerosque eruditos: nunc socordes, segnes, peregrinantes animo, rudes atque imperitos, vt eadem habeant sæpe repetēda, qui dicunt, non solum quo infigantur & hæreant memoriæ, sed quo vel intelligantur, si quid sit acutius, nisi explicet & explanet, in quo amittitur gratia & vis orationis, frustra clamarit, surdo fiunt verba: si quid obliquum, nisi recte & simpliciter exponat, perdidit dictum: nec minus sanè perdit, quum venustatē atque speciem dehonestat, & frangit nervos. Memoria patrum & auorum cœptum est in Italia reuocari studium linguarum per discipulos Petri Rauennatis Latini, & Emanuelis Chrysoloræ Græci: inter quos maximi nominis fuere Leonardus Aretinus, Fran. Filelphus, Laurentius Valla, Varinus Veronensis, Perottus Nicolaus. Secuti sunt eos Ioannes Picus, Hermolaus Barbarus, Angelus Politianus, & alii quos hic recensere nihil attinet. Hos verò, & quotquot doctius Latine loquerentur, quàm cæteri, oratores vocauerunt. Sed ii qui vim nominis parum intelligerent: exercitium enim artis oratoriæ nondum est reductum, sed tantum in linguis funditus deiectis ac pessundatis instaurandis atque erigendis cunctum illorum studium consumptum est. Quippe artis huius præcepta exercitio remoto nihil iuuant. Hactenus nemo declamauit vtique in materia argumentosa, & quasi in certamine & palæstra: tamen multi delectarunt se orationculis, quæ aduersarium non haberent: vt laudationibus artium, virtutum, principum hominum: vel rabiose se exercuerunt canina facundia, inuectiuis, quibus lacerarent inuicem, id est conuitiis, & maledictis in vnum congestis quotquot possent, quis aduersarium proscinderent, naso suspenderent, irridendum & contemnendum omnibus exhiberent, de causa nihil dicerent, aut perparum: si qua tamen alia erat causa, quàm susceptas leui aliqua de causa inimicitias atrociter persequi. Nec de phrasi, & genere dicendi video illos fuisse valde sollicitos, in electione modo verborum occupatos.

Et

Et quemadmodum ante centum annos qui Ciceronem vt Latinos alios legebant scriptores, sensa spectantes sola, verba non animaduertunt: ita isti qui in verba sola essent intenti, dictionem praterierunt inanimaduersam. Ergo videas eos eadem dictione conscripsisse res magnas, paruas, lätas, tristes, humiles, sublimes, epistolas, orationes, rustica, physica, moralia, forensia. Nimirum accommodatio styli ad genera argumentorum & audientium, atque adeò inuentio ipsa argumentorum causis & locis apta res est longa, varia, intricata: de qua Plinius Cæcilius, vnde uicesimo, inquit, ætatis anno dicere in foro cœpi, & nunc demum quid præstare debeat orator, adhuc tamen per caliginem video. At illorum plerique nullam, aut perexiguam huic rei operam impenderunt, alioqui per se difficillimæ: quo magis miror quorundam impudentiam dixero an ne temeritatem, an vtrumque, qui de cultu, & colore, & habitu orationis, denique de toto stylo ac phrasi intrepide iudicet inexercitati, & quidem ex breui aliqua, & tumultuaria pagellæ vnus aut alterius lectione: de quo merito, & grauius Gulielmus Budæus conqueritur, quum veteres in tanto studio, diligentia, vsu non potuerint vbiq; rectè censere. Quid quod ea nomina, quæ phrasi induunt, explicare vix scirent, si rogarentur?

Partim huius artis magni illius præceptores fecerunt imitationem, quod primum est in omni sermone, quippe quem imitando discimus, vt artes ac disciplinas, quasunque à natura non accepimus. Sed imitatio rerum diuinarum nunquam potest exemplari par esse, nec mortalem artificem æquari sempiterno: in humanis potest ita proficere, vt homo hominem consequatur, & antecedit. Quocirca quæ initio est imitatio, paulatim eò debet progredi, vbi iam incipiat esse certamen non solum æquandi, sed etiam, si qua detur, vincendi. Imitatio nunquam eò pertingit, quod sibi pro exemplari proposuit. At verò in certamine etiam à tergo possis cum relinquere cum quo certas. Itaque veteres sic initio imitabantur, vt mox æmulerentur, ad postremum quoque certarent, & contenderent non raro vtique felici successu: nam præuertebant illis, quos prius pro ducibus, ac magistris habuissent: vt Cicero Crasso, & Antonio: Plato Cratylus, & Archita: Aristoteles Platoni: Vergilius Ennio, Lucretius, Hesiodo: Nostra ætate quidam ridicule sese alligant

Imitation

imitationi tantum, nec in verbis solum Latini sermonis & Græci, quod necessarium est, propterea quod ex lingue amissæ in vulgus monumentis veterum authorum continentur ac conseruantur, sed in phrasi, quod minimè est necessarium: quippe collectis è lectione vocabulis, & loquendi formulis, tanquam lignis & lapidibus, sic vnusquisque extruere orationem potest, vt maxime vel ingenio suo congruat, vel exigat materia, vel tempus aut locus poscant. Verùm quod magis mirèrè, in materia & argumento tractando nunquam non imitantur, vt imperiti sutores qui nullum calceum vel scindere possunt, vel suere, nisi forma adhibita: astringunt vires & libertatem ingenii ad certum quoddam præscriptum: vt non immerito seruum pecus imitatores nomen Flaccus Horatius. An verò est vlla seruitus maior, & quidem voluntate suscepta, quàm non audere ducis sui præscripta, & tanquam sua dominorum imperia egredi, etiam si aliò res vocet? si tempus, si auditores, si generosa ingenii natura inuitet, pertrahat? Quomodo poterunt hi currere, si sit opus, imò quomodo ingredi, quibus est semper in alieno demum vestigio pes figendus, non aliter quàm pueri faciunt ludentes in puluere? Quid dicam imitari semper eos, nec scire quid si imitari? Nam suppilare putant esse imitari, nempe vel verborum ac rationis vel rerum & argumentorum particulas sumere, ex quibus velut centonibus opus suum consuunt. Pèrinde ac si pictor diceretur imitari, qui aut pratum effingens flores illhinc decerptos tabulæ suæ annecteret, aut hominem reddens partem togæ illius assueret picturæ, aut etiam, si diis placet, nasum quem exprimere non posset, vellet homini amputatum picturæ suæ addi, quo esset perfecta. Si quis rem acutius intueatur, talis est istorum imitatio: decerpunt, surripiunt, imò palam compilant. Et vt furti crimen suffugiant, imitari vocant, vt fures furari dicunt amouere, tollere, conuolare. Age porrò vnde colligunt hæc panis frustula, has aquæ guttulas, quibus mendicitatem suam sustentent? non ex variis, & optimo quoque, vt puellæ, quæ in hortulis colligunt flosculos ad fasciculos & coronamenta, sed vni alicui hostio affixi misere se alunt: vnicuiquam sunt additi: & vbi ingenii tarditas cœpit male æmulari, quicquid deinceps dicant aut faciant, illius credunt esse simile, quem sibi pro exemplari præfi

Suppilare
re vocant
imitari.

ri præfixerunt: vt qui gesticulatione vna tam se multos credunt exprimere quàm quiuis pantomimus arte sua: & qui eodem digitorum pulsu quoduis carmen sonare. Qualis est Apollinaris Sydonius, qui contempto Marci Tulli epistolari stylo, vt dicit Caij Plinii disciplinam, maturitatẽq; vestigiis præsumptuosis insequitur: Omitto ridicula hæc vestigia præsumptuola, tum disciplinam, & maturitatẽ Plinii. Quasi maturitas sit aliqua in epistolis Plinii, & non potius viror & flores: aut si qua est, non maior & mirior sit in Marco Tullio: nam quam tandem vocet disciplinam nec ipse arbitror Sydonius declararit, qui scripsit. Sed quæro in quo se putet Plinii similem, à quo tam distat, quàm græccus a philomela, nisi fortè similis videri postulet, quòd ascribat temper suo, vt Plinius. Si sequi se dixisset Apuleium, & Calsiodorum, haberet fortassis plures, qui crederent. Verùm hoc tempore, in quo noui quidam morbi prioribus seculis inauditi sunt exorti, & iste est natus quorundam alligandi sui ad imitationem Ciceronis, ad eam inquam decerptionem, quam illi imitationis ornant nomine. De qua nonnihil attingit Politianus in epistola ad Cortesium, etli in omnem imitationem potiùs, quàm in hanc vnã, quemadmodum & Fabius Quintilianus. Budæus in hanc ipsam est per occasionẽ inuectus digressione quadam in cõmentariis Græcæ lingue, Erasmus librum iustum de eo ipso scripsit iniquitate iudiciorum permotus, in quo multa congelsit acute conqulita, qui etsi nonnunquam argutatur magis, quàm argumentatur, & ludit potius quàm pugnat, nempe ex scripti illius ratione: nam dialogo rem persequitur, habet tamen, quātum ad hoc attinet, iustam & piam querelam indignationis, multisq; bonis ac fortibus argumentis præliatur: quæ quia nota sunt omnibus, etenim liber est in manibus, nos in præsens prætermitemus, solum dicemus more nostro pauca quædã, quot suscepto instituto vid. bñtur sufficere. Principio quod prudenter ait Cortesius etiam Ciceroni addictus, quæ stultitia est, vt quum tam varia sint hominum ingenia, tam multiplices naturæ, tam diuersæ inter se voluntates, eas velle vnius ingenii angustis astringi, & tanquam præfiniri. Iam dicant mihi, quid imitantur, nam multa habet Cicero optima, & effectiõne dignissima. Linguam inquirunt. Cur non etiam argumenta, & philosophiam, & cognitionem veteris

Cicero-
niani.

memoriæ, & variarū rerum vsum ac peritiā. Nam si propterea linguam admirantur, quod in omni populo & senatu Romano tantas dicendo est vires opesque consecutus, ideoque eam imitatione censent dignam, imitentur potius rerum præsentium & præteritarū cognitionem, scrutationem sectatorum sapientiæ, tractationem humani animi, colligendi acumen, quibus potius virtutibus omnia senatui & populo & iudicibus persuaferit, quàm facultate verborū & dictionis. Puritatem linguæ arbitror equidem maiorem & castiorem fuisse in C. Cæsare, in M. Bruto, & aliis Romanis principibus, quàm in M. Tullio. Nec phrasis eius omnibus placuit, etiam quum de ea poterat censerī, nō Bruto nec Caluo, nec ipsi Pomponio Attico amicissimis: at cuiusmodi censoribus? Quare non quod ornatus quàm cæteri diceret, quanquā dicebat ornatisime, sed quia acutius colligebat, & fortius pugnabat armatus tot tantarūque rerum notitia. Eius vero quod deceret & inspector acerrimus, & executor dexter imprimis, ac diligens, vincebat aduersarios, audientes ducebat in suam sententiam. Id vero facile est cognoscere, quod in eadem causa, si quis illius argumētis quacunque lingua & actione vtatur, plurimū certe habebit momenti, ac roboris. Ea igitur animi indoles, & tam varia eruditio, & tractandæ cuiusque rei ratio esset istis exprimenda, qui Ciceroniani videri affectant, potius quàm stylus ac verba, etsi hæc quoque, sed ea postremo sequerentur. Magis certe Homerum exprimit Virgilius, quàm Ennium, & si huic lingua est vicinior, & prope idem. Similior patri filius qui mores reddit, quàm qui lineamenta oris. Cur tantum virum non totum imitantur, & potissimum animum, quo præstat corpori: quod recte præcipit Paulus Cortesius, qui aliam multo viam imitandi ostendit, quam isti sequuntur, eāmq; merito deplorat ab hominibus nostris aut neglectam esse, aut mutatam: neque enim vult nos Ciceronis similes, vt simias, sed vt filios parentum: simiæ externa solum repræsentant, filii etiam interna: nec simiæ aliud quàm lineamenta & deformitates quasdam, gestus, filii vultum, incessum, statum, motum, vocem. Et tamen habent, inquit, in hac similitudine aliquid suū, aliquid naturale, aliquid diuersum, ita vt cum comparentur, dissimiles inter se esse videantur. Eadem est sententia hominis omnium Ciceronianissimi

Christoph

Christophori Longolii. Sed demus iam Ciceronis verba esse purissima, nam aut esse credo, aut non multum abesse, tum stylum optimum, dico ex iis qui fuerunt, nam ab eo, quod fieri potest neminem esse arbitror adeò admiratione Ciceronis excæcatum, quin videat longe discedere. Sed quid in iis faciemus, de quibus non est locus? vt de ædificiis, de agro colendo, de rustico, aut vrbano, aut bellico instrumento. Num tacendum erit? Num non potius Vitruuium, & Varro- nem, & Plinium, & Columellam, & Cæsarem, aut Liuium consulamus, ac sequemur duces, quam M. Tulliū? quos ego (dicam id non quo detrahā aliquid gloriæ Ciceronis.

Quid enim potest aut debet detrahi nomini clarissimi & præstantissimi viri?) eos inquam callentiores fuisse arbitror nominum Romanorum, in illis vtique de quibus agebant rebus, quàm M. Tullium: quod & videmus inter nos quotidie vsu venire, vt eloquentissimi in quaque lingua viri in curiis, & foris, & regiis comitatibus educati vincantur à plebeiis hominibus in appellandis opificum instrumentis, atque actionibus. Iam nec in sermone isto communi atque vrbano dixit omnia: & eorum quæ dixit, alia perierunt, alia venerunt ad nos ab imperitijs corrupta. Quid loquentur de nostro foro, de nostris legibus, institutis, moribus, de pietate nostra per omnia Ciceroniani? Res omnes, sicut præclare Erasimus colligit, sunt mutatæ. vt apte loqui de rebus presentibus nequeat, qui à Cicerone latum vnguem descedere non audet. Iam vt dictio sit omnium optima, non omnibus potest congruere in tanta diuersitate, atque adeò aduersitate ingeniorum. Idcirco nec eum imitati sunt maxime Ciceroni addicti atque adiurati, qui promptissime & facillime poterant, Seneca, Quintilianus, Plinius, Cæcilius, Cornelius Tacitus, videlicet vt nec ipse, quos impensissime admirabatur, Demosthenem Græcum, Crassum & Antonium Latinos: oculos enim habebat, vt par erat, intentos nō in eos qui alios antecelluissent, sed in id quod natura ostenderet esse optimum: hoc demum debet esse exemplar adulto iam & magno viro. Cedo vero quomodo hunc tam adamatum stylum imitantur? quemadmodum exagitat in Albutio Scæuola apud Lucilium.

Quàm lepide lexies compositi vt tesserulæ omnes
Arte pauimento atque emblemate vermiculato.

Sumunt hinc inde verba, & commata, & sententiolas, & compingunt vt existat opus: quod taxat Longolius in Nanagerio, cui integræ Ciceronis nō modo sententiæ, sed multi simul interdum versus exciderent, atq; effluerent: Tum de aliis dicit, Dirigendam quidem esse nobis & formandam scribendi rationem putavi ad illius dicendi genus, sed ita, vt virtutes eius oratione nostra exprimere conemur, non item vt passim omnia ab eo mutuemur, aut quod multos iam facere videas, quasi centones quosdā ex Ciceronis verbis consuamus. Dicit hæc quidem Longolius, sed non ipse tam recte obseruat, quā admonet. Alii cautius suffurantur vnum aut duo, aut tria ad summum verba ex hoc loco, ex alio autem procul totidem, ex alio quatuor aut quinque, supra hæc manifestū est furtum. Nam quin totidem verbis inquit Longolius ex M. Tullio Cicerone tibi tam multa sumere non liceat: ne tu quidem ipse puto negas. Ea verò lex est centonum Ausonii: ergo isti, quod Longolius vere dixit, centones consarciunt, & Musium opus faciunt, non imitantur. Dixi vobis falli istos in capite totius rei, & statim in ipso limine impingere, vt rectā nunquam possint ingredi: quādoquidem initio ipso itineris in diuersum quā oportebat, aberrarunt: quomodo poterunt recte imitari, qui quid sit imitari, & qua ratione imitandum sit penitus ignorant? non imitari est isthuc quod vos facitis o boni, sed compilare, & consuere, & colligere, & conferruminare. Vergilius quum dicit,

Si duo præterea tales Idea tulisset

Terra viros, vltro Inachias venisset ad vrbes

Dardanus: & versis lugeret Græcia fatis:

Homerum imitatur, apud quem Agamemnon optat sibi decem consiliarios, qualis esset Nestor, nec dubitat, si haberet, quin breui Troiam esset euersurus. At quum dicit:

Vt sceptrum hoc dextra sceptrum nam fortè gerebat.

Et quæ sequuntur in duodecimo. Homerum de Græco ad nos transfert illo loco:

Ναι μὲν τόδε σκῆπτρον τὸ μὲν οὐ πῶτε φύλλα καὶ ὄψος,

Et reliqua in Iliad. α.

Quum verò:

Fixit leges pretio atque refixit, ex Varro sumpsit. At

Tum gelidus toto manabat corpore sudor,

ex Ennio est mutuatus, qui dicit:

Tum timido manat ex omni corpore sudor.

Quæ

Quæ Macrobius persequitur in Saturnalibus. Sed ad institutum reuertamur. Quanta crux est, quæ ingeniorum compedes intra tam arctos limites comprimi, ac cohiberi, dilatare, ut te nullo pacto valeas, & dum in hoc vnum es intentus ne præfinitos terminos excedas, quanta auersio à rebus clarissimis, & quæ occasio de manibus elabatur maximas & fructuosissimas disciplinas nanciscendi? At vero in hoc ipso tam longo, & diuturno, & misero, & miserabili labore, qualem ne hostibus quidem imprecer, nedum ut amicis iuadeam, quis tandem proponitur eluctatis atque ex naufragio seruatis fructus? quæ utilitas? quod pretium operæ? amplum esse oportet & tantæ curæ, tot vigiliis conueniens, fieri post tot annos non Ciceronianæ dictionis æmulos, sed cōflatores orationis ex verbis Ciceronis, & commatis, & colis. Ego vtro tanti non emerim, non dico Ciceroniane verba coniungere, atque adeo Ciceronem esse tota phrasi, sed quod est multo præclarior, & optabilior, philosophiam omnem callere, quæcunque prodita est de rerum natura. Imitatores hi quique alii cultui se linguarum iam pridem intermisso tradiderunt, ita nauarunt operam verbis eligendis, & dictioni exornandæ, ut alia quæ essent de cognitione naturæ, de publicis prætatisque moribus grauius & copiose perscripta ne aspicerent quidem: partim quod non vacauit quibusdam plus nimio in verborum nota ac natura dictionis cultu occupatis, ut ad alia penitus respicere non possent: partim quod metus fuit, ne si incultos scriptores tangerent, aliquid fortè ex contagio traherent, quo sermonis forma posset scædari. Ita vbiq; in linguarum obseruatione substituerunt, consumpta vniuersa diligentia circa voces aut singulas, aut coniunctas. Hi vero qui alia non haberent quàm instrumenta, quid potuerunt efficere? quum maximam dicendo verborum turbam, quasi in acie ordinassent aspectu quidem formosam, sed inutilem tamen, atque inefficacem, nihil re ipsa, nihil auditorum mentibus dignum attulere: magno sanè artis dedecore, quæ ex illis censebatur, tanquam primis ac præstantissimis. tum suæ, tum aliorum sententiæ professoribus. Quanto verius dici orator deberet, qui res magnas, & argumento suo pares quocunque sermone exponit? Nam si dicere genus quoddam est pugnæ, & ad persuasionem quasi victoriam pertinet, quis non malit

animo

animosum militem tectum corio, & gladio ferreo armatum, quàm imbellem atque effœminatum aureis armis ac gladio fulgentem. Iam Rhetoricam aiunt, quum de rebus aliis omnibus, tum potissimum de publicis, ac ciuilibus dicturam. Quid isti dicent, qui eas ipsas res nec per somnium quidem viderunt, nec sciunt in quo orbe, in qua ciuitate uiuant? & dum veterem illam Romam semper meditantur, peregrini sunt in hac ætatis nostræ. Nec eloquentes dici possunt, qui quum omnia conantur aliena lingua dicere, ipsi muti euadunt, nec illa erudita & expolita lingua tria verba possunt aptare. Eloqui est inquit Marcus Fabius omnia quæ mente conceperis promere, atque ad audientes perferre, sine quo superuacanea sunt priora, & similia gladio condito, atque intra vaginam suam hærenti: non refert quo sermone, nam & in Scythico, & Gallico, & Germanico, & Hispano multi sunt eloquentes. Nec quod Latinus & Græcus sermo eruditi sint & copiosi, continuo nullus erit in alio sermone eloquens. Nam & hi ipsi Parthis ac Mœdis barbarissimi sunt. Liuius sermone illo, quem Pollio patavinum dixit sapere, eloquentior fuit multis Romæ natis, & fortassis illo ipso Polliōne. De Latrone Portio dixit idem Asinius lingua sua disertum esse, nempe Hispaniensis illius æui. Quanto disertior ac eloquentior Anacharsis quàm multi Athenienses, siue dum Scythice de natura, & moribus disputaret, siue dum Græce solœcissans seu scythissans verius? Equidem sordes,

& vitia sermonis nemo vel amare debet vel probare, unde maxima pars cladis tum artium, tum iudiciorum est accepta. Sed certi si detur optio, quis non malit multo immundum, spurcum-
que magis de rebus, atque excellentibus sermonem, quàm de nugis comprissimum atque ornatissimum?

✱

LIBRI QVARTI FINIS.

DE PHILO-

SOPHIA NATVRAE,

medicina, & artibus ma-
thematicis corru-
ptis, Liber
Quintus.



VNDI author, qui omnia ad ho-
minis vsum condidisset, haud dubiè
scientiam illi erat elargitus vtendi,
alioqui frustra videretur illi para-
se, quæ ipse nescisset vnquam ad v-
sum suum applicare. Sed homo à lu-
mine discedens in tenebras est prola-
psus. In quibus tamen vrsit atque

Necessi-
tas.

extimulauit cum necessitas perpe-
tuo premens, vt quæreret, quæ immitteret in corpus ad se
fulciendum, ac sustentandum, à quibus manum contineret,
quæ quibus temporibus & locis terræ mandaret ad spem
prouentus, quomodo perciperet, ac reconderet. Tum alia de
indumentis, de habitatione, de conuehendo paulatim sunt
inuestigata. Vbi vero retusus est ille necessitatis velut stimu-
lus, sollicitudine illa paulisper deposita commoditas est spe-
ctata. De hinc delectatio est pulcherrimæ cognitionis, & ex
administratione tanti operis cupiditas cognoscendi exorta.
Ira multi vel necessitate impellente, vel adducente admira-
tione, vel inuitante voluptate, ad contemplationem naturæ
se se contulerunt. Subrepsit his ostentatio, quæ se per omnia
tacite insinuauit. Ergo homini particula illius amissæ peri-
tiæ, quam ex copiosissimo fonte amplissimam hauserat, per
grauem fuit laborem extundenda. Eruit perpauillum qui-
dem, aliquid tamen & lumine illo ingenii, quod factum erat
reliqui, & studio incitato atque ardenti adiutus. Quæ duo vbi
desuere, ignorantia & hallucinatio animis se pro peritia &
cogni

cognitione offuderūt. Nam vel obscuratione luminis, id est tarditate mentis & stupore cordis alia via institerunt hæc quærere quā oportebat, vel segnitie ac socordia, recta quidem, verum deteksi remiserunt curam, & non peruenierunt quò intenderant. Principio, sicut alibi à nobis est declaratum, nemo vires suorum humerorum est mensus, quid sustinere possent, quid non homines retusissima mentis acie, seu potius nulla, res abstrusissimas aggressi sunt inquirere, & intima penetrare, quā insisterent paucissimi prouiderunt. Alii sensum secuti sunt per omnia, huic arbitrium permiserunt rerum omnium. Quicquid ille statuisset, pro vero ac indubitato haberetur: vt Epicurus, qui ideo solem esse pedalem confirmavit. Alii omnino detraxerunt fidem sensibus, quòd aliquando fefellissent, vt Academici, & assensum à rebus, ne temere incertis pro certis accederent. Mediam aliqui viam tenuerunt, vt nec omnia sensibus crederent, nec nihil, sed illis censuram adhiberent mentis, vt Platonici, & Peripatetici. Iam in serie illa & nexu rerum qui sit à mente, his sufficit ratio quædam leuis, & tenuem quandam similitudinem ostendens veri ad definiendum de reconditis rebus, quemadmodum Anaxagoræ quod omnia sint in omnibus, quoniam ex omnibus, fiunt omnia, id est, ad omnia migrat materia. Illi in coniungendo parum dexteri, quæ sunt dissoluta ac dissipata, satis esse rentur apta & colligata, vt ignari dialecticæ. Sic Epicurus voluptatem asseruit summum esse bonorum, quod eam vnam bestiæ expeterent, ac sequerentur. Sunt quibus nulla sufficit ratio, hominibus morosis ac suspicacibus. Illis ex varietate atque inconstantia, quæ vno die sufficit, alio satis non facit. Cuiusmodi erant qui in diem viuerent: de quorum numero fatetur se vnum fuisse M. Tullius: & quicquid animum probabilitate percussisset, id asseueraret. Sunt qui authoritatem requirunt, nempe philosophi alicuius primi nominis. Vt qui de immortalitate animæ nec tot rationibus, nec sacra pietate & oraculis diuinis acquiescunt, sed scrutantur anxie quid Aristoteles de eo senserit, quid Plato, & si Deo placet, etiam Abenrois Arabs. Alii Poetæ versiculum desiderant, vt olim in Græcia de quibus Aristoteles in libris primæ philosophiæ. Hi ex varietate sententiarum atque opinionum magnam in animum quoque varietatem atque inconstantiam trahunt, vt aliàs.

alia sentiant, atque adeò contraria. Cuius rei exempla sunt quum apud Aristotelem nonnulla, tum vero apud Plinium frequentiora. Quid quod in tanta varietate naturæ, quæ locis, temporibus, ætatibus, constitutionibus, est dissimilima quidem ex vno, aut altero, aut sanè etiam experimētis multis, vniuersaliter de cunctis pronuntiant? inter quos est Aristoteles, quod genus illud est in volumine eius de animalibus primo: Imum ventrem & faciem esse similes corpulentia vel gracilitate, item crura & lacertos. Cuius rei multa sunt documenta in contrarium. Vel hic in Flandria pluri mi vix habent furas, brachia tamen musculosa, & succi plena, quod de multis principibus memoriæ est proditum, vt olim de Germanico Cæsare, & hodie videmus in Francisco rege Galliarum. Iam multi bellissime sibi placent, in alios difficillimi, atque inexorabiles, sui mīrum in modum indulgentes, vt ab aliis exigant, in quibuscunque demonstrationem & energiam conclusionis, ipsi sua vel tenuiter sulta, pro firmissimis postulent accipi. Aristoteli nulla veterum philosophorum ratio ad sua ipsorum confirmanda sufficit: ipsi ad sua quælibet, vel ad illos cōfūtandos. Et hic tantus demonstrationum flagitator ille est, qui in prima philosophia dicit aciem mentis nostræ ad manifestissima naturæ, non secus quàm noctuæ oculum ad lumen solis caligare. At quum in tantis versarentur tenebris, quum duce omni carerent, inter eas difficultates credat aliquis illos conscios suæ egestatis ac imbecillitatis contentos fuisse humi repere, & circa ea occupari quæ tenere facile ac tueri possent: hoc certè decebat. Sed illi ignari sui, ea quæsierunt & scrutati sunt, quæ humanum omnem captum excederent, & in his qui assequi non poterant, arrogantissime definierunt plurima, non cunctantius, quàm si manibus attrectassent, vt de cælis, de elementis, de rerum essentiis ac facultatibus: sed potissimum Plato & Aristoteles, de authore mundi, de materia, de opificio vniuersorum, de regimine illius, & prouidentia, de immortalitate animæ, de pietate, de præmiis bonorum, ac malorum.

Quibus de causis & rationibus philosophos, videas homines à duobus vitiis longissimè impulsos, imperitia, & quam imperitia gignebat superbia, ea inuexisse placita in cognitione naturæ, ad quæ nec vetulæ, nec pueri risum teneant qualia

Philosophorum imperitia, & superbia.

qualia sparsim recenser Aristoteles, sed Plutarchus quatuor voluminibus in id dicatis. Quam & absurditatem & diuersitatem opinionum causam fuisse Socrati scribit in cōmentariis Xenophon, quamobrem ab inquisitione naturæ rerum in totum abstinuerit, tamen causa non satis iusta, quæ aliquem à contemplatione naturæ abduceret. Nam nec minor est de fine bonorum dissensio, de administratione domus, aut ciuitatis: de quibus tamen & quærere & disputare Socrates pulchrum in primis, vti erat, existimabat, & conducibile hominum vitæ. Illud modo erat in scrutatione naturæ vitium, quòd & ea rimarentur, quæ natura ingeniis oc cultasset, & quæ scire nullum esset operæpretiū. Sed ad hæc superuacanea eruenda acti sunt non pauci gloriæ cupiditate, quæ sese in illorum pectora insinuauerat. Idcirco nouum aliquid & præter cæteros admirabile voluerunt proferre, ad quod quum à veris aut verisimilibus essent destituti, absurdissima arripuerunt, vt niuem esse atram, ignem gelidum, stare cælum in vestigio, agitari terram, & alia quæ stultitiæ citius quis tribuat, quàm arrogantiae. Secuta est arrogantiam, & famæ sitim pertinacia tuendi quicquid semel affirmassent, perinde ac ingenio cederet, quisquis sententia.

Sectæ. Vnde exortæ sectæ, & in hoc inuigilatum ab eis acriter, quomodo vel sua prauæ dicta defenderent, vel aliena bene dicta impugnarent. Inter quas rixas & odia, veritas nobis vtiq; magnum subibat discrimen, siue falsi tutor vinceret, siue oppugnator veri. Eadem ostentandi libido, tum etiam dulcedo altius scrutandi suaserunt illis vt necessaria, quæque alicuius essent vsus, vel corpori, vel bonitati animi relinquerent, & studia sua omnia ad voluptatem, aut admirationem, & plausum spectantium conferrent. Quod malum ex deprauato hominum ingenio cum ipsis artibus exortum, insecutis deinde ætatibus eò est amplificatum, quò superbia increuit, & rerum peritia diminuta est. Nostra, & patrū, & auorum memoria ea tantum sunt in naturæ cognitione quæ sita, quæ offusa ob oculos caligine plausum mouerent, non aliter quàm vbi circulator intuentiū omnium oculos præstigiis est frustratus. Itaque excluderunt scholis priscos illos Timæum, Platonem, Plotinum, Plinium, Theophrastum, Ciceronem, Senecam, & reliquos huius generis, qui maximum adferre adiumentum poterant ad naturæ contemplationem,

tionem, de cælis, de elementis, de animantibus, de stirpibus. Aristotelem retinuerunt solum, quod is vnus ex illa antiquitate rixantium circulis esset aptus. Equidem in inspectione naturalis solus turæ haud video, quem possem illi comparare. Sed huius placita atque opiniones de natura rerum nostri homines eiusmodi rentur esse, nihil vt humanum ingenium exactius vel certius possit exculpere, communi hac quidem naturæ luce adiutum, & rectum: de cuius sententiæ imperitia, atque imprudentia, atque etiam interdum impietate non potest satis pro dignitate dici. Et quia res magna & crassa ignorantia videtur mihi claudi, idcirco longius paulo ac subtilius de ea differam. Nam si quid dicerent, omnino intelligerent, arbitrare eos facile à sententia discessuros. Dedit natura homini sensus in corpore, in animo vero acumen, quo cernat, speculetur, intelligat, apprehendat. Tum iudicium, quo sparsa & dissipata velut indagine quadam colligat, ad nanciscendum verum: quod quum se putat assecutum, acquiescit ei, quod verum iudicat, contrarium reiicit: quæ sunt assensio, & dissensio. Hinc adiuuatur experimentis ac vsu rerum, intentione animi, studio, sedulitate, memoria, exercitatione: quæ quando sua cuique non sufficiunt, accedunt aliena per doctrinam homini ab homine traditam. Hæc sunt cunctis mortalibus in commune proposita, quæ quoniam nos naturæ beneficio habemus, idcirco naturale lumen nuncupamus: & quæ per hæc assequimur, naturæ lumine dicimur assequuti: quæ vero præter hæc, alio quoque lumine, nempe diuino, vel angelico, vel nonnunquam etiam doctrinæ dæmonis: vt intelligamus esse lumen naturæ ea naturæ munera, quæ communiter rationibus sunt omnibus exposita ad intuemdum verum: sicut lumen naturæ sunt in oculo ea omnia, quæ hoc naturæ opificio parata sunt vt oculus possit cernere: in ipso oculo constitutio corporis, vnde oritur acies, exterius aptum medium, lux diffusa, obiecti cōueniens interstitium. Iam in his quæ cognoscuntur, alia pertinent ad sensus, vt sensilia, & sensata: alia ad acumen, quæ est intelligentia rerum à sensibus remotarum, siue concretionem habeant aliquam, siue nullam: alia ad inuestigationem rationis per causas, per effecta, & eiusmodi, quæ sunt ex inquisitione veri: ad quam ilico censura sequitur & assensus ac i assensio apparentis veri aut falsi: quorum nonnullis conti-

Lumen
naturale.

nuc ab intelligentia consentimus, aliis opus est indagatio-
 ne. Quæro igitur, quæ tandem in Aristotele suprema na-
 turæ vocent? an ea quæ ad assensum veritatis pertinent, vt
 veritates habeat quibus nihil possit esse verius? Habet indu-
 bie permultas, quis enim non habet? non modo ex philoso-
 phis, sed ex vulgo? Sed non sunt tamen vera omnia quæ
 confirmavit. Philosophi aliarum sectarum, nonnunquam
 etiam Peripateticæ, Galenus & medicorum complures, hi-
 storici naturæ, prisca religionis nostræ scriptores, multa
 in eo magnis argumentis & euitabili experimento conuel-
 lunt. Quàm multa ostendit tempus falsa esse, & locorum
 varietas? Quid idem ipse, an non in quibusdam secum pu-
 gnat? vt necesse sit ex duobus contrariis alterutrum esse fal-
 sum. Num non in hisce omnibus nubecula est naturæ lumi-
 ni obiecta? Quod si in asserendo obscurata est ei naturæ
 lux, quanto magis in eo quod difficilius est, & prius intelli-
 gendo, indagando, colligendo vero? Sunt tamen & ex phi-
 losophis & ex theologis, qui non solum, quò Aristoteles
 peruenit, extremum esse aiant naturæ, sed qua peruenit, eam
 rectissimam esse omnium & certissimam in natura viam: vt
 non aliter credant se posse euincere illud esse summum atq;
 absolutissimum, quàm Aristotelicis syllogismis: quod ve-
 ro illis non congruat, alienum esse à naturæ face ac splendo-
 re. Si vel natura rerum esset vnica, simplex, brevis, aperta
 nostris ingeniis, vel humanæ mentis vis in omnibus vnus-
 modi, fortasse definire aliquis posset, quid supremum esset,
 quò in natura ingenium humanum posset pertingere. Sed
 isti non reputant iecum, infinite variam esse naturā rerum,
 siue in his, quæ monstrantur sensibus, siue in effectis & cau-
 sis; cur quicque agitur. Quam late patet in herbis, in ani-
 mantibus, in homine, in mentibus, in cælis? Ipse Deus & res
 spirituales quanto supra hominum captum assurgunt? varia
 sunt hæc & latitudinis vastissimæ, abstrusa, admirabilia ma-
 gis quàm perscrutabilia. Iam hominum mentes quāta mole
 sunt obrutæ? quibus inuolutæ tenebris? qua nocte prope
 excæcatæ? Quantum proficiunt ætate, cura, diligentia, vsu,
 doctrina? est ingeniorum varietas infinita, non vnum ali-
 quod vniuersa sortitum est munera, habet vnumquodque,
 sicut multorum fert opinio, & res ipsa docet, peculiare mu-
 nus suum ac proprium. Quis inter hæc pronuntiare pote-
 rit

rit quousque progredi humano ingenio liceat? nisi solus Deus, qui & naturæ terminos, & ingenii nostri nouit, author vtriusque. Equidem haud negauerim quia olim sapientiæ studiosi multum consecuti sint diligentia, cura, diuturnitate disciplinæ, intentione animi: quæ res illos euexerunt longius, quàm quò nos potuimus peruenire socordia & segnitie impediti ac retardati. Sed cui tandem tanta diligentia, vsus, studium, institutio, ætas, acumen suppetiit, longius vt nemo posset progredi, vel alius quispiam, vel idem ipse, quàm quò iam peruassisset, in naturæ itinere, tam longo, tam lato, tam multiplici, & propter nostras tenebras impedito? Ipse Aristoteles an non plura assecutus est senex, quàm iuuenis? Quàm multa reliquit sibi ipsi ambigua? quoties seipsum correxit? nonnulla etiam addiderunt nostri, casu puto, nam sibi diffidebant. Sed addiderunt tamen. Ergo ea vel si diutius datum esset viuere, vel si in eorum aliquod vnum incubuisset liberius, vel si ampliore doctrina esset adiutus, puriora certe & exactiora reliquisset. Sunt quidem magna hæc, adde etiam summa illius quidem ætatis ac studii, non illius hominis, nedum aliorum omnium. Profecto Aristoteles ipse, si nunc viueret, etiam si fuisset insolentissimus, cuiusmodi non fuit (nam multa modestiæ eius signa impressa sunt in illius libris) sed si arrogantissimus fuisset, istorum tamen stultitiam irrideret, ac castigaret. Quæ nostrorum hominum persuasio effecit, vt multa reciperemus in philosophiam pro compertis atque exploratis, quæ minime essent talia: videlicet Aristoteles dixerat. Quid erat opus defatigari nos inquirendo, quandoquidem nixum illud erat & confirmatum, certius inueniri nihil posse? vnde nata est incredibilis in hominum pectoribus socordia atque inertia: quæ latissime diffusa pro dulcissimo habuit alienis oculis omnia intueri, aliena fide omnia credere: nihil ipsam quærere, nihil scrutari. Itaq; illud mihi admirari subit, homines qui in paruis iudicare nō sustinent, quomodo rem tantam pronuntiant, quam perceptā habere non possent, etiam si acutissime iudicarent? Quo vero ducantur iudicio, quum alia sint argumento, tum illud, quò eandem ingenii atque inuentorum felicitatem aliis cōmunicarunt: vt etiam quod Plato, quod Seneca, quod Cicero dixissent, naturæ lux & norma credatur esse: atqui inter se dissident, & quisq; secum,

& dubitant, & hærent, & se verisimilia confectari profitentur: & hallucinari se intelligunt, & falsos se esse sentiunt, nec dissimulant. Sed nobis perpetuò circum carceres hæretibus, mirandum nō est eos, qui paulū in stadio sunt progressi, videri iam metam perugisse: & in amicorum meorum gratiam transeo eam stultitiam, quæ vel pueris, aut vetulis videretur incredibilis, non deesse magnos in scholis magistrōs, qui quicquid fecerint, statuerint, dixerint vel populi gētiles, vel singuli hominum illorū, tanquam verum, rectū, bonum accipiunt in luce naturæ: & de eo disputant, & tali: quod esse insanissimum nemo non videt, nisi qui ipse insanit: verum in rebus humanis tolerabilis forsā esset indocta hæc censura. At omnium est gravissimum in iis, quæ pietatis sunt. Scinditur illico velut regnum luminis: hoc verum in lumine naturæ, illud in lumine fidei: comprimate linguas blasphemix imperitas: Hæc dicitis ex ignorantia eorū, quæ loquimini. Nam quemadmodum in oculo, & vnoquoque sensuum vis quædam ac potestas, quæ fertur ad convenientiam & velut amicitiam cum suo obiecto: ita in mente est vis, & vigor, & iudicium, & facultas ad obiectum suum: quod verum esse non falsum, nemo ignorat: ad quod verum intelligendum & assequendum non aliter semina sunt naturaliter menti nostræ indita, quā oculo vis illa ad aspiciendum colorem. Quocirca Aristotelis de authore omnium, de mundi origine, de regno naturæ, de anima, de moribus, de pietate lapsus atq; errores non sunt naturæ luminis imputandi: nec ea sunt quæ nobis natura ostendit, quæ si essent, indubie vera essent: nam verorum sunt nobis naturaliter ingentæ informationes atque anticipationes, non falsorum: & verum est omnibus ad cognoscendum expolitum, non falsum, nempe à vero & verorū opifice. Quapropter quæ vera assequimur, ad ea naturæ face deducimur, quæ non assequimur, in iis naturæ destituimur lumine, quæ porro falsa pro veris colligimus ratione aliqua probabili, in iis fallimur densitate tenebrarum, aut fallaci aliqua luce simili veræ, vnde etiam verisimilia nominantur. Falsæ ergo Aristotelis opiniones non ad lucem sunt naturæ sumptæ, quæ neminem decipit, sed ad tenebras & imaginem aliquam lucis captiosam: quemadmodum quæ oculus vere cernit, ex naturæ luce cernit: quæ non cernit, ex imbecillitate sua nō cernit:

nit: quæ verò ficta & simulata, pro solidis & veris cernit, ea ex fraude ac deceptione quadam cernit: quæ sit quidem in naturæ luce, non tamen ex ea ipsa luce, sed ex rebus interiectis luci. Dic mihi quum remum integrum videor mihi videre in aqua fractum, est ne ea visio ex luce naturæ? non inquis, sed ex deceptione oculi propter medium geminum, quod est contra lucem naturæ: eamq; deceptionem corrigit animus. Sic quum Aristoteles argumento aliquo fallitur, non eum decipit naturalis splendor, sed imbecillitas ingenii, quæ à plagis argumenti extricare se in præsens non valet, extricabitur vbi propius erit admota naturæ lux maiore studio, attentione, die ipsa, monitu cuiusquam, aut doctrina: non ergo lucis naturæ copia quenquam fallit, sed inopia. Non abnuo quin in rebus pietatis cognoscendis, adiuuemur diuina quadam illustratione singulari, sed certe pleraque nos etiam natura de illis docet. Neque enim est quicquam tam reconditum in Christiana pietate, nullum adeò sublime ac excelsum mysterium, cuius non magnas & admirabiles rationes ingenium humanum inueniat, naue modo operam sobrie, diligenter, industrie: clarius quidem atque apertius videmus omnia ope fulgoris diuini, sed profecto licet obscura, nec satis liquida, multa tamen exculperemus magna atque admiranda, vnde facilè cuius esset perspicuum, & illorum non leuia aut tenuia semina in animis nostris esse ingenita, & naturæ lumen eò nos comitari ac deducere, quò nos perueniremus, si recta inlisteremus sedulo. Sed redeo iam ad ea quæ de Aristotelis operibus cœperam dicere. Vicit ille quidē superiores omnes atque etiam posteros, est autem in definiendo vaser & occultus, adeò vt pleraque sint idcirco in eius philosophia incerta & perplexa, parum etiam vera, dum magis curat, quem in modum reprehensionem excludat, quam vt asserat verum. Alexander Aphrodisiæus propterea se Aristotelis sententiam de mundi æternitate vnam ex omnibus ait delegisse, quam teneret, non quod esset omnium verissima, sed quod contradictioni minime obnoxia.

Quid quod ex philosophi huius libri, qui sunt sanè multi Qui libri ti acutè perscripti & doctè, nō vtilissimos sibi sumpserunt, ex Aristoteli sed intricatissimos & rixosissimos, quique minimum habent bonæ frugis, non de animalibus, qui multum utilis delectatis adferunt ad vitam, & quorum ingens fuit apud veteres sumpti.

pretium, non problemata, se physicos, & ut quique physicis sunt proximi obscuritate & argutiis, videlicet de prima philosophia, de cælo, de generatione: nam libros meteororum ita tractant, ut aliud videantur agere: atque adeò mirum est receptos eos esse inter libros scholasticos, puro calu magis quàm consilio contigisse. Sunt enim earum rerum in-
 experti prorsus, & huius naturæ, quam melius agricolæ & fabri norunt, quàm ipsi tanti philosophi: qui naturæ huic quam ignorarent, irati, aliam sibi cõfinxerunt, nempe subtilitatum nugas de iis rebus, quas nunquam Deus condidisset, nempe formalitates, ecceitates, realitates, relationes, Platonis idæas, & monstra, quæ nec illi quidem capiant ipsi, qui pepererunt, quæ quando aliud non possunt certe dignitate cohonestant nominis, metaphysicam appellantes. Et si quis ingenium habeat naturæ huius imperitum, aut ab eo abhorrens, ad commenta, ad somnia quædam insanissima propensum, hunc dicunt ingenium habere metaphysicum: ut de Scoto, in quo fortassis à callidis & acutis hominibus ambiguitate nominis deludimur, ut ingenium esse metaphysicum sentiant, quâsi extra hanc naturam in alia quadam noua & inusitata. Rident nominales metaphysica illa realium tanquàm figmenta, & aniles fabulas: & tamen quia conuellerere non possunt, nec intercedunt, quominus metaphysica dicantur ingenia præpõstera & deridicula. Sed enim uero neque hæc ipsa Aristotelis volumina potuerunt intelligere, primum propter locutionem astrictam, & ex breuitate obscuram, hinc propter intricatas & obliquas sententias, tum etiam ob immodicas subtilitates, quibus Aristoteles plerunque non exacuit ingenia, sed perturbat, & frangit, tenebrasque & hallucinationem inducit aciei mentis, dum conatur minutias quasdam tenuissimas ostendere, & inutiles per se, & quæ intentionem obtutus ingenii subterfugiant, ac frustrentur: non aliter quàm ille fila monstrare quis uellet rudentum illius naui, quam Myrmecides fabricatus est apicula contectam: vel dis punctiunculas Iliados, quæ nuce capiebatur. Tales sunt illius libri Græce quidem ut ab eo sunt perscripti, nam Latinos ita legimus, ut ænigmata audire te credas, non planum sermonem, atque explicatũ, qualem inter se homines consueuerunt usurpare. Dicit aliquis graue incommodum, sed ideo tolerabile, quod adiuuamur
 bonis

bonis interpretibus ac explicatoribus ex Arabia vsque ac-
 citis: quibus tandem? versione Arabica, & commentariis A- Arabes
 benrois, quem philosophi de nostra schola, qui post eum Abenrois
 scripsere, ita sunt amplexati, vt penè autoritate Aristote-
 li adæquarint, nec solum qui longo post interuallo vixe-
 runt, sed qui illius quoque ætate: quod factum est & igno-
 rantia meliorum, & admiratione mercimonii lingua & sen- Cōmen-
 sis peregrini: vt gratiam ei conciliaret apud primos nouitas, tator.
 apud posteros vetustas: nomē est commentatoris nactus, ho-
 mo qui in Aristotele enarrando nihil minus explicat, quàm
 eum ipsum, quem suscepit declarandum. Sed nec potuisset
 explicare etiam si diuino fuisset ingenio, quum esset huma-
 no, & quidem intra mediocritatem. Nam quid tandem ad-
 ferebat, quo in Aristotele enarrando posset esse probe in-
 structus? non cognitionem veteris memoriæ, non scienti-
 am placitorum prisce disciplinæ, & intelligentiam secta-
 rum, quibus Aristoteles passim scatet. Itaque videas eum pes-
 sime philosophos omneis antiquos citare, vt qui nullū vn-
 quam legerit, ignarus Græcitatise ac Latinitatis, pro polo
 Ptholomæum ponit, pro Prothagora Pythagoram, pro Cra-
 tylo Democritum, libros Platonis titulis ridiculis inscribit:
 & ita de iis loquitur, vt vel cæco perspicuum sit literam eum
 in illis legisse nullam. At quàm confidenter audet pronun-
 tiare hoc aut illud ab eis dici, & quod impudētius est, non di-
 ci: quum solos viderit Alexandrum, Themistium, & Nico-
 laum Damascenum: & hos vt apparet, versos in Arabicū per-
 uerlissime ac corruptissime. Citat enim eos nonnunquam,
 & contradicit, & cum eis rixatur, vt nec ipse quidem, qui scri-
 psit intelligat. Aristotelem verò quomodo legit, non in sua
 origine purum & integrum, non in lacunam Latinam deri-
 uatum, non enim potuit linguarum experts, sed de Latino in
 Arabicum transuafatum. In qua transfusione ex Græcis bo-
 nis facta sunt Latina non bona, vt ille dicit, ex Latinis verò
 malis Arabica pessima. Sed vt liquido ostendam qualis sit
 Arabica interpretatio & expositio commentatoris, locum
 vnum pro sexcentis millibus adieram: nam alia permulta
 facilè quisque per se inuenerit, quæ ego superledebo attinge-
 gere, ne sim iusto prolixior in re præsertim, quæ patefa-
 ctis linguis, & cognitione totius antiquitatis, apertior
 posthac erit plerisq;. Libro ergo metaphysices primo textu,

sicut ipsi loquuntur, commenti quinti Aristotelis, opinion-
 nes priorū de principiis naturæ examinātis hæc sunt verba:
 μετὰ δὲ τὰς ἐξηκίδας φιλοσοφίας ἢ Πλάτωνος ἔγιντο πρα-
 γματικά, τὰ μὲν πολλὰ τοῖς Πυθαγορείοις τούτοις ἀκολουθῶσα,
 τὰ δὲ καὶ ἴδια παρὰ τὴν τῶν ἰταλικῶν ἔχουσα φιλοσοφίαν, ἡ
 οὖσα γὰρ συγγενέμεν πρῶτον Κρατίδῳ καὶ ταῖς Ἡρακλει-
 τείοις δόξαις, ὡς ἀπάντων τῶν αἰσθητῶν αἰετῶν, καὶ ἐπι-
 στήμης περὶ αὐτῶν οὐκ ὕστερον, ταῦτα μὲν ὑστερον ὄντως ἐπέλα-
 βον Σωκράτης δὲ περὶ τὰ ἠθικὰ πραγματευόμενος, περὶ δὲ τῆς
 ὅλης φύσεως οὐδέν. Quorum hic est Latine sensus: Post iam
 enumeratas de philosophia sentētiās secuta est Platonis spe-
 culatio, in plerisque Pythagoricis accedens, sed quædam ha-
 bens propria præter Italicam disciplinam. Nam à puero
 primum Cratylo dedit operam, & placitis Heracliti, quæ à
 sensilibus quòd in perpetuo essent fluxu, sciētiam tollebant,
 cuius ad postremum quoque fuit opinionis. Quum Socra-
 tes circa moralia verisaretur, de natura autem vniuersitatis
 nihil diceret. Sic nos. Audiamus nunc interpretem Arabi-
 cum: Et post hoc quod dictum fuit, de modis philosophiæ,
 inuēta fuit philosophia Platonis, & sequebatur illos in mul-
 titudine, in vnitatibus autem erat opinionis Italorum: &
 primus qui contigit post Democritum, fuit opinio Hercu-
 leorum, scilicet quòd omnia entia sunt semper in fluxu: &
 quòd nulla est in eis sciētia. Istas igitur opiniones secun-
 dum hos accepimus in postremo. Socrates autem loquutus
 fuit in moralibus, & nihil dixit de natura. Sic ille. Quæso
 te, quis sanæ mentis eadem dicat esse hæc & illa? Aristoteles
 si reuiuisceret intelligeret hæc? aut posset vel coniecturis ca-
 stigare? O homines valentissimis stomachis, qui hæc deuo-
 rare potuerunt & concoquere? & in hæc tam ab Aristotelis
 sententia ac mente abhorrentia auscultate quæ Abenrois
 commentator comminiscitur: tauete linguis viro tanti no-
 minis, & alteri Aristoteli. Dicit: Et postquam inuēti fuerunt
 isti modi philosophiæ scilicet Pythagoricorum, & vniuer-
 saliter qui ponebant mathematica principia entium natu-
 raliū, scilicet Anaxagoræ, & Empedoclis, & Democri-
 ti, inuenta fuit philosophia Platonis. Quid ais? Anaxago-
 ras, & Empedocles, & Democritus, mathematica entia fa-
 ciebant principia rerum naturæ? atqui Anaxagoras adiēct
 sua ὁμοιομερῆ, Empedocles quatuor elementa, Democritus
 corp

corpuscula insecabilia, & inane: quod si non aliunde, si non ex Græcis, aut Latinis, quos nusquam vidisti, certe ex Aristotele ipso quantumlibet deprauato didicisses in physicis, & in hoc eodem opere, & aliis multis. Perge porrò: & dicit, quod sequebatur istā in multitudine, id est, quod Plato confectabatur in pluribus suis opinionibus opinionem Pythagoricorum, & in paucioribus opinionē Italorum: quid potest dici vel aptius intelligentiæ Aristotelis, vel eruditius de historia philosophiæ, ac hæresibus? Pythagoricos distinguit à philosophis Italicis, quasi alii fuerint Italici, quàm Pythagorici? quod nec pueri nostri ignorant: addit, & fuerunt primi naturales in Italia, scilicet Anaxagoras, Empedocles, Democritus: atqui priores fuerunt Ionici philosophi à Thalete, quàm Italici à Pythagora: sed cur iungis vulpes ouibus? Cur Anaxagoram ex Ionia transfers in Italiam? Deinde dicit quod Plato sequebatur in maiore parte philosophiæ suæ, eos qui ponebant mathematica causas rerum sensibilium. Quis hoc dicit? nam Aristoteles nihil minus dicit quàm quod tu somnias: adiungit, quia Plato dicebat formas esse, & opinabatur naturam formarum, & numeri esse eandem. Quid opus est nobis alio interprete aut expositore Platoniorum numerorum? iam posteaquam Abenrois scripsit, cesset dictum vetus, difficilius quàm numeri Platonis: & opinabatur, quod quatuor elementa sunt composita ex superficiebus æqualium laterum, & angulorum: nihil ergo loci relinquitur triangulo? nihil pyramidi? apparet hunc hominem diligentissime esse in Platonis Timæo versatum: tam multa tu quidem dices de Platone, ut qui nunquam legerunt Platonem & Aristotelem, credant te non minus esse Academicum, quàm Peripateticum. Deinde dicit: & primum quod contigit post Democritum, fuit opinio Herculeorum: quid ego hæc refellam, quæ apud Aristotelē nulla sunt, & sumam operam superuacaneam: quum hæc sint cuiuslibet ad exhibitionem atque explotionem obiecta? Vbi est mentio Democriti? vbi Herculeorum? quid malum sunt isti Herculei? an quia Hercules Græcè *Ἡρακλῆς* dicitur, ideo heraclitici erunt herculei? qui faciebāt dubitare omnes dantes se ad philosophiam in illo tempore: quos omnes præterquam se ipsos? sed nec dubitabant, qui sciebant nesciri sensibilia: an putas Academicos fuisse, qui in omnibus assensum cohibe-

rent? & dicebant quod nulla est scientia. Quid tu nulla censes illos entia posuisse præter sensilia? O doctum interpretem veterum. A sensibus, quæ vere non essent, scientiam illi auferebant: in iis quæ mente assequeremur, quæ sola vere sunt, relinquebant, vt in Deo, & rebus illis cælestibus. Scientia enim necessaria est: quis sic loquitur? scientiam esse de necessariis dicimus, non ipsam necessariam: sed faciamus gratiam verbi homini infacundissimo: & nihil est in his, de quo pendeat scientia, nisi sensibilia, quæ semper sunt in transmutatione, Hæc sunt tuæ? an Herculeorum? vt tu vocas, sint enim heracliti herculei, certe illorum non sunt, qui veram scientiam in cognitione statuebant eorum, quæ vere essent: tua sunt, q̄ adeo es impius, vt impietates inferere, vel tuo vel alieno nomine semper gaudeas. D.d. & istas opiniones & cæt, id est, istæ igitur opiniones prædictæ perueniunt ad nos de considerantibus in philosophia vsque nunc, videre quàm hoc congruat cum eo quod Aristoteles dicit, hæc fuit postmodum Platonis sententia. Atqui hic est Abenrois quem aliquorum dementia Aristoteli parem fecit, superiorem Diuo Thoma. Rogo te Abenrois quid habebas, quo caperes hominum mentes, seu verius dementares? ceperunt nonnulli multos sermonis gratia & orationis lenocinio, te nihil est horridius, incultius, obscœnius, infantius. Alii tenuerunt quosdam cognitione veteris memoriæ, tu nec quo tempore vixeris, nec qua ætate natus sis, nouisti, non magis prætorum consultus, quàm in syluis & solitudine natus ac educatus. Sunt quos libenter legimus propter experimenta, & obseruationes variarum rerum in natura, vt Albertum Grotum: tu velut in alia natura genitus, & versatus de hac nihil loqueris, vtique in Aristotelem scribens: nam libros tuos medicos non legi. Admiratione atque omnium laude digni sunt habiti, qui animos formauerunt, qui præcepta tradiderunt bene viuendi: te, nihil est sceleratius, aut irreligiosius: impius fiat necesse est, & atheos, quisquis tuis monimenti vehementer sit deditus. Equidem coniecturas omnes consumpsi. Iam dic ipse qua potissimum re quibusdam placuisti: audio, teneo, non tua culpa est, sed nostra: non tu adferebas, quo placeres, sed nos adferebamus, quo non displiceret: non approbavit te tua doctrina, sed aliorum imperitia, & torpor: suauia erant obscuris obscura, inanibus inania, & quib

& quibusdam pulchra sunt visa atque ad fucum faciendum aptissima. quæ nec ipsi intelligerēt, nec alii essent intellectu-
 ri, nam existimationem scientiæ quærebāt, non scientiam: multi te non legerant, alienum iudicium sunt secuti: aliqui-
 quibus propter impietates fuisti gratus: nam & Abenrois do-
 ctрина & metaphysica Auicennæ, denique omnia illa Arabi-
 ca videntur mihi respicere deliramenta Alcorani, & blasphe-
 mas Mahumetis insanias, nihil fieri potest illis indoctius,
 insulsius, frigidus, Verum enimvero quod ex Aristotelis li-
 bris assequebātur, quod erat sanè perexiguū, quia esset iam
 disputationibus plus nimio tritum, agitur, vexatum, vt ge-
 nus illud pugnae etiam tyronibus videretur esse notissimū,
 noua est quæsitā belli gerendi ratio, & noua pugnis mate-
 ria. Inuectæ sunt cauillationes stultarum subtilitatum, quas
 ipsi calculationes vocant, quibus maximum dedit incremen-
 tum Rugerus Suicetus Anglus: quas idcirco Ioan. Picus
 quisquillas Suiceticas solutus erat aptissimo nomine nun-
 cupare, quæ nihil penitus vel ad sciendum conferunt, vel ad
 vsum aliquem. De vso neminem video dubitare, ne ipsos
 quidem maximos earum professores, & quorum existima-
 tio in vna illarum cognitione est posita. Porro scientia quæ
 potest esse in rebus à deo, à sensu, & mente omni remotis ac
 segregatis? & de quibus ex inani aliquo fundamento vastum
 ædificium assertionum, ac dissidentium sententiarum con-
 surgit: vt de intensiōe & remissiōe, de raro ac denso, de
 motu vniformi, de difformi, vniformiter difformi, difformi-
 ter difformi. Quid quod in his quæ nunquā cōtingūt, ac ne
 possint quidem in natura, multi sunt atque immodici: vt
 de infinite raris aut densis, de hora secta in partes propor-
 tionales hoc aut illo proportionis genere, in vnaquaq; vti
 qua sit motus ratio vel alterationis, vel rarefactiōis. Et qua-
 si explorata iam & percognita haberent naturæ arcana,
 perfuncti iam iis, quæ sunt, quæ erunt, quæ fuerunt, ad ea
 quæ fieri vix possunt curam suam conuertunt: ignorant
 quæ iacent ante pedes, scrutantur quæ nusquam sunt.
 Transcunt ad supernaturalia, & ex dogmatis quibuscun-
 que in hac natura vtcunque obseruatis, de miraculis, de
 iis quæ naturam omnem excedunt, disputant. Quid essent
 si hæc aut illa Deus conderet qualia non condidit, puta aliud
 hominum genus, aliud belluarum, & elementorum: de-
 mens

Calcula-
 tiones.
 Rugerus
 Suicetus.

B

mens ex legibus huius naturæ, atque iis parum à te exploratis de conditione alius naturæ inquiris? Prætereo subtilitates immensæ difficultatis, videlicet à quibus humani ingenii natura abhorret. Sed difficultas & labor recusandus fortassis nõ esset proposita vtilitate: atqui in his labor est irritus, sine vfu, sine scientia. Quid meretur exercitati in his tam diu tam diligenter? nimirum idem munus quo Alexander donauit illum, qui grana ciceris iacta acu exciperet. Inuenta sunt hæc ab otiosis hominibus aliarum rerum omnium inscientibus ad exercendum in scholis guttur, ne tacendo obduceretur situ. Recepta sunt ab iis, qui omnis cognitionis & peritiæ rerum nudi, facile otiosa hæc quædam mentis agitatione tuebâtur. Scilicet hoc solo prouiso ne sibi repugnarent: aucta sunt disputationibus & spe victoriæ: tum cogitationibus velut in ludicrũ solutis, ad quas nec iudicio nec libris nec rerum notitia esset opus: planè quales cupiebant homines ab iis omnibus vacui, & quibus maximam diei partem erat altercandum. adeo vt etiam quæ falsa esse non dubitarent, arripienda tamen illis fuerint, nec statuenda aliter quàm verissima, ne materia deesset rixis, & contentionibus subinde reuertentibus. Nihil olim amœnius habebatur contemplatione horti huius naturæ, vt neque est vllum pulchrius, aut iucundius spectaculum, quàm theatri huius. At isti pro stolis & arboribus placidissimis crucem ingenii fixerunt, vt nec ibi tanta se amœnitate possent delectare, & fracta ac debilitata attollere se ad meliorum rerum cognitionem non valerent. Ita ex hoc philosophiæ genere ad medicinam & naturæ inspectionem transeunt præposter, absurdi, spinosi, in omnibus inepti cauillatores, vt quæ simpliciter accepta intelligeretur, ac prodesse, ipsi vellicando, perstringendo, detorquendo frangant ac corrum-

pant.
* * *

DE MEDICINA.



O C V S hic admonet, vt quam etiam cladem medicina acceperit commemorem. Nam hæc quæ hominum morbis remedium adfert, immunis à cõmuni peste non permansit. Constitutionem hanc nostri corporis imbecillâ & fragilem multa & interne oppugnant & externe. Quotidianis necessitatibus

& periclitanti illi discordium humorum concordia epulæ subueniunt: congruentia vero iam disturbata, vel id ne accidat medica ars: quæ primum experimentorum audacia nata est, dum necessitas ad desperationem adigeret, vt auderent tentare: quandoquidem nec quietis & cautis meliore loco res erant futurae. Annotata sunt experimenta vel in memoria eorum, qui essent adiuti propinquorum, necessariorum, deniq; omnium qui cum admiratione ea animaduertissent, vel in templo eius dei, qui imploratus salutem videretur attulisse. Collecta sunt paulatim quæ profuissent remedia: unde prima origo artis: quod fecisse Hippocratem Coum Plinius prodidit ex M. Varrone. Sed experientia, quemadmodum Hippocrates idem inquit, fallaces sunt, mutantur ætate, sexu, constitutione corporis, loco, tempore. Ideo iudiciũ fuit cum cura adhibendum, vt singula in remediis obseruarentur, quæ, quando, vbi, quibus. Prima quidem fuerunt experimenta, & ea in admirationem traxerunt præstantia ingenia, vt singulorum naturas & causas eruerent. Sed mox eadem illa ingenia generales quosdam canones exculperunt, quis remedia censerentur, ne vaga errarent ac incerta, conclusa iam & alligata præscripto artis. Nam vbi dogmata, & cognitio scholæ philosophicæ & excultum ab ea iudicium experimenta non regit, casus est & temeritas medicina, non ars. Quando ergo ab experimētis, sed acri iudicio adhibito nata est hæc ars & aucta, prima illius corruptela, & sæuissima est, vbicunque vel deest experientia, & vñs rerum, vel iudicium philosophicum. Multi solis experimentis vel suis, vel sæpe etiam alienis confidunt, iudicii & obseruationis huius

Epulæ.
Medici-
na.

Experi-
menta.

vniuer

vniuersalis inopes ac inermes, exprimenta vbique valere idē
 arbitratur: quum ea profint in morbo aliquo fœmine, quæ
 viro noceant: nec idem puero & seni conueniat bilioso, &
 pituitoso, in hyeme, & æstate, in Hispania, & in Scythia. Alii
 contra philosophiæ præceptis instructi, ignari vsus, exper-
 tes rerum, manum curationibus admovent: quum artis ea
 sit præcipua pars, non quæ scripta sunt probe intelligere ac
 tenere, sed applicationi assueuisse, quæ quando in effectio-
 ne posita est ac opere, non scientis est, sed experti. Ve-
 rum ut cuique salus & sanitas sua est commendatissima, cui
 ex immodico amore supra quam dici possit & indulgemus,
 & metuiamus, amor hic timore temperatus iudicium omne
 vtilium & noxiorum adimit: quo fit vt nemo hominum o-
 mnium aliquid se ad sanitatem nostram faciens profiteatur
 dicturum, cui non adhibeamus aurē & eo promptius, quum
 vrit morbus, & faces doloris subdit acerbissimas, vt capti &
 falsi non semel eodem tamen reuertamur priorum imme-
 mores, nisi quis forte ex fraudibus sui & aliorum in odium
 professionis sit adductus, maius periculum ab arte metuēs:
 aut ex desperatione in apertum de vita discrimen venire ma-
 lit, quàm se arti committere infelicitè ab se vel alii tentatæ.
 Cuiusmodi homines sunt utique perpauci. Illi alteri pleri-
 que omnes, qui omnia proflenti sanationem morbi cre-
 dant, & confidant. Quocirca quæstuosissima facta est ars.
 Quid non largiatur homo liberatori suo? an vero sit vllus
 tam insanus, qui in vitæ periculo pecuniæ parcat? Cui ergo
 tempori numi reseruat vsum ilico periturus? Pellem pro pel-
 le, sicut Iob inquit, & omnia quæ possidet homo dabit pro
 anima sua. Festiue Philippus Alexandri pater, quum à cla-
 uicula luxata laboraret, & subinde aliquid pecuniæ me-
 dicus posceret, accipe iam inquit omnia quæ voles, quando
 habes clauem. Sed olim quæstuosior fuit quàm hac ætate,
 credo, quod alia præstarent illi maiora, & magis admiran-
 da. Sed neque nunc defunt medicis sua præmia: alet & susten-
 tabit se medicus in frigidis oppidulis, in vicis, in solitudine,
 vbi aliarum artium ne nomen quidem est auditum: is tam
 paratus quæstus multos allexit, vt perditis ac desperatis re-
 bus aliis omnibus, ad hanc vnam, ceu extremam & sacram
 anchoram confugerent, & velut arenā in naufragio. At qui
 lucri gratia studebant, ea demum ex arte ac studiis omni-
 bus

Medici-
 na quæ-
 stuosa.

bus collegerunt, quæ ad parandam pecuniam essent aptissima, nempe historiam remediorum cum leui, aut nulla etiam interdum cognitione philosophiæ, & iudicii illius, quem in adhibendis medicamentis clauum esse diximus. Nam errata illius impune sunt, imò etiam mercede compensantur: nec deest, quod flagitio suo prætexant: ægrè inobedientiam, vim morbi maiorem, quàm cui posset subuenire humana ars: facitis nonnunquàm & dictis iustas querimonias eludunt: cui vnquam est dies medico de cede dicta? Admiscuit se vt in re omni, cupiditas gloriæ, quam alii ob augendum quæstum expetiuerunt, vt eo ampliora mererent operæ pretia, quo eorum nomen esset illustrius, alii ob ipsum solum nomen & auram quandam popularem. Vnde nata sunt dogmata & placita medicandi cum his pugnantia, quæ in arte omni essent receptissima: qualia fuisse dicunt Thessali illius, qui se *ιατρονικη* appellauit, in quem sunt tam multa à Galeno scripta, tum etiam aliorum, de quibus meminit Plinius in historia naturæ. Cæterùm linguarum casus & obscuratio huic arti, quemadmodum reliquis omnibus, atrocissimam attulit cladem. Amissa sunt omnia, quæ necessaria erant ad intelligentiã eorũ quæ fuerant à veteribus obseruata, & tradita posteris: id est ad notitiã fontium, atq; eorũ scriptorũ, quorũ fide opsteriores artẽ exercerẽt, vt nomina partium humani corporis intus & foris, herbarum, animantium, lapidum, ponderum, mensurarum. Tum temporum & historiarum, qui morbi, quas aliquando regiones, quibus temporibus, quod genus siue hominum siue bestiarum inuassisset atque intestasset, quomodo sedati ac depulsi: adde huc quod nec phrasium Græci aut Latini sermonis intelligunt, quæ soliti sunt prisci medici remedia præscribere. Libri magnorum authorũ vt Hippocratis, Galeni, Dioscoridis verũ primum imperite, deinde confusissime & obscurissime: vt nec intelligi potuissent etiam si verũ fuissent doctissimè: vnde multi errores extiterunt Auicennæ, Rasis, & aliorum Arabum: vt in Aristotele enarrando eadem de causa multi sicut ostendi, Abenrois. Iam tot eorum opera nunquam in alienas versa, vnde plurimum fuerat eruditionis hauriendum. Cuiusmodi est videre, vel nuper ad nos translata, vel necdum etiam Hippocratis, Galeni, Pauli Aeginetæ. Quæ omnia Nicolaus Leoniceus, Hermolaus Barbarus, Thomas Linacer, Gulielmus

mus Copus, Laurentius Laurentianus, Manardus, Ruellius patetecerunt, siue redarguendis falsis, siue asserendis veris: quæ incipiunt iam esse paucis nota, idcirco superfluum esset ea hic recitari, à me præsertim, qui medicinæ non plus attigi, quàm quantum illa speculationi naturæ rerum, & aliis humanis disciplinis coniungitur, tum ex usu nonnihil, & communi vita. Medicis rerum veterum ignaris, & earum quæ potissimum ad salutem humani corporis conducere, aliquid tamen fuit agendum ex scholastica illa physicæ exercitatione. Ingeniem & copiosissimam disputandi materiam in hæc quoque artem tanquam plaustis inuenerunt, de intensione & remissione formarum, de raritate & densitate, de partibus proportionalibus, de instantibus, ea quæ nec sunt, nec vnquam euenient, ventilantes sua somnia deserta pugna cum morbis interea loci prementibus, atque occidentibus. Ea res fecunda & infinita, non aliter quam hydra quædam, diutissime remorata est ingenia cum fructu aliis vacatura. Videre est cauillationes, & tricas Iacobi Forlipietis, nec minus spinosas, nec minus inutiles, quàm Suiceticas, nec prolixitate & molestia cedentes, quæ nobis Ioannes Dullardus non raro solebat citare in exercitatione physica. Poterant hæc coli sine literis, faciebant ad ostentationem disputationum: nam altercationes non minus artem hanc, quàm reliquas omnes, vexauerunt: euehebant ad honorum gradus in scholis, qui gradus, de immaturis loquor, grauè inflixerunt plagam arti, ac proinde vitæ. Nam iuuenes atque adolescentes instructi spinis illis, & captiunculis, nulla peritia herbarum, animantium, elementorum, denique naturæ huius nullis experimentis, & cognitione rerum adiuti, nulla sulti prudentia, iudicio & consilio per quàm imbecillo admittuntur ad honores, & continuo emittuntur ex Academia in proxima oppida, & vicos, ad ponenda rudimenta artis, tanquam manus immitium carnificum: nec vniuersales nouerunt canones, nec deductionem artis viderunt ad vltum, nec ipsi ad opus mouerunt manum: iuuenes calidi & confidentes omnia temeritati casuum commendant. Admoneri se non ferunt tyrones à veteranis, quibus se adæquatos vident honore nominis. Quod si illi molesti esse pergant, aggrediuntur eos rixis, & tendiculis scholasticis, hinc clamore, & peruicacia asseuerationis, conuitiis, maledicentia cogunt sibi cedere senes

Medici
iuuenes.

senes moderatos, & pugnis huiusmodi desuetos, victos effronti confidentia, importunitate, odio. Ad hæc fastidiuit ostentatio veterem & vulgatam medendi viam, nouam, insolitam quæsiuit, quæ admirationem excitaret. Alii, velut astra haberent in consilio, quicquid agerent dies, & horas, & momenta obseruarunt, ceu nihil nisi de consilio syderum aggredierentur: alii medium vnguem syderibus ostenderunt, & se curaturos professi sunt inuitis astris, quum astra nec omnia in corporibus nostris faciant, nam elementorū temperatio multum proficit, nec omnino nihil, & quæ efficiunt nec sciuntur omnia, nec nihil, etsi pauca admodum & maligne: quæstus & laudis auiditas ad ea impulerunt, quis hæc duo pararent ostentationē ac iactantiam sui: tum aliorum, qui rebus expetitis viderentur posse officere acerbam infectionem, ac mordacitatem, vt malint vel corrumpi remedia, quàm præberi aliena manu. Quum eorum aliqui de morbo quopiam in commune consulunt, qua malignitate, quo liuore id faciunt, quanto fastidio & vultuositate accipiunt alienam sententiam, qua authoritate atq; asseueratione proferunt suam, qua pertinacia tuetur quilibet quod semel confirmauit, aut etiam est elapsum, ne cessisse videatur: idque eo faciunt obstinatius, quo sunt imperitiores: videlicet non tam spectantium de se iudicium veriti si quid concedant, quàm suæ ipsorum cōscientiæ, cui satisfacere se non putant, nisi si omnino victoriam aliis fecerint dubiam, aut victores se, aut certe non aperte victos: nam cedere appellant vinci. Vnde illa nata est nobilis inscriptio sepulchri, periisse se medicorum turba. Quæ omnia vtinam, vt in aliis, artem concupissent solam, non item vitam. Sed necesse est arte hac corrupta, maxima incommoda in vitam importari, quæ se momentis singulis arti huic credit, ac committit.

Medico-
rum li-
uor.



AS artes quæ circa quãtitatẽ ver-
sarentur, Græci μαθηματικὰς quasi
disciplinatas nominarunt: quanti-
tatem vero, hoc est ποσότητα, tegerũt
duplicem: modi seu molis, & nume-
ri. De quanto modi vna est discipli-
na simplex, quam geometriam dixe-
re, de terræ dimensu, de numero.

Vna itidem quæ Arithmetica, cuius
ety mon materiam testatur. Geometria ad res cælestes trans-
lata effecit Astronomiam: numerus ad harmoniam effecit
mulicam. Magnitudines ad vim cernendi traductæ eam par-
tem mathematicæ dederunt nobis, quæ ἀριθμὸς nominatur,
à nobis perspectiua. Itaque harum duæ sunt artes simplices
seu vniuersales, tres vero siue compolitæ, siue speciales tan-
quam ex generalitate deriuatæ. Non sunt repertæ plures, vel
quia non applicuerunt animum ad quærendum, vel quia
non potuerunt extudere, vt auditiuam quemadmodum per-
spectiuam: de qua etsi aliud gentes quidam nonnulla velut
digito monstrarunt, vt quemadmodum se sonus per aëra
porrigat, quomodo fiat echo, de iis quæ procul & propè
audiuntur, de cauo sonante & pleno, tum alia quæpiam: de
quibus Aristoteles inquit in vndecima sectione proble-
matum. Disciplinas has certissimas esse Aristoteles merito
affirmavit: ex eis & ipse & Plato ad philosophiam omnem,
siue de natura disputent, siue de moribus euidentissima su-
munt argumenta, quæ vocantur demonstrationes, similitu-
dines, exempla, itidem atque imprimis appositæ, quod ætate
illa tam ea erant inter ipsos nota, quàm inter nos de victu,
quo vtimur quotidie, & vestitu, & habitatione. Qua de cau-
sa & Platonem in fronte Academiæ ferunt titulum ac velut
edictum inscripsisse, quo vetaret eò ingredi harum artium
imperitos. Abstrahunt mathematici formas, & figuras, &
numeros à materia, in quas abstractiones nõ incurrit men-
dacium: nam neque componunt affirmando, neque negan-
do diuidunt: simplices res considerant, non coniunctas.
Neque enim punctum esse aiunt aliquid in rerũ natura, cu-
ius pars sit nulla: aut lineam aliquid quod longum sit & illa-
tabile,

Abstra-
ctio ma-
themati-
ca.

tabile, sed quod sic consideretur, nulla habita ratione partiū vocetur punctū, vt sol in cēlo, in terra, in mundo, quod vero ratione longi & non lati linea, vt quas sol conficit diurno suo cursu. Quem abstrahendi modum qui non considerarunt, alii disciplinas has parum sunt certas arbitrati, vt Epicurus & Protagoras, quibus Laurentius Valla imperite est assensus: alii adducti autoritate verissimarum ac certissimarum artium res tales esse in natura existimarūt, quales ipsi cogitatione sua imaginarentur, vt qui in scholis reales nominantur, nō facturi, si priscos illos philosophos legissent: aperte enim Stoici lineam & superficiem aiunt esse corpora. hanc sine altitudine, illam sine latitudine. Cicero- nem & Senecam miror: illum in Academicis quæstionibus sic loqui: Geometræ prouideant, qui se profitentur non persuadere, sed cogere, & qui omnia quæ nobis describunt, & probant. Non quæro ex his illa initia mathematicorū, quibus non concessis digitum progredi non possunt. Punctum esse, quod nullam magnitudinem habeat. Extremitatem, & quāsi libramentum in qua nulla crassitudo sit, lineamento siue vlla crassitudine carentem. Hæc Cicero. Senecam vero sic: Mathematicus vsu quodam & exercitatione procedit, impetranda illi quædam principia sunt. Non est autem ars sui iuris, cui precarium fundamentum est. Habet Geometria, quemadmodum videre est apud Euclidem, tria principiorum genera: diffinitiones, anticipationes, postulata: hæc si eam non probare, precaria est habere principia, nulla ars non habet precaria, nulla enim probat, sed statuit tantum & ponit. Quid autem tu vocas mihi precarium? Num id quod durissimę sis frontis, imò præposterus & naturæ contrarius: nisi concedas, precarium tu appellas, quod possim meo iure sumere ac vindicare? diffinitiones tales sunt: si nō placent, de verbo sit controuersia, non de re. Quod nullius magnitudinis cogitatione ab animo capitur, ego punctum voco: non liber, adde nomen aliud, illo utar. Anticipationes quæ sint dicat idem Cicero: anteceptæ animo rei quædam informationes, sine quibus nec intelligi quicquam, nec quæri, nec disputari potest: quale est: si equalibus æqualia adiuciantur, omnia fiunt æqualia: hocne vocet aliquis precarium? Si ergo disputaturus tecum posuero omnia esse, aut non esse, tu si admittas, gratiam pro beneficio repo-

ices, & me munere tuo dices procedere? Quasi verò si id ego abs te non impetrem, natura non sit volenti nolenti extortura: iam postulant aliqua, vt ab omni signo in signum rectam lineam posse duci, omni centro & interuallo circum posse describi: doce tu aliter posse fieri, & viceris hoc esse precarium. Hæc omnia certa atque indubitata sunt, & in cuiusvis animo & cogitatione à natura ipsa ingenita. Sed artes hæc quando ad vsum pertinent, versæ ad contemplationem vsu remoto longissime, sunt ad ea cunctæ, quorum nullus esset fructus, sed tantum sterilis quædam contemplatio, & inquisitio infinita: quoniam alia ex aliis sine modo vllò nascuntur: & sicut huiusmodi disciplinarum initia, & legitimi quidam progressus iuuant animos, acuiunt, oblectant, sic magna & assidua exercitia, carnificinæ sunt generosarum mentium, & publico bono conditarum. Astronomicæ adiuncta est diuinatio, quæ astrologia dicitur, nata penitus ex ostentatione, ac imposturis: non quin astra multum habere virium credam in hæc corpora. Sed nec quantas illi videri volunt, nec quas habent potest quis assequi, nisi prætenuiter: ac ne dæmones quidem norunt, quamuis se multis vendicent, tanquam illarum consultissimos. Si diuinatio arseffet aliqua corrupta, multis hic argumentis faciem planum id quod modo dixi: sed quum ars non sit, sed fraus, prætereunda sunt nobis in præsentia. Neque est ex mathematicis, quum tamen diuinaculi à multis mathematici nominentur, alienissimo nomine ab illorum professione. Neque enim cælestes magnitudines contemplatur Astrologus, ac ne simulat quidem, sed vires tantum & efficientiam. Cæterum veteres mathematicæ peritiæ integrioribus ad nostram ætatem peruenere quàm reliquæ disciplinæ, nimirum ab indoctis intactæ, ac proinde incontaminatæ. Has enim turba imperita radio contentas & puluere, quæq; non facerent ad circulos, ad scenam, ad theatrum disputantium, tanquam rem sacram non attigit. Ita integræ seruatæ sunt ac incorruptæ. Nam vt quicque his superioribus seculis minus tritum fuit studentium manibus, ita purius ad nos peruenit, vt libri in antiquissimis bibliothecis puluere & situ operiti: quo fit vt in Germania synceriores sint libri, quàm in Italia. In illa siquidem iacebant omnia, in hac doctulorum audacia excussa, quæ omnia scrutabatur, & ad suum captum detor

detorquebat. Quid quod mathematicæ hæc requirebant cognitionem, studium, diligentiam, aduertentiam, & super hæc omnia silentium, quod erat illis mortis instar. Recte Cicero: Non est philosophia similis artium reliquarum. Nam quid faciet in Geometria, qui non didicerit: quid in musicis, aut taceat oportebit, aut ne sanus quidem iudicetur: hæc verò quæ sunt in philosophia ingeniis eruuntur ad id, quod in quoque verisimile est eliciendum acutis atque acribus, eaque exercitata oratione poliuntur. Seruatas verò dico artes, id est, minus vitiatas, plurimum tamen illis perijt: quando quidem & authores interciderunt iniuria temporum plurimi, & ea quæ vsu continebantur, aut pessum ierant, aut in deterius sunt relapsa. Vt ratio ædificandi, quæ ex his manabat, ratio metiendi moles, & expedita, vel tractio, vel sublatio, vel impulsio. Quando Archimedes Siculus mathematicus inter primos nobilis aiebat: si alter foret terræ globus, se illum ad hunc tracturum, vel hunc ad illum impulsurum, *ὑπερβολικῶς* quidem, sed ea erat artis exercitatio & fiducia, quæ tandiu obsidionem Marcelli distulit, & muros patriæ est tutata. Tum proportioni picturarum ex opticae inscien tia multum decessit. Musicam etiam ferunt vehementer mutatam propterea quod victores inuaserunt Europam, qui harmoniam quam non intelligerent, aspernabantur: ita intelligentiam carminum videmus perisse, nisi in paucis quibusdam notissimi concentus, & genera proportionum, quæ apertè testantur obesiorem esse nobis, & tardiorẽ aurem, quàm illis priscis. Et hac de causa admirabiles effectus illi musicæ, vel ad sanitatem corporum, vel ad motus animorum excitandos sedandósve, de quibus magni authores prodiderunt, iam olim nulli sunt: videlicet subtilissimæ atque absolutissimæ illi animæ nostræ harmoniæ minus congruit exterior hic nostrorum temporum crassius concentus ac rudis, quàm ille veterum eruditus ac subtilis, ideò minus habet nunc virium ad aliquid efficiendum in nobis, quod tum ex similitudine obtinebat & conuenientia. Nec instrumenta retinemus, ac ne nomina quidem sunt nota, quæ à Polluce, Athenæo, Diuo Hieronymo, & aliis recensentur. Sed ne in totum nostri in scholis homines mathematicas viderentur ignorare, quasdam ex illis voces sunt suffurati, quas vbique, & in omnelatus iactarent, vt aleam, idque in

Musica
mutata.

Physicis Aristotelis, & prima philosophia: in Ethicis quoq;
 & locis alienissimis, quæ sunt illis leuissime, & à limine
 (quod dicunt) salutata: punctum, linea, superficies, corpus,
 triangulum, quadrangulum, circulus, centrum, pro-
 portio, vltcrius verò non sunt aut progredi,
 tanquam ab altissimo pelago deterriti.

De illis verò per ingentes clamores
 grixari pro mathematicis (e vulgo
 venditant, quòd eadem

quæ mathematici
 nomina vsur-
 pent.

*

LIBRI QVINTI

FINIS.

IOAN.

IOANNIS LV-
DOVICI VIVIS DE
causis corruptarum artium
Liber Sextus, qui est de
Philosophia mora-
li corrupta.



SENTENTIA illa vetus, nosce
te, tanti momenti visa est priscis il-
lis hominibus ad vitam omnem &
sapientiam, vt quum à sapiente vi-
ro sit profecta, maius esse illius ro-
bur ac momentum sunt rati, quàm
vt eam sustinere posset auctoritas
humana: Deo attribuerūt, & ei Deo, Apollini.

celsissent. Nimirum superuacaneam esse ac præ posteram iu-
dicarunt cognitionem cælorum, elementorum, rerum de-
nique omnium iis, qui se ignorarent. Scilicet norit homo
quid quicque sit, quæ eius efficiens causa, qui finis, quæ
vis, de seipso hæc ignorabit? Socrates ergo quum ita es- Socrates.
set in omni philosophia eruditus, vt tanquam acutus ni-
mium inquisitor, à vetere comœdia incessatur, translu-
lit tamen curam & contemplationem omnem ab aliis re-
bus ad se primum, vt se intueretur, & perspectum atque
exploratum meliorem efficeret compositione animi:
eâque medicinæ ac sanationis rationem in publicum bo-
num foras protulit, siue ad vitam priuatam, siue ad com-
munem & publicam. Quæ disciplina nominata est Ethica. Ethica.
ca, quasi moralis, qua mores hominum componerentur.
Ideo quæ dictus est philosophiam in cælis & elementis
sublimem peregrinantem illhinc in domos & ciuitates ab-
duxisse: quo opere nullum potuit cogitari præstabilius, nec
alio vlllo magis sibi humanum genus demereri. In qua

Numen
Socratis.

contemplatione, & disciplina inuenienda reuocauit se ille à populi sensu atque opinionibus introrsum ad seipsum. Populum habuit semper suspectum, quem ille magnum erroris magistrum nominare consueuerat, & peruersum interpretem veri, quòd videret ferè pessima placere pluribus. Itaque illo acumine ingenii sui philosophiam hanc inquisiuit, credens se non receptæ in vulgum deceptioni, non somniis & insaniis illarum religionū, quas dementati homines confinxerāt, & receperat error multitudinis, sed deo potius magistro, hoc est, lucernulæ illi naturali mentis suæ. Siquidem nemo est tam tardo ingenio, cui non lux aliqua in animo fulgeat ex Dei munere, quæ rectis exercitiis illustratur, atque augetur: ei si incorruptæ ac publica ignoratiā non contaminatæ se committeret, intelligebat se Deum ducem sequi, à quo illam accepisset, nō hominum prauitatem, quos quum videret cæcos esse, & à recto delirare, solum Deum sapientem & esse, & dici posse, veram formationem arbitratus est imitationē numinis: si tales fierent homines, quoad eius fieri posset, qualem esse Deum ratio doceret. Iam quod homines hominibus non magnam haberent fidem, nempe cæci cæcis, stulti stultis, scientiam sequendi numinis ad significationem & monitus numinis retulit, quod ille amicū se habere & familiare commentus est: quemadmodum legumlatores quosdam ad Deorum doctrinam leges ac instituta sua retulisse memoriæ est proditum, vt Minoem, & Lycurgum. Deinde quæ adiutus communi Dei beneficio excudisset, eas sic studuit tradere, non vt doceret solum, sed vt impelleret atque afficeret. Vt qui audirent, & quid faciendum esse scirent, & vellent facere oratione apta ad persuadendum & efficaciacuius sermones à discipulis eius sunt grauiter & copiose perscripti Platone & Xenophonte. Hæc est vera via, tū ad inquirendam rationem componendi animorum, tum ad tradendam: à qua qui abscedunt, longissime in autum se & errores coniiciunt. Socrates maluit Deo credere, hoc est, naturali præceptioni excussæ, quantum fieri potuit, ac purgatæ communi dementia: & alius persuasit sibi credere, quod inuenta, & institutionem suam nō sibi, sed Deo cuidam duci ac magistro acceptam ferret: à quo sibi pleraque omnia innuerentur, ac significarentur. At nos hominibus malumus credere, quàm Deo. Nam philosophiam eam, quam

ab vno Deo doctore conuenit accipi, à Platone, ab Aristotele, Cicerone, Seneca, Plutarcho, Xenophonte requirimus & postulamus, non tam ad sciscitandam illorū sententiam, quàm ad authoritatem summam dogmatum, vitæque instituendæ: quum habeamus iam nō solam illam naturæ lucernam malignissimam, non fictum Deum signis quibuldam innuentem, sed verum Deum aperte loquentem nobis, & Iovem ipsum, qui in hoc illuxit mundo, vt non amplius de via incerti vagaremur, & fluctuaremur inter humanas opiniones, sed viam sciremus exploratam, rectam, infallibilem per ipsum, & in ipso, quam ipse posset solus demonstrare, vt vel gentiles ipsi intellexerunt. Heu quantam facimus soli iniuriam, quum ad illius iuuandum lumen clarissimum & serenissimum lucernulas admouemus? Illi suas religiones contempserunt, quæ essent ab hominibus cōfictæ: ingenijs suis audierunt, nempe iis quæ putarent cælesti menti esse conformia. Nos illis credimus lusciosis & lippis, doctrinam aperte cælestem negligimus: quum præsertim, si omni remota authoritate ad examen reuocentur totius rationis & ingenii, tantum hæc nostra vincent illa gentilitia, quantum lux tenebras, & stultitiam sapientia. Quod si, vt par est, pluris facimus diuinam nostram philosophiam, quam esse à Deo nobis collatam pro certo habemus, quorsum attinet de virtutibus & vitijs ex illorum hallucinationibus statuere? Ex quibus fuere, qui res morum obscuritate sermonis inuoluerunt, vt hariolandum esset, quid sentirent, sicut Stoici: vnde inter illos tot sunt natæ dissensiones de placitis sectæ, dum argutijs & cauillis, & captionibus vberissimam suppeditebat materiam interpretatio nominum voluntaria. Alii ex suo affectu statuerunt de virtute: quale est quod Theophrastus in luctu Callisthenis dixit, Vitam regit fortuna non sapientia. Dionysius Methathemenus quum esset Stoicus voluptatem posuit finem bonorum, nam quum ex oculis laborasset noluit dolorem in ijs collocare quæ ipsi *ἀδίαφορα* nominabant. Alii populo sunt magistro vsi, vt in plerisque Aristoteles. Epicurus etiam pecoribus: tamen nec id acute satis aut recte, quemadmodum est ab Stoicis reprehensus: neque enim voluptatem primum expetunt bellæ, sed sui conseruationem, hinc voluptatem velut conseruationi consentaneam. Fuerunt qui de cauillis, de rhetoricis

Aristote-
les in mo-
ralibus.

Beatitu-
do.

schematis ac lusibus regulas virtutis acciperent, vt bene crederent dici, quod belle vel argutule. Admitcuit se his tenebris densa imperitiæ caligo, quæ non passa est nos de illorū sententiis & ductu iudicare, vt saltem inter vocâtes in diuersa, cui potissimum auscultandum esset diiudicaremus. Quanta se in scitia hæc prodit vndique, de virtutibus & vitiis, de fine bonorum & malorum: ad eandem rem vtimur & Platone duce Academico, & Aristotele Peripatetico, & Seneca Stoico, & Cicerone Defultorio, modo huius, modo illius factionis, & miramur dissidere. Tum magno labore, & conatu in concordiam redigere studemus, lepidi pacificatores, non eorum libris aut cognitione antiquitatis, sed ex nostris ineptis coniecturulis. Iam ex omnibus gentibus Aristotelem selegimus, quem sequeremur, siue quia is solus remanserat in schola dialecticæ & philosophiæ, siue quia aptè præceperat ad discendum, & ad disputationes distributis virtutibus, & vitiis in genera, & species. Itaque de aliis philosophis tacebo, loquar de hoc vno. Tamen Diuus Augustinus Platonem, & Platonicos delegit, cum quibus de religione Christiana disputaret, tanquā philosophorum omnium vel maxime sanos, vel facillime sanabiles. Et Hieronymus sectam Stoicam simillimam dicit fuisse christianæ religioni. Aristotelem verò transeo, vt Christiani inlectentur. Origenes, Nazianzenus, Nyssenus, Ambrosius & alii, certe gentiles ipsi habent pro impio, quod ex erroribus populi philosophiam fingendi animos collegerit, & à sanctissimis Platonis magistri institutionibus recesserit studio cōtradicens. Paucula quædam ex eo desumpta velut gustus gratia exhibebo, vt cognoscatur qualis sit tota massa. Principio Socrates apud Platonem non vno loco clausulas suarum disputationum huc deduxerat, non esse in vita hac expectandam felicitatem hominis, sed in altera. Hoc agit in Philebo, hoc in cōuiuio, idem & moriens in Phedone. Aristoteles in vita hac querit beatitudinē, alteri nihil relinquit. Nec solum finem bonorum hic statuit, sed etiam sapientiam: & Simonidem vt poetam deridet, qui dixerit solum Deum esse sapientē: quod videlicet inuideret Deus hominibus, si nollet eos assequi sapientiam, bonum tantopere ab eis expetitur. Vbi est ergo illa vox modestiæ plena: mentem nostram caligare ad manifestissima naturæ? Quanto rectius & religiosius Plato: hu-

mana

mana sapientia aut nihil, aut perparum est, solus Deus sapiens est. Addit aliud argumentum: Quid esset homine infortunatius, si ista quæreret, & cōcupisceret, quæ nunquā assequeretur? Eodem vitur telo ad euincendum hic esse homines felices, videlicet, quia quod omnes homines expetunt naturale est. At naturalia frustra esse non queunt: expetunt porro beatitatem omnes qui appetitus inanis esset, si nullus eam nancisceretur, nec fieret voti compos. O argumentator Aristoteles ingredi alia, & peruenies ad verum: conuertere sic argumentum: Beatitudinem omnes expetunt, naturalis ergo appetitus, non ergo vanus. Atqui hic nulli assequuntur, ut res docet, alibi ergo est quærenda. Hæc via Socratem & magistrum tuum Platonem ad verum adduxit, qui in amore & coniunctione illius pulchri, quod nihil fieri potest pulchrius, nec intermissiones sentit pulchritudinis, aut vices, nec finem illius habiturus est, extremum bonorum omnium & fastigium statuit. Quæ sententia nihil dici admirabilius aut diuinius potest. Aristoteles tria beatitudinis facit genera: Vnum impurum, & quasi de fæce vulgi, quod est secundum oblectenas voluptates: & hoc prorsum abiicit, tanquam pecudi magis, quā homini congruēs. Alterum ciuile, tertium contemplationis, quæ duo probat. Quid opus est distinctione finium? quā vero de artium finibus quæretur, & non humanæ naturæ: quæ vna atque eadem est in omnibus: alioquid non etiā addit finem opificum? quin hæc quoque ipsa minutius discindit, nepe felicitatem politici in democratia, politici in oligarchia, in monarchia: tum æconomici, hinc fabri, & sutoris? quis sic de humana beatitudine inquirat? quæ quum vna sit, vnus eius finis bonorum. Tum addit tria bonorum genera ex sensu vulgari: animi, corporis, ac vitæ his indigere vtrumque beatum sed magis ciuilem, contemplantem vero minus, indigere tamen, tum diuturnitate vitæ ad felicitatem esse opus. Si tam quidem esse felicitatem ciuilem in virtute, contemplantis autem in contemplatione, hoc est actione mentis celsissimæ. Sed vtrumque prosperis rebus ornari & augeri, aduersis obscurari, diminui, interdum etiā tolli. Hanc eius opinionem maximis argumētis Stoici exagitarunt, & quod bona nominaret, quæ non essent talia, & quod externa momenti aliquid adferrent ad beatitudinem, præsertim quum ipse

ipse perfectionem illius in animo collocasset. Quòd si illhic est perfecta, non res externæ poterunt eam mutare, quæ ad animum non pertingent, sed ipse animus prout de externis rebus statuerit: quæ opinionis inconstantia notata est etiam in eius discipulo Theophrasto. Sed Aristotelicam felicitatem contrariam esse pietati nostræ, atque ideo rectæ rationi, neminem puto dubitare: nam pietas non in vita hac breui, & imbecillo corpore casibus & calamitatibus obiecto ponit felicitatem, nec tam male agit nobiscum: sed in illo immortali corpore nostro iniuriæ omnis experti ad immutabilem firmitatem reficito: hoc est, munus amplissimum, & plane dignum Deo sempiterno ac præpotenti. Dicunt locutum eum de felicitate æui huius. Sed nec ad eam formam quisquam est beatus. Non illi quos vulgus pro beatis habuit Metellus, Curiones, Augustus, Alexander, Argathonius, Non quos pronūtiarunt dii beatos, Phedius, & Aglaus. Non quos philosophi exactiori iudicio beatos dixerunt, Regulus, Rutilius, Cato, Socrates, Zeno. Iam redit prima difficultas, appetitum nostrum incassum optare, quod nunquam assequetur. Iam quæ est verior viæ beatitudo, quàm quæ inchoat illam sempiternam, de que dicit Psalmista: Beati immaculati in via, qui ambulant in lege domini. Beati qui scrutantur testimonia eius, in toto corde exquirunt eum. Dominus noster octo beatudines vitæ huius recenset, multum ab Aristotelicis diuersas, imò diuersas. Cedo vtras tu diuitias nominaris, Sutoriam, aut Rhedariam artem, quæ semper malignissime ac sordidissime possessorẽ suum sustentant? an oratoriam, ius ciuile, rationem reipublicæ ad ministrandæ discere atque exercere, quæ facultates in præsens quum discuntur nihil adferunt, cognitæ vero ac perceptæ ad honores ingentes, opesque sustollunt? At locutus est, inquit, vt gentilis & in lumine naturæ: minime vero isthuc quidem. Nam non esse illud naturæ lumen ostenditur, quòd alii rectius ingressi sunt naturæ lumine adiuti & ducti, vt Platonici ac Stoici. Sed quid isthuc tamen est, sumus ne satis sani? habemus lucem, scimus quæ sit vera beatitas, quâ ad illam eûdum: & disputamus adhuc de Aristotelica beatitudine. An duas facimus beatitudines, vnam Christi, alteram Aristotelis? Ecce iterum blasphema de beatitudine dissectio, vt dudum de lumine. Si Aristotelica beatitudo ex-

peten

petenda hic est, Christi beatitudo non est hic expetenda: neque enim contraria possunt eodē loci & tēporis ad idē & loci & tēporis concupisci. Si Aristotelica beatitudo commentitia est, quid laboramus quomodo eam tueamur? Quin eam ratione omnes omnium philosophorum de summo bono insanias in scholam adducimus, & eas consuecimus propugnare? An vero ludimus in sententia de beatitudine, id est, de summa totius vitæ? Periculosum est contra veritatem pro falso stare. Quanto periculosius in reranti momenti, de religione, de cardine, in quo vita vniuersa voluitur? Si ficta est Aristotelis beatitudo, valeat, etiam gentilibus ipsis parum sana. & pia. Nos vera discamus & scire, & tueri. Sed pergamus ad reliqua. Virtutem finit habitum, id est, *ἔξω*, quasi non sit quoque *ἐν ἑαυτῷ*, & quidem verius: non aliter quā salubris potio, & potestate est talis, & quum operatur ac vires exerit. Tum virtutem vult esse in mediocritate, nempe inter duo extrema; & cum utroque pugnare: ut forti & timidus contrarius sit, & temerarius: & eiusdem virtutis sint actus extremis his contrarii, ut fortitudinis & aggredi hostes, quum est opus, & quum itidem opus est, cedere, ac se subducere: in quo non nihil ei conuenit cum Platone. Sed in eo merito est reprehensus à Laurentio Valla in tertio volumine de voluptate. Neque enim si cedam, aut etiam fugiam ero fortis: nec si permissis fruar voluptatibus, temperatus: sed alia sunt earum rerum nomina: nec vnum duobus contrarium est, sed vnum vni, duobus duo. Qui à voluptatibus impermissis non abstinere: incontinens: qui abstinere, continens, & moderatus. Qui fruitur licitis vel humanus est, vel ut Valla dicit, hilaris: tametsi hæc virtus non est contrā quā Valla sentit: qui non fruitur, non intemperans, sed rigidus. Ad eundem modum in periculis, & pecuniæ distributione. Qui honesta fugit pericula, aut eis succumbit, timidus: qui resistit, fortis. Qui vitat, non necessaria præsertim, cautus: qui non vitat, temerarius. Qui dat quum res postulat, liberalis: qui non dat in loco, auarus, durus. Qui temere profundit, profusus, prodigus: qui nihil dat cum tempus non poscit, parcus, frugalis. Iam fortitudinem esse dicit circa terribilia, non quæuis: neque enim in tolerantia infamiæ, paupertatis, æmulationis, mortis, in morbo, aut mari versari fortitudinem, sed in periculis bellorum; quo nihil dici potest, siue in religione

Virtus.

Fortitudo.

ligione nostra siue in gentilitate peruersius. De religione: Quis non videt nullos fuisse vnquam fortiores nostris martyribus, & iis qui illa omnia patienter ferunt in spem gratiæ Christi? in gentilitate autem non sortis Socrates in carcere, & haustu cicutæ? non Milciades in vinculis? non Themistocles & Rutilius, & Metellus in exilio? non Regulus in tormentis? non Cato in arenis & Syrtibus? Ira fortitudinem accendi, & sicut loquuntur Academici exacui tanquam cote: id quidem satis explosum atque irrisum est à Cicerone, & Seneca, & Stoicis. Magnificentiam virtutem esse definitam in magnis sumpibus, vt templis & theatris extruendis, ludis publicis adendis. Et sententiam illam nimis vulgarem ponit: impossibile aut certe difficile esse τὰ κατὰ πρᾶξιν ἀχρηστῶν ὄντα. Quid vocat τὰ κατὰ, bona ne an pulchra? quæ video in linguis omnibus commisceri, & alterum pro altero sumi, vel alterum alteri ad rem magis explicandam iungi: vt καλὸς & ἀγαθὸς, & καλο- & ἀγαθία. An tu pulchrum vocas, quod sensus indicant, vt plebecula? an quod mens vt sapientes? quæ plebes ab externis recta sensibus pulchra nominat, non difficile, sed omnino impossibile est pauperem præstare, nisi aliunde opesumat: sin quod sapientes, quid pulchrius aut præstabilius quàm ingentia opera virtutum, quæ melius, ac sæpius exequuntur excelsi animi sine diuitiis, quàm in amplissima fortuna? Quid enim pulchrius quàm quod faciebat Socrates sua negligens, vt se & alios meliores redderet? An vero καλλίοντι præstabat Scopas? Aut Xerxes pulchriora faciebat, quàm Aristides ille ἥτα & vel aliquis ex ditissimis Romanis, quàm Fabritius, & Curius in re tenuissima? Et loquor non magis de contemplatiuo illo, quàm de eo qui in mediis ciuitatibus viuit ac populis. Magnanimitatem esse ait, cupiditatem magnorum honorum. Rectius & prudentius Stoici, magnanimitas est scientia quæ habitum facit excelsiorem omnibus quæ contingere possint ex æquo bonorum ac malorum. Plato vero, Cicero, Seneca, & alii magnanimitatem esse definiunt in honoribus contemnendis magis quàm expetendis. Expetere cuiusvis est, etiam viri perditissimi, & foeminæ stultissimæ. Contemnere maximi est animi atque amplissimi, & fortuna altioris. Ideo tanta Cato-

Magnanimitas.

nis

nis admiratio, repulsis tanquam indeptis honoribus gaudentis, vt inquit Plinius, Tantum Publii Africani decus, Quintii, Verginii, Fabii: qui quum possent honores vel assequi, vel retinere, contempserunt. At non has fortasse dignitates honores vocas, sed laudem ac reuerentiam ob virtutem, in qua ambienda, speciem quandam virtutis collocas, & si ἀρετή. Tu ergo philosophum quem instituendum suscepisti ad ambitum auræ huius excitabis? hocine ais virtutis esse ἀθλον, quasi præmium victoriæ? Cicero eadem sententia, quanuis non in schola philosophica, sed in cœtu, vt dicit, hominum doctissimorum & humanissimorum, gloria est fructus veræ virtutis honestissimus, quàm piscamini aureo hamo: rei tam excellentis, & qua nulla est diis propinquior, præmium statuitis honorem, temerariam rem ac vanam, nempe à vano ac temerario populo profectam. Sed non volunt fortassis à quolibet honorem expectari, verùm à bonis, quemadmodum Aristoteles dicit *οὐκ ἐπὶ τοῖς κακοῖς ἀπὸ τῶν σπουδαίων*. vt si quod ille apud Næuium Hector, gaudere ait se laudari à laudato viro. Ideo Gloriam Cicero dicit iustam: quæ ab eo non senatore iam sed philosopho ita finitur: Est solida quædam res & expressa, non adumbrata: ea est consentiens laus bonorum, incorrupta vox bene iudicantium de eccellente virtute: ea virtuti resonat tanquam imago gloriæ. Tu vero qui scies illum bonum virum & recte iudicantem de te iudicare? Nam quò sunt grauiores ac prudentiores viri, eò magis assensum cohibent, & iudicii sui obscuriora ardent signa. Deinde qui poteris habere exploratum, illum acute & sapienter iudicium facturum de te, quum de seipso vix possit? nihil est enim difficilius, quanto minus de alterius animo tot inuolucris clauso, & occultato? Sed fac illum bene & exacte iudicare, fac te scire. Non credo expectabis dum cedatur tibi via, dum deducare & reducere, dum tibi assurgatur, nudetur caput, magnifice compelleris. Ista enim & ridet vir sapiens, & fugit, tantum abest vt eis capiatur: acquiesces ergo tacitis iudiciis. Quid ergo alterius conscientia eris contentus, non eris tua? præsertim quum ipse sis nec vir petor, nec minus sapiens, & illa melius multo te norit, quàm alius quicumque. Ea verò gratia tantam operam in dura posuimus virtute, vt aliquis nobis prætereuntibus apud se mulsit: ô virum sapiëntem aut bonum?

Christianos sic loqui, nisi forte non aliud sit nobis Aristotelica quàm picta, ficta, mortua: pro vmbriis verò & mortuis quid attinet dimicare? Nō possumus Christo seruire & Aristoteli cōtraria præcipientibus: illi attollenti nos ad cælum, ad Deum patrem suum, & per cōtemptum vitæ huius ad curam illius sempiternæ: huic prementi animum nostrum vt arctius complectatur hoc corpus, curas & cogitationes suas omnes in hac æui breuitate consumat. Quantum hoc obfuit multis in pietate, dum obliti præceptorum Christi, satis se recte ac sancte ex præceptis Aristotelis putant viuere, & ad ea tanquam vitæ formulam, opera & actiones humanas examinant, atque in flagitiis ac sceleribus sibi ipsi, & aliis indulgent impolito pulcherrimarum virtutum nomine ex doctrina Aristotelica: vt in ira, in ambitione, & honoribus affectandis, in luxu & profusis sumptibus, in vltione. Nam & hanc quoque in ordinem virtutum Aristoteles admittit. Sed non possum singula excutere, neque est hoc loco necessarium: quod alibi etiam instituta est mihi peculiaris disputatio pro pietate nostra contra omnem humanam sapientiam. Verum Aristotelem hunc quem consertis & pressis manibus, atque adeo mordicus retinent, videamus quemadmodum intelligant. Primum mentem illius difficile est erue-
re propter ambiguitatem, atque obscuritatem verborum & sententiarum, qua semper est ille delectatus. Vbiq; est sui similis: vt de felicitate quāto aliter in primo Ethicorum loquitur, quàm in decimo: quanto in hoc libro dissimiliter atque in septimo Politicorum. Et isti parum animaduertunt duplicem ab eo poni felicitatem, contemplantis vnā; alteram ciuilis, ambas confundunt: nec considerant in primo Ethicorum illum velut inquirere, & crasse de omnibus loqui, ad sensum magis vulgi, quàm suum: in decimo vero exactius. At hi nostri de felicitate Aristotelica dicturi, ex primo hauriunt potius, quàm ex decimo. Quid vero facias iis, qui fortassis ad decimum hunc nondum peruenerunt? Sed nec in decimo satis est apertus, aut sibi constans. Hinc de felicitate priuata, & hominis rerum altissimarum inspectoris dicturus, de virtutibus prius differit, sed de virtutibus Politici toto opere: quod isti non intelligentes, permiscet ac inuertunt omnia: quanuis mirandum non sit confundi ab eis, quæ ad Aristotelem ipso ita sunt confuse ædita, vt secer-

ni ac distingui sit operosissimum. Transeo quàm hæc-
 nus lectus est à Latinis hominibus imperitè versus, vt facile
 miretur quiuis potuisse ad illius mentem, vel coniecturis,
 & diuinatione perueniri: verba virtutum multarum & vi-
 tiorum Græce relicta, quorum essent in Latino sermone
 aptissima & maxime propria: figuræ & phrasæ Græcæ ser-
 uatæ in Latinis verbis multa prauè ab interprete intellecta,
 prauè etiam ad Latinos traducta. Sed nec in melioribus in-
 terpretibus est illum intelligere, nisi à peritissimis, & scri-
 ptorum veterum, & linguæ illius. Quale est illud quod
 dicit *Δουὰ γὰρ τιμὴ ἐν τοῖς τιμῶσι μᾶλλον εἶναι, ὥ ἐν τοῖς τι-*
μωμένοις. Videtur honor magis esse in honorantibus, quàm
 in honorato, Ex quo dicto suspicantur plerique sentire
 Aristotelem in eo situm esse honorem, qui exhibet, non qui
 recipit, eaque est vulgi opinio: sed illud *εἶναι ἐν τοῖς* in po-
 testatem magis significat, & quasi manum, quàm in loco:
 declarat id, quod sequitur, *τ' ἀρετὴν δὲ δευτέρῳ τῇ καὶ ἀρετῇ*
τῶν εἶναι μαντεύματα, oraculum est ipsum bonum propriū
 esse, nec adimi posse. Iam Aristoteles, vt est poetarum, ora-
 torum, historiarum, & totius antiquitatis consultissimus,
 ad illorum dicta passim alludit, quæ tum erant valde nota,
 & potissimum in scholis. Sæpenumero in ea allusione vis
 est sententiæ totius. Quis hæc intelliget nisi earum rerum
 peritus: quas res ne per somniū quidem vident nostri scho-
 lastici? Pergam de Ethicis dicere, sicut cœpi. In secundo mo-
 net cauendum esse à voluptatē, ne illa se insinuet: & debemus
 inquit circa illam non aliter affici, quàm affecti fuerunt
 Troiani senes circa Helenam: ὁ quæ hic commenta? qui se-
 nes Troiani heri nati? atqui sensus petendus est ex Iliados γ.
 Tum in octauo, quum de vtilitate amicitiae loquitur, admi-
 scet ex abrupto *οὐ γὰρ δὲ ἐρχομένων* duobus vnà euntibus, al-
 ludit ad dictum Diomedis de se & Vlyssæ Iliados η. Et paulo
 post, figulos dicunt esse omnes tales inter se, ad dictum He-
 siodi de inuidia: *ὁμοῖον ἔχουσιν, καὶ κτεάμενος κτεάμενός τις.* Trans-
 eunda sunt innumera. Sed neque hæc quæ attuli, aliò perti-
 nent, quàm ad id quod dicebā velut exemplo declarandum.
 Et quia Politica, & Rhetorica magis eiusmodi scatēt histo-
 riis, fabulis, cognitione antiquitatis, sentiētiis priscorum,
 quàm Ethica, ideo Ethica retinuerunt, Politica & Rhetori-
 ca rati sunt ad se non pertinere: ad hæc quod Politica non
 multum

multum conferrent ad indoctas rixas : & illis maiore vi ingenii , iudicii , rerum vsu erat opus. Tametsi non defuere, qui etiam Politicis auderent manus admoliri , & in ea scribere commentaria, sed qualia in reliquos omnes scriptores, quæstiones & argumenta ad altercandum. Huc enim tendunt vniuersa. Quid malum futura tandem est infinita hæc disputandi rabies? Verterunt ad altercationes disciplinam morum, quæ ad agendum esset parata: & sic tractarunt, non vt meliores vel fierent, vel facerent, nec vt rectè statuerent de virtutibus, & vita, sed vt cauillarentur. Et quo indignitati nihil fiat reliqui, etiam Suiceti spinas, & aculeata sophismata huc inuexerunt, de intentione & remissione vitiorum & virtutum. Dialecticam quoque non illam paulò saniores, sed cōmenta paruorum logicalium, de ascensu, descensu, suppositionibus, ampliationibus, restrictionibus, appellationibus. Quid facerent miseri? exercebant ea, quæ sola didicerant: præstarent meliora si haberent. Atqui disputationes minime sunt idoneæ, vel ad persuadendum, vel ad reddendos meliores homines. Nam qui contra disputat, aut qui quæstionem audit tanquam classicum, parat se continuo ad pugnam, & munit vndique vt resistat, ne capiatur, aut vincatur: ita ægre admittit in animū suum eum, qui dicit vt sententiam eius quamlibet recte monentis, transeat. Etenim cauet sibi ab illo non secus, quàm ab hoste. Quo circa morali persuasioni, quæ non adeo docere vult vt horrari & incitare ad opus, nihil est ita inimicum, atque altercationes, aut contrarium existimari dicentem audienti. Et hoc est incommodius, quod hic non vt in naturæ disciplinis, adduci possint argumenta ex cognitione ac iudicio sensuum petita, sed omnia in verisimilitudine rationum sunt sita, quæ à peruiacaci ac repugnanti aut eludi possunt, aut certè negligi. Quàm elegantes & acutæ, & ad persuasionem aptæ, ac concinnæ sunt Platonis, & Ciceronis, & Senecæ, rationes, quàm facile omnibus persuadent? At Lactantio minime persuadebant, quod insensus legeret. Idem ipse Aristoteles prudentissime admonet ad ciendos sedandōve animorum motus dialecticam non esse adhibendam: quanto minus philosophia morum proficiet, utique quomodo in scholis tractatur. Ideo iuuenes inter morales illas altercationes, & tot strepitus de omni genere virtutum ac bono-

Disputa-
tiones in
moralibus.

rum morum nihil probitatis trahunt. Non in illo exercitio colorantur, quod in aliis solet cōtingere, contrā citius multis inquinantur vitiis: quod scilicet illa omnia sic dicuntur, vt nec commendari virtutis excellentia possit animis, nec vitiorum fœditas esse odio. Quanto & ad perferendam iratam fortunam fortior, & ad prosperam regendam sapientior, denique ad vitam omnem commodior compositus animi turgibus & tempestatibus ex vna Senecæ, aut Plutarchi pagina recedat lector, quàm ex vniuersis cōmentariis Almeini, & Martini Magistri, quantumuis & moralia, & de fortitudine, ac tēperantia inscribantur. Quid quòd ex illa con-

suetudine recipiendi in animos res præstantissimas si-

ne vlla dignatione ducitur callus, ne vlla de-

inceps ad virtutem exhortatio pos-

sit in pectus induratum pene-

trare: nec aliter non pro-

dest animis hæc me-

dicina animo-

rum,

quàm nec corpo-

ra iuuare potest pharma-

cum aut potio, cui citra necessi-

tatem & per lusum

assueui-

mus.

LIBRI SEXTI

FINIS.

IOAN.

IOANNIS LV-
DOVICI VIVIS DE
causis corruptarum artium
Liber Septimus, qui est
de Iure Ciuili
corrupto.



HOMINE res ipsa testatur con-
ditum esse à Deo ad societatem, &
in vita hac mortali, & in altera illa
sempiterna. Idcirco & glutinum eï
societatis addidit animum ad bene-
uolentiam mirifice appositum: quæ
beneuolentia ex interno ardore fo-
ras ebulliens ac respectans, refrige-
rato ardore illo intrò se recepit ad

Beneuo-
lentia.

seipsam, vt quisque tenerrime se vnum amet, in alios rigi-
dus, atque asper. Quæ esset maximorum in vita tumultuum
causa, quando ad se ac suas vtilitates, quantum quisque vel
ingenio valeret, vel viribus pertraheret, nisi in locum mutæ
beneuolentiæ iustitia successisset, quæ auidas manus com-
primeret, atque ab hominum conuictu iniuriam omnem ar-
ceret. Sed iustitia hæc quum cæca ignorantia obruitur, tum
verò affectu, ne se proferat, ne existat quū oportet. Et quo-
niam sine hac mensuræ æquitate non potest societas homi-
num conseruari, necesse idcirco fuit, vt quam ex cuiusq; ani-
mis pellebat vel tarditas cordis, vel praua affectio, cōfirma-
ret vis ac potestas maior. Ergo quod ex vsu erat omnium ad
quietē & iucundē viuendum, permissum communi consen-
su iis, quos censebant sapientissimos esse homines magni
iudicii, & quietis affectibus, vt ipsi quàm æquitatem mentis
sue lumine essent intuiti ad publicas vtilitates æderent, eam
si videretur acciperet hominum cœtus, cōfirmaretq; & con-
stabiliret magna potestate, pœnis, metu. Alii id sibi negotii

Iustitia.

Leges.
Aequitas

ultrò sumptserunt: vt si se approbassent firmæ ac stabiles sancirentur suæ leges. Magni isti viri, quibus hoc negotiū vel erat ab aliis datum, vel à se sumptum, libenter si potuissent æquitatem ipsam posuissent populis ab oculis, quod nihil fuisset conducibilius congregationibus, ac societatibus hominum: sed fontem illum vberrium non quierunt totum in tam angusti aluei limites corriuare. Ex eo in ciuitatem deduxerunt, quantum quidem videbatur illi congregationi opus esse, easque leges nominarunt. Aequitas vniuersalitas est quædam, lex deductio, & species. Sed iis riuis, & quali incilibus, aquam continenter ex illo æquitatis fonte suppeditare oportet, sine qua inciles continuò arescerent. Etenim æquitas legum anima, vis, vigor, qua sublata concidunt necesse est leges emortuæ. Nihil est enim iniquius quàm leges, quæ per æquum & bonum non spirant, ac reguntur. Lex de omnibus cauere non potest. Aequitas omnibus præsto est. Idcirco statim initio iuris ciuiliis, lus finitur ars boni & æqui. Prima ergo legum perturbatio in ipsis deriuatoribus fuit, ceu aquæ in tubulis: quod qui leges sanxerunt, siue imperitia atque ignorantia tenerentur, siue prauis animi cupiditatibus ac concitationibus vexarentur, & obedirent. Ignorantia fuit, sub qua inconsiderantia clauditur, quod ingenio regionis, & suorum hominum haud satis animaduersione leges serunt, aut quieti noxias, aut grauiorres flagitiis quàm par est, aut ad distributionem ac commutationem parum æquas. Affectibus qui vrgentur, vt affectus ipsi perquàm varii sunt. Alii adducti sunt amore quodam sui ipsorum, vt qui ad suas vtilitates retulerunt leges: sicut Tyranni, qui statuerunt leges sibi vtilissimas, inutiles aliis. Aut qui leges vtilis suæ ciuitati, noxias exteris: qui ita odio aliquorum vitiorum exarserunt, vt illis iusto maiorem pœnam imponerent. Quod Draconem Atheniensem fecisse tradunt: quem Solon dicit leges sanguine scripisse: nam omnibus vitiis pœnam capitalem adiecit: quas leges postea Solon mitigauit. Fredericus Tertius furtis suspendium addidit, qua pœna nunc per Europam vtimur. Est gens in qua furari habetur festiuum factum, vt pueris olim Lacedæmone, & in Aegypto. Est in qua adulteria sunt impunita, vt ante potentiam Cæsarum Romæ. Postea pœna est dicta lege Iulia. Ducuntur legistatores, aut populi studiis,

diis, aut necessitatibus. Apud nos pleræq; leges fauent bello. In noua India aduersantur bello. Lacedæmoniæ leges erant omnino bellicæ, quò nomine à philosophis meritò repræhenduntur. Quæ regiones sine mercatura tutari se vix possunt, vt Belgica, in iis leges impentè fauent negotiationi. Vult in quibusdam odium hominum, vel ordinū, vt quæ Romæ contra plebem sunt à patritiis decreta, vel quæ à plebe contra patritios scita. Quæ à L. Sylla contra tribunos plebis. Alios rexit spes, vt qui cupiditate pecuniæ fixit leges pretic, atque refixit, sicut inquit Poeta ille. Quosdam coegit metus, vt qui leges per adulationem tulerunt, atque acceperunt de immodica principum potentia. A principio enim coacta hominum congregatione, quum velut moles quædam rectore indigeret, eligebatur ex eo corpore aliquis prudentia & probitate insignis, & spectatus, cui parerent omnes: vt ille fultus consensu vniuersorum, quæ amplissimæ sunt opes ac potentia, tueretur bonos, coerceret malos, ius diceret, & illius probitate vnusquisque quod suum esset obtineret, cuius decreta ac iussa essent ius ratum, ac leges dicerentur. Porro quando talem eligebant, ne las existimarunt tam prudentem & probum virum legibus alligari, quibus cæteros, qui nec malè esset acturus volens, quia probus: nec ignorans, quia prudens: nec coactus, quia constans, fortis, & tanta potentia subnixus. Itaque mos hinc manauit, & Principes quasi abiit in ius & legem, principem legibus non teneri, sed non tenè quæcunque decerneret ac iuberet, legem esse. Procedente tur legib⁹ tempore, quum semper humanum genus in peius proficeret, successerunt alii principes, partim hæreditate, partim electione, aut consensu populi insaniens, & vel ira, vel cupiditate, vel metu, vel gratia, vel falsa aliqua existimatione corrupti: qui principes nec bonitate nec prudentia essent cum superioribus comparandi. Et isti voluerunt licere non minus sibi, quàm bonis & prudentibus, non magis multitudinis, quàm naturæ beneficio ac munere tuerat tributum. Hinc quod licuit, liberiùs sunt quam boni illi executi, qui parcissimè utebantur eo, quod prolixissimè, licebat: ita vt non solum in prouerbum abierit, principem esse solum legibus: sed quod peius est, principi licere Principi quicquid libeat. Quem non terreat tanta vis ac licentia quod li. in vno homine posita, & plerunque gladius datus in ma- bet licet.

num furentis? Licentiam talem feueriffime illi exercebant,
 tum quia mali, tum quia metuebant ne in periculum veni-
 rent, in periculum ostentarent: vt L. Sylla dictator, de quo
 quum Valerius Flaccus interrex legem tuliffet, vt quicquid
 dictatori liberet, id effet ratum, ipfe eam legem crudelifsimè
 exercuit: quòd occupata per vim potentia, per vim erat reti-
 nenda. Déinde Romani Cæsares vel in nouo imperio, &
 nondum populo feruire affueto, vel ipsi noui homines, qui
 imperium difficilè tuebantur malè partum. Ad hæc ple-
 que omnes mali malè tutam dignitatè diligentiffimè atque
 exactiffimè studuerunt conseruare. Maieftatis lex feuerif-
 fimè obseruata & vindicata, quum non solùm facta, sed di-
 cta, verba, nutus quoque, & leuiffimæ suspiciunculæ ac con-
 iecturulæ in crimen vocarentur, quæ omnia sunt crudelif-
 fimè punita: quando principes in id vnum operam omnem
 & cogitationes cõterrent, quemadmodum fisterent se eò lo-
 ci, in quo aggre adhærebant. At verò irritatis semel ad inhu-
 manitatem animis, & proximorum sanguine delibutis, ma-
 leficia maleficiis fuerunt tuenda. Territus populus; territi
 magnates, etiã maximè familiares & amici, tanquam à ful-
 mine subinde iaculato, quæcunque poterant, effandebant in
 principem ad beneuolentiæ significatiõem: vt ea saltem par-
 te effent tuti delinito sæuiffimo principis corde, atq; eblan-
 dito adulatione illa, eisdem signis, quæ solent à vero amore
 nasci, aut etiam maioribus: vt solertior est ad amoris osten-
 sionem adulatio, quàm verus amor. Leges aliæ super alias,
 de capite, de dignitate, de maieftate principis exquisita ver-
 borum nouitate, & inauditis pœnis ac minis sancitæ, vsque
 ad communicationem diuinitatis. Cælum ei dediffent, si in
 eorum fuiffet manu, nedum urbem, & libertatem, & leges.
 Et dederunt cælum, quæ ipsis licuit, consecratione princi-
 pum mortuorum in successoris gratiam. Augusto viuenti
 aræ & templa sunt posita. Quum Domitianus formalem
 epistolam procuratorum dictans nomine sic effet exorsus:
 Hæc iubet dominus & Deus noster: Cautum est vt deinceps
 non aliter ne scripto quidem ac sermone cuiusquam appel-
 laretur. Quid facerent inter hæc iurifconfulti, nisi vt tum
 eodem metu perculfi, tum adducti spe aliqua, quæ leges
 effent in fauorem principis constitutæ, eas ampliffimè di-
 latare: quæ non effent, ad fauorem principis detorquere:
 quæ

quæ pro libertate populi, extenuare, ac opprimere. Ita quum princeps esset lectus à populo, vt ipsos, tanquam pater filios regeret, tueretur, quod pater patriæ & esset, & nominaretur, ipse longè aliter pro hoste se gerebat: quæ multitudini expedirent perfuntoriè & per alios obiens, quæ sibi, accuratissimè. Sic se atque alios tractando perfecit, vt ius maiestatis ac potentia suæ in immensum auctum tutelam omnem patriæ exorberet, libertatē premeret, honestum otium & quietum (quæ boni expetunt) funditus extirparet: vt permulti principes imago illa rectoris mundi magis à Deo videantur creati ad perniciem subditorū, & tanquam carnifices regni sui, quàm æqui moderatores, ac disceptatores suæ ditionis. Non se eos præbebant, per quos quisque ius suum obtineret, sed per quos nemo esset ab iniuria immunis: quod sæpe numero propter populi scelera contingere sacra oracula testantur. Traianus Cæsar sapientissimè fiscū principis splendori assimulauit, qui quo magis increseit, hoc magis reliquū Fiscus principis corpus diminuitur, ac extenuatur. Hæc potentia principum & moribus accepta & consignata literis tantas vires diuturnitate temporis est nata, vt nūc post longam successionem regni, quum Rex ab vltima origine deductus nec competitorum timet, nec populum, vt se afferat in libertatem tandiu assuetum agere sub illius atavis, tamen ita se conatur extollere supra caput patriæ, tam graui pondere in eam incumbere, vt eum putet esse fidelissimum sibi, quisquis de misero populo detrahit, quod addat principis dignitati, quæ iam quo crescat non habet: & in seditionis habeatur, quisquis de commodis publicis, de libertate populi, de quiete eius audeat vel meminisse. Et loquor de his legitimis ac iustis: nam ciuitati nihil est æquè perniciosum, vt vulgi libertas effrenata, ex qua nascitur seditio extremum malorum publicorum. Quapropter leges quas ex æquitate omnibus pari atq; vtili oportebat elici, ex cupiditatibus sunt principum deductæ, quæ quoniam æquæ in commune non sunt, nec iustæ, haud aliter leges debent nominari, quàm auena hordeum, aut mulus equus, aut acetum vinum, aut adulterinus numus pecunia, denique quicquid à meliore degenerat illius appellatione. Sicut præclare à Socrate apud Platonem disputatur in politicis, & à Cicerone in libro de legibus primo. Sed quoniam in hoc repertæ sunt leges, vt homines in-

quisq; actiones omnes suas debet accommodare, par est vt Leges
 leges sint & apertæ, ac faciles, & paucæ: vt sciat quisque quo- paucæ &
 modo sibi sit viuendum: nec id propter obscuritatem legum faciles.
 ignoret, nec propter illarum multitudinem ei excidat. At
 it in quorum manu est consultatio & responsio de iure, ne
 rem exiguam, & cuius obuiam videantur præstare popu-
 lo, curant vt obscurentur leges, ne promptum sit cuius qui
 sit sensus perspicere, adeundum verò ad se habeant tanquam
 ad oraculum: qua in re meritò ~~iure~~consultos incelsit Ci-
 cero pro Murena. Quid quod ea etiam, quæ si propone-
 rentur, essent omnibus plana & obuia, recondunt, vt fa-
 stos dies & nefastos: quibus diebus posset agi iure, quibus
 non: donec inuentus est Romæ Flavius quidam scriba, qui
 fastos euulgarer maxima nobilitatis indignatione, in cuius
 manu erant, seu verius tyrannide. Ergo quæ sunt ex se fa-
 cilia & liquida, immisisis interpretatiunculis, ita sunt red-
 dita turbulenta, vt aqua ex agitatione, vel cœno aut pulvere
 iniecto: & quæ recta erant, icta & percussa glossulis, defle-
 xa sunt ad iniquitatem. Iam paucas conuenit leges esse. Nam
 si multæ sunt, euitari non magis potest crimen, quàm ca-
 sus, si multis locis tendantur retia ambulantibus. Infidix
 sunt tot leges, non conditio viuendi. Quum non bene essent
 populi instituti, nec sua sponte vellent bene agere, sed me-
 tus legum exprimeret, quod non valebat probitas, aliæ le-
 ges super alias ferebantur ad coercendos morbos animi sub
 inde erumpentes: non secus quàm in morbo & hucero-
 so corpore nullus est medicamentorum finis. Nam quum
 hulus vnum lata lege tanquam ceromate erat compressum,
 erumpebat ilico alterum, cui erat succurrendum, hinc aliud
 subinde atque aliud: & prima vulnera, quum exiccata erant
 ceromata, id est silentio & antiquitate ferè abrogata, rur-
 sum erumpenti putri humore rescindebatur, cui iam videretur
 cicatrix obducta: ferenda tum erat noua lex de re ve-
 tere, quæque iam antea legibus esset sancita. Ita nullus mo-
 dus, nullus finis fuit legū. & de eadem re multa rû, & de diuer-
 sis. Tū per homines vafros ad obsequiū suarū cupiditatū at-
 que animorum facta est fraus legi, & detortum vnum ver-
 bulum, aut dispunctiuncula, aut proprietas loquendi, quo
 animus prauè affectus imperaret, quæ sit interpretatio
 Iurisconsulti: aliis hoc est visum iudicio, aliis hoc placuit
 ex affe

quererent, non describerent codices, ex quibus quæ vsui ad disciplinam forent, iam essent decerpta. Cæterum in facto hoc aliquot insunt commoda, quod plerumque rectus sensus, & germana dictorum intelligentia ex collatione præcedentium sequentiūque elicitur. At quum detruncatus est locus difficulter potest diuinari, quid author senserit. Tum quod vt non erat vnus Tribonianus, qui colligebat sed Theophilus & Dorotheus: Tribonianus collegit hoc aut illud ita esse ex Herennio: Theophilus non esse ex Papi- niano aut Celso, vt diuersa inter se sentiebant, & nonnun- quam idem secū ipse dissentiebat. Erant enim præci illi ho- mines occupati negotiis, nec absoluta eruditione ac sapien- tia, tum etiam animi commotionibus impulsī. Sæpe respon- derunt & scripserunt districti negotiis, suspensio atque alic- nato animo, sæpe obsequentes amico, aut alicui affectioni, aut tangebantur studio contradicendi ei, qui cum non bene conueniret, vel ostentandi sui noua & inusitata tractatione Iuris, non rati futurum vt pro lege acciperetur, quod dixis- sent: sed in præsens seruitum est ab illis tempori: & volue- runt cum libertate iudicandi sua recipi, nec contradicenti succensuissent. Interdum hoc visum est vno tempore, aliud alio, vt mutantur hominum iudicia, quum cæteris in rebus, tum potissimū in iis quæ ad mores, & vitæ officia pertinent, in quibus non possunt afferri demonstrationes, sed verifi- militudine quadam coniecturarum dicimus. Nec sanè tem- porum illorum conditio multum ipsorum ingeniis profuit, concussa & mutata toties ciuitate nouis principatibus ho- minum scelerosorum Commodi, Seueri, Caracallæ, Helio- gabali, Maximini, qui non tam armatos hostes persequerē- tur bello, quàm senatum, quàm doctissimum & prudentis- simum quenque odio, exiliis, cædibus: inter quæ nemo eras tam constans, imò durus, qui animo posset consistere, & ar- tes ingeniorum pro debita tranquillitate exercere. Frangi- tur mentis solertia in publico timore ac tumultu, conuersis omnium animis ad cogitationem vnā mali impendentis. Quibus de causis cōueniebat exactius perpendi ea, atque exa- minari, quæ illi vt responsa ædiderunt, vt leges: nam si deui- bant ab æquitate, iniquæ leges erant: deuiasse autem interdū argumento est, quod inter se quandoque sunt contrarij. Nam quod dicunt Tribonianum fuisse magnum & erudi-
tione

Antino-
mîæ.

tione, & prudentia, & iudicio virum, non dubito, sed hominem: nec optimum, & quem Suidas ait consueſſe leges vendere pretio, & tales figere, ac reſigere, quales congruerent iis, qui plurimum numerarent. Sed nec vnus collegit, nec ab vno. Iuſtinianus ſeu Tribonianus potius negat vllas eſſe in iure ciuili contrarias leges Codice de veteri iure enucleando, capite ſecundo. Antinomias quasdam adfert Budæus ſuas & Vallæ, in quibus nonnullæ ſunt, quarum altera aperte dicit etiam, altera non. Sudant ſatis & veteres & recentes Zaſius & Cantiuncula in concordia magis, quàm qui receperunt ſe Platonem & Ariſtotelem in conſenſionem redacturos, & quali reſoluturos in gratiam. Sed nihil eſt ita dilucidè ac diſertè repugnans, quin ſi permittatur tibi quocunque hbuerit ſectere, & torquere, videatur eſſe conſonum: præſertim cum Accuſius, & quidam veterum impudenter ſibi ſumant quocunque viſum eſt modo interpretari quàmlibet abſurdè: mutare in contrarium eſt neſas, ne videlicet contra fauorem ſacroſanctarum legum aliquid dicatur: ceu verò pugna legum ea etiam ſit ex legibus. At dicunt recentiorum Cæſarum & Iuſtiniani reſcriptis multa eſſe ex pandectis in Codice & autenticis correctæ. Ceu verò minus ſit libidinum & corruptorum affectuum in principum reſcriptis, quàm in prudentum reſponſis. Principes plura concedunt temporibus, amicitiiſ, inimicitiiſ, impotentia motuum, ac perturbationum animi, quàm priuati: quòd altius à fortuna euecti, & maiores animos ſumpſerunt, & plus ſibi iudicant licere oportere. Et in plura extendit ſe cura ac ratio illorum, quibus neceſſario habent obſequi: alia perſuadent, alia ducunt, alia trahunt, impellunt, cogunt: quibus priuati homines liberi ac ſoluti integrius poſſunt iudicium ſuum conſeruare.

Ignoran-
tialingua-
rum.

Sed omiſſa diſputatione hac loquamur ſanè de his ipſis centonibus ita conſarcinatis. Maximam illis obſcuritatem ſequentibus ſeculis attulit ruditas duarum linguarum, quibus erant ſcripti. Ignorata ſunt verba Græca, quorum frequens eſt mentio. quum in toto corpore iuris ciuilis, tum potiſſimum in codice, & ex eo tribus poſtremis. Multa citata ex Homero, & Demotheſtene, & alijs Græcis penitus omiſſa, in quibus erat vis ſententia legis: pro quorum expoſitione vnum illud dictum arbitrabantur ſufficere. Non po-
teſt

test legi, quia Græcū: quasi in perpetuum desperarent de eo, quod in præsens non assequerentur. Quanquam interdum sine fronte ponunt, quod primum in buccam: vt de contrahen. emptio. l. p. Sed hi uersus permutationē significare videntur: gloss. quia in prædictis versibus non erat emere, sed comparare. Accursius: non pudet istos quum uersus non legerint, ea dicere: nec est in eis comparare, sed *diviſo*. q. vi. num quærebant. Iam leges permultæ sunt Græcè scriptæ, & prauè in Latinum versæ ab interprete imperito. Idcirco & pleraque omnia verba simplicia Græca quæ in iure sunt ciuili relictæ, confusa ad nos uenerunt, ac deprauata. Inscientiæ Græcitatæ accessit imperitia Latini sermonis, & eorum omnium, quorum est crebra mentio in iure ciuili, vestium, suppellectilis, instrumenti rustici, tum rerum ac consuetudinum fori, ac totius ciuitatis Romanæ, in quibus sita est mens legum, & sententia. Ad hæc historiam & temporum rationem obliuio oppressit. Quibus ex causis pro cælo exposuerunt cucurbitam, & historias confinxerunt, quum ueras ignorarent. Quorum omnium fulcē adferrem exempla, nisi ea nota essent iam vel mediocriter doctis, facta ex libris eorum, qui peritiā juris aggressi sunt illustrare, adiuti linguis & cognitione antiquitatis, Budæi, Alciati, Zasii, Salomonii, Nebrissenſis. Detracta tanta parte iuris ciuilis, operta ignorantia tenebris, quantulum erat quod ad intelligentiam eorum fiebat reliqui? nempe quæ semper habita sunt facillima, & maxime exposita. Atqui & in his versabantur hallucinanter, ac diuinabundè, vt non ex uerbis sensa deprehenderent, sed ex sensu uerba. Nec aliter non rarò diuinarunt illi ueteres significationem alicuius nominis reconditi, quod viderent ex sensu non posse aliud intelligi, quàm videmus quotidie fieri in iis, qui mediocriter linguam aliquam nouerunt in abstrusis eius uerbis. Er vt fuerunt illi indocti, tum libri legum frequentissimi illis in manibus, vt si qui alii, deprauarunt quæ non intelligebant: & librariorum insectando inscitiam, quemadmodum Quintilianus ait, prodiderūt suā. Ergo libros illos mēdoſissimos habemus, adeo, vt plerunq; nullus omnino nec à doctissimis atque ingeniosiss. elici possit sensus. Huic malo dicitur seruatiū remediū in quadā bibliotheca Florentina, in qua seruātur antiquissimi quidam libri legū correctissimi, qui

Lib. legū qui propter vetustatem ἀρχαῖων nominantur : & vulgo libri Pisani, vnde sunt Florentiā cum opibus illius vrbis trāſ-uecti. Sed nunquā prodit illud remedium: quod si prodiret, quod vir doctus multis annis quærens, & se defatigans vix inuenit, id vna hora patefieret: si modò tales sunt, quales prædicantur. Iam quum Iustinianus prolixitatis pertæſus de truncarit scripta iuris peritorum, vt labori studiosorum conſuleret, vetuerit etiam, ne res eodē relaberetur, glossas fieri. Iſti nihil legem illam pendentes, quum tamen sacroſanctas leges nominent, glossas addiderunt, siue vt explicarent quæ obſcura ſibi & aliis eſſent per ignorantiam facta, siue ad ostentationem peritiæ, ac nomen proferendum. Et tamen quos non piget legere tam longos Bartholos, Baldos. Iasones, Albericos, piget legere corpus ipſum iuris. Age verò qui ius ciuile profitentur, qui se & profiteri, & præſtare oportere arbitrantur. Vlpianus hanc profeſſionem paucis eſt his verbis complexus. Ius eſt ars æqui & boni, cuius merito quis nos ſacerdotes appellet. Iuſtitiam namque colimus, boni & æqui notitiam profitemur, æquum ab iniquo ſeparantes, licitum ab illicito diſcernentes. At iſti obliſi ſe iuris eſſe & iuſtitix interpretes, atque ideo ſacerdotes vocari æqui & boni, relicta pulcherrima omnium profeſſione explicandæ æquitatis, exiſtimarunt ſe ſacerdotes eſſe Romani iuris : & ex illa naturæ omnium gentium, temporūque latitudine in has ſe vnus populi, & vnus temporis anguſtias compulerunt, fortaliſis conſcientia imbecillitatis ſuæ, tacito naturæ ſenſu. Nam ad cognitionem atque interpretationem æquitatis, quatuor maximis rebus eſt opus, ingenio, iudicio, eruditione, variarum rerum vſu, atque experientia. Neque enim oculos facile immittet in arcanum illud & ſanctū naturæ lumen, niſi homo iuſtendiſſimus: nec qui viderit diſcernet, & cenſebit, niſi maximi & acerrimi iudicii: tum in vtroque opus eſt vſu atque experimentis, ne quauis egregium atque excellens ingenium nouitate rei fallatur: denique ad ea, quæ ab aliis ſunt obſeruata, & ad lucem omnino maiorem opus eſt varia notitia antiquitatis, quæ prudentia adiuuatur, res vna in negotiis vitæ omnibus incomparabiliter neceſſaria. His rebus maximis ſulti priſci illi veteres de iure audebant reſpondere: ad quos olim, & in foro ambulantes, & in ſolio ſedentes domi ſic adibatur, quod eſt

Ad æqui-
tatis co-
gnitiōē
& inter-
pretatio-
nem qui-
bus opus.

est à Cicerone memoriæ proditum, vt nō solūm de iure ciuili adeos, verum etiam de filia collocanda, de fundo emendo, de agro colendo, de omni denique aut negotio, aut officio referretur, de diuinis & humanis rebus vniuersis. Iidem, & in senatu, & apud populum, & in causis amicorū, & domi, & militiæ cōsiliū suū, fidēque pręstabant. Illi demum verē erant Iuriscōsulti, seu veriūs, vt idem Cicero de Seruio Sulpitio dicit, iustitię cōsulti, & æquitatis sacerdotes, atq; antistites. Hoc erat pucherrimum in ciuitate munus, & vtilissimum suis ciuib; pręstare. Illi verō hoc tanto merito suo prudentiæ nomine decorati sunt. Prudentes enim & habiti sunt semper iuriscōsulti, & nominati, eaque ipsa disciplina iuris prudentia, & responsa prudentum: quippe eam professionem non sunt rati absq; prudentia tueri se ac pręstare suę ciuitati posse. Nam quis æquitatem rerum videat, aut definiat sine magna prudentia? Nunc verō quid causę dicemus esse, quod multi simul sint imprudentissimi, & iuris peritissimi, & quod mirere magis, stultissimi existimantur etiam ab iis ipsis, à quibus & iuris callentissimi? Videlicet facile est homini quālibet tardo, & ignaro rerū omnium memoriter leges illas complecti, & tanquam indicem vbi quicquam habeatur ostendere. Nam ego hos homines, qui leges alias super alias accumulāt nulla addita ratione æquitatis, quæ ex ingenio, & multarum rerum experimentis ac scientia excuditur, non iuriscōsultos soleo nuncupare, sed elenchos, aut indices legum. Miselli quid facient vbi nullus est legum Romanarū vsus, vt apud Turcas, apud Christia- nos etiam ferē omnes: in quibus vnaquęque gens, alia mo- res sibi obseruauit, secundum quos viueret: alia leges inuenit commodiores sibi, quā essent Romanę illę. Nec iniuria: quippe quę Romanis olim congruebant, nō omnibus iam congruunt: mutata est ratio viuendi, status rerum mutatus. Dialecticus vbiq; est dialecticus. Medicus vbiq; est medicus. Philosophus vbiq; est philosophus, peritus æquitatis vbiq; est peritus æquitatis: multum omni loco apud omne hominum genus pollet, ac potest. Isti iuriscōsulti non vbiq; sunt iuriscōsulti, imō iam penē nusquam. Triplex, quadruplex est eis discendum ius ciuile, prout mutant locum: pro quibus omnibus vna æquitatis scientia sufficeret, addita leui cognitione consuetudinū & morū eius populi, in quo

Legū in
dices, vel
elenchi.

Citatio
legum.

viuerent. Acutiùs tum responderent de iure, & meliùs, atque incorruptiùs. Iam quomodo citant has leges? nō aliter vti- que quā indices. Veteres illi antistites æquitatis adduce- bant quidem interdum placitum aliquod maiorū suorum, qui scientia iuris valuissent: sed rarò, sed leuiter: & ratione magis acquiescebant, quā alterius sententia atq; opinio- ne. Leges verò multò rariùs: nam de illis constabat, de inter- pretatione erat quæstio. Isti nullum faciūt finem leges alias super alias congerendi, quod est plures leges tenere, nō plu- res intelligere. Et subinde occinunt nobis illud: erubescimus sine lege loqui. Quid est sine lege? Si absque citatione capi- tis alicuius legis, quid potest dici imperitiùs, quid ineptius, quā non esse sine cuiusmodi loquendū lege? Sin verò, quod magis puto, sine lege est, sine ratione ac modo, erubescāt qui sine ratione ac modo semper loquuntur, & sine lege suas le- ges profundunt: quod est vtiq; ostentatio magis memoriæ, quā legum & iuris explanatio. Dixi vobis elenchos esse istos iuris, non consultos. Ceu verò sit puer aliquis, vel mu- liercula tam rudis, qui si leges edidicerit, non possit, vbi de hoc aut de illo negotio aliquid legerit dicere, & multas le- ges coaceruare: duntaxat quomodo isti, leges ad negotia ap- plicant: in quo nō paruam, & imperitiæ, & torporis sui par- tem produnt. Nam vt non legerunt leges ipsas, sed epitomas quasdam & summaria, quas vocant rubricas, atque vtinam eas omnes. Rubricæ autem colligunt sæpe priorem legis partem, posteriorem relinquunt. Isti ex rubrica citant le- gem, cuius prior pars vtcunque videtur pro eis facere, poste- rior est omnino contraria ita vt suometipsi gladio crebrò se iugulent. Alii proponunt longum sermonem ex decem aut duodecim sententiis conflatum, in fine verò adiiciunt, & ad hoc faciunt illa, & illa lex, quum eæ tantum ad vltimam sententiam, & quidem leuiter, faciant: in qua tamen senten- tia non erat cardo negotii. Alii quum dicant longā aliquam sententiam, legem adterunt, in qua sunt duo vel tria postre- ma verba illius sententiæ. Sunt qui etiam omnino falsò ci- tent, & alias super alias impudenter, & confidenter: nam adeò multas simul aggerant, vt nemo sit tam ferreus & pa- tiens, qui eas sigillatim sustineat excutere. At quod malè ab vno citatum est, fide illius citatur ab aliis plurimis peius. Neque verò in colligendis ex legibus argumentis sunt feli- ciores,

Argumē-
ta iuris-
consul-
torum.

ciores, siue ex ignoratione veræ Dialecticæ, siue ex iudicio absurdo, siue ex ambobus: ex facto alicuius quod refertur in lege trahunt exemplum ad alia. Verbi causa vt ex eo quod Flavius scriba vulgarit fastos, & ideo factus est tribunus plebis, Digestis de origine iuris, sic annotat Accursius, aliquem ex dolo suo præmium consequi, & facit infra ad municip. l. Titio, & infra de suis & legit. l. intestato. §. is planè. Arguitur cōtra. C. de fur. & ser. corrup. l. si quis seruo. vel dic quod hoc fecit populus ignorans, sic ille. Miser quid te torques? nec dolus fuit, nec populus ignorauit, nec leges, quas stultissime allegas, faciūt ad rem. Iam de rerum diuisione. l. in tantum. §. cenotaphium quoque: magis placet esse locum religiosum, sicut testis est in ea re Virgilius, sed diui fratres contra rescripserunt, Glos. in verbo Virgilius. Sed falsus testis est vt infra lege proxima: & de religione. l. is qui. Et est argumentum, quod authoritates poetarum sunt in causa allegandæ, vt supra de statu homi. l. septimo. & de solu. si pater. Sed in lege proxima est argumentum contra, quod sint reprobandæ. Quis Chrysippus, aut Carneades potuisset tam acutum argumētum excogitare? Iurisconsulti alicuius opinio allegatur in iure, & reprobatur: iuriscōsulti ergo auctoritas alleganda quidem in causis, sed reprobanda. Quid quod Virgilius non dicit debere esse honoraria sepulchra sacra, sed Troianis tēporibus, aut certè Andromachæ fuisse. Istis verò hæc dici, est surdis cani carmen. Lex, is qui, nihil loquitur de poetis. l. septima auctore vtitur Hippocrate ad fœtus naturam. l. si pater, Aristotele ad numerū fœtus. An hi etiam poetæ: nihil est frontis in hisce hominibus, non pudet tantæ & tam crassæ ignorantix? Iam quorsum pertinet allegari ea, quæ sint reprobanda? Scilicet Martianus, qui pro se adducebat Virgilium, iudicabat illius auctoritate stari non oportere: talia sunt istorum omnia. Et quemadmodum viderunt altercātes dialecticos, & philosophos in schola, ipsos quoque incessit libido sui ostentandi. Altercationes inuexerunt, id est, velitationes & luctas. Hinc, quod proximum erat, placita & sectas ex pertinacia. Hæc opinio huius, ista illius, aut illius. Nempe de iure respondere, quum ratio ex æquitate non depromitur, facillimum est, vt inquit Cicero pro Murena: multò adhuc facilius si adsit impudentia, vt idem in L. Valerium iocatur: Cur hoc tibi iuriscōsulti no-

Altercā-
tiones in
iure.

Casus.

men non gratificer nescio, præsertim quum his temporibus audacia pro sapiëntia liceat vti: & quo vberior esset disputandi materia, excogitarunt casus, non illos quotidianos, & crebro solitos vsu euenire, quorúmque esset mentio in legibus, aut de quibus essent latæ leges, sed inusitados, admirabiles, quiq; nunquã cõtingerent, ac proinde nec essent vsui illi vnquam futuri. Quæ res infinita est, quemadmodũ Aristoteles docet in Ethicis. Quippe causarũ & negotiorum innumera est vis, ac multitudo, vt quæ leuissimis varientur momentis, & iis adiectionibus, quas Græci *περίρροιας* nomināt, Quintilianus circumstantias, quæ positæ sunt in aliqua additione personarũ, locorum, temporum, causarũ, modorũ, casuum, factorum, instrumentorũ, scriptorum, & non scriptorum: quarum rerum congregationẽ negotium Valgius appellat. Quocirca ea persequi operis esset nunquã finem: in quo declarant, quã sint artis imperiti, qui curam & præceptiones suas circa singularia consumunt: quæ quoniã sunt innumera, ad curam artis pertinere nõ possunt, sed ceretè neq; vlla ars ad istorum curam pertinet: & dum illis occupantur, quotidiana & necessãria prætermittimus. Sicut philosophi, qui dum rerum naturã nouam excogitant, amittunt istã. Res est alioqui nullius necessitatis, aut fructus. In medicina fortasse expediret præuisa habere remedia ante morbos, ne hi quum de repente existeret, tum quærendum haberemus remedium, nec faciliẽ in anxietate & trepidatione inueiremus: morbusq; inualescens ac vrgēs absumeret prius hominẽ, quàm medicina possit parari. In legibus multò est secus, nam quum morbus apparet, id est, vbi quis peccauit, satis tum maturẽ de remedio & medicina consultatur: neque enim adeò est festinandum vt puniatur qui peccat, quàm vt sanetur qui ægrotat. Satisque in tẽpore consultatur de pœna & exemplo, vbi morbus totũ se explicuit. Adde quòd in medicina morborũ remedia præuisa non irritant morbos. In ciuitate leges latę ante scelera, non rarò scelera ipsa mortua & cõsepulta exuscitant, sicut ille apud Paulum conqueritur in epistola ad Romanos. Quam tuisse causam perhibent, cur Solon de parricidiis nullam tulerit legẽ, ne admonere videret ir de eo, quod antea factũ non esset. Nec Lycurgus de adulteriis quicquam cauit, quod id facinus incognitũ adhuc sua ætate esset Lacedæmone. Quocirca maturẽ satis post

post scelera rogantur leges. Nec immeritò dicitur illud, omnes bonas leges ex malis moribus esse ortas. Quid quod sicut medicinæ non desunt dogmata, atq; vniuersales canones, qui nouis & repentinis morbis faciliè subueniāt, ita neq; cognitioni æquitatis remedia, quis scelera & flagitia cohibeat: quæ remedia excolenda æquitate statim se ostendunt, ac proferunt. Scrutatione verò scriptarum legum abdunt se magis, & occultant. Natura igitur æquitatis examināda istis erat, atque illustranda ad omne negotiorum & caularum genus, non torquenda ingenia: dum omnia quæ possunt contingere ad has leges scriptas (quæ comparatione negotiorū paucissimæ sunt) inuita pertrahuntur. Præter hæc omnia, vt homines semper fuerunt attentī ad rem, extincta charitate mutua, & respectu Dei amoto, creuerunt lites & rixæ. Nulla fuit ciuitas adeò quieta, in qua vnum forum sufficeret: iudicia sine modo alia super alia: patronorum & aduocatorum magnū, in amplissimo quæstu decus, qui vbi iussi sunt conticessere, & in responsa prudentum concesserunt omnia, ad Iurisconsultos idem honor & quæstus deuolutus est. Quæ res permultos impulit, vt eam professionem arriperent, in qua esset paratum lucrum plenum dignitatis. In Academiis multi ad illos honorum gradus admissi, quibus quoniā nō est fame pereundum, lites quærun, semina earum ubiq; spargunt, mouent, augent detorquendis legibus, & controuersias malunt constituere, quàm tollere: idque eo est factu promptius, quòd legum obscuritas, anīam prauis hominibus præbet inflectendi eas, quò velint. Et differunt lites in longissimam diem, vt mali medici curas morborum sicunde vberior lucrandi spes affulgeat. Ita breui tempore, quæ erant facilia, & liquida inuoluta redduntur omnia, & perplexa. Et quod Quintus Cicero dicit: Sufficere vni familiæ vnum oratorē, iustius dici posset de hoc hominū genere, vni familiæ, imò vni ciuitati Iureconsultum vnum sufficere.

In Pannonia, quemadmodum accepi, vivebant olim sine iuris interpretibus, non tamen sine iure. Nam simpliciter & bona fide ex antiquis moribus, & paucis quibusdam legibus res iudicabant, imò dissensiones suorum ciuium facile componebant. Et quemadmodam de Seruio Sulpitio dicit Cicero, tollere controuersias malebant, quàm cōstituere. In Comitatu Beatricis Fernādi regis Neapolitani filiæ quæ illhinc

De Iure-
consultis
Pānoniæ.

fuit missa nuptum Matthiæ regi, venerunt Iureconsulti alii quot, qui barbarum, vt ipsi dicebant, morem magno vultus & superciliorum fastidio aspernati homines quos princeps, & comites haberent pro sapientibus, facile perfecerunt, vt homines rudes ac simplices illorum se sapietiae concederent. Cœperunt illi formulas præscribere, quibus esset petendum, quibus respondendum atq; excipiendum, dies legitimos notare, iudici quoque aliquid assignare quod diceret, ne muta esset persona. Breui tempore, vbi nullæ prius erant lites, omnia vidisses feruere litibus, controuersiis, petitionibus, repetitionibus, exceptionibus, comperendinationibus, procrastinationibus. Erat prorsus fabula, nisi quod damnosissima, cetera festiua in primis, & ad risum mouedû apta hominibus utiq; otiosis, & quibus nihil esset controuersia. Quod malû tantum, & tam subitum, quodque latè inuasisset plurimos, quum animaduertissent homines prudentiores, ad Regem res est delata, qui re percognita iureconsultos illos continuo regni finibus iussit excedere, & omnia in pristinum morem reuocari. Sedata est statim tēpestas illa, tanquam si ventri posuissent. Scilicet vtiliores sunt leges populo quo simpliciores, ne cui imperitia fraudi sit, vt vafriores lucro, quæ æquitate sua rudibus, & circumscriptioni expositis subueniunt: imposturæ verò atque astutiæ aditum præstruunt, quæ se facilius insinuat, quò exactius atque accuratius omnia volumus præscribere: vt in contractibus, atq; instrumentis tot sententiarum, quæ ad cauillum excludendum constipantur, nihil sunt aliud quàm ansulæ cauillorum. Propterea quòd vbi omnia explicare volumus, nec æquitatis synceræ interpretationi locum relinquimus, iniquitatem introducimus: vt tantum quisque conlequatur, quantum in vertendis atq; detorquendis vocibus valeat. Nos ipsi pessimè utique in nos consulimus, qui non æquam, & bonæ fidei interpretationē prodesse nobis volumus, sed quantum verbis possumus exponere. Atqui nemo est tam circumspectus, qui omnia cauilla præuidgat: nec tam disertus, qui quæ prouidit, aptis verbis possit eloqui omnia, ac munire ne qua se calliditas insinuet.

TOMI PRIMI, QVI CONTINET

LIBROS DE CORRVP. TIS

ARTIBVS, FINIS.

IOAN-

IOANNIS LV-

DOVICI VIVIS

VALENTINI,

De tradendis disciplinis, seu de institu-
tione Christiana Liber primus
Tomi Secundi.



V' M ingenti Dei munere men-
tem & vim inquirendi homo esset
naetus, quæ vi non solum quæ ad-
essent, aspiceret, sed oculos in futu-
ra, & præterita mitteret, proprium
tanti instrumēti opus esse duxit in-
tueri omnia, colligere, componere
inter se, & vniuersam hanc naturam
quasi possessionem suam peragra-
re: tametsi euagatus est magis *extra* viam, quàm in via pro-
gressus. Sed quæ spatia confecerit, & quousque peruenerit,
mirabile admodum fuerit, si quis per se contempletur. Sin
verò ad ea conferat, quæ non est consequutus, vix eum exi-
stimet pedem extra limen posuisse, adeo quæ possidet pau-
ca sunt, & obscura. Verùm nos mendici huius pannos ex-
ponemus, quando amplissimæ videntur nobis opes esse ma-
iorum ignoratione, aut utique incogitantia. Primum o-
mnium amor tuendi sui, quæ illi indidit natura, extimulauit
eum, ut animaduerneret se nec punctum quidem temporis
posse subsistere si desint corpori alimenta: ergo animadu-
uertit ante omnia quæ nam ad se alendum ac sustentandum
sumeret: nempe quæ ad esum, quæque ad potum pertinerēt:
ut vtilia & à noxiis distingueret, & quemadmodum pa-
randa & conseruanda essent, calleret. Iam quando corpus

Alimēta.

- Medici-
na.** multis esset morbis tanquam renascenti subinde tyrannidi obnoxium, quaesivit quibus & se muniret aduersus morbum, ne inuaderet, & posteaquam inuasisset, propelleret. Tum considerauit corpus sibi contigisse tenerum, iniuriae caeli ac soli expositum, inuenit qua ratione aduersus vim frigoris atque aestus, contra hyemem & tempestates munitus ageret, principio integumenta corpori admota: Hinc quum parum in his esset aduersus vim maiorem praesidii, aggregauit lapides, lutum, saxa, ligna, res duras, quibus se tegeret, iniuriis illis impenetrabiles. Quoniam vero parum erant à noxiis feris tuti, ne in se ab illis heret impetus vel in opinantes ac securos, vel somno oppressos, ea quaesita sunt quibus se clauderent, ut tutior esset securitas. Iam vero quia in tanta imbecillitate & necessitate tot tanquam variarum rerum nemo vnus sufficebat sibi, de primo aliquam multi eadem se clauserunt spelunca, hinc arctate se charitate, vir & uxor secesserunt, cum liberis: & egressi ex speluncis casae & tabernacula è paucis lignis erexerunt, iniectis arborum ramalibus protecto. Caeterum haec casae sparsim initio extructae, & in lato campo, quibusdam velut maculis, non aliter quam nunc sunt urbes & oppida: mox & hortante charitate ne longius abscederent, qui inter se bene cuperent, & urgente mutuae opis indigentia, quidam contulere proprius casae in speciem vici. Verum in animali iniuriae obiecto & suspicaci, quantacunque vigeret apud eos simplicitas, quarelae tamen aliquae existebant: has natura deferebant omnes ad antiquissimum, haud aliter quam filii ad patrem: qui natura minus etiam numquam apud eos corrupta imperium obtinebat in reliquos, quia praecederet aetate, & ea de causa usu, prudentiaque praeter caeteros valere credebatur. Quum vero experti essent non deesse aliquos, quibus cani & rugae non multum attulissent bonae mentis ac cordis, alios quibus aetate esset aucta malitia, prudentissimum aliquem & optimum quaesierunt. In hoc quoque erratum est: nam de prudente iudicium non potest facere nisi prudens: illi se summisserunt, quemcunque aliqua ratione maximè reuererentur: nempe illa, quae ipsis videretur in rebus hominum potissima: his fuit pecunia, illis pulchritudo, aliis robur corporis & animi, aliis eloquentia, aliis genus, aliis cognitio disciplinarum, aliis perspecta iustitia. Sed quum essent plurimi, qui eum honoris

honoris gradum ambirent, nec peiores melioribus cederent, quod superbia vnicuique persuasisset cum esse optimum, scisæque in factiones multitudine, non iam res iudicio, sed concitatis affectionibus ageretur, ad componendas discordias consensu omnium electus est vnus, qui iudicaret: aut certè post certamina necessariò admissus victor. Priscis illis satis erat sic denuntiari, non debere fieri: verbum illud & manus, & volùtates cohibebat: tantum apud illos valebat iuris atque æquitatis respectus. Creuit contumacia: tum leges latæ, pœnæque legibus additæ: quum iam non satis esset prohiberi: & coerciò pro potestate fuit denuntianda ad terrorem omnium, ne se effunderet impudentia. Verumenimvero voluntas malè faciendi non vnum aliquè aut alterum inuasit, sed manus hominum, & integros populos: vt publicum odium publica se expeteret clade satiare: ad quos repentinis cohibendos impetus, qui eadem communione rerum essent deuincti, cinxerunt se muris, & tela quæsierunt, quis propulsarent hostiles aggressus. Sed hæc occasionibus temporum parata: illa quotidiana contrahere, & versari inter homines indiuisibili perpetua societate, quam arctissimè deuincit sermo: cuius adiumento aperiunt sese animitantis corporum inuolucris obiecti, atque occultati: obseruata sunt verba singula, tum phrasæ ac loquendi modi, vt apti essent vsui, hoc est, vt consensu essent publico notati: quod est velut communis monetæ signum. Maximè enim expedit communem esse sermonem, qui quai vinculum paratus est societati hominum: nam si peculiare sint apud aliquos loquendi rationes, tanquam aliena vtetes lingua parū sese intelligunt: quo nihil est odiosius iis, qui multum conuersantur, magnamq; inter se habet vitæ consuetudinem. At in societate hominū quorum est proprium modo ac ratione vtī, par fuit vt non temere, nec volente, nec ferarum ritu ac more res vnusquisque vsurparet, sed modeste ac moderatè, quantum ratio suaderet bene ac ciuilitè instituta: vnde prudentia omnis est nata velut clauus quidam regendæ nauis, cuius multò maximus est in vniuersa vita vsus, in victu, vestitu, habitatione, erga seipsum vnicuique, erga vxorem, liberos, familiam, erga ciues pares, priuato erga magistratum, & principem, aduersus inferiores ciues, si ipse sit magistratus, aut princeps. In quo est tota vi-

Leges.

Mœnia.
Arma.

Sermo.

Prudētia.

Cōmodi-
tates.

tæ ratio constituta priuata, & publica, & cuius nulla ætatis pars debet vacare, ac neq; potest siquidem humano more viuendum sit: quæ omnia sub genere quodam prudentiæ sunt posita: ex quo nascuntur illa, quæ à Græcis ethica, œconomica, & politica nominantur. Hæc sunt quæ necessariò humanum ingeniũ, & vniuersa hominis natura stimulis quibuldā ab authore suo excitata inuenit, & constituit: quibus semotis partim homo nullo modo viueret, partim non humanam vitam, sed ferinā & agrestē. His partis ritēq; constitutis, transiit humana mens à necessitatibus ad cōmoditates, vt inuētis illis haberet nō solūm quo se à tanta & tam continua violentia tueretur, sed iucundū quiddam, quo etiā post depulsam necessitatem iuuaretur. Interea quidem dum totus homo tanta vi, & terrore premeretur necessitatis, omnia erant in hostem conuersa: nec de alia re in homine, quàm de soluenda obsidione cogitabatur.

Voluptas
Superbia

At vbi omnia visa sunt quæta, & pacata, ex corpore voluptas, ex animo superbia extiterunt: quæ sibi maximā humani imperii portionem repeterent, ac quasi vendicarent. Seruitum est voluptati, excogitata sunt ad delitias plurima: seruitum superbiæ, multa ad inane quoddā decus reperta, & ad parandam excellentiæ opinionem. Tum quæ aduersus necessitatem fuerāt quæsitæ, quibûsq; aliquid cōmoditatis accesserat, ferè vel ad delitias sunt traducta, vel ad superbiæ acerbissimam tyrannidem pertracta, vt vel corpus oblectarent, vel oculis intuentium tanquam in scena saltarent fabulam. Necessitati satisfactum paucis est, & parabilibus, cōmoditas plura adiunxit, voluptas & superbia sese complexæ, nulum modum, nullum finem inuenerunt. Nam animus cura illa præsentis necessitatis solutus ac liber cœpit respirare, & otiosior velut theatrum hoc contemplari, in quo esset à Deo positus: scrutari singula quæ in cælo, quæ in elementis, terra, aqua: nempe sydera, animantes, stirpes, gemmas, metalla, saxa, quæque in eodem ipso animo incessent. Prouexit eum curiositas, & si quid videretur sibi exculpsisse, ingens gaudium tanquam ex victoria: ea voluptas identidem augebatur, dum alia ex aliis viderentur inuentionem sequi velut fili initio arrepto: quum sæpissime alterius longè diuersi globi filum tenerent, quàm arbitrantur. Tum ostendendis inuentis suis, quā liberis à se progenitis, & aliis communis

municandis, non exigua item delectatio nascebatur: tum ex
 aliorum de se admiratione initio quidem grande gaudium:
 hinc ubi oculos in se reflexissent, opinio excellentiæ, atque
 huic cognata superbia: quin ad maiorem admirationem sui
 excitandam aucta est ostentandi cupido importuna, adeo
 ut quidam vniuersa vitæ officia deseruerint, ut huic se scru-
 tationi cunctos dederent, ac velut manciparent: vnde si quis
 contradiceret, rixæ, & factiones, & sectæ. Prouexit alios cu- Sectæ.
 riositas cognoscendi, quæ nemo alius: ut ventura, aut ma-
 gnis tenebris obruta, & recondita. Fuere qui vel pecuniæ
 auiditate, vel potiundi quas expetissent voluptates, à dæ-
 mone, quod est maximum nefas, docere sustinuerint, quæ
 non poterant à mortali. Iam erat longissimè euecta infre-
 nis auiditas sciendi, quum in medio tamen curriculo cœ-
 pit per excellentissima quædam ingenia retineri mentis ille
 impetus, ut parumper dispiceret, quæ tandè esset futura tam Finis bo-
norum.
 anxii atque effusi cursus meta, quod præmium tam perpetui
 laboris. Quæstio imprimis digna humani generis cura. Nā
 quid prodest defatigare se hac sollicitudine, si votis nihil pa-
 ratur aliud, quàm vota: si cupiditatis vnus finis sequentis
 est gradus, si agitur perpetuò, nec vllus est finis aut re-
 quies? Quid miserius, quàm præstantissimum hoc animal,
 si ea modo quærit ac concupiscit, quæ sensibus sunt exposita,
 quæq; omnino possunt in vita contingere: quæ nõ requiem
 aut delectationem vllam pariunt, nõ gaudium afferunt pu-
 rum, solidum, diuturnum? Pulcherriuma, uti dicebam quæ-
 stio, & ingenio nostro multò dignior, congruentiorque,
 quàm de modo vel materia cælorum, de viribus stirpium
 aut lapidum: sed grauis tamen explicatu, & quæ sui difficul-
 cultate maxima quoque ingenia exercuit, veriùs quàm e-
 docuit: videlicet quod illius extremi finis notitiam humana Nota.
 mens lucernula sua instructa non potest assequi, nisi à fine
 ipso illucescat: quemadmodum iis euenit, qui ingrediuntur
 in locis obscuris. Itaq; Deo fuit opus, qui nos non modò
 edoceret ad se venire, sed tanquā manu duceret imbecillum Religio.
 & subinde casurum. Hæc est religio, quam à Deo ipso accepi-
 mus, à luce radium, vires ab omnipotentia. Hæc sola reducit
 nos ad originem à qua egressi sumus, & ad quam tendimus:
 nec est alia hominum perfectio: quandoquidē hoc demū est Perfectio
 perfici vnumquodq; finem cui conditum est, nancisci. Nam
 homi

hominum non victui & cultui & habitationi conditum, non arduæ cuinam, & reconditæ, & molestæ cognitioni, seu verius cupiditati cognoscendi, sed participationi æternitatis, & diuinæ illius naturæ, quis non liquido perspicit, qui consideret vim & celsitudinem mentis, intelligentiam rerum præclarissimarum, tum ex intelligentia amorem, & ex amore coniungendi se cum illis expectentiam: Quocirca quum eadem sit cuiusque rei perfectio, suisque omnibus partibus absolutio assequi finem, cui est condita, sola utique pietas via est perficiendi hominis: quare hæc vna est rerum omnium necessaria. Sine cæteris expleri potest homo, & numeris suis omnibus consummari, sine hac non potest. Etiam cibo & quotidiano victu potest carere, pietate nullo pacto potest, nisi sit faturus miserrimus. Hoc est quod Dominus Marthæ dixit sollicitæ non utique de superuacaneis, sed de quotidiano alimento, turbari eam circa plurima, vnicum est necessarium, quod elegerit. Maria, sedere ad pedes Domini, & verbum illius audire. Quocirca reliquæ artes, ac disciplinæ omnes, religione excepta, pueriles sunt lusus. Nam quemadmodum quas nos siue taxillorum, siue foliorum, siue acierum, siue spheræ lusiones appellamus, inuenit, atque exercet humanus animus, siue dum in rem aliquam vigor ille igneus conatur esse intentus, melius tamen quod agat nescit, aut nō habet: vel desidiosus est, & piger, nec bonarum artium laborem perfert: vel ut intentionem remittat à rebus grauioribus, quo recreatus laxatione illa refectusque redeat ad sua seria. Ita hominum mens in artibus se & scrutatione variarum rerum exercuit, partim religionis ignorantia, partim quod nec pondere præpedita ad illam valet ascendere, nec pigritia conatur: in aliis ut reparet corpus huius necessitatis, cui ipsa affixa est, vel se ad nouos religionis conatus & actiones intermissionibus reparet. Et sicut inter nos qui lusus non callent, modò vsum vitæ & prudentiam norint, non vituperatur: imò contrà turpis est & probrosus qui lusionum gnarus, prudentiam ignorat: sic qui artes omnino nullas tenet, cognitam tamen habet peritiam virtutis, ad cuius normam animum formauit, ac composuit, tantum abest ut vituperetur, ut summis etiam euehatur laudibus. Contrà ille ignominia est dignus & dedecore, qui humanis artibus edoctus ac instructus, inanis est à virtute.

Hoc

Hoc verò multis suis disputationibus Socrates planum fecit homo gentilis, & eum gentiles alii secuti. Idcirco filii Laamech, id est, primi spurii prophanas disciplinas dicuntur inuenisse, ac consignasse monumentis literarum, quasi filii huius seculi, quemadmodum est in sacro Euangelio, filiis lucis prudentiores in generatione sua. Sed nostra omnis cognitio velut inspectio est quædam quæ vel ibi sistit in contemplatione cuiusque rei, vt dum oculus varietatem colorum intuetur, & animus memoriam rerum gestarum: vel in finem aliquem respicit, ac scrutatur, ad quem si vniuersales aliquas normas colligit, vocatur ars: cuius inueniendæ hæc ferè fuit ratio atque observatio. Initio vna atque altera experientia ex admiratione nouitatis annotabatur ad vsum vitæ, ex singularibus aliquot experimētis colligebat mens vniuersalitem, quæ compluribus deinceps experimentis adiuta & confirmata pro certa exploratâque haberetur: tradebatur tū posteris, addebant alii, quæ ad eundem vsum, finemque pertinerent. Hæc collecta per magni ac præcellentis ingenii viros, disciplinas siue artes effecerunt: nam hoc erit generali vtendum vocabulo. Quicquid nunc est in artibus, in natura prius fuit, non aliter quàm vniones in concha, aut gemmæ in arena: sed quod hebetes multorum oculi non animaduersum præteribant, ab acutioribus indicatum est: illique inuentores dicti, non quasi rem, quæ non esset, fecissent ipsi, sed detexissent, quæ lateret. Itaque primi illi observatores experimentorum, qui quæ aliquid sperarunt moueri in quaque arte posse, primi sunt inuentores artium. Plurimum, inquit Seneca, ad inuentionem attulit, quisquis sperauit posse inueniri. Tum qui de experimentis collegerunt dogmata, hos eodem dignitatis nomine prosequimur: velut Hippocratem, qui sicut traditum est à M. Varrone, annotata medicamentorum collegit, quæ essent templo Aesculapii adscripta, vnde formulas confecit, & imaginem quandam artis. Sed & qui sparsa congregant, & digerunt confusa, & inuoluta explicant, & obturis lucem claritatemque adierunt, idem sunt inuentionis nomen consecuti: vt Aristoteles in dialectica. Ergo experientia quemadmodum Manilius canit per, varios vltus artem fecit. Cæterùm experientia temeraria sunt ac incertæ, nisi à ratione regantur: quæ adhibenda est illis tanquam clauus aut gubernator in naui:

Ars.

Inuentores.

Experientia.

alio

alioqui ferentur temere, & fortuita erit ars omnis, non certa. Quod est in iis cernere, qui solis experimentis ducuntur, de quorum natura & ingenio iudicium non censet rem, locum tempus, & reliquas circumstantias inter se conferens, fieri enim conuenit quod in Gorgia dicit Plato, ut experientia artem pariat, ars experientiam regat. Et quemadmodum vis quædam indita est terræ ad producendas herbas omnis generis, ita animæ nostræ velut potestate quadam omnium artium ac disciplinarum sunt indita semina, & ad prima illa ac simplicissima pronitas quædam, quò nutu suo fertur: ut ad manifestissima bona voltûas, ad manifestissimas veritates mentis acies: quæadmodum acies oculorû ad viride, & auris ad cõcentus. Quem nutum Aristoteles vocarit fortasse potestatem, Plato semina, nihil sanè repugno: alii *νομήτης*, quasi dicat quis anticipationes, & monitiones animis nostris à natura impressas ac infixas. Ea est causa cur puer euidentissimæ veritati statim consentit nunquàm antea visæ, non secus quàm agnus fugit lupum, nondum antea conspectum: hæc semina inertia, & socordia opprimit, extinguitque: educit vero in stirpem ac fructus exercitatio per vsum rerum: excolit iudicium, & temperat, sicut mularum in natura fruges manibus atque hominum cura meliores redduntur. Quocirca si iudicium vel nullum est, vel apertè fallitur, in fraudes & mēdacia degenerant: haud multo dissimiliter atque accessit tota massa ex acido frumento vel coagulo. Neque artium aut cognitionis merentur nomen falsæ quædam imposturæ, quales sunt dæmonum, aut diuinationum præstigiarum: earû enim dogmata non iudicium moderatur, sed libido: ut de pyromantia, de necromantia, de lineis manuum, de viribus syderum, quæ prodita sunt ut quibusdam venit in mentem diuersæ ab Aegyptiis, quam Chaldeis: nec eodem modo à Græcis & Arabibus, utique non magis, quàm inspectio dicatur, si quis baculum in aqua fractum aiat videre, quum sit integer: aut multos in Iride colores, ubi nulli sunt. Ego verò cognitionem ea demum voco, quæ sensibus bene affectis & in apto medio accipimus: tum quò nos vel euidens producit ratio, & vel cum natura ingenii nostri ita coniuncta, ut nemo eam non admittat, vel similis veri experientiis siue nostris, siue alienis deducta, confirmata autem à iudicio probabilitate coniecturatum

Cognitio
quæ.

rum impulso : quarum illa scientia nominatur firma atque indubitata , posterior autem persuasio quædam & opinio. Sed nec cognitio quæcunque est ars , verum ea sola , quæ effectus cuiuspiam sit regula : quippe quæ temere & casu contingunt , arte non fiunt : vt impacta per indignationem à pictore spongia expressam esse equi spumam , ars enim certi ac destinati finis est facultas. Nam vnaquæque ars primum omnium finem habet , quò spectet , quò sua omnia qua rectè qua obliquè , mittat tanquam in scopum iacula. Tum in materia versatur , ex qua existit finis : nec aliud est eam in materia versari , quàm de illa tradere præcepta , quæ exercentem quoad fieri possit , ad finem artis perducant. Finis quidem quemadmodum in vnoquoque opere , sic in artibus primus est cogitatione , executione vltimus . Sed non item in inuentione cuiusque artis . Nam sunt artes in quibus propter finem quæsitæ est materia , vt in agricultura , in qua omnia sunt ad vitam sustentandam comparata. In aliis propter materiam desideratur finis , vt in contemplatione naturæ , quando pulcherrimum hoc opus in admirationem sui intuentes rapuit : & intuitus rerum atque intelligentia tanti opificii expetita est : ad quod materia homines allicefecit . In aliis casu quodam ars prodiit , vt quum artis illius opus existit , præter destinatum artificis : sicut in multis pigmentis , in intritis mensurarum , & nuper in bombarda . Cognitionum finis est in aliis ipsa cognitio , quæ artes inspectiuæ nominantur : sicuti naturæ contemplatio , & molium , quæ est geometria . Aliarum est actio : velut in musica : quum post actionem nihil relinquitur , quæ actiuæ dicuntur : aliarum opus aliquod & effectio præter actionem , vt ædificatoriæ , & medicinæ , quæ effectiuæ nuncupantur . Sunt quædam instrumenta tantum aliarum , velut grāmatica , & dialectica : quæ à Græcis ea de causa *ργα* nominantur . Quæ vero in regulas ac præcepta non coguntur , minimè sunt artes , sed generali nuncupatione cognitiones & peritiæ quædam : velut rerum gestarum notitia , cōsideratio diuinitatis , quare diffinitur nobis ars collectio vniuersalium præceptorū parata ad cognoscendum , agendum , vel operandum , in certa aliqua finis latitudine . Quanuis relicta sunt sæpè numero quædam in arte parum vniuersaliter obseruata : vt in contemplatione naturæ . Ideoque ars interim pro generaliore à nobis

Artis finis.

Materia,

Artiū differentiæ.

Ars quid

bis ponetur, nempe obseruatione, vel etiam interdum cognitione quapiam, vbi nihil erit pericli. Sed admonendi certi fuimus. Materia vero artium non vnus est rationis ac no-

Materia *tæ. Est in aliis vna & simplex, vt in Theologia Deus: in aliis artium vna, sed mista ex variis: vt in statuaria quo potest fingi statua, metallum, saxum, lutum, argilla. Quædam materia differen- tiæ.* est prorsum naturalis, vt in agricultura: nonnulla artificialis penitus, vt œconomica, ac politica: est alia materia naturalis quidem, sed à nobis in vsum concinnata, tanquam

Exercita- *pietura & structura, & oratio. Artis exercitatio nihil est tio artis.* aliud, ac præceptorum eius executio: ea verò artificis est, eoque & eiusdem sunt potius instrumēta, quàm artis ipsius. Artificis finis præceptorum est actio. Artis finis semper præstātissimum est opus, scilicet quod ex illa actione existeret, si nihil prohiberet: vt medicinae finis est sanitas, medici verò applicatio pharmacorum iuxta documenta artis. Ita quod medium est arti, præcepta scilicet, finis est artifici: quæ de causa neuter vnquam potest fraudari sine suo. Ars enim singula rerum nō spectat, sed omnes in cōmune, quæ ea ratione deuinctæ, de qua ipsa præcipit: nam id quod operatur nempe artifex, circa diductas versatur res ac singulares: ars nihil operatur, tantum docet. Quoniam non huius aut illius sanitatem curat medicina, sed in vniuersum illam considerat, quam necesse est ex præceptis atque institutione sua consequi, quæ postea ab artifice in singulos hominum tanquam ex fonte deducitur. Quocirca si artis documenta, quum nihil foris impediat, sanitatem adferre nequeunt, nondū perfectè est ars exculpta: sin sanitatem euenire est necesse, perfectò plena est & suis numeris absoluta: eaque ad certum aliquem finem adiicit oculum, quem nunquam non adipiscitur: quandoquidem appositissima ad illum via intendit. Itaque non de arte est hic nobis sermo, quæ inter homines versatur, sed de illa cuius perfectio & in naturæ rerum sita est potestate, & in hominum ingeniis: nam ea quam nos tarditate nostra inuenimus, assequimur, exercemus, plerumque non ars est, sed vel artis simulachrum, vel tenuis aliqua artis portio. Similiter sit mihi dictum de artifice, qui dolet quidem in hoc aut illo minimè succedere, sine culpa tamē artis, quæ actionum impedimenta præstare nec debet, neque potest: sine culpa etiam sua, qui executionem modò & applicationem

tionem præceptorum ad finem habet pro scopo, & profite-
tur: vt rhetoricæ est persuadere, rhetoris accõmodè ad per-
suadendum dicere. Quocirca vt appetitus & viæ omnes fi- **Artes**
ne separantur, ac intigniuntur, ita artes omnes fine distin- **quomo-**
guuntur, nõ materia: nam eiusdem materiæ esse diuersæ ar- **do distin-**
tes possunt, tanquam ferri, & faber, & culator: ligni, tignarius, **guuntur.**
rhedarius, statuarius: artifices porro actionis modo, mate-
ria, instrumentis inter se discriminantur. Præter artis & ar-
tificis finem est finis hominis: finis verò omnis boni vela-
mento tegitur: quippe finis tanquam vltimū quiddam ex-
petitur, expeti porro nihil potest nisi quod credatur bonum.
Bonum esse homines iudicāt quod profit, malum quod no-
ceat. luuari autem sese ducunt in animo, & in corpore: &
propter hæc duo externa multa in vtilitates sunt reposita:
vnde factum est, vt quum iudicia hominum sint diuersa, &
ex iudiciis appetitus varii, alii alios sibi artium fines statue-
rint. In his multum valuit pecuniæ respectus, omnia huc re- **Fines.**
ferunt. Illi nomen & gloriam malunt, illi dignitatem, alii
potentiam. Sunt qui artes quæsierunt ad commoda quæ-
dam corporis, sunt qui ad voluptates & delicias. Alii pruden-
tiam venantur, & vsum rerum. Alii pietatis cultum, atq; in-
crementa desiderant: nonnulli horum singula, alii multa, alii
pleraque. Sunt qui volunt hæc parare, sunt qui conseruare
parta: alii sibi vnus, alii iis, quos habent charos, vt liberis:
quemadmodum Zenobia Græcè studuit, vt doceret filios: &
Aristoteles operā dicitur dedisse arti medicæ, vt amicis opem
ferret: sic reipublicæ quidam laborant, complures posteris,
quos filiorū habent loco. Malum vitandum boni loco duci-
tur: nam effugere malū inter vtilia recipitur: vt nancisci bo-
num. Et quemadmodum student multi vt iis profint, quibus
bene cupiunt, ita non pauci, vt quos oderunt, in his lædant
rebus, quibus bonorum nuncupatio imponitur.

Illud quoque in nobis arbitror animaduertendum, à qui-
bus, & quemadmodum discimus: tum exitus disciplinæ.
Nam & Deus docet, & quos Deus misit, prophetæ olim, hinc **A** quibus
Apostoli, & viri sancti: deinceps per scholas alii, quibus id & quem-
muneris est mandatum: interdum angeli quoque docent, admodū
hæretici docent, viri flagitiosi ac probrosi docent, diaboli disca-
docent, patres, matres, senes, iuuenes, pueri, mulieres, viri mus-
periti, imperiti. Docent etiam nos muta animãtia: vt clyste-

rem Ibis Aegyptia: sectibnem venæ Hyppopotamus: ædificationem hirundines: & aliæ quarundam herbarum vsum. Iam alii ita discunt, nihil vt relinquunt temporis ciuium rebus, amicorum, propinquorum, familiæ, parentum, liberorum, omnia prolixè impendant studiis. Alii vt etiam de tempore, quod natura exigit, decidant, & de valetudine ac mente veniant in periculum. Non desunt, quod grande est nefas, qui nihil reliqui faciant pietati, aut minùs quàm oportet, cætera faciliè exequuntur. Sunt quibus omnia prudenter dispensantur, quique suum cuiq; tempus attribuunt. Plerique tamen delitiosi tanquam id vnum mandatum habeant negotium otuari, omnia successiuis obeunt horis, & ne-

Exitus di-
sciplinæ. Exitum disciplinæ voco id quod ea in discipulo suo exercet, vel in aliis discipulus per eam: nempe vt animo fiat melior, peior, prudentior, stultior: in corpore validior, infirmior, pulchrior, detormior: aliquod denique ex tribus illis commodorum aut incommodorum generibus vel sibi parer, vel aliis.

Nunc illud est à nobis demonstrandum, quæ artes, & quatenus noxiæ sunt homini, quæ contrà vtilis. Homo vero vt vnaquæque res, ex fine est censendus: vanus est enim ac miserrimus, si non assequatur finem: perfectissimus vero ac pròinde felicissimus, si consequatur. Finis hominis, quem alium possumus statuere, quàm Deum ipsum? aut vbi potest homo beatiùs acquiescere, quàm in Deo velut absorptus, & in illum conuersus? Eadem via redeundum est nobis ad illum, qua egressi sumus. Amor causa fuit condendi nostri: nam vt se nobis tanta illa cõmunicaret felicitas, nos creauit, quo nullum esse euidentius amoris signum potest. Amore ab illo nos seiunximus, nempe nostri ipsorum. Amore reuocati sumus & erecti, nempe Christi erga nos. Amore reuertendum est nobis ad nostrâ originem, quæ est eadem finis noster, nempe nostra in Deum charitate: spiritualia enim nulla res alia conglutinare, nulla ex multis vnum valet facere, nisi amor. Amorem verò necesse est cognitio antecedit. Deus nos antequam nobis nasceremur, iam diligebat, quia iam nouerat, iam illi geniti eramus: nos nati & cognoscendi vim atque vsum adepti amamus. Quæ autem amanda sint fides monstrabit, traditis vnique primis & simplicissimis elementis pietatis de Deo patre omniũ, & filio eius

eius Iesu Christo, qui ad redemptionem nostræ carnis peccati, carnem eandem nostram induit, sed sine peccato. Deinde hæc eadem explicatiùs quomodo sint & cognoscenda, & amanda, non vlla hominū inuenta, sed diuina declarant oracula, quæ satis sunt literis per spiritum sanctum prodita, in quibus literis, absoluta est intelligentia diuini cultus, quæ pietas & eadē religio nuncupatur, licet eius vis magis actione continetur, quam peritia. Prima illa elementa non adeo sunt simplicia, quin ad agendum sufficientia: a nemine prorsus oportet ignorare. Perfectio verò pietatis illorum est, qui altius sese attollunt per charitatem, quæ vt ignea est, ita ignis modo sublimes quos possidet rapit. Hæc sunt eius cui commissus est grex, qui & à domino audiuit, diligis me plus, quàm hi: Hunc conuenit esse doctrina sana potentem, & eis qui contradicunt, resistere: sicut Paulus Apostolus admonet. Hæc intelligentia diuini cultus per scripta suis viribus nititur, & consistit: nec vllis omnino eget adminiculis, imò in illa vna cuncti thesauri clauduntur scientiæ ac sapientiæ, omniâque quæcunq; ab aliis sunt gentibus vel diuersis de rebus prodita, vel quadantenus de eisdem, pueriles sunt balbuties, ac inscitia meræ, si cum illa cōterantur sancta & admirabili sapientia. Hanc oportet esse reliquarū institutionum canonem, sicut Deum spirituum & hominem animantium: vt tales quæque censendantur disciplina, quatenus huic materia, sine suo vel nostro, præceptoribus, discendi ratione, & exitu congruunt, aut non congruunt. Pietati nulla est ex se materies contraria, nulla cognitio. Contrariū appello, quod cum fide & charitate pugnat, nempe quod has virtutes vel tollit funditus, vel certè minuit, importatis in animum sceleribus & flagitiis. Materiæ nanq; ex rebus sumuntur, quas omnes condidit bonus Deus, ideo bonas. Nec vlli bono aduersatur pietas, quum ipsa boni totius sit caput: nec sit quicquam in nobis bonū, sine illa: nec quicquā potest ei esse inimicum, cuius author sit ille idem, cuius ipsa cultū, & religionem profitetur, & patet facit voluntatē. Res verò omnes quod exactius cognoscuntur, eò magis fores ad ingressum intelligendi numinis aperiunt, nempe causam supremā ex effectis, quod est cognoscēdi genus capui mentis nostræ accommodatissimū. Sic peruenisse Abraamum ad inuestigationē Dei scribit Philo Iudæus. Nam ex cælis atque elementis, ex sem-

Pietas ar-
tium re-
gula.

piternis motibus, ex ordine inuariabili, ex statâ ratione annorum & temporum assecutus est profectò esse sapientiam aliquam, à qua ista omnia tam certa & constantia regerentur. Ergo illam ipsam quæsiuit & coluit abiectis spretisque deorū insanis, quos ipse sibi homo erat fabricatus, ut opus suum adoraret ipse author. Ba: ilius magnus Moſen tradit à cognitione Aegyptiarum disciplinarum ita mentem exercuisse, ut perueniret ad contemplationē τῆς θείας. Hac de causa sanctus vates canit, cælos enarrare gloriam Dei, & opera manuum eius annuntiare firmamentum, & Paulus inuisibilia Dei per visibilia intelligi. Prætereo quæ de naturali magia scribit Ioannes Picus, quòd vtilis sit, ut manifestò deprehendatur miracula seruatoris nostri naturæ vim & facultatem omnem excelsisse. Equidem inimiciorem censeo pietati superbam ignorantiam, quàm modestam peritiā: idq; videmus passim vsu euenire, vbi sit inscitia, ibi non admodum vigere veram, synceramque pietatem. Cognitionem autem veram voco, aut vero quantum liceat confinem, ac similem. Nam rudes falsæque, coniecturæ pro fundamentis cognitionis positæ pietatem possent lædere: quod genus sunt Epicuri de voluptatē placita, quòd hominis summum sit bonum: tum de anima nostra, & de diis, quæ ab eodem, & aliis sunt ut impiè, ita etiam dementer affirmata. Ad hæc imposturæ dæmonum, quæ omnia ex cognitionum numero paulò antea demoui. Nocet pietati cognitionis scopus, ut in artibus, quæ ad lædendos homines sunt paratæ: de quo genere sunt philtra, incantationes, & disciplinæ militaris ea pars, quæ ad vim hominibus & cladem inferendam pertinet: & tota confectio machinarum belli, reliquæ etiā artes malæ, quia maleficæ. Iam fines nostri impii sunt, quum ea gratia discimus, ut lædamus. Nec virtutem non diminuant, quæ ostentationi quærimus: cuiusmodi esse quidem possunt artes omnes, sed necessariò sophisticæ, quæ aliorum quàm ad vanam quandam iactationem ac libidinem non possunt referri. Curiosa etiam delectatio scrutandi nihil ad pietatem facit, quæ quidem nulli esse valeat deinceps vsui ad vitam. Magister gentiū Paulus non patitur nos curiosis scientiis abduci: & in Actis Apostolorum multi eorum qui artes erant sectati nō malas, inquit, aut impias, sed curiosas tantummodo, eiusdem apostoli doctrina adducti, publicè li-

broſ ſuos exuſſerunt, quorum pretium ſummam reddebat
 haud contemnendam. Huius ſunt generis præſtigiationes,
 chalcymia, ſiue metallificium, diuinationes, & aliæ impo-
 ſturæ. Quæ verò ſœdas corpori voluptates conciliant per
 ſenſus omnes quantam pietati plagam inſigunt? ſiquidem
 vniuerſam mentis vim immergūt in corpus, coguntq; obru-
 teſcere, vt attollere ſe, ac de Deo cogitare principio ægre poſ-
 ſit, mox ne ferat quidem.

Periculoſum eſt, ſi quis ab eo diſcat, cuius verba & conſue-
 tudo peiores nos dimittant, quàm acceperant, & eo magis
 quum naturæ noſtræ vitatio cōciliat authoritatem doctri-
 næ. A dæmone autem aliquid diſcere impium, cum quo nul-
 lam omnino vult nobis eſſe Dominus cōmunionē: quippe
 aſtus eius ac vaſtricies, quæ ſunt plurimæ ac multifariæ ad
 nos fallendos ſunt inſtructæ omnes, auertendōſque à bono
 illo, cui ſumus conditi. Huiuscemodi ſunt artes, quarū dæ-
 mon & magiſter & inuentor fuit: quaſiq; ſœdus habent cum
 eo vel apertum, vel occultum, non deſuturum ipſum exercen-
 tibus, vt in *mauricius* pleriq; ſortilegiis, vaticiniis: quibus
 homines facilè humano imponunt ingenio auido ſe in ab-
 ſtruſa, aut ventura immittere.

In diſcendi ratione, atq; exercendi valde illud improbari
 debet, deſeri propter humanas artes pietatem vel in totum,
 vel magna ex parte: nec tantum ei impendi, quātum opus eſt
 nobis ad iter hoc conficiendū beatæ immortalitatis. Quum
 vitæ etiam officia deſeruntur neceſſaria vel publicè, vel pri-
 uatim, ſi in morbum incurrimus, quem inſtantiem iam atq;
 impendentem facilè prouiderimus. Tum enim non ſolū
 ſunt diſciplinæ exercitia ſeponenda, ſed vitæ inexcusa-
 biles quoque domi atque in ciuitate functiones.

Præter hæc omnia euentus non debet prætermitti. Quip-
 pe in multis artes atque eruditio religionem ſolet deterere,
 ac peioris conditionis facere: velut inquiſitio rerum naturę,
 rerum reconditarum, quæ vel locis ſecretis occultantur, vel
 tēporibus venturis inuoluuntur, quas Dominus ſibi vni re-
 ſeruauit: vt nec Apoſtoliſ dignatus ſit communicare, vetans
 illos tempora, & articulos tēporum rimari, quos Pater po-
 ſuiſſet in ſua poteſtate: cōſueuerunt enim hæc à fiducia Dei
 traducere ad fiduciam rei conditę. Sunt quæ augent ſerè vi-
 tia, & plurimum de virtutibus detrahunt: tanquam libri al-

A quibus
 nō diſcen-
 dum.

Diſcendi
 ratio.

Euentus.

tercatorii, rixosi, contentiosi: in quibus contra veritatem se armat ingenium: & impia laudis affectatione malit veritatem obscurari, quàm ipse cedere. Eodem pertinent libri de vitiorum laudibus, nempe crudelitatis, belli, pecuniæ, tyrannidis, fraudû. Sed de rebus potissimum lasciuis, quales sunt milesiæ tabulæ: quibus nihil est neq; insulsius, neque impurius: tum multa in poetis, pleraq; omnia in cantuunculis, ac libris vulgaribus linguis conscriptis. Quæ omnia prout cuiusque est ingenium, censentur: nam alia aliis ingeniis conueniunt, vt palatis, & ventriculis. Neque est enim vlla adeo bona cognitio, quam nos non possimus corrumpere: vt nullus tam salubris cibus, qui pestilentia correpto nō fiat pestilens. Sed quanuis nulla eruditio, & peritia pietati nō seruiat ex se, non hoc tamen est considerandum vnum, sed quid nobis conducit: quandoquidem artes ac disciplinas non propter ipsas discimus, sed propter nos. Quemadmodum omnia sunt in hoc mundo à Deo condita, ideo etiam bona & pulchra. Bona verò hæc non omnia, vbique, ab omnibus sumenda. Bona quidem illa sunt in se vbique, non tamen nobis. Ita in disciplinis, & cognitione omni statuendum est. At verò vt sit quisque affectus, quomodo contemplandus, vt cui rei sit idoneus, iudicetur, à qua illi abstinendum, sicut de corporibus dicit peritus medicus post vsum cum illis aliquem, ita de animis vir prudens excellentia ingenii, iudicii, doctrinæ, ad tantum munus ascitus: quibus tantis ad arbitrandum facultatibus cōsuetudinem adiunget aliquam. Cui nos rei nōnihil adiuuenti afferemus explicatione ingeniorum, sed hoc post paulum.

Nunc autem quæ artes Christianis congruant salua pietatis suæ custodia, ostendamus. Nam hæc, quod sæpe diximus, sæpe est enim dicendum prima semper debet oculos obuersari: nec ab illa mentis intentionem dimouendum. Si cui vel in prima sui origine, quum à natura figgitur, vel deinde munere aliquo Dei amplissimo ac prosperrimo tanta esset tributa mentis præstantia, vt ad illud se fastigiū diuinæ sublimitatis attollens in eo tanquam in iucundissimo & naturali sibi quodam domicilio conquiesceret, & humanis omnibus despectis fastiditisq;, ceu incola quispiam fieret illius inaccessibilis lucis, quam incolit sancta illa & præpotens natura, nã iste maiorem humana sortem nactus, vitam quandam

quandam in hoc corpore degeret angelicæ propiorē, quā humanæ: huic nullis esset artibus, nulla alia cognitione opus: nulla huic necessitas minaretur, nulla terreret altiorē calibus & necessitate omni. Ad hanc vitæ excellentiam quādamenus videtur accessisse illi, qui in solitudine & locis remotissimis ætatem transegerunt separatam ab humanis commerciis, conditam & condulcoratam angelica consuetudine, atque colloquiis, Pauli illi, & Antonii, & Hilario-nes vel corporis sui negligentes, nedum externarum rerum, affixi perpetuò, & hærentes illi, cum quō beatissimè erant infinita æternitate victuri. Sed hi per pauci fuerunt, & ex quadam celsissima, ac planè diuina nota grādi beneficio Dei selecti. At reliqui quibus ad tantam aspirare felicitatem nō est datum, quum velut oculos à sublimi illo intuitu demittunt, non debent sese abdere in torporem quendam otii, ut penitus nihil agant. Dominus in mundi primordio labori Otium vi addixit filios Adæ: ex qua sententia illud scriptum est à Pau-tandum. lo ad ecclesiam Thessalontensium, Si quis non operatur, nec comedat. Solomon formicæ exemplo segnes ad opus excitulat: & David beatum esse ait illum, qui panem edat labore manuum suarum quæsitum. Dominus noster in Evangelio suo non laborem tollit, sed anxiam sollicitudinem de successu, quod est *μεριμνῶν*. Itaque non docet quenquā in ecclesia otiosum & inertem viuere. Nam etiā sancti illi eremitæ, quum se ardor ille cōtemplationis interdū remiserat, exercebant se variis operibus, pars manuum, quidam ingenii.

Artes verò ac peritiæ quænam erunt? Quænam aliæ, Quæ ar- nisi quæ ad finem pertineant vel huic vitæ, vel sempiter-tes Chri- næ necessarium? nempe quæ vel pietatem excolant, vel vi-stiani. tæ necessitatibus succurrant, vel certè utilitatibus, quæ à necessitate non multum discedunt. Pietatem porrò vel nostram ipsorum dico, vel alienam: quemadmodum etiam necessitates. Tanta est temporis unicuique assignati breuitas, & in breuitate hac tanta fugacitas vitæ. Tum ea quibus indigemus ad animi cultum, aut corporis sustentationem nostri, vel aliorum adeò multa & varia, ut ad superflua de tanta temporis penuria aliquid succidere, manifestæ sit dementiæ. Ad utilia non satis est temporis, & vacat alicui redundantia consuetari? Necessitatibus corporis tubuenitur alimentis, medicina, indumentis, habitatione, peritiæ est

in his quæadmodum parentur, & conseruentur, quis sit vsus. Excolitur & purgatur animus iis, quæ illi vel lucē adierunt, vt noscat, vel ardorem, vt quæ amanda sunt, prosequatur, fugienda vitet: ad hæc partim aliunde tradita accipienda, partim excogitanda per nos ipsos, atque exercenda. Facultatem vnā dedit nobis Deus, mentem in animo: instrumentum vnum manuum in corpore: quis duobus reliqua omnia animantia longè anteimus. Quantum enim inter animos mens excellit, tantum inter corporum instrumenta humana manus. Sed de iis quæ hominum manus efficiunt, alibi erit dicendi locus: nunc de ingenii exercitamentis loquamur.

**Artium
omnium
diuisio.**

In mente duo insunt potissimum, vis intuendi, quæ dicitur mentis obtutus, seu acumen: & eorum quæ mens aspererit, vis quædam iudicandi, ac statuendi: quorum illud prius ad spectationem solum pertinet, posterius ad ea quæ sunt homini agenda. Animus humanus vagatur per cælos, per elementa, per lapides, metalla, stirpes, animantes, per hominem: non simpliciter, nam & eius corpus & animū scrutatur: & quæ vtrisque accidunt vel perpetuò, vel intermissionibus temporum: hinc transit ad humana inuenta, quæ contemplatio patet latissimè: hinc per spiritus ad Deum summum & præpotentem.

Iudiciū.

Quæ omnia prout vires ferunt, accepta tradit iudicio: hoc verò alia aliis confert, & inter se, & secum ipsa, tum ostendit, quæ vtilia, quæ noxia, quæ neutra sint corpori in victu, vestitu, sanitate, habitatione, ad necessitates, ad commoditates, ad copias: quemadmodum hæc paranda, conseruanda, sumenda in vsum. Similiter prospicit animo, quæ prosint, quæque ob sint ad cultum, & lucem mentis, vnde is melior euadat, vel deterior, eadem ratione qua prius diximus, vt parentur, vt conseruentur, vt

Societas.

vtamur. Verumenimvero homines nati ad societatem sumus, nec viuere penitus absque illa possumus: hoc enim sapienter est curatum à natura, tum vt arrogantia superbissimi animalis retundatur, postquam se tam multorum indigum circumspectit, tum ad cōciliationem amoris mutui, qui vsu & conuersatione coalescit, tantò & facilius, & tenacius, quantò minùs se admiscet arrogantia, dissolutio totius glutini humanæ concordia. Societatis vinculum est bonitas, rector iudicium, in quo sita est prudentia, & moderatio vitæ vniuersæ. Prudentiam verò auget vsus à memoria conseruatus:

seruatus: parum quippe magnarū & multarum rerum proficeret cognitio atque experimentum, nisi esset vbi hæc conseruarentur, ne effluerent, & quum opus est, præsto adessent: vsus vel noster est ipsorum, vel alienus ad nos commonefaciendos, nobis relictus exemplis rerum gestarum, vel tanquam gestarum, quibus historia omnis continetur, & fabulæ, & apologi, & parabolæ: denique omnis memoria eorum, quæ dicta esse aut facta vel pro certo traditur, vel ad homines instituendos apta sunt & conficta. Eodē referuntur prouerbia, & sententiæ: omnia denique quæ ex quorundam animaduersione annotata, in populo remanserūt tanquam publicæ opes in ærario communi.

Ad exercitium societatis sermo est hominibus tributus: Sermo. quando enim recti sunt nostri animi tam denso corpore, quæ nam esset societas? quàm emortua & torpens, si tota esset in oculorum aspectu collocata, si tam varios nostros cogitatus mutis solum nutibus promeremus? quod nec esset promere, sed magis accendere cupiditatem cognoscendi in aliis: sicut videmus iis contingere, qui inter se non intelligunt. Sermonis vicem literæ obtinent inter absentes, siue locorum intercapedine, siue temporum separêtur, grande subsidium memoriæ, & testimonium fidele rerum actarum. In sermone duæ sunt artes, necessitatis altera, vt sit emendatus, quod non tam ad cultum quendam, & nitorem valet, quàm ad intelligentiam: altera commoditatis aut delectationis, in qua est omnis elegancia, cultus, ac splendor dictionis: huic adiungitur accommodatio sermonis rebus, locis, temporibus, personis, quæ nascitur ex prudentia, eaq; rhetorica nominatur. Sed quia effrenati animi nō rarò ad alienam iniuriam proruebant, leges sunt natæ: & iuris limitatio promulgata, id est carceres obiecti libidini, quam non cohibebat ratio tam vicina. Quæ sita sunt quædam censeferramenta, quibus facilius ac commodius in hisce versaremur: ad moles & magnitudines vel explorandas, vel mouendas loco, vel cōstitueudas ac figēdas vbi esset opus, ars excogitata, quæ dicitur geometria: ad computationem qua nulla vitæ pars potest carere, arithmetica. In perscrutanda veritate quæ nobis ita occultatur, adiuuatur iudiciū inuentione probabilitatis: in censendis iis, quæ ad coniecturā assumptis, instrumento vitur dialectico, quæ censura veri nuncupatur. Acceßit his omnibus

laxamentum & recreatio animi per harmoniã sonoriũ, quæ est musica: sub quam poësis omnis venit quæ concentu numerorum constat: tametsi numeros quoq; suos habet oratio pedestris, non tamen lege definita & perpetua, sicut poema. Hæc quidem extogitavit animus sua industria accepta munere huius opificii Dei, quod natura dicitur. Longè omnia superat peculiare illud Dei beneficium, quod vnum vice vniuersorũ, quocunque dignatur accedere. Nobis tamen quibus propter magnitudinem flagitiorum non dignatur Deus illud ad singula præstare, adhibenda est diligentia, vt quæ conducant eruamus, prælucente lucerna, quam ille humano generi reliquit. Ergo hæ sunt materiæ ac fines cognitionum earum quæ cum pietate non dissident, imò verò & profunt corpori, & earum multæ excolendo animo vehementer pietati deseruiūt. Artes hæ, siue quis cognitiones malit nominare, pluribus rationibus ac modis limitari possunt, quàm explicari queat, vt cuique fines ac metas vltimum erit designare: nam & coniungi inter se separatæ quædam possunt, & coniunctæ separari: vt si quis de natura vnam artem, & cognitionis rationem faciat, quæ in animantium & stirpium contemplationem potest tribui: & de stirpibus in herbas, in frutices, in arbores. Sed nos ad discentium, nil tallimur, commoditatem, hunc in modum partiemur: vt quæ ad cognoscendum seu contemplandum pertinent, sint primum

Aspectus naturæ. aspectus quidam faciei naturæ: qui planè est sensuum, velut intuitus quidam picturæ: non aliter quàm quum vrbes, populi, gentes, nationes, montes, fluuii in tabella proponuntur oculis: hæc nominentur aspectus siue contemplatio: qui verò huius est peritus, aspector, siue contèplator. Descendet altius mentis acies ad intimum naturæ opificium, quod in penetralibus versatur cuiusq; rei, quo animo est magis aditus, quàm oculo, & si per oculum tamen: is est primus philosophus, seu intimus: scientia autem prima philosophia, vel intimum naturæ opificium. Ex vtriusque exteriores causas scrutatur vir sapiens quæ oculis viciniore sunt & reliquis sensuum: quæ peritior scrutatio nominetur, seu inuestigatio: peritus autem scrutator, vel inuestigator. Post quæ ad ea transcendet, quæ omnem penitus sensum effugiunt, cogitatione sola inuestigantur, eas res spirituales nominare consueuimus, quarum disciplina sit spiritualitas: professores ipsi

Aspectus naturæ.

Prima philosophia.
Scrutatio.

Spiritualitas.

ipsi spirituales. Ex quibus omnibus colligitur rerū narratio
 fusa iam & copiosa, & quæ non effecta solum, verum cau-
 sas quoque complectatur explicando potius, quàm inqui-
 rendo, quæ est historia naturæ, & qui in ea veratur, histori-
 cus illius. Accedat ad vsum contemplatio: præscribet, quæ
 nam admittenda in mensas, quæ à Græcis diætā dicitur: vo-
 cemus illum & nos diæticiū, aut si quis aliis vocabulis dele-
 ctatur, vescum, esualem: tribuat his quisque quantum volet,
 modò res maneant. Tum ad salutem vel conseruandam, vel
 instaurandam medicina. Cuius partem Hippocrates esua-
 lem facit: atque huius inuentionem ad medicos refert. Satis
 prospectum est corpori, transcendendum est ad animum, &
 consuetudinem hominum inter se. Sunt præcepta, quemad-
 modum quisque compolitum & constitutum debet ani-
 mum habere: quæ ars de moribus ethice nominatur, & qui
 eam proficitur ethicus, seu moralis. Sunt præcepta, quæ
 docent quomodo quis sese geret priuatim domi, quomodo
 publicè in ciuitate: illa sunt œconomica, hæc politica, vn-
 de œconomici dicuntur, & politici: verba Græca sunt, Lati-
 nis auribus non inaudita. In sermone sunt regulæ, quæ ad
 emendatam elocutionem faciunt, quæ est grammatica. Sunt
 quæ ad aptationem consentaneæ orationis rebus, personis,
 locis, temporibus, quæ est rhetorice. Scrutatio illa & rerum,
 & verborum, & authorum veteris memoriæ, observatio
 atque annotatio eorum diligens, quæ grammaticæ est con-
 iuncta, Philologia nominatur: & qui eam præstat: philolo-
 gus. Vfus vitæ, exempla maiorum, cognitio præsentium
 facit eum, qui Græca voce polyhistor dicitur, quasi multi-
 sciens: nobis sit sanè honestiore nuncupatione prudens: &
 eius tractatio, prudentia. Sequuntur aliarum instrumenta,
 geometria, arithmetica: quarum callentes sunt geome-
 træ, & arithmetici. Tum de inuentione probabilita-
 tis, inuentor: de censura inuentorum, censor. Musicus ver-
 satur in musica: in poesi, poeta. In rebus diuinis & sacris
 vel consideramus, quantum licet mortali, sanctam illam na-
 turam, vel ea, quæ nos ad illam adducunt, nempe eius præ-
 cepta, & viam: qui circa priora veratur, theologus; qui cir-
 ca secunda, theonomus appelletur. De his duobus aliàs,
 nunc de prioribus disseramus, quemadmodum tradenda
 singula, atque excipiēda existimemus. Cognoscenda sunt ex
 libris

Historia
 naturæ.
 Diætā.

Medici-
 na.

Ethice.
 Oecono-
 mia.

Politica.
 Gramma-
 tica.

Rhetori-
 ce.

Philolo-
 gia.

Polyhy-
 stor.

Geome-
 tria.

Arithme-
 tica.

Inuentio
 probabili-
 tatis.

Musicus.
 Poeta.
 Theolo-
 gus.

Theono-
 mus.

De libris
 libris

libris omnia : nam sine libris quis speret se magnarum rerum scientiam consecuturum ? Si quidem Dei afflatus per paucos docet : & quos docet , iis solum ea perhibet , quæ maximè sunt ad sempiternam illam felicitatem necessaria . Videlicet tanta numinis indulgentia per quam rari præbent se dignos , hoc est idoneos : nec fas est ut diuini magistri doctrina ad exhibenda hæc humilia sese demittat . Itaque studio so homini vel libris est utendum , vel qui locum librorum expleant , magistris , aut restat utique , ut harioletur . Sed sicut in vna quaque re obseruationes infinitæ sunt , neque est enim res vlla tam exposita sentibus , quæ satis non sit ad multa ingenia diutissime exercenda : ita libri ad immentum numerum excreuerunt , singulis quæ vel ipsi animaduertissent , antotantibus , vel quæ essent ab aliis prodita , compilantibus : ut iam non dico de multis artibus ac scientiis , sed nec de vna aliena , quæ scripta sunt monumenta , iis legendis vita suffecerit , nedum intelligendis . Seneca author est negare Cicero nem , si tibi vita duplicetur , suffecturam eam percurrendis Lyricorum vatum carminibus . Quod si illa omnia , quæ à priscis illis philosophis , historicis , oratoribus , poetis , medicis , theologis sunt ædita , peruenissent ad hac ætatem , nihil esset nobis aliud habendum domi , quàm libri : in libris fuisset sedendum , libri fuissent calcandi , incurrere in aliud non possent oculi , quàm in libros . Etiam ut nunc quidem est , non paucis terror incutitur , & odium studii : quum offeruntur eis in quaque disciplina inexhausti laboris volumina . Despondent actutum animos , qui ea intuentur : & miseri intra se queruntur , quis leget hæc ? Quibus de causis in vna quaque arte ac peritia libri debent assignari , qui enarrandi sunt in scholis , qui secreto studio legendi ac euoluendi : ne æuum adeò breue ac fugax in superuacaneis , & non raro noxiis quoque consumeretur : & prius auolaret , quàm ad frugifera veniretur . Hoc qui faceret , magna scientiarum notitia & acrimonia iudicii fretus , nã is mea sententia ingens in vniuersum hominum genus beneficium conferret . Nec contentus esset libros nota quadam insignisse , sed ex libris loca etiam indicaret vnde singula essent petenda . Quod nos quadam ex parte facere aggrediemur : quo successu , non multum laboro , certè optima voluntate , & qua multorum ingenia excitabimus , eorum præsertim qui beneficium hoc pro

prolixius & cumulatiùs præstare poterunt nationi studio-
forum, siue maiore mētis vi instincti siue cognitione rerum
vberiore instructi. Equidem neque hoc, neque vllum aliud
bonum inuidebo generi humano, à quocunque proficiscatur:
& me in postremum, aut etiam in nullum reiici locum
iucundissimum mihi erit intuenti profectus humanæ sa-
pientiæ: qua sapientia si quo alio tempore, certè hoc isto
plus quàm credibile est, mortalitas nostra indiget, collap-
sa in altum flagitiorum ac scelerum. Persecuturum me scripto-
res omnes legi dignos non est fiducia, ac ne possem quidem
impeditus non tam eorum turba, quàm vel ignorantia, vel
obliuione mea. Libertatem hanc consuletis boni, memores
rem esse studiis maximopere conducibilem, duntaxat quod
non tanti oportet æstimari meam censuram, vt ea satis sit
ad mouendum ordine scriptorem vllum infimæ classis, tan-
tum abest vt primæ. Itaque de singulis artium verba facie-
mus, & quemadmodum videantur nobis tradendæ, & quid
in quaque earum bene ac vtiliter existimemus ab scripto-
ribus proditum. Ante omnia quandoquidem necessitates
sunt in vita variæ, crebræ, & per momenta singula aliæ ex
aliis succrescentes, vt nobis rectè expendentibus nullum su-
perfit tempus ad ludendum, referendæ sunt artes non ad ina-
nem aliquam delectatiūculam, sed ad vsum. Rectè Galenus
artes illas nuncupari non patitur, quæ vtilitatis nihil adfe-
rant vitæ. Quare tamen nonnullarum artium finis est, si-
cut ostendi, contemplatio, ea tamen sui ipsius finis esse non
debet, sed vltèrius in vsum aliquem progredi. Quòd si arti
alius non est propositus scopus, certè alium esse conuenit ar-
tificis. Contemplatio naturæ immensa infinita est, cuius al-
to si quis se credat, nec quò cupit perueniet, & amittet vitæ
fructum omnem, nisi quæ studio erit consecutus vel ad vitæ
commoda, vel ad suspectum atque admirationem authoris
traducat. Quin etiam in vita hac contemplatio Dei, qua mi-
rabilius dicit nihil potest, nihil amplius, aut præstantius, ad
vsum est tamen aliquem conuertenda, vt accendamus, vt ra-
piamur, vt coniungamur illi. Admonebimus itidem nunc
velut in vestibulo, quoniam quidem consuetudinem scelerū
supra modum adoleuit humana malitia, multum inualue-
runt prauæ animi affectiones, vt puriùs tradantur artes, sim-
pliciùs,

plicius, minus infectæ, ac imbutæ vafritie, atque imposturis, ut quoad eius fieri valeat, veræ illi ac germanæ simplicitati Christianus populus reddatur: & pauciores habeant disciplinæ omnes scintillas, quibus succedantur animi, usque eo ad grandia per seiplos & sæua incendia parati. Elimata est nimium malitia, & ad cotem prauitatis iudicium exacutum, nihil opus est maiore acrimonia, sed potius tanquam retusione quadam: non quo imprudentes fiant homines, sed ut synceri magis ac simplices. atque ea de causa prudentiores, non astutiores: cō enim futura est vita nostra beator, quō minus contaminata fraudibus & captationibus, similis priscorum hominum, quos animorum rectitudo, & simplicitas diuinis colloquiis dignos reddebat. Adde quōd disciplinæ breuiter ac puræ ostensæ acumen, iudicium, prudentiam, cōmunium rerum vsum adiuuant: longa earum tractatio retundit vim mentis, & molestissima est: de qua in concione viri sapientissimi scribitur: In multa sapientia multa est indignatio: & qui addit scientiam, addit & laborem.

Hoc loco iustissima quæstio occurrit de libris prophorum hominum nempe Gentilium, Agarenorum, Iudæorum legēdos eos censeam, an ne reiici in totum oporteat? quippe in quibus est multum malitiæ ac fraudum, ad omnesque animi motus incōsultos ac facinorosos plurimum veniunt. Gravior quæstio, & cura dignior, quā quibus facile arbitretur de qua nihil possit semel in vniuersum dici. Positum est à nobis paulo antea nullam cognitionem rerum obesse pietati. Gentilium opera bene lecta nihil prorsum nocuerunt ex Græcis Origeni, Iustino, Basilio, Nazianzeno, Chrysostomo: ex nostris Tertulliano, Cypriano, Lactantio, Hieronymo, Ambrosio, Hilario, Augustino, Gregorio, Ilidoro, Thoma: quibusdam etiam vehementer potuerunt, ut Augustino Ciceronis Hortensius. Nocuerunt multis veluti Luciano, Iuliano Cæsari, Pomponio Lato, Domitio Chalderino, Codro Vrceo. Multi in se experiuntur pietatem suam ab illiusmodi literis aliās vegetari, aliās hebescere. Quapropter necesse est libros illos ceu latum quendam esse agrum, in quo herbæ proueniant partim viles, partim noxiæ, partim ad delicias paratæ, vel ornamenta, ut flosculus quidam bet vtilia. Habent vtilia contemplationem atque inuestigationem naturæ

turę rerum ad dapes, ad valetudinem, ad totam vitam: habent mathematicas disciplinas ad multa conducibiles. Habent antiquitatis & omnis memorię cognitionem, exempla tot dictorum, & factorum, acutę, grauiter, festiuę, sanctę, quibus excolitur prudentia, atque adiuuatur: totam denique illam, quę encyclopędia dicitur maximę commoditatis ad vitam, in qua quę obseruassent, atque animaduertissent diligenter consignata posteritati reliquerunt. Quo fit vt homines quamlibet ingeniosi non tam in multa vigore mentis possint peruadere, si sint indocti, quàm qui mediocri sint ingenio & doctrina præditi: his enim velut subsidio sunt multi: illi verò vt maximi sint ingenti, certę singuli sunt, & soli. His accedunt quę ad eandem faciunt prudentiam, veri & inueniendi, & iudicandi instrumenta. Adferunt insuper acutas, & magni momenti insectationes vitiorum, virtutum laudes, quibus vt nobis licet ad rem nostram, & contra nostros vitiosos. Habent præterea dogmata & sententias maiore quadam incitatione naturalis boni excusas, quę in vsum nostrum traducta, ingentia præbent nobis ad res multas adiumenta. Habent postremò ornatum omnem, cultum, elegantiam, splendorem sermonis. Admiscunt tamen his tam salutaribus pernicioſa non pauca, & quasi venenũ melle, aut suauissimo vino temperant. Scrupulos, & suspiciones de rebus pietatis, quòdque est præter cætera pestilentissimum, derisum etiam apertum, & nonnunquam insectationem quoque: quum lusciosi, ac infirmi oculi intendere in tantum fulgorem non sustinerent. Tum multorum vitiorum laudes, vt superbix, irę, crudelitatis, admirationem atque adorationem potentix, opum, voluptatum: enarrationem eorum vitiorum, quę commemoratione sola audientes cõtaminant: vt libidinis, vltionis, vani decoris. Aperiunt scholas versutię, fraudum, imposturę. Vnde necesse est animo, velit, nolit, multum doli & captionum adhærere, quas in occasione exerceat. Nam vt eorum curę ac cogitatus ad ambitionem relerebãtur, vel quęstum, ea sequebantur, modò per quę vel pecunia parari, vel honor posset. Ei qui scire esse damnosa hæc, quę ea cognoscit, fortassis nihil toret periculi per hæc ingredi, & quę viderentur, decerpere: quin sapientes viri haud secus no

Quę mala.

xiis vtuntur interim contra noxia, ac periti medici venenis contra venena. Sic illi cōferunt hæc cum nostris ad demon-
strandam & illorum impuritatem, & excellentiam nostro-
rum: vt collatione tenebrarum illustrior appareat nostra
lux. Denique omnibus bene vtuntur vel pro se, vel contra il-
los: vt qui nostrates aduersum gentes scripserunt iugulantes
eos suo ipsorum gladio: quorum catalogum Hieronymus
exponit Magno oratori respondens, quem Calpurnius La-
narius subornarat. Idcirco Iulianus apostata, quum ma-
ximè persequeretur Christianos, artes eos liberales vetuit
docere: ne scilicet de aquila pennas euellerent, quibus aqi-
lam configerent: qua imagine vsum esse illum aiunt, quum
se suis artibus imperitum depræhendisset. Periculosa sunt
hæc curiosis: quales illi sunt, qui non dubitant cicutam gu-
stare, & experiri cuius sit saporis, id quod hominem extin-
guunt. Item imperitis, incautis, qui dextere vti nesciunt. Eset
omnino consultissimum propter infirmitatem & tenebras
nostri ingenii, hæc esse repurgata, vt nulla occasio nocu-
menti foret reliqua: vel vt in iis demum campis versæremur,
in quibus solæ herbæ utilitatis cuiusquam, aut honestæ vo-
luptatis crescerent à probò & prudenti agricola illhic satæ,
ex tutis viridariis sanctæ religionis desumptæ, aut quæ con-
uenirent, ex periculosis agris huc translata, tanquam thesau-
ri Aegyptiorum ad ornatum templi conuersi. Quantò &
fructuosius & iucundiùs hic in nostris pratis spatiamur, v-
bi nullas nec ab herbis, nec à serpentibus insidias metuimus,
quàm illa Asia, aut Africa inter suspecta & periculosa. San-
ctus Ambrosius sapienter ac piè, opus Ciceronis de officiis,
quod plenum esset bonarum rerum ac vitæ conducentium,
ad pietatem nostram transtulit, tutius iudicans hauriri illa
de Christiano pectore manantia, quàm de Gentilitio. In-
telligentia ac peritia mali paucis prodest, præsertim si quem-
admodum malo illo vti possimus, ostendatur cum aliqua
nostra vel oblectatione, vel vt vulgo solemus loqui, utilita-
te. Hac de causa infirmitatem nostram reputans Dominus,
tum occultas & fraudulētas dæmonis insidias, vetuit ne quid
penitus nobis esset cum illo commercii: fortassis aliquibus
posset esse citra damnum, sed commune periculum in com-
mune prohibetur. Itaque nemini bono viro arbitror in du-
bium

bium venturum, quin præstet vel à Christianis accipi doctrinam Christianam Christianè traditā, vel ex monimentis impiorum resectis iis, quæ integritati bonorum morum possent officere. Quod perfici si non potest, saltem præeat viam vir aliquis non solum eruditione præditus, sed probitate etiam ac prudentia, cui nos credamus tanquam duci, qui à periculis dimoueat vel tacitè extra significationem periculi, ne curiosorum cupiditatem irritet, vel quibus conueniet, aperte demonstret, quod malum delitescat: & percognitis eorum, quos ducit, ingeniis, tantum cuique permittat,

quantum censebit expedire. Hunc in modum

accipietur in connubium Gentilis fœ-

mina resectis vnguibus & capil-

lis iuxta ritum filiorum-

Israëlis, sicut Diuus

Hieronymus

interpre-

tatur.

*

LIBRI PRIMI DE TRADEN-
DIS DISCIPLINIS
FINIS.

e

IOANNIS LV-

DOVICI VIVIS

VALENTINI,

De tradendis disciplinis,

Liber Secundus.



SEQUITVR iam vt dicamus, quæ, quomodo, quatenus, à quibus, quo loco sint tradenda singula. In omnibus illud potissimum spectandum vt sincere exhibeatur institutio, ne probi mores vel corrumpantur, vel vtique retardentur & hebescant.

De loco
Acade-
miæ.

Primum omnium de loco video dicendum, nam is in constituenda schola primus etiam solet prospici. In quo hæc considerari conuenit, cælum vt sit salubre, ne subinde profugiendum sit scholasticis luis metu percussis. Alexinum philosophum Eliensem quod in loco doceret insalubri, tum in rerum multarum, quæ vsui erant necessaria, penuria, discipuli deseruerunt omnes: & quidem, quum vehementer probaretur, ac placeret. Sed nec minùs vernantem, aut amœnum elegerim, qui scholasticos ad prodeundum sæpe sollicit, nili fortè delitiosis disciplinis sit danda opera: vt poëtica, musica, historia. Hanc cæli gravitatem arbitror electam fuisse à Platone in academia suburbano Attico. Nam si omnino insalubritatem est secutus, parum ipse cõsiliu mihi suum probarit. Sanos enim necesse est eos viuere, qui bonam & diligentem operã nauaturi sunt studiis doctrinarum. Spectatur dehinc, vt suppetat alimenterum & copia, & utilitas: ne felicia ingenia in tenuitate fortunarum cogantur renuntiare literis, quibus vacarent magno & suo, & multorum bono: præsertim quum disciplinas sapius iuuenes sectentur in re modica, quàm opulenti, quos vanitas fortunæ ad longe diuersa studia traducit, venationis, equorum,

equorum, belli, lusionum, libidinis, & voluptatum omnium, ad quas adipiscendas arbitrantur se in diuitiis aptissimam habere facultatem.

Sit item locus separatus à frequentia, & potissimum opificum, qui strepitum & magnos ædunt sonos in opere: quales sunt fabri, & lapidicidæ, omnes denique qui malleo vtuntur, quique rota & torno, & pectine textorio: nec sit tamen omnino infrequens, ne testibus ac velut spectatoribus careant flagitiorum, si quibus sint dediti: idcirco graues esse incolas atque incorruptos velim, quos scholastici reuereantur: non caupones, non malignos, qui ad prauas artes impellant: non sordidos, & exigui lucri captatores: illiberales enim reddunt studiosos ac sordidos, & quales sunt qui Græco verbo *μικρολόγοι* nominantur, quo nihil est sapientiæ inimicius. Procul etiam à comitatu regio, & puellarum vicinia: alteri otio ac malis artibus inuitant rudes animos, & pertrahunt faciliè teneros, ac in quiduis flectiles: alteræ forma alliciunt atatem blando illi malo obnoxiam. Consultius esset extra urbem constitui gymnasiū, præsertim si vel ea sit maritima, vel mercimoniis dediti incolæ: modò ne locus caperetur, quo ex vrbe consueissent otiosi deambulare animi gratia. Nec publico itineri adiaceat, ne animi scholasticorū nouitate cōmeantiū auocetur ab opere instituto. Non in regionis limitibus, qui solent bello iniestari: ne is metus non sinat quietos in studia intendere. Statuatur in vnaquaq; prouincia Academia communis illius. Prouinciā definitio, non limitibus naturæ, nempe montibus, vel amnibus, vel mari, sed ditione ac principatu: ne iuuenes si limites claudantur vicino bello, vel cū tuo periculo, & suorū cura, atque anxietate, in alieno regno studeant, vel cogatur bene cœpta studia magno cum dispendio intermittere. Nemo sit admiratus ea cura locum quæri, vbi nascatur & adolescat sapientia, quum tam anxie locum prouideamus apibus daturis mel, pretii quāto infra sapientiam?

Sed maxime omnium ad locum faciūt homines: ideo magistri. Magistri non modò sint ea doctrina, vt possint bene instituere, sed habeant tradendi facultatem, ac dexteritatem. Mores sint in eis puri. Prima est ea cura, nihil vt dicant, aut faciant, vnde in auditorem malum possit exemplum transfundi: neu aliquid, quod tantum non sit imitari. Si quid vitii habent, vel laborēt omnino seponere, ac tollere, vel quod secundum

est, licet grandi interuallo, præsentē auditore diligenter ac strenuè abstineant: nam hunc oportet se ad magistri exemplum componere. Nec probatis tantum erit moribus, sed prudens quoque: tum ingenium habeat accommodum ei, quam profitetur arti: atque ei generi auditorum, quos in disciplinam recepit, quò melius tum ipse tradat, tum illi percipiant: ut grāmaticus ne sit rabiosus: non pertinax medicus, quiq; melius dicenti nolit cedere: non moralis philosophus arrogans, & flagitiorum manifestus. Prudentia vitæ totius rectrix maximas validissimæq; habet vires & ad rectè artes tradendas, & ad vitia emendanda, & ad reprehensionem, & castigationem, quum est opus, & quatenus: multum enim efficiunt hæc suo loco, suo tempore, suo modo adhibita: intempestiva autem omnia odiosa, atq; inefficacia sunt. Bonus sit magister, & literarum amans: nam quia studiosus, libenter docebit, ut se exerceat: quia bonus, ut alius proficiat. In discipulos affectu erit patrio, ut illi sint ei filiorum loco, nec quantum ab illis aut à professione redeat, spectabit. Nunquam bene traditur disciplina, quæ venditur: quod in primis vitauisse Socratem Xenophon est author in commentariis.

Duo vitia ab eruditione repellenda. Duo sunt vitia ab omni eruditione, atque eruditis longissimè pellenda, avaritia, & honoris cupiditas: quæ simul artes corrumpunt, simul literatos ac literas adducunt in contemptum. Adigunt enim doctos homines ad indignissima, nempe ut subscribant sententiæ absurdæ, atq; imperitè sentientis: ut in disciplinam atque ad honores doctrinæ admittant dehonestamenta artium, ut pertinaciter stent pro falso: malintq; inuerti, ac perire omnia, quàm fateri sese victos, aut aliquid ignorasse: ut ea denique faciant, dicant, quærant, venientur, non quæ doctrinam adiuuent, ac mores, sed per quæ pecunia, vel gloria comparetur. Hinc fraudes, rixæ, periuria, odia, postremò sectæ impotenter defensæ. Quomodo discipulos reget, qui laudem ab iis, vel pecuniam sperat? Ergo omnis quæstus occasio reuellatur ab scholis. Accipiant doctores salarium de publico quale cupiat vir bonus, fastidiat malus: ne si amplum sit, imperiti & mali eò se insinuent lucri cupiditate: probi ac eruditi qui ambire vel nesciunt, vel nolunt, excludantur. Nihil à scholasticis accipiant, ne illos captent, nève propter spem mollius ac indulgentius habeant. Nec alimenta sua discipuli à magistris emant, sed hebdomadatim

domadatim eligatur vnus ex sodalibus, qui sit velut archi-
trichinus. Is curet diebus singulis emēdas epulas: exacta verò
hebbdomade, subducta ratione, conferant symbola, addito
quod præbeatur ministris pro opera. Cibus sit parabilis, pu-
rus, concoctus facilis: præstant hæc & sanum corpus, & inge-
nium vegetum. Omnis item iactantiæ, arrogantia, ostenta-
tionis occasio tollatur. Idcirco raræ sint disputationes pu-
blicæ, in quibus non eruitur veritas: nam nemo veriùs di-
centi assentitur, quæritur modò laus ingenii, vel peritiæ: in
qua contentione laudis crescunt rixæ, & conuitia, & simul-
tates, quòdque sceleratius est, ingenium contra veritatem su-
mit arma: & ad eam subuertendam cuniculos omnes agit, &
machinas quasunque potest, admouet, vt velit veritatem ab
se superari, ac prosterni, non se veritati summittere: quæ pu-
gna adeò nefaria ac impia bonos viros nō decet, minus Chri-
stianos, quorum affectus purissimos esse conuenit, & obse-
quentes veritati, qui est Christus ipse. Postremò ex illis dis-
putationibus cauillosiores ac peruicaciores discedunt mul-
ti, doctior vtique aut melior nemo.

Gradus honorum in academia an erit satius nullos esse
omnino iuxta verbum Domini: Nolite vocari rabbi: vnus
est magister vester: vt sit potius temporarium quoddam Gradus
honorū.
docendi munus, quàm perpetua dignitas? an præstabit esse
aliquos ad discrimen imperitorum hominum, ne hi omnes
metiantur eadem vel approbationis vel reprobationis de-
cempeda? Nam illud Christi dictum ad cælestem pertinet
doctrinam, cuius ille est magister vnicus. Ita non quod in
abusus abiit videtur prorsum tollendum, sed corrigendum,
ac sanandum. Nullæ sunt satis bonæ leges, si eas malitia ho-
minum velit ad obsequium suarum cupiditatum detorque-
re. Sanciendæ nihilominus sunt quantum quidem fieri pos-
sit, optimæ. At verò adeos honores pauci admittantur, ne
res amplissimi pretii vulgando vilescat: tum quia multorū
crescit arrogantia, qui specie dignitatis turgidi recusant à
doctioribus discere. Ideo consulit diuus Iacobus, ne velint
multi magistri fieri. Detineantur omnes in quaque disci-
plina certo quodam tempore ac legitimo, ne leuiter quis de-
gustata eruditione, sese pro absoluto instituto veditet, quiq;
periodum confecerit, vt aiunt in Græcis certaminibus. Ad-
datur aliquid temporis tardiusculis, non enim vnum esse o-

Discētes. **Professo-** **res.** **Magister** **Professor** **Professo-**
 mnum tempus expedit: nihil esset æqualitate illa inæqua-
 lius. Qui discunt, nuncupabuntur studiosi vel discētes. Tum
 post certum tempus capto experimento fient professores.
 Profitebuntur aliquandiu apud auditorium frequens, cui &
 illi nonnunquam intererunt, qui iudicium de eo ferre pos-
 sint, quod dicatur. Quod si approbentur, desinent professo-
 res esse, fient doctores, vel magistri. Ex his, qui commodè po-
 terunt docebunt: quos appellabimus magistros professores,
 quibus præcipuus habebitur per vniuersam academiam ho-
 nor. Quod si quis vel imperitia, vel flagitiosa vita ac pro-
 brosa doctoratus erit dedecus, abrogabitur ei publicè digni-
 tas haud aliter, quàm solent magistratus ciuitatis in ordinē
 redigi. Qui ad magisteria euehantur, censeantur non ex do-
 ctrina modò, sed etiam moribus. Doctrina enim cui nō re-
 spondet vita, res est perniciofa & turpis. Vita autem sine do-
 ctrina multum quidem meretur laudis, sed ad docendū non
 afeiscitur. Itaque non est hic ei locus, alibi habet maximū &
 honestissimum. Qui designantur, aut honorem ineunt, nihil
 soluāt omnino. Nec cœnā faciant, nec vlla penitus cupidine
 sollicitēt animos eorū, qui ad honorē admissuri sunt. De sym-
 bolis conuiuentur si velint, ad hilaritatis testificationē. Sed
 ita exhilarescant, ne se sapientiæ studiosos esse obliuiscantur.

Professo-
res aut
magistri
q̄ faciēdi.

Faciant eos professores aut magistros, qui eruditione, iu-
 dicio, moribus, & docere alios, & in vulgus approbari pos-
 sint. Non erunt huiusmodi viri dedecori disciplinis, non eis
 peruerſe abutentur, nec aliorum interturbabunt quietem,
 nec tanti lucrum vllum æstimabunt, vt ea gratia publicas v-
 tilitates affligant dandis viarum ducibus iis, qui sequentes
 in præceptis deturbent. Misereantur generis humani cæci, ac
 inter tot discrimina destituti: meminerint dominum ac ma-
 gistrum cælestem a fillos clamare, vos estis sal terræ: vos
 estis lux mundi. Quod si obscureretur lumen, quis contuebi-
 tur? Si infatueretur sal, quid salietur? Ergo professores ac ma-
 gistri ipi inter se quæstu neglecto, ostentatione semota, bo-
 ni, docti, prouidentes concorditer vitam degent, sciētes se Dei
 negotium gerere, vt mutuò opitulentur. Neque enim qui fra-
 trem pro veritate laborantem iuuat, hominem iuuat, sed ve-
 ritatem: & Dei se ministrum præbet, à quo omnis veritas,
 seu potius qui est veritas ip. à summa, pura, absoluta. Procul
 aberunt à scētis & rixis, qui sciant pleraque omnia in disci-
 plinis

plinis obscura esse ac incerta: furiosumque esse odisse fratrem propter id quod non magis compertum est tibi, quàm illi: tantum nescio quæ verisimilitudinis lux aliis plus paulò, quàm aliis affulget.

Professores eligentur non ab scholasticis, in quo per- **Electio**
multum valet ambitus vel gratiæ, vel pecuniæ: nec ab illis v- **professo-**
tilissimi præponuntur, sed gratiosissimi: & maximè popula- **rum.**
res, ac blandi, aut qui plurimum vel dederunt, vel promise-
runt: aut à quibus licentiam sperant. Quanto minùs pro-
bo, quod in nonnullis fieri academiis intelligo, vt eadem ho- **Concur-**
ra duo de eodem argumento doceant, quos illi vocant **rentes.**
currètes: quo verbo nullū audiui vnquam apposititius: nam
concurrunt planè, & congregiuntur, & pugnant conuiitiis,
amarulentia, rabie. Seruitur auditorio tanquam scenæ: cui
non placet vir melior, sed histrio melior. Neque enim iudi-
care auditores de eo possunt, quod ignorant. Hinc configi-
tur magno auditorū applausu, quibus est pugna illa ad spe-
ctandum iucundissima. Perit respectus omnis & reuerentia
præceptoris, atque hinc philosophandi tranquillitas, & stu-
diorum profectus. Assuescunt tam magistri, quàm discipu-
li inuidentiæ, iracundiæ, virulentæ linguæ, impotentæ fa-
ctorum, ac dictorum, & aliis vitiis bono viro vehementer
indecoris: vnde ad rem publicam, ad rem priuatam, ad con-
silia, deniq; ad omnem vitæ functionem & ignari veniunt, &
inepti, ob affectus perpetuò tanquam in fera bestia irrita-
tos. Quapropter deligantur professores, & approbentur nò
turbæ imperitæ ac inconditæ suffragiis, sed à paucis ex aca-
demia de eruditione ac vita spectatis.

Iam verò quum ad scholam deducetur puer à patre, osten-
datur patri non literas debere quæri velut instrumentū, quo
paretur otiosus victus: indignū esse id præmium labore tam
præstanti: quam sententiam si ipsi re ac vita expresserint, fa-
cilè credent alii veram esse. Nam contrà, quam tandem ha-
bebit pater de prudentia & sanctitate filii sui spem, qui ma-
gistrum, id est, exemplar filii, vel imprudentem viderit, vel
malum? Declaretur ei literarum finem esse, vt sapientior fiat
iuuenis, ac inde melior. Maneat puer in pædagogio vnum
aut alterum mentem, vt ingenium illius exploretur. Qua-
ter per annos singulos in locum aliquem secretum magistri
conueniant, vbi inter se de ingeniis suorum sermocinètur,

Primus
ingressus
pueri in
scholam.

ac consultant: & ei quenque applicent arti, cui quenque idoneum videbunt. Apollonius Alabadenſis dicendi magiſter, ut ſcriptum eſt à Cicerone, quum mercede doceret, tamen non patiebatur eos, quos iudicabat non poſſe Oratores euadere, operam apud ſe perdere, dimittebátque, & ad quamcunque artem putabat eſſe aptum, ad eam impellere, atque hortari ſolebat. Faciant idem gratuiti doctores, quod mercenarius, quod rhetor, philoſophi, ac Theologi, quod gentilis. Chriſtiani ne ſinant illum tempus apud ſe, ac pecuniam perdere: nihilque aliud quæri literis, quàm ignominiam, & ſeminarium errorum, & tanquam beſtiam laceſſitam immitti in ciuitatem. Hæc ſi fiant, non aliter venerabuntur indocti doctos, quàm diuos è cælo delapſos: & eorum academias, ut ſancta loca, & ſacri horrois plena, quæ numine inhabitentur, ut quondam Heliconas & Pernaſſos. Quàm indignum reputanti videatur, nos propter noſtros mores ac noſtras ineptias rideri ab imperitis, ac contemni, idque quod grauiffimum eſt, non iniuria nobis accidere? Enimvero ſerendum non eſt moderatioribus eſſe plerunque affectibus agricolas, & ſutores, & carpentarios, & homines de ima plebe, quàm eruditos complures. Ad cuiusmodi ſcholam non ſolum deducerentur pueri, ſed ipſi etiã ſenes tanquam ad portum ſe reciperent fluctuati in magna ignorantie ac vitiorum tempeſtate: omnes denique attraherent maiestate & authoritate quadam: plúſque apud auditores proficerent fide, ac veneratione ſui, quàm plagis, ac minis. Acutiſſimus erit ſtimulus ad ſtudia, & ad parendum præceptoribus graue pondus admiratio ingenii, ac morum. Hæc eſt vera academia, ſcilicet conuentus, & conſenſus hominum doctõrum pariter & bonorum, congregatorum ad tales reddendos eos, qui illhuc diſciplinæ gratia venerint. Neque enim ſatis eſt vnum aut alterum in ea eſſe bonum, ſi ſint mali multi: numero & cõſpiratione & audacia mali ſuperabunt bonũ, quemadmodum videmus paſſim contingere: atque ad eum tranſibunt diſcipuli, quiſquis plurimũ indulſerit ſuis.

Academia quid.

Domine, an foris docti pueri.

Quæſitum eſt ubi melius doceantur pueri, domine, an foris? Si qua talis eſſet academia, qualem depinxi, utique multò eſſet vtiliſſimum illhic inſtitui, etiam extemplo à lacte, ubi optimos mores ſtatim imbiberet, mali autem mores eſſent ei noui, ac detestabiles: ut ille qui apud Platonem educatus,

educatus, quum iratum videret patrem, admiratus vehementer, ac offensus, nihil se vidisse apud Platonem tale affirmavit. Sed ut nunc sunt academix, maior est deliberatio, quam quis credat. Potest enim consultari de domo, de patria, & extra patriam.

Ante omnia assuefaciendi sunt pueri bonis rebus delectari, atque eas amare, tristari malis, ac eas odisse: accommodentur tamen opiniones illorum captui: nam non statim summa illa & absoluta apprehendunt. Res est consuetudo dulcissima, & opiniones illa ætate acceptæ, diutissime nos in reliquum vitæ prosequuntur, atque eo magis, si procedente ætate rationibus affigantur, & confirmantur. Ad hæc sunt pueri naturaliter simii, imitantur omnia & semper, eos præcipuè quos propter auctoritatem, & quam illis habent fidem dignos imitatione iudicant, ut parentes, nutritios, magistros, pædagogos. Itaque multorum indolem corruptam ab aliis accepimus, à quibus correptam oportuerat, nempe ab istis eisdem quos modò nominavi.

Magnam esse patri curam de filii moribus cõuenit, tantò Patri cura maiorem quam de hæreditate, quantò pluris sunt mores. Et siue hæreditatē relicturus est aliquam, siue nullam, prima est filii moribus. habenda probitatis ratio, imò nihil est hæreditate opus, sed virtute: nam fortunas celeriter & parabit bonus, & dissipabit malus. Dominum quoque rationem de liberorum educatione à parentibus reposcere quum natura ipsa per se loquitur, tum nos mysticæ literæ exemplis ac præceptis docet. Ergo si non alia de causa, certè ob hæc quæ est maxima de filio noscat se pater, & domum, ac familiam totam, præsertim quum de filii institutione deliberat, etiam si omni alio tempore ignoret. Si viderit esse, qui pueri cereum ingenium fingant in peius, amoveat, si potest commodè: sin secus aut nec ipsi est, nec in familia habet cuius mores possit puer cū laude exprimere, foras illum ad eam rem mander. Sic Romani olim filios suos ad senem aliquē mittebant principē virum, grauissimū, & sanctissimū disciplinæ gratia. Quemadmodum Cicero deductus est ad Q. Scæuolam tanto maiore ac præstantiore genere, dignitate, opibus. Nam senes nō aspernabantur eam curam, quam videbant utilissimā esse, ac cum primis necessariam suæ reipublicæ: quæ res publica non alia esset post ipsos futura, quam quales ipsi pueros illos aut ado-

lescentes reliquissent. Nunc ut paucos ac propè nullos tangit cogitatio cōmunis boni, ita munus hoc omnes fastidiūt, minimè profectò fastidiendū, sed vehementer imprimis pro patriæ pietate appetendum, & complectendum, quæ hoc tempore quid sit apud plerasque nationes ne intelligitur quidē, adeò sibi quisq; vni viuit, & valet. Ergo pater si potest pædagogum asciscat filio sanctum virum, & incorruptum; ab eodocetur, si is sit, qui docere possit, modò ne solus: minùs enim proficiet, ut Quintilianus ostendit. Si parare omnino non valet, aut nō talem, à quo possit bonam institutionem accipere, aut si condiscipulos non habet, mittat ad gymnasium ciuitatis publicum: & deligat sibi propinquum, aut affinem, aut necessarium aliquem, ad quem subinde puerū mittat: à quo ille studiorum rationem exigat, & mores formet. Sed in gymnasio eos habitare minimè placet: non enim illhic adeò alūtur salubriter, nec tam instituuntur liberaliter, ac domi: si modò non animo parentes sint despicabiles homines, & sordidi, ac flagitiosæ vitæ: vel qui filiorū indolem proiectissima indulgentia corrumpant. Nam qui ob educationē comem, officiosam, ingenuā pueros suos ad pædagogia quædā mittunt, vehementer sunt animo falsi: quippe magistri ferè in illis sunt auari, sordidi, spurci, tum morosi, difficiles, iracundi, sensu peruersissimo, interdū etiā, si Deo placet, mulierculæ. Pueri verò inter se, quoniam non omnibus quæ agunt, præesse potest magister, alii aliis authores & exēplo sunt ad obscœnitates, & prauas quasdam opiniones de rebus. Ergo exeunt illhinc adolescentes, quales nec intueri quisquam in conuictu possit absque nausea, nec perferre sine odio. Mitti verò ad publicam academiam, ut nunc quidem sunt hominum mores, non passim expedit.

De acadē
mia.

Principio explorandum est in patria ab amicis, qui nosse id queant, ingenium, sit ne eruditioni satis idoneum. Ipse de se multa quotidie præbebit indicia. Hinc an eruditione probe vsurus. Nam nihil est peius, quàm abusus bonarū rerum: & eruditio instrumentum rerum maximarum conuerteretur ad scelera ingētia in animo prauo posita. Meritò Quintilianus potiorē sibi causam videri ait viuēdi honestè, quàm vel optimè discendi. Ex malis atq; ineptis rari in bonū vertuntur: contrā potius naturæ degeneratione multi ex bonis mali fiunt. Mutantur enim homines à sodalibus, quos habēt charis

charissimos affrictu quodam velut contagione, dum nihil sustinent illis refragari. Mutantur gustu voluptatum, mutantur denique quod corpus semper in animum incumbit, atque eum pondere suo deprimit, nisi magnis præceptorum, & rectæ exercitationis tibicinibus fulciatur. Qua de causa dictum est à Solomone, incertum esse cursum adolescentis. In academiis publicis ipsa ætas ad vitia proclivis impellitur vel à sodalibus & amicis perditis, vel praua quapiam animi libidine: atque ubi semel cœperit ruere, quicquid sit obuium, protrudunt, ac secum luctantur deuoluere. Si præceptores habeant, aut pedagogos acres, ac in officio sedulos & vigilantes obdurant ad verba: & verbera: quæ iam ex consuetudine ducunt pro nihilo: ad quæ perferenda vel stimulantur à sodalibus, vel à dulcedine voluptatis. Hinc odium pædagogum tanquam obicis votorum: & ubi se paulò solutiores conspiciunt, asperum se præbet monitoribus, ut inquit Horatius. Tenetur non in officio, sed in officii quadam simulatione: in qua manere eum cogit metus pelsimus officii custos: qui ubi in animo inualuit, reddit illum mancipium nequam: nam pulchritudine virtutis adductus nihil agit, aut quod secundum est, licet non proximum, spe laudis. Ergo non ponit operam in literis, nec id quod agere videtur, agit: sed præsentem corpore animus ad desideria sua peregrinatur: qui etiam corpus secum eodem rapit, si paulum modo metus abscedat. Nec secus quàm nouus pullus perpetuò conatur excutere & frenum, & stratum, & sessorem. Quod si qua ratione pædagogum aut institutorem queat à se dimouisse, præclaram videtur sibi nactus victoriam, & liberatus graui seruitute: quod gaudium ipsius? quæ gratulationes, & applausus sodalium perditorum? Tum vagatur, tum errat solutus in licetia omnium flagitiorum: & impingit ad omnes scopulos voluptatum, non aliter ac naui in summa fluctuum tempestate fracto clauo & gubernatore summerso. Grandiuseuli adolescentes non cohibentur in academiis à preceptoribus, & magistris laudorum: scilicet non audent hi, ne mutant gymnasium, & aliò transferant vilem quæstum: quanto minus si sint diuites? Prædam enim suam plerique doctorum spectant, non institutionem discipuli. Quibus ex rebus præter corruptum adolescentis animi, & mancipatum flagitiis, quod est grande ac præcipuum malorum

rum, hæc etiam sequuntur non exigua. Iactura rei familiaris pauperis patris, & cui fortasse alii sunt sudore suo liberi nutriendi. In hunc enim de sua tenuitate largus est pater, quem alit blandè, ac fouet tãquam senectutis lux baculum, & familiæ totius columen: & magno olim cum scœnore cõpensatum iri fratribus ab isto sperat, quod in præsens illis detrahat, ad faciendum huic vni otium studiorum: ita longo post tempore, & consumptis pecuniis, apparet ratio, ac spes omnis senis parentis inanis & cassa. Iacturæ numorum accedit iactura temporis irreparabilis: elabuntur optimi vitæ anni, & institutioni aptissimi sine fructu. Crescit ipse, & cum eo ignorantia, atque odium discendi. Nec qui aliquando fuit scholasticus, id est dominus, & liber, demitti se patitur ad artem aliquam sellulariam, aut quæ manuum opera constet. Redit domum agrestis fera atque incondita, stipatus inscitia, arrogantia, inciuilitate, in educatione, sordibus, animo ad libidines & flagitia proiectissimo, interim quoque ex vita illa in obscœnitatem omnem solutissima morbis confectus. Excusserat prius quàm è schola egrederetur, pudorem omnem ac verecundiam præceptorum primum, mox parentum, & necessariorum, & patriæ totius, tum propter diutinum vsum peccandi, qui ex pectore sibi addicto omnem virtutis respectum eiicit, tum quod ex patria à suis omnibus amantissimas ac reuerentissimas sæpeli teras accepit, quæ ad eum tanquam ad virum præstantem eruditione scribebantur. Quod si admoneantur meliorum, reluctantur, & spernunt alios tanquam rudes atque imperitos, nec ferunt se ab his moneri, qui se toties sint falsi inferiores ipso rerum peritia, ac prudentia. Et quò solutiùs agant nulli subditi, emunt gradum aliquem honoris scholastici, id est, effrenem ac liberam arrogantiam, sæpe applaudente & læto patre: qui quid agatur videt, quorsum pertineat ignarus. Ibi verò suis omnibus numeris perficitur insolentia: fugiunt patriam: & parentes quos quia sui dedecoris conscios metuunt, oderunt quoque. Inimici sunt doctis, quibus vident se adæquatos aut prælatos etiam dignitate, non doctrina: & istorum lux illorum tenebras manifestat clariùs, & quasi coarguit. Est pessimum hominum genus, quia indoctum, & superbum.

In patria Omnia sunt meliore conditione in patria, salubriùs nutritiun

triuntur tenera corpora, & ad valetudinem, ac nascentes vi- meliore
res cōfirmandas vtiliūs. Educantur liberaliūs, ac puriūs in- sunt o-
ter senes, & prudentes: præter hæc etiam minoris. Quoti- mnia cō
diana cum parentibus consuetudo non patietur pietatem ditione.
erga illos exolescere: facili enim conseruabit pater, ac tuebi
tur sui reuerentiam in filio, quem quotidie videt, cui aliquid
quotidie pro patria potestate imperat. Renouatur singulis
diebus ius illud velut vsurpatione possessionis. Augerur etiā
charitas, si vel filius sit natura bonus vel in parente signa ali-
qua conspicit probitatis, ac sapientiæ. Pietas eadem ex paren-
tibus in eos se diffundit, qui cum illis iuncti sunt sanguine.
Ergo si malum est ingenium, metu est opus: quis maior
quàm parentum, & propinquorum, haustus cū lacte, & æta-
te confirmatus? Sin generosum est ingenium, amore duce-
tur. Quis maior quàm aduersus parentes & consanguineos?
Quid quod plerique non alia de causa ad bene agendum ad-
ducuntur, quàm parentum respectu, vt aliquod illis de se
gaudium præbeant? sicut de Martio Coriolano scribit Plu-
tarchus. Et horum recordatio etiam in remotissimis regio-
nibus maximum est multis incitamentum, vt se ex illorum
gerant sententia.

Poterit pueri ingenium à propinquis & necessariis ex-
plorari, cui sit rei potissimum idoneū: & ipse quotidie puer
multa sui ædet signa: Si literis non sit aptus, nec ludet in lu-
do rem, & quod re est pretiosius, tempus: transferetur ma-
ture ad id cui iudicabitur appositus, in quo cum ingenti fru-
ctu versabitur: & erit ex illis, quos quasi absolutè edoctos
παιδομαθῆς consueuerunt Græci nominare: occurreret pul-
lulantibus ac teneris etiamnum vitis, tum flectilis animus
ad recta formabitur. Reuerentiam illorum in præceptores
facili in patria parentes, consanguinei, & paterni amici au-
thoritate sua conseruant. Aequales minus habēt ad corrumpen-
dum virium: nam & ille & sodales ipsi si quò eant, incidēt
passim in eos, quibus sint curæ, & à quibus retrahātur prius,
quàm ruant. Quòd si labi cœperint, iniiciet eis blandam ma-
num amor suorum: hic si non sufficiat, reuerentia & metus
succurrent, quem de prima infantia imbibitum vsus confir-
marit, & à quo spes non sit solui vt possint, sæpe ne volūtas
quidem. Ita enim naturæ impulsu ac lege addictus est filius
patri, vt amet, & reuereatur: nec fas esse existimet cupere, nō

reuere

A propin-
quis pue-
ri inge-
nium ex-
plorādū,

reuereri. Quæ si fiant, disciplina virga perpetuò ante oculos pueri, & circum dorsum versabitur: quod præcipuum illius ætatis bonum, atque imprimis salutare à Solomone sapienter ponitur. Simul ex vitæ consuetudine flagrantius in illius corde & parentum & patriæ pietas ardebit, cui ut rei incunctissimæ ac charissimæ optimè cupiet consultum, eique quacunque dabitur benefaciet. Quibus de causis & rationibus sic faciendum censeo.

Ludus in
quaq; ci-
uitate cõ-
stituendus.

Constituatur in quaque ciuitate ludus literarius, eò asciscantur præceptores viri explorata doctrina, probitate, prudentia. Salarium repræsentetur eis de publico. Pueri atque adolescentes ab his addiscant eas artes, quas poterunt pro ætate atq; ingenio capere: mores verò patrios, & totam educationem vitæ ciuilem à prudentibus senibus, quemadmodum olim Romæ. Antiquitas enim, ut à Plutarcho in problematistis traditur, honorificum existimant propinquos & amicos erudire. Qui propter acumen ingenii & bonitatem apti erunt literis, hi post flexum ætatis, confirmato iam & rectis opinionibus de rebus parato & munito animo, mittantur bonis auiibus ad academiam. Quod si quis antea mittitur, quia domi non putatur posse commodè doceri, eat cum pedagogo, quem ille reueretur ut patrem: pædagogus vicissim & venerabilem sese præstet prudentia ac dexteritate, & bonitate amabilem: caueatque imprimis, quantum efficere poterit, ne se in odium alumni adducat. Sed iam de institutione ipsa pergamus dicere.

Quum deducetur ad scholas puer, sciat pater, quem tãdem existimare debet fructum laboris studiosi: videlicet non honorem, aut pecuniam, sed animi culturam, rem eximii atque incomparabilis pretii, ut doctior fiat iuuenis, & per sanam doctrinam virtute melior. Itaque etiam si viliorẽ illam cogitationem ad scholam adferebat, ita persuasus reuertatur, ut altiora iam & ampliora de filio suo speret. Suscipietur ea lege puer, ut eius capiatur experimentum ad aliquot menses. Quod cum fiat de affeculis, & famulis lances aut scutellas mense illaturis, quàm absurdum est de illo non fieri, qui tanto maiore & suo, & aliorum dispendio, euadere posset doctus? In vnoquoque ad tradendam ei eruditionem, spectandum est ingenium: cuius contemplatio ad inquisitionem pertinet de anima: nos illhinc nonnulla præsentì instituto delibauimus

mus. Ingenii partes sunt acies ad intuendum, capacitas ad De inge-
comprehendendum, collatio ad iudicium. Ingenio nihil est nio.
similius quàm oculus: hic est corporis lux, illud animi, in
oculo vis est ea contuendi omnia, quæ colore sunt obducta,
eæque acies nuncupatur. Sunt tamen qui in singulis separa-
tis diductisque cernedis valent plurimum, multa pariter nō
capiunt: aut si capiunt ad breue quoddam punctum, non ta-
men cōtinent. Sæpe etiam qui intuentur, qui capiunt, & cō-
tinent, non conferunt illa inter se: nec quale quicque sit ex
aliorum comparatione iudicant. Eundem in modum res se
habet in ingeniis. Nam quidam acuti sunt, & perspicaciter
singula intuentur, coniuncta verò vel non capiunt, vel non
tenent: quorum captus est angustus, aut memoria brevis, ac
fluxa. Alii capiunt, non tamen cogitationem reflectunt ad
ea quæ sunt intuiti, ut cuius rationis ac modi quicque sit cen-
seant, ac diiudicent. Et sicut sunt oculi vel cæci, vel vitiis re-
currentibus affecti, ita ingenia partim stupefcunt dementia
& torpore perpetuo, partim interuallis quibusdam malè sa-
na sunt: nisi quod cecitatem & vitiū oculorum qui patitur
agnoscit, ingenii morbos ægrotus nec intelligit, nec si osten-
dantur, credit: quoniā in morbo corporis mens quæ de illo
iudicatura est, non ægrotat: in morbo mentis ipsa eadem ma-
lè affecta censere de se ipsa non potest. Ingenium non est vel
malis rebus, vel paruis ac puerilibus explorandum. Sed &
oculus non continuo acutè cernit, quod aliqua ad serum,
vel in tenebris acutè cernit. Ita nec ingenium haben-
dum est pro acuto, quod in rebus paruis aut leuibz multū
pollet: verū quod in luce, & magnis rebus. Neque enim dubi-
tandum est, minis nos nunc valere ingenio, quàm ante pri-
mum illud scelus. At nunc astutiores sumus in flagitiis, & si-
cut Dominus inquit, filii huius seculi filiis lucis sapientio-
res in generatione sua sunt. Itaq; egregia ingenia nihil sunt
plerunq; in nugis, ut oculi perspicaces in tenebris, & in lusio-
nibz viri prudetes. In ingenio spectabūtur actio & materia,
tum separatim, tum cōiuncta. Hinc affectus, siue mores. In Actio in-
actione sunt duo, intētio, & extētio, id est, quàm magna aut genii.
parua, quàm brevis aut diuturna, cita aut lenta. Sunt qui in
res intentè contuentur, ac sedulo, qui que se alligari gaudent
operi: sunt qui remissè ac velut aliud agentes, nec astringi
volunt soluti ac liberi: ut Ovidius & Lucilius teste Hora-
tio.

tio. Hi sunt aeræ constitutionis, aut qui calore immodico resoluuntur, qui ve oppressi carne & graui sarcina corporis laborem attentionis refugiunt, aut non ferunt. Obscurius cernunt alii, alii perspicacius: itaque hi penetrant, vnde acumen dicitur: illi in summa rerum facie subsistunt, vnde hebetudo, ac retusitas. Sunt qui primos ingressus habent faciles, mox confunduntur: quibus in labore offunditur mentis aspectui quædam velut caligo, quæ quum recentes & noui ad opus accederent, non erat: alii vrgentes ac valentes persistunt felicissimi: quidam ea quæ viderunt, coniuncta sumunt: nonnulli separant, & diminuunt ad scrutationem singulorum, quæ nominatur subtilitas. In tempore sunt qui intuitu suo velut punctim feriunt per multa volitantes, nec vsquam conquiescunt: alii sistunt, & quasi figunt vestigia. Soluti ac liberi sunt, qui celeriter quæ volunt assequuntur: vt homines bonæ contemperationis: quorum aliqui eo vigore ingeniorum sunt præditi, vt omnia quæ opus est, vno velut intuitu dispiciant, & tanquam ad manum habeant parata: de quo genere Vinicius ille fuisse memoratur, quem Augustinus dixit in numero habere ingenium: qui que extemporalis facultate plurimum præstant, interdum plus quam scribendo, & à cura: sicut Calsius Seuerus, & Sulpitius Galba. Quod contingere hominibus non tam studiosis, quam ingeniosis Cicero & Seneca testantur: multa enim ante oculos subiicit ingenium calore excitatum, quæ idem ipsum refrigeratum abscondit. Sunt qui tardè ac lentè vadunt, sed perueniunt tamen quò destinarunt: & de his nonnulli lento suo gradu pervadunt longius, quam priores illi cursu. Actionis duratio in aliis perbreuis est, quibus est conquiescendū statim: vt calidis & exsiccis, quales sunt Aegyptii & Persæ: in aliis diuturnior, ac pertinacior, velut in pictore illo, qui nesciebat manum de tabula: & in Didymo grammatico, qui cognominatus est *χαλκίτης*. Sunt quorum vices otii & negotii sunt breues, sed crebræ. Sunt quorum longè, ac vehementes: quemadmodum de Latrone Portio scribit Seneca: qui & accensi ardent pertinaciter, vt ignis in viscosa materia, restricti autem diu frigent. Recipiunt hæc mutationes vel crebras & quotidianas ex cibo & potione, ex habitu cæli & loci, ex affectionibus corporum. Illum qui sui semper esset similis, vocarunt olim virum omnium horarum. Recipiunt etiam

Subtilitas.

Mutationes ingeniorum.

etiam ex varietate naturæ vniuscuiusque: quòd ea est corporis constitutio & temperatura, vt modò magni & acuti sint, modò sui dissimiles. Sunt & aliæ mutationes longæ, nempe ex ætatibus. Quidam enim meliores redduntur annis, vt Scipio & Polæmon, & illi quorum Valerius meminit: peiores alii, vt Hermogenes rhetor temporibus Antonini Augusti, qui ex puero facundissimo infantissimus factus est iuuenis. Mutantur in deterius præcocia ingenia, in quorù pueritia fuit moderatus calor, postmodum si vel crapula vel corpulentia obruitur, obstupescunt: sin verò acuitur & augetur præsertim circum cerebrum, insaniunt. In melius vero quibus est de principio feruor immodicus, isque sensim temperatur, ac tepescit: aut quibus corpus nimis ac noxiis humoribus redundans mox purgatur. Expediit iis, qui tenuissimos habent ac lucidissimos spiritus incrassari: vt ingenii præacutis, ne quò nò oportet euolent, nec contineri in præfenti possint opere: quam fuisse causam autumò, cur Plato crassum academia aërem delegerit ingenii Atticis subtilibus ac leuibus conducibilem: scilicet iniiciendæ illis erant velut compedes. Non mutantur quibus constitutio corporis singulis ætatis partibus congruit.

Iam ex materia, quidam in rebus quæ obeuntur manibus, quas Græci *χειρουργικά* nominant, valde probantur: quos videas pueros semper pingere, extruere, texere, & hæc omnia decenter, & cum tanta gratia, vt diu ea didicisse credas. Alii rebus sublimioribus iudicii, ac rationis sunt dediti, maiore atq; altiore mentis impulsu incitati, qui à pueris manuaria illa ineptè faciunt, assequuntur tamen, quæ dicantur, promptissimè & acriter rationē colligunt: per pauci in vtraque re sunt boni: quanuis qui sint eiusmodi, non desunt. Appositi sunt quidam ad certum aliquod disciplinæ genus, vt Poetæ soluta oratione impeditissimi. Vidi qui festiuissimè narraret, absurdè ratiocinaretur. Ex rara quadam nota sunt, qui in omni pariter ingenii materia, non illa quidem chirurgica, sed ea quæ mentis agitatione constant ac indagine probari possint: quale Plutarchus Ciceronis ingenium fuisse perhibet.

Spectantur rursus ingenia in materia atq; actione. Alii qui in nugis & rebus paruis sunt miri, captiosi, cauillatores, & actio. argutuli: in magnis, & solidis nihil efficiunt: vt qui in iocis.

dicaculi sunt, & promptæ dexteritatis, in seriis alios iam esse dicas: quod genus sunt poetæ quidam epigrammaticarii, & scurriles homines: de quibus vetus fertur dictum, facilius scurram futurum diuitem, quàm bonum patrem familiæ. De hoc numero sunt, quorum ingenium volat per summa rerum, & minutias quasdam dispicit, quæ alios effugiunt: ad intima verò & tanquam rei nucleum non penetrat. Sunt acuti quidem, sed illorum acies acui est per similes, quæ capillum unū latum in quatuor aut quinque fibras discriminet, non ut acies gladii, quæ solidam rem & duram discindat. Gladii verò sunt similes, qui in iocis & leuiculis rebus nihil præstant, in seriis & solidis magni, velut Demosthenes. Cicero in utroque genere fuit admirabilis. Sunt qui perferre non queunt res graues, non adeò ex natura, uti ex delitiis: sicut Milesii, & Sybaritæ. Sic in artibus ac disciplinis ad alias facti sunt quidam, & appositi, ad alias minimè idonei. Sequuntur quidam docentem expeditè, ut ingeniosi, & modestè de se sentientes. Alii præcurrunt, & ex his ineptè nonnulli, tanquam qui cōiecturis ducuntur futilibus, quas ipsi habent pro firmissimis: nonnulli dextere ac feliciter, ut coniectores optimi: qualem fuisse serunt Chrysippum, qui à præceptore nihil requirebat aliud, quàm dogmata, inuenturum se aiebat rationes quibus illa fulciret. Alienis inuentis bene vtuntur quidam, ipsi nihil pariunt: quales sunt dediti imitationi, quæ vitiosa est, quum ibi sistit: quanquam in pueris ingenii signum est, si Quintiliano credamus, utique quum bona exprimunt. Aliqui meliùs inueniunt sua, quàm vtuntur alienis: ut acuti quidem homines, cæterùm qui intelligendis atque scrutandis alienis nolunt animum adiungere. Non desunt, qui utrunque quum est opus efficiunt, quos in primo bonorū genere Hesiodus poeta collocat. Hi sunt acuti homines, qui que aliena studiò animaduertunt. In plerisque horum exempla possumus ad intelligendum ex oculorum intuitu sumere. Nam quemadmodum initio admonui, nihil est quod perinde ingenii rationem ac vim representet nobis, ut oculus.

Mores ad
ingeniū.

Mores quoque variant ingenia: multum enim in vim mentis constitutiones corporis efficiunt, ex quibus affectus nascuntur. Sed morum duplex est ratio, nam vel à natura accipiuntur corporis, vel à consuetudine. Affectiones animorum

rum alii habent iritabiles, alii magis sedatas: & in his omnes quasi per vices dominantur, ac sæuiunt, in illis aliquæ tantum: in quibusdam ad bonum procliuēs, in quibusdam ad malum. Sunt, in quibus affectus aliqui vniuersi animi regnum vsque eo occupant, vt ad se pertrahant, quicquid in animum subit: sicut stomachus vitiatus quæcunque ingerat in noxium humorem conuertit: ita isti vel ad superbiam, atque arrogantiam, atque ostentationem detorquent, quos sub arbitris pudet discere. Sapienter Bion elationem aiebat esse impedimentum ad res magnas: vel reflectunt ad libidines & obscenam cupidinem, vel ad suspiciones prauas, & sinistras interpretationes. Nonnulli rectum habent ingenium aliquatenus, sed derepente consurgit ex transuerso affectus, qui illi velut manum iniiciat, & cogat de instituta via flectere. Sunt quidam simplices, integri, recti: sunt vafri, obliqui: sunt qui perpetuò se occulunt: sunt qui obiecta materia continuò sese produnt. Apud quædam metus solus proficit, apud alia beneuolentia. Sunt sana, sobria, temperata. Sunt insana, furiosa, & hæc vel habitu perpetuo, vel interuallis: sunt mitia, sunt acria & vehementia, nonnulla etiam impotentis naturæ. Aliqua magnis & iustis de causis suscipiunt animorum motus, qui nominantur viriles: sunt quæ exiguis aut nullis, sed tenui aurula mutantur, pueriles homines ac leues. O admirandum authorem tantæ varietatis? Tu qui solus hæc finxisti, solus nosti casus. Sunt quidem aliæ ingeniorum differentiæ. Sed hæc in præsens sufficiunt.

Puero adhibenda est materia, vt se ingenium motu, atque actione proferat. Nihil enim cuiusmodi sit naturæ, iudicari quiescens potest. Arithmeticam obiiciebat Pythagoras, quæ acumen exploraret. Nihil æquè mentis aciem patefacit, vt expedita computandi ratio: & ingenii tarditas, tarditate computationis arguitur, vt in nostris fatuis videmus: & socordissimam Scytharum gentē supra quatuor numerum reflectere, Aristoteles est author, vt nos supra decem. Idcirco inter Græcos sapientiæ sectatores fuisse, qui hominem ea causa vocatum esse λογικὸν ζῷον existimarunt, quod solus sciret computare. Nam vt apud Latinos, sic in Græco sermone λόγος & ratio est, & computatio.

Memoriam signū ingenii Quintilianus ponit: quæ duabus constat partibus, faciliè percipere, & fideliter continere: nū signū.

Quomodo ingenium proferet se.

Memo-

prius indubitatum est acuminis indicium, alterum capacitatis: sequetur postea paulatim iudicium, itaque iubebitur ediscere, tum imitari, de quo supra dixi. Exercebuntur lusionibus id etiam acumen reteggit, & mores naturæ, potissimum inter æquales & sui similes, ubi nihil fingit, sed omnia exhibet naturalia: quippe cōcertatio omnis ingeniū educit, ac ostendit, haud secus quàm excalfactio herbæ, aut radice, aut fructus odorem, vel vim naturæ. Mandabitur ei per lulum munus regendi, ac imperandi. Magistratus, ut inquit Bias, virū ostendet. Hispani haud absurdè dignitatem & lulum coticulas esse animorum prouerbio dicunt. Alternis mensibus, aut tertio quoque congregari magistri de suorum ingeniis deliberent, ac decernant, paterno affectu, & leuero iudicio: & vnumquemque eò mittant, ad quod aptus videbitur. Incredibilis per totum hominum genus vtilitas sequetur, si id fiat. Nihil tum tractabitur prauè ac sinistrè à coactis, & repugnantibus, de quibus consilium est prudentis poetæ:

Tu nihil inuita dices, faciesve Minerva.

Omnia verò optimè, & admirabili felicitate exequuntur ii, qui ad ea nati sunt, ac appoliti. Nam quia ad opera minimè congruentia inuita ingenia detrudimus, sinistra ac detorta videmus exire pleraque omnia. Non oportet oculum ad frequentiam scholarum adicere: quanto præstat parum habere salis lapidi, quàm multum insulsi? Quot philosophi contenti fuerunt exiguo auditorio? & apud hoc de magnis & præclarissimis rebus acutissimè ac sapientissimè disseriebant. Dominus noster quum Dei sapientiam & salutem mundo traderet, duodecim virorum cohorti acquieuit. Sed nimirū tolle superbiam & quæstum, quantumcunque auditoriū sufficiet doctori. Non nego quin ad dicendum frequentia incitetur animus, sed aliud est dicere, quàm docere: & in dicēdo nescio quibus nos à gloria video stimulis pungi. Verū de ingenio dubio, aut etiam malo non est illico desperandum, nec nimis tamen fidendum bono. Mutationis ingeniorum ac morum multa sunt exempla & in ciuitate & in schola: sed vitio volūtatis nostræ crebriores sunt in deterius. Nec idem est ingenium non esse satis aptum, & esse deploratum. Sunt etiam nonnulla ingenia, quæ reiecta ad frugem aliquando post se recipiunt. Principio ex multis filiis destinet literis pater non vnumquemlibet, ut ouum caprum de cumulo ad as-

sand

landum, aut frigidum: sed sua & amicorum sententia maximè factum ad literas & eruditionem. Quidam quo nihil est magis ridiculū, ineptos mercaturæ, aut militiæ, aut aliis ciuilibus muniis ad scholas mittunt, atque initiari iubent: quòdque est grande nefas, Deo sacrant fortum despicatissimum atque inutilissimum: & putant ad res tantas satis habiturum iudicii ac mentis, qui ad minimas & leuissimas non habet. Destinato iam literis puero, ut pater de filio spem debet optimam concipere, ita præceptor de discipulo. Sed hoc erit discrimen, quod patris amor plerunque est lusciosus, atque etiam cæcus: præceptoris charitatem acutissimos habere oculos conuenit. Deductus ubi fuerit ad scholam, nullus erit deploratus adeò, ut euestigio expelli oporteat, quo minus conentur illum refingere in melius, si non ad literas, saltem ad mores.

Omnibus initio statim fundamenta sunt tradenda pietatis nostræ, ut noscat se, quàm est infirmus, & pronitate naturæ malus: ut nihil nec sit, nec potest, nec valet nisi ope Dei illum implorandum crebrò, & bona fide: nec speret se quicquam omnino assecuturum absque eius auxilio. Quanta sit cæcitas & fraus in animis vulgi iudicantis de bonis, ac rerum æstimatione. *Integræ* opinioniones in vacuum pectus instillantur. Nos inimicos Dei reconciliatos illi esse per crucem filii eius: Deum ut potentem metuat, ut *conscium* vereatur, ut datorem ac beneficum amet. Nos ad hæc exponenda libellum conscripsimus, cui titulum fecimus de introductione ad sapientiam: & præceptoris facile erit eiusmodi flosculos ex philosophis & sacris authoribus tanquam è pratis vernantissimis in usum discipuli decerpere. Faciat ut sæpenumero recorder bellum esse hanc vitam perpetuum, sæuum, irreconciliabile: affectus animi contra rationem accinctos semper ac paratos in acie stare, qui si vincant, acerbissima sequetur in homine perniciēs: itaque multa sunt subinde aduerius eos dicenda, multa facienda, ne cogant vires. Dici non potest, quot prauas affectiones pueri imprudentes hauriant, nihil existimantes inesse flagitii: at eas quum notiores iam conantur depellere, difficile admodum suscipiunt negotium: egerunt enim radices, & crebrò suppullulant. Et quandoquidem assueta omnia sunt iucunda, quæ vecordia est, & quàm perdita dementia non assuescere optimis? præsertim pari in bo-

Pietatis
fundamē
ta statim
initio tra
denda.

nis & malis labore, sæpe etiam minore in rebus bonis : qui etsi sit maior, certè tanti est honestatis pretium, quæ petitur : & per assuetudinem benefacere ex vlu in naturam vertit. Sciant pueri Deum esse præmium omnium rectè factorum, eiq; mentes & cogitatus nostros esse perspicuos : ut quantum per ætatem dabitur, consuecant nihil propter humanam mercedem agere, sed propter diuinam illam sempiternam.

Quæ ingenia inepta literis.

Post hæc videatur, qui apti sint eruditioni, qui secus. Inepta sunt ingenia, hebetissima, absurda, præpostera. Mira dictu res, atque adeò etiam misera, ingenia humana in vilioribus artibus & abiectis facilius ad frugem bonam euadere, quam in liberalibus, & præclaris. Nam in mercatura, in fabrilis exercitio, vel textorio, denique in chirurgicis & sellulariis artibus pauciores videmus operam ludere, quam in studiis doctrinæ. Quid dicemus esse causæ? An quòd in humilioribus curis ingenium non tantopere infestatur ab affectu, qui grandibus, & pulchris demum studiis repugnat, an quòd non perinde in leuibus & expositis laborat mens, atq; in reconditis ac excelsis : ut in illis per decliue videatur deuolui, in his ardua scandere? Quòd si percipiendæ eruditionis curam excusserit, tanquam soluta & vaga continuo degenerat in voluptates, & alios animi motus indecoros. Nec idonei sunt, qui vitiiis naturæ tentantur : ut furiosus, aut demens. Hi sui experimentum haud ægre dabunt, mittendi ubi coërceantur metu & plagis. Corruptæ indolis puer, aut corruptor corrigendus antè quàm admisceatur puerorum cōsortio. Ingenia vel acie nimis delicata & tenui, sed non solida, vel captus angusti, meliora sunt non fatigata & obruta literis : sicut non est adhibendū scalpellum sciindendo ligno, nec debilis oculus intento aspectu fatigandus. Sunt qui vno tempore literis non sunt apti, alio sunt, & vice versa. Vafro, atq; impostori, aut omnia ad suspensionem prauitatis inuertenti, satius est non cōmendari peritiā, quæ in illo foret instrumentum multorum scelerum. Quem natura pudet discere, non semper est ineptus, sed parum discet : hic sæpe est de ignorantia conuincendus, & pudefaciendus, ut velit doceri. Si ne sic quidem retundatur arrogantia mittendus est ad artes, quarum ignorantiam non queat occultare, & sit ei necessum volenti nolenti discere : hoc audiente superbia est crebrò velut res stultissima confutanda, & castiganda. Contemptores magistrorum

gistorum procacissimi sunt, aptiores aratro, quàm libris, & agro ac syluis, quàm cœtui hominum. Quem tandem reuerbitur, qui magistrum non veretur, animi velut alterum parentem? Ludibundus puer reuocandus, non expellendus. Ex cæteris ingeniorum modis & quasi formis alia aliis sunt disciplinis congruentia, vti pòst demonstrabimus, nullum certe erit quod inutile sit, saltem linguis discendis. Hucusque velut parabatur puer sacris atque initiationi literarum. Iam admittitur ad mysteria.

Magistri erga discipulum affectus erit patris, amabit verè Magistri affectus. atque ex animo tanquàm suam fœturam. An verò plus in homine gignit, qui corpus, quàm qui animū gignit? tantò scilicet præceptor est parens verior, quantò veriùs ex homine est animus, quàm corpus: non enim ex corpore homines sumus, quod cum brutis habemus cōmune, sed ex mente, angelis, & Deo simillima. Ea de causa Alexander Macedo plus se Aristoteli debere profitebatur, quàm Philippo: ab hoc se habere corpus, ab illo mentem. Apostolus Paulus quos ad pietatem adduxisset, genuisse se ait in Domino. Sed erit paternus hic amor non cæcus, verum videns, & quidem acutè: vt omnia quæ sunt in discipulo vel confirmanda, vel mutanda, atque emendanda circumspectat.

Pueri persuasum habeant, quæ sunt in scholis accepturi, Pueri affectus. cultū esse animi, id est patris nostri melioris ac immortalis: eum cultū à Deo esse humano generi maximo munere ac patria indulgētia traditū, nec ab alio dari potuisse, nèpe rationem ac viam, qua Deo placeant, & ad illū perueniant, in quo est extrema beatitudo. Sic fiet vt eiusmodi cultū & vt sibi necessariū ament, & vt sacrū ac cælitus missum reuereantur, ac adorēt, tum in scholas tanquā in tēpla venerabūdi introcāt. Quocirca quantū præstari poterit, dabūt magistri operam, ne gymnasia sua vel vilescere sinant lūibus, vel contaminari flagitiis. Magistros non aliter amabunt, colēt, suspicient, ac ministros munerū Dei, & genitores animorū. Amorem facile magistri conciliabunt cōmoditate morum, reuerēciam verò vtilitate præceptorum, & vita incorrupta. Credibile nō est quantopere affectus hi institutoris ac discipuli ad rectè tum tradendam, tum percipiendam eruditionem valeant.

In præceptione artium multa experimenta colligemus, multorum vsum obseruabimus, vt ex illis vniuersales fiant

regulæ. De quibus experimentis si sint quæ cum norma non congruant, signanda est causa, cur id fiat: si ea nesciatur, & pauca sint, quæ non quadrent, annotanda sunt: si plura sint, quàm quæ congruant, aut pari numero, non statuendum de eo dogma, sed id transmittendum admirationi posterorum, ut ex admiratione, sicut fieri consuevit, philosophia nascatur. Artes omnes, quæ ad aliquid vel agendum vel faciendum pertinent, optimè ex illorum actionibus atque operibus colliguntur, qui natura, studio, usu fuerunt instructissimi, ex quibus natas esse artes declarauimus: qui egerunt quidem sine arte, sed maiore quadam naturæ vi instructi, aut diligentia & usu adiuti. Sic ex Ciceronis usu, ac Demosthenis, præcepta rhetorices petuntur, ex Homero, & Virgilio poësis. Sed ei qui de quaque arte commentatur, & præcepta format, subinde est oculus ab experimentis & usu ad naturam ipsam reuocandus, ut exactissima tradat magis, quàm consuetæ: quod Cicero in optimo oratore instruendo facturum se præfatur. Exemplar enim absolutum est in natura, quod tantum quisque exprimit, quantum valet ingenio, aut diligentia: alii plus aliis, nemo plenè ac perfectè.

Ordo
præcepto-
rum.

In præceptis artium ordo est res ad docendum efficacissima, ut facilius auditores tum percipiant, tum retineant: ducuntur scilicet rebus ita dispositis, & dum posteriora quasi ex prioribus videntur nasci, accipiuntur omnia pro certissimis. Sed quis sit ordo, & qua utendum in artibus oratione, in libris de dicendo exposuimus. At quando pietas est, quò referuntur omnia, meminerit magister, quicquid exhibeat, Christianum se esse, ut quod bonæ menti sit contrarium, auertat, tegat, & subinde aliquid dicat moribus conducibile. Poëtæ medio opere fabulantur, etiam quum de seriis agunt, sicut Virgilius & Lucanus: ne lectori excidat poetas esse illos: nobis verò num non subinde succurret nos esse CHRIS-
TOS adiuratos?

Authori-
tas sacra-
rium lite-
rarum.

Authoritas sanctarum literarum magna cum maiestate in auditorum pectora imprimatur, ut quum ex eis aliquid audient, Deum ipsum præpotentem audire sese arbitrentur: illhinc nonnulla delibabit magister tanquam ad morbos remedia, quantum quidem videbitur sufficere: in quo opus est iudicio, ne parum adhibeat conuenientia, nève illa, quæ intelligentiam illius ætatis excedant. Quòd si Plato, Aristoteles,

Stoteles, Xenophon, Cicero, & alii philosophi ad confirmationem suæ sententiæ ex Homero, & cæteris vatibus testimonia desumunt, quantò congruentius est nos ab oraculis Dei non testimonium solum, sed supremam auctoritatem repetere, in qua falli non poterimus, quum ab infallibili sint sapientia profecta? Sed quanuis in tradenda arte perfectissima semper atque absolutissima sint proponenda, in docendo tamen ea sunt ex arte præbenda auditoribus, quæ illorum ingenijs competant: artifex enim summa contemplari debet, & ea in canones deducere, contendat unusquisque assequi. Præceptor verò in schola auditorium

suum debet spectare, non ut ab arte defleat, aut
falsa tradat pro veris, sed ut congruentissima captui suorum. Vtrunque
diuinum illum artificem ac
magistrum præstitisse,
sacra Euangelii
historia de-
clarat.

✱

LIBRI SECVNDI DE TRADEN-
DIS DISCIPLINIS
FINIS.

R 5

IOANNIS LV-

DOVICI VIVIS

VALENTINI,

De tradendis disciplinis,
Liber Tertius.

Sermo.



R I M A in homine peritia est lo-
quēdi: quæ statim ex ratione ac men-
te tanquam ex fonte profluit. Idcir-
co bestiar omnes sicut mente, ita &
sermone carent. Est etiam sermo so-
cietatis humanæ instrumētum, neq;
enim aliter reteri posset animus, tot
inuolucris, & tanta densitate cor-
poris occultus. Ac quemadmodū men-

tem munere habemus Dei, sic etiam loqui naturale est nobis,
hanc verò linguam, aut illam artis. Itaq; & domi à parenti-
bus, & in schola à præceptore danda est opera, vt patriam lin-
guam pueri bene sonent, quantūmq; ætas illa patitur, sint fa-
cundi. In quo magno erunt parentes adiumento, si ipsi vel in
filiorum gratiam curent, vt sensa animi sui castis verbis, &
integra, atque apta oratione expromant, hinc vt idem nutri-
ces, & nutritii faciant, & ii inter quos agunt, ne perplexè, ab-
surdè, barbarè loquantur: ne vitia oris habeant, quæ facilitè
tenere ætati adhærescunt. Chrysippus ea de causa etiā doctas
volebat nutrices eligi. Magni interesse ait Cicero quos quis
que audiat quotidie domi, quibus cum loquatur à puero,
quemadmodū patres, pædagogi, matres loquantur. Nō leue
est hoc momentum ad eas linguas discendas, quæ parantur
artem ad facilitè cogitatus animorū, & percipiendos alie-
nos, & exponendos nostros. Sacrarium est eruditionis lin-
gua, & siue quid recondendū est, siue promendum velut pro-
ma quædam conda. Et quando ærarium est eruditionis, ac
instrumentum societatis hominum, è re esset generis hu-
mani vnā esse linguam, qua omnes nationes communiter
vteren-

Vna lin-
gua.

uterentur: si perfici hoc non posset, saltem qua gentes ac nationes plurimæ, certè qua nos Christiani initiati eisdem sacris, & ad commercia, & ad peritiam rerum propagandam. Peccati enim pœna est tot esse linguas. Eam vero ipsam linguam oporteret esse quum suauem, tum etiam doctam, & facundam. Suauitas est in sono siue simplicium verborum, ac separatorum, siue coniunctorum. Doctrina est in apta proprietate appellandarum rerum. Facundia in verborum & formularum varietate ac copia: quæ omnia efficerent ut libenter ea loquerentur homines, & aptissimè possent explicare, quæ sentirent: multumque per eam accresceret iudicii. Talis videtur mihi Latina lingua ex iis certè quas homines vsurpant, quæque nobis sunt cognita. Nam illa perfectissima esset omnium, quorum verba rerum naturas explanarent: qualem credibile est fuisse illam, qua Adam singulis rerum nomina imposuit. Hæc enim veræ sunt rerum appellationes, de quibus in sacro carmine legitur: qui numerat multitudinem stellarum, & omnibus illis nomina vocat, magnus dominus, & magna virtus eius, & sapientiæ eius non est finis. Ad hanc sententiam pertinet Cratylus Platonis, quem Aristoteles tamen aliorum detorquet in libro de interpretatione: & hoc demum inuentum Pythagoras præter cætera eximiè admiratur. Sed ad Latinam linguam reuertamur. Ea quoniam diffusa est iam per complures nationes hominum, tum artes penè omnes illius sunt literis mandata, est etiam copiosa, quia exulta, & aucta multis scriptorum ingeniis, sono insuper suauis, tum grauitatis cuiusdam, non ferinæ & agrestis, ut in aliis nonnullis, sed fortis & prudentis viri in ciuitate bene instituta nati ac educati, nefas esset non coli eam, & conseruari. Quæ si amitteretur, & magna confusio sequeretur disciplinarum omnium, & magnum inter homines dissidium atque auersio propter linguarum ignorantiam. Quoniam quidem ut Diuus Augustinus, inquit, mallet quisque cum cane suo versari, quàm cum hominè ignotæ linguæ. Ad dilatandam etiã pietatem vtilissimum est homines mutuò intelligere. Vtinam Agareni & nos communem aliquam haberemus linguam: sperarem futurum breui, ut multi sese illorum ad nos reciperent. Hæc eadem fuit causa, cur Dominus Apostolis suis donum linguarum cõtulerit. Fides enim vt dicit.

Paulus,

Paulus, per auditum, cui lingua inseruit. Quocirca vehementer cuperem ut in plerisque nostris ciuitatibus gymnasia instituerentur linguarum, non solum illarum trium, sed Arabicæ, sed earum etiam, quæ essent Agarenis populis vernaculæ, quas addiscerent non otiosi homines, ad gloriam inde caprandam, & plausum, sed ardentissimi zelo pietatis parati vitam pro Christo impendere: ut eis instructi Christum illis gentibus annuntiarent, quæ paucissima, ac nihil penè de illo audierunt.

Lingua doctorū. Expedi præterea linguam esse aliquam doctorum sacræ, qua res arcanae consignentur, quas à quibusuis non conuenit contractari, ac pollui: & haud scio an conduceret secretiorem esse hanc ab illa communi. Quamquam in communi illa recessus sunt quidam per metaphoras, allusiones, ænigmata, & eiusmodi confirmationes dicendi imperitis, aut tardis hominibus inaccessi. Quibus de causis & rationibus addiscendus est Latinus sermo, & quidem exacte, ne corrumpatur. Nam corruptus continuò desinet vnus esse, singulæ regiones habebūt suum: quo fiet ut homines nec mutuò intelligant, neque artes illas, quæ Latino sermone continentur: quod contigisse ipsi vidimus. Huic linguæ dabit operam puer, dum aliis percipiendis rerum disciplinis non est per infirmitatem ingenii satis idoneus: nempe ab anno septimo ad quintum decimum. Sed id præceptor ex cuiusque ingenio, & progressibus melius statuet.

Græca lingua. Si quis Latinæ linguæ Græcam adiunxerit ex ambabus multa reliquarum artium semina accipiet, ut ià à linguis illis ad nullam artium rudis prorsum, & nouus veniat, quippe ab iis authoribus sermonem hauriet, in quibus non sola erunt verba, sed nec esse possunt: multa enim inesse ex aliis disciplinis conspersa est necessum: & eadem opera Græcam, Latinamque linguam cognoscat. Adde quòd Græca est erudita admodum, & locuples. Et quemadmodum Latina lingua ab his potest copia sua instruere, ac iuuare, sic Græca tum Latinam ipsam, tum alias quoque auget, & adornat, estque perfectioni Latinitatis necessaria, non secus quam Latina italicæ, aut Hispanæ. Nec vllus absolutè fuit Latini sermonis peritus, nisi & Græco imbutus. Ex sermone enim Græco Latinus, ex Latino Italus, Hispanus, Gallus manarunt: quibus olim nationibus Latina lingua erat vernacula. Itaque vsu depræ

deprehendimus Latinam facundiorē, ac facundiorē ex Græca fieri, ex Latina reliquas Europæ, sed potissimum tres illas, quas modò nominavi: quas maximè expedit Latino sermoni assuescere, tum ut eum ipsum, & per eum artes omnes probè intelligerent, tum ut sermonem suum patrium ex illo velut aqua copiosius ex fonte derivata puriorē, atque opulentiorē redderent. Quid quòd multa sunt Græcis literis memoriæ mandata in historia, natura rerum, moribus priuatis, & publicis, medicina, pietate, quæ de ipsis fontibus & facilius hauriuntur, & purius.

Si quis propter vetus testamentum Hebræam velit cum his coniungere, nihil impedit, his legibus, Si satis putat fore temporis ad omnia, si se incorruptè eam accepturum cōfideat: nam audio multa esse à Iudæis in suis codicibus depravata, partim consulto Christi odio: partim inertia, dum toties mutant sedes, nec vacat iustam operam in literis ponere. Certè si duos Hebræos de eodem loco consulas, rarò consentiēt. Et Latinam linguā exacte velim pernosci, hoc enim ad conuictum, & ad artes omnes expedit. In Græca magni sunt labyrinthi, & vastissimi recessus, non solum in dialectis variis, sed in vnaquaque illarum. Attica, & Atticæ proxima communis, maximè sunt necessaria, propterea quòd & sunt facundissimæ, atque excultissimæ, & quicquid Græci habēt legi ac cognosci dignum, istis dialectis est consignatum. Reliquis vtuntur authores carminum, quos non tanti est intelligi, præsertim quum non in dialectis modò, sed in appellandis rebus, & colore loquendi tantū sit inter orationē numeris solutam, & astrictam, discriminis, ut nō videatur esse eadem lingua. Nec immeritò Antonius Ciceronianus poetas ait non ausum se attingere tanquam aliena locutos lingua: tametsi ex poetis quoque optimi, & quos operæpretium sit legere. Attici sunt Euripides, Sophocles, Aristophanes, & quod Menandri est reliquum. Si quis tamen ingenio ac memoria sit præditus, adiutus ætate ac otio, instructus diligentia ac studio, huic nihil velim negatum: imò hunc tam feliciter paratum ad capeffendum linguarum & artium omnium laborem impendio exhortor. Si ad literas aliquis vel serior venerit, vel occupatior, vel ingenio aut memoria defectus, huic Latinus sermo suffecerit. Nihil est enim ostentandum, quæ præclaros virtutis fructus tanquam pestilenti affl

Hebræa
lingua.

Dialecti.

ti afflatu corrumpit, sed vsui ac necessitati. Nec mihi exemplum quis adduxerit M. Catonis Censorii, quem ad Græcas literas natu iam grandem venisse tradunt: utique non ad elementa, & prima exordia sermonis, sed ad lectionem authorum. Declarant hoc ea, quibus Cicero facit illum loquentem in dialogo de senectute. Nā quum ex præcipuis Græcię scriptoribus sententias quasdam desumptas attulisset, que intelligere non poterat, nisi sermonis illius bene gnarus, subiungit: Græcè studeo, ut his utar, quibus videtis me nunc uti.

In sermone qui ore totius populi teritur, nihil necessum est artem, aut regulas formari, ex populo ipso promptius ac melius discetur, quanquam sunt nonnulla à doctioribus ex analogia obseruata, ut in Populo Romano, etiam tum quū illi rerū domino sermo hic Latinus vulgaris esset, ac patrius. Sed in quocunque alio ascititio qui iam nullius est gentis, omnino formulæ sunt opus ne fallaris, neu loquaris vitiosè. Nam quum sermo in hoc sit paratus à natura, ut intelligere, & vicissim intelligas, grammatica hoc præstabit, ut ea deuites vitia per quæ efficitur, ut nec te alii intelligant, nec tu alios. Qui enim probè loquuntur Latine, aut Græcè, probè inter se intelligunt, contrā autem qui perperam: ut barbarissans Hispanus barbarus est barbarissanti Germano, & hic vicissim illi.

Ars Græ-
matica.

Ars gramatica ex notioribus, ut aliæ omnes, tradenda. Principio ostendenda vocalium simplicitas, tum compositio consonantium, quæ ex vocali fit, & sono quodam incondito ac imperfecto, hinc syllabæ, postea consuefaciendus est puer expeditè, ac suauiter appellare literas. atque eas coniungere. Iam ruditer ex analogia significationum monstrabis, quæ dicantur nomina propria, communia, substantiæ, adiacentis: hinc verba, participia, pronomina. His addetur cōfusa aliqua aduerbiorum ratio, itidem aliarum partium orationis ex significationibus ut prius. Hic inflectat nomina, post verbum vnum, deinde alia verba. Tum incipiet substantiuum, & adiectiuum compingere, nomen & verbum. Succedent inflexionum regulæ, postea generis, inde coniugationum verborum. His omnibus ritè perceptis, dabitur ei in manus libellus aliquis Latinus solutæ orationis, iucundus, facilis, sermonis tersi. Condiscet initio illius ordinare voces,

ces vt vocatiuus sit primus, tum nominatiuus, hinc verbū, & alia, qui ordo nominatur: est enim is maxime naturalis, & simplex, quique præstat, vt confusè ac permiste enuntiata, facilius possint capi ad eum ordinem reducta: quod etsi minus pueriliter, quàm magistri ludorum triuialium, faciunt tamen Donatus, Seruius, & alii Græcorum ac Latinorum expositores. Post hæc quasi delineamenta à capite rursus danda exactiùs omnia, & accuratiùs: in quo multum artis expressit Theodorus Gaza, Aristotelicam quandam præcipiendi rationem secutus. Itaque plenius de octo orationis partibus dicetur: hinc exponetur syntaxis, adiungetur Latinus aliquis author paulò difficilior, & solidior, qui linguam vberiore possit, atque excultiore reddere, non in singulis modò verbis, sed in coniunctione, & cōpositione: postrema succedet tractatio de prosodia, cui adiungetur enarratio poetæ alicuius. Cognitionem hanc artis doctam volo esse magis, quàm anxiam, & molestam, nocet enim vt regulas negligere, ita illis nimium inhærere, atque affigi, tametsi tolerabilius est malum nimix diligentix. Studium Græcitatæ Quintilianus iubet Latinis literis præponi, sed in pueris, quorum sermo naturalis esset Latinus. At quando is iam nobis paratur doctrina, ecōtrario est agendum, vt cum Græcitatæ rudimentis exactior Latinæ linguæ disciplina procedat: vt si quis attentius inspiciat, similes prorsum comperiat esse meam, & Quintiliani instituēdi rationes. Nam pueris olim quum primū ad scholā venirēt, multa erāt iam in sermone Latino domi cognita. Post hæc grauiores Latinæ linguæ authores annotatis tropis, ac schematis exponantur, & maiora iam pueri exercitia loquendo, atque scribēdo obeāt. Quibus incipiat aperiri philologia, id est cognitio aliqua rerū, nēpe tēporum, locorū, historiæ, fabulæ, prouerborū, sentētiarū, apophthegmatū, rei domesticæ, rei rusticæ: gustus etiā quidā ciuilis ac publicæ, quæ omnia maximam illorū ingeniis lucē inferēt. Latina volui priùs imbibi, vt magis hæreāt, quorū magis indigemus: & sonus ac sermo vniuersus, planè Latinus sit, non Græcissans. Quod si hoc de lingua Græca dico Latinæ tantopere vicina, imò veriùs matre, apparet profectò, quid existimari velim de Hebræa, quæ horrore illo sonui, tum phrasi tota tam dissona est ab harum vtraque. Circa hæc quæ grāmaticæ munus esse dixi diligentia velim adhiberi:

ri: defidia enim artes omnes perdidit: dum modò ne studium sit immodicum, vt ingenia nugis obruat, melius aliis rebus & cum maiore fructu vacatura: quod video etià Fabio Quintiliano probari.

Ordo studii. Sed habeatur in studio delectus, vt prima cura sit circa verborum significatus, & loquēdi formulas, proxima circa intelligentiam authorum non tam in rebus, quàm in sententia dicti: vt assuescat puer illorum sensa eruere, quæ obscurè dicuntur, ac perplexè: in quo exacuitur iudicium, tertia circa sententias sumptas de vita, quæ γυναικῶν dicuntur Græcè: tum dicta præclara, & proueria: quarta circa historias, postrema & leuissima circa fabulas.

Vitia grammaticorum. Ludi literarii magister ab iis vitiis erit alienus, quæ adferre secum solet artis grammaticæ longum exercitium. Nam quod in ludo inter pueros desident ad ineptias & puerilitates tanquam contagio pertrahuntur, grauitatem ac moderationem omnem amittunt. Et dum in vitia puerorum coguntur animaduertere, quæ sunt innumera, & subinde renascuntur, nec ea stomachus virilis potest cōcoquere, cogūtur propè sæuire, atque efferari: & in illud ceu pistrinum detrusi cōmuni sensu multum minuuntur: vnde magna in illorum vita & consuetudine existit difficultas morum, atque incommoditas. Festiuè quidam dixit mirandum non esse Grammaticos iis esse moribus, quos à primo statim Homeri versu trahant, μῦθον ἀνιδεῖν. Iam vt nemo in schola contradicit præceptori, induunt supercilium atque arrogantiam, & iniquissimè ferunt repugnare sibi quenquam: itaque in sententia pertinacissimè perseuerant, ne quid decedat authoritati, si cesserint: nam corona, quæ ferè constat ex pueris, non pro bona causa pronuntiat, sed pro inuictō. Quid quòd se magnos sperant fore laceffendo, atque mordendo omne hominum genus: videlicet agitur res puerorum iudicio, aut certè virorum puerilium, quibus satisfacere magister laborat, vt retineat frequentiam. At qui puerili sunt ingenio antiphistam maledictis obrutum derident, & cōtemnunt, & insequuntur vt canem fugientem reliqui: quasi ea in illum cadant conuitia, in quemcunque effunduntur. Ad hæc ex regno illo & sæuitia puerili minas illas & terricula, & maledicta scurrilia in colloquia & scripta transferunt: nebulo, tenebrio, scelerosus, error fuste eluendus, monstrum maioribus

bus hostiis expiandum, cerebrū in Anticyram mittendum, qui tanti & tam atroces tumultus de syllabula prauè scripta excitantur, aut de historiola aut fabella non vsquequaque narrata exacte, vt non immeritò Aufonius dicat ielicem grammaticum nec esse vllum, nec vnquam fuisse. A quibus omnibus magno & accurato studio prudens magister abstinabit: assuecet comitati, atque humanitati: intererit colloquiis & congressibus hominum moderatè, ac commodè: & quantum poterit à pedore illo sese vendicabit, non discessu corporis, sed morum cultura diligenti. Præstabit se incorruptum & sanctum, affabilem discipulis, vt patrem, non dissolutum vt sodalem. Eruditio eius erit ampla, accurata, diligens, pura in iis, quæ diximus: modò eodem ordine, vt primas partes obtineant sermonis vocabula, secundas intelligentia authorum, & ita deinceps: memoria verborum ac rerum fecunda & felix, quam vegetabit cura, & assiduitate ediscendi. Magnam breui tempore in animos audientium eruditionē instillat præceptor, qui in illa vastitate scriptorum tanquam domi suæ versatur, non vt peregrinus singula magno labore scrutans, quo aliquid vnum inueniat, sed vt dominus, qui quo quidque loco sit repositum nouit, paratūque & ad manum habet, quum res poscit: qua potissimum facultate Rhemnius Palæmon princeps grammaticorum est habitus, & vehementissimè ætati suæ placuit, quum alioqui multis esset flagitiis intolerabilis.

Non tam nefas esse ducet aliquid ignorare in fabulis ac nugis, quod non modò in rerum naturam peccatum nō est, aliquid sed nec in artem: cuius generis sunt, quænam fuerit Aeneas nefas non mater vera: quæ Anchisæ nutrix? quænam Penelope, ex qua ducet grā Mercurius Panē procreauit? quod Achilli inter puellas nominatus? & alia quibus Tyberius Cæsar grammaticos exercere erat solitus: de quibus otiosus ille Dydimus in immenso illo voluminum suorum aceruo disputauit. Imò verò sicut in ciuitate, aut domo bene constituta flagitium admittit magistratus vel paterfamiliās, qui locum malo & inutili homini relinquit, quem posset occupare bonus: sic delictum est, si in ingenio ineptiis illis locus tribuatur, in quo reponi possent alia profutura. Malè agitur cum literis, & peracerba crux studioso labori figitur, si hæc quoque ex eruditione esse existimentur. Profectò miseri sunt grammatici, qui hæc

exquirunt. Urbanè Virgilius, qui quum rogaretur, quid sibi vellent illa ex tertia ægloga:

Dic quibus in terris, & eris mihi magnus Apollo,
Treis pateat cæli spatium non amplius vlnas,
crucem se eo loci grammaticis defixisse respondit.

Vernacu- Vernaculam puerorum linguā exacte cognosceret, vt com-
lam lin- modius per hanc & facilius eruditas illas tradat. Quod nisi
guā pue- in lingua patria aptis & propriis ad eam rem de qua loqui-
rorū co- tur, utatur verbis, fallet subinde pueros: isque error adultos
gnoscer. iam & grandes pertinaciter comitabitur. Quid quod pue-
ri nec suam ipsorum linguam satis intelligunt, nisi explica-
tissimè singula dicantur. Teneat memoriam omnem ve-
tustatis linguæ patriæ, & cognitionem non verborum mo-
dò recentium, sed priscorum quoque, & quæ iam exoleue-
runt: sitque velut præfectus quidam ærarii linguæ suæ: nam
ni ita fiat, quum vnaquæque lingua mutationes crebras re-
cipiat, libri ante centum annos scripti non intelligerentur
à posteris. Qua de causa multa in duodecim tabulis Mar-
tum Ciceronem, & magnos iuriconsultos fugiebant: mul-
ta etiam quotidie in linguis vulgaribus fiunt ignota. Habe-
bit amplam & copiosam verborum Latinorum suppellecti-
lem, sed verè Latinorum, vt ab eo possint pueri tanquam
ex fonte incorrupto haurire: ne cogat eos per ambages quæ
velint eloqui, aut quod est turpius atque incommodius, di-
gito indicare. Hæc quidem earum rerum, quæ sub sensus
veniunt, appellatio necessaria est inter ponendum prima ru-
dimenta: illud tamen prouectioribus utilius, vt assuescant
abstrusos animi cogitatus scitè expromere, in quo vno sita
est vniuersa eloquentiæ vis.

Enarra-
tio autho-
rum.

Enarratio habeat multum facilitatis & lucis. Initio ver-
bis vulgaribus, hinc paulatim Latinis, distincta pronuntia-
tione, & gestu intelligentiam adiuuante, dummodo ne ad hi-
strionicum deueniat. Quæ loca ex authoribus vel ad exem-
plum vel ad dicti sui corroborationē adducet, curabit quan-
tum fieri poterit, ne sola habeant verba, sed & sententiolam
quoque, aut rem aliquam ingenio, vel vitæ conducibilem.
Verborū quum significatus exponet, adferet de probatis au-
thoribus dictum: in quo potissimū spectabit, vt vim vo-
cis apertissimè auditoribus declaret, tum si licuerit, vt ali-
quid habeat cognitione dignū: quæ si non inueniat, vtetur
quibus

quibus dabitur: ipse nonnunquam: vt melius ob oculos rem subiiciat, exemplum de suo finget, quod deformatum erit in specie vel sententiolæ, vel fabellæ, aut historiæ, aut prouerbiū succinctè comprehensū. Historiam aut fabulam inter prælegendum non ordietur à capite, sed quantum auditoribus ad præsentis loci intelligentiæ erit satis: quod si prius illam audierint, paucis summonere suffecerit. Quærantur tamē interdum amœna & dicenti, & audiēti diuerticula, vt historia, vel fabula leuandi tædii gratia fusiùs explicetur: quā in partem malim grammaticū peccare, quā ieiunitate quadam: dum Stoico quodam more punctim res indicasse satis esse putat. Nomē viri, si quod incidit, ex illis quos fama celebrauit, nempe vel bellicis laudibus, vel sapientia, & cognitione rerum clari, vel etiam nobilitati scēdis facinoribus, ostendetur vnde is natus, quibus parentibus, & aliqua ex eius laudibus attingentur præcipua, vel ea certè, quæ maximè ad propositum faciant: eodem modo de probro atque ignominia. Tempora exhibuerit iam insignibus notis distincta, vt mox dicam: tum faciliè cui notæ vicinior fuerit, de quo loquitur, indicabit: vrbs, mons, fluuius, fons quo loco situs, quantū à notabili loco distet: nempe ab Alpibus, à Pyrenæis, ab vrbe Roma, Athenis, Rhodo, Hierosolymis, Nilo, Rheno, Euripo, supero mari, aut infero: quem virum insignem adiderit, quid potissimum pariat: tum si quid ad memoriam notabile in eo cōtigerit. Animans, aut plāta, aut lapis breuiter describendus: & aliquid de illius natura & viribus summum & ad cognoscendum pulcherrimū, annotandum si rarum sit, aut regioni nostræ ignotum, docendum vbi proueniat. Sentētiæ quæ γυναικὶ dicitur exemplo aliquo adiuuanda, aut alia sententia vel clariore illustranda, vel maioris authoritatis fulcienda. Si quid sit in ea prauum, ad normam pietatis nostræ corrigendum. Prouerbiū origo, & sensus germanus quātum fieri poterit, eruendus: tum quis vsus, simul dictum alicuius allegandum: qui appositissimè videatur attulisse, & maximè in loco. De re altioris disciplinæ facilia quædam delibabit, & captui suorum adolecentiū consentanea: tantū vt authori suo quomodoq; satisfaciatur: reliqua difficiliora, aut altiore repetenda principio ad ipsarū disciplinarum traditionem remittet. Consilium authoris exponet: quod Donatus facit, licet in eo nimius: tum obscura scriptoris dicta per alia

eiufdem fimilia, fed paulò lucidiora declarabit: quòd fi eiufdem non habet, certè alterius eiufdem ætatis, aut proximæ: vt oftendat eam fuiſſe vel authoris fui, vel illius ſeculi rationem loquendi, aut ſentiendi. Ad quæ omnia exemplum meo quidem iudicio ex Seruio Honorato poteſt ſumi. Non diſputo de veritate dictorum eius, exponendi artem & viam in primis probo: càmq; pro lege inſtituendi propoſitam velim eſſe ludimagiſtro: tamenſi copioſiorem hũc eſſe, & prolixiorẽ in enarrando conuenit, quàm fuit in ſcribẽdo Seruius: minutiora quoque in auditorio cõſectanda, quàm in libro componendo. Meminerit ap̃iſſimæ imaginis, quam de puerili ingenio Quintilianus expreſſit, eſſe ea velut vaſcula anguſti oris, quæ ſuperfuſam humoris copiam reſpuant, ſenſim inſtillatam recipiant. Itaque initio pauca & facilia obii-
ciet, mox cõſuefaciet pluribus, maioribus, ſolidis. Inter exordia ſubinde interroget, & eorum quæ audierint rationẽ re-
poſcat. Nam magnopere expedit ea memoriæ affigi.

Puer quo
modo au-
dier.

Audiet puer attentus, & intueatur in præceptorem, niſi quum inſpiciendus erit liber, aut ſcribendum. Norit ſenſum diſciplinæ eſſe auditum, quæ animantes eo careant, diſciplinæ capaces nõ eſſe: nihil eſſe vel promptius quàm multa audire, vel fructuoſius. ~~Quæcunq;~~ à doctore acceperit, credat eſſe mera oracula: & quia omnibus ſuis numeris exiſtimabit eſſe conſummata, & plena, velit ſe multo huius modi artificis eſſe ſimillimum. Platonis diſcipuli curuum eius dorſum referebant, Ariſtotelis balbutiem: quòd ea etiã pulchra & imitanda ducerent, quia magiſtrorum. Equidem imirationem vitiorum non probo, ſed malo vt vel vitia expri-
mant, modò cum virtutibus, quam vt ne virtutes quidem. Diſcet recte ſcribere, & celeriter. Rectæ ſcriptionis iaciun-
tur fundamẽta, quũ docentur legere: vt quæ literæ, quæ ſyllabæ, quas voces ſiue ſeparatæ, ſiue coniunctæ reddant probè, atque ad manum teneant: & perſuadeant ſibi, quod re vera eſt, nihil ad ampliſſimam eruditionem p̃erinde conferre, vt & multa & multũ ſcribere, multum atramenti, & chartæ perdere. Itaque vnusquiſque puerorum habebit librum chartæ vacuum in partes aliquot diuiſum ad ea accipienda, quæ ex ore præceptoris cadent, vtique non viliora, quàm gemmæ. In parte vna reponet verba ſeparata, & ſingula. In altera proprietatis loquendi, atque idiomatica ſermonis, vel
vſus

vſus quotidiani, vel rara, vel non omnibus nota, atque expoſita. In alia parte hitorias. In alia fabulas. In alia dicta, & ſentētias graues. In alia ſaſas & anguſtas. In alia prouerbia. In alia viros ſamoſos, ac nobiles. In alia vrbes inſignes. In alia animantes, ſtirpes, gemmas peregrinas. In alia locos authorum difficiles explicatos. In alia dubia nondum ſoluta. Hæc initio ſimplicia ac velut nuda, aliquāto poſt conueſtiet ac ornabit. Habebit maiorē codicem, eodem referet tum quæ à præceptore acceperit copioſius dicta & fuſius, tum quæ ipſe ſua opera apud magnos ſcriptores legerit, vel ex aliis dicta obſeruarit: & quemadmodum in hoc ſuo veluti calendario ſedes & nidos habet quosdam, ita ſi velit ſingulorum nidorum notas pinget ſibi, quibus ea diſtinguet inſcriptionibus, quæ in quenque eſt locum relaturus.

Prima ætate exerceatur memoria, quæ excolendo auge-
 rur: multa ei cōmendentur cum cura, & ſæpe. Nam illa ætas
 laborem non ſenſit, quia non expendit: ita extra laborem om-
 nem ac negotium dilatatur memoria, & ſit capaciſſima; tum
 rudimentis imbuuntur tenera ingenia, quæ rudimenta quum
 ſint ſaſtidiū pleniffima, retineri tamen e re eſt, & im-
 primi animis. Ergo quod viris operæ cenſoribus eſſet ſub-
 acerbum, puerili ætati eſt etiam læpenumero ſuaue: quare
 tunc ſunt tradenda, à quibus viri abhorrerēt. Memoria dua-
 bus conſtat partibus, celeriter compræhendere, & fideliter
 continere: celeriter cōpræhendimus, quæ intelligimus: con-
 tinemus, quæ attētē & crebrō memorię mādauimus. Vtrun-
 que ordine adiuuatur, etiam ad ea, quæ elapſa iam ſunt, reuocanda:
 in quo eſt illa recordatio, qua belluæ dicuntur care-
 re. Quæ fuerint memoriæ credenda, in ſilentio alieno man-
 dentur, noſtro nihil eſt neceſſe: nam non rarō tenaciùs inſi-
 guntur, quæ altiùs legimus: quemadmodum audita de aliis
 meliùs retinemus, quàm à nobiſmetiſtis lecta: & in altiore
 lectione duobus ſenſibus patefacimus ingreſſum ad animū,
 intuitu & auditu. Quòd ſi cogitatio incipit digredi paruo
 murmure, & reuocanda eſt prior, & quæ interpellat, exclu-
 denda. Ac quemadmodum cibus paulò antè ſumptus magis
 grauatur ſtomachum, quàm augeat vires, donec concoctus in
 venas & corpus digeritur: ita lectio continuò poſtquam eſt
 audita parum prodeſt, quoad incipiat quaſi in ventriculo
 confici. Quæ ſub ſomnum ediſces, ea tibi de mane repræ-

Memoria

sentabuntur à memoria longè promptiùs, quàm alio tempore: dum ne cubitum cōcedas vel crapula obrutus, & nimio cibo grauis, vel inedia absumptus & exhaustus. Vtilissimum est quæ memoria contineri cupimus, ea scribere, neq; enim aliter infiguntur stylo in pectus, quàm in chartam: videlicet attentio in eo quod ipsi scribimus, diutius immoratur. Ita q; magis suppetit tēpus, vt illud adhærescat. Quæ pueri de præceptore audiuerint, reddent primùm vel condiscipulorū alicui prouectiori, vel hypodidascalo, postmodum præceptorī ipsi: ne magistri verecundia rudes ac infirmos confundat. Et à primo iatis erit ad verbum reddere: aliquanto post cōferēt similia nominibus & verbis, quæ didicerint. luebuntur proferre, quid putent se ex præceptoris dictis annotasse, quod in vsum suum vertant. Tum idem aliis verbis mutabunt, & adferre paria tentabunt. Doctiores condiscipuli eadem quæ à præceptore sint audita, indoctioribus repetent, ac familiarius explanabunt, vt & exerceantur doctiores, & indoctiores excitētur: faciliùs videlicet attollunt se pueri ad intelligentiam æqualium, quàm magistri: quippe parua & tenera citius apprehendunt, quo inuitantur proxima, quàm excelsa: quod in arboribus videmus contingere. Loquentur primū sua lingua, quæ illis domi est nata, in qua si quid peccent, emendabit præceptor: dehinc paulatim Latine: admiscebunt ea quæ de præceptore hauserint, vel ipsi legerint: vt inter primordia mistus sit sermo in schola ex patrio & Latino: foris patrium loquentur, ne omnino consueſcant linguas commiscere, ac perturbare. Curabit institutor, quantum præstare poterit, vt pura sint verba, & sermonis Latini propria. In hoc vt omni alio exercitio admonendi sunt tyrones, vt fidāt magis canonibus, quàm vsui, vel iudicio suo, quæ duo rudibus sunt infirma, & faciliè imponunt. Sentim accrescet eruditio, tum erunt prorsum Latini. Conabuntur sensa animi Latinis verbis expromere: nihil est enim quod æquè ad percipiendam linguam valet, vt vsus. Quod si quis loqui erubescat, huic linguæ est facundia desperanda. Qui post annum quàm inceperit institui, Latine recusabit loqui, multeretur pro ætatis ac conditionis ratione. Lapsus in re difficili, corrigatur, data venia, modò proficiat emendatio, in re autem facili puniatur. Nauabit operam, vt effingat verbis ac sermone tum præceptorem ipsum, tum auctores

thores eruditos, quos ei præceptor indicabit. Viros quoque doctos eiusdem magistri approbatione. Nam cum iis qui corruptè loquuntur, consultius est ea lingua termocinari, ad quam non possit transire contagium. Et quandoquidem sermo est hominibus ut mutuò inter sese intelligant, tributus, facilem esse eum, ac dilucidum conuenit, ne interprete sit opus. Claritas verò ex sermone ipso considerabitur, nō ex audiente: qui si sit linguæ ignarus, neq; nos dicētes assequatur, non protinus obicure erimus locuti: imò verò aperte ac facile, si & verba vsurpemus vsu bene loquentiū trita, & compositio sit dilucida, id est, naturali quodam ordine disposita. Quocirca vitāda penitus verba vetustate desueta, dure translata, & longè, nouiter conficta, poetica, potissimū in Græcis, transposita, & traducta quò non oportet, seriem in longum dilatam. In sermone Græco, quandoquidē eum sumimus tantū ad cognoscendos authores, non perinde erimus de loquendo solliciti, ut de intelligendo. Si cui verò tantum vacat, & per ingenium licet, assuescat eloquendi etiam facultati.

Animaduertenda sunt in pueris oris vitia, ut corrigantur: **Oris vitia** velut quum vox est nimium gracilis, & tenuis literę explicatio: quo vitio qui sunt affecti, *ισχυοίται* nominantur, contrarium huic *πλατυσμός*, quum pinguis est sonus, & appellatio literarum crassior: quod in Sulpitio, & Cotta Lucius Crassus apud Ciceronem notauit. Si verba ex gutture tanquam recondita depromant, ut Arabes & Hebræi dicuntur, *λαρυγγίζειν*: quum in recessu oris vox auditur, est cælostomia. Aristoteles tria facit vitiosè loquentium genera: *ισχυοφώνους*, qui literam aliquā certā exprimere non valent, quos Latinus sermo blafos nominat. *ἱαλλούς*, qui in pronuntiando literam prætereunt, seu syllabam, quos balbos, quibus Cicero disertos opponit ad Papyriū Partum. *τραυλούς*, qui hæsitantes appellantur. *ὀρθόπεια* est recta oratio, & vitis carens pronuntiatio. Labdacismus fit & lotacismus, quū literæ illæ ultra iustum decorem exprimentur. Sunt literæ quibusdam nationibus peculiare, ut p literam Erethrienses crebrò inculcabant, & Germani sibilum sigmatis. Quæ vitia sunt ex consuetudine, tolli queunt, quæ ex natura corrigi possunt, tolli non possunt. Sed certè licet vsque eo caute occultare, ne forde existant.

Neloquā Videndum ne pueri spiritum per raritatem dentium non
tur cele- recipiant, sed resorbeant, neu præcipitanter consueſcant lo-
riter. qui: neque inſtitutor ipſe exemplo illis ſit ad celeritatem ſer-
monis rapidam, ac volubilem. Sunt enim ludimagiſtri qui-
dam qui ſe pro abſolutis grammaticis habitum iri ſperant,
ſi curſu quodam citatiſſimo verba non proferant, ſed effun-
dant: quæ res magnam imprudentiam parit in vita, & ple-
runque ſummū dedecus: non enim poteſt mens volanti lin-
guæ ſenſorum copiam neceſſariā ſuggerere, ita cogitur vel
tacere turpiter, vel abſurda & ſtulta effutire: quod ſi hæreat,
nihil eſt deformius, quàm in curſu illo mora, & difficultas
ei, cui omnia videbantur eſſe plana, ſeu prona potius. Sa-
tius eſt vt tarditate, quàm celeritate in loquendo peccetur: in
tarditate licet ſæpe, quæ dicturus es præmeditari, in celerita-
te vix raró. Eſt tamen quiddam inter ea medium, quod con-
ſultiſſimum fuerit tenere: & expeditam quidem volubilem-
que loquendi rationem, etiā interim inconfideratam vt non
improbarim in puero tanquam virorem ætatis, ita quum
incipiet adoleſcere, mitigabo, & reprimā, ne incogitata ver-
ba, & in labris naſcentia conſueſcat funditare.

Scribendi exercitatio plurimum conſert. Stylus (inquit
Cicero) magiſter & effector dicendi optimus. Ergo poſt-
quam ſyntaxin didicerint, reddēt vulgares orationes in La-
tinum, & has viciffim in vulgare ſermonem: ſed eas perbre-
ues, quibus addetur aliquid quotidie. Idem fiet in Græco:
quanquam in his malim vt ex Græcis ad nos diſcant, quàm
à nobis illhuc traducere.

De trans- Ad vertendum, probè vim linguæ vtriuſque neceſſe eſt vt
ferendo. interpres teneat: exercitatio rem tamen eſſe in ea oportet, ad
quam tranſfundit. Sed nec integre verba poſſunt transferri,
quorum omnino ignoretur ſenſus. Parum conuenienter
Ariſtotelis volumina, qui philoſophus non ſit, interpretabi-
tur, nec Galeni, qui non medicus. Exercebuntur itidem ſen-
tentiis magnorum authorum difficilibus explanandis. In-
tentione ad eam rem vehementer eſt opus, ideóq; excitatur,
atq; acuitur ingeniū, & iudiciū fit vegetius. Mira dictu res,
eſſe nonnullos qui quod loqui ſciāt, idem ipſum ſcriptum
ſi legant, non intelligent: quod accidit, vt ego quidem autu-
mo, quia vagus animus ac ſparſus ſatis habet ad loquendum
intentionis, non ſatis ad intelligēdum ſcripta: ſeipſum enim
recollig

recolligere, & quasi cogere non sustinet. Accedet exercitamenti collatio scriptorum cum formulis, in quibus congruant, in quibus dissideant: nam vastus usus non potuit in regularum alueum cunctus corruari. Scribent epistolam facilem, aut fabellam: dilatabunt exemplum, apophthegma, sententiolam, prouerbium: soluent & diffundent carmen numeris astrictum, atque eadem efferent absque numeris: qua in re exercitauisse nonnunquam seipsum Crassus apud Ciceronem testatur: idque Laurētius Valla, & Raphaël Volateranus fecerunt Homerum vertendo. Quod tanquam puerile tyrociniū probo, tanquam interpretationem iustam tanti authoris non probo: præsertim quod eo translationis genere, maxima gratiæ pars præclarissimo operi detrahitur. Scribet in principiis pauca, accuratè tamen, deinceps plura: compositio enim ab anxio labore non venit, sed usu potius, atque exercitatione attenta & diligenti, ne initio subtilia nos effugiant, quæq; ad rem maximè faciant, quum non credamus. Conseruabūt quæ prioribus mensibus scripserint, ut sequentibus comparent, & profectum depræhendant, eaque insistant, qua se profecisse intelligent.

Non est statim pueri ad scholam deducto disputandum: *Disputa-*
nam quid tandem dicet rudis omnium? sed tacitus rationem *tiones.*
scholæ consideret, seduloque cōtempletur singula: postmodum incipiet aliquid ab aliis condiscipulis sciscitari magis, quàm altercari, aut inquirere. Hoc Pythagoras Samius reputans, annos aliquot iubebat puerum suum tacere, ne leuibus se quæstiunculis iactare consuescerent. Concertatiunculæ postquàm fuerint concessæ, erunt initio crebriores, & de iis quæ audierint. Aemulatio enim illa commouet pueriles animos, nec sinit otio obtorpescere. Idcirco Dominus tanquam pueros Iudæos prouocat, ut de regno cælesti cum gentibus contendant, sicut est in Epistola Pauli ad Romanos. Ergo pueri laude & præmiolis, quæ illa ætas capit, tum repræhensione, & obiectu æqualis melius dicentis, sunt extimulandi. Prouidebitur tamen ne res longè in odia, & rixas abeat. Certabunt contentè, sed citra acerbitatem. Paulatim hi conflictus in studiorum collationem vertentur, & motus illi puerilium animorum sensim ponent. Quandoquidem cōsultius est adolescentes nihil scire, quàm ambitionis, & superbix mancipia fieri. Nemo

nisi expertus, credat facilè, qui, & quàm savi, ac importuni affectus ab adolescentibus alantur insciis, tanquam vipera in sinu. Et puerili quidem ætati præmiola, laudesq; tanquã lusus permittuntur, quæ adolescentibus nugas esse pueriles demonstrentur, haud secus quàm nuces, aut equos arundineos, vel ligneos, ut erubescant ipsi eadem expetere, qui iam pueritiæ nomen exuerunt. Præceptoris sententia atq; usus multum proficiunt, ut illa velint cõtemnere: nam quum ipse in ea inuehatur sæpe dictis grauib; & ostendet esse ridicula, tum verò vita sua, quæ dixerit, confirmabit.

Collatio
studiorũ.

Quæ porrò inter se conferent grandiusculi, hæc erunt ferè. Quàm conueniat canonibus cum usu, de authorum obscurè ac intricatè dictis, de explanatione sententiæ, proverbii, apophthegmatis, fabulæ, historiæ, parabolæ: quæ origo illorum, quæ mens, quæ accommodatio: de nomine viri, virbis, montis, fluminis, fontis, prouinciæ, animantis, stirpis, lapidis, metalli: de vi vocabuli, & eius originatione: de profundia eius, & orthographia, de loquendi formula, de structura, de lege carminis: omnia hæc quantum ætas illa feret, & studiorum ratio. Et quando homo à natura nihil est edoctus, omnia ei sunt doctrina, labor, usu, diligentia excudenda: fallitur sæpe, & in diuersum abit, quàm oportet: itaque correctio est omni tempore, omni ætate necessaria: nec debemus sinere, ut aliquid adhæreat vitii, atque inualescat. Sunt tamen nonnulla, quæ nondum capiet, ea in aliud tempus magister differat, præmonitis tamen discipulis, non ideo approbari, quæ faciant, quòd non reprehendantur, id enim condonari illorum infirmitati, venturum tempus, quo opportuniùs patefaciat, cur displiceant. Nec desunt quæ ad præsens in pueris probemus, in viris iam & confirmatis reprobanda. Sed in percipienda eruditione aliquid fortè expediat dissimulari, nec censeat culpam eis omnem præstandam, mores certè omni vitio immunes esse conuenit: non ut in ætate illa omnibus suis numeris absoluti sint, sed ne prauis certè, atque statim initio corrupti. Meminerit prudens institutor, quantum inter exordientem, procedentem, & absolutum interlit: non id esse à puero incipiente requirendum, quod à iuvene longè in disciplinis, & formatione morum progressu: nihil adeò esse præposterum, ut fructum iam tum maturum exigere, quum arb

Correctio.

arbores germinare primo vere incipiunt: ne irascatur, & succenseat pueris, si non eadem præstent, quæ iuvenes diu instituti, atque etiam interdum, si Deo placet, idem ipse. Quo quum nihil sit aliud dementius, non desunt tamen præceptores, qui id atrocibus minis, qui plagis, & verberibus à puerulis efflagitent, ipsi verberari digniores. Seruet in censura modum, ne vel se demittat, vel illos efferat: non frangat acerbitate verborum animos, nec seueritate confundet. Inter operis alicuius exordia, puta quum aliquid incipient Latine effari: aut stylum mouere, conuiuendum est ad errata quædam, quæ spes sit paulatim posse emendari: etiam laudibus atque approbatione tanquam subito calcari excitandi ad cursum, ne si noui statim ac teneri irrisione præceptoris, aut sodalium pudefiant, despondeant animos prius quàm periclitentur vires: nihil enim audebunt aggredi retardati eo metu, ne aliis risum de se præbeant. Prouectiores nonnunquam de eo laudandi, quod institutor præfertur, fore ut quandoque displiceat. Atque id temperamentum in emendando, ac corrigendo seruabit, ut etiam si nonnulla parum exacta transmittat tacitus, nihil tamen affirmet ita esse, quæ à discipulis ipsis secus habere possit deprehendi: magno opere id auctoritatis pondus eleuat.

At verò quoniam hominis ingenium ab incitatis animi morbis ad peiora deprimitur, coercendus est inconsultus ille motus, & compescendus reprehendendo, castigando verbis, & quum opus est, verberibus: ut belluarum more reuocet eum dolor, cui ratio non est satis: tamen si liberalem hanc castigationem, quantum fieri possit, esse malim, non asperam, aut seruilem: nisi eiusmodi sit ingenium ut officii sui plagis sit tanquam mancipium admonendum. Pueris, & iis qui puerili sunt natura non admodum sese magister familiarem præbebit: de quibus illud est in comœdia: Nimia familiaritas cõtemptrum parit. Erit ergo grauis sine acerbitate, & mitis sine dissolutione: non minabitur, nisi quum res flagitabit: nec conuitia ingeret in pueros, unde illis propterea ad maledicendum facultas atque exercitatio. Post minas nisi puer obtemperarit, vapulet, sic tamen ut tenerum adhuc corpusculum acriter in præsens doleat, nihil deinceps sentiat incommodi. Nullo modo ita se gerat, ut assuefaciat pueros minas aut reprehensiones suas contemnere: quas velim ne ex-

Castigatio.

tra tempus consumat, referuet semper oportunitati, quæ rebus omnibus gratiam & pretium conciliat. Tum ne velut callum obducant verberibus. Grandiusculi coercendi quidè rariùs plagis, interdum tamen. Plerunque verò metu ac reuerentia præceptoris, & grauium virorum de academia, qui velut testes adsunt, atque spectatores virtutis, aut vitiorum vniuscuiusque. Hinc respectu patris & propinquorum.

Commendatio eruditionis. Indicandum quanta sit in studiis dulcedo, quæ voluptates, quàm solidæ, quàm perpetuæ, quàm diuturnæ, quibus nullæ omnino valeant comparari: præterfluere reliquas omneis, & esse dilutissimas præ his: quod sit etiam viaticum senectutis rerum peritia: quantum ad vniuersam vitam præsidium, siue ornamentum quæratur rebus lætis, siue solatium afflictis: cōtrā quæ tenebræ, & quæ mala tam pernicioſa ex ignorantia nascuntur, quas omnes ad res non poterit cuiſlibet nō amplissima suppetere exemplorum copia. Subinde admonēdi, vt quæ de moribus audiunt, ne ita accipiant, vt historiolam quampiam, quam satis est audiuisse: hunc esse animorum pastum saluberrimum, concoqui & digeri oportere, & in animi substantiam conuerti, quod ni fiat, vt cibum in corpore, ita res morales animo officere. Veniat illis crebrò in mentem præſidentis mundo Dei. nos omnes venturos per mortem ad eius tribunal, cui nemo excipitur: mortem ex æquo instare omnibus, minari omnibus, vbique præſto esse, ac impendere: eodem momento adoleſcentes & senes efferri. Habebit præceptor communes aliquot locos breues, & maximè efficaces aduersus singula vitia, quis illa ætas infestatur, quam instituendam ac formandam recepit, vt adducat vitium vel in odium, vel in contemptum.

Recreationes. Sed quatenus & animorum & corporum noſtrorum vires non solum finitæ sunt, verum imbecillæ admodum, ac tenues, concedendæ sunt illis quædam refectiones, ac reparationes, vt diutius labori sufficiant: alioqui exiguo tempore exhaustæ, nihil deinceps valerent. Exercitamenta corporum crebra sint in pueris, nam ætas illa incrementis indiget, ac confirmatione roboris. idcirco nec premendi sunt nimium, nec ad opus vrgendi sed permittenda laxamenta intentionis, ne studia odisse incipiāt priùs, quàm amare: sic tamen vt ne ad spurcas voluptates delabatur, vnde studia ipsa infestius oderit. Miræ libertatis est humanum ingenium

nium, exerceri se patitur, cogi non patitur: multa ab eo facile impetres, pauca & infelicitè extorqueas.

Lusus sint, qui honestatem habeant cū iucunditate coniunctā, quales, pila, globus, cursus. Si Cicero cui suo honestos, ac moderatos lusus præscribit, quantò magis philosopho à nobis præscribi par est? Omnia fiant sub oculis seniorum aliquot, qui illis sint venerabiles. His lusionibus hoc fini dabitur opera, vt corpus vegetetur, non vt ferociat. Valetudinis ratio vniuersa eò pertineat, vt valeat mens, & sit, quod ille potissimū à diis precabatur, mens sana in corpore sano: tum vt reficiatur, & recreetur animus, quò ferendo sit oneri quotidiani negotii. Latine inter ludendum loquentur, statuta illi pœna ex ratione ludi, qui patrio sermone erit vsus. Latine facile loquentur, ac pròinde libentius, si omnino quæ ludendo sint dicenda, explicata habeant à præceptore bonis, & propriis verbis: inuiti enim eloquimur, quæ nos improprie aut ineptè dicturos metuimus. Ac quum tempus exercere corpus non sinet, aut quibus vel non licebit, vel non libebit, magno oblectamento erunt sermocinationes festiue & suaves: cuiusmodi sint fabellæ, aut historiolæ, aut eiusmodi narrationes iucundæ, lepidæ, argutæ, facetæ: eòdem referuntur dicta vel fusè vrbana, vel breuiter salta & ridicula. Permittendus interdum quoque lusus foliorum longiusculus, qui ingenium & iudicium, & memoriam exercent, quemadmodum etiam latrunculorum, & acierum: habebunt porticus vel laxa atria, quibus se reficiant pluuio tempore. Prima ratio erit ingenii ac memoriæ, quæ nimia curatione corporis opprimitur. Sapienter quisquis dixit, magna cura corporis, magna est animi incuria. Sic tamen ne corpus neglectum, squallore obducatur, ac sordibus, quo nihil sit valetudini, atque ingenio inimicius.

Vitus ratio & ad mentis acumen, & vigorem memoriæ plurimū in omnem partem confert, vt moderata sit, vt idoneis temporibus, vt congruens temperandæ cuiusque institutioni, ne noxiis aliquis humor radices agat in corpore. Exucci humectantibus vtantur, pituitosi calidis & arfacientibus: melancholici contrariis naturæ illi, quæ extenuent spiritus, ac hilariores reddant, quibus vinum paulò concedatur largius, quemadmodum Sapiens Hebræus consulit

Lusus.

Vitus.

11
sulit, dandum vinum mœstis: biliosi refrigerabuntur, & tenuissimis spiritibus erunt crassiuscula tum ad valetudinem salutaria, tum etiam ad cohibendam iudicii vim, ne subito in præceps feratur: quo vitio multum infestantur subtilia nimium ingenia. Adolescentes ne subducant se, nam vel magnas sponiones ludent, vel scortabuntur, ut cuiusque erit ingenii proclivitas. Hactenus linguarum institutio.

Authorū
differen-
tiæ.

Arbitror iam à me expectari, ut quibus ex fontibus hau-riendam eruditionem hanc existimem, aperiā: faciam equidem pro virili portione mea. Sed de authoribus tamen in vniuersum quædam sunt mihi præfanda. Scriptores non sunt omnes eadem metiendi regula. Sunt qui in tradendis suis ordinem quendam sunt secuti, & methodum breuem ac dilucidam, atque ad percipiendum facilem: hi sunt non modo relegendi, sed edificendi quoque ad verbum. Alii exacte quidem persecuti sunt susceptum argumentum, sed vel fusiùs tamen, vel perplexiùs, quàm expediat addiscenti: hic relegendus est quidem, non tamen perinde ut prior versandus, & terendus manibus. Alios suffecerit legisse. Sunt quos nihil necesse sit legi, sed in bibliotheca tantum seruari ad consilium, quum vsus poscat.

A quibus
authorib⁹
abstinen-
dum.

Ante omnia arcendus puer ab auctore, qui vitium potest fouere, ac nutrire, quo is laboret: ut libidinosus ab Ouidio, Scurrilis à Martiale, maledicus & subfannator à Luciano, Pronus ad impietatem à Lucretio, & plerisque philosophorum, Epicureis potissimum. Gloriosulo non multum conferet Cicero, nisi ostendas, vel quo pacto possit quis semetipsum citra odium laudare, vel quemadmodum ne in maximis quidem viris, & omni penè laude maioribus gloriationem feramus. Veniat iam ad lectionem gentilium, tanquam in agros venenis infames præmunitus antidoto, per pietatem homines iungi Deo: eam esse à Deo traditam, quæ homines excogitarint, plena esse erroribus: quæ contra pietatem sint, ex vanitate hominum orta esse & imposturis diaboli hostis vaferrimi: hoc sufficiet in genere absque explicatione. Meminerit se, per gentiles iter facere, id est, inter spinas, inter toxica, aconita, & pestes præsentissimas, ut ex eis sola sumat utilia, reiciat cætera quæ nec ipse anxie scrutetur, nec præceptor laboret explanando.

do. Bene Laurentius Valla de verbo quodam obsceno, ignorari malo, quam me docente sciri: itaque auertat potius, quantum poterit longissimè, & ad sensum magis syncerum traducat. Hæc præfati ad authores accedamus linguæ vtriusque. In quibus sunt, qui oratione scribunt numeris astricta, alii soluta, quam prosam vocant, & pedestrem: priores poetæ nominantur, quorum concentus artis est musicæ, materiam nullam habent certam, sicut nec reliqua, quæ à Græcis *ἄγραφα* nuncupantur, ut De poetica grammatica, dialectica, & ars dicendi. Magnum est in ea tit. leuamentum animorum ex harmonia & concētu. Sed propter ea, quæ sibi præfati poetæ desumpserunt canenda, multis in suspensionem ars venit corruptelæ, quibusdam in odium quoque apertum ac professum: de qua quæstione tamen longa disputatio est, & varia, tamen sententiam nostram aperiemus paucis. Equidem quod ad versum attinet, dulces illos esse censeo propter eam congruentiam, quæ est melodix cum animo humano, de qua dicebam modò. Sunt in verbis siue propriis, siue translatis grandes, sublimes, splendidi, habent ingentium virium argumenta, habent affectuum admirabilem expositionem, quæ energia dicitur: afflant magno quodam & excelso spiritu, sicut & afflantur ipsi, ut vel supra ingenii, ac naturæ suæ captum videantur assurgere. Sed his tantis, & tam suspiciendis virtutibus admista sunt vitia non parum exitialia, partim picta atque expressa, partim etiam commendata. Quæ sunt huius generis, vehementer possunt nocere, si quis habeat fidem dicenti, & nescio quo pacto impetrant fidem suauitate versus in pectora audientium blande illapsi. Picta vero alia sunt animi, alia corporis. Animi nō perinde nocent, nisi si addatur facientis autoritas, ac exemplum: quam ob causam pulsus fuit Homerus à Platonis republica, & Pythagoras vidisse se apud inferos illius animam retulit de arbore suspensam, & circumdatam colubris, ob ea, quæ de diis finxisset, multò sanè incommodius acceptam, quam Sylius Italicus, conspectam à Scipione Africano fabulatur. Et si potuit hoc quidem olim nocere, nunc non adeò potest, quum sciamus scelerosos ac facinorosos homines deos illos fuisse, calamitatē meritos non cælum: possunt tamen lædere si addatur operæ premium, quod illo ex flagitio cōsecutus est quis, velut imperium

rium per fraudem, aut hominum cædem. Corporis vitia vel commemoratione ipsa mentes corrumpunt. Quærat aliquis, Quomodo igitur legendum? Quomodo colligendæ salutares herbæ inter tot noxias? Qua cautione inter spinas incedendum? An potius spernendi atque abiiciendi in totum? Plutarchus Cheronæus librum scripsit de lectione poetarum, in quo nihil agit aliud, quàm cōcinnare ac condire venenū, quò minùs sit sumentibus pestilens, ut quum periculo sum boletum antidoto emendatur. Quid opus est? An non est cōsultius venenū nullo modo attingi? Et fortassis hoc in illis poetis præstiterit, atque eo magis quòd exiguum certè adferunt adiuumentum siue ad artes, siue ad vitam, nec ad linguam quidem magnū. Doctè quidem præcipit Plutarchus, adde etiam prudenter, ut solet, quò si quis attigerit, minùs lædatur: quanquam sunt non pauca, quæ antidotum afferunt infirmum, ut quum iubet admoneri pueros poesin esse picturam. Quid tum? Et illa ipsa pictura quam cernimus, si sit obscœna, præsertim subtiliter, & artificiosè expressa, num nō animos contaminat? Nec immeritò eiusmodi & pictores, & pictura, sapientes homines de ciuitate volebant eiici. Tum addit poetas ipsos in rebus turpibus subsignificare, neutiquam probare se illa. At non omnes, imò quidam apertè comprobant, ut Ouidius, Tibullus, Catullus, Propertius, Martialis, & eius notæ: alii obscurissimè carpunt, ac improbant, & per nutus, quos intelligant perpauca. Iam verò sententiis turpibus opponendas præcipit honestas aliorum sententiæ, tum alios aliis derogare ait fidem. Quid porrò facias, si bonæ sententiæ non sint ad manum? Quid quòd malæ sententiæ præcluitatem pro se habent naturæ nostræ ad malitiam, ut efficaciores sint, quàm bonæ? Eo denique deducit rem, ut confiteatur nocere lectionem poetarum, nisi cautissimè utaris. Id si ita est, non videtur attingenda puero, quem illhic Plutarchus instituit, sed iam grandiori natu, & sanis opinionibus imbuto. Quibus de causis ac rationibus sic videri posset faciendum. Quoniam quidem in eis & dulcia, & pulchra, & magna, atque admirabilia insunt multa, non tolli oportere, sed repurgari: non amputari affectum membrum, sed medicamento adhibito curari. Obscœna in totum rescindantur, tanquam emortua, & pertractura in contagiam quæ tetigerint. Scilicet intolerabilè faciet humanum

manum genus iacturam, si ex spurco poeta partē abscindas noxiam, & id facias in libello, quod in tuo ipius corpore facere non dubites, si res exigat? Detruncauit iustianus Cæsar tot iuriscōsultos, & nefas erit ex Ouidio detrahi eos versus, quis adolescens fit nequior? Imò vero amissa sunt tot philosophorum & sacrorum authorū monumenta, & graue erit, ac non ferendū facinus si Tibullus pereat, aut ars amandi Nasonis? Vtique non de præsentibus modo, ac posteris præclare merebitur, sed de poetica arte, ac poetis ipsis, quisquis eam repurgationem erit aggressus: haud aliter quàm de hortis, qui venenis illhinc eruncatis, solas reliquerit herbas salutare. Ita & ignominia erit poetis detracta, & malum virus legentibus. Cætera autem quum pingent, sciant, qui legunt, picturas esse & hominum sæpenumero pessimorum. Quum deos audient, cogitent hos esse reges, quum heroas, procures: quum homines, plebem. Interdum deos putet accipi pro illa vi quæ illis attribuitur: ut Iuppiter, Regni sit maiestas, Minerva, sapientia, & consilium, Mars, belli impetus, Mercurius, interpretatio, Apollo, dulcis quædam peritia, & lux mentis. Ipsis quoq; poetis fides eleuanda, multum quidem valuisse eos natura, ac spiritu, sed homines tamen fuisse mediocri iudicio, doctrina verò & vlu rerum sæpe nullo, aut certè perquàm exiguo: tum animi perturbationibus obnoxios ac seruiantes, vitiis inquinatos. Succur- Vnde tan
ret fortasse alicui demirari, vnde igitur tanta illorum autho- ta poeta-
ritas non in vulgum solum, sed ad scholas etiam sectatorum rum au-
sapientiæ? Cuius rei hæ sunt causæ. Fuerunt primi & anti- thoritas.
quissimi scriptores, ideòq; poetæ dicti: multum verò ab omnibus defertur vetustati. Suauitas dictionis conciliauit fidem, quandoquidè faciliùs credimus, quæ libenter audimus. Quumq; homines viderent semina disciplinarum omnium in illorum libris esse sparsa, crediderūt absolutos eos esse in illis omnibus. Nullum est enim humanū ingenium quamlibet socors, & ab institutione humanitatis remotū, quod non semina artium omnium quædam à natura acceperit: siue re ipsa illhinc sint ea, siue potestate, de quo nō disputo. Id verò si imperitis & tardis hominibus contingit, quanto illis magis, qui ingeniorum essent præditi acumine, atque acrimonia? Idquæ in nostris poetis experimur, qui carmina vernaculis linguis componunt, quos quum sciamus esse homines

imperitissimos, tamen ea suis carminibus videmus illos inserere, quæ etiam ipsi admiremur, qui illos nouimus: & quibus indoctis aut ignotis facile persuadeât se in omnium artium genere magnam & diuturnâ operam collocasse. Aratum accepimus astrologiæ imperitum, & Nicandrum Colophonium hominem ab agro remotissimum carmina illis de rebus ornatissima conscripisse. Accedebat affatus diuini numinis, quo credebantur instigari: ideo illorû dicta non accipiebantur aliter, quàm Dei per hominem ceu per fistulam loquētis. Philosophi verò recepta auctoritate abusi sunt, ad persuadendum populo, quod vellent. Et quia inflammabatur illorû animus, longeque ardore illo exerebat sese natura, quæ ex illis depromptissent, putabant se tanquam naturæ doctrina comprobare.

Authorû
nomina.

De arte.

Sed dicamus iam de singulis nominatim. Ad formulas primorum rudimētorum habet institutor ex veteribus Donatum, nouos autem Nicolaum Perottum, Sulpitium Verulanum, Antoniû Nebrissensem, Aldum Manutium, Philippum Melanchthonem, sumet quem volet, pares esse in tradendo video. De constructura indigemus exactiore aliquo opere, & deuincto numeris, quo melius commendaretur puerorû memoriæ. Nam quæ nunc quidem extant certè, vel exempla sunt solùm absque canonibus, vel canones à quibus excipiuntur plura, quàm ipsi compræbendant: opus esset ei, qui id vellent præstare lectione atque obseruatione longa, & diligenti authorum Latinæ linguæ: sed plurimum arbitror adiuuari posse sex libris Thomæ Linacri de emendata structura, item Mancinelli thesauro, & libris de non vulgari literatura Lanciloti Palsii. Interea tamē vtentur pueri præceptis Antonii Nebrissenis, vel Philippi Melanchthonis: adiungent libellum de constructione octo partium, qui nomine Erasmi circumfertur, quem Gulielmus Lilius peperit, Erasmus concinnauit. Latina lingua vt alia quæcunque, ex populi vsu solebat olim disci, ea postquam in ciuitate est corrupta, ex authoribus peti est cœpta iis scilicet, qui à Catone Censorio ad tempora Adriani Cæsaris scripserunt: vt primus eius author sit is ipse M. Cato, postremus Suetonius Tranquillus. Hic est illius tanquam vitæ cursus. Pueritia fuit sub Catone, senectus sub Traiano, & Adriano, ætas optima, & vis, vigorque tullius circiter seculum M. Tullii

Latinæ
linguæ
authores.

non

non quin & cæteri qui secuti deinceps sunt scriptores multa habeant apta, speciosa, exulta, atque exornata, quum propriis in verbis, tum in translatis, & quibuidam ceufor- mulis dicendi. Sed nescio quo pacto maximè videntur propria & naturalia quæ sunt æui Ciceronis, in eo ipso, in M. Varrone, C. Cæsare, Sallustio, T. Liuiio, Virruuio: post quos Latinus sermo ad luxum est & delicias cum moribus ciuitatis conuersus, vt fucata sint magis & adumbrata, quàm priora illa: & delectare potius voluisse eos appareat, quàm dicere, aut animi sensa loquendo exprimere. Itaque quantum fieri poterit dabitur opera vt illius sint seculi verba, & phrasès: non tamen in hac egestate & difficultatibus Latinæ linguæ repudianda sunt, quæ posteriores attulerunt, Seneca, Quintilianus, Plinius, Tacitus, & eorum æquales: nisi fortè stet sententia obmutescere in tanta multitudine ac varietate rerum, de quibus est singulis horis loquendum in artibus & tota vita. Qui authores sunt Latinæ linguæ probi, hi non omnes idonei sunt grammatico: quippe qui de omni rerum ac disciplinarum genere disserunt, quò grammaticæ vel studiosus, vel esse professor non aspirat: neque enim cognitione artium omnium professor vnus obruendus est. Qui verò in contemplatione eiusmodi rerum versantur, ii grammatici illhinc annotent, & excerpant, quæ ad illius inquisitionem pertineant. Ex quibus vniuersis confectur dictio-
Dictionarium.
narium Latinæ linguæ, quod nullū est plenum satis & iustum. Istudque sit duplex, alterum enumeratione tantum vocabulorum, breui interpretatione adiecta, alterum copiosius dictis authorum intermixtis: quod faciet, non solum vt securus sit lector, & expositione acquiescat, verum vt sciat quoque quemadmodum vsurus sit, quod fortè eum sine exemplo lateret. Expediet in quaque etiam vulgari lingua geminum pueris tradi, vnum quo Latina verba reddantur vulgaribus, alterum quo vice versa vulgaria Latinis: quod in nostro sermone Antonius Nebrissen- sis fecit: opus non satis exactum, tyronibus magis, quàm prouectioribus utile. Ex dictionario absoluto, & tanquam suis omnibus partibus confecto iam & pleno decerpet magister, quæ quotidianò sint vsui necessaria: vt appolitas voces iis, quæ pueri velint eloqui colligat, quorum primordia erunt à leuius, quæque ætas illa facile sustineat, vt pote à lusioni-

bus: sensim ad maiora procedetur de domo, & tota suppellectili, de vestimentis, de cibis, de tempore, de equo, & naui, de templis, de cælis, animantibus, stirpibus, de ciuitate & republica. Condient hæc iocis salis, fabellis scitis, ac lepidis, exemplis atq; historiis iucundis, paræmiis, parabolis, apophthegmatis, sententiis acutis, argutis nonnunquam & grauib; ut sic libentiùs hauriantur, & magno cum fructu non lingue tantum, sed etiã prudentiæ, atq; vsus vitæ. Sunt tamen quædam artium propria, ea nõ curabit attingere: ut de causis rerum naturæ, de medicamentis, de legibus, & iure ciuili, de quantitibus mathematicis: relinquet hæc, atque eiusmodi suis quæq; artificibus, magis versabitur in iis, quæ sunt vitæ communia, quibus nulla ætas, nulla conditio, nulla professio eximitur: qualia sunt ferè quæ modò connumerabã. Interea verò dum dictionarium eius generis non habemus, institutor ipse ex sua lectione hæc, ut poterit, ad utilitatem discipulorum annotabit. Tum exhibebit faciles authores captui suorum aptos, ut apologos, quibus delectatur ætas illa, & rebus solidioribus paratur. Versiculos castos & simplices, ut Catonis, qui sunt elegantes, & cordatissimi, Michaelis etiam Varini, philosophorum item sententias, quæ omnia ediscant. Sequentur epistolæ Plinii Cæcilii, quæ flosculos, modosque dicendi habent, & conueniunt illi comitati scholasticæ, iisque omnino rebus de quibus studiosi homines & colloqui inter se consueuerunt, & scribere: ita ut sint qui ea gratia multas earum ad verbum ediscant, quidam etiam eiusmodi dulcedine ac verborum delitiis capti Ciceronianis prætulerint, quod penè est nefas. Sunt & epistolæ quædam Aegidii Calentii mirè festiuæ, quibus pueri valde oblectarentur. Ad varietatem & copiam verborum exponet librum Erasmi de copia priorem. Tum de recta pronuntiatione in genere, traditis summa quadam vniuersalibus normis. Hinc de figuris ex Quintiliano, aut Diomede, aut Mancinello, aut Ioanne Despauterio: quem in vsum tabulæ quandam Petrus Mosellanus confecit, quæ parieti affigi possit, ut deambulanti studioso occurrant, & quasi ingerant se oculis. Incipiet his stylũ mouere, ita ut alienus sit prorsum, & magnam habeat licentiam ex alienis non verba tantum, sed longas quoq; sententias, & periodos excerpenti: in quo spectabitur quàm apte suis interserat. Sequitur alter liber de

de copia rerum Erasmi. Tradetur hic summam cognitionem Loca & rerum gestarum, temporibus per notas quasdam distinctis, tempora. & consignatis, sicut in viis solet fieri: ut ab Adam ad Fluvionem, ab hac ad Abraam, unde ad Moysen. Tum ad bellum Trojanum, ab hoc bello ad Romam conditam, hinc ad expullos reges, inde ad Romam à Gallis captam. Tum ad Alexandrum Macedonem, deinde ad primum bellum Punicum, ad secundum, ad tertium. Iam ad Syllam & Marium, postea ad Christum natum, à Domino nostro ad Constantinum, ad Gothos deinde, tum ad Hunnos, ad Carolum Magnum, ad electionem imperatorum, ad Gotifridum Bylloniū, ad transitum Turcarum in Europam, ad captum Byzantiū, ad recuperatam Granatam, postremo ad imperium Caroli quinti, sub quo agimus: generatim in singulis spatiis exponet, quæ bella insignia sint gesta, quæ memorabiles sint vrbes constructæ, qui homines clari vixerunt. Addet his etiam breuem descriptionem orbis primum vniversi, & maximarum partium, tum prouinciarum, & quid in quaque commendatum famæ. Vtilis ad hoc Pomponius Mela.

Iam hic accedet ad puriores illos scriptores, & imitatione dignissimos: diu enim sequendi sunt ii, qui sequentem non tallant, donec assuefacti horū ductui, sine periculo possimus & alios audire. Cæsar quotidiano sermoni egregie vtilissimus, cui Cicero laudem tribuit puri & incorrupti sermonis Latini, & Quintilianus elegantiae, cui propriè studuisse illum testatur, tum Cæsari adiunctæ Ciceronis ipsius epistolæ familiares: simplices sunt tamen, & vsui magis congruentes, quas ad T. Atticum scripsit, nisi quod sunt in eis quaedam obscurissima, partim sic scripta ab ipso Cicerone de industria, partim vitio atque ignorantia temporum ita deprauata, ut restitui iam non queant. Terentii fabellæ propter elegantiam sermonis scribi putabantur vel à Scipione Aemiliano, vel ab eius amico C. Lælio, is qui sapiens vsurpatur. C. Cæsar Terentium puri sermonis amatorem vocat. Minus multò est puritatis in Plauto, antiquarius est enim, & licentiosè indulget sibi personis seruorum, quum risus, & exhilarationem theatri, atque hinc multitudinis applausum perueritate etiam loquendi capiat, sed neque insens est sincerior. Ex utroque cuperem resecta, quæ pueriles animos iis vitiis possent pollucere, ad quæ naturæ quasi

Lectio au-
thorum.

nutu quodam vergimus. Poetarum lectio magis ad vegetandum ingenium pertinet, & ad stellas illhinc qualdam, & velut insignia orationis petēda, quā ad alendum corpus sermonis. Comici verò propinquiore sunt pedestri orationi, quā versui. Tragici inter eos sunt medii, multa habēt grādia, turgidiora etiā quā expediat cōmuni sermocinationi: plurima tamen, quæ aptè ad vsum queant applicari. Latine linguæ solus remāsit Seneca tragicus: credo priscos nō conseruatos, quod rudes eos atque impolitos esse existimarent, nec tanti esse illos describere. Simul cum poetis discet totam rationē prosodiæ, & quantitatis syllabarū exactiūs iam & subtiliūs. Audiet Virgilii Bucolica: in quo opere est illud animaduertendum, quod in omnibus dramaticis, id est in quibus loquētes personæ inducuntur, esse quædam verba, & dicendi formas potius ex decoro personæ, quā ex sinceritate linguæ, vt authores aliter dicerent, si sua non aliena persona vterētur. Quod magis vñ euenit comicis, & iis qui delectationi seruiunt lectoris, quā seriis authoribus: idque videmus quotidie in linguis vulgaribus fieri. Quocirca non semper ex Plauto argumenta sumenda sunt ad probationem Latinitatis, sed neque ex Terentio, quanuis hic est in eo parcior, nè ex Theocrito ad Doricam dialecton, aut ex Virgilio in Egloga, de quibus iactatum est à quibusdam, qui vrbani videri affectabant:

Dic mihi Dameta, cuium pecus? an ne Latinum?

Non, verūm Aegonis: nostri sic rure loquuntur.

Ignari vel dissimulantes cāptasse Virgilium gratiam rusticitatis, quod & Theocritus fecerat indulgentiūs. Hinc odas Horatii explicabit aliquot. Adiunget Poetas Christianos, antiquum Prudentium, & qui ætate hac scripsit Baptistam Mantuanum magis copiosum & facilem, quā terlum, aut sublimitati argumentorū respondentem: etsi in Prudentii carmine sunt etiam quæ desyderes. Post hæc sequētur Georgica Virgilii, & Politiani rusticus. Hic incipiet ipse carmen pangere. Enarrabit institutor ad cognitionem fabularū Metamorphosin Ouidii, & sex libros Fastorum, non enim venerunt ad nos plures. Seligentur Epigrammata Martialis nōnulla. Addet Persium, quem dignissimū legi antiquitas censuit, vt Quintilianus. Martialis, & D. Hieronymus testātur. His succedet Aenēis Virgilii grande opus, & plenum grauitatis,

tatis, ac rerum bonarum, & quod Iliadi non concedat. Lucani carmen plurimum habet virium, ut etiam bellicis sint propè pares, nec prælia videatur canere, sed committere, & intonare clausicū, eodemq; ardore arma scribere, quo Cæsar tractauit: ita ut illum quorundam aures tanquā sonum vastum ac immodicum non ferant.

Illud tamen non ignorandum poësi operis succisuis studendum, sumendāque eam non ut alimentum, sed ut condimentum. Ingenium verò poeticæ appositum illud censens, quod ingentes habet impetus, quibus interim supra solitum & ordinarium naturæ suæ modum assurgit, celi osque ac penè cælestes spiritus elatione illa concipit: ut non grandæstantummodo, viuidæque sententias mētis acies intueatur, & colligat, sed in numerum constringat, harmoniam ex animo suo hauriens supra corpus concitato.

Ingeniū
poeticū.

Ex historia libros aliquot degustabit Liuii. Prælegetur item ei Valerius Maximus, qui ad orationis picturā multa ornamenta adferre verborū ac sententiarū poterit, quas habet initio & sine cuiusq; capitis fortassis cōcinniores quā interdu deceret grauitatem exemplorū. Postremum locū obtinebunt Orationes Ciceronis, in quibus sunt ornāmēta, lumina, & virtutes omnes dicēdi: ē quibus deliget magister, quas relit suis enarrare, neq; enim persequi omnes cōuenit. Ex his quæ posui, ediscet ea discipulus, quæ institutor præscripserit, sed quicunq; authores enarrabuntur, semel atque iterum per hebdomades singulas de moribus audient nonnulla, quæ vitiis auditorū medeantur, vel ut pellantur, vel ut ne inuadant, atq; inualeſcant. Hęc quidem magister enarrabit: ipse per se discipulus post prima illa rudimēta ubi clarius aliquid cœperit in literis cernere, priuato suo studio hos leget. In arte grammatica Thomam Linacrum, à quo multa sunt Latina lingue mysteria ostensa, ac sine impietate prodita. Tum duos Antonios, Nebrissenſem, & Mancinellum. Ad elegantiam vocabulorum primum omnium Laurētium Vallam. Superſtitioſus est ille quidem certè in quibusdam, sed discētibz perutilis. Quum aliquid negat in authoribus haberi, ſuſtinendum iudicium in præſentia, nec utendum eo quoad apud ſcriptorem indubitata fidei legeris. Addet huic aliquos ex iis, qui authores illos interpretatur, quos magister enarrabit, ut Seruiū Honoratū, aut ſimiles. Hadrianus

Qui disci-
pulo ſeor-
lum legē-
di.

Cardinalis collectione illa exemplorum non parum proderit: & si est in docendo parcior, quàm oportebat: satis fecisse se dictis authorum congerendis ratus, ab enarratione difficilium cautè manum continuit. Guilielmus Budæus utroque opere in pandectas, & quinque libris de assè, plurimum opitulatus est rei Latine, elaborata illa scrutatione rerum ac verborum linguæ vtriusque. Authores Romani sermonis diligenter euoluendi: nam si id fieri iubebant præsci illi, quibus sermo hic, quem nos arte confectamur, haustus erat cum lacte, ut ex illorum lectione excoleretur lingua, & copia atq; vbertas proveniret, quid nobis censes faciendum, quibus est ascititius, quique illum guttatim colligimus? In historia leget Liuium, cum certè, qui residuus est, integrum: cuius Patavinitatè, quam gustabat Pollio Asinius, nos non gustamus: scilicet nō habemus iam palatū vsque adeo eruditum, ut certè morosum. Hinc Cornelium Tacitum, qui habet quædā duriuscula & imitatu periculosa, sed est grādis, audax, multumque inest in eo spiritus. Hinc Sallustium, qui multa est ab antiquis mutuatus, quemadmodum vulgato epigrammate inceissitur: & Atteius philologus admonēbat Pollionē: ut obscuritatem vitaret Sallustii: quo magis miror illum à quibusdā tradi pueris: est tamen iis qui intelligunt, iucundissimus, & cuius lectio minimè exaridet. Ad poetarum, fabularumque cognitionem & si plurima ex Ouidio, atq; iis authoribus, quos recensui, desumpserit, habet tamen Ioannem Bocatium, qui deorum genealogias in corpus vnum redegit feliciter, quàm illo erat seculo sperandū: tametsi in interpretandis fabulis sæpe est nimius, & frigidus. In Latinis verbis quos sequatur velut duces, deliget Catonem, Varronē, Columellam, Palladium de rebus rusticis, Vitruvium de architectura: in quibus permagna est ad res plurimas appellandas nominum purissimorum atque aptissimorum copia. Antiquarius est Cato, sed ea in illo reperias, quæ nusquam alibi. Durus Varro, & opificibus accommodatus. Columella elegantior, & tersior, item Palladius, nisi quod interdum habet vocabula, & idiomatica Latina utique, verum sui temporis, scripsit enim sub Hadriano. Vitruvius græcissat sæpe, & est ad intelligendum cum primis difficilis, ne cum picturis quidem Iucundi Veronensis: propterea quod ædificandi vetus illa ratio ex usu abiit; ut nō iniuria de illo Budæus dicat,

non

non cuiusvis esse hominis Corinthū adire. His adiūget Grapaldum de domo, non ad phrasin, sed ad explicationem vocabulorum: qui plus habet conatus, quàm rei, huic omnia ferè ex illis sunt, & Plinio desumpta. In quibusdam incertus ipse incertum dimittit lectorem. Tum orationes omnes Ciceronis, declamationes Quintiliani. Sunt inter recentes nonnulli qui momenti aliquid adferre ad sermonē possunt. Longolius simiolus est Ciceronis, & Tournianus Pontanus: hic tamē minus obtinet Tullianæ vetustatis, quàm Longolius. Angelus Politianus magnas habet argutias. Erasmus admirabilem facilitatem ac lucem. Et est quum iuvat potius recentioribus applicari, tanquam similioribus, ac magis paribus, quàm priscis illis, tam à nobis & moribus, & ratione quadam intelligentiæ semotis.

Quos verò in bibliotheca ad consulendum collocabit, hi erunt: Varronis de lingua Latina libri tres intricati ex illo dicendi more ipsi peculiari, atque ea de causa mendis à librariis inductis maculosi, ac deformes, Festi Pompeii decuratio. Non. Marcellus. Ex recentioribus Nicolai Perotti Cornucopiæ: quod si vacet legere, non pœnitebit collocatæ in eo operæ. Nestor haud satis eruditus. Tortellius ad orthographiam diligens. Ex quibus dictionarium suum Ambrosius Calepinus congeffit, homo congerendis quidem illis idoneus, explendis verò quæ deerant, non idoneus.

Hic quidem Latinitatis cursus: cui aliquāto post initium æquari debet etiam Græcitatatis, sicut dixi, ut ambo conficiantur pariter. Ad prima rudimenta adhibebit tabellas aliquas Græcas, Aleandri puta, aut eiusmodi, quò sonos, & vires literarum, syllabarumque pernoscat. Hinc ad declinanda nomina & verba primum librum Theodori Gazæ, quem Erasmus vertit. Tum interpretabitur Aesopi fabellas, propterea quòd & verbis sunt faciles, & sensu ad ætatem illam apto. Græcorum quoque proverbum de rudibus satis indicat solitos illos ab Aesopo auspicari. His addetur liber secundus Gazæ, in quo illustrat coloribus, quæ primo libro adumbrarat solum, ac delinïauerat, Aristotelem secutus, & naturam rerum. Tum oratio aliqua puri scriptoris & facilis in manus dabitur, Isocratis scilicet, aut Luciani, quod quidem sit certè sine corruptela: aut etiam Ioannis Chrysostomi, qui est tersus, & eximie dilucidissi-

Quos
consulet
solum.

Græcita-
tis stu-
dium.

mus. Syntaxis parum est accuratè à Græcis cōscripta, quòd populum habuerunt diutius bene loquentem, quàm Latini, ut minùs fuerit opus obseruatione ac regulis: & alioqui Græca structura fusiſſima est, ut ægre in alueum possit cogi. Theodorus aliquid attigit in quarto volumine. Ioānes Lascaris canones ad imitationem Latinorum est commentus: parum hic verè, Gaza autem parum ad docendum appositè. Illud esset potissimum annotandum, quibus in rebus Græca & Latina inter se structura dissiderèt. Iam hic transferre ad nos aliqua puer incipiet propter noscendā linguæ vtriusq; proprietatem, & copiam verborum parandam, tum ut ornamenta illa & cultum Græci sermonis in Latinum eliciat. Discet prosodiam & orthographiam, quæ apud Græcos ut in quibusdam sunt apertissimæ atque indubitatæ, sic in multis vñ modò sequuntur, vel quod vni alicui placuit. Eas ad res facit tertius Gaza. Græca lingua diutius est sincera & pura conseruata, quàm nostra, quòd illa Barbararum nationū incurſus minùs sensit, quàm occidentis. Sed vigor tamen eius & quasi iuuenta tum fuit, quū maximè Atheniensium opes, imò Græciæ totius florent: nempe à tyrannide Pisistrati ad exitum Demosthenis. Ante Pisistratum, atq; etiam Periclem nihil scriptum est legi dignum: post Demosthenem plurima quidem, cæterū integritate sermonis cum ætate illa minimè cōparanda. Itaq; enarrabit præceptor epistolæ aliquas Demosthenis, Platonis, Aristotelis. Orationem aliquā Demosthenis, & cuiusquam ex illis decem Rhetoribus, quos eodè seculo Athenæ tulerunt. Lexicon Græcæ linguæ componendum, quale de Latina diximus copiosum, & plenū. Antequā attingat poetas, præciendū nonnihil de dialectis: qua de re extat opusculum Ioannis Philoponi, & alterum Corinthi. Tum audiet rhapsodias aliquot parentis poetarum omnium Homeri. Hinc Aristophanis primam, & alteram fabulam Euripidis aliquot: qui authores elegantes sanè sunt, & inter paucos Attici. Aristophanes festiuus, Euripides gravitate sententiarum etiam maximis philosophis par, ut Quintilianus ait. Ad sententias boni sunt Theognis Doricus, nempe Siculus, & Phocilides Ionicus. Post hos reliquus Homeri merus consequetur: qui attentè ac diligenter est à discipulivirtutes. lo & audiendus de præceptore, & separatim relegendus, multis in locis ediscendus quoque. Magnæ sunt huius viri virtutes

tutes, quas persequi longum sanè, atque operosum esset. Primum quæ scripsit, non dicere videtur, sed ante oculos sistere, ea est quasi depingendi vis & efficacia: qua virtute posteros omnes adhuc sine controuersia superat: nec corpora expressit modò, sed animorum reconditos illos motus, qui sub sensus non veniunt: ut nihil videatur esse aliud eius poemata, quàm imago vitæ humanæ. Communis sensus adeo est callens, & ita sunt rerum naturæ conformia, quæ dicit, ut post tot secula mutatis vsque eo moribus, institutis, tota viuendi ratione, tamen atæ etiamnum nostræ & cuiusque alii verba, sententiæ, collocationes, orationes illius cõsentaneæ sint: quibus de rebus faciliè tam longam diurnitatem sustinuit, & per tot secula non solum auctoritatem vetustatis, sed nouitatis gratiam conseruauit, quum recens in vnoquoque videretur. Sunt tamen sua & illi vitia, quæ nos ut vitentur, indicabimus, sicut de virtutibus fecimus ad imitandum, si cui modò tantum est facultatis ac roboris. Hieronymus Vidas tanquam superuacaneum & redundantem Homerum incelsit, luxuriantem in narrando, & admiscentem superflua: nec dubitat Virgilium illi, & ceteros Latinorum anteferre, velut astrictiores & sanctiores. quum Græci omnes vitio illi sint obnoxii, ut Homerum secuti nimii sint, atque etiam nonnunquam subputidi. Nec placent ad ei descriptiones medio prælio curruum, & in iurgio Therisitæ: quæquam hoc posterius ad vim potest referri, & exemplum, ut videat lector, cuiusmodi vir. heroibus tacentibus, regi maledixerit. Damnat etiam humiles similitudines, ac sordidas interdum: ut milites muscis assimilari in mulctra, Aiace m asino, qui nescit e pastu discedere ab actus sustibus. Virgilius decentius, qui formicis & apibus exercitus facit similes tantò honestioribus, quàm musce sint, rebus. Ad hæc parum conuenit tam otiosè Diomedem & Glaucum media pugna esse collocutos. Repetitiones possunt videri illius qui, sicut in sacris literis. Sed epitheta non decet esse vbique eadem: tam nominat Paris Menelaum ἀργείφρων, quàm Græci: & ἰωνύμιδας ἀχαιῶς persona Troianorum: & in media monomachia persona Menelai Διοπὰνέξανδρον, quum cum dicat maleficum, & violatorem hospitii bene meriti: ut solum videantur epitheta ad commissuram numeri quæ sita, non ad vim, aut gratiam. A quibus vitiis excusare eum possit

Homeri
vitia.

possit

possit æditio operis, non enim integrum illud dedit in apertum, ut omnia exacto iudicio perpenderet atque elimaret: sed separatim singulas rhapsodias ad cantus & delectationem popularem: quæ omnia longo post tempore collecta sunt, & digesta per grammaticos iussu & procuratione Pisistrati Atheniensis: quæ etiam fuit causa cur nec patris, ac ne patriæ quidem usquam meminerit. Iam verò illius duo sunt opera, alterum calidum, alterum callidum: multa non satis probi exempli continent: & quæ de natura rerum, & humanis attingit moribus, torquentur, quocunque est visum iis, qui vati fauent immodicè. Cæterum de Homero satis. Addentur huic reliqua, si videbitur, Aristophanis, & Euripidis: tum *ἑρὰ καὶ ἱμῆρ* Heliodi, & Græca aliquot epigrammata, quæ argutias & salem habeant non spurcum. Postremò Pindarum obscurum in primis, & reconditorum vocabulorum vsurpatorem: quem tamen Acaemicus Archefilas idoneum in primis dicebat vocem implere, & verborum magnam præbere copiam. Theocriti pastoricia multum habent Venerum in illa dialecto Dorica, sed quò intelligantur meliùs, explicandæ sunt allegoriæ, sicut in Bucolicis Virgilii, alioqui frigent pleraque omnia. Ad historiam præleget Herodianum, ut cum versione conferat Angeli Politiani. Est author ille cædus ex se, ac facilis, sed ea gratia Politianus transtulit, ut non ab homine Græco videatur genitus, sed à Latino. Tum Xenophonis *ἱερικὰ*, quo nihil est purius, & in affectatius. Thucydidis libros aliquot imperabimus difficilis licet scriptoris, duri ac planè terrei.

Quos discipulus leget in Græcis. Ipse vero studio per se suo hos leget: In arte grammaticæ Oecolompadii dragmata. Ad inflexiones verborum & nominum Adrianum Amerotium. Ad poëtarum & linguarum cognitionem Vrbani. Interpretes eorum poëtarum, quos modò nominaui, multa ex linguæ arcanis patefaciēt: quorum poëtarum nullus est qui non aliquem habeat *ἀδελφόν*. Homerus principem omnium est ductus Eusthatium Constantinopolitanum. Addet Thomam magistrum de atticis. Ad res ciuiles commentarios Græcæ linguæ Gulielmus Budæus nuper conscripsit parâ diligentia, cuius sunt Latina eiusdem. Multa erunt abstrusa, compluribus tenebricolis locis atque obscurissimis lucem inuexit. Authores linguæ

linguæ euoluet Ifocratem, quo simplicius ac purius cogitari nihil potest, Xenophontem, & decem Rhetores. Luciani verba satis sunt tersa, & phrasîs dilucida. Alianus est, verborum apparatu instructus, ac tumens, rerum inanis prorsum. Adiunget his Thucydidem Atticum, & faciliorem hoc Herodotum, licet Ionicum. Ad varietatem rerum habet libros Aristotelis de animalibus, & Theophrasti de plantis: quos ita Latinos fecit Gaza, ut vtrisque legendis magnæ possint in linguis illis opes comparari. Sic porro leget ut magis de verbis ac sermone sit, quàm de sensû sollicitus. In Demosthene, quem crebrò habebit in manibus, absoluta est linguæ illius vis, ac gratia, non aliter quàm de Ciceronis orationibus diximus.

In bibliotheca tanquam ad cōsulendum reponet hos. Lexicon Græcolatinum geminum, ex Græco in Latinum, & ex hoc in Græcum. Hesychium ad intelligentiam poetarū, Homeri potissimū. Iulius Pollux varietatem & copiam verborum suggeret, lectore tamen indiget doctissimo: nā innuit magis peritis, quàm docet imperitos. Sunt in his duabus linguis authores quidam misti, qui simul & historias & fabulas, & vocum significatus, & oratoria, & philosophica attingunt: quorum appellatio vera est, & maxime propria philologi. Huiusmodi sunt in Græca Suidas, & Athenæus: in ambabus Aulus Gellius, homo rhapsodus planè, congestor potius, quàm digestor, & ostentator, quàm peritus, loquaculus sine eruditione: in verbis ac sententiis putidulus. Quæ de significatu vocum disierit, sunt friuola & plerunque imperita, ac falsa. Legendus est quidè, sed ita, ut te rem leuem scias inspicere. Sanior est æmulus eius Petrus Crinitus. Ad philologiam etiam pertinet opus Augustini de Ciuitate Dei, Erasmi adagia: quod opus assuefacere potest lectioni magnorum authorum, ut ad es adulescens non omnino veniat rudis ac nouus. Huius ferè notæ sunt Budæi annotationes, & alsi, de quibus sum locutus. Cælii lectiones antiquæ, quæ interdum vetustate horrent nō tam rerum, quàm verborum. Macrobiî Saturnalia multum habent bonarum, ac variarum rerum. Petrus Textor leuidentiam texuit: licebit tamen officinam eius nonnunquam consulere, quanuis perturbatam, nec semper certam: ut eratauthor literarum Græcarum prorsum ignarus, nec

Quos
Græcos
cōsulet.

Authores
misti.

in La

in Latinis magnæ dexteritatis: meruit tamen laudem diligētē aliquam. Raphael Volateranus variæ vir eruditionis ac latē patentis inter alios est mihi reddendus. In hunc numerum nescio an patientur grammatici Isidorum Hispalensem interfasciri. Adfert nōnulla ex antiquis hausta haud prorsum aspernanda, præsertim quod fontes illi non peruenērūt ad hanc ætatem. Restant scriptores alii linguæ vtriusque, quos partim in aliis disciplinis propter rei argumentum necesse erit cognoscere, partim leget alio tempore, vel in hac ipsa professione remanens, vel quum in altioribus animi reficiendi gratia ad hæc vacabit respicere. Hic est cursus octo aut nouem annorum à septimo ad quintumdecimum annum, vel etiam sextumdecimum, ut cuiusque ingenium & progressus fuerint. Sentio me diu esse in hac de linguis præceptione immoratum, quod eo feci quia multi præuē sunt à pueritia instituti, quum tanti referat, quemadmodum in exordio hæc tradantur, vnde reliquæ deinceps artes omnes ac disciplinæ dimanant. Hactenus linguarum institutio vel iis qui ad disciplinas alias parantur, & quasi formantur, vel quibus ea sola per ingenium aut delectationem sufficit, ut in earum rerum sola cognitione velint subistere. Qui ingenio erunt vel tardo admodum, absurdoque, & ineptē coniectante, vel suspicaci iniquē, & in peiorem partem reiiciente, quæ audiat, his Latinam linguam utcunq; didicisse suffecerit, & portiunculam Græcæ aliquam, arcebitur lectione authorum. Sermonem verò ad commercium humani generis didicerit: nisi fortē furiosus omnino sit & vācor, quem præstabit à lingua doctorū luminore: ne quæ sub illa sunt abdita & conclusa, magno tum suorum alieno malo intelligat. Qui saniore ingenio ac iudicio, nolet tamen, aut non commodè poterit altius conscendere, hic erit linguarum & authorum cognitione contentus. Huius porro ad vitam usus fuerit, ut sit scriba ciuitatis publicus, capeſſat minores magistratus, fungatur legationibus. Habebunt & hi, & superiores illi sermonum peritiam, quæ senectutis graue tædium authorum lectione leuēt, quum iam alteris licebit, alteros ætas meliora docuerit, quodque in eis adhuc erat acerbum mitificari. Hi sunt philologi, & eorum exercitatio philologia. Ex his deligētur, qui alios instituunt quos nolumus iis tantum limitibus, quos descripsimus circū-

Vsus lin-
guarum
ad vitam.

Philolo-
gi.

cumſe

cum sepius, sed alia etiam omnia scrutari, & pernoſſe, quæ ad philologiam pertineant, abſtineant modò ab anxia atque Magiſtro inutili Græcorum ſubtilitate, quam in omni tractatione de rum eruſermonem ſunt perſecuti, ſeu commenti veriùs, velut in car- ditio. minibus, & tota poetica in contextu orationis, in ſchema- tis, ac figuris. Credat M. Fabii grauiſſimæ præceptoris ſen- tentiæ, ac conſilio inter virtutes grammatici poni illam, ali- quid neſcire. Quos verò ſcriptores ceu conſiliarios aliis reli- quimus, huic tradimus legendos, vt pro ratione ſuſcepti of- ficii vnus ille multorum laborem ſuſtineat. Itaque in arte Grammatica reſtant huic Priſcianus, Diomedes, Aſper, Pho- cas, Caper, Capella: parum quidem ad docendum idonei, ſed Qui in arte au- thores. qui moneant multa, quæ præceptor in ſuum & diſcipulorũ vſum facile depromet. Terentianus item de proſodia & car- minibus. Ex vicinioribus huic ætati Perotus, Sulpitius Ve- rulanus, Curius Lancilotus, Aldus, Ioannes Deſpauterius, qui ſunt multò quàm illi commodiores. In Græcis verò He- rodianus, Thryphonius, & qui patrum memoria Græcas li- teras in Italiam inuexit Chryſoloras & Ioannes Laſcaris. Authores Latini & Græci ſermonis, ſi qui habent argumen- tum ex reconditis quæſtionibus altioris diſciplinæ videlicet primæ philoſophiæ, aut ſcrutationis cauſarum naturæ me- dicinæ, iuris ciuilis, theologiæ, ii relinquendi ſunt penitus ſuis profeſſoribus. Sin de facilioribus diſſerunt, nempe a- ſtronomia, coſmographia, philoſophia morum, prudentia, deſcriptione naturæ, aut in illis quidem prioribus, ſed ex- poſitè tamen ac diſcidiè, non video, quo minus ſint philo- logo attingendi. Quòd ſi quis in illis locus altiùs ſe aperit, contentus quæ ſui ſunt muneris, inſpexiſſe, ad alia tranſibit, examinationem illius modèſtè iis concedens, qui in eiùs- modi artibus operam ex profeſſo ponunt: vt ſuus cuique profeſſioni honor, ac dignitas conſtet, ne termini confun- dantur, & aliæ in aliarum ius ac poſſeſſionem temere inua- dant. Itaque Senecam licebit euoluere, à quo multum adiua- bitur verborum & propriorum, & tranſlatorum vi, tum copia & varietate: vt rem eandem crebrò, ac ſine faſtidio poſſit expromere, multùmque alere poteſt tacundiam La- tinam metaphoris potiſſimum præ cæteris ſcriptoribus dex- tere accomodatis. De Marco Tullio quantum proderit, ſuperuacaneum eſt dicere, parente copię Romani ſermo- nis,

nis, ut eum Caius Cæsar appellauit. Ciceroni Quintilianum adiunxit Laurentius Valla, tanquam comitem, aut veriùs socium, parèmq; non omnino iniuria, quum verborum munditie, tum translationum, & totius dictionis acumine. Quintus Curtius candidus est, sed Criticorum quidam eiusdem illum esse coloris causificantur: non perinde est nitidus Iustinus. Post hinc periculosa sunt omnia. Gellius durissimarum elegantiarum affectator. Apuleius in asino planè rudit. In aliis sonat hominem, nisi quod florida sunt ridicula, sed excusate ea inscriptio. Macrobius melior est his, atque explanatior, habet quæ non tam vulgari sermoni sint vtilia, quàm philosophiæ explicandæ. Tertullianus perturbatissimè loquitur, ut Afer. Cyprianus & Arnobius eiusdem gentis clariùs, sed & ipsi nonnunquam Afrè. Augustinus multum habet Africitatis in contextu dictionis, non perinde in verbis, præsertim in libris de Ciuitate Dei, quod vnum ex eius operibus legendum censeo philologo: id enim bona ex parte in media philologia versatur, quemadmodum superiùs admonui. Ambrosius non adeò Latinus est, ut suauis: Latinior Hieronymus, nisi quod nonnunquam sacrum se authorem esse meminit, de re sollicitus magis, quàm de verbis. Christianorum omnium facundissimus est Lactantius, sonum habet planè Ciceronianum: præterquam in paucis, imitandus cætera. Postremus Boëtius cuilibet nostrorum superiorum comparandus. In Symmacho, Sydonio Apollinare, Paulino parcam philologo, & eam illi operam remittam.

Hinc longo interuallo est descendendum ad proxima nostræ ætatis. Franciscus Petrarcha ab hinc annos paulò plures ducentis bibliothecas tamdiu clausas reserauit primus, & puluerem, situmq; è monumentis maximorum authorum exculsit: quo nomine plurimè ei Latinus sermo debet. Non est omnino impurus, sed squallorem sui seculi non valuit prorsum detergere. Ioannes Boccacius eius discipulus nulla ex parte est cum magistro conferendus. Rursum linguarum silentium vsque ad memoriam auorum. In qua Leonardus Brunus ab Aretio satis fuit emendatus, simplex, naturalis, & nonnunquam in historia scribenda nescio quem ex Liuii colorem ducit. Laurentius Valla egregiam præ se fert indolem, & verbis quum puris, tum etiam propriis utitur: quæ ante elegantias scripsit, ut de voluptate, minùs sunt

accurata,

accurata, quàm quæ post eas. Itaque meliora sunt quæ de Græco vertit iam senex, Thucydides, ac Herodotus. In Frâncisci Philelphi verbis planè nihil desyderes: eius tamè lectio est molesta, quòd motu omni, & quasi vita caret: & fortassè is est genius, quem in quoque libro victuro Martialis requirit: Theodorus Gaza plurimùm locupletare potest nostram linguâ vertendis ad nos Græcis. Minus est felix Georgius Trapezuntius, & verbosior, minore etiam verborû delectu. Iouiniani Pontani verba ex Cicerone sunt desumpta, & phrasis tota. Pomponius Lætus exiguæ eruditionis, tota illa eius celebris diligentia circa verba, & historias aliquot; tum saxa eruta, & monimenta diruta consumpta est. Campanus festiuus, & facilis, à rebus est inops. Hermolaus durus, styli genus quoddam affectauit submorsosum ex verustissimis, & nuperrime inuentis vocabulis conflatum, vt Ennium, & Plautum Apuleio, Capellâque videatur miscuisse. Politianus elaboratus, verba eius bonâ, & vni cõmuni apta, officiosis duntaxat: nam grauitatis minus habet, quàm vellem: & dum selectis quasdam vel voculas, vel dicendi formulas, quasi gemmas auct ostentare, longiùs circumducit lectorem, pluribus tum verbis, tum sensis orationem onerans, quàm erat opus. Grauior Ioannes Picus, & satis castigatus, nisi quo loco altercatur cum Theologis. Antonius Sabellicus fuit quidem plenus, sed lutulentus quandoque, similis ei auctori, ex quo res desumit: vt colorè videatur mutare cum solo, per quòd omnino tanquam fluuius decurrit: quod non rarò vsu venit sollicitis de re magis, quàm de verbis. Memoria nostræ sunt Erasmus, Budæus, Melanchthon, Sadoletus, Bembus, Franciscus Picus, Andreas Alciatus, vt alii multi vel iam magni vel aliquando futuri, de quibus quoniam viuunt, nihil dicam: dicent sequentes quum erit iudicare liberiùs.

In Græcis authoribus leget Platonis pleraque omnia, quem Iouis sermonem Græci aiunt sonare, Aristotelis Ethica, & Politica, in quo est admirabilis loquendi proprietas, Plutarchi moralia, & vitas illustrium virorum, Galeni quædam, vt de tuenda valetudine, versione Linacri addita. Fusus est Galenus, & plenus verborum, nempe Asianus, sed bonorum, atque elegantium. Philostratus floridus ac picturatus: dilucidus magis & simplex Libanius. Ex nostris Synesius

elaboratus & translationibus paulò obscurioribus frequēs, Basilii & Gregorius culti, Chrysostomus apertior & redundantior, in præfationibus Iſocrati similis, in elocutione Luciano & Galeno. Et hi quidem pro læ orationis auctores, quis omnibus si Plinium secundum voluerit adiungere, non iam auctor vnus aliquis accesserit, sed bibliotheca integra ac planè iusta, tantis rerum, ac verborum diuitiis. Quis se illo præterito philologum audebit profiteri?

Poetæ.

Poetæ restant, ad quos tanquam antidotum librum adhibebit Plutarchi de poetarum lectione, & alterum Basilii Magni de legendis ethnicis, breuiorem quidem illum, sed pietatis refertum. Ars Aristotelis poetica non multum habet bonæ frugis, tota in obseruatione antiquorum poematum occupata, & in iis subtilitatibus, in quibus molestissimi sunt Græci, quòdque cum bona illorum venia dixerim, inepti quoque. Palæphatus vetus auctor poetarum fabulas ad congruentem quādam historiæ, ac veritatis applicationem traducere est conatus, non omnino si pistre, nisi quod in nonnullis aliàs deficiunt eum coniecturæ, aliàs fallunt. Horatius numerosus, festinus, translationibus, vt Quintilianus inquit, feliciter audax. Quidii de illo testimonium est canere eum Romana lyra culta carmina: heroico carmine est planipes, nec obtinere poterit sonum & maiestatem illius. Catullus duriusculus, vt ait Plinius, & probè sarriendus: non minus etiam Tybullus, ac Propertius dulces, & Ouidius mixtæ facilitatis, quem Seneca seculum suum amatoris non tantum artibus, sed sententiis impleſſe meritò queritur. Manili astronomicon graue est, sed *διδασκαλικόν*, & sine motu, quemadmodum de Arato Quintilianus inquit: etli hic noster assurgit nonnunquam, & ardentius spirat. Syllius Italicus diligens, plus artis, quàm naturæ habet, quod Plinio est visum. Valerium Flaccum, vt Apollonium Rhodium, non video quid atineat legi, quasi nihil sit, in quod tempus consumatur potius: non tam illorum vel carmen vel dictionem improbo, quàm argumenti leuitatem. Iuuenalis multis in locis asper est, ac durus, materiæ suæ conueniens, mollis & suavis Statius. Ex Martiale reicienda obscœna, in reliquo cuiusmodi sit, testimonio Plinii Cæli credamus. Longè est his posterior Ausonius Gallus, ubique argutus, & excitans, nec lectorem sinit dormitare.

re. Claudianus melior, & ingenii ac spiritus planè poetici. Iuuenus, Sedulius, Prosper, Paulinus Iululentæ & perturbatæ sunt aquæ, salubres tamen, vt de quibuldam fluminibus ferunt. Apollinaris minùs in carmine depræhenditur orationis molestia, quàm in prosa: numerus enim illam vel operit, vel sustinet. Ioannes Hantuillensis, qui Architrenium propter materiam inscripsit, non omnino malus, certè melior, quàm pro seculo. Longo interstitio subsequuntur Franciscus Petrarcha, in quo si non tantum fuisset naturæ iuxta & studii, ætas illa orationem eius faciliè contaminasset. Franciscus Philelmus proli-
sor carminum, vt præcoces partus súbinde agnoscas. Elaboratior & dignus magis legi est Iouinianus Pontanus. Politiani musæ plurimum suauitatis habent, multo sale, argutiis, Veneribus conditæ: sed ex eius epigrammatis extirpanda sunt fœda illa gentili nedum Christiano indigna. Marullus obscurior est, & gratia impari. Strosæ duo, pater, ac filius satis exculci. Hieronymus Vidas, & Actius Sannazarius Virgilianæ imitationi tanquam sacratissimis legibus alligati. Acutus Thomas Morus, & plenus aculeis, ac ingenii. Erasmus Horatio similis, qualem se esse voluit. Græci poetæ præter eos de quibus meminimus, sunt Quintius Calaber, qui παρακρίμνην poemati Homericò affuit, vt Augustinus Veginus Aeneidos decimumtertium. Genealogia Deorum Hesiodi ad intelligentiam Poetarum utilis, cætera futilissima. Sophoclis Tragediæ, cuius non leue fuit semper pretium, etsi huic Euripides præfertur. Arati phænomena, quæ M. Cicero & Germanicus Cæsar ad Latinos verterunt. Ioannis Lascaris extant Latini & Græci lusus ex argutiis breuib. & velut punctis subobscuri.

Præcipui interpretum sunt Valerius Probus, cuius per- Inter-
pretes.
pauca supersunt adhuc in Bucolica, & Georgica Vergilii, Aelius Donatus, qui circa consilii explicationem in Terentio & Vergilio est multus: sed in Terentio magis se interpretem Latinorum verborum recordatur esse, etsi in his non raro infeliciter assignandis præsertim differentiis, sicut in consiliis comminiscitur plurima, quæ nunquam scriptoribus in mentem venerant. Seruius Honoratus philologus est, vt faciliè credat quicuis, diligens, sed multa affirmat incòperta. Notas in eum aliquot Philippus Beroaldus composuit, homo non

multò quàm Seruius ipse accuratior. Cæterùm sunt in Seruio cōplura, quæ promptius sit dicere esse falsa, quàm aperta ratione confutare. Acron & Porphyrius Horatii expōitores plerisque recentiorum longè sunt impares, dormitāt crebrò, atque adeò stertunt quoque. Meliores sunt Beroaldus, & Sabellicus in Suetonium. Breuis Sabellicus, alter fusior, sed negligentior, qualis etiam est ad Alūnum Apulei. Mancinellus super Vergili Bucolica & Georgica probè grāmatici fungitur munere. Landinus in eundem poetam nimis philosophatur, ut Petrus Marsus in officia Ciceronis loquacitate penè intolerabilis. Parrhasius ad raptum Proserpinæ Claudiani, & Nicolaus Beraldus ad Politiani rusticū, & Franciscus Syluius ad Gryphum Ausonii multum habent ex philologia bonarum rerū accuratè depromptarum. Asconius Pædianus utinam & integer ad nos peruenisset, & syncerus, potuisset magnopere intelligentiam Ciceronis, linguamq; adiuuare. Sunt enim in Cicerone haud sanè pauca perobicura, & iis tenebris obsita, quæ discuti iam nulla poterunt luce propter ignorantiam actorum illius temporis. Multa in authoribus enucleant Hermolaus Barbarus Plinium ac Melam annotans. Angelus Politianus in Cæturiis, Budæus, Alciatus, Sabellicus, Beroaldus, Aegnatius opere cui titulum fecerunt annotationes authorum. Tum Ludouicus Cælius. Antonius Nebrissenfis in quinquagenis.

Ioannes Pierius Valerianus Vergilium collatis variis codicibus emēdauit, labore profectò ad lectionem præcipui vatis perutili. De Baptista Pio, & Cornelio Vitellio piget loqui. Censeant de præsentibus posteri.

LIBRI TERTII DE TRADENDIS DISCIPLINIS FINIS.

IOAN-

IOANNIS LV-

DOVICI VIVIS

VALENTINI,

De tradendis disciplinis, siue
de Institutione Christiana,~~Liber~~ Quartus.

ACTENVS cognitioni linguarum vacauimus, quæ fores sunt disciplinarum omnium atque artiũ, earum certè, quæ monumentis magnorum ingeniorum sunt proditæ. Itaque ignoratio linguæ cuiusq; velut ostium discipline illius claudit, quæ ea ipsa lingua est compræhensa, & consignata. Sed meminerint homines studiosi, si nihil adiecerint linguis, ad fores tantũ peruenisse eos artium, & ante illas aut certè in vestibulo versari: nec plus esse Latine, & Græcè scire, quàm Gallicè & Hispanè, vñ dempto, qui ex linguis eruditus potest accedere: nec linguas omnes labore illo propter seipsas dignas esse, hoc est, si aliud nihil quærat: quippe propter exteriorẽ utilitatem tantummodo parantur, vt ad ea penetremus, quæ linguis illis includuntur velut thesauris quibusdam pulchra atque admiranda.

Studio sermonis finitima est ratio examinãdi instrumentum veri & falsi per enuntiata simplicia & cõposita: quæ censura veri nuncupatur. Adolescens ab studio linguarum huc traductus facile quæ proponuntur, capiet: neque verò quicquam oberit, quo minus ante finem peritiæ sermonis censuram hanc auspicetur: vt pariter & illud consummet studiũ, & in hoc decurrat. In hac siue arte, siue artiũ ferramento atq; organo primũ ea vocabula explicabuntur, quæ huius tractationis sunt propria. Hinc de simplicibus effatis, tum de compositis, postremo loco de argumentationum formulis: eaq;

De dialectica.

κρίτικη. dialectica **κρίτικη** nominatur, id est, de iudicio argumentationis. Ad hanc libelli quidam extant hominum recentiorum non omnino inutiles, ut Georgii Trapezuntii, Georgii Valæ, Philippi Melanchthonis: ii poterunt enarrari principio. Tum Aristotelis **τῆς κριτικῆς**, omiſſa diſputatione futurorum contingentium, quæ & per ſe intricatiſſima eſt, & altioris contemplationis. Libri priorum multa eiufdem generis continent, & obſcura, & mea quidem ſententia parum neceſſaria: deſumat illhinc inſtitutor, quæ videbuntur ingeniis ſuorum, & arti quam tradit, conuenire. Exercitatio erit in his non rixoſa: nam talis eſt hæc ipſa ars ſuoſpte ingenio. Quod ſi rixis addantur rixæ, quid aliud fuerit quam oleum incendio aſpergi? ut aiunt. Erit conſultius, ut conferant ſua ſtudia per interrogationes, quam per argumentorum conſlictum, neque enim habebunt adhuc de quo argumententur. Parabuntur iam nunc diſputationibus aliarum artium, propoſitis theſibus, ut ex regulis obſervationis huius conſciſcant nihil repugnans admittere, nihil conſentiens reiſicere: quam exercitacionem obligationes noſtri vocant, quæ neque ars ſunt vlla, neque pars artis, ſed tantum præceptorum executio, & applicatio ad opus. In his duo ſunt ſolum vitanda, quæ modò attingi, non recipere pugnans poſitis, non reſpondere cõgruens poſito. Socraticæ interrogatiunculæ non modò per inductionem, ſed eliciendo paulatim, velut actis cuniculis aduerſarii ſenſu, diuiſionibus ac diffinitionibus, vehementer ſunt ad multa conducibiles, ad verum exprimendum, ad exacuendum ingenium, & ad reuincendum eum, qui contrà tendit.

Obligatio.

Leget ipſe per ſe adoleſcens tacito ſtudio Boethium, Capellam, Apuleium, Auguſtinum: etſi hi Græciſſant. Politianus ſcolulos quosdam decerpit ad oſtentionem, quam vnã ferè venatur: utilis eſt tamen ſuppeditare quædam artis vocabula. Cognoscat vniuerſam Ariſtotelis Dialecticam attentus. Ariſtotelis quidem libri multò aliter diſtinguuntur, citantur à veteribus Tullio Cicerone, Laertio Diogene, Seruio Honorato & aliis, quam à iunioribus: ſed nos, quibus priſca illa ſunt ignorata, acquieſcemus iis, quæ accepiſmus. Græci in Ariſtotelem interpretes Pſellus, Mangenetus, Ammonius obruunt lectorem verbis inanibus, qui propè eſt moros enarratorum illius gentis. Iacobus Faber tum in Ariſtotelem ſcripſit, tum Dialecticã ipſe cõpoſuit: multaq; ex receptis

De libris
Aristote-
lis.

piis suo suo opinionibus tanquam ex cœno trahit.

Sequitur rerum naturæ cognitio, eam facilius adolescens Cognitio
quàm res prudētiæ intelliget: quippe naturalia sensu & acu- rerum na
mine assequitur, res autem prudentiæ vſu vitæ, & multarū turæ.
rerum peritia, ac memoria. Quæ de natura exculplimus vel
sensibus sunt parva, vel phantasia, quibus iudicium mentis
acceſſit rector sensuum: quocirca pauca & malignè sumus
conſecuti propter eas tenebras, quæ denſiſſimè animos hu-
manos obſident, ac premunt: quocirca veriliſſimilia conſecta-
mur magis, quàm aſſequimur, quæ pro cōperto habeamus
vera. Sunt quidam duri adeò, ac difficiles, vt in omnibus ra-
tionem exigant vel ſenſibus expoſitam, vel menti inuincibi-
lem: vt Ariſtoteles, & C. Plinius: hi ſunt alienis inuentis in-
creduli, & in rebus piis impii: quum ipſi aliis tantopere in-
exorabiles in iis tamen quæ probant, læpe rationi aſſentian-
tur leui, atque infirmæ: vel vnica authoritati eius, cui ſunt
adiurati. Idcirco ab ſtudio hoc ſummouēdi ſuſpicaces, quiq;
omnia vertunt in deterius. Nec quicquam diſciplinæ huius
tradendum parum firmis in ſancta perſuaſione, niſi etiam
addantur exactæ cauſæ primæ philoſophiæ, quæ ad diuini-
tatis cognitionem pertingunt. In naturæ contemplatione
ac ventilatione primum ſit præceptum, vt quandoquidem
ſcientiam ex his parare nullam poſſumus, ne nimium indul-
geamus nobis iis ſcrutandis, & exquirendis, ad quæ non
quimus peruenire: ſed ſtudia noſtra omnia ad vitæ neceſſita-
tes, ad vſum aliquem corporis aut animi, ad cultum & incre-
menta pietatis conſeramus: ſiquidem intenta & accurata di-
ligentia nihil aſſequimur aliud, quàm, vt Solomon ſapienter
dicit, afflictionem. Nec vacat ſic occupato diſtriſctoque
cogitare de Deo: quod ſi tētet facere, illico obuertiſatur ei an-
te oculos ea ſcrutatio, in qua eſt totus. Quare contempla-
tio rerum naturæ niſi artibus vitæ ſeruiat, aut ex notitia
operum ſuſtollat nos in authoris notitiam, admirationem,
amorem ſuperflua eſt, ac plerunque noxia. Quapropter il-
la abiicienda ſunt penitus, quæ ad curioſitatem quandam ſo-
lū pertinent, ne illis diſtensus animus meliora ſcrutari
poſtmittat, & quæ ſcire muneris eſt veri ac germani philo-
ſophi. Magis ſunt illa ſpernenda, quæ ad inanem oſtenta-
tionem conſicta nihil in ſe continent ſolidi, & profuturi: de
quo genere ſunt Suicetica, quæ detinent, abducuntq; à cura

meliorum: quòdque est grauius, reddunt eis ineptos. Neque enim est philosophus qui de instantibus & de motu enormi aut conformi nugatur subtiliter, sed qui generationes & naturas nouit plantarum atque animantium, qui causas cur quicque fiat, & quomodo. Nec attingenda Arabica indocta, insulsa, impia. Sed nec veterum Græcorum, Latinorumve quamlibet doctorum hominū rimandæ opiniones omnes, ac placita. Nam quorū attinet scire, non defuisse, qui niuem atram esse contenderent, ignem frigidum? Scire quidem fortasse nihil interdum obesset, occupari autem dum id vel propugnas, vel labefactas, id verò est nimis liberaliter abuti tempore. Itaque & in Aristotele molestas illas disputationes seu rixas veriùs contra antiquos philosophos prætereundas censeo. Adde quòd nec Aristoteles vbique narrat fideliter, nam inuertit illorum vel sensa vel verba, nec satis validè confutat, & ex suis ipsius principiis illos refellit: denique non tanti est illa nosse. In omni philosophia quæ est de natura illud prædicetur iuueni ea illud modò auditurum, quæ imaginem habeant veri, quantum quidem ingenio, iudicio, vlt, & diligentia potuerunt assequi, quibus curæ fuit illa indagare: nam quod nos verum esse pro certo possumus confirmare, rarum est. Initio exhibenda sunt facillima: id est, sensibus ipsis peruia. Hi sunt enim ad cognitionem omnem aditus. Ideo primum inter hæc obtinebit locum expositio quædam, & velut naturæ totius pictura, cælorum, elementorum, & earum rerum, quæ sunt in cælis, quæque in elementis, igne, aëre, aqua, terra: vt non aliter summa quadam sit comprehensa delineatio atque orbis vniuersi descriptio in tabula. Aristoteles eam ad rem libellum conscripsit de mundo, siue ille est eius author, siue alius quispiam. Phrasis quidem iucundior est, quàm pro Aristotelica seueritate: tum perspicua magis, quàm solitus est Aristoteles de natura disputare: sed illi opusculum hoc asserunt Iustinus martyr, & Ioannes Picus: certè ex Peripatetica schola prodiit. Apuleius illud pro suo vertit, & inscripsit cosmographiam: quædam sunt tamen fusiùs ac accuratiùs explananda: vt de cælis enarrabitur ei sphaera Ioannis Sacribuschi, tum Theorica planetarum Georgii Purbachii, Liber etiam Plinii secundus. De geographia verò, & hydrographia Pomponius Mela, &

libri

Descri-
ptio na-
turæ.

libri quatuor Plinii vsque ad septimum. Nihil est hic opus disputationibus, sed contemplatione naturæ tacita. Quarent interim, & rogabunt veriùs, quàm altercabuntur, aut disputabunt. Sunt nonnulli haud satis altiori causarum inquisitioni idonei, qui ingenio sint præditi tardo, & velut capite demisso, quod vel non assurgat, vel in splendorem intueri non sustineat, vt oculi lusciosi, vtique vel non liceat, aut non sit per vitæ rationes integrum: his est hoc sistendum loco. Tum extra auditorium leget ipse per se Arati phænomena, & Iulii Higini cælestem historiam. Manilii astronomicon multa habet de Chaldaica superstitione ac vanitate inspersa: ad eundem tamen non sine iudicio & duce, qui quæ deuitanda sint, submoneat. Strabonem item euoluet descriptorem orbis, & scriptorem rerum gestarum: contemplabitur Prolemæi picturas, si quas nactus sit bene emendatas. Addet quæ nostrorum nauigationibus in confinio sunt Orientis & Occidentis reperta. Aristotelis item volumina de animalibus, & discipuli eius Theophrasti de stirpibus, & Dioscoridis de herbis, cum annotationibus Marcelli Vergilii, qui transtulit, & Corollariis Hermolai Barbari: tum ad rusticas res M. Catonem, Varronem Terentium, Iunium Columellam, Palladium, non iam ad verba, vt antea, sed ad res intuendas. Petrus Criscentianus stylo & verbis malè cultus, non malè agrum & villam colit. Pisces utcunque describit Oppianus Dioscoridis popularis. Hanc naturæ partem vehementer ignoramus, quod & in ædendis piscibus incredibile dictu quantum sibi natura indulserit, & in nominandis consuetudo: vt in maris regionibus, atque oris diuersis diuersi sint ac perquam dissimiles, etiam qui eiusdem sunt generis atq; speciei, variæ sint in variis plagis figuræ ac formæ: nec solum in eis appellandis linguæ inter se dissentiunt, sed vrbes & oppida, atque adeò vici eiusdem linguæ. De gemmis, metallis, & pigmentis Plinius scripsit, qui ea ipsa omnia est cõplexus, quæ modò recensui: quod & Iulius Solinus fecit Plinii simiolus, vel veriùs suppletor. Nec minùs cõtēplationē hanc iuuare Raphael Volateranus potest tertia suorum commentariorū parte quam philologiam inscripsit, author magnam sanè diligentię laudem meritis. Hæc quidem ei qui hac in parte studiorū volent permanere legenda sunt hoc loco, & perscrutanda diligen-

ter: ei verò qui porrò pergīt ad sequentia, post causas naturæ exteriores perquirit in hoc erit velut amœno diuersorio cōquiescendum. Studio sum spectationis huius velle dulum ac diligentem requirimus, ita minimè pertinacem, arrogantem, contentiosum. Nihil hīc iam opus est altercationibus & rixis, sed aspectu quodam. Itaque contemplabitur rerum naturam in cælo & nubilo & sereno, in agris, in montibus, in syluis: tum ex iis quæret, ac sciscitabitur multa, quæ in locis illis sunt frequētes: quod genus sunt hortulani, agricolæ, pastores, venatores: quod Plinius & alii harum rerum magni authores indubiè fecerunt: neque enim vnus aliquis potest omnia hæc adeò tum multa, tum varia intuendo obire. Ipse etiam siue cōtempletur quid, siue narrātem audiat, nō oculos modò intētos habeat vel aures, sed animū quoque: magna enim & accurata animaduersione est opus in omni natura contuenda, obseruatione hac temporum, & ingenii ac virum cuiusque rei. Magnam hi adferent vtilitatem agro colendo, percipiendis & cōdendis frugibus, esculentis, & poculentis, medilis ac fomentis in affecta valetudine. Erit senum locupletum ingens delectatio, tum refectio animorum iis, qui vel priuata negotia, vel rem publicam gerunt. Quando non facilè alia reperietur voluptas sensuum, quæ comparari huic vel magnitudine vel diuturnitate valeat: quippe quæ sciendi desiderium exhilarat, quod in omni humana mente ardētissimum est. Quocirca dum cōtemplationi huic datur opera, non est aliunde recreatio petenda, nec cibo huic condimentum: deambulatio ipsa, atque otiosa illa cōtemplatio & schola est & magister: vt quæ aliquid semper quod cum admiratione speculeris ostendit, vnde eruditio increseat. Sed reuertamur ad scholam & doctorem.

De prima
philosophia.

Qui pergēt vltērius discere, iis post descriptionem illam rerum breuem ac facilem, artificium naturæ occultum declarabitur, quæ est prima philosophia, scrutatio videlicet & concretionis corporum, & actionum omnium, quæ ex intimis rei cuiusque naturaliter oriuntur, vnde ad ipsas causas exteriores egredimur, tanquam opera intimarum, & ad Deum vsque conscendimus, parentem, causamque vniuersorum, si modò recta insistamus via. Nam inuisibilia Dei, per ea quæ facta sunt, oculis mentis sese offerūt, sempiterna quoque illius virtus & maiestas. Quod si oblique incedamus,

mus,

mus, errabimus tota via in diuersum. Quapropter philosophia hæc non temere, nec quomodocunque est tractanda, in qua tam grande paratum est periculum errori. Itaque non est natura ad gentilitiam lucernam scrutanda obscuræ lucis malignæque, sed ad faciem hanc solarem, quam Christus mundi tenebris inuexit: eam ad rem nos tentauimus opus scribere, ne haberemus gentilia conspectari tanto detrimento religionis, aut certè discrimine. Adde quòd si non exactiùs, apertiùs certè sunt omnia à nobis prodita. Nam Aristotelis prima philosophia, quæ *μὲν τὰ φυσικὰ* dicuntur, & libri de auditu physico octo: quæ ad idem argumentum pertinent, euoluenda sunt hoc loco: multum enim tum eruditionis habent, ut illius omnia, tum ingenii, sed obscuritatis quoque plurimum: quin illæ Aristotelicæ subtilitates, atque adeò nō rarò quoque prætenues minutæ, frangunt ingenii aciem, ac retundunt. Præbuit etiam nonnullis ansam, ut quæ nusquā essent inquirerent, & ex diligentia, atque attentione quærendi immodica, aliquid se inuenisse crederent, & videre sibi viderentur, quæ non viderent, ac ne essent quidem: non aliter quàm qui ludo ac sereno cælo, de medio die quærunt astra, ex hallucinatione putant se aliqua cernere. Octo libri physicorum prælegentur inueni, & quidem cum cura, siue si ab Aristotele ipso sunt præscripti, siue, ut quidam putant, dicente illo excepti, à Nicomacho autem filio qui Theophrastum audiuit, collecti, & æditi: idèoque *τῶν φυσικῶν ἀποφωτισμός* inscripti. Nec minùs tradentur accuratè sex prima volumina primæ philosophiæ: nam reliquos seu duodecim sunt, siue ut nonnullis placet, quatuordecim, ipse per se legit, selectis sententiis ac dogmatibus memoria dignis, reliqua difficultatis sunt ut ingentis, ita etiā sterilis: quæ tamen diligentius ac penitus magister scrutabitur, ut aliqua illhinc & sibi, & auditoribus utilia eruat. In quinto libro categoriæ explicantur. Adiungendum opus Porphyrii de quinque uerbis ex Aristotele decerptum, tum diffiniendi ac diuidendi ratio Boethi, quæ est essentiarum explicatio. Libellus circumfertur Speusippi de diffinitionibus Platonis, unde ad omnia diffinitionum genera licebit exempla petere.

In hac tanta inuestigatione magistrum volumus diligenter, moderatum, minimè arrogantem, aut in statuendo præcipitem: nec aliter cunctabundum atque sustinen-

Qualis
magister.

stinentem sese, quàm qui se in tenebris, & per lubricum intelligit vadere. Desiderat disciplina hæc auditorem ingenis attollētis se, ac erigentis supra sensus ad causas rerum ac primordia, ad collectionē vniuersalis ex singulis: In quibus generalibus est doctrina, sicut in singularibus delectatio: illud enim est mentis, hoc sensus. Ideoque magis delectat Plinius, Aristoteles magis docet. Alienum est ab instituto hoc ingenium nugax, ineptè coniectans, item contentiosum, vt rationem ad omnia euidētem atque inuincibilem efflagitet quæ non potest vbique exhiberi par, sed conuenit vnumquemque contentum esse ea veritilitudine, qua humanum ingenium integrum, hoc est, non affectione ac partibus imbutum, non contentionis, sed veritatis auidum, facile acquiescat. Institutor & hæc & omnem de natura commendationem ad mores excolendos referat, vt animos ad virtutem fingat, pietatis respectum, & curam instillet pectoribus: quarum rerum magnam occasionem, & vberimam copiā naturæ contemplatio omnis præbebit. Sic videntur voluisse sua tradere Seneca, & Plurarchus, interim etiam Plinius Secundus. In præceptis primæ philosophiæ ambages sunt quædam obæundæ, progrediendum aliquo vsque, inde eodem reuertendum, vnde veneras: ab a ad b, rursum à b ad a: propterea quòd in hisce rebus indagandis non ducimus mentem nostram via rerum, sed via sensuum, quæ hos habet meandros. Itaque elaborandum semper, vt priora sint simpliciora, & magis rudia, id est, sensui magis exposita, & cognita. Ea verò expolientur paulatim, & ad censuram mentis venietur, postquam sensu vsus fueris, quantum oportet.

Vocabula in philosophia prima.

Vocabula non sunt in natura satis apta, quandoquidem populus à quo manat sermonis copia, rerum essentiam, naturam, vim non capit, vnde vera & maximè propria appellationum ratio deberet proficisci: sed tamen à vulgi consuetudine recedere nos in totum non conuenit, aut certè si quid exactius tentamus eloqui, receptus est vsus declarandus, ne alios fallamus.

Disputationes.

Disputationes hic & studiorum quieta collatio potius, quàm altercatio, non iam ad victoriam pertinebunt & gloriam, quod permittebatur pueris, sed ad verum intuemdum, quod est pretium operæ amplissimum: vt sit quædam quasi militia ad eam asserendam: ergo asserta, continuo sunt ponenda

nenda arma, & vbi illa procul emicuerit, hastæ sunt imperatrici summittendæ. Noli contra verum ingeniosus, aut doctus existimari, non tu illi tenebras offundes, sed luscioso ac infirmo humano ingenio sæpe alieno, sæpe etiam tuo ipsius non veritatis vitio, sed nostro. Itaque rectam semper viam in his tenete quantum quisque iudicio integro assequetur quæ vobis sic incedentibus transuersa sese obtulerint, id est, quæ dubia ex ipsa re nascentur, dissoluite: nolite autem latam & regiam viam egredi, ac in deuīs tramitibus impedimenta, atque offendicula quærere, quæ in media via oppositis, hoc est, aciem mentis per totam naturam peregrinatum mittere, vt vndecunque conuertat, quo veritatis lucem & vobis, & aliis obstruatis. Seuocet quandoque philosophus seipsum à condiscipulorum colloquiis, vt solus ipse, ac quietus, quæ audierit, quæque legerit, recognoscat, & contempletur, clariùs tum videbit singula, & iudicabit acriùs: plurimum ea res tum intelligentiæ, tum iudicio confert. Chrysippus Stoicus solitus erat dicere: Si inter plurimos me exercerem, nunquàm philosopharer.

Exercitationes corporis aliquanto robustiores conceden- Exercita-
tiones.
tur, nempe robustioribus iam & magis confirmatis, deambulationes intentiores, aut longiores, cursus, saltus, iactus, lucta, modò scholasticè, non militariter, nempe ad reparationem virium, vt valetudo sit in iuuenili corpore firmior, & ipsi alacriores, ne ingenium gravitate valetudinis opprimatur. Eget etiam disciplina hæc crebris animorum refectionibus, quæ subtilitate, ac difficultate sui vehementer ingenia defatigat: sed eiusmodi recreationes præter eas, quæ de corporum relaxationibus obueniunt: ex superioribus repetuntur studiis, lectione poetarum, cosmographorum, historicorum siue naturæ, siue rerum gestarum.

Post expositam naturæ picturam, & intimum eius artificium, tum essentias rerum: studium sequetur instrumenti probabilitatis, seu de ratione inueniendi argumenta, con- De ratiõe
inuenien-
di argu-
menta.
tinuò mox de ratione dicendi. Sic enim optimè hæc intelligentur, nec antea possent propter inscitiam earum rerum, quæ in eiusmodi observationibus tractari est necesse, quæ quum ex aliis artibus, tum ex medio vitæ usu depromuntur. Sed neque debent diutius differri, quoniam alia maxima & perfectissima studia hisce instrumentis adiuvantur.

Arg

Argumentorum inuentio pars est dialecticæ vna ex duabus, altera est enim, quam supra de iudicio posuimus, seu veri cœsura. Separauimus tamen tradendi loco quoniam sic interest discipulorum. Vtraque ars & dialectica & rhetorica rixosa ex se est, ad contentionem ac peruicaciam procliuius, ideo rixoso & contentioso ingenio neganda, item suspicaci in peius: omnia enim illuc detorquebit. Affert etiam vtraque ars malitiæ plurimum, idcirco nec malitiosum ingenium, & ad fraudem faciendam paratum instrui illis conueniet. Sed nec malo viro tradendæ nempe seditioso, venali, iracundo, vitionis auido: fierent huic gladius in manu furentis, sicut est in prouerbio. Quinetiam cuicumque credentur, modicè sunt & exiguo tempore degustandæ potiùs, quàm ebibendæ: reddunt enim spinosos, rixosos, fraudulentos, Nam quod dicunt vitio id euenire malè vrentium, sit sanè ita, sed multi oblata occasione in vitium labuntur.

Præceptor
qualis.

Facundissimū hic præceptorem requirimus, & quod magis exigitur, acuto ingenio, iudicio integro, & sano, versatum in omni genere disciplinarum atque eruditionis, quiq; vitiorum animaduersor sit subtilis, & acer. Quod Cicero ni vehementer profuisse testatur ipse idem in Bruto, quum ait se Miloni Rhodio operam dedisse, homini in notandis, animaduertendisq; vitiis, & in instituendo, docendoque prudentissimo. Nihil est scilicet perinde difficile, vti orationis lapsus, & flagitia animaduertere primū, hinc velut indicare digito, tum exprimere, postremò corrigere. Deest interrim aliquid, & te desiderare intelligis. nec promptum sit tamen explicare, quid illud sit: vt de L. Gellio, & aliis quibusdam oratoribus Cicero scribit. Ad inuestigationem probabilitatis enarrabit doctus Ciceronis topica, additis commentariis Boethi, aut quod malim, Rodolphi Agricolæ dialecticam, voluminibus tribus facundissimè, & ingeniosissimè expositam. Ciceronem verò, & Boethum discipulus per se non semel leget, cui M. Tullio totam penè artem hanc debemus quæ ab Aristotele quidem reperta, rudis adhuc est ostensa, nec vrentibus satis habilis. Leget item per se Quintiliani librum quintum, necnon Ciceronis duo de inuentione volumina, quod opus excidisse: sibi dicit iuueni: adiunget Victorini cōmētarios. Aristotelis octo libros topicos attēte, vt omnia illius philosophi, iterū atq; iterū euoluet, nō tā

ad exp

ad expoliendum, aptandūque instrumentum hoc credibilium, quā vť sententias, & pręcepta variarum rerum, quę in opus illud sunt cōgesta, annotet, & ad manum habeat, vbi res poscet. Magister velut diligens apicula per omnia disciplinarum viridaria circumuolitans vndique decerpet discipulo suo, & colliget obseruationis huius exempla: sed in rebus vitę magnam copiam oratores suggerent, & poetę tragici, qui sunt omnis generis argumentis referatissimi.

Tractatio erit primum, vt ea quę audierunt, magistro **Exercita-** repositente, reddant: additis vel eisdem, vel nonnunquam alio. liis pro ipsorum captu exemplis. Hinc examinatio quemadmodum magni & pręstantes ingenio viri credibilia sua inuenerunt, quis sit horum locorum in illis vsus, & quā cōueniens. Tum propositis simplicibus rebus, quę in illis sit argumentorum in omnem partem materia, & quasi sarrago per sedes rationum: vt homine signato, aut philosopho, aut principe, aut republica, idem in comparatione fiet duorum, aut plurium: vt si quis philosophum & sutores conferat inter se. Hęc vbi diligenter trita erunt, & percognita, sumpto iusto, & quasi legitimo themate, ad partem vtrāque excogitabuntur argumenta, quorum momenta vel separatim expendentur, vel ex collatione.

Huic dicendi succedit ratio, quam à bonis, & sapientibus viris repudiari, aut negligi minimē conuenit: quandoquidē efficacissima est, ac potentissima, & in omnes vitę partes necessaria. Nam in homine ius, ac imperium summum est penes voluntatem, ratio & iudicium velut consultores sunt illi attributi, affectus autem vt faces. Atqui & affectus animi sermonis scintillis accenduntur, & ratio incitatur, ac mouetur: quo fit, vt sermo in toto hominis regno ingentes vires obtineat, ac subinde ostendat. Nec immeritō Euripides *τυραννικῆτι* vocat facundiā: & per sermonem amplissimas opes, potentiam, regnum quoq; affecutos esse nonnullos cōstat: vt Pisistratum, & Periclem. At dicunt: Prolapsi sunt mores in deterius, idcirco non sunt hominibus ea committenda, quibus in perniciem aliorum vterentur. Equidē quibus ingeniis credendam esse facultatē hęc censerem, paulō antea exposui, & quantum mihi de ea sumendū videretur. Sed certē quō sunt corruptiores animi hominum, eō ars hęc accuratius

Dicēdi ratio non spernēda.

rius deberet à prudentibus & probis viris suscipi, quæ in animos nostros dominatur tantopere, ut illos à flagitiis & sceleribus ad curam aliquam virtutis traducerent. Necessitas vel ex eo ostenditur, quòd nulla omnino vitæ ratio atq; actio carere potest sermone, publica, priuata, domi, foris, cum amico, cum inimico, cum hoste, cum maiore, cum minore, cum pari. Is est maximorum, & bonorum, & malorum causa. Quantum ergo est uti sermone decenti, & consentaneo personis, rebus, locis, temporibus, ne quid exeat peruerse, pueriliter, indecore? Neque enim aliò est tota hæc tractatio conuertenda, non ad inane verborum studium, ut ea compta sint, atque splendida, ut concinna, suauique structura coagmentata: sed neque dicamus putidè, ineptè, ac ut minimè dici conueniat: ut appareat artem hanc potissimam esse prudentiæ portionem.

Quomodo tradenda rhetorica.

Quapropter sic meo quidem iudicio tradetur, ut primùm omnium qui sit orationis finis procul spectemus: tum ad ea perueniendum quæ instrumenta: quæ via. Exempli gratia. Finis est docere, persuadere, mouere. Instrumenta sunt verba simplicia, composita, & eorum sensa, quæ omnia per singulas ipsorum qualitates aperienda sunt, & examinanda. Tum quemadmodum operi applicanda sint instrumenta videbimus: id est, quæ, cui fini, & quemadmodum. Hinc speciatim de docendo, & eius partibus, de persuadendo, de mouendo, & eorum formis. Habebitur ratio dicentis, audiētis, loci, temporis, negotii. Iam quæ instrumenta quibus rebus sunt apta, ad hunc finem, hoc loco, hoc tempore, hoc dicente, hoc audiente. De quibus nisi ego fallor, perturbatè, confusèque est olim à maioribus nostris præceptum, minimèq; ad vsum congruenter. Possunt tamen à sedulo institutore multa ex illis colligi, nempe ex Ciceronis libris Rhetoricis, Quintilianī institutionibus oratoriis, ex Hermogene, libro potissimum quinto, qui est de dictionū formis, & Hermogenis penè interprete Georgio Trapezuntio. De formis item multa præcipit Demetrius Phaleræus in libr. περὶ ῥημνέως, & Aristides περὶ πολιτικῆς λέξεως. Nam est eiisdē ars Rhetorica de sermone simplici, ut Apſinis Cadaræi. Dionysius Halicarnassæus præcepta quædam aggressus est tradere de orationum, siue argumentorum generibus, ut de panegyricis, epithalamiis, epitaphiis, & eiusmodi. Tum Latinos sumet in manus, Martiani

tiani Capellæ librū quintum, Rutilii Lupi de figuris, quod opus ē Gorgia vertisse ferunt non Leontino illo, sed alio quodam. Iulius Ruffinianus, & Rhomanus Aquila de eodē argumento libros reliquerunt posteris. Sulpitius Victor præcepta quædam artis conscripfit. Ex his omnibus decerpit tanquam flosculos, vel vnde ipse fasciculum, quem iuuenibus suis exhibeat, concinnet, vel quos sparsim tradat, dum aliquos artis huius præceptores enarrat. Enarrabit verò si quos velit, primū facile aliquod ac breue artis compendium, quale est Martiani Capellæ, aut Philippi Melanchthonis, vel quatuor Rhetoricorum libros ad Herennium: quos qui Ciceroni assignarunt, equidem quid secuti sint, haud video: ex Quintiliano videtur posse colligi à Cornificio esse compositos. Tum Quintiliani libros quinque, nempe tertium, quartum, octauum, nonum, decimum. Oratorem Ciceronis, & Aristotelis Rhetorica ad Theodecten, opus magni quidem ingenii, ac artis, quod in hoc authore est perpetuum, sed ingentis quoque vtilitatis ad sensum, & prudentiam vitæ communis. Leget ipse iuuenis privato suo studio Quintiliani reliquum, Ciceronis partitiones ad filium, de oratore, & Brutum, Aristotelis vel cuiuscunque alterius ad Alexandrum Rhetorica, Georgium Trapezuntium. Cæterum quando nō habemus iam populum vel Latine loquentem, vel Græcè, operosum esset noua in elocutione illarum linguarū præcepta excogitare: vetera sufficient, additis nonnullis ex natura ipsa catholicis, quæ in omnes linguas possint competere. Adiungetur ratio linguarum, quo pacto inuentæ, adultæ, perditæ, quemadmodum cuiusque censeatur vis, natura, copia, elegantia, grauitas, cultus, & aliæ sermonis qualitates. Præceptis rhetoricæ non nimium adhaerendum esse Ciceroni placet, vel ob hoc vnum, quod nullus ferè artis magister ipse eloquens fuerit: quod mihi de instrumento omni dicendum videtur, in quo adornando non perinde elegantia requirenda est, & accurata compositio, quàm vt apte vsui deferuiat. Sed neque exercitationes in arte dicendi diligentes admodum & crebras probarim: ne anceps instrumentum lædendi voluntatem titillet. occasione oblata: tum procliuatatem ad fraudem & malitiam pariat: tametsi initio frequentiores esse velim, quàm quum de vario, & multiplici argumento dicent. Primū faciliora quæ-

Rhetorica ad Herennium.

De ratione linguarum.

dam, & simpliciora, versabunt, quæ styli nec *ἀνέμοις*, nec compositionem magnopere desiderant. Fabellis, historiis, dilatione contractæ rationis, contractione dilatæ ac suffræ: quæ sunt in scriptoribus percerebra. Tum in aliis docendi ac delectandi formis. Hinc in iis quæ controuersiam, & quæstionem, & aduersarium habent. Nouissimè in motu & concitatione affectionum animi. In quæstionibus primo loco tractabuntur eæ, quæ sunt absque negotio indefinitæ, de locis communibus & sententiis (quemadmodum Seneca inquit) translatitiis, quæ nihil habent cum ipsa controuersia implicitum, sed satis aptè, & ei applicantur, & aliò transferuntur, tanquàm quæ de fortuna, de crudelitate, de seculo dicuntur: quod genus sententias Portius Latro supellectilem vocabat. Fuere olim qui in vsum hunc communes locos conscripserint, vt Q. Hortensius, Protagoras, Prodicus, Trasymachus Chalcedonius: multis exemplis exercèdi sunt iuuenes, in suis, & alienis, vt sua explicent, aliena intelligant. Sequentur deinde quæstiones cum circumstantiis, quæ definitæ nuncupantur.

Contra
veritatem
nō dicen-
dum, nec
pro mate-
ria infami.

Nunquàm contra veritatem assuescent dicere, nec pro ea materia, quam rhetores infamem nominant: vt contra Socratem pro Bussyride, pro voluptate, cōtra æquum, & pium, ne si id quandoque ioco fecerint, faciant aliquando serio, quum praua animi libido illhuc rapiet. Stet tanquàm in acie facundia omnis pro bono, & pio, contra flagitium, & nefas. Verba, quibus nullus subest sensus, cassà prorsum res sunt, & vana quadā specie turgida. Imprudentes seneculos de ridemus: atque aspernamur. Prudentia semota probitate malitia est, & perniciofa fraus. Itaq; vera & germana rhetorica disertata est sapientia, quæ à iusto & pio separari nullo pacto potest. Neq; verò imitanda sunt nobis, quæ fuerūt gentilitati recepta, maledicere, conuictiari, prauissimas suspiciones iniicere, recta inuertere, ex bona causā malam facere, ex mala bonam. Satiùs est causæ detrimentum pati, quàm virtutis. Nec in profanis solum, sed nec in vilo penitus quamlibet sancto, & inculpato viro imitabimur, quæ per se sunt mala. Iudiciali genere nihil omnino indigemus, in quo multum inesse malitiæ vel Aristoteles est author, præterquam quòd res ipsa id satis loquitur. Litigare non satis decet Christianum, quantominus ea versutia, imposturis, insidiis, fraude

quæ

quæ in illis actionibus imprudentibus, atque etiam inuitis
surrepunt. Nam quod Quintilianus ait, quid si impetrari
aliter æquum, atque obtineri non possit? Quid si togam,
nisi ferro, aut veneno, recuperare non possis, vtrum fuerit
consultius, carere toga, an sic recipere? Vitam sit satius per-
dere, nedum togam, quàm sic conseruare.

Declament iuuenes apud magistros de iis argumentis, Decla-
matio.
quorum aliquis sit deinceps vsus in vita: nō quemadmodum
prisco illo seculo de iis rebus dicebant in schola, quæ nun-
quàm in vita cōtingerent, de quo meritò Quintilianus con-
queritur. Ad meditandas scribendâsq; orationes in quietum
locum secedant, vnde vox nulla, nullus strepitus exaudiri
queat, tum etiam subobscurū, ne quid oculos vel aures per-
cutiens, animi cogitatus interpellet: quod Demosthenem fa-
cere consueſſe perhibent. Legent ipsi declamationes & sua-
sorias, quas ex oratoribus sui tēporis Seneca collegit, men-
dosas quidem illas, & truncas, nam desunt Græca non pau-
ca, & Latina sunt deprauatissima, sed erunt nonnunquam
adiumento dicentibus: nam plurima in illis sunt & inuenta
subtiliter, acutēque, & lepidē ac venustē expressa: multæque
verborum ac sententiarum conformationes, & quasi lumi-
na. Sopatris sophistæ *διὰ πρὸς τὴν μακρότητα* extant prolixæ
admodum, eas institutor ipse scrutabitur, & ad scholā, quæ
illhinc videbuntur, deferet.

Pronuntiationis habenda ratio, nec in postremis: quam Pronun-
tatio.
in dicendo pollere plurimū Demosthenes sensit. Ideo iuue-
nes dicturi cōseruent vocē diata, & exercitatione, sed natu-
ralem vocem, non simulatā, & fictam, vt phonaſco sit opus.
Singulis hebdomadibus declamationē vnā apud cunctū Corre-
ctio de-
clama-
tionis.
auditorium institutor corriget: considerabit primū, qua
de re dicatur: hinc quis, quo tempore, ad quos fingatur dice-
rentum examinabit verba simplicia, & coniuncta, sentēti-
as, argumenta, ordinē: vniuscuiusq; horum omniū per se qua-
litate, hinc quā cōmodē rei de qua dicitur, congruāt illo
tempore, & loco, & auditore, & dicente, qui ponūtur: nec at-
tendet adeò, vt omnia sint exacta, vt argumēta valida, & in-
uincibilia, quā ne inepta: quoniā quidem nihil est in arte
hac indecoro turpius, nec immeritò dicitur caput esse, decere
quod facias. Videtis quo ingenio, quo vsu, quāta prudentia,
& attentione ad corrigēdum sit opus: quare difficillimū hoc

est magistri munus, sed & ipsi tantum & scholæ longè fructuosissimum. Nam ex correctione vna plus eruditionis & iudicii refert auditor, quàm ex prælectionibus atque enarrationibus permixtus. Ergo eam ad rem & frequentes, & interitis animis inter sint, nec sine pugillaribus, ut capita, & summas rerum excipiant, quas actutum in cubiculis suis diffusius exponant, literisque & memoriæ imprimant, ac insculpant, ut monstratum semel periculum in perpetuum vitetur. Sciântq; iuvenes propter copiam & varietatem malorum, quibus vndique, & iubinde intestamur, maioris esse iudicii ac operæ de vitare mala, quàm tenere bona. Verûenimvero quando loqui naturale est, sermo autem quicumque artis, sine qua nascimur, & finxit alioqui hominē natura mirē inimicum, quoniam rudem prorsum, & artium omnium expertem, imitationis indigemus. Imitatio porrò effectio est rei alicuius ad exemplar propositum: quocirca proponenda sunt, quæ iuuet expressisse, optima scilicet, non simpliciter, sed iuxta præsentēs vires: sapienterq; à Marco Fabio præcipitur, ne initio pueri ad magistri æmulationem conentur assurgere, ne destituantur viribus: sed quod illis erit facilius, ac promptius, aliquem de condiscipulis doctiorem exprimant, quo innisi paulatim se ad magistrum exprimendum erigant: quod consilium agricolas in maritandis vitibus videmus sequi. Et quemadmodum in homine, sic in oratione quoque imitatio ut similitudo quædam è corpore atque animo spectatur. In oratione verba & compositio sunt pro corpore sententiæ verò, argumenta, dispositio, atque illa ceu œconomia pro spiritu ac mente. Filius non tam dicitur patri similis, si lineamenta, si figuram & formam referat, quàm si mores, ingenium, sermonem, incessum, motum & illam quasi vitam, quæ ex interiore animæ sede foras, per actiones emicat, & se nobis ostendit. Si inueniri posset aliquis, qui vnus omnia haberet optima, Deo similissimus ac proximus, vel potius Deus ipse, is esset sanè imitandus solus, sed nullus est ab omni parte tam felix: quapropter rectè Seneca, Non est vnus, quanuis præcipuus sit, imitandus: quia nunquam par sit imitator authori: hæc natura est rei semper citra veritatem, & minor est similitudo: & quò plura exempla ostenta sunt, hoc plus eloquentia proficitur. Eadem est Quintiliani sententia, qui non qui maximè imitandus

De imitatione.

Non imitandus vnus.

randus, eum solum imitandum censeat. Sunt qui ex omnibus Ciceronem vnum deligant, quem effingant solum: Habet quidem optima Cicero, sed nec omnia, nec solus. Quum delectat, quum docet, admirabilis est præter cæteros. in colligendis argumentis acutus, in deuinciendis & iacendis non pefinde dexter & validus. Deficitur interdum viribus propter tufum illud, & Afianum dicendi genus, quod est in eo à quibusdam magnis ingeniis notatum Cælio, Bruto, Attico, Tacito, Quintiliano. qui eum pondere ait pugnare, vt Demosthenem viribus. Quanquam isti noui imitatores non tam animum orationis ad exprimendum contemplantur, quàm exteriorem verborum, ac styli faciem. Sed neque ad hanc imitandam quiuis est factus: nam eo, qui ad imitationem hanc calor, & virium non satis affert, nihil est frigidius: iacet enim tota oratio, motu & vita caret: qualis est Iouinianus Pötani. Vtilis est imitatio verborum Ciceronis, & tuta, dictionis verò non item: hanc enim si quis nō assequatur, in sermonem quendam degenerabit redundātem, eneruam, vulgarem: ac plebeum, cui vicinus admodum est M. Tullius: à qua tamen vtilitate vindicat ipse se, & asserit admirabili dignitate orationi addita ex sciētia & cognitione multarum & maximarum rerum, tum concinnis, & venustis numeris, aptissimis, & naturalibus metaphoris, contraposis, periodis, gratia quadam inexplicabili, ac propè inimitabili. Sed certè non si Cicero optimus est, atque eminentissimus, alii protinus mali, aut spernendi. Non est vnus eloquentiæ vultus, inquit Tacitus, nec statim deterius est, quod diuersum est. Cicero ipse in Bruto multos oratores in diuersissimo dicendi genere, summos tamen ponit: cuius rei si nō alii, Cicero vtrique & Demosthenes exemplo esse possunt. Quāobrem acutè inspicere oportet, quibus tandem rebus appositum sit iuuenis ingenium, quod in omni vitæ institutione faciendum esse sapientes consulunt, vt eò se quique applicet, quò naturæ nutu quodam fertur, si modo in finitimum virtuti vitium non propendit: vt ad Ciceronem, si copiam diligit: ad Demosthenem & Atticos, si parsimoniam verborum: ad Sallustium, si astrictam breuitatem, & penè Laconismum: qua breuitate, vt Quintilianus testatur, nihil apud aures vacuas atque eruditas potest esse perfectius: ita fiet vt in ea re si non summus, certè neuiquam euadat cō-

Cicero-
nis imi-
ratio.

Ingeniū
sequetur
cōgruen-
tia.

temnendus: nam in omnibus, aut etiam pluribus fastigium, vel proxima fastigio tenere loca, optandum est magis, quàm sperandum. Porro quibus quisque sit rebus appositus, cognoscetur ex delectatione, quæ de cõformitate & congruentia quadam oritur obiecti & facultatis: faciet etiam sui periculum, quod in annis quidem rudibus magister spectabit, & arbitrabitur: postea verò quàm magis profecerit, idem ipse. Quòd si ingenium ad vitium vergat, vt copia ad exuberantem redundantiam, parsimonia ad ariditatem, nerui ad maciem deformem, tum verò diuersi generis imitatione ad rectum & sanum habitum deflectitur. Prudèter Quintilianus institutoris munus vult esse adiuuare, quæ in quoq; discipulorum inuenerit bona, & quantum fieri potest, adicere quæ desunt, & emendare quædam, & mutare.

Qui auctores in quaq; virtute præcipui.

Idem magister qui sint in quaque virtute præcipui, signabit: vt ad sermonem familiarem Cæsar primas partes feret, & Ciceronis Epistolæ: non quin Cicero cuius sit electione verborum, ne quid aliud dicam, par, sed fusa illa phrasis quotidiani sermoni non satis conuenit. Commentarii ab Hirtio additi vel Oppio, planè sunt alii quàm Cæsaris, minus & puritatis & maiestatis habent: vt Cæsarianos à principe scriptos appareat, alteros à priuato. Ad comitatem Plinius Cæcilius, & Politianus. Ad historiam fufam Liuius. Ad consilia explicanda, Tacitus, ad cõmentarium historiæ Suetonius, & Florus. Ad præcepta artium, in rebus, in ordine, ac cuncta methodo, Aristoteles. In verbis, & dictione Quintilianus, & Rodolphus Agricola. Ad paraphrases Themistius, & Erasmus. Ad carmen Heroicum Homerus & Virgilius. Ad lyricum Pindarus, Horatius. Ad Tragœdiam Euripides, & Seneca. Ad Comœdiam Aristophanes, & Terentius. Ad vertendum propriè Theodorus Gaza. Politianus opus facit suum: nec Erasmus caret gratia, etiam ad verbum transference. Sed exemplum vertendi fuerit Ciceronis de vniuersitate liber, quæ est pars Timæi Platonici. Ad gratiam Dialogorum Plato, & Cicero. Ad astutam ratione capiendi aduersarii Socraticæ inductiones, modò astrictiores sint, quàm vt eas Plato persequitur. Ad efficacem rationem argumentandi Aristoteles: ad ciuilem Ciceronis dialogi, & Lactantius. Adhortari ad mores probos, bonus Cicero: dehortari ab improbis, Seneca. Habet idem sententias concinnas, argutas,

gutas, breues, quas iacularur tanquam spicula amentata. Ad præcipiendum de moribus breuiter & cōmentarii vice Plutarchus. Ad conciones in populo non perinde erudito Cicerō. Ad scholam Quintiliani declamationes, siue cuiuscūq; sint, illius certē seculi. Ad attentam, aut eruditam coronam Demosthenis orationes: item Liuii, quæ sparſæ sunt in historia. Ad iuuauitatem & numeros Isocrates: nam altiores habet Plato, quem inter proſam & versum fluere Aristoteles ait. Dicæarchus autē Peripateticus totum scribendi genus tanquam graue, & moleſtum repræhēdit. Ex his omnibus quod operi tuo conducatur decerpēt: & rationem ſequetur pictorū, qui ex agrorum, & campi aspectu amœniſſima quæque in opus ſuum transferūt. Nec immeritō à Cicerone ipſo Zeuxis Heracleotes laudatur, qui Crotoniatīs Helenā picturus ex multis mulieribus formoſiſſimis delegit, quod in quaque vidiffet pulcherrimum. Ingenio eſt ad bene imitandum opus acuto, & iudicio acuto: adde etiā naturali quadam, & occulta dexteritate. Itaq; recta bonarum rerum imitatio bonitatem ingenii arguit. Nam quidam ea ſunt vel tarditate iudicii, vel his in rebus abſurditate naturæ, vt eodem orationis ſtylo omnem ſe ſtylum referre arbitrentur: ſicut vno aliquo ſuo geſtu, quemcunq; alium, & eodem digitorum pulſu concentum omnem. Sunt qui iuxta ſententiam Senecæ, vitia ſua & intelligāt, & amentantur: eſt in omnibus ſtudiis error, maxime in eloquentia, cuius regula incerta eſt. Inſtitutor id animaduertet: quod ſi iuuenis ineptē, quæ imitanda ſibi propoſuit, effingat, ab imitatione cum ad ſuam ipſius naturam ſequendam traducet, vt ſit ſuus, qui alienus non poteſt. Initio quidem, ſicut antea monui, ſacillima exprimet, atq; adeo concedam illi, vt quæ reddere non poterit ab exemplari ipſo in ſuum opus tranſferat, modò ne illum fugiat non id eſſe imitari, ſed ſupplare: in quo errore plurimi verſantur: paulatim autem verè imitabitur, id eſt, ad exemplar effinget, quæ volet: non de exemplari cētones ſurripiet, quos in opere ſuo conſuat.

Propoſito autem ante oculos exemplari attentiffimè & Quomodo
mulator contempletur, ac conſyderet, qua tandem arte, ac do
miratione ab authore id putet coniectum, vt ſimili artificio & tandum.
ipſe quod animo deſtinariſt, perficiat. Ars enim & opifi
cium, quantum fieri quidem poſſit, idem præſtandum eſt, &

quodam modo surripiendum, non materia eadem, vel opus idem. Velut si quis exempli causa gratias alicui acturus eadem dicat, quæ Cicero Senatui, quæ populo Romano, vel, quæ Aufonius Gratiano Augusto, furari hoc quidem certè esset. Imitari autem fuerit, si consideret, quid author in orationis exordio velit efficere, quid secunda parte, quid tertia, & sic deinceps: quæ primo dicit loco, quæ aliis sequentibus, quibus sententiis in quaque re vtatur, quibus argumentis, & quibus ex locis petitis, quomodo colligatis, & cõnexis, quas similitudines inducat, quæ vsurpet exè pla, quos animi affectus attingat, vbi, quomodo, quibus authoritatibus sua fulciat, & quorum: non quò nos vtamur eorundem, sed vt eorum, qui nobis loco eodem sunt, quo illi erant authori nostro. qua commissura priora posterioribus compingat, quæ verba singulis partibus accommodet, quam verborum structuram, hoc tu artificium idem effingito, nõ eadem vel verba, vel sententia. Subiiciamus verbi gratia breue aliquod exemplum. In oratore suo refert Cicero Carbonem tribunum plebis hæc in concione quadam dixisse, in qua Cicero ipse staret: O M. Druse, patrem appello: tu dicere solebas sacram esse rempublicam, quicumque eam violauissent, pœnas esse ei ab omnibus persolutas: patris dictum sapiens, temeritas filii comprobauit, quo dicto admirabilem sequutum esse concionis vniuersæ clamorem & plausum. Si quis ita effingat. O diue Paule, Tharsensem appello: tu dicere solebas sacram esse charitatem, quicumque eam violauissent, pœnas esse ei ab omnibus persolutas. Apostoli dictum sapiens scelerum temeritas comprobauit: non tam erit imitari, quàm si quis dicat, O diue Paule, Tharsensem appello, tu semper prædicare consueuisti magnas esse vires charitatis, quicumque secundum eam nõ viuerent, nec pertinere ad regnum Christi. Apostoli sententiam piam consuetudo scelerum abdicauit. In hac imitatione omnia illa sunt quæ in venustate prioris dicti. incisa, membra, & dichoræus clausulæ. Eorū quæ imitationi sunt propoñta, quædam nunquàm possis ad perfectum referre, quod genus sunt homini naturalia: ea verò semper sunt sequenda, quoniam æquare non est concessum: furoris est enim hoc sperare. Alia verò possis, vt pleraque omnia humana: quæ effingi eadem specie queant, vel genere, velut orationis copia, breuitate, splendore, grauitate,

gratia,

gratia, argumentis, dispositione, ac eiusmodi. Sunt tamen ex humanis inuentis nonnulla, quorum vel ars omnino periit, vel vsus, hæc ægre perfeceris, qualia ii, qui tum vixerunt, quum ars aut vsus vigeret: quemadmodum in linguis Latina & Græca, quarum quoniã populum amissimus, mutanda sunt semper ex veteribus vocabula, nec nos vlla, aut certè per pauca possumus nouare. Stylus non pèrinde est ab illis sumendus, nam parva vndecunq; materia artifex eã tractabit ad arbitrium: tamen si contendere, vt dictationis ornatu accultu antiquitatem superemus, aut æquemus saltem, non tam malum & vituperandum est, quàm periculosum, ne linquamur viribus, & in absurditates incidamus: vel certè difficile desuefactis iam auribus à censura soni illius. Promptius esset ea de causa in linguis vernaculis, quibus est populus magnus sermonis sui author, magister, iudex. Puerum imitari liberale est, ac laudabile. Senem imitari, seruire, ac turpe. Conuenit enim vt puer magistrum & ducem habeat, quem sequatur, non item vt senex. Quocirca vbi satis te in imitationis hoc, vt sic dicam, stadio exercueris, æmulari incipe, & te cum duce tuo conferre, qua parte accedas propius, qua longè à tergo relinquere. Virtutes illius, & vitia æquus & diligens censor examina, quid in illo deceat, quid habeat vitandum: quam virtutem redditu facilem, quam gratiam penè propriã, & aliis inconcessam. Hæc cõparabis cum tuis, & ex eorum vel rectè dictis, vel secus iple corriges tua, siue dum vitium deuitas, siue dum te componis ad pulchra. Conare vt magnas virtutes & ques, mox etiam vt vincas: plenum hoc quidem negotii, & profectò arduum, magnãq; est opus industria: sed in sublimi sita ex cuiusque rei præstantia, & iuxta verbum vetus pulchra difficilia. Nec solùm tua opera ad opera ductoris tui tanquam ad amussim arbitraberis, sed tua ipsius priora cum posterioribus conferes, vt ex comparatione depræhendas profectum. Cuicumque dicendi generi diu assueueris, quamlibet id accuratum sit, & ex cultum, pro naturali habebitur: quod de Euripide Aristoteles tradit. Nam consuetudo in naturæ conditionem transit. Quapropter manifestæ dementiæ est, non facili, dilucido, puro, eleganti sermoni assuescere potius, quàm portentis verborum, aut horrori orationis, vel sordibus: quoniam quidem pari labore constant omnia, non rarò etiam mi-

nori bona: Hæ artes organa sunt, ideo per se nihil efficiunt; admouendæ sunt operi, hoc est aliis disciplinis, quibus formant, & parant ingenia discantium. Instrumentum hoc si v-
sui atque experimentis rerum publicæ ac priuatæ applicetur, rectorum est ciuitatum, imò conditorum etiam, & principum, & eorum qui ius dicunt, vel de iure respōdent. Sin theologia, concionatorum, & illorum, qui homines ad rectum formant, ac meliores efficiunt. Quippe sapientē virum decet non ipsum per se solum sapere, sed alios quoq; fingere ad virtutem: idcirco non vita illum modò recta esse, atq; inculcata par est, sed oratione quoq; efficaci. Efficax quidem est sermo veritatis, efficacissimus Dei sermo, vt Paulus inquit. Apostolis quidem hoc satis, abundeq; erat: nam fortissimorum argumentorū locum obtinebant prodigia, & ea, quæ supra naturæ vires ostendebant: tum vita innocens, & in qua vel calumniator suspicionem non inueniret criminis, quam non iniuria plurimū persuadere aiunt. Ad hæc peculiare Dei subsidiū, quod ille charissimis sibi submittebat, quoties esset opus. Sed vt nunc sunt & dicentiū, & audientium mores, præclarè agitur cum veritate, si facundiæ viribus instructa & fulta fidem impetret: non quin malim multo etiam ad faciendum fidem res nudas sermone, quàm sermonem à rebus inopem, ac destitutū. Sed certè res ipsæ conuestitæ, ac ornata oratione, sobrio vtique cultu, & moderato, altius descendūt in pectora audientium, quæ in aure statim non offendūt tanquam in limine. Ideoq; sancti viri castam, & puram eloquentiam nunquàm sunt aspernati, nisi qui alsequi non quiverūt. Et Laetantius facundiam Ciceronianæ similem optabat sibi, quò veritatem fortius propugnaret, & hominibus persuaderet facilius. Anxia illa, & accurata, & picturis insignis eloquentia, tum splendore, atque apparatu omni illustris, ac præfulgens, fortasse res sanctas minimè decuerit: certè multò minùs sermo spurcus, & vitiiis inquinatus. Candidis, & mundis linteis attrectari sacra conuenit, non byssinis aut sericis: sed neque canabaceis, aut lincis maculosis. Cæterū de sermone satis.

Traducetur hinc iuuenis ad studium mathematicarū artium, vt loquacibus succedant mutæ, & imponatur silentium linguæ tamdiu agitatæ: quare ab aurium munere, ad oculorum transibitur. Mathematicæ circa quantum ver-
santur

santur molis, & numeri. Hæc arithmetica, illa geometria nominatur: quæ sunt primæ in illo genere, ac simplicissimæ. Geometria in cælum sublata astronomiam efficit, visibilibus addita *ὀπτικὴ* siue perspectiuam. Arithmetica sonis admista dedit musicam. Et horum singulæ bifariæ sunt, alteræ quæ intra contemplationem subsistunt, spectatiuæ appellantur: alteræ in opus exeunt, quæ actiuas siue effectrices. Ex prioribus posteriores existunt, quod est eis cum actione omni, atque exercitio commune. Mentis enim cogitatio actiones omnes humanas, & manuum opera antecedit, tanquàm generans genitum. Sunt tamen qui studia sua ad altera seorsum adiungant, vt vel contemplentur modo circa executionem, vel exequantur inspectione omissa. Sed nos vt hæcenus fecimus, de contemplatiuis potissimum loquemur. De effectiuis quoque interdum summonebimus. A disciplinis hisce vehementer leuia, & inquieta abhorrent ingenia, quæ sibi impense indulgent, nec laborem sustinent assiduæ intentionis. Astringunt enim hæc ingenia, & cogunt hoc agere, nec peregrinari patiuntur. Non sunt etiam idonei obliuiofi, quandoquidem sciri, ac teneri centesima non possunt si exciderint prima, ea est in dictis illis series, & confirmationum perpetuus nexus. Sûntque ea de causa magnopere labiles, nisi exerceantur crebrò, atque infulciantur animo. Sæpe aliis disciplinis amœnioribus non satis appoliti istis sunt apertissimi seueris, ac tetricis. Caterùm cognitiones hæc, atque obseruationes, si quis progrediendo sibi indulgeat, in infinitum abeunt: & sollicita horum inquisitio à rebus vitæ abducit, communisque sensus reddit expertes. Sapienter Socrates, vt alia, qui quum tantus esset mathematicus, vt Euclidem Megarensen quantus fuit, effecerit, & vt minùs hisce rebus addictum Aristophanes ridet in fabula, eatenus tamen impendendam geometriæ operam censebat, quoad quis & dare, & accipere terram ad æquam mensuram posset, significans referenda esse ad mores omnia, & vitæ vsum, non ad inanem, ac infructuosam quandam speculationem anxiam, & molestissimam, quam parit diuturna in mathematicis attentio. Primordia verò, & progressus aliquos aliis maiores, aliis minores, vt cuiusque erit ingenium, & diligentia conducere ad res vitæ complures, & ad cognitionem philosophiæ. Plato ex auditorio suo
expel

expellebat eos, qui illhuc venirent à mathematicis deserti, ac inopes. Apud eum ipsum, & Aristotelem, & reliquos pri-
scos philosophos exempla sunt de mathematicis plurima,
tum quòd aptissima sunt, & certissima: tum quòd illis tem-
poribus longè essent notissima.

Arithme-
tica.

Primo loco tradetur arithmetica, quippe quæ est simpli-
cissima, ac ideo prima. Exercitium quoque illius & nume-
rorum tractatio non solum explorat ingenium, sed exacuit,
& alacrius reddit. Nec villa vitæ pars carere potest numeris,
Multa etiam naturæ, ac rerum diuinarum mysteria nume-
ris esse comprehensa, & notata, sacri & prophani scriptores
docent. Crassi quidam nobiles pulchrum, si Deo placet, ac ge-
nerosum esse arbitrantur, nescire omnino computare. Re-
stat ergo ut generosum habeatur non esse hominem, sed leo-
nem aliquem, aut vrsum, aut aprum ex illis suis insignibus.
Nam animantes omnes brutæ, computationis sunt ignaræ,
solus computat homo. Non quòd pecuniæ contemptum in
principibus viris incessam, aut à magnificentia opulentos
deterream: sed virtutes omnes ex scientia boni venire velim,
non ex ignorantia mali. Initia numerorum, & nomina & fi-
guras agnoscant iuvenes, hinc assuescent coniungere inter se
ad eliciendas summas: tum diuidere coniuncta, & subtrahere,
& quid reliquum sit ostendere. At quum multæ sint nume-
randi formæ, per literas Alphabeti, per Latinas etià figuras,
expeditissimus videtur mihi, qui de nomine inuentoris, ut
quorundam est opinio, Algorismus nuncupatur. Arabicum
esse inuentum credo. Tum addentur numerorum nomina,
quæ qualitatem, atque adeò naturam indicant: ut de nume-
ro pari, impari, pariter pari, pariter impari, primo compo-
sito, de dimensu, & proportionibus inter se numerorum, &
tota illa tractatione arithmetices intima.

Geome-
tria.

In Geometria exhibebuntur primū explicationes omniū
rerum nominum, de quibusea in arte fit mentio. Tum do-
gmata illa, quæ cum natura mentis nostræ videntur coniu-
ctissima, eorūque habere nos velut impressas animo anti-
cipationes. Hinc theoremata, & eorum probationes, quæ
principiis, ut oportet positis, non periuadent, sed cogunt, &
vim adierūt. Ex ea optice, siue perspectiua, & architectura na-
scuntur: quarum omnium multæ sunt in communi vita ad
tuendum corpora vtilitates: nempe ex geometria ad omnem
mentu

mensuram, proportionem, motum, & situm molium, siue mouendæ sint, siue spectandæ fixæ in vestigio, & immobiles: quemadmodum in dimensu agrorum montium, turrium, ædificiorum. Architectura quantas ad habitandum commoditates adiicit: quam perspectiua adiuuat, sicut in picturis. Perspectiuarum specularia sunt annexa: vtinam auditiuæ Auditiuæ. esset reperta.

In Musica multum degenerauimus à prioribus, ob crassam Musica. sitiem auris, quæ subtilium sonorum iudicium omne funditus amisit, vt nec longa iam, nec breuia in communi sermone diiudicemus: ideoque & genera aliquot proportionum amisimus, & magnas illas vires, atque admirabiles, quas de prisca harmonia memoriæ traditur. Hanc iuuenes & theoreticem accipient, nonnihil etiam practices, modò sobriæ, & castæ: quæ tellos studentium animos Pythagoricorum ritu demulceat, reparet, ac sibi restituat: tum efferos atque asperos ad lenitatem, mansuetudinemque traducat: quod à vetustate per integumenta tabularum dictum est mouere laxa, & feras pellicere, vt de Orpheo, atque Amphione fama fertur.

Astronomia de numero, magnitudine, motu calorum, Astronomia. ac syderum, & de singulis quibusque separatim, & inter se comparatis, non referetur ad diuinationem venturarum, vel abditarum rerum, quæ ingenti vanitate humanos animos detinet, & ad impietatem sensim allicescit. Sed referetur ad descriptiones, ac determinationes temporum, sine quibus rustica opera, quibus vita omnis continetur, exerceri non possent, tum ad positus locorum, quæ sit cuiusque longitudo, quæ latitudo, qui abscessus: quod multum quidem cosmographiæ conducit, sed vniuersæ nauigandi rationi maxime per necessaria est, quæ citra cognitionem hanc incerta inter maxima, & grauissima discrimina erraret, ad altitudines, aut depressiones syderum, ad recessus eorum atque accessus vel nobis, vel inter se. Adhibebitur astrolabium siue quadrans, quale olim fuit Ptolomæi, siue orbiculare, vt nunc est nostrum. De Arithmetica exercitii, atque speculationis, Iacobus Faber satis accommodatè scribit, vt in schola tradatur Mathematicarum. Authoribus discipulis, & ex seipso, & Iordano Nemorario, & Boëthio. Seuerino, quemadmodum ex hoc eodem de Musica. Nec minus de geometria præcipit: quin sphaeram quoque conscripsit ad eam, quæ extat iohannis à sacrobusco, quam ite enarrari

rari auditoribus conueniet, nisi quis eam malit, quæ ædita est à Proclo Diadocho. Theorica item Planetarum idem Faber composuit, quæ discipulus eius Iodocus Clichtoueus elucidauit commentariis, argumentum & fundamentum totius operis ex Georgio Purbacho est sumptum. De vsu vero Astrolabii Proclus paucissima quædam reliquit, sed scholarum exercitationibus aptior est Ioannes Poblario meus quibus magister ex Ioanne Stoflerino Iustingensi, & Ptolemaeo nonnulla adiunget. Nec est ad ponenda harum artium rudimenta inutile, quod est in Margarita philosophica de mathematicis traditum: quæ si quis grauetur suis prælegere, saltem consulat, ut ipsi per se inspiciant. Introductionem ad geometriam & perspectiuam Carolus Bouillus concinnavit: sed & perspectiua extat Ioannis cuiusdam Cantuariensis. Quæ omnia postquam fuerint cognita, tum ad Euclidem venietur. Hunc velim accuratè explicari: nam in eo magnarum rerum speculationis huius exactior est, quàm in alio quouis tractatio. In eius libris de geometria, de arithmetica, de specularibus, perspectiua, & phaenomenis acutissimè disputatur. Studiosus ipse leget per se Capellam de mathematicis, hinc Raphaelis Volaterani geographiæ initium, & vigesimum quintum de philologia volumen. Censorinus multa de musicis differit. In sphaeram Ioannis sacrobusci Petrus Ciruelus commentarios reliquit: Item Franciscus Capuanus in eandem, & Theorica planetarum Purbachi. Erit in magistro ac discipulo harum disciplinarum ingenium quietum, & quodam modo statarium, sedulum, attentum, incumbens atque instans operi. Disputationibus nihil est opus, interrogatiunculae sufficient, & responsiones breues, aut operis ostensio, & collationes ad picturam: radio enim sunt, & puluere, vel abaco contentæ. Recolendæ sunt subinde, ac retrahendæ iis, qui memoriæ volunt illas insigere, sunt enim alioqui fugacissimæ. Qui disciplinas alias Minerua, aut fortuna aduersante, non poterunt consequi, hic sistunt: & ad vitam ea præstabunt adiumenta, quæ modò commemoravi, si speculationem in exercitium, atque opus deduxerint. Tum etiam docebunt alios. Hi verò authores eos cognoscent, quibus nihil necesse est illos distineri, qui aliis artibus parantur: velut in arithmetica Cudbertum Tonstallum Ioannem Siliceum, Thomæ Brauardini geometrica:

in Astronomia Ptolomæum, Georgii Vallæ mathematica. Archimedis opera non dubito quin sint in genere illo absolutissima, quæ ipse non vidi: legisse se in Hispania, atque adeo maxima cura, & vigiliis de codice surreptitio descripsisse Ioannes Vargara meus mihi retulit. Hoc est adolescentiæ curriculum ad quintum & vicesimum annum, aut eo circiter.

Iam vir ætate, ingenio, rerum cognitione, atque experimentis instructior, ac maturior paulò, considerare vitam humanam attentius incipiet, & hominum artes ac inuenta: in iis, quæ ad eum pertinent, quæ ad vestitum, quæ ad habitandum: in quibus ab scriptoribus agricolationum adiuvabitur, tum iis qui herbarum, qui animantium naturas, & vires persequuntur: ab iis item, qui architectonicam tractarunt Vitruvius, & Leone Alberto. Hinc quæ ad conuehendum, in quo est equus, mulus, bos & omne genus vehiculi, cui navigatio est finitima, nempe etiam vectio: hæc omnia persequetur qua ratione ac modo sint inuenta, quæ sita, aucta conseruata, applicata vltui, & emolumētis nostris. Iam quæ ad oblectamenta sunt per sensus omnes reperta, quæ sit societas domi priuata viri, vxoris, liberorum, consanguineorum, affinium, affecularum, seruatorum, quæ in ciuitate publica, quæ ad eam per hominum ingenia excogitata, & inuenta, quæ per stultitiam conficta nomine atque opinione sine re omnino vlla. Quæ sunt omnia τῆς ἡμετέρας πόλεως: de quibus carprim attigere Plinius, Athenæus, Aelianus, Macrobius, meliusque differunt de his tenes in circulis suis, & exedris, sicut Cicero inquit, quàm homines eruditissimi in gymnasiis, quod Plinius in præfatione sua cōqueritur. Ideo nihil est hic opus schola, sed auditate audiendi & cognoscendi: vt nō erubescat etiam in tabernas & officinas venire, & ab opificibus de suis operibus sciscitari, ac edoceri: quod quia dedignati sunt iam olim docti homines facere, idcirco hæc quæ teneri, ac sciri tātopere reiecerat vitæ, incognita illis penitus relictæ sunt, ac prætermittæ: eaq; ignoratia in sequentibus adhuc seculis increuit, nihilque his annis quàm plurimis annotatū est de moribus, ac ratione vitæ, vt melius ætatem Ciceronis, aut Plinii nouerimus, quàm nostrorū auroū, quis Mos Cætarum victus vestitus, cultus, habitatio. Vellem vt docti aliqui soli Viri delectarētur eo more, quē fuisse Caroli cuiusdā Viruli nari.

rari audiebam Louanii, hominis non pèrinde literati, vt boni: nec illi ingenium aut diligentia defuit, sed locus & tempora. Is Louanii gymnasio Liliano præerat. Et quia sub cura sua pueros habebat complures, ad visendos vel filios, vel propinquos quum venirèt varii generis homines, colloqui illos cum eo erat necesse, & vt est consuetudo regionis conuiuari etiam: inquirebat horas aliquot ante conuiuii tempus, quibus in rebus plurimum, & dextre esset conuiua suus versatus: erat alius nauta, alius miles, alius agricola, alius faber, alius sutor, alius pistor: de eodem ipse artificio aliquid interea legebat, & meditabatur: tum veniebat ad mensam paratus, vt & oblectaret conuiuiam sermone de rebus ipsi notis, & ab illo ita prouocato, intima, & secretissima artis facile cognosceret: audirètque breuissima hora, quæ ille vsu multorum annorum vix esset assecutus. Ita discedebat de colloquio & conuiua lætior, & conuiuator prudentior, ac peritior. Quantam prudentiæ humanæ opem ferrent, qui hæc mandarent literis, vt ab exercitatisimis in quaque arte accipissent? Erit hæc animorum leuatio ac relectio in disciplinarum seueriorum studiis, & in curis negotiorum: est enim occupatio honestissima, & planè viro ciue digna, qua in omnes vitæ partes prudentia supra, quàm credi potest, augeatur: quibus hoc licebit, obseruabunt, & tradent in vsum posterorum, qui nobis filiorum loco esse debent: adiungēt censuram suam virtute approbanda, & rectis moribus, vitiis autem insectandis breuiter & acutè, quò facilius in animos legentium illos velut aculeos infigant. Reuertamur iam ad scholam, & auditoria.

De rebus
spiritalibus.

De rebus spiritalibus multa sunt à veteribus falsa conscripta, vt ab Apuleio & Plutarcho in deo Socratis, à Porphyrio, Iamblichio, Michaeli Psello: propterea quòd dæmones plurima de se, deque angelis sunt mentiti, partim instigati sua ipsorum superbia, partim cupidine fallendi homines: & quòd diabolus, quemadmodum inquit Spiritus Sanctus, mendax est, & pater mendacii. Quum vera loquitur, ex alieno sensu loquitur: at quum mendacia, de suo ipsius proprio. Itaque de angelis & dæmonibus ex nostra pietate colliguntur pauca, & sobriè: nam accurata illorum cognitio necessaria nobis non est, imò sæpenumero noxia, atque ea ipsa de causa incerta. Contrà verè speculatio de hominis anima ma-

De hominis anima.

xima

xima disciplinis omnibus adfert adiumenta, propterea quod ex animæ intelligentia & capto de omnibus fere statuimus, non ex rebus ipsis. Eius tractatio cum naturæ ipsius ordine pariter procedet, ut primum de vita disputetur in genere, hinc de vegetatione, tum de sensu, de affectionibus, de mente: in qua de intelligentia, de memoria, de ratione, de iudicio. Hæc doctor potissimum decerpet ex sacris authoribus, tum Aristotele, Alexandro Aphrodisæo, Themistio, Platone, Timæo, ac Plotino. Quod si velit Aristotelem, ut moris est, enarrare, habet eius libros de anima tres: omittat primum, exhibeat alteros: de sensu ac sensili, de recordatione, de somno & vigilia, de iuuentute & senectute, de insomnia, de diuinatione per somnum. Præmoneat gentilitatis, & pericula, ut vitentur, indicet, opponatque venenis illis paria antidota. Ipsi per se Alexandrum, Themistium, & Platonis Timæum legent: item Timæum ipsum Locrensem. Platonicos numeros Proclus, Chalcidius, & Marsilius Ficinus exponent. Plotinum etiam obscurum & intricatum Marsilius idem elucidat. Scindit se hic velut in vias duas studium, ut alteram hi teneant, qui corpora curaturi sunt medici: alteram ii, qui animos. His rerum historia tradetur hoc loco crassior, minúsque ad subtilitates illas inquisitionis causarum diducta: prioribus verò differenda est parumper, quoad causas naturæ curiosius fuerint rimatæ: eas dico, quæ sensibus sunt magis expolitæ, de quo in vniuersum, & ordine ad docendum apto nullum est opus à quoquam conscriptum, sed sparsim ab Aristotele octo libris Physicis, de quibus diximus, quatuor de cælo, duobus de generatione, quatuor meteororum, sectionibus problematum, ab Alexandro in problematis: à Platone, & Timæo, quos paulò antè memoraui, Apuleio in dogmate Platonis, Alcino de doctrina Platonis, M. Cicerone in libris de natura deorum, de diuinatione, de questionibus Academicis: de vniuersitate autem pars est Timæi Platonici ab eo versa. et si M. Tullius magis aliorum opinionones recentet, quàm ostendit suam. Senecæ questiones naturales ex Peripatetica & Stoica disciplina commistæ. Plutarchus multa habet naturalia in conuiuiis, in questionibus Platoniciis, & aliis eius opusculis: de placitis philosophorum quatuor eius volumina, item Diogenis de phi-

De causis
naturæ.

Philosophorum vitis hæcenus proderunt, vt cognitis tot, tam variis, tam absurdis de natura philosophorum sententiis, studiosi intelligant illos etiam fuisse homines, & falsos sæpe in rebus apertissimis: vt rationi potius assuescant consentire, quàm humanæ authoritati: nec mirentur eos in reconditis rebus de Deo scilicet, de pietate, ac eiusmodi lapsos, qui in facillimis videntes ac prudentes cespitabant: quas sine offensione vel cæci præterissent, modò ne insani, quales illierant, & in transuersum acti ab impotentia animorum. Censorinus libellum reliquit de die natali, in quo insunt quædam naturalia, plura in Macrobio, plurima in Galeno: ex recentioribus autem Alberto Groto non pauca, etsi audet quædam asseuerare periculosissima. Hos omnes magistro huius contemplationis, & tanquam à secretis naturæ euoluendos tradimus: ex quibz concinnabit ipse suis auditoribus opus de naturæ causis ea perspicuitate, breuitate, ordine, vt intelligi, & teneri ab auditoribus queat: primum de quatuor principiis inhærentibus, tum de iis omnibus quæ veniunt sub sensus: hinc de elementis simplicibus, de mixtis imperfectis, & iis quæ in aëre gignuntur, quæ Græci *αἰθήρα* nuncupant: de lapidibus, de iis, quæ viuunt, & de vita: de metallis & cunctis fossitiis, de herbis, fruticibus, arboribus, de animalibus quadrupedibus, de auiibus, de piscibus, de insectis, de humano corpore: quæ non narrando persequetur, quod opus esset infinitum, sed inuestigandis causis, vnde constantur, quomodo existunt, adolescunt, manent, agunt, & suis muneribus funguntur, quæ proferant, & vice versa minuuntur, cadunt, intereunt, dissoluuntur. Nihil habebit necesse varias scribentium opiniones arcescere: nec onerabit tanto pondere & doctrinam suam, & ingenia discipulorum, quæ ipsi certissima videbuntur, & validissima, fulta ratione tradidisse contentus. Quòd si colligere hæc vel non vacabit per otium, vel non adeo tibi fides, vt credat posse, explicet solum Aristotelica: nam aliorum non sunt pèrinde auditoribus vtilia. In Platone multum est eruditionis, sed reconditæ, vt quum ars occultatur in opere, eoque discipulis non satis congruens: doctis vèrò melior, etsi in natura arbitrandi non est cum Aristotele comparandus, vt in præceptis morum excellat. Reliquos scripto-
rum

rum auditores ipsi priuato suo studio euoluent. Institutorem desiderant hæc acri quidem ingenio, cæterum in definiendo ac statuendo cunctabundum. Iuuenes exercebunt se in his crebris disputationibus, verum quæ non luxurient in nugis, & cauilla. Condientur moderatione sine arrogantia, atque odio: haud ignari scientiam pererram esse, aut nullam potius, opinionibus stari: vt nō sit, cur quisquam vel de peritia sibi placeat, vel diuersum sentienti, aut tuenti succenseat.

Qui ad artem medicam transiturus est, vel cōmigraturus De Medi-
 cina.
 veriùs, huic sunt exactissimè vires, naturæque pernoscendæ
 fossilium omnium, quæ sunt variorū generum, pigmento-
 rum, lapidum, gemmarū, stirpium, animantiū, humani cor-
 poris: vnde obseruationes duæ proficiunt, esualis, & me- E sualis.
 dicina, quas non duas esse, sicuti superius admonebam, sed
 vnā ex duobus membris concretam, principi medicorum
 placuit Hippocrati. Rerum enim cognitis facultatibus, na-
 turisq; & cum natura & constitutione animati corporis,
 & humani potissimū collatis, deprehenditur quid fortius
 sit, quā vt superari ab interna animantis potentia, & con-
 fici valeat: quid tenuius atque imbecillius, quā vt vegetare,
 ac sustentare corpus queat: quid alienā atq; inimicam cor-
 pori qualitatem adferat, vt sumptum vel affligat, labores do-
 lorēq; importet grauissimos, vel etiā interimat: quid con-
 trā congruentem amicāque corporis vitæ, sensibus, ani-
 mo, menti, vt conseruentur, vt vigeant, vt corroborentur,
 vt iucundo quodam sensu perfundantur. In quo primū
 vniuersum humanum genus consideratur, quid ei commu-
 niter conueniat, hinc per partes contemplamur corporatu-
 ram, temperationem qualitatum illarum principum, æta-
 tem, locum, tempus, actiones, mores, atque assuetudinem:
 eadem in rebus quæ sumuntur adhibetur censura. Hactenus
 terminos suos esualis prorogat, sine qua, vt præclare docet
 Hippocrates, vita esset non agrestis modò, & ferina, sed exi-
 stèrent singulis penè momentis labores, & cruciatus repen-
 tini, tum subitæ atq; inopinatę neces plurimorum: quin he-
 betarentur sensus, & animi stupefcerent, aut in furores atq;
 insanias miserabiliter incurrerēt. Difficilior inuentu existi-
 matur hæc à plurimis, quā medicina: imò verò demiratur

Affecta
valetudo.

potuisse inueniri. Sed indubiè prima inuentio diuinæ fuit opis, non in homine minùs, quàm in mutis animantibus. Perisset profectò maxima humani generis pars priùs, quàm ad explorationem peruenisset huius obseruationis. At verò quum aliquid accessit corpori, quod constitutionem illam primam suam & solitam perturbat; affigitque, vnde dolores consequuntur, impedimentum functionum huius constitutionis; hoc loco, hoc tempore, hac ætate, his moribus, affecta vocatur valetudo, & ægrotans corpus: ex eadem illa consideratione rerum admoventur, quæ affectionem illam cohibeant, ne se effundat, nè inualescar: quæque deinceps tollant, tum quibus interea ita percussus sustentetur, & vitam producat: hæc medicina nuncupatur. Itaque coniunctæ sunt artes istæ, & germanæ, vt medicina sit nonnunquã, quæ esualis existimatur, aut vice versa. Cæterum esualis simplicior est, & in functione generalis magis: quippe quæ genera & formas tantum considerat, quum medicus ad singula rem deducat, non præceptis, sed actione: nam circa singula quæ sunt innumerabilia nulla versatur ars: præter hæc medicina temporaria est, & quorundam, esualis omnium, ac perpetua. Sed loquamur iam de medicina. Cui arti in hominum corpora vitæ ac necis potestas, & ius summum est permixtum, nec vlli vnquam vel imperatori, vel regi tantum in homines licuit: quocirca & medicum ipsum nauare diligentem operam omnes diu atque homines postulant, clamant, requirunt, vt prudentissimè atque amantissimè quæ suæ sint & fidei, & potestati commissa, tractet. Quanta, & quàm præsentanea pestis est, si huic potètiæ adiungatur inscitia? Quid si inscitia, quod ferè fit, arrogancia, & ex hac rabies oritur, & pertinacia non cedendi?

Dotes me
dici.

Itaque propter tam paratum discrimen maximis artis huius auctoribus placuit non videri dignum eum medici professioni ac nomine, cui hæc non adessent omnia: Natura, ingenium, institutio longa, & diuturna, probitas morum, sedulitas, vsus. Ingenio est opus diligenti, attento, coniectori optimo, prudenti, moderato, non ambizioso, neque ostentatore, non pertinaci, quòdque in sententiam nolit transire melius dicentis. Erit huiusmodi, si habuerit persuasum nihil sibi debere esse prius, aut charius vitæ & salute hominis, vt
nec

nec existimationem sui aut quæstum anteponat ei, qui ad illius manum atque operam tanquam ad asylum quoddam ex grauissimo periculo confugit. Id verò est boni viri & Christiani. Nam si quem per ignorantiam aut per uicaciam inflexibilem occiderit, quomodo deinceps id damni sarcietur? Quam, & quam exactam est Deo redditurus rationem? Siquid ab vno theologo erratum sit, ab alio corrigitur: si à iureconsulto, succurritur æquitate iudicis, restitutione in integrum, denique sit pecuniæ iactura. Quod verò à medico, quis corrigit? Homini extincto quis adferet remedium? ut magis mirer inueniri tam multos, qui adeo periculosum munus suscipere, ac profiteri non dubitant: sed nimirum plerique eorum prius in professionem inciderunt, quam intellexerent quantum id esset quod susciperent. Id verò tantum est, ut quidam ad reliquas boni medici virtutes etiam felicitatem adiungendam ducerent, & vota esse facienda censerent, ut postquam rite artis præceptis esset medicus perfunctus, res cederet prosperè: ea est in natura nostra imbecillitas, in morbis impetus & per uicacia, in medicamentis infirmum ac lentum subsidium, in ingeniis hominum ignorantia. Contra quos hostes armatos semper, ac in perniciem suæ præcaput incumbentes, quibus existimamus esse viribus pugnandum, ne nos opprimant?

Magister principio enarrabit facillima & breuia, quæ auditores ediscant, aphorismos puta Hippocratis, aut Galeni artem. Habent authores hos principes, Hippocratem quasi fontem, & parentem omnium, hinc interpretem eius Galenum, Paulum Aeginetam, Largum Scribonianum, Celsum, Serenū, Piellum, Nicandrum, tū Arabes, Auicennā, Rasim, Abenroen, Mesuen. Ex priscis scriptoribus artem veterinariam nuperrime Ioannes Ruellius composuit, & Latinam fecit. De hoc professorum ordine nihil equidem pronuntiabo, quod non sunt à me ea cura, atque attentione lecti, nec ita in medicorum illa velut adyta penetraui, iudicium de eis facere ut possim: hoc verò illorum esto, qui feliciter sunt in ea disciplina versati. Ratio tamen tradendæ artis medicæ, quantum quidē ipse assequor, hæc est, ut primū exposita sint nobis ac perspectæ partes omnes humani corporis, quæ cuiusque vires, quæ cuique natura, quæ inter eas proportio, &

Ordo tradendæ medicinæ.

quæ harmonia. Hinc de iis morbis, qui vniuersum hominem infestant: de iis, qui certam vnam sedem non habent: de iis, qui certam: quæ cuiusque illorum origo, sedes, auctus, progressus, effectio, opus, reliquæ, vestigia: Cuiusmodi qualitatis, ac virium res aduersus morbum illum affecto corpori prodesset, quæ cohiberet, ne inualesceret, quæ penitus depelleret: tum disquirendum, quæ nam sit ea res in natura: si non sit talem inuenire, quærenda est proxima: & quod in ea deest, alia supplendum eius facultatis, qua prior caret. In his considerantur vires formæ vniuersæ, tum si quid à locis vel temporibus accessit facultati agendi, aut decelsit: vt herba in Italia, vel in Flandria nata, in estate aut vere, loco mediterraneo, maritimo, arido, vliginoso: & declarandum quo pacto applicabitur, vbi erit opus. Quod si multis & variis ex rebus medicamentum, vt sæpe fit, componatur, ostendenda est cuiusque vis & causa contemperationis: cur hoc illi adiungitur, atque admiscetur: quid in eo vel iuuat, & supplet, vel corrigit, vel cohibet, vel excitat.

Disputationes.

Disputationes erunt, quomodo vniuersales canones in experimentum singulorum operum deriuentur: ne curæt mihi scrutari ea, de quibus dubium est etiamnum, an sint: illa contemplantur potius, quæ esse constat, quæ sunt permulta, & vel longissimum possent æuū occupare: ne distineantur inanis quædam inuestigatione ad nugas, & altercantium cauiola: inter quæ magna sit temporis iactura optimis & necessariis in rebus consumendi.

Exercitia artis medicæ trifaria.

Exercitia huius artis erunt trifaria: Primum in agnitione eorum omnium variabitur quæ pro medicamentis consueuerunt: stirpatis, solisiorum, pigmentorum, lapidum, gemmarum, stirpium, animantium, & eorum, quæ sunt in eis, Quia verò præcipue ad medicamenta omnia vires insunt in stirpibus, eos contemplantur non semel, aut simpliciter, sed ex varietate temporis ac loci, vere, æstate autumno, hyeme oriente sole, occidente, meridie, cælo nubilo, turbato, sado, sicco, sereno, in agris, in hortis, in syluis, in montibus, locis mediterraneis, maritimis, aridis, humidis: magnas enim varietates ex his omnibus stirpes recipiunt, radice, foliis, floribus vel contractis, vel expansis, vel alio atque alio colore infectis, vt iam non eisdem dicas autumno, qui sine hye-

hyeme, non siccò, & sereno cælo, qui humido, & in aliis ad eundem modum. Nec solum varietates hæ faciem mutant, sed vires quoq; & ingenium: quin ipsam eandem herbam & nascentem, ac pullulantem considerari conuenit, & grandescentem, & adultam, & senescentem: nec minus quæ ex his apud pharmacopolia constantur, spectabit. Sectione humani corporis quam *ἀνατομία* vocant, frequentes, attentique dispicient, vnde venæ, nerui, ossa nascantur, quò pertineant, & quâ: quæ sit eorum magnitudo, quis vsus in viuente, qui inter illa concentus. Secundum exercitiū erit, ut ægros cum veterano aliquo medico adeant, & obseruent diligenter, quemadmodum is præcepta artis operi accommodat. Tertium verò, quum iidem ipsum soli manum iam admoueant operi, quod bene vertat. Et sicut in frugibus quasdam non consumimus, sed reservamus ad semen, ita in medicis erunt plerique omnes: quos in executione professionis, & in curandis corporibus ponere, quod reliquum est ætatis, conueniet. Erunt autem nonnulli, qui operatione aliis relicta, ipsi in artis contemplatione, & tanquam illius mysteriis subsistent. Hi erunt homines qui vel suo apte ingenio à commerciis abhorrebunt hominum, vel qui sustinere non poterunt fastidia morborum, aut qui impares erunt labori concursandi, aut tenerioris frontis, quam ut perferri possint tam multa quæ medicis videndo sunt atq; audiendo deuoranda: deniq; quibus natura medicæ artis deerit, quam primam in medico desiderari superius ostendi. Sed hi tamen erunt, quibus ad eam naturæ conditionem acumen ingenii & iudicii vigor sit adiunctus, varia quoque & latè diffusa doctrina, ex qua impensus quidā erga studia amor nascitur, ut nō facile ab inspiciendis sese rebus emolumētis vllis sinant auocari. Hi velut antistites quidam, artis in ipsis adytis & mysteriis versabuntur perpetuò: docebunt alios, scribent. cōsulentur, respicient subinde ad linguas, ad philosophiam, ad omne genus scriptorum liberius. Nam illos qui artem in vsum generis humani conuertunt, vbi primū sese publicis utilitatibus dedicarunt, & quasi consecrarunt, nolim ampliū ad alias vllas disciplinas, aut artes diuertere, est enim in hac vna satis superq; quod agāt, vel vita vniuersa, quamlibet diuturna, ac longa. Itaq; non ferant eum, qui ad opem hominibus

ferendam accersitur, Ciceronem, aut Demosthenem, Vergilium, aut Homerum lectitare: multò minùs authores aspicere artis grammaticæ: sed nec historicos, aut etiam philosophos, nisi si qui adiumenti aliquid adferre possint iis, qui salutem suam ipsius curæ commulerunt. Didicisse hæc oportet priùs, certè hic non addiscere: disciplinis omnibus atque exercitiis literarum æternum vale dicet, in hæc vnam intentus & incumbens prorsus. Faciliùs tulero cuiusvis artis professorem diuersis nonnunquam occupari, quàm huius: quæ adeò longa, varia, obscura est, ut ægre quamlibet felix ingenium cunctum sit ei percipiendæ, aut rite exercendæ par: quantò minùs ingenii portio aliqua. Hi tamen experimenta sua monumentis literarum ad vsum posteritatis cõsignabunt. Sciâtque medicus, quicquid temporis huius vnius studio subtraxerit, tantum surripere ac furari sanitati suorum ægrotantium.

De exercitiis medicinæ.

Aggressis bonis auibz experimenta artis, nihil potius habebit, aut charius, quàm humanum corpus. Quocirca experimenta prima, quæ sunt plenissima periculi, non summet in humano corpore: nec in dolio figlinâ auspicabitur: quod est in Prouerbio, sed in re vili, nempe in mutis animalibus. Quod si necesse est in homine fieri, ne sint saltem tenera, & delicata corpora, quæ iniurias medicamentorum non sustinent: sed ea, quæ violentia fomenti afficit fortassis, ac commouet, non extinguit: ut sit, quod veteres soliti erant dicere, periculum in Care. Iam verò ingressus ad ægrum visendum medicus, quo habitu erit, quo cultu, quâ diligentia, & sermone utetur, perscripta sunt omnia, quum ab aliis medicis, tum ab Hippocrate Coo breuiter, ac prudenter compræhensa. Sed ego tamen nonnulla more meo explicatiùs ponam. Primum est omnium, ut curet se medicus, ne graui sit ipse valetudine, neu pallens, & ore ipso morbum suum oculis obiciens obuiorum: ne illud protinus de sacro Euangelio audiat, Medice cura te ipse. Quam spem de eo medico æger concipiet, cuius artem in illo ipso videt nihil proficere? Tum ob ægrotorum fastidia vestiatur nitidè magis, quàm splendide. In ipso agro statim primo aspectu considerabit habitum, & constitutionem corporis, ætatem, animum. Quæret de valetudine superioris temporis,

de

de moribus, & consuetudine illius: hæc omnia humanè atq; affabiliter: tum audiet patienter, nec hariolandi gloriam captabit, vt diuinet quæcunque circa illum contigerunt. Graues patiuntur casus, qui ita se huic inanissimæ aurulæ concredunt, & valetudines languentium affligunt, ipsos etiam non rarò perimunt, dum medendi arte non contenti, diuinationem quoque gestiunt ostentare. Neque verò quæcunque ab absidentibus mulierculis audierit, pro exploratis, cõpertisque accipiet, ipse iudicium suum velut condimentum asperget. Admoneri se boni consulet, imò habebit etiam gratiam. Aequitatem animi obtineat in censendo, ne quo se sinat affectu abripi. Præclarè secum actum sentiet, si in illa ipsa moderatione sui nanciscatur quod cupit, nedum vt commotus, ac perturbatus necessaria possit rite exequi. Cogitet bonus, & sapiens medicus, se velut salutare quoddam numen in terris versari: vt diuos imitetur integritate morũ, & opum contemptu. Castas manus, castos oculos ab omni impudicitia conseruet: sed nec quãtum ex òpera rediturum est in oculos, curiosè repetet. Equidem vehementer admiror esse permultos medicos ad lucrum attentos, quum nulli magis intelligant, & experiantur quotidie, quanta sit vitæ breuitas, quàm fugax, quàm incerta, quàm leues causæ valentissimos homines absument, ac pròinde quàm parum prosint diuitiæ, quarum exiguus est adeò vltus, & brevis. Quid ergo de illis dicam, qui auiditate lucri morbos differunt? quo nihil cogitari potest inhumanius. Non priuatim videntur isti admonendi, sed publica seueritate puniendi, haud aliter quàm conuicti facinorum capitalium. Cur in eum animaduertitur, qui hominem liberum cecidit, istis verò impune est morbos cum certo valetudinis exitio proferre? Si vel morbi ratio, vel infirmi ingenium ab alloquio abhorret, paucis verbis rem transiget, & maxime sobriis: sin ferant sermonem, facundè aliquid narrabit, lepidè, accomodatè ad captum audientium, ad ægrum, & eos qui adsunt sine scurrilitate exhilarandos. Tentabit initio, an poterit ægrum suum curare victus ratione, hoc est diætâ: sin res poscat, addet medicamenta, sed simplicia: sin maior sit morbi vis, & varia, ad commissionem transibit. Si res exigat, vt ad capiendum consilium, alii sint acciendi medici, propo-

net sibi ante oculos non existimationem sui, non quæstum, quæ duo quanti sunt, si cum hominis salute conferantur? sed id quod ei expedit, qui ad fidem suam cōfugit: vt in eum patrio quodam esse affectu necesse sit, si viri boni officio velit defungi. An est aliquid, quod magis nos ad beneuolentiam & benefaciendum adducat, quàm fiducia nostri? Quapropter eo veniet animo ad deliberationem, vt in sententiam meliùs monentis paratus sit cōcedere: audiente ipso, de quo agitur, non differet, nec aliis præsentibus contendet:

in illa enim dissentione opinionum, qui iudicare ipsi nesciunt, nec possunt statuere, cui se parti potissimùm applicent: inde nascitur desperatio quædam sui, & artis totius odiũ, quam habent pro incertâ.

* *

LIBRI QVARTI DE TRADENDIS DISCIPLI-

NIS FINIS.

IOAN-

IOANNIS LV-

DOVICI VIVIS

VALENTINI,

De tradendis disciplinis, siue
de doctrina Christiana,
Liber Quintus.



CONFECTA est nobis ea via quæ rerum naturam cōtemplatur, quæque hominum corporibus vel alimēta demonstrant, vel antidota aduersus morbos impendentes, aut contra iam incūbentes remedia. Nunc alteram illam aggredimur, qua tum excoluntur animi, tum sanantur, vt in hac quoque sit mētis illustratio, ne morbi inuadant, atque vbi inuaserint, per rationis imperium depulsiō ac restitutio sanitatis. In vitæ negotiis prudentia præsto est nobis, atque auxilio: in rebus diuinis pietas, quæ qui sit Deus docet, & quemadmodum nos aduersus illum decet gerere: eamque vnā verè ac maximè propriè sapientiam nominarunt: de qua non est hic dicendi locus, curam sibi peculiarem tanta res postulat.

Prudentia verò peritia est accommodandi omnia, quis in Prudentia.
vita vtimur, locis, tēporibus, personis, negotiis. Hæc est moderatrix, & clauus in affectionum tēpestare, ne hi sua violētia naue totius hominis in breuia, aut scopulos inpingāt, vel obruāt magnitudine fluctuum. Duabus autem ex rebus prudentia nascitur, iudicio, atque vsu rerum. Iudicium opus est sanum & solidum, interdum quoque viuidum & perspicax. Experimenta rerum vel nostra ipsorum sunt, quæ nos agendo cepimus, vel aliena conspecta à nobis, lecta, audita: Alterutrum cui desit, prudens esse non potest. Nam quæ ad vsum referuntur aliquē, ea nisi aliquādo ipse obeas, quātumc

tuncunque exposita habeas & percepta, nunquam tamen rectè exequeris: quippe quum manum admovebis operi, non multum aberit, quin tamen venias nouus, quam qui nihil prorsus de eo ipso cognouerat: haud aliter quam ad pingendum, texendum, suendum, rudis penitus videtur accedere, qui instructus quidem venit præceptis, sed inexercitatus penitus. Iam exercitatio per se ac vius nisi regatur à iudicio proficiet quidem non nihil, sed manca erit, prudentia hæc, & sæpenumero in occasione rerum agendarum infirma, & inutilis. Multi enim variarum rerum habent experimenta, & complurium cognouerunt mores nationum, ac gentium, sed quia segni, & præpedito iudicio, seu nullo potius, parum admodum prudentiæ, ac interdum nihil omnino collegerunt. Quocirca nec adolescētes, aut iuuenes prudentes esse queunt, qui experimentis carent: nec tardi senes & iudicio de rebus vel hebeti vel prauo. Quapropter facultatis huius tractatio magna de causa est à nobis post artes omnes perceptas collocata.

Prudentia
duplex.

Cæterum prudentiæ finis & tanquam scopus biceps est. Vna pars eò spectat, quum prudentia ad corporis & affectuum libidinem confert omnia, ut quicquid siue iudicii parauit, siue vsus rerum ad voluptates, honores, opes, potentiā solerter cōuertat, quæ est vafricies, & astutia: sacris authoribus carnis prudentia nuncupatur, quod iis sit intenta, quæ caro concupiscit. Altera pars est, quæ ad mentem & suam, & aliorum iuuandam actiones suas omnes, & cogitationes refert, hoc est, ut se, & alios meliores reddat. Et quoniam prior illa, quemadmodum Paulus inquit, stulticia est, de hac altera loquemur. Cui non sunt idonei natura stupidi, aut stolidi, nec inepti, & pueriles coniectores: quandoquidem prudentiæ pars optima in coniecturis sita est, quas de rebus sequentibus, è coniunctis & transactis sumimus: ut genus sit quoddam diuinationis prudentia, quemadmodum prisca sententia declaratur: Bene qui. coniecerit, hunc vatem perhibeto optimum. Sed neque leuia ingenia, & sibi indulgentia: non enim per summas est rerū facies volitandum, sed penetranda intima diligentia & assiduitate, quam sibi indicare non sustinent ingenia delicata. Minus multò sunt apti scurræ, impostores, dicaculi, iocularis, qui res maximè momenti festiuitate, & argutiis eludunt, magnamque de rebus grauissimis

Prudentia
diuinationis

mis consulentium spem ioculari licentia frustratur, & in seriis ineptiunt, nuganturque: vt sapienter sit illud à veteribus animaduersum, facilius scurram futurum diuitem, quàm bonum patrem familiàs. Pertinaces item & contentiosi hinc arcendi, vti mox ostendam. Qui eiusmodi sunt ingeniis tanquam ad prudentiam, id est, regendi artem non facti, & apppositi, ipsi alios non regent, regentur ab iis quos natura ad prudentiam finxit.

Iudicium porro, vt quod est in prudentia naturale, doceri Iudicium non potest, elimari, & excoli potest: primum lectione eorū authorum, qui plurimùm bono illo valuerunt, Platonis, Aristotelis, Demosthenis, Ciceronis, Senecæ, Quintiliani, Plutarchi: ex nostris autem Origenis, Chrysostomi, Hieronymi, Lactantii. Hinc instrumento veri inueniendi, quo patet, fit, quid in quaque re vel verum sit, vel eius simile, qua ex observatione plurimum lucis accedit animis. Dicendi etiam ars rectè percepta magnum adferre iudicio adiumentum potest, vsus etiam, quod est alterum prudentiæ membrum, plurimùm confert censendi facultati, vt manus manui.

Experimenta nostra accedunt arate & rerum actibus: aliena ex cognitione prioris memoriæ discuntur, quæ historia nuncupatur. Eaque efficit, vt præteritis non minùs videamur interfuisse, quàm præsentibus, illisque pèrinde vti posse, ac nostris. Meritò sacerdos ille Aegyptius Solonē & Græcos qui recordationem priscae memoriæ non tenerent, pueros appellauit. Historia si adsit, ex pueris facit senes: sin absit, ex senibus pueros, quippe quæ testis est temporum, & lux veritatis, sicut à prudentissimis est viris diffinita. Cuius præterquam quod est iucundissima, incredibilis est non ad vitam modò, sed ad artes quoque omnes utilitas. Quotopere humanos animos delectet, & reficiat, indicio sunt aniles fabulæ, quas etiam cum summa voluptate audimus attentissimè, ob id solùm: quod faciem historiæ aliquam præse gerunt. Quis verò non aures illico, & animum erigit si narrari audiat insolitum aliquid grande, admirandum, pulchrum, fortè, liberè factum, dictumve, ex iis quorum historiæ refertissimæ sunt. Videre est quosdam, dum legunt, vel audiunt narrationem rerum quampiam etiam sæpè falsam immori cupiditati pernoſcendi, cibum, & potum, & somnum obliuisci, earumque rerum cupiditates naturales vin-

Experi-
menta.

Historia.

Historiæ
delecta-
tio.

• cere

cere, dum ad exitum perueniant. Vtilitas verò, imò etiam necessitas quotidieprehenditur in vita. Nemo patrem, nemo maiores suos nosset, nemo ius suum, aut alienum vel scire posset, vel obtinere, nemo quam regionem incolat, quomodo illuc perueniret, nemini sua possessio certa esset, & rata, nisi historiae munere. Quid dicam ad capeffendam reipublicam, & populi negotia administranda, quantum adferat momentum? L. Lucullum Cicero scribit, profectum Roma rei militaris penè rudem, quum totum iter & nauigationem contumplisset, partim in percontando à peritis, partim in rebus gestis legendis, in Asiam venisse, factum Imperatorem tantum, vt Mythrydates rex post Alexandrum maximus, hunc à se maiorem ducem cognitum, quàm quenquam eorum quos legisset, aut vidisset, conhteretur. Alexander Seuerus, quod legitur apud Lampridium, in rebus dubiis historiae gnaros solitus erat consulere. Zenobiam Reginam supra muliebre prudentiam historiae peritia, extulit, quam etiam scriptitalle ferunt. Quid causae esse credimus, cur philosophi nostri regendis ciuitatibus, & populis, iam pridem idonei non fuerint, nisi quod historia carerent, prudentiae nutrice? Sunt tamen qui veteris memoriae cognitionem inuilem esse sibi pertuadeant, quod mutata sit vniuersa ratio victus, cultus habitandi, gerendi bella, administrandi populos, & ciuitates. Quae opinio quoniam aduersatur sapientum hominum sententiae, magnum sit argumentum, & rationi esse contrariam. Nimirum negare nemo potest omnia illa esse mutata, & mutari quotidie, nempe quae sunt voluntatis nostrae, atque industriae. Sed illa tamen nunquam mutantur, quae natura continentur: nempe causae affectuum animi, eorumque actiones, & affecta, quod est longè conducibilius cognoscere, quàm quomodo olim vel aedificabant, vel vestiebant homines antiqui. Quae enim maior est prudentia, quàm scire, quibus ex rebus, qui hominum affectus vel concitantur, vel sedantur? affectus porro illi quae adferant momenta in republica, quos morus, quemadmodum continendi, sanandi, tollendi, aut contrà exagitandi, & confouendi siue in aliis, siue in nobis ipsi: quid magis vel rectori ciuitatis, vel cuius ciuium nosse expedit? & quidem iucundissimè, & genere pro

re prudentiæ felicissimo. Quantò nanque felicius est alienis malis admonitum sapere, quàm propriis? vt sit historia velut exemplum eorum, quæ sequaris quæq; deuities. Quid illa ipsa quæ mutata esse constat, quanta emolumenta suppeditant? vel vt aliquid in tuum vsum reuoces, vel vt causam inteligas, cur quicquam tum sic agebatur: quò eandem ipsam, aut similem rationem ad actiones tuas quum res feret, applices. Nihil est enim veterum adeò desuetum, & abolitum, quod nostris viuendi moribus accommodari quadantenus non queat: Nam & si forma iam alia, vsus tamē idem manet, quod eunti per singula facile erit deprehendere.

Iam artes ipsæ ne constare quidem possint, si historiam sustuleris. Hippocrates, Galenus, & alii medici quàm sæpe historicos agunt, dum experimenti successum narrant: Ipsa adeò medicina ex historia collecta est, sicut Plinius ex M. Varone perhibet. Quot morborum genera, quomodo & vbi orta, aucta, compressa, sedata, sublata memoria vetus prodit: sine quorum notitia manca est medicina, & potissima sui parte orba: quam ex tot vndique experimentis necesse est colligi ceu aquas pluuias stillatim. In morali philosophia plus exempla proficiunt, quàm præcepta: scilicet libentius ac promptius imitatur quisque, quod admiratur. Quis non citius adducitur ad fidem vel cum præsentissimo periculo seruandam, quod M. Attilius tam constanter, & magnam animo salutem præstiterit, quàm viginti de eadem ipsa re documentis? Tū ad fortiter omnia pro Christi gloria patiendū magis accendimur martyrum exemplis, quàm theologorum monitis: magisque à sceleribus deteremur tristi scelerosorum exitu, quàm detestatione philosophorum de vitiis. Mitto sententias, tot prouerbia, apophthemata, quibus componendi mores impensissimè adiuuantur, quæ omnia è media historia petuntur. Ius totū ex historia manat, quod ostēdit caput illud Caii iurisconsulti de origine iuris. In eo enim situm est ius Quiritum, quid Quirites sciuerint, statuerint, egerint, quid Senatus decreuerit, magistratus pro potestate dixerint, principes iusserint. Atqui ea omnia vnde sunt? An non ex historia: vt ius vel Romanum, vel cuiusuis alterius gentis nihil sit aliud, quam ea historię pars, quæ mores alicuius populi persequitur, eos quibus vitæ communicatio comprehensa est quo pacto inter se agant, quo cum exteris.

Quid

Historia
omnibus
artibus v-
tilis.

Quid verò Theologiæ quanta pars est narratio gestorum populi Israelitici, Christi, Apostolorum, martyrum, deniq; sanctorum omnium, & totius ecclesiæ? quæ nos & docent, & validissimè ad bene agendum inflammant. Equidem non lim in grauiissimas disciplinas contumeliosius aliquid dixisse, sed nescio quo pacto Historia videri posset præstare omnibus, quæ vna tot artes vel pariat, vel enutriat, augeat, excolat, idque non per amara & molesta præcepta, atque exercitamenta, sed per animorū delectationem: vt simul pulcherrima ac fructuosissima haurias, simul animū recrees, ac reficias. Verū historia cognita est iam nobis quadantenus in puerili institutione, sed illa modò ad rationem temporum, & nomina præclarorum hominum noscenda: nunc verò exactius est ac plenius versanda, quoniā melius ab adultis iam, confirmatisque post rerum vsum aliquem intelligitur, vt in vitæ emolumenta conuertatur, iudicio adhibito: tanquam succus naturali calore diffusus per corpus, vnde alatur homo, & vita producat. At verò in cognitione historiæ minimè conuenit nos circa friuola & molesta detineri, in quibus laboris est, & curæ multum, fructus omnino nihil: præsertim quū bonarum, & vtilium rerum tanta suppetat copia. Audiendus est prudens magister M. Fabius, qui in institutionibus sic inquit de futuro vtique oratore: sed nos ad prudentem virū accōmodabimus. His accedit enarratio historiarum diligens quidem illa, non tamen vsque ad superuacuum laborem occupata. Nam receptas, aut certè claris oratoribus memoratas exposuisse, satis est, persequi autem, quod quisque vnquam vel contemptissimus hominum dixerit, aut nimix miseriæ, aut inanis iactantiæ est: & detinet, atq; obruit ingenia meliùs aliis vacatura. Nam qui omnes, etiam indignas lectione, schedas excutit, anilibus quoque fabulis accommodare operam potest. Sic ille. Ergo tenenda sunt ex historia, primū ratio temporum, hinc facta & dicta, quæ exemplum possint aliquod adterre, siue vt bonum imitemur, siue vt malum deuitemus. Bella & prælia non accuratè persequenda, quæ tantū instruūt animos ad nocendum, & vias ostendunt, quis inuicem possimus lādere. Notanda sunt dūtaxat, & leuiter, qui arma cepērint, qui vtriusque duces, vbi congressum, qui victi, quid illis actum. Nec
 a iter dicenda vel legenda hæc, quā latrocinia, cuiusmodi
 re vera

re vera sunt pleraque horum omnia, nisi quæ fortè aduersus latrones sunt suscepta, quod inter Christianos vtinam non tam rarò vsu eueniret. Satiùs igitur, & fructuosius fuerit dare operam togatis rebus. quæ in virtute præclare ac sapienter sunt acta, quæ in sceleribus atrociter, forè: qui exitus, quàm lati benefactorum, quàm tristes, atque infelices malorum facinorum. Tum dicta & responsa hominum præditorum ingenio, sapientia, vsu rerû, ea potissimùm quæ Græco verbo *αποφύματα* dicuntur: cōsilia etiam, cur quicquid susceptum, factum, dictum, eorum potissimùm, qui probitate, sapientia, studiis bonarum artium reliquis antecellunt, quales sunt philosophi, & præstâtissimi omnium diuī nostræ pietatis: vt non solùm quæ ab animi incitatis motibus sint edita cognoscamus, sed quæ à vi mentis & iudicii. Indignum profectò est affectionū nostrarum opera mandari memoriæ, non item consilii ac rationis. Historiæ necessaria est imprimis locorum notitia, sine qua intelligi illa non potest, sed ea est iam nobis alibi ostensa.

Authores rerum gestarum vetustissimi alii ab aliis celebrantur. Aegyptii sacerdotes suos nobis ingerunt. Græci historiæ. Cadmum Agenoris filium. Sed Abraamum Vrensem priorem illis omnibus historiā reliquissè multò est certius, ex qua sunt origines cæli & terræ apud Mosen, atq; eam ipsam historiā Abraamus ex filiis Sethi accepit, quos Iosephus ait duabus columnis lateritia & saxeæ consignasse literis mundi exordia, & semina maximarum artium: quò apparet historiæ vsum cum ipsis penè hominibus cœpisse, nimirum sic expediebat humano generi. Cursum historiæ à primo vel mundi, vel gentis alicuius initio cōtinuatū ad postremum vsque præstat inspicere, idque si fiat, rectiùs percipiuntur, ac tenentur omnia, quàm per partes interruptas, non aliter quàm si in descriptione orbis vniuersitas terræ ac maris vno aspectu ob oculos ponatur, facilius erit mūdī faciem, & singulorum ordinem, sitūque intelligere. Polybius Megalopolitanus totius humani generis historiā similem animanti facit integro, particulares verò narrationes disiunctas eisdem membratim discerpto, cuius figuram, pulchritudinem, vires nemo ex partibus ita laceris colliget. Quapropter & nos historiæ membra sic copulabimus, vt vnū existimemur coagmentasse ex multis, si non vt animal vnum, vt structu-

ram vtrique vnā compositione aptam, seruata, quantū quidem per diuersitatem scriptorū licebit, ratione temporum, quo nihil est historię aptius, aut congruentius. Principio legendus aliquis qui ab vltimis temporibus ad nostram memoriam, aut ei proxima historiam tenore vno contexat, vt summa quadam proponantur omnia: sit sanē vel Naucleus, vel hoc copiosior & purior, & diligentior, adde etiā doctior, Antonius Sabellicus. Paulus Orosius ab orbe condito ad sua tempora summas rerū apte persequitur. Hinc partes sunt iam historię cōpingendę per opera authorum integra, quoderit cōmodius, quam per partes illorum. Mundi origines Moses tradit libro, qui ea de causa Genesis inscribitur. Libellus circūfertur Betosi Babylonii titulo de eadem re, sed commentum est: quod indoctis & otiosis hominibus mirē allubescit, cuiusmodi sunt Xenophōtis æqui-uoca, tum Archilochi, Catonis Sempronii, & Fabii Pictoris fragmēta, quę eodem sunt libro ab Annio Viterbensi conferruminata, cōmentisque reddita magis ridicula: nō quin insint quędam in illis vera, nam aliqui frontē non haberet narratio, sed ipsum historię corpus commentitiū est, nec illius, cuius titulum mentitur. Manthon Aegyptius, & Metasthenes Persa ex Eusebio sunt desumpti. Sequuntur Exodus, Numeri, Iosue, Iudices Israelis. Philo Alexandrinus ab Adamo ad necem Saulis Regis historiam summam deducit. Diodorus Siculus ab inundatione quę sub Ogyge fuit Rege Beotię ad sua tempora, id est, ad C. Cæsare Dictatorem: quem Plinius nescio qua causa dicat primum apud Gręcos defuisse nugari, quum nihil eo sit nugacius, nisi forsā quod nullū operi suo illecebrosum, aut magnificum titulum indiderit, sed inscripserit tantum *βιβλιοθήκας*. Gręca historia fabulosisima est vsq; ad Olympiades, nec quisquam vera à falsis discreuerit: sed nec quę deinceps sequitur mendaciis caret, licet paulò verecundior: Ad eam nonnihil adiūmēti Homerus adiit in vtroq; poemate, et si cōuestiuntur in eo fabulis penē omnia. Dares Phrygius & Dictis Cretensis figmenta sunt eorū, qui de bello famolisissimo voluerunt ludere. Dion Prusienis Troiam non fuisse captam argutatur. Philostratus in historicis magna Homeri mendacia maioribus mendaciis corrigit. Iliada Homeri compleuit Q. Calaber. Accedunt iam libri Regum, & τῶν Παραπρωτόμων, Hester, Thobias, Iudith, apoc

apocryphi, Esdras, cuius in quatuor libros diuisi, priores duo ab Hebræis agnoscuntur in canone, posteriores apocryphi sunt. Romanorum origines obscuræ, ac tenues venerunt ad posteros, quod ante urbem à Gallis captam rarus esset literarum usus, ut inquit Liuius. Est Iosephi de antiquis aduersus Appionem disputatio, de qua diuus Hieronymus miratur in homine Iudæo tantam peritiā Græcitatē. Herodotus pater nominatur historiæ, quod primus ad rerum narrationem, elegantiā, & nitorē orationis adiunxit. Habet fabulosa permulta, sed operis titulo excusatur, inscripsit enim musas: quo significauit quædam dici licentius, id enim musis permittitur, ut audientiū animos suauius detineant, quod interdum seueritate narrationis, non assequerentur. Religiosior Thucydides Atticus memoriā suam cōplectitur de bellis Pelopon. Sequitur Xenophontis Historia, *παρ κλεωμένηα*, Lycurgileges, Cyri iunioris *ἀνάβασις*. Nam Cyri maioris *παιδεία* informatio est principis, non historia. Aemilius Probus de ducibus exteris ad Atticū, nullum enim Romanum attigit. Res Alexandri Macedonis conscripserunt Latine Curtius, Græcè Arrianus. Iam latissimè pater pelagus Plutarchi de vitis Græcorū à Theseo ad Philopemenen. Plenus est author ille rerum, plenus monitorū ad virtutem. Trogus quadraginta libros de toto penè orbe ediderat, eius extat modò compendium, in quod Iustinus illum redegit. Pausanias de gentibus Græcis multum confert notitiæ vetustatis illius nationis. Plutarchus idem vitas decem rhetorum scribit, multaq; in eo insunt opere de ciuitate Atheniensi, ut plerique eorum rem administrarunt publicam. Diogenes Laërtius philosophorum vitas ad scēnam quādam composuit. Magna est in eo opere rerum cognitio, multoque est legi dignissimum. Aelianum videre mihi non comigit, citatur à nouis scriptoribus. Res Populi Romani ut scitè à L. Floro traduntur, non minùs gentis historiā complectuntur, sed orbis vniuersi, & totius generis humani. Conducat ad eam intelligendam de magistratibus, & sacerdotiis illius ciuitatis cognoscere, de quo libellus legitur Fenestellæ nomine, siue illius est, seu cuiuscunque alterius, & Pomponii Læti ex eodem desumptus: tum de vrbs regionibus breuiter scripsit Faustus Victor nuda persecutus nomina. Acta illius gentis à primordio vrbs orsus est Liuius, & ad sua tem-

pora contexit, nempe ad principatum Augusti, sed multo maxima pars intercidit. Tres iam pridem ferebantur decades à quatuordecim. Accesserunt nuper libri duo: quum hæc ederemus, quinque alii ex quinta decade in antiqua bibliotheca sunt reperti. Diligentissimus scriptor ad bene tum loquendum, tum sentiendum in negotiis quum primis utilis. Sunt qui eius opus nolint in decades partiri, sed præfationes decimo quoque libro ita fuisse ab autore distinctum testantur. Eius Epitomen L. Florus contraxit, quam habemus, & alterum Flori eiusdem opusculum de Romana historia, quo nihil potest fingi in illo genere vel acutius, vel lepidius. Dionysius Halicarnassæus Græcè de Romanorum initiis, & primis vrbis temporibus tradidit à M. Varrone hæc accepta. In Polybio non minorem, quàm in Liuiio iacturam fecimus, ex quadraginta eius historiarum libris quinque tantum reliquis. Libri Machabeorum tres sunt, quorum duos habemus versos inter sacros, tertius Græcè non legitur, incertum quis illorum author fuerit. Quidam Iosepho assignant, & eos Græcè ab illo genitos, quod phrasis non videtur aliunde transfusa. Sallustius de bello Iugurthino, hinc de consuetudine Catilinæ: tum Cæsaris commentarii. Bellum civile Pompeianum Lucanus cecinit historicis magis admirandus, quàm poëta. Cornelius Nepos, quem Catullus ait Romanorum æuum tribus chartis explicasse. Iulius obsequens de prodigiis ad notationem valet temporum. Appianus Alexandrinus & externa, & ciuilia Romanorum bella memoriam mandauit Græcus author. Paternus Velleius. Plutarchi vitæ Romanorum à Romulo ad Othonem: eiusdem parallela. Valerius Maximus sparsim attingit historias multarum gentium, dum exempla generatim colligit. Sanctum Christi Euangelium à quatuor scriptoribus expositum. Liber vitæ, & historia humani generis instaurati adoranda: quæ tanta felicitas in principatus collata est Augusti, & Tyberii. Actus Apostolorum memorie consignauit Lucas idem, qui & Euangelium. Suetonius Tranquillus Græcorum & Latinorum scriptorum diligentissimus, atque incorruptissimus res duodecim Cæsarium videtur mihi integerrime exponere, qui in optimis principibus nec vitia, nec suspensiones vitiorum tacet: in pessimis vero etiam colores virtutum non dissimulat. Pari fide ac diligentia

Laërtius Diogenes philosophorum vitas composuit. Eiusdem Suetonii extat de grāmaticis opusculum. Cornelius Tacitus grauis ad consilia, ideóq; prudentiæ multū conferens, tum etiam quia domi magis versatur, quàm militiæ. Est & Taciti liber de Germanorum moribus. Flauii Iosephi antiquitates, & bellum Iudaicum, quod Vespasiani confecerunt: de quo & Aegesippus paulò post scripsit, Latinus, factus ab Ambrosio Mediolanēsi antistite. Dió Cassius Cocceius sub Alexandro Seuero Romanorū historiam libris octoginta Græcis literis cōposuit: gesta itidem Traiani & Arriani vitam, vt testatur Suidas: historia eius nō extat integra. Iulius Frontinus de aquæ ductibus, & ad locorum vrbis Romę noticiam valet, & ad notationem fastorum, meminit etiā compitūrium consulū. Philostrati sophistæ inter quos sunt nonnulli philosophi, & oratores ab Eudoxo Guidio, qui Platonem comitatus est in Aegyptum, ad Aspasium, qui Romæ sub Antoninis vixit. Eiusdem Philostrati Apollonius penè totus figmentum est rabiosum, ac blasphemum hominis in fingendo non inexercitati, quiq; historias comminisceretur de iis, quæ nemo vnquam vel vidisset, vel audisset. Herodianus à Commodò ad Gordianum, Aelius Spartianus, Capitolinus, Lampridius, Volcatius Gallicanus, Trebellius Pollio, Flauius Vopiscus ab Adriano ad Carinum. Ammiani Marcellini quod superest, opus nec oratoris omnino, nec historici. Pomponius Lætus à Balbino & Pupieno ad Heraclium. Paulus Orosius, si quis eum antea non legerat, hoc loco euoluet. Eutropium item, qui Epitomen confecit rerum Romanarum à Iano ad Iouianum Cæsarem. Sextum item Aurelium ab Augusto ad Theodosium. Flauius Blondus libris decem Romani triumphantem depinxit, & alio opere instauratam Italiam. Petrus Crinitus poetas Latinos quinquelibris expresseit à Liuiò Andronico Salinatoris liberto ad Sydónium Apollinarem. Paulus Varnefridus Longobardus, qui Diaconus cognominatur. Cæsares à Valentiniāno ad Leonē. Procopius & Agathias res Iustiniani transfuderunt ad posteros: ex eisdem Leonardus Brunus Aretinus bellum Gothicum composuit: ab his ipsis bellis ad suā memoriam, id est ad Pium secundum Pontificem Romanorum decades scripsit Blondus, quas ab inclinatione imperii nominauit. Res ecclesiasticas à Christo Domino ad Cō-

stantinum Cæsarem Eusebius nouem libris explicuit, quæ historia ecclesiastica dicitur:decimum atque vndecimum volumen Ruffinus addidit priorū interpretes ad principatū Arcadii,& Honorii.Historiam alteram ecclesiasticam legimus trium virorum, quæ ideo tripartita nuncupatur, in Epitomen per Calsidorum coarctatam à Crispo & Constantino Consulibus ac Cæsaribus ad decimumseptimum Theodosij Augusti.Diuus Hieronymus scriptores ecclesiasticos recensuit à Petro ad seipsum, Theodosio imperante. Gennadius eodem tempore suos addidit à Iacobo Episcopo Nesibenzæ Persiæ, qui martyr sub Maximino fuit, ad Honoratum episcopum Masiliensem.Beda presbyter Anglus narrationem ecclesiæ suæ literis mandauit. Habemus etiam acta conciliorum, quæ Ioānes Gerson collecta esse autumat ab Isidoro Hispalensi:alii post alia addiderunt, vt Pius Basiliense, cui ipse interfuit. Dissecto ac diuulso imperio Romano, vnaquæque gens suis nixa viribus, res sibi suas domi & foris gessit, inde sunt peculiare gentium historiae. Eginhardus scriba Caroli magni vitam & acta illius commendauit posteris, de eodem Turpinus, & nuper Donatus Accioalus breuiter ac nitidè.Gaguinus res Francorum ad sua tempora deduxit, id est ad Ludouicum vndecimum, admittis, vt fama est, affectibus: meliore fide Paulus Aemilius nempe de rebus prius, id est à primis Francorum regibus post excussam Romanorum dominationem ad Philippum & Carolum fratres.Ludouici filios.Res Gotthicas posteris prodidit Iordanus Castalio, Hispanas Rodericus Toletanus præsul, Saxonicas Albertus Crantus, Venetas Sabellicus, Aragonenses Maria Siculus, Scothicas Hector Boethius, Pius Pontifex Bohemicas, Beatus Rhenanus Germaniæ origines, situm, mores.Saxo Grammaticus de Danis ea scribit, quæ fabulositatem respiciunt, vt in admirationem aliarum gentium conficta credas. Sed mireris quoque in illo seculo, atque illa regione verba & elegantiam dictionis. Fabulosa sunt magis quæ de Britannia originibus quidam est commentus à Bruto illos Troiano deducens, qui nullus vnquam fuit.Degentibus ad Orientem & potissimum Tartaris Agython quidam Præmostatensis librum reliquit, qui in illis regionibus aliquandiu egit ab hinc annos ferè ducentos. Platinæ Romanorum Pontificum vitas legimus à Petro ad Xystum
quar

Quartum. Ioannes Tritemius Abbas Spanhemēsis vitas Scriptorum ecclesiasticorum congeſcit oriſus à Clemente Romanorum epifcopo ad hæc tempora, multorum enim meminit, qui adhuc viuunt. Memoria mandauit ſua tempora Leonardus Aretinus. Bellum Neapolitanū Alphoſi Pontanus. Michael Ritiſ reges aliquot Chriſtianos collegit, in quo opere multa ſunt locorum, hominum, & familiarum corrupta nomina, vitio credo deſcribentiū. Baptiſta Aegnatius Cæſares breuiſſimè recensuit ad Maximilianum. Nauigationes Oceani, & orbem nouum repertum ſuo tempore Petrus Martyr Mediolanenſis monumentis literarum conſignauit. Sed poſtea ſunt res ampliorem conſecutæ, & quæ fabuloſæ videbuntur ad poſteros, quum ſint tamen multò veriſſimæ. Sigillatim quorundam vitas ediderunt varij, vt Tacitus Agricolæ ſoceri. Seuerus diui Martini. Paulinus Ambroſij. Pontius Cypriani. Hieronymus Paulæ, Hilarionis, Malchi. Nuper Laurentius Valla Fernandi regis Aragonū. Antonius Panormitanus acta & dicta Alphoſi Fernandi huius filij. Campanus Brachij. Raphael Volateranus & in anthropologia, & in Geographia multa de rebus geſtis congerit, quæ illius opera vehementer hitoriæ proderunt. Sunt alij permulti, qui memoriam rerum iuuare poterunt, & ſi non ex profeſſo hitori, velut Cicero, Seneca, Gellius, Macrobius, longè plus Polydorus Virgilius in libris de rerum inuentoribus, & Auguſtinus in ciuitate Dei. C. quoque Plinius, & Plinii ſurunculus Solinus. Strabo item & Pius Secundus geographi. Ex Græcis Plato & Plutarchus in moralibus opusculis. Suidas, Athenæus, & poetarum interpretes, ſi non tam omnia confunderent.

His omnibus iam percurſis quædā velut admonitoria habebimus in bibliotheca, non quæ explicent fuſè, ſed quæ velut digito indicent, & in memoriam reducant. Ea erit brevis annotatio temporum, quale eſt ſupplementum chronicorū Epifcopi Bergomatiſ parum ſæpe accuratum: meliores ſunt Ottho Phryſingenſis, & Rhegino. Euſebius Cæſarienſis. plurimū adiuuare partem hanc poſſit, ſi non tam mendolus veniſſet ad poſteros negligentia, atque inertia deſcribentium. Producentur illius tempora à Hieronymo per annos quinquaginta, hinc à Proſpero Aquitanico per annos ſexaginta, tum à Matthæo Palmerio Florentino vſq; ad annum

domini millesimū quadringētesimū quadragesimū nonum inde à Matthia Palmerio Pisano per annos triginta adduntur his quædam Sigiberti Monachi Gemblacentis. Similis est Eusebiano labor Bedæ presbyteri, sed aliquantò explicatior: cui Herimannus Contractus succelsit vsque ad annum millesimum sexagesimū sextum. De rebus Cæsarum & Pontificum Romanorū, si cui vacat plura legere, addat licet Antoninum Florētiae Archiepiscopum. Hi sunt propemodum Græci & Latini rerum gestarum authores, qui quidem ad nostram notitiam peruenerint. Nam qui desiderantur sunt penè innumeri, Græci potissimum, quorum quos Plutarchus vnus citat, iniri numerus non potest: idē ait Marathonium bellum à tercentum scriptoribus mandatum fuisse literis. Nec attingi, qui de exigua aliqua gente, vel de vna quapiam ciuitate quædam conscripserunt, velut de Flandria, de Leodio, de Traiecto: nec qui linguis vulgaribus prodiderūt sua, vt Valeram Hispanum, Frosardum, Monstreletū, Philippum, Cominium: quorū multi sunt legi & cognosci non minùs digdi, quàm plerique de Græcis, vel Latinis. Sed mentio hæc rerum à magnis viris actarum in mentem reuocat mihi cum dolorem, quem sæpenumero cepi animo maximum, dum ipse mecum reputo, quàm diligenter quanta cura Alexandri, Annibalis, Scipionis, Pompeii, Cæsaris, & aliorum ducū. Socratis, Platonis, Aristotelis, & aliorū philosophorum acta perscripta sunt, & sempiternæ memoriæ infixæ, ut periculū nō sit, ne vnquam excidat: acta vero Apostolorū, martyrum, deniq; diuorū nostræ religionis, & ipsius siue crescentis ecclesiæ, siue iam adultæ operta maximis tenebris serè ignorari, tanto siue ad cognoscendū, siue ad imitandum, quàm ducum, aut philosophorum fructuosiora. Nam quæ de iis sunt scripta, præter pauca quædam, multis sunt commentis fœdata, dum qui scribit affectui suo indulget, & non quæ egit diuus, sed quæ ille egisse eum vellet, exponit: vt vitam dicet animus scribentis, non veritas. Fuere qui magnæ pietatis loco ducerent mendaciola pro religione confingere: quod & periculosum est, ne veris adimatur fides propter falsā, & minimè necessarium: quoniā pro pietate nostra tam multa sunt vera, vt falsā tãquàm ignaui milites atque inutiles oneri sint magis, quàm auxilio.

Historiæ accedat fabularum cognitio, sed eruditarum, quæque

Querela
de histo-
ria eccle-
siæ.

quæque ad vsum vitæ, quum res poscit, accōmodari queant: quales sunt poeticæ, tum apologi Aesopici, prouerbiorum & sententiarum, quibus sensus communis addiscitur. Exclamet hic aliquis, ecquando tandem omnia hæc legentur? à viris cōfirmata iam ætate, tum etiam senibus eo tempore, quo vel ludendum esset, vel nugandum. Nam si quis quantum in lusionibus, quantum in colloquiis inanibus, sæpe etiam noxiis, quantum in torpenti otio cōsumatur temporis, expendat, comperiet planè his omnibus quæ dixi percurrendis, atque aliis multò pluribus affatim superesse. Abundamus tempore, si prudenter dispensetur, quod malè impendendo sit arctissimum. Quòd si idem non possit per se legere omnia, habeat, vt moris olim Romanis fuit, lectorem, quem distinctè, doctè, expeditè recitantem auscultet.

Cum historia coniuncta & complicata erunt vitæ publicæ ac priuatim instituendæ præcepta. Quæ vniuersa institutio eò pertinere debet, vt rectus quidam ordo cōseruetur, & sua cuique maneât debita officia: ne quod natura, & recta ratio inferius esse iubet, fiat superius: hoc autè quod auctoritate præditum esse cōuenit, vilescat, nec ipsius imperia audiantur: quòdque instructum esse prudentia par est, stultitiâ in se dominari sinat. Ergo natura corporis atque animi explicata, nemo est vsque eò à sensu omni, ac iudicio alienus, cui non illico manifestum fiat, & certum, corpus debere obsequi animo, in animo verò motus rationis expertes rationi ipsi dominæ ac imperatrici, videlicet vnde homines sumus: & ex iis rebus inter quas versamur, simillimæ, coniunctissimæque diuinæ illi naturæ, quæ regit omnia. Nec dubitandum est, quin ea ordinatio in homine fuerit, quum ille primum è manibus artificis exiret sibi relictus: quippe opus quodcunq; ita est plenissimū, ac perfectissimum, vt est eius opifex peritissimus, atque optimus. Sed enim uero omnia sunt per scelus inuersa, vt superiores partes deposcat sibi inferius, affectiones cōtendant pro ratione audiri, ratio victa & oppressa obmutescat, & seruiat affectuum temeritati. Hæc est æterna in homine militia, seu pugna veriùs: inque eo est perpetuò laborandum, & connitendum, ne dominâ superet ancilla, in quam tyrānidem exerceret acerbissimā, & ab homine degenerare cogeret in belluā. Ad suppetias ferendū rationi cuncta moralis philosophiæ præcepta sunt comparata

velut exercitus quidam. Quare noscendus est homo totus intus & foris: intus verò in animo affectus & mens, affectus quibus incitantur rebus, vel augescunt, quibus contrà cohibentur, sedâtur, tolluntur. Hoc demum est hominē seipsum nosse, quod veteri sapiētiae monitu iubemur facere. Sed hæc ostensa esse iam oportet in disputatione de anima, quemadmodum verò affectiones animi subdētur rationis auctoritati & cōsilio, huius obseruationis. Mens autē nostra ea tenebrarū densitate obducitur, vt id nō dispiciat: affectus enim peccato incitati ingentē atq; obscurissimam caliginē ab oculis rationis offuderunt, opus est ratione quapiam liquida & minimē perturbata. Ea verò quænam esse vel potest alia, vel debet, quàm diuina? multis, & maximis de causis: siue quia illa est omniū sapientissima, siue quia nostræ cōditrix, atque ideo canon illius, & regula, vt ad nullā possit rectiūs dirigi: siue quòd viā, qua ad Deum veniatur, qui est hominis creandi finis, qui meliūs, aut certiūs, quàm Deus ipse indicarit? Ergo ex Dei doctrina præcepta disciplinæ huius erūt nobis haurienda. Deum nemo vidit vnquam. Dei interpretem, atq; internuntium habemus Christū Iesum, nō eiisdē cōditionis, cuius reliquos omnes, sed filiū, & quidem vnicū, quiq; semper est in sinu patris. Filii interpretes sunt eius discipuli, tū discipulorū auditores, & alii deinceps sancti viri: tamen hoc rarius iste est purior, quò propinquior suo fonti. Ex horum doctrina & dictis velut remedia colligētur morbis animi, vt sub rationis manū & potestatē affectiones subdantur: ordinatione hac cōstituta, & quoad licebit fundata, probè sese homo geret secum ipse, & cum Deo, & cum homine superiore, inferiore, pari, siue priuatim, siue in familia, siue in re cōmuni omnium & publica, siue foris cum exteris. De institutione hac cōscribetur liber aliquis brevis, perspicuus, Christianæ pietati per omnia consentiens, quem magister enarrabit.

Diuisio
moralis
philoso
phiæ.

Scriptores humanæ sapientiæ tractationem hanc de moribus quatuor in partes secuerunt: in eam quæ priuatim cuiusque animum ac mores informaret, quam Ethicem: in eam quæ familiam componeret, quàm œconomicen: & quæ cœtus, congregationesque populorum regeret, quàm politicen nominarunt. Addita est portio illius quædam de vitæ officiis mediis, quæ non tam informatione illa naturali continetur, quàm posita sunt in more, & educatione cuiusque regionis

regionis & populi. Quæ ab eis sunt his de rebus monimentis literarum posteritati relicta, ea per se quisque priuato suo studio euoluat. Sciat modò se inter spinas per loca obscura ingredi, vt suspenso vestigio incedat, nec vsquam pedem securus figat, nisi vbi lucem nostram admouerit eaque ostenderit tutum esse illhic subsistere. Neque enim plus illis tribuimus quanuis maximis & acutissimis ingeniis, quàm quantum illi cum Christianitate consentiunt, hoc est homo cum Deo. Extant de Ethicis decem Aristotelis ad Nicomachum filium volumina, quæ quibusdam non ad Nicomachum placet esse scripta, sed à Nicomachò: quod Cicero in libro de finibus quinto subsignificat. Laërtius in vita Eudoxi author est Nicomachum Aristotelis filium dicere Eudoxo voluptatem fuisse summum bonum, quæ sententiâ est in Ethicis. Suidas sex illum Ethicorum libros ait reliquisse: in quo ambigi posset sint ne hi decem, qui Aristotelis inscribuntur, an duo illa magnorum moralium, an octo ad Eudemum. Sed cuiuscunque sint authoris, certè Aristotelis nomine viginti habemus libros de moribus, quæ magis ad sciendum & differendum faciunt quàm vt moueantur, qui audiunt, aut velint ita viuere. Simile est huic opus diui Thomæ Aquinatis secundæ partis summæ, quod duos in tomos diuiditur, scriptoris de schola omnium sanctissimi, ac minime inepti. Hi libri concinnati sunt partim ex sacris, partim ex prophanis scriptoribus, tum receptis vulgo opinionibus. Multis in locis faciliè intelligas secutum illum esse alienum iudicium, suum non adhibuisse, quod fuit ei commune cum scholasticis. Magis ad mouendum conferunt Platonica, quæ sunt de moribus, Xenophontis commentarii de rebus Socraticis, Plutarchi, quæ sunt itè de argumento morum, Ciceronis de finibus, Tusculanæ quæstiones, Lælius, & Cato maior, Senecæ de beneficiis, de clementia, de consolatione ad Martiam, & ad Albinam matrem de vita beata, de tranquillitate animi, de breuitate vitæ, de ira, Epistolæ ad Lucillum: quæ in hoc fuerunt scriptæ, non tam vt mitterentur, quàm vt in vnaquaque quæstio aliqua tractaretur de vita, & moribus formandis. Boëthius de consolatione philosophiæ, Petrarcha de vtraque fortuna. Præceptor in his erit sanctus, incorruptus, qui nihil det ostentationi: tum prudens non modò in multis disciplinarum generibus, sed in vita etiã commu

Vitia duo
rum gene-
rum.

communi. Tradet sic bene viuendi præcepta, vt non sciant
solum, sed incitentur, & velint bene agere, nempe erudito
sermone, atque efficaci, multis tum sententiis grauibus, tum
actorum exemplis fulto ac munito. Nec habebit satis indi-
casse hoc esse bonum, malum illud. Sed rationem addet, cur
quicque sit tale, cur ab hoc fugiendum, persequendum illud.
Vitia nihil habebit necesse curiosius, ac subtilius explanare:
vtinam malum ne sciremus quidem. Sed quâdo in ciuitate,
& coetu hominum alii aliis magistri sunt ad flagitia, & ma-
lum quamlibet à præceptoribus celetur, ignorari tamen ab
hominibus non potest, obuium vbiq; apectui & auditui.
Idcirco rationem hanc in eo velim teneri, vt quum duæ sint
vitiõrum formæ, altera earum quæ animo continentur, vti-
litatis ac voluptatis cuiusque expertia, altera quæ in corpus
cum delectatione sensuum aliqua manant: illa quæ sunt ani-
morum, explicentur, & retegantur fulè, tantò scilicet a-
pertiùs eorum scèditas ob oculos ponetur: vt in superbia,
ira, odio, liuore, quæ animos hominum vexant, & cru-
ciant: nec emolumenti quicquam adferunt, vt non iniu-
ria furia nuncupentur: ea verò quæ vel delectant, vel ho-
minum vtiq; iudiciis profunt, etiam si omni carent pul-
chritudine, tamen quia voluptatem præ se ostendunt, hoc
est dulcem perniciem, & simulachrum quoddam naturalis
desyderii, malim obscurè & tectiùs tradatur, insectâdo gra-
uiter, atque ostendendo quàm tetram & in præsens turpitu-
dinem adferant, & in posterum pœnitentiam reliquât. In
quo exemplorum deesse nobis copia nequaquàm potest, nō
veterum tantummodo, sed quæ quisque viderit, etiam ho-
mo perquàm adolescens. Nec velim periclitando esse co-
gnita, trahent enim sæpe eum, qui semel de se gustarit: & in
his est violenta consuetudinis dominatio, facilius erit à nun-
quàm gustatis abstinere. Ac quemadmodum Lacedæmonii
seruos ebrios liberis suis offerebât, vt hi aspecta in temulē-
tis scèditate oris, absurditate dictorum, factorumque ab
ebrietate abhorrerent. Sic fuerit operæpretium monstrare
iuueni tristeis exitus, quos voluptates plurimis attulere. Eū-
dem in modum sit mihi dictum de iis vitiis, quæ cum popu-
lari vtilitate sunt coniuncta: quod genus habentur avaritia,
astutia, fraus, vltio, quæ praua illa imitatione vtilitatis non
paucis allubescunt. Illa verò sunt omnium perniciosissima,
quibus

quibus laus etiā atq; approbatio accedit. Nam quū id, quod virtuti est proprium, transfertur ad vitia, quid īpei sit reliquum misero hominum generi & ad flagitia proclui, nisi vt dempta abominatione, qua deterrebatur à scelere, ruant omnes in capitalia facinora, de quibus etiā palām p̄inde gloriantur, vt de virtute? Huius notæ scelera sunt cades, hominum, & crudelitas belli, & apud quosdam honestissimarum matronarum constupratio. In hæc vitia ex ipsa hominum natura sumenda est oratio, & iudiciorum, deceptio patefacienda.

Disputationes sint in his graues de quæstionibus vitiorum & virtutum. Licebit hīc plus paulō altercari, quā in æconomicis, aut politicis: sed de iis potiūs quæ ad diffinitionem spectent naturæ affectuū, quā, vbi diffinitum iam, & constitutum fuerit quemadmodum sit viuendum.

Disputationes.

Vitæ officia ex prudentibus, & bene educatis in populo discuntur. Sunt enim singulis nationibus sua. Sed à prudentibus in quoque populo esset curandum, vt ex iis ciuitatibus quas ipsi adiissent, ea desumerent ad vsum suorum, quæ rectis essent iudiciis consentanea, quæque peruersos suorum, mores corrigerent, prouiso ne ingenio suæ regionis aduersarentur. Nam sunt quædam Germano congruentissima, parum apta Hispano. In his verò locorum, temporum, hominum distinctionibus moderatrix est prudētia, quam vbi-que præsto adesse conuenit. Græci olim de officiis scripserūt Panætiū, & Hecaton. Sed nunc sola habemus Marci Tullii: quæ ad Christianismum diuus Ambrosius transtulit. Sunt & à Iouiniano Pontano nonnulla de magnificentia, de conuiuētia, atque huiusmodi tractata, nō adeò, vt res tanta poscebat, plena.

Officia.

Rei familiaris cura non ad quærendas aut conseruandas opes referenda est, vt ferē Gentilitas putauit, sed ad quietem, & tranquillitatem familiæ: vt commodē tranſigamus vitam, sitque domus sua vnicuique velut portus quidam moleſtiarum, & curarum. Itaque assignandum est cuique in ea suum, munus maximè aptum, ne quisquā sit in ea otiosus, ne ve alienum officium inuadat, labori, aut commodis suis consulens. Tum vt bene, ac salubriter pascantur, vultu vestiantur, commodē habitent, bene velint inter se, domum ipsam, non minùs, quā patriam diligāt, nutricemque quam-

Oeconomica.

dam

dam esse existiment, seu matrem verius. Dominus sit præfatus, & exactor omnium, quem ut patrem ament omnes, reuerentur ut dominum: illique vni supremum sit ius in cunctam rem familiarem. Hæc est familiæ institutio, de qua præcepta edet philosophiæ moralis pars illa, quæ à Græcis *οἰκονομική* nominatur. Scripserunt de illa Xenophon Atticus, qui reliquis plurimorum iudicio antepositur. Aristotelis opus nō extat integrum. Multa hac de re sparsim à Platone, & Plutarcho dicuntur, qui etiam præcepta connubialia composuit, ut Erasmus librum de matrimonio, & Franciscus Barbarus de re uxoria multis in locis inanem. Nihil est opus auditorio vel præceptore, non disputationibus, sed colloquiis cum patribus familias prudentibus, quale est Socratis cum Isomacho apud Xenophontem.

Respu-
blica.

Respublica ad quietum, pacatūque conuictum pertinet, ut ciues mutuo iuvent. & libenter & beneuolē. Charitas communicatione utilitatum extēditur, quies ab eadem charitate conseruatur. Verū ubi charitas abest, iustitiæ officium in eius locum succedit, non illius blandæ ac inermis, sed armatæ potestate, ac viribus, quæ frenos concitationi animorum iniiciat. Et quando sepenumero non potest vnus iustitiæ administer omnia obire, quæ in ciuitate iustitiæ opem implorant, electi sunt alii potestate vel pari, vel impari, qui magistratus, & iudices nuncupantur. Hæc ergo est forma reipublicæ, hæc philosophiæ politicæ consideratio, & cura, quos affectus esse conueniat ciuium inter se, subditorum erga principes, & magistratus, magistratuum inter se, & aduersum subditos, quæ ex his affectibus actiones, & opera nascantur. Quum verò dicitur, quod ius cuique in rem, aut homines, iam leges inferuntur: nā politica disciplina solos informat animos, & mores ciuitatis: quanquam attingunt non raro hæc mutuo, ut leges multæ ex politica sint, & e contrario. Neque hic magistrum requirimus, neque disputationes, sed eam animaduersionem, quam initio diximus de affectionibus animi, ac moribus. Hinc vsum rerū in foro, & curia. Senes nonnunquam de republica inter se differāt seniliter admīssis eō inuenibus, ut ab eis & rerum peritiā, & morum grauitatē accipiant: quā grauitatem, quē admodum præclare ait Cicero, minimē contentiones decet. Quocirca cauilatores & pertinaces publicis consiliis nequaquam sunt idonei:

nei: quoniam nihil est in vita, & moribus hominū, quod detorqueri, ac inflecti à recto cauillando non possit. Soliciū verò magis esse de victoria, quàm de veritate, prudentiam corrumpit, vt idem inquit Cicero. Administrationi reipublice opus est iudicio sano, integro, solido magis, quàm arguto, aut acuto, ingenio frigido, & tardiusculo potius, quàm feruido, ac præceleri: vt simpliciter quæ sint dicta in consilio, accipiat, multūmq; de eo apud se cogitet prius, quàm iudiciū mentis suæ proferat: faciliè verò in sententiam rectè consentis transeat sine contētionē, & spinosis subtilitatibus, anxius magis de cōmuni bono, quàm de existimatione sui. Ideoq; ad regendos populos Romanus, quàm Græcus, melior, & Gentes ad Septentrionem, quàm ad Meridiē. Populari enim & carbonaria trutina appendendus est plerunque populus, non exacta illa aurificis statera. Rector cōuentus hominum haud ignorabit sese velut ædificiū totius architectū esse quemadmodum scitè Aristoteles docet, vt iubeat, vt vetet quid in ciuitate fieri oporteat, aut secus. Quare cōuenit eū si nō sigillatim exactè, generatim certè & summa quadā scire, quorsum disciplinæ, & artes omnes pertineant, quæ illarum origines, fines, materiæ, actiones, & earum quæ manibus exercentur, & quæ solo constāt ingenio: vt norit, quid quatenus, quo modo sit in ciuitate admittēdū, aut ab eo propellēdū. De republica scripserunt olim Plato primus: secundum cuius institutionem tum demum viuent homines, quā aliqua exister ciuitas solis sapiētibus habitata. Idem Vtopiæ cōtinget Thomæ Mori. Legenda tamen & Platonis respublica & eiusdē leges, atq; hæc ipsa Vtopia, ex quibus non pauca annotabūtur regimini ciuitatum perquàm vtilia. Aristotelis octo libri politici plus habent quæ hominum & ingeniis, & vsu confirmatis iam moribus congruant, vt fuit vir ille prudentissimus, & callētissimus sensus communis. Ciceronis libri de legibus tres lectu sunt periuicundi, nec fructu carent. Sed eiusdem de republica volumina desyderamus. Isocrates Nicocli regi dat præcepta, tum subditis in *συμμαχικῶν* qui in tractatione locorum communium est cunctus vt lolet. Xenophontis Cyri educatio quanuis à Cicerone, & aliis veterum apprimè laudata, nimis tamen videtur mihi militaris. Agapetus ad Iustinianum Augustum documenta quadam composuit de rege. Christiani Principis

pis institutionem Erasmus scripsit: Francisci Patritii de re publica, & regno duo legimus opera iustæ magnitudinis, in quibus dicta & facta multorum congeſsit, de ſuo penè adiecit nihil, otioſus multis in locis, ac ſegnīs, quòd ſine delectu aggregauit, & ſine cenſura, quæ duo in adducendis exemplis poſitiſſimū requiruntur. Hæc eſt ars principum conſiliariorum, iudicium, denique eorum qui ciuitates, & gentes moderantur.

Leges.

Formæ ciuitatis adnexæ ſunt leges, quarū origo & proceſſus ad hunc ferè modum habent. Hominum ciuitates, ac cōuentus omnes æquitate ſunt velut glutino deuincti, quippe quæ eſt conſeruatrix, & anima cuiuſuius humanæ ſocietatis. Quæ ſit vera æquitas, inueniet ratio, non quælibet, ſed pura & magna vi naturæ incitata, vel illuſtrata monitis ſapientiæ. Nam qui vel perturbantur affectibus, vel iudiciis ſunt torpentibus, nec ullis philoſophiæ præceptis eriguntur, ægerrimè ad æquitatem intuendam perueniunt. Superiores illi, qui ſunt de rara in populis nota, æquitatis illum ceu fontem in riuos deducunt pro locis, pro temporibus, pro ingeniis hominum, vt præſentis ſocietatis vſui conducatur, quæ lex dicitur: qui vero legi parère alios cum poteſtate cogit, iudex, ſiue lex loquens. Quocirca manifeſtum ſit philoſophi eſſe de æquitate tractare, & ex ea deriuare leges, nec vllius artis alterius eſſe poteſt: quique olim populis leges ſanxerunt philoſophos fuiſſe conſtat, Draconem, Solonem, Lycurgum, quique de re publica & ciuitatibus componendis documēta tradiderunt. Qui verò leges has latas iam & receptas tenent, atque interpretantur, iuriſconſulti ſunt dicti, quòd ab eis quid ſit ius in quaque re ſancitum, rogamus. Si quis ſatis putat ſe munere iuriſconſulti facturum legibus his ediſcendis, vt eas non aliter quàm index quidam teneat, is nimirum nihil aliarum facultatum indiget, ac ne ingenio quidem vllò vel iudicio. Sin verò id demum eſt veri & perfecti iuriſconſulti munus, ac profeſſio, vt legū ſenſa & mentem explicet, vt quæ ſit in quaque lege æquitas, id eſt, qui vigor, quæ vita, quas conſeruari, quòque tempore expediat, quas antiquari, nimirum philoſophia huic homini eſt opus. mediocriter quidem naturali, ſed morali plenè, ac abſolutè tum verò non ſacerdos ac profeſſor fuerit Romanarum aut Hiſpanarum legum, ſed quod Celſo, & Vlpiano placuit

Philoso-
phi eſt de
æquitate
tractare.

placuit, boni & æqui. Cuius artem per magna aliqua exco- Ars tra-
gitari ingenia equidem percuperem, quam futuri iurifcon- denda
sulti addicerent, quæ ars iustitiæ vocaretur: ne tot subinde æqui &
in vnaquaque ciuitate accumulandæ, atque exaggerandæ so- boni.
rent leges aliæ super alias sine fine, & sine affectu. Cicero
persona L. Crassi cogitasse aliquando se scribit, ut ius ciuile
in artem redigeret, generibus primùm assignatis, hinc for-
mis, quæ à generibus penderent. Sed id breuiter percurrit, &
per transennam ostendit, ut illhic alia. Aristoteles initia si-
gnauit quædam, sed more suo intricatè per geometricas &
arithmeticas proportionales. Posset tamen aptius id fieri de-
clarandis primùm naturalibus, id est, quæ essent vniuerso-
rum hominum sentui ac iudiciis consentanea: hinc quæ va-
rietatem opinionū recipiunt, de quibus alia rectis iudiciis in-
plerisque congruunt, alia in more tantum & consuetudine
sunt posita, mutanturq, temporibus, locis, personis, habent
tamen qui inter se dissentiunt, probabilem quisq; opinionis
sue rationem: hæc postrema ad iudicium hominum in qua-
que ciuitate prudentium essent releganda. In duobus alteris
contemplandum quæ magistratus sit erga priuatum cura,
quod iussum, quod imperium, quatenus liceat, & fas sit: quæ
priuati erga magistratum obedientia, qui honor, quæ digni-
tas. Magistratus inter se qui quibus potiores, quorum par-
tes in republica magis necessariae, vel honestæ. Priuati inter
se quo modo se gerent emendo, vendendo, locando, condu-
cendo, permutando, donando, accipiendo, promittendo, iis
quæ prosint tibi, parandis, & conseruandis, iis verò quæ ob-
sint, auertendis: quæ præmia & honores iis, qui cœtui pro-
fuerint, quæ pœnæ & supplicia iis, qui læsissent: quæ litium
ratio, siue quid vltū velis, siue tuum repetas, quæ tuendi, quæ
excipiendi, aut negandi. Ad quam singula istorū accommo-
dari normā natura, & recta doceat ratio siue in vniuersum,
seu pro ingeniis generatim locorum, temporum, hominum.

Ante omnia leges sint notæ omnibus. Quis enim libe- Condi-
ter se vel duci, vel custodi incognito committit? Quæ verò tiones bo-
est iniquitas ignorantia legis crimen non defendi, quum le- næ legis.
ges tamen ignorentur? Itaque leges ignotas statuere decipu-
las est tendere, non regulam vitæ tradere. Minus est cauillo
& insidiis occasio in re omnibus perspecta: quippe in obscu-
ris & occultis locis insidiæ fiunt, non luci, aut in frequentia

sub tot oculis, testibus atque arbitris eorum, quæ gerantur. Notæ erunt, si breui sint, ac dilucido sermone conscriptæ: quales sunt leges optimi ac sapientissimi legum latoris Dei, & discipulorum eius. Si paucis, & maximè propriis verbis res exponatur, tantum erit ad notationem æquitatis dictum, quantum fuerit satis: cætera benignæ interpretationi relinquentur, ut validissimus vbique sit respectus æqui & boni. Quod si longa & accurata oratione rem persequamur, omnia videbimur voluisse explicare, nec aliquid sanis interpretationibus reliquisse. Ita nec magis valebit lex, quàm quantum eloqui constitutor eius potuerit: quumq; nulla sit tanta facundia, quæ vastissimum illud æquitatis pelagus possit concludere, fiet profectò ut exclusa æqui & boni moderatione in locum illius cauilla, doli, fraudes, insidiæ succedant, quod euenire quotidie videmus in iis legibus atque instrumentis, quæ persequi minutim volunt singula: ut nihil sit aliud hoc facere, quàm fenestras aperire fraudi quamplurimas. Vulgari prodantur sermone & cum primis aperto, ac perspicuo, qui si procedente tempore, ut sit, obscurior reddatur, declaretur, aut innouetur vocabulis seculi præsentis. Vidit hoc priscorum hominum & providentia, & æquitatis simplicitas, qui leges duodecim tabularum pueris in ludo ediscendas dabant, etiam ætate Ciceronis, id est, post annum penè quadringentesimum: per quod & facilitas sermonis ostenditur, & quod vitæ degendæ rationem unicuique familiarem esse vellent. Sint leges imbecillis blandæ, robustis robustæ, pertinacibus feroces, quod est optimi rectoris ingeniû, sicut eleganti versiculo sapiens expressit poëta:

Parcere subiectis, & debellare superbos.

Publicam quietem alant, & foueant, asperè interturbatoribus illius, cuiusmodi sunt delatores, calumniatores, qui que multò libentissimè, & facillima quaque de cauta lites suscipiunt: ut quemadmodum Isocrates admonet, damnosum homines sentiant litigare, contrà non litigare fructuosum. Nec solum dabunt operam ut ciuium coneruetur inter se concordia, sed cum toto hominum genere, quos regeneratio mystica tam iubet haberi pro ciuibus, quàm generatio intra limites eosdem. Nec quicquam hoc perinde effecerit, ac si ad Christianum unicuique præceptum sint accommodatæ,

data, charitatem hominum cunctorum mutuam. Quam ob rem nec sancientiæ leges indigenis utiles, exteris noxiæ. Et quando in bonis ciuitatis moribus pauca, ac propè nullæ leges sunt satis, contrà verò in malis moribus quancunque numero non sufficiunt, non solùm in reipublicæ constitutione, sed legum iussu cui propter potentiam plurimum homines tribuunt, curandum est, vt casta atque incorrupta sit puerilis educatio: tum in viris & ciuitate vniuersa honesti, & sobrii, & verecundi mores, propositis ad hoc præmiis, ac pœnis. Prudenter in Cyri educatione inquit Xenophon: Pleræque ciuitatum nihil omnino sollicitæ, quemadmodum pueritia instituatur suorum ciuium, nihil ad hæc præcipientes de grandiorum moribus, iubent illis tum non furari, non rapere, non vim domui cuiusquam inferre, non cedere, quem non est æquum, non adulterari, non contumacè se præbere magistratui, & alia his cõsimilia. Quòd si quis cõtrà fecerit, pœna est illico parata. At leges Persarum facinora suorum antecapiunt. Si quidem à primo statim curæ illis est, ne quod prauum, ac fœdum facinus velint ædere. Sic Xenophon. Philosophus etiam ille nō minùs sapienter, qui rogatus, quomodo quis bonos haberet liberos, respondit, si eos in ciuitate bene instituta tolleret. Et leges quidem antequam fixæ sint & sanctæ, rogari conuenit, hoc est, deliberari cum multitudine an approbari oporteat: in qua consultatione tempus cõsideratur potissimùm, in quo præsens rerum status continetur: & feruntur vel infinitè, vel ad certum aliquod tempus, & descriptum locum, vel etiam de vno aliquo homine, aut municipio, quod priuilegium nominatur. Si lex placeat, proponatur publicè dies aliquot: quod trinundino fiebat Romæ, vt si quid cuiquam parum videretur æquum, de eo magistratus admoneret: post id tempus firmæ sunt leges & ratæ. Perscribantur accuratè, distinctæque: seruentur in tabulario populi loco maximè tuto, minimè ruinæ obnoxio, vel quod est magis cauendum, incendio. Extent earum codices duo, in altero cõtineantur leges nudæ, cuius subinde fiat populo non legendi modò, sed describendi etiã, si velint, cõpia. In altero leges sint cū earum rationibus & causis, vt ex eis prudentes viri æstiment, sit ne è republica abrogari legum illarum quampiam, vel aliquid in ea innouari. Nam ratio dux est legis, ea sublata & legem

tolli par erit, quæ propter eam rationem est accepta. Adde quod ratio efficiet, ut melius intelligatur lex. Sed in nostris ingenius ea est hebetudo ac ruditas, & in verbis infantia, ut nihil valeamus adeo dilucidè explicare, quin multis id fiat implicatum, & obscurum: quare interpretibus est opus.

Interpre- Et quoniam ius civile spectare ad civium concordiam de-
tes legis. bet, idcirco qui illud interpretaturi sunt, & quasi de eo edituri oracula, quibus rebus ea concordia facta recta conseruetur, ediscant, cognitis tum humani generis communi natura, tum multarum gentium animis, & moribus, sed potissimum suæ civitatis: quod fiet multa videndo, audiendo, observando: gestis quoque rebus maiorum legendis, & temporum, mutationumque, quæ aliquando inciderunt in rempublicam varietatibus. Quibus velut condimento opus est magno & vegeto iudicio ad annotanda & censenda singula. Nec iniuria prudentiæ nomen peculiare huic hominum generi olim fuit, & professio ipsa iurisprudentiæ nuncupata. Multi artem hanc teneant, profiteantur pauci, illi videlicet quibus à Senatu aut principe erit permissum, ut Romæ fiebat sub Cæsaribus. Interpretentur hi leges scripto quidem rogati à iudice, voce consulti à litigatore. Interpretationes mandent litteris, si velint, sed lingua secretiore, & tantum doctis nota, non ex suis vel alienis opinionibus ac placitis, sed ratione adhibita, ut non plus habeant virium, quam ratio ipsa imperat. Nihil scribatur aliud: neque excogitetur casus, quæ res ut infinita est, & perplexa, ita etiam inutilis.

Quomo- Docendi & discendi hæc erit via. Gravissimis viris pa-
do leges teant libri illi legum, & rationum, de quibus dicebam mo-
docendæ. do. Ipsi statis anni diebus quod commodum illorum fiat, placidè ac moderatè conveniant, de quæ illis legibus sermocinentur. Rationes conferant, quas leges ex usu sit antiquare, quas renouare, & quasi reparare exolescentes: de quæ eo principem, aut magistratus, aut Senatum edoceant. Huiusmodi erant Athenis Thelmothetæ, dum illa respublica staret. Ad hos senes, quum licebit, studiosi iuris ventitabunt, quod est memoriæ proditum de Q. Scævola: audient eum respondentem consultoribus de iure. Seorsum verò exponet eis causas, & velut fontes legum, vel quas ipsi idem dedere, qui tulerunt, vel suas, vel priorum interpretum iuris. Ipsi inter se moderatis, ac grauibz colloquiis disputabunt, quàm

quàm congruant leges rationi, ac velut vitæ suæ æquitati: an causæ & tempora imponendi legum præterierint. Id fiet non in cœtu & corona ostentatione titillante, ac sollicitante: periculosum est hoc enim & dicentibus propter arrogantiam, & audientibus, quòd eorum animi minus obsequentes legi fient, quam intellexerint fortem habere contra se rationem, cui vni humanum ingenium suapte sponte obsequitur. Ad hæc altercationes multas anlas torquendi léger ostendunt, tum etiam lites excitandi, alendi, producendi, vnde concordia vehementer affligitur, præcipuum societatis bonum.

Inter scriptas leges, quas quidem nouimus, Romanæ videntur excellere. Sunt enim ad humanum conuictum aptissimæ, nempe ad contrahendum: tum ad quietem, vt homines à facinoribus deterreant, neu quis audeat, cum altero consociare iniuriam. Sunt præterea doctæ & grauiter perscriptæ, verbis puris, propriis, euidentibus, splendidis: tum à collectoribus ordine quodam constructæ satis ad discendum appposito, nisi quòd interdum correctio illa priorū per posteriores aliquid obscuritatis gignit, & inscitia superiorum ætatum multa, quæ non intellexit deprauauit. Sed corrigi possunt ex Codice, qui Pisius Florentiam dicitur esse translatus, quem autographum esse quidam suspicantur, sed est sanè peruetustus, & aliis emendatior. Addantur enarratiunculæ breues, ac perspicuæ: quanuis iam locis aliquot factu esset prope impossibile, siue ob intricatum sermonis contextum, siue ob significatus quorundam verborum, qui exoluerunt penitus.

Leges Romanæ.

Exercitatio earum sit in reddēda earum ex bono & æquatione, cur quæq; constituta sit, & sancta, quod est magnorum ingeniorum, ita ad summam prudentiā cum primis expedit, tum vt in aliis quoque negotiis dux sit nobis ratio, cuius ope ad cognitionem veniamus perfectæ æquitatis. Non sunt in singulis artium ii legendi soli, quos præscripsimus, nam fugisse nos aliquos cognosce dignissimos nō dubitamus: & existent post nos alii vel pares maioribus, vel superiores etiam. Magistrorū fuerit ea cura, vt ipsi degustent omnia, & suis demonstrent, quæ ediscenda, quæ legenda, quæ habēda in bibliotheca ad consilium quum res ferat, interdum quoque ad ornamentum modo loci, atque explendos foru-

Exercitatio legū.

los. Qui maiore vi mentis instinctus diuinitus non humilibus detineri curis poterit, sed ad commercia sese cælitum eriget, scælix ille & superis charus, is ad Theosophiam & Theologiam ascendet. De hoc beato atque admirabili non est nobis dicendum cum aliis, & iam de cursu tanto fessis: propriam curam exigunt hæc. Dicemus aliquando si Deus dederit, per otium, renouato animo, & maiore musarum ardore incitato. Nam ea res amplior atque augustior, quam homines opinantur.

DE VITA ET MORI-

BVS ERVDITI.



ONFECTO curriculo artium humanitatis, declaremus iam, quid nobis videatur faciendū docto viro, quomodo reliquum ætatis transigendum siue separatim secum, siue cum aliis, in vsu atq; exercitio suarum artium, in traditione earum, quomodo inter professos artem ac disciplinam eandem, vt ille se erga illos geret, eorūmq; de se opiniones accipiet, & celsuras, quo pacto sua cōsignabit literis, & transmittet ad posteros. Non eo quo singula persecuti sumus ordine percurreret, vt ad posterius studiū transgressus, nefas esse existimet prius respicere: miscebit studia, & prima in tertiis repetet, tertia in sextis. Nam connexionē inter se habent omnia hæc, & affinitatē quādam: alia in manus resumet, quia necessaria præsentī vsui, alia quia leuamenta præsentis laboris. Erit sciendi studiosus. Nec se vnquam ad fastigiū eruditionis peruenisse arbitrabitur. Sentētia Senecæ est animaduersa acutissimè, potuisse multos ad sapientiam peruenire, nisi se iam peruenisse crederēt. Idem ad Lucilliū est author, Tam diu discendū, quādiu nescias, & si prouerbio credimus, quādiu viuas: quandoquidē nihil est in vniuersa natura tam promptum, & facile, quod non totam hominis ætatē possit distingere. Non erubescet homo sciēdi cupidus à quocunq; discere, qui docere quid possit. Cur hominem ab homine pudeat discere, quum humanū genus multa à belluis discere nō puduerit? Ita verò studendū, vt non obruatur ingeniū mole operis. Valetudinis habenda imprimis ratio, & eorum qui nostræ sunt curæ cōmissi. Docti homines quū intelligūt se ingen

ingenio, consilio, cognitione rerum præstare cæteris, aut certe ac alios existimare, ingêtes attollunt spiritus, tanquã ipsi homines inter pecudes viuât: vnde incredibile est dictu, quantopere arrogãtia inualeſcat. Sanctè illud à Paulo Apostolo dicitur inflari homines scientia, charitate ædificari. Sed reflectet in se oculos sapientiæ sectator, nec plus aliorũ de testimoniis, quàm sua ipſius acquieſcet conscientia. Reputabit quàm multa sibi est cõsciũs se ignorare, quæ alii eũ scire nõ dubitant: quoties hallucinatur, labitur, fallitur, & à vero quàm longissimè discedit, vt non sine grauissima ratione & causa Socrates, quem Græciæ consensus sapientissimum nuncupauit, professus sit nihil neque se, neque alium quenquam scire. Quod placitum ingens deinde philosophorum manus constantissimè tenuit. Et profectò si quis ritè expendat & reputet singula, comperiet nihil certius à nobis, quàm pietatem nolci. Theophrasti etiam sententia iure laudatur, quæ cuncti sciunt, nihil tam esse eorum quæ ignorent portionem: quod diffusius persequi nõ est instituti huius. Quid si excutiat singula, & ad subtile examen reuocet? Næ illi tam magnifici tituli sordere incipient. Linguae quid aliud sunt, quàm voces? Aut quid interest semotis disciplinis, Latine, & Græcè noris, an Hispanè, & Gallicè? Dialectica & rhetorica instrumenta sunt artium, non artes, meliũtque à natura traduntur, quàm à magistro. Philosophia opinionibus tota, & coniecturis verisimilitudinis est nixa. Sed neque hæc sigillatim exponere est huius loci. Age verò donemus te aliquid scire certum atque exploratum, an hoc ignoras alieni te habere beneficii? Cur tibi accommodata vestis facit animos? Si quid habes boni, alienum est: si quid mali, id verò est tuum vnius. Vides te eruditum, munus Dei est, cui displices, nisi quam inde gloriam nanciſceris, in illum referas. Equidem haud repugno, quò minùs vir doctus talem se esse intelligat, & aliis sapientiores, sed neque esset doctus aut sapiens, nisi id facile perspiceret. Volo tamen agnoscat, cuius sit ea sapientia, illique vni referat acceptam, à quo velut fiducariam possidet. Quum se admirationi esse cõspicit, ne listat in se, quod est periculosissimũ, nec oculos deliciat in terrã, vt honore illo ab hominibus tributo sibi applaudat ipse, tanquam opera & merito suo cõsecutus, quod est manum suam ipſius osculari, iniquitas maxima, quem-

Cõtra ar-
rogantiã
doctorũ.

admodum Iobus ait, & negatio contra Deum altissimum.

Eruditio. Quatuor rebus constat eruditio, ingenio, iudicio, memoria, studio. Tria prima cedō vnde habes? Nunquid non ex Deo? Si quæ est docti laus, de postremo petitur, quæ res infima est omnium, & leuissima. Quid quod ad eam ipsam adiutus es constitutione corporis non graui, nec torpida, tum etiam valetudine, quæ Dei sunt dona? Quid ergo docti superest proprium, quo gloriari possit? An quod voluit? At quam multi vellent, si tam eis per Dei benignitatem liceret, quam tibi. Itaque inter laudationes sui erigat se vir sapiens ad contemplationē sanctæ illius, & diuinæ sapientiæ, ad cuius infimū, vt Paulus inquit, humana omnis sapientia comparata mera est dementia. Veniat illi in mentem, si homines vnius aspectu guttulæ tantopere commouentur, quid facerent, si copiosissimum illum & æternū fontem daretur intueri, vnde manant vniuersa? Tum adoret demisso animo authorem bonorum omnium, & agat gratias, quod munera sua copiosius dignatus est sibi, quam aliis impartiri: quodq; voluerit se esse instrumentum alicuius partis consilii, atque operis sui. Nam nos omnes instrumenta sumus voluntatis illius. Quocirca nullus sit tanta eruditione vir, & rerum peritia præditus, vt putet Deum indigere ipso ad effectum consilii sui. Primum quod solutissimæ est arrogantiae existimare te aliquid posse præstare, quod nullus alius possit, si eodem applicet animum. Deinde quod non magis instrumentis vllis Deus ad agendū indiget, quam luto ad aperiendo cæci oculos. Ex lapidibus suscitare potest filios Abraham: & infirma elegit mundi, vt confunderet fortia. Quod si tu vir sapientia præstantissimus & inclytus beneficio Dei tantus euasisti, utique in quemcunque ille fauorem transtulerit similem, fiet similis. Quapropter rogandus ille est, qui omnia largitur, & per nos operatur, quæ ipsi est visum, vt nobis potissimum eruditio nostra proficiat: ne nos instrumentum faciat in bonum aliorum, perniciem nostram: ne idem accidat nobis, quod vel malis medicis, qui alios curant, se non curant: vel tubicinibus qui alios ad prælium adhortantur, ipsi non pugnant: vel candelis, quæ aliis quidem lucent, seipsas consumunt. Itaque quoties ad studiū accedimus ab oratione auspicandum est, quod fecisse Thomam Aquinatem, & alios permultos sanctos viros memoriæ est proditum: idq; est

est orandum, vt sana sint nostra studia, vt nemini noxia, vt nobis & omnibus in commune salutifera.

Caterum si omnibus vitæ actionibus propositus esse debet finis aliquis, quanto magis studiis? vt constitutum sit nobis, quò pertineat labor noster. Neque enim studendum est semper, vt studeamus solùm, nec vt se animus inani quadam contemplatione ac cognitione rerum exlex & immunis oblectet. Negat Socrates vacare sibi ad interpretationem fabularum poeticarum, quoniam nondum norit se: & ridiculum sit eum, qui se non norit, aliena scrutari. Multò minùs studiorum fructus pecunia æstimandus est: quem vnum esse arbitrantur homines ingenuis abiectis, quique plurimum à vera studiorum ratione absunt. Nihil est enim tam diuersum literis, quàm pecuniæ vel cupiditas, vel cura: vt quocunque hæc incubuerit, protinus studium rerum cognoscendarum expellat: quod se bona fide nisi liberis ac morbo illo solutis pectoribus non committit. Ditandum inquiunt, postea philosophandum. Minimè gentium: imò contrà, philosophandum priùs, postea ditandum. Nam si priùs ditere, philosophari mox noles, & de opibus sollicitus, & in mille raptus vitia vsum diuitiarum ignoràs philosophiæ nescius. Quòd si semel philosophère, expeditum tibi erit postea ditari, quantum saterit. Nullam allegare causam quis potest, quò minùs in philosophia ponat operà, quin ea ipsa ad studium sapientiæ illum impellat. Philosophandum est pauperi, quia non habet, vt leuior ei fiat paupertas. Philosophandum est diuiti, quia habet, vt rectius opes administret. Philosophabitur felix, vt felicitatem probè regat. Philosophabitur infelix, vt infelicitatem leniùs ferat. At verò ex artibus vt quæque cum maiore hominum malo venduntur, ita minimè oportet ob quæstum exerceri, vt ius, medicinam, theologiam. Non ingeret se vir doctus ad capeffendam rempublicam etsi optare debet prodesse quamplurimis, nam arbitrari se vni sibi natum, quod priscus philosophus Platonem admonuit, vnde est illud Apostoli: qui episcopatum experat, bonù opus expetere, tum vt occupet bonus eum locù, quem occuparet malus. Sed non habet idem & gratiæ & virium ingestus, quod ascitus. Si accersatur, contempletur diligenter priùs animos suorum ciuium, sani ne sint, an sanabiles: vt si qua parte prodesse queat, non recuset laborem, sin verò

Finis studiorum.

inanem atque irritam sumpturus est operam, omnino abstinere: quod fecisse Platonem perhibent, quia populi sui mentes adduci ad sanitatem aliquam posse desperaret. Corda vero plerorumque principum adeo sunt corrupta, & magnitudine illa fortunæ ebria, ut nulla arte refingi queant in melius, medentibus aspera atque infensa. Sinendi sunt valere illi cæci, ut Dominus dicit, & duces cæcorum: curam nostram traducamus in populum magis tractabilem, quique se curantis manibus faciliorem, atque obsequentiolem præbet. Quod & fecit idem Christus, apud quem non plaris est plebeus quiuis, quam princeps.

Assentatio doctorum.

Nihil perinde artium omnium decus, cunctarumque; eruditionis fœdauit, & abiecit, ut quorundam sciorum leuitas, qui passim assentantur quibuslibet principibus potissimum, non uo exemplo magis quam vetere. Sed nec homines verè docti hoc faciunt, populus tamen id discrimen non capit, pro doctis habent quoscunque vident specie aliqua sermonis Latini vel scribere, vel loqui. Atqui tuentur se, qui id faciunt, hoc colore, ut dicant, non se quales illi sint, prædicare, sed quales esse debeant ostendere. Dilutus sanè color, & quem alii utique non discernant: quare assentationis damnant literatum, atque adeo etiam ipsas literas, illumque abominantur, qui scelerosum principem tanquam optimum commendet: quin etiam princeps ipse, praua de se opinione imbutus, talem existimari se arbitratur, qualis dicitur: unde arrogatior fit in dies, & intolerabilior, inque instituto vitæ genere confirmatur, ex quo videt se tantum laudis nancisci, ut id docti viri monimentis literarum impressum, infixumque oportere esse censeant. Si studiosi assentari non consueuissent principibus, & eruditionem illi plaris facerent, & laudari se ab illis impensissimè gauderent, videlicet iuxta prisce poetæ dictum, laudatis viris, tum reprehensio magni esset ponderis: nec aliter acciperetur docti hominis approbatio, quam religiosissimi testis testimonium grauissimum. Nec minus princeps quam alius quiuis amplissimum virtutis suæ in hac vita præmium duceret erudito se homini approbari. Nunc verò pili non faciunt, quæ sciunt se numo vno sestertio, numo verò, imò frusto panis empturos. Ergo quum res ferret, ut sint a nobis laudandi, parcius laudandum, & ita, ut sentiant se potius admoneri, incitarique; ut pergant, quam gratulat

tulationem cani tanquam curriculo absoluto, quúmque profecturum te speres. Liberè sunt reprehendenda vitia, modò acerbitas absit, & rabies: sin odium solùm quæras, neque prosis, abstinendum ab irritò labore. Nec potentum, aut omninò cuiusquam vitiis offundendus color præmii spe, aut cupiditate alia: quod est magnopere nefarium: nam efficitur ut & illi ipsi audaciùs male agant, & alii quum illorum exemplo, tum docti hominis assensu.

Sunt alii qui studiis non pecuniam venantur, sed gloria: generosiùs sanè quiddam fateor, verùm quæ ut in adolescentia, & inuentute maximos subdit stimulos ad honestas actiones, ita multorum deinceps est malorum causa & origo, sicuti aliàs ostendi: quòd omnia oculis intuentium tribuimus, nihil conscientia, quæ non aliud quicquam de nobis iudicat incorruptius. Ideòque spe iam perceptæ gloriæ sæpenumero decidimus, quòd qui falso de nobis iudicaret, errorem suum post intelligit, aut falli incipit qui rectè: etsi crebrius euenit, ut deceptæ existimationes vertantur in melius, quippe res veras, solidasque tempus confirmat, inanes autem dissipat, & absomit. Quocirca nemo se gloriam in posterum assecuturum confidat vano viuientium fauore, & specie quadam præclarorum operum. Nam exemplo simul affectus illi incitati subsederunt, in eorum locum iudicium subit, & quidem exactius. Itaque multos in vita honoratos accepimus, ignobiles, & contemptos post fara. Accedit huc, quòd uti dicebam modò, opinionum commèta delet dies, recta iudicia corroborat. Agè verò, quàm incerta est fama? quàm lubrica? Multi immortalitatem sibi polliciti, ne diuturnitatem quidem assequi potuerunt: ut Appion grammaticus, qui, ut apud Plinium legimus, immortalitate donari dicebat à se illos, ad quos aliqua opera componeret. At ipsius ne litera quidem, extat. Quàm etiam iniqua, ut benemeritis non contingat? Extant Ouidii opera, non extant Chrysippi nec Crantoris. Integer ad nos peruenit Vincentius Bellouacensis, non Titus Liuius, non Polybius, non Marcus Varro, non ipse idem Marcus Tullius, ut non temere Martialis dixerit, libro victuro genium esse opus. Adde his, quàm est varia: Idem alio tempore, & aliis locis pulchrum videtur, & fœdum. Quid quòd præclara inuenta ingeniis & diligentia sequentium obicurantur, ut multis priorum posteri

posterius magnitudine sua, & quasi altissimis substructionibus luminibus obstruant? sed fac te nactum esse claritatem, laudem, gloriam, quid tibi proderit mortuo, qui nihil eorum sensurus es, quæ hic agentur, utique non magis quàm equus quum in Olympiis victor prædicatur, aut Apellis pictura, quam cum admiratione contemplamur? Quid ad Ciceronem, vel Aristotelem reddit ex tanto nomine? Quid ad alios vel literis illustres, vel bello? Sed in ipsa eadem vita quid senties absens de gloria? Quid dormiens? In præsentia verò necesse erit, vel eos qui te in os laudant, esse vanos; vel te, qui illa coram dicta libenter audias. Cedo autem; quid tandem dicent? ô doctum, ô facundum hominem, imò verò ô leuem & vanum hominem, si tam leuem aurulam præmium tibi literari laboris proponis. Quod si tu neglectis humanis laudibus, conscientia tuae volueris seruire, & per illam Deo, quantò solidior tibi & diuturnior gloria continget, si te laudarit Deus viuens viuentem, præsens præsentem, immortalis immortalem: qui te semper intuetur, qui de te non ex falso pronuntiabit iudicio, sed ex tuo ipsius testimonio? Non qui seipsum commendat, is probatus est inquit Paulus, sed quem Deus commendat.

Viro docto cogitandum est, frequenter de migratione ex hoc æuo, deque vita illa sempiterna, & ita meditandum sapienter ac multum, ut familiarem sibi cogitationem mortis faciat, ne ad illius mentionem terreatur. Tum veniet illi in mentem iudicis illius & remuneratoris singularum actionum, ad quem breui veniendum ipsi est, finita scena, & hypocrisis vitæ: cui se approbari vnicum erit illius studium. Nam cui se vindicare cupiat vel reus vel patronus, si sapiat, nisi suo iudici? cui athleta, cui pugil, cui omnis qui aliquid agit sub iudice? Poetæ olim Græco poema suum recitanti, quæ omnes deferuerant, Plato instar fuit totius populi Atheniensis, non erit nobis Christus Dei sapientia? Magnum est, inquit verus proverbius, Athletam placuisse Herculi: quantum ergo nos Deo? à quo toties laudabere, quoties aliquid egeris illi gratum. Porro illi nihil esse potest gratius, quàm ut eruditio-nem, & quæcunque sua munera in utilitates hominum proferamus, hoc est filiorum suorum, quibus ille ingentia impartitus est commoda, ut mutuo profint in commune: & vult nos gratuito distribuere, quæ gratuito à se accepimus, quan

quanquam ipse pro eisdem, quæ nobis est largitus, copiosissimè refert gratiam, admirabilem Dei benignitatem: quæ ipse gratis nobis dedit, hæc eadem si ipsi reddamus, amplissimè remuneratur.

Hic est ergo studiorum omnium fructus, hic scopus, vt Studiorū quæsitis artibus vitæ profuturis, eas in bonum publicum fructus. exerceamus, vnde merces immortalis consequitur: non ad pecuniam, non ad præsentem gratiam, aut delicias, quæ fluxæ & momentaneæ sunt. An verò pecuniæ causâ rectè viuimus, rectè mouemus, & tam amplum Dei munus tam vili & contemnendo prætio commutamus? An propter gloriam? Miser si illam tam auidè confector, quæ per tot labores & curas egre retinetur, incerta, fugax, vt nulla sit seruitus cum hac cōparāda: miserior si populi vocus re tam præstanti & sacra mercor, & laudari à mortalibus malo, quàm ab immortali: ab stultis, quàm ab ipsa sapientia. O quàm aureo piscamur hamo, & quidem anguillas putres? Bona ergo fide exercendæ sunt disciplinæ in eum ipsum vsum, ad quem sunt à Deo collatæ. Neque enim discendum est semper, nec ad vitam transferenda doctrina. Infinitum quidem ex se est studium quodcunque, sed aliqua tamen eius parte incipere debemus illud ad aliorum commoditates ac emolumenta deducere: in quo prudentia est opus, quia exercitium circa singula & separata versatur, quæ regit prudentia circumstantiarum omnium æstimatrix, & arbitra.

Nota.

Proditurus ad hominum occursum & conspectum vir doctus, meditatus & paratus exeat tanquam ad pugnam, ne quæ à praua aliqua effectione capiatur, à quibus oppugnamur vndiq; atque incessimur, & qui toties ab aliis auscultatur, auscultet ipse aliquando se. Confirmet domi animū magnis & validis cogitationibus ad despicientiā honorum, & dignitatū: meminerit eius vocis quam à Domino audiuit, salē se esse terræ, lucem mundi: nihil conuenire minus, quàm vel fatuū salem fieri, vel lucem tenebrosam. Cuiusmodi illa existimamus fore, quæ hoc sale condientur, vel illustrabuntur hac luce? Exeat ergo rationibus munitus ac armatus, quibus resistere oppugnantis assultui valeat. Præstet re vera salem & lucem compositione animi, & moderatione perturbationum, verbis sapientissimis atque opportunis, ne sit importuna sapientia, ac pròinde putida, & odiosa: sed quæ quoties se
 Quomodo veritabitur inter homines.

proferet, velut salus quædam appareat iis, qui adsunt. Gestū ipsius & corpus vniuersum modestia & moderatio decorabunt, dicta verò & facta, grauitas, ac constantia: vt aliis ad similem vitæ rationem exemplo esse possit. Multum quidē persuadebit oratione, sed plurimum vite innocentia. Et quo ab illo accuratiora prodeant ac puriora omnia, illud animo eius perpetuò succurrat, nihil ab eo vel dici vel fieri, quod authoritatem non habeat, & in exemplum à beneuolis sumatur, putant enim eam esse legem vitæ: à maleuolis autem & inuidis ad examen & censuram sinistram. Idcirco erit & in agendo cautior, & in pronunciando cunctatior, & omnino in loquendo circumspectior. Propter hunc bene audient literæ atque artes, multique eius æmulatione studiis sese disciplinarum dedit, quarum fructum tam pulchrum, atque admirabilem cernunt. Quàm est pudendum viris doctis homines sæpe imperitos moderatiores habere animi motus, quàm illos sapientiæ præceptis constipatos. Quæ de causa literis frequenter grandè sit à plerisque conuitium, multisque in odium venerunt, qui sese prudentiores fore arbitrantur, si illarum nihil prorsum attigerint. Cæterum ea bona quæ viri docti aspectui exhibebunt hominum, verius re ipsa præstent, quàm ostentatione. Prodit se tandem malè simulatus animus, atque eò fit magis inuisus, ac detestabilis quò diutius grauiusque imposuit. Veritatis porrò ingentes & solidæ sunt radices: & lux quantumcunque occultetur splendorem suum foras emittit. Sapienter Epictetus: oues non iactant apud pastorem, quantum quoque die comederint, sed id retestificantur, lacte, lana, fortu. Turba studiosorum seculum vocat felix, in quo multa sit eruditio: non est verò id felix seculum, sed illud quum homines docti re ipsa præstant, quod legerunt, quod profitentur, quod aliis præscribunt: quum qui audiunt, & vident, coguntur exclamare: hi sunt qui loquuntur, vt viuunt: & viuunt vt loquuntur, quod philosophos illos de Origene Adamantio dixisse Eusebius est author. Ne erubescas parū rectè facere, quæ non potes melius: erubescere malè facere quæ potes bene. Præbebunt se docti imites, affabiles, moderatos, prauis cupiditatibus inuictos, & ostendent quantum in hominis corde efficere possit sapientia, si regnet: quàmque longo interstitio sapiens ab incipiente distet. In rebus magnis, &

præc

præclaris valere ac pollere sit eis satis: ne cupiant in quibuslibet haberi magni non in armis, equis, venatione, piscatione, saltationibus, lusibus, dicacitate procaci, aut triuali. Hoc ardelionum est, non sapientum: & sunt eruditi ridiculi. qui de illis non minus volunt, quàm de sapientia iudicare. Nam quemadmodum à luce nihil in obscuro cernimus, nec ab obscuro in luce: ita mirandum non est sapientes hallucinari ad nugas trāsatos, utiq; & nugatores in sapientia cæci sunt. De docen-

do.

Est eruditi hominis opuseam ipsam eruditionem in alios transfundere, & quafi de suo lumine lumen in aliorum mentibus accendere: ideóque in visione Danielis dicitur, eos, qui ad iustitiam erudierint multos, fulgere sicut stellas in perpetuas æternitates: & Dominus noster magnum illum vocatum iri ait in regno cælorum, qui iustitiæ præcepta & ipse fecerit, & alios edocuerit. In docendo quem potius magistrum imitabimur, quàm illum ipsum Christum, quem pater ad erudiendum humanum genus cælitus demisit? post hunc magno intervallo eos qui Christum sunt secuti. Is verò quum esset diuina sapientia, illa tamen protulit sola, quæ audientibus essent profutura, non quæ quantus ipse esset, declararent. Nam si gloriam suam affectasset, aut sese patefacere expetisset, quæ essent ab illo, & quàm admirabilia patefacta, sed quæ captum omnem excessissent, etiam angelorum. At verò nobis seruiebat omnis illius oratio, non ostentationi sui. Sed ne delitiæ quærendæ sunt, vel oblectatio. Plinius peculiarem in studiis sentit causam illorum esse, qui difficultatibus inuicti vtilitatem iuuandi prætulerunt gratiæ placendi. Paucitate discipulorum contentus fuit Dominus, quum Dei sapientiam, & viam æternæ salutis monstraret mundo. Quis potest de discipulorum numero conqueri, quum author humani generis duodecim hominum scolarum acquireret? Frequenti auditorio ambitio magis seruit, quàm seueritas institutionis.

Ceterum de schola oracula hæc habentur veterum, docendū sine inuidia, abiq; rubore discendum, gratiæ semper habendæ docenti, aliena inuenta sibi non usurpanda. Cogitabit vir sapiens mundum hunc esse, velut ciuitatē quādam, cuius ipse sit ciuis, aut magnam quādam domum cuius ipse sit de familia, nō referre à quo bene aliquid dicatur, dicatur modo: hic parari opes illas, hic ad publicas relinqui cōmoditates;

Oracula
veterum
de schola

tes: parentur; & communicentur, à quo autem, nihil inter-
 esse. Quare & ipse sua pro virili parte conferet, & alios vt
 conferant, benignè adiuuabit. Et quatenus se, ac suam imbe-
 cillitatem cognitam habet, & perspectā, alioqui nec sapiens
 dici posset, nec doctus, reputet cum animo suo, quātam hu-
 mano generi inferret iniuriam, si neminem se vel meliorem
 esse, vel doctiorem vellet. Porro de cursu institutionis So-
 cratis sententiam ex Platone adducit Cicero, quem solitum
 dicere scribit, perfectum sibi opus tum esse, si qui satis esset
 cohortatione sua concitatus ad studium percipiendæ, co-
 gnoscendæque veritatis. Sed nos similitudine vtemur no-
 tiore: tamdiu esse cuique opus duce, quandiu viam ignoret,
 eam vbi per sese possit peragere, animo indigere magis,
 quàm magistro.

Concor-
 dia docto-
 rum.

Docti inter se concorditer, ac humanè conuersentur.
 Enimuero turpissimum est nobis, latrones ac senones ma-
 iore inter se cōsensione viuere, quàm eruditos. Sed nec eru-
 ditis vnanimitas, ac beneuolentia deerit, si disciplinas inte-
 gre ac sanctè coluerint, non ad gloriam, vel quæstum: nam
 vbi harum rerum cupiditas inualuit, difficile est sanctā ser-
 uare societatem. In studiorum collationibus qui alteri me-
 lius dicenti concedit, ne victus nominetur: alienissimum est
 ab hac re nomen illud, neq; enim pugna est hæc, vel qui dis-
 ferunt, aduersarii: acerbissima atque inimicissima appella-
 tio in suauissimam rem, & beneuolentiæ natura ipsa plenam
 est translata. Nam quæ potest maior inueniri coniunctio
 vel arctior, quàm animi, & eius, qui illum ad prudentiā aut
 virtutem excolit? Non alia vtique quàm arui, & agricolæ, vt
 non immeritò parentes sint animorum, qui docent. Et quē-
 admodum in oculorum, ita in mentis aspectu. Qui non sa-
 tis cernit perspicuè, acutiùs cernentis cedat iudicio, sine in-
 dignatione. Oculos ille acutiore vel saniores est nactus, hic
 ingenium vel natura perspicatius, vel vsu, ætate, diligentia
 expolitius. Quid quòd interdū animaduertentiæ magis laus
 est, quàm ingenii: casus nonnunquam, sicuti quum elapsus
 numus, à multis quæritur? Sed vt nuncupetur sanè quando
 ita inueterauit, congressus, & lucta, & pugna, & victoria:
 quælo expendat quisque secum, quantum sit beneficium li-
 berari à tyrannide ignorantie, quæ seruitus est omnium
 grauissima, & teterrima. Sapienter Plato, Tanto præstat di-
 sputa

sputatione vinci, quàm vincere, quantò est melius magno malo liberari, quàm liberare. Quid enim exitius homini potest contingere, quam falsa opinio? Vt sit hoc fortasse liberatori gloriosius apud nonnullos, liberato certè vtilius est. Verùm huic tanto ignorantia malo libentius eximeremur omnes; si disputationes minùs essent scenicæ, nec tantum tribueretur coronæ, quæ colluctantes cingit: essetque amica potius sermocinatio, quàm pugna inimica. Quod quum in genere omni disciplinæ fieri decet, tum potissimum in theologia, vbi contra sacram veritatem impiè confligitur, & scrupuli gignuntur in animis audientium de rebus, quas certas, fixas, inconcussas haberi fas est. Exasperat porro sparfos scrupulos dæmon hostis, atque auget: accommodant etiam homines suas manus, dum vnusquisq; de ingenii gloria laborat magis, quàm de veritate asserenda. Cedendum veritati omni, non piæ modò, & sacrae, sed prophanae quoque: & præcepto sapientis obtemperandum, quo iubemur non contradicere verbo veritatis vllò modo.

Candidæ ac prudentes censuræ vehementer sunt studiis omnibus viles, si animi iudiciũ citra damnum affectus profertur, vt inquit Tacitus: nec quicquam est in his damnosius, quàm iudiciorum confundi signa, sicut in vita voluntatum: vt nesciatur quid quisque aut probet, aut improbet: quod vsu venit hoc tempore, quum periculosissimum est de quoquam loqui, tam iritati sunt omnium animi, & parati ad pugnandum, vt vel attingere quamlibet leuiter nõ sit tutum, etiam si aliò spectes: tenera atque infirma conscientia, illico sese peti suspicatur, haud aliter quàm hircocervi actutum concitantur, strigile audita. Quamquam vitio huic incitamenta atque incrementa præbuere quamplurimi, qui acerbissimè alios perstrinxerunt, nõ vt veritatem exprimerent, sed vt sugillarèt, ac infamarent nomen alienũ, vel odio impulsì, vel falsæ gloriæ spe adacti, existimantes tam se habicum iri pulchros, & præstantes, quàm alios tetros esse, ac viles ostendissent. Sed illis multò secus, atq; sperauerant, accidit: nam candoris etiam ineruditi tua est apud omnes laus, malignitatis vel eruditissimæ vituperatio certa. Quid, inter hæc odia quantam accipiunt plagam disciplinæ? Detrahitur authoritas tam odiosè rixantibus, & tam capitaliter inimicis: despondent animos excellentia ingenia, quum pertæsa

rem adeò amaram nempe digladiationes perpetuas ab studiis reiliunt, ac abhorrent: profectus inter hæc studiorum amittitur, atque obicuratur veritas, dum malunt quidam corrûpi literas, quàm instaurari per suos inimicos. Quantum scelus est eloquentiam, ingenium, & alia magna atque admiranda Dei munera, hominibus à Deo ad vtilitatem hominum concessa in eorum perniciem conuertere, per bona malefacere? Hoc verò iam nec ferarum quidem est, nedum hominum. Quanto religiosius Quintilianus Ethnicus, quàm nos Christiani: Mutos nasci, & egere omni ratione satius fuisset, quàm providentiæ munera in mutuam perniciem conuertere. Quid refert quomodo impetas alium, ferro an stylo, vbi voluntas est eadem, & plerunque lingua plus lædis, aut stylo, quàm gladio? quippè ferro corpus modò consaucias, lingua verò etiam **animum**. Artes humanitatis nominantur, reddant nos humanos: à Deo optimo sunt traditæ, reddant bonos. Nam qui alteri inuidet, quod est ei Deus largitus, quid aliud quàm sanctum Dei iudicium improbat, & distributionem munerum illius condemnat? Tametsi quid est, quòd queri quisquam possit de Deo? An nou tecum ille egit prolixè? Aliquos supra te vides, at quantò plures infra te? Erit vir doctus in definiendo lentus, in asseuerando minimè pertinax. Quæ reprobaturus est, etiam atque etiam leget, versabit, excutiet, ne quid ab eo temere in damando affirmetur: minùs circumspectum esse velim in laudando. Caueat ne non satis intelligat, quæ damnat: ne cui notam iniustus est, maiorem pro se rationem habeat, quàm ipse contra eum. Consultius fuerit **nihil pronuntiare**, quàm vt condemnatio in iudicem ipsum recidat. Quòd si hanc siue prudentiam, siue benignitatem animi in homine docto requiro, quid me sentire par est de illis, qui bene dicta inuertunt, & deprauant, quo causatius existimentur conuellere? Nam si flectere in melius & pium & vtilissimum est multis, profectò magnum erit scelus in peius detorquere. Ego Adrianum Florentiũ illum, qui postea factus est summus Pontifex, quum adhuc esset decanus Louanientis, in publicis sæpe disputationibus quæcunque aũthorum dicta à disputantibus citarentur, interpretantẽ pro se audiui, nunquàm alpernantem, etiam si ex iis essent, qui adhuc viuunt, nempe Iacobi Fabri, aut Erasmi Roterodami. De viuis censendum

Adriani
Pontifi-
cis mos.

sendum cautius, de mortuis reuerentiùs, qui sunt iam inuidia exempti, & redditi suo iudicio: eamque subierunt censuram, quæ omnes manet, idque potissimum de illorum vita, & moribus: nam de eruditione paulò licebit liberiùs. Eos per quos profecerit quis, citet benignè, nec velit, ut ait Plinius, in furto deprehendi potiùs, quàm mutuum reddere, præsertim quum sors fiat ex vñra. Olim adeò erāt in suum cuique tribuendo æqui, ac liberales, ut ne verbum quidem vñum auctori suo surriperent: declarant id Plato, Aristoteles, Cicero, Seneca, Plutarchus, & alii: nunc & verba, & sensa, & argumenta etiam integra, nonnunquam inuenta & opera subtrahuntur: quod seruile est admodum, magnarumque simularum in studiis origo: Cui enim non sit graue seruos sibi suos abduci, nedum filios? Utinam & de hoc plagio aliquid cautum esset lege Fannia: nec vlla spectari conuenit discrimina vel patriæ scriptoris, vel sectæ, vel ætatis: quemadmodum stultus ille populus, qui ut prudenter ab Horatio carpitur, redit ab fastos, & virtutem æstimat annis. Non quin par sit, ut libri plus authoritatis mereantur, qui iam tot sæculis placuerunt, illisque tot ingeniorum consensu approbationis suæ calculum adiecit: de quibus omnibus vna illa de scriptoribus sententia proferenda iudicatur. Quid quòd nouitas omnis iudicii præpedit, videlicet nondum bene cognita? Qui in verbo vno aut altero, aut multis etiam quempiam correxerit, ne continuò videri postulet se illo esse doctiorem, aut magis ad rem attulisse, quod multum sibi ipsi stultè persuadet: ut si quid in magnis auctoribus corrigant, illis se protinus anteponi oportere autument: velut quum memoria seu incogitantia magnus vir labitur, nam Horatio vel Homerus ipse dormire nonnunquam videtur: aut quum linguæ ignoratia fallitur, quæ errata Græcè, ac Latine semidocti captant, magna sanè iniquitate, qui à nobis eam cognitionem Latini aut Græci sermonis exigunt alieni atque insititii, quæ in Cicerone, aut Demosthene vix fuit, vel in quopiam ex illis, qui linguam suxerunt cum lacte, qui que populo vniuerso uti quotidie poterant magistro, & de quibus dubitarent, à cerdone vicino aut fabro admoneri. Quòd si isti tam acres censores subituri essent eandem conditionem iudicii, mitiores credo se præberet suis reis. Haud pauca iniquissimæ huius seueritatis habemus exempla, non

tam prisca, quàm seculi huius finitimi, Vallæ, Politiani, Be-
 roaldi, Mancinelli: non pauciora ætas nostra tulit, vt præ-
 teream in hoc genere calumnias, de quibus quum de corru-
 pra grammatica dicerem, sum locutus. Equidem haud nega-
 uerim, quin notari magnos scriptores intersit eruditioris.
 Sed nō protinus plus aut idem adifert, qui notas, & qui opus
 composuit. In autore alicuius disciplinæ, boni consuletis
 errores alterius: vt in theologo historię, in historico primæ
 philosophię, modò muneri suo satisfaciatur: multò benigniùs
 linguæ peccata cōdonabitur: bonam sententiam Gallicę, aut
 Hispanę dictam amplectemur, non accipiemus vitiosè La-
 tine. Ego verò cum Marco ipso Tullio indifertam malim
 sapientiam, quàm stultam loquacitatem. Augustinus rectè,
 qui eo magis ait solœcismis & barbarismis offendi homi-
 nes, quo infirmiores sunt: & eo esse infirmiores, quo do-
 ctiores videri velint, non rerum scientia, quæ ædificat, sed
 signorum, qua non inflari difficile est, quum & ipsa rerum
 scientia sæpe ceruicem erigat, nisi Dominico reprimatur iu-
 go. Nolim tamen hoc sibi nomine imperiti & sordidi scri-
 ptores plaudant, tanquam res habeant, quia verbis carent:
 imò duplici crimine sunt isti damnandi, quòd quum rerum
 essent vacui, nitorem omnem, atque elegantiam verborum
 abiecerunt: nam si res essent penes illos, indocti profectò
 atque iniqui esset, de vocibus mouere illis controuersiam vl-
 lam, aut querelam omnino aliquam: quo apparet multa esse
 verba nequicquam Ioanni Pico profusa in illa ad Hermo-
 laum epistola nobili: non enim res sunt apud Auentroem &
 Scotum, quod ipse sibi sumit, qui à nobis non tam vt spur-
 ci, quā vt inanes culpanitur. In scholis & tota vita quantum-
 cunque ob ingenium, iudicium, studium, eruditionem mul-
 tiplicem, cognitionem variarum rerum latè patentem lau-
 detur quis: de virtute certè ac pietate laudari corā non opor-
 tet, ne leui illa extollatur aurula, & id ipsum bonum de quo
 laudatur, dum laudatur, amittat: nec absentem nisi parçè, &
 de operibus quæ videmus. Paulus nō vult quenquam de ipso
 iudicare, aut sentire, supra id quod videat in eo, vel audiat: &
 Sapiens nesciri ait ab homine odio ne, an amore dignus sit:
 videlicet finis est expectandus in vno quoque hominum, a-
 nimali ad mutationem promptissimo. Viri docti eo inter
 se debent esse affectu, vt iuxta Pauli sententiam, nec inuicem
 iudic

iudicent, nec iudicati ægreferant : sed vtrique expectent patienter tribunal, & forum illud Domini sanctum, & iustum. Iudicans dementer, ac flagitiose agit, qui de conseruo suo communi domino præiudicat. Iudicatus autem tractet animo id, quo se Paulus cōsolabatur: Ego verò nihili facio à vobis iudicari, vel ab humano die. Dominus est, qui verè, & iustè est de me sententiam laturus: illius cognitionem reformido, illi quantum possum, me ipse paro.

Non deerunt magnæ eruditioni, qui inuideant: res altas Quomo
& pulcherrimas mortuū appetit liuor, scæda & iacientia præ- do serēda
termittit illæsa. Themistocles Athenientis homo, quod res inuidia.
eius docuerunt, acutissimus, rogatus à quodam, an præclara
iam sibi videretur agere: nondum inquit, nam inuidos non
habeo. Quòd si ea est lex, quam sibi humana malitia imposuit, ferat vir sapiens cōmunem sortem, nec indignetur sibi accidere, quod omnibus. Nec à Deo contendat impetrare, quod ab eo pater filius non impetrauit vnicus, charissimus, vt in suo mūdo deessent sibi calumniatores & maleuoli, qui diuina illius opera in partem pessimam raperent. Vult ergo lege hac seruus nequam domi alienæ solui, quia filius domi suæ tenebatur? Sed nec est tamen à benefaciendo propter inuidos, & maleficos cessandum. Accipite Socratis orationem, quæ est à Platone in eius Apologia perscripta. Si mihi viri Athenienses in præsentia concedatis vitam hac conditione, vt ne post hac in sapientiæ inquisitione verser, diligo quidem vos, sed Deo certum est parère potius, quàm vobis, ac quamdiu viuam, & valebo, philosophari, atq; vnumquēque vestrum exhortari ad virtutem non desistam.

Et quando is qui eruditionem est nactus non præsentibus tantummodo, nec iis quibus cum viuit, prodesse volet, Describē
verum absentibus quoque & posteris, sensa animi sui moribus.
nimentis literarum ad diuturnitatem cōsignabit. Principio noscat se, & vires suas expēdat, quibus polleat rebus, quibus sit scribendis idoneus. Aptissimi omnium sunt ad monimenta ingenii tradenda posteris, qui iudicio præditi vegeto & acuti, ad coniectandum sunt dexterrimi. Qui verò diligentia solum valent, ingenio non item, ea sibi detumant, in quibus diligentia sit opus, non acumine. Abstinebunt ab orationibus, ab historia, cui conciones sint admixtæ, à prima philosophia, à præceptis morum: tractabunt obseruationes, colle-

Etaneā, nudos annales, emendationes authorum, collatis edicibus, quod fecit Valerius Probus, non addita sua coniectura: nam hoc munus est iudicii. Non eiusdem est & multa colligere, & de illis omnibus exactam sententiam, & iudicium promere. Idcirco studiosi, qui nihil intermittēdo multa legunt, multa audiunt, multa scribunt, & colligunt, iudicio ferē seipfos priuant præcipuo bonorum omnium in vita. Danda est sua studiis relaxatio, & viuidius est iudicium animi non fatigati. Cursus, saltus, deniq; labores omnes fortius ac validius ex intervallo exequimur. Scripturo multum est legendum, meditandum, scribendum, emendandum, & denda paucissima. Harum actionum hæc est, nisi fallor, proportio. Lectio sit ut quinque, meditatio ut quatuor, scriptio ut tria, emendatio ut redigat illa ad duo, ex his duobus vnū proferendum in apertum. Ad hoc opus maximi momenti purior ab affectibus & sedatior accedat, quàm ad aliud quodcunque, etiam pacem à Deo, & veniam precatus. Veniet illi in mentem vocem dissolui statim, exaudiri à paucis, scripturam omnibus innotescere, & semper idcirco nunquàm non lædere, quæ hiæ sint mala. Non sument in manus stylum, quandiu ira, vel odio, vel metu, vel ambitione, vel qua alia praua cupiditate agitantur. Si eam deponere non possunt, stylum citius deponant, ne quid veneni in opus transfundatur animo, id est ex fonte.

Emendatio.

Posteaquam scripseris ostende iis opus, à quibus rectè admoneri te posse confidas, corumque sententiam attentus ac patienter auscultato, quam tecum æquo animo reputes, ut quæ videbuntur corrigas. Quantò satius est ab amico priuatim admoneri, quàm ab inimico publicè obiurgari. Sunt tamen noua quædā inuenta, quæ melius poterit author ipse arbitrari, ac iudicare, quàm alius quiuis. Primum quum pariet, ne afficiatur amore fortis necdum vis: quæ res vehementer iudicandi facultatem debilitat, quum prius quàm cognoscamus, diligimus: quod parentes in filiis faciunt, qui nondum natos iam amant, quo fit ut mox censere de natis non valeant. Hinc quod Quintilianus consulit, opus aliquantisper seponat, ut ad illud postmodum refrigerato iam inuentionis ardore, tanquam alienum redeat, lector, non author: accedet multum iudicio ex dilatione, tum comparatione sui atque aliorum. Quæ omnia si probè sit executus, opus tamen

perg

pergat placere, bonam debet author spem concipere, placiturum quoque aliis.

De emittendo in publicū versiculus est Horatii. Ne precipitetur editio, nonūmq; prematur in annū. Ex cuius duabus partibus priori consentio, posteriori non item. Neque enim videtur mihi in tanta vitæ breuitate expedire, vt nouus demum annus scetum nobis pariat. Sed neque in vniuersum potest dari certa regula propter varietatem ingeniorum, & operum: satis fuerit admonitam esse cuiusq; prudentiam, nō oportere editionē tanquam immaturum partum ante tempus eici. Nam re posita quacunque necesse est, iudicium antequam ritē de illa statuatur, quæ ad illam pertineant omnia attentē ac subtiliter circumspicere, quod fieri cogitationes præceleres non sinunt, vt quæ intentionem mentis in vnum aliquid rapiunt penitus, & à contemplatione totius auertūt: itaq; fallitur scribens ipse, & falsus alios, qui se illius cōmiserunt fidei, in eundē secum errorem trahit: quōdq; semel erit prauum, si de eo admonetur à quoquam, pertinaciter defendit, ne lapsus credatur, vnde oriuntur sectæ, feracissimum rixarum seminariū. Sin ipse errore suū sponte agnoscat, non emendat simpliciter, sed ambiguē, ac perplexē, nomini magis, quàm veritati consulens. Hinc sunt editiones fictæ, & refictæ toties, vt aliquāto post nesciatur quæ prima sit illarum, quæ altera, vel tertia, quæ authoris ipsius sententia, quæ standum: idq; sit tantō confusius & incertius, si quo secūda, aut tertia, & aliæ deinceps recognitiones non peruenierint. Neq; verò me fugit, esse nōnulla, quæ primo quoq; tempore necesse erit euulgari: de quo genere sunt narratio rei gestæ ad plurimos viuentiū pertinetis, tum quæ inest ad criminis in cōmune noxii, aut depellendæ à nobis calumniæ cōponuntur: ea satis fuerit diligētē esse à nobis excogitata & percripta, nam dilatonem res non serunt: nec quæ sunt eiusmodi, præcipitata dici debent, sed maturata. Non desunt quæ de terit cura, non emendat: sunt enim ingenia tam subiti ac viuidi impetus, vt eorū opera meliora sint effusa quàm retula.

Quæ post editionem videbuntur authori ipsi parum recte xpenſa corrigat planē apertē, simpliciter, magis de claritate veritatis sollicitus, quàm de sua ipsius. Sed nec ipse iacturā vllam fecerit exſtimationis. Quis enim est vique adeo rerum humanarum expertus, & ignarus, vt nesciat optimos

quosque, & sapientissimos viros tempore, ac studio in melius proficere? An ego excellentis ingenii virum nihil plus credam assecutum senem esse, quàm iuuenem? Iners profectò, ac miserrimum est ingenium, cui non plus posterior dies, quàm prior adfert. Si libri sint dogmatici sparsi iam & euulgati admodum, consultissimum erit librum correctionum exemplo diui Augustini componere: aut si quid erit addendum, secundam additionem scorsim dare, vt fecisse videmus Boethum Seuerinum. Sin opus vel non continet dogmata, vel non adeò est diffusum, licebit, quod est apud poetam, male tornatos incudi reddere versus, & opus reconcinnare, atque etiam si res ita ferat, retexere de integro. Quod si ab aliquo corrigatur, agnoscat beneficium, & palmam agat gratias. Veritas enim pro qua nos in acie conuenit stare, nullius est propria, sed communis omnium. Quod si ille in eam inciderit, irasci te non oportet, illi potius gratulare felicitatem, quam & tibi licet esse cum illo communem. Sed proculdubio ita res habet, qui pro veritate certant, sic sunt animati, vt eam à quocunque inuentam complectantur: qui autem pro suis inuentis, id est pro suo nomine ac gloria, tanquam aras & focos, quicquid ab eis prodierit, tueantur: cuiusmodi sunt in omni quidem disciplina complures, sed in iis potissimum artibus, quæ circa sermonem occupatæ sunt, grammatica, poetica, rhetorica, & ea, quæ cum his est coniuncta, philologia: primum quod peritia verborum, vt rectè est ab Augustino scriptum, valde inflat: deinde quod horum opera magis videntur esse illorum foetus, quam quæ philosophi, aut theologi conscribunt: orationem enim orator peperit, poeta carmen: veritatem non peperit philosophus, aut theologus, sed natura: ideòque verax philosophus cōtradictionem opinionis suæ, naturæ potius interpretatur esse iniuriam, quàm sui. At qui falsum comminiscitur, ægrius fert repugnari sibi, quàm qui asserit verum: nam verum nemo gignit, falsum ex mendace ipso nascitur: itaque qui verum affirmat, propugnationem sui dicti naturæ, temporis, Deo committit, qui falsum, ipse sibi illius tutelam sumit. Accedit his, quod verba velut facies & forma quædam sunt exterior, sensa autem interiora illa referunt, ceu valetudinem & mentem. Indigniùs verò formosi accipiunt cutem & lineamenta sua perstringi, quàm boni

suam virtutem: citiùsq; vir probus malum se appellari æqui
 bonique faciet, quàm speciosus deformem. Quæ ad mores
 non pertinent ea graue est ad alienum nos stomachum
 aut iudicium formare. In iis verò, quibus homi-
 nes vel meliores fieri, vel peiores possunt,
 publicos præfectos esse aliquos exa-
 minandis libris expedit, viros
 iudicio, doctrina, probi-
 tate in totò populo
 præcipuos, ac
 spectatos.

TOMI SECVNDI, QVI CONTI-
 NET LIBROS DE TRADEN-
 dis Disciplinis, siue de do-
 ctrina Christiana,

FINIS.

BB 5

IOANNIS LV- DOVICI VIVIS

VALENTINI,

De prima Philosophia, siue de
intimo naturæ opificio,
Liber Primus To-
mi Tertii.



Dux vitæ
mens.

E INTIMO naturæ opificio, hoc est, quibus ex causis, qua ratione, atque actione oriuntur singula, crescant, existant, intereant, diffundum est nobis hoc opere. In quibus omnibus scrutandis tamen magnis tenebris premitur nostra mens. tamen alium in hac vita haberi eorum quæ sensuri aut dicturi sumus ducem, nec possumus nec debemus, quam quod illa & vi sua naturali, & usu ac meditatione consequitur, ne dum ea comminiscimur quæ ratione nulla demonstrantur, in absurda figmenta incidamus, & somnia sequamur pro doctrina sapientiæ. Cui quidem rationis nostræ præceptioni, ac monitis non solum auscultabimus in speculatione naturæ, sed in rebus etiam diuinis cum omni cultu, ac reuerentia, vel spectandis, vel ut dabitur nobis exponendis. Habitat enim Deus lucem inaccessibilem nobis, circumscriptâ caligine, ita ut nos corpore hoc peccati oblectsi lucem non valeamus intrare, nec percurrere caliginem: & qui proximè ad Deum accedunt, offundi se vicina caligine sentiant, & non assequi sese attestentur, quemadmodum vir ille cæcus etiam illustratus fatetur: ego, inquit, nondum arbitror me compræhendisse. Tamen in illis ipsis quæ indicibili intervallo captum nostrum omnem antecellunt, & verbis ac humano loquendum est more, &

re, & vt ratio & iudicium nostrum assequitur, sentiendum, ne si hūc spernamus ducem, in errores multos vagi, atque incerti prolabamur. Furor est hominē relictis quę homo capit, ea quę non capit, affirmare, nisi quę constet magistro edoctū humanitate omni maiore, ac potiore, quod paucis admodū tribuitur. Neque verò vsque adeo mentis nostrę acies retusa est, quin eatenus veritates prospiciat, quatenus hominum generi conducit: hoc enim beneficium est ingens hominum generi à Deo tributum.

Et humana quidem iudicia sunt quædam naturalia, sunt Humanū alia siue artificialia, siue arbitraria libeat appellare, siue etiam iudiciū. consulta. Naturaliter dicuntur iudicari, quę ab omnibus eodem modo & semper: vt quę vsurpantur à sensibus. Item quę à parte maxima, & ab iis quorū ingenium integrum est, ac rectum, id est, planē humanum, non deprauatum vel stupore, vel educatione quadam ferina non studiis, ac persuasionibus infectum, & detortum. Artis siue arbitrii, siue consilii sunt, quę ab aliis aliter, & aliās censentur. Quod naturale est, non potest esse ex falso. Neque enim falsas de rebus opiniones humanis ingeniis Deus indidit: nec potest certius esse veri argumentum, quā omnes naturaliter sic sentire. Nam si magni alicuius & sapientissimi viri autoritas iure habet momenti plurimum, quanto habebit maius autoritas generis humani, & quidem à natura verissimo, ac certissimo doctore instituti? Quid ignorat Deus, aut quid est, in quo velit nos falsos? Vult ille nos opus suum veras de se, ac rebus omnibus, habere sententias, nec incertitia nostra illi potest vlla ex parte prodesse. Auspicatē de hoc tāto ac tā admirabili officio dicturi, ab illo exordium cepimus, à quo sunt rerum vniuersarum origines, in quo media, ad quem exitus, quem admodum à sancto Apostolo est traditum.

Apparet ergo à natura esse nobis inditum Deum esse, Deū esse. quando nulla est tam barbara, atque immanis natio, cuius non animum intelligentia atque informatio imbuerit Dei. Quisquis oculos in sublime ad tantam, tamque admirabilem speciem attollens considerat ordinem, & constātam caelorum, ac temporum, profectō dubitare nullo modo potest, quin à præstanti aliqua sapientia hæc administrantur. Tum quę sunt naturalia, in iis apertissime se produnt, quę repentina consilium omne excludunt. Atqui in latis, aut trist

tristibus subitis, sepe etiam in admirandis, quum affectus arte non possunt regi, oculos sursum omnes dirigunt, & opem illhinc poscunt, aut gratulantur, aut venerantur, ac adorant: quod est clarissimum signum, existimare eos illhic habitare potentissimum authorem ac rectorem omnium. Nam quod sursum oculos erigunt, quum princeps naturæ sit ubique, hoc significant, dignissimum esse locum illum, quæ sedes dicitur, & quasi regia principis omnium. Tum illius & vis & sapientia potissimum cælo declaratur, sicut à diuino vate dictum est, cælos enarrare gloriam Dei,

Deus. Verum quisquis Deum nominarit, indubiè rem putat se nominare sapientissimam, potentissimam, optimam: magnūmq; ducit nefas esse, si quis contrà de Deo sentiat. Quid enim sapientius, quàm qui hæc regit quæ vel sola contemplatione stupefaciunt omnium mentes? Quid potentius, quàm cui hæc ultro parent: Quid melius, quàm qui hæc cōdidit omnia tam pulchra, tam grandia, nullius rei indigus, quique tantas commoditates rebus omnibus conditis ad se conseruandas progenerat: Qui tam lentus est ad se de iis vlciscendum, à quibus numen suum nefandis facinoribus violatur: neque enim inter hominum scelera adeò tum crebra, tum etiam graua, & abominanda momētum temporis perseueraret mundus, nisi ille, qui hæc regit esset optimus, & proinde longanimus. Ergo quia sapientissimus est, omnia in finem aliquem constituit, & quia optimus in finem bonum. Non enim sapiens temere aliquid aggreditur, nullo præposito sibi fine, quem spectet. Nec bonus aliud spectat, quàm bonum. Et quia potētissimus, facile quæ sapientia ad finem illum esse congruentia iudicabit, exequutus est. Nobis quidem propter tarditatē ingeniorum, & maximarum rerū inscitiam, ortus, progressus, exitus, & causæ singularū ignorantia sunt. Fieri tamen non potest, quin ille maximas habeat, & in minimis rebus causas, alioqui non esset qualem natura ipsa docet, sed neque alium vel mens ipsa potest sibi cogitatione fingere.

Causæ voluntatis Dei.

Verum illius sanctæ & reconditæ voluntatis rationes, ac consilia occulta sunt nobis. Itaque væcordis est earum rerum causas inquirere, quæ causæ nō sunt ab illo toras proditæ, sed in consilio ipsius reseruantur. De quo est in sacris literis: Quis cognouit sensum Domini, aut quis consiliarius eius

eius fuit. Tales sunt causæ eorum, quibus illa sapientia pro instrumentis vitur sui finis, nam hæc sunt voluntatis eius, sicut artificis in paritate similium instrumentorum hæc sumere ad opus magis, quàm illud. Omnia enim Deo sunt ad quoduis opus paria, nec minùs commodè aliis posset vti ad eundem finem, quàm illis quæ sumit: vt ignem esse calidum, glaciè frigidam, hominè sic esse cõpositum, sic ali, sic viuere, tot celos, tot stellas, non pauciores, nec plures. Hæc naturæ, id est, huic opificio sunt prima, nobis postrema, vt nec nos, nec illa vltèrius progrediamur: Illa quæ vbi incipit, nos quæ ibi sistimus. Deo verò media sunt, ac instrumenta voluntatis. Quippe non aliud sunt rerum naturæ, quàm illius instrumenta. Quærere cur non plura astra, cur non pauciora, cur nõ aliter disposita, Item de elementis, de formis animantium, denique de numero, magnitudine, dispositione, viribus earum rerum, quibus constat hæc tanta vniuersi molitio, hoc verò est vetita septa transcendere, & impudenter ingerere se in arcana diuinitatis. Illa enim omnia voluntatis sunt illius cuius consilium nescio an communicatum sit angelis, certè nobis occultum est. Quæ verò his positis sequuntur, naturæ sunt; Et naturæ legibus sancitis, vt ignis lignum exurit, non faxum: stomachus humanus panem & carnes concoquit, non stupas. Luna plena deficit, silens verò solem abscondit. Longiores esse dies in æstate, quàm in hyeme. In quibus coniecturas quasdam inuenit hominum inquisitio: nam scientiã non meremur, & peccato contaminati, & proinde graui mole corporis oppressi, Sed neque est nobis necessaria. Nam videmus omnium quæ in hoc sublunari sunt mundo principè esse, ac præsidem hominem constitutum, quando non beluis sunt hæc parata, quæ vti nesciunt: finem verò quum aliquem etiam in minimis ac vilissimis esse rebus sit comperitum. Nec mirum, quando, vt diximus, à Deo nihil est temere, aut frustra conditum, nempe à sapientissimo. Hominis autem tam excellentis naturæ nullum hic videmus, imò cum anxie & irrequietè aliò pergere, dum hanc vitam agit, apparet eum aliò tendere, ac spectare. Nec quicquam homine esset vel vanius, vel miserius, si huc tantum omnes illius actiones, cogitationesque referrentur: quum cum palam sit nunquam quiescere, semper in solitudine, & cura futurorum iactari, nunquam potiri votis, quibus in

totum

Homo
princeps
subluna-
rium.

totum acquiescat : optare semper , quorum nunquam fiat compos: quæ de re alibi erit copiosius differendi locus. Quapropter, aliorum dubio procul quam ad virtutem hanc pertinet, nempe ad alteram quam assequetur his vinculis corporis & peccati solutus. Ut quemadmodum in locis maternis tantis contactus inuolucris, per nouem menses huic luci formatur, sic in hoc corpore illi alteri paretur: quod tantum mysterium intellectum esse à L. Seneca magnum est indicium, quantum opere ad veritatem omnem mentes nostræ sint à natura conformatae, quæ si velint studiose nauare operam, ad ea peruenient, quæ impiis, atque imperitis incredibilia videntur. Sed reuertamur ad id, quod cœpimus. Quemadmodum ergo in utero sensim robur accipit, & conditit hanc lucem, atque aërem posse ferre, sic nunc exercet se per virtutem, ut tantæ illius lucis aspectum sustineat, in qua est finis eius, ad quem est conditus. Nam in eo positus nihil requireret amplius plenus gaudiorum, & securus. Sed hic eum contemplari est velut præfectum huic orbi, religionis capacem, ac Dei cognoscendi. Et quia cognoscit tantum bonum, etiam amat, nam voluntas in bonum fertur, prona nutu suo, ut mentis acies in verum. Porro quod amatur expetitur. Quid enim amatur nisi pulchrum, & ideo expetibile? Amor enim vinculum est vnicum rerum spiritualium: siquidem non aliò glutino possunt illæ copulari. At quod homo natura id expetit, euidens signum est posse assequi: quando ad impossibilia naturales cupiditates non accepimus. Ad hoc quidem habent omnes insitam à natura expetitionem, quam reprimunt tamen nonnulli tanquam improbum votum, & impossibile desiderium, quum se tam pulillos reputant, illum verò tantum, sicut in humanæ quoque fortunæ magnitudinibus vsu venit: idcirco opus fuit medio aliquo, quod complexum in se sublimis & infimi naturam desperationem adimeret, fiduciam augeret, ut ab humili ad excelsum per illum ascenderetur. Sed hominem hunc siue iam tantarum rerum dominum, siue tantis bonis destinatum, instructum fuisse præclarissimis à Deo ad tanta munera facultatibus credi par est. Nam qui sapientissimus iussit finem peti, idem optimus facultatem & instrumenta finis consequendi voluit attribui: potentissimus tribuit. Fuit igitur ornatus, & quasi armatus viribus, & firmitate

mitate corporis, ut ipse mancipiorum suorum dotes excellentius possideret: celeritate intelligentiæ, qua mundana & diuina tacile percurreret, quum vellet, quum esset opus: tum luce iudicii, & consilii, ut quid & cuius quidque esset pretii momentique censeret, in iis quorum erat dominus factus: æquitate etiam voluntatis, ut quæ conformia essent summo illi & soli bono, cui erat vni pariturus, sequeretur, quæ contrà deuitaret: ut hoc denique obsequio & amore coniungeretur ei, quo nihil habuit charius, & pròinde neque optatius. Nunc verò quum & corpore hominem cernamus morbidum, & seruum eorum, quæ illi Deus subiecit, tum intelligentia tardum, & consilii tenebrosi, & voluntatis prauæ, indubiè degenerasse apparet ab illo homine, qui quum huic mundo erat à Deo præfectus, tum ad tanta bona conditus ac destinatus: nos peccatum scimus esse causam, quo delinquit à principe, & imperatore suo Deo. Quidam philosophorum naturæ progressu eò peruenerunt, ut dicerent animas hominum in istis corporibus, tanquam in ex gastulis vinctas magnorum scelerum pœnas dare. Sed de imperio rerum & fine destinato vtrum retinuerit, vtrum amiserit, ex relictis, ac perditis facultatibus est intelligere: Ademptæ sunt vires & celeritas cognoscendi: hinc ad regendum potentia, tum obedientia subditorum, ergo & regnum cuius hæc erant instrumenta: & in eius corpore velut nota quædam censoria iniusta est rebellionis primæ, ut menti nec corpus nec affectiones obtemperent, magna quidem & deploranda iactura, sed huic maximam adfert consolationem spes finis, quæ sumitur ex facultate ad eum consequendum relictæ. Nam in delicto illo quum homo quantum in ipso erat, ius sibi omne præcideret ad finem, Deus tamen illius misertus castigauit filium, non abdicauit. In illo utique scelere dominatum amisit orbis, non tamen, quod magis expetendum est, penitus eum reiecit Deus à fine: idcirco nec instrumenta & veluti viaticum sustulit, quo ad eum perueniret: tantumque ei reliquit luminis, quantum sat esset ad ingrediendum illa via, quæ restat à ad felicitatem deduceret. Nunquàm eo lumine sustinuit Deus orbari prorsus hominem, quod ei de suo lumine quotidie accendit. Nunquàm enim fuit vlla vel tam stupida & socors natio, vel tam cæca ætas & caligine oppressa, in qua

Tenebræ
in nobis,
nō in re-
bus.

in qua homines ignorarint illa, quorum scientia ad felicitatem eos perduxisset, si essent exequuti. Ideo de filio Dei, quæ est diuina lux & sapientia dicitur, quòd illuminat omnem hominem venientem in hunc mūdum. Perdidimus ergo res, & imperiū, sed nobis vera bona diuino beneficio, seu veriūſ indulgentia relictæ sunt. Ad cognitionem quoque rerum naturæ id reliquit facultatis, quo aſſequeremur, quod vitæ huic tuendæ satis eſſet, sed labore tamen, cura, intentione magna animi: non quod eruendæ sint res è tenebris, sed quòd tardius eſt factum noſtrum ingenium, & debilior mētis vis caſu illo ſagittæ & diſceſſu à lumine. Neque enim tenebris ſunt res coopertæ, sed noſtræ mentes: nonnulli tamen quæ ſunt in nobis vitia, in naturā transferunt: verūm neque hac igno- ratione quicquam accepimus iacturæ ad eam perfectionem, quæ ſita eſt in adeptione ſinis. Nam ampliōr cauſarum cognitio pulchra quidem eſt, & voluptatem habet permagnam intuitu ſpinōſiſſimi ſpectaculi, vt Virgilius felicem eum vocet, qui potuit rerum cognoscere cauſas: Sed tamen hæc- nus modò neceſſaria, quantum ſateſt ad parandam & conſeruandam vel vitam vel virtutem, & vitam propter virtu- tem: quò videtur etiam Virgilius eam ipſam deducere felici- tatem intelligentiæ cauſarum.

Atque metus omnis, & inexorabile fatum.

Subiecit pedibus, ſtrepitūque Acherontis auari.

Atqui iſtud relictum eſt humano generi ex tanta opum iac- tura. Anxia verò illa cognitio adeò non eſt ad parandum quod petimus, neceſſaria, vt non rarò etiam illhinc abducatur. Multi enim acti dulcedine ſcrutandi cur quicq; fiat, & quo- modo, à cæleſtium rerum cura & cogitatione auocantur, & à cultu virtutis, dum illis ſuis ſtudiis tanquam à Sirenis oc- cupatis nec regere vācat populos, nec domos, nec ſuos ipſo- rum mores componere, per quæ ad felicitatem illam cōten- ditur, nec aliter licet: maximæque, & præcipuas vitæ utilita- tes deferūt, dum illis ſuis voluptatibus immodicè indulgent: non aliter quàm qui ludendi, aut libidinis delectatione, ſub- trahunt ſe à negotiis ſeriis. Atqui dicat aliquis, vt Aristo- teles, naturale eſt hoc hominibus ſciendi deſyderium. & co- gnoscendi rerum primordia, progreſſus, exitus, quid ergo inane penitus euadet? Minimè verò. Imò quia nequit in totum fruſtrari, expleri autem in vita hac videmus nō poſſe,
collig

colligendum tanto philosopho fuerat aliquid post vitā hanc restare vbi expleretur. Brevis est homini hæc vita concessa, vt in ea se ad alterius felicitatem exerceat per virtutem, & parer. in hoc vnum intentus, non impeditus aliis curis: si hoc ritè fecerit, consecuturus quæ concupiscit. Nam quum illi erimus coniuncti, & quasi vnum per amorem facti Diuinæ sapientiæ, in qua sunt thesauri omnes scientiæ cognitionis, dimota, qua nunc occultatur caligine, vbi permittetur nobis omnia ex pleno, & puro haurire, vt animus nō scēdi avidus facili se expleat, sitimque illam exatiet: quod in Phædone Platonis docet Socrates, & Cicero ex Platone. Nostamen interea dum hanc vitam degimus, siue quis eam peregrinationem, siue exilium nominet, quædam annotauimus huic itineri conducentia: earū causas inquirere & vtile est in præsens, & quia nobis vtile, ideo se in hoc nobis natura magis indulgentem præbet, quæ paratiora semper tribuit, quæ profunt. Ex singulis enim aut quæ viderunt oculi, vel audierunt aures, & alii sensus in sua quisque functione cognouerūt, mens nostra præcepta effecit vniuersalia, postquam illa inter se contulisset, nec quicquam simile obseruaret in contrarium. Incerta quidem hæc sæpe, nam res & temporibus mutantur, & locis, & falsa deprehenduntur, quæ vniuersales. erant inter eruditos longo tempore receptissima. Sed quæliacunque è re hominum fuit consignari, & tradi per manus: nam satius est rara negligi, quàm non annotari, & tradi frequentia. Multi in vnum contulerunt quisque sua, & simul præsentis, ne in colligendo falleremur, ne fieret vniuersalis canon ex vno aut altero experimento, & quia tempus res mutabat, vetustatem cōsuluimus, cui prospexerunt maiores prodendis iis, quæ ipsi vsu suo obseruassent. Tum ne locorum variis naturis falleremur, quod operis quoque loco natura exerceret, & quasi miraculum ostenderet, sumus scrutati. Sic emendicauimus aliquid, quo hanc egestatem sustentaremus. Nam nihil est minùs verum, quàm quod prouerbio iactatur, quorundam ore trito, inter omnes sciri omnia. Melius illud, quæ cuncti sciunt, minimam esse portionem eorum, quæ ignorant. Et quando quidem tam multi ad sustentandam hanc inopiam cōtulerunt, nemo enim est, qui nō aliquid in suum vel alienum vsum inquirat: nam ad disciplinas nobis vtilis exculpendas, vires, & naturalem

quandam industriā vnusquisque habet. Ideo diligenter sunt animaduertenda verba, quibus quisque obseruata sua communicauit, vt intelligamus quid sit id, quod perhibetur. Prouidē Diolcorides Cilix, quum herbarum historiam scriberet, singularum nomina multis linguis expressit, ne ignoraretur, de qua herba diceret, quod tantopere conduceret cognosci. Ad hoc vis propē omnis sciendi atque intelligendi in verbis est sita: nam verbis sensa consignantur, & quæ quisque mente ac cogitatione assequitur, verbis exprimit, iisque quantum facere potest coniunctis cum explicatione naturæ rei cuiusque. Itaque diligenter communis verborum vsus est animaduertendus: ex quo plurimæ in omnibus disciplinis & existunt quæstiones, & profligantur. Quod est videre apud Aristotelem, Platonem, & alios. Quamquam quid philosopho tribuendum sit consensui loquentiū, aliàs dicemus, vt spero. Teneat philosophus sensum communem in verbis, sed de illo differendo adsit modus, ne non tam in rebus videatur esse occupatus, quàm in vocibus, quod alienum est ab eius professione. Tum ipse, vt quiuis alius, quæ dicat, ea quoad eius facere poterit, lingua & verbis de vulgo sumptis eloquatur. Quocirca communis sermo exactè cognoscendus est ei, qui ex collatione minorum alium, aliquas diuitias corrogat qualescunque, id est, aquam ex stilliditiis. Ideo disciplina hæc, quæ à nobis in præsentia instituitur, accommodata est principiis omnium artium. Nam causas & origines rerum, quæ aliæ tanquam principia explorata accipiunt, principio enim nihil est prius, hæc contemplatur, & explorat. Tum verba communis vsus enucleat, quæ cæteræ velut recta cortice accipiunt bona fide, nihil metuentes fraudis: hæc enim fraudem, si qua delitescat, reteggit, quæ singula scrutatur. Ita aliæ hinc mutuuntur illa prima, & quasi fundamenta sui ædifici. Est etiam ad vsum vitæ apta, & ad bene sentiendum iudicandūque intellectu iis, quæ versantur in vsu communi hominum. Postremò ad vniuersales statuendas regulas animaduerso quantum fieri possit, naturæ artificio, & ad experimenta adiuncto pro norma, quæ omnia de natura rerum volo intelligi. Ingredivimur ad cognitionem rerum ianuis sensuum, nec alias habemus clauis hoc corpore: vt qui in cubiculo tantum habent speculari vnum, qua lux admittitur, & qua fo-

Ad quæ
vtilis di-
sciplina
hæc.

Prima re-
rum di-
uisio.

ras prospiciunt, nihil cernunt, nisi quantum speculate illud finit: ita nec nos videmus, nisi quantum licet per sensus, tamen si foras promicamus, & aliquid vltterius colligit mens, quàm sensus ostenderunt. Sed quatenus per eos conceditur. Assurgit quidem supra illos, verum illis innixa: illi ei aperiunt viam, nec alia egreditur: alia quidem esse iudicat, non tamen alia intuetur. Ergo nos quæ dicimus esse, aut non esse, hæc aut illa, talia non talia ex sententia animi nostri censemus, non ex rebus ipsis: illæ enim non sunt nobis sui mensura, sed mens nostra. Nam quum dicimus bona, mala, vtilia, inutilia non re dicimus, sed nobis. Et sensus interdum adeò sequimur duces, vt quomodo illis videantur, ita etiam pronuntiemus vulgo, quamlibet mens contrarium statuat: vt non esse dicat ea Cicero, quæ tangi, aut cerni non queant, animo tamen atque intelligentia comprehendantur. Quocirca censendæ sunt nobis res non sua ipsarum nota, sed nostra æstimatione ac iudicio: nec protinus sententiæ accedimus Protagoræ Abderitæ, qui talia esse dicebat quæque, qualia à quoque iudicarentur: de quo à Platone & Aristotele iure reprehenditur. Neque enim qui dicimus ex iudicio nos nostro de rebus statuere, iidem & veritatē rerum ad nostrum iudicium detorqueamus. Nos ergo cognitionem seu iudicium habemus sensuum, phantasiæ, mentis. Sunt quæ visus cognoscit, vt colorata, & lucida: sunt quæ auditus, vt soni: sunt quæ tactus, vt calida, frigida, sicca, humentia, aspera, leuia, dura, mollia, grauiā, lenia, densa, subtilia. Sunt quæ gustus, sapores: sunt quæ odoratus, quod nomen ipsum adfert odores. Sunt etiam communia quibusdam sensibus, vt magnitudo, numerus, sub quibus coniunctum, & separatum, & hinc quadantenus totum, pars: ad copulationem quidem, non ad vnitatem, quies, motus, figura, sub qua status, & dispositio partium, vt sedere, iacere: & quæ sunt contraria tenebræ, silentium: & quæ assimolata vt colores Iridis, & palumbis in collo: quæ sensibilia dici possunt. Phantasia ex cōiunctione sensuum aliquid colligit, quæ ferè sunt hæc. Ex sensibus sine alia ratiocinatione, id in quo solēt esse nempe subiectū illorum, vt ex colore, forma, statu, figura, hominem, leonem, capram: ideo tallitur similitudine accidentium, vt aues quæ ad pictas vvas occurrerunt: & ille,

Diuisio
rerum.

Sensibi-
lia.

qui pictum velum dimouebat tanquam verum. Ita omnia composita naturalia huius sunt notitia: tum colligit ex sensili exteriori actionem, ut ouis, aut canis de forma maleficiū: vel ex memoria, vel cæco stimulo naturæ necessario sibi. Tum ex actione agens cognoscit, velut ex calore ignē, quod posset ad primum referri: Quæ omnia vocentur sanè phantastica: hæc homo cum brutus habet communia, atque ideo toties in illis decipitur. Cæterum ex iis, quæ sensus attulerunt, quæque commiscuit & commenta est Phantasia, quædam facillè adhibito iudicio depræhendit recta & breui argumentatione: cuiusmodi sunt ex causa effectus, ex effectu causa, ex actione finis, ex instrumento actio, omnia denique, quæ per instrumentum inueniendi veri solent exculpi, adhibita cuiusque artis materia, idque in rebus quæ omnino exterioris huius naturæ constant opere: quæ à nobis dicantur deprehensa. Sunt quæ mens ardua quadam assurrectione supra sensus, & magna indagine inuestigauit, non solum rectè, sed obliquè & ambagiosè, non tantum quia aliquid esset, aliquid esse, sed quia aliquid esset, aliquid non esse, aut contrà: huius generis sunt Deus, angeli, demones, mentes, immortalitas, virtus, vitium, scientia, prudentia, felicitas, & omnia quæ sub sensus non cadunt: quæ dicantur indagata, siue inquisita. Et hæc quidem naturalia sunt, id est, quæ natura sua constant, non intelligentiis nostris, aut operibus. Nam nos imitati sumus naturam aliquid etiam agendo. Excogitauit mens nostra, quod ageret ob finem aliquem, quæsiuit apta instrumenta, operata est, & partim substitit in effectione, partim opus ex ea peperit: omnia hæc sunt excogitata, in quibus continentur artes omnes ac disciplinæ, prudentia tota, administratio rei priuatæ, & publicæ, geometrica, & arithmetica, & musica, non quæ naturali constant effectione, sed quæ humanis ingeniis, quæ perfectius intelliguntur à nobis, quò mens magis excolitur vsu rerum. Sunt quidem hæc in natura, sed à nobis manarunt, & sine nobis inania sunt, nulliusque efficacis, quatenus quidem talia. Sunt quæ penitus confinximus, sed in rebus, ut honorem, calamitatem, iniuriam, contumeliam: quæ cessante quadam nostra persuasionē, nulla essent: hæc nominentur conficta. Illa verò quæ commentati sumus sed extra res, ut chimæras, & centauros, nullo sint nobis loco, nullo ordine. Quæ verò hæcenus diximus,

perit

pertinent ad ea, quæ sunt: nam & in futurum, & in præteritum quum se acies nostra tendit, & alterutra contemplatur, memoria vitur in actis, prospicientia in his, quæ deinceps sequuntur: appellemus hæc prospecta, illa respecta. In præsentia ita expotuisse vniuersalitatem rerum iussit. Nam qui in obiculis versantur locis, non quid sint res audient definire, ac affirmare, sed quid ipsis videantur. Vtilis est hæc annotatio ad cognoscendi exercitationem. Prospecta dicimus fore, respecta dicimus fuisse, cætera dicuntur esse: quoniam sicut posui, ad censuram nostræ intelligentiæ de essentia cuiusque rei loquimur, sed quæ, & cuiusmodi sint singula procedenti opere subtilius explicabimus. Neque enim omnia possunt simul tradi. paulatim sunt rudiora eliminanda, & ad superiora est per inferiora ascendendum, vt figura quadam tradantur prima, hinc exactius reliqua, non tam vt se habent ipsa, quam vt intelligi à nobis possunt. Quemadmodum vera bona omnia sunt in Deo, in rebus vero ab illo genitis imagine tantum quadam ad illam veritatem efficta, ita esse verum in Deo est, ab illo communicatur rebus aliis omnibus. Et hoc est primum munus, quod à Deo datur rei conditæ, & tanquam fundamentum aliorum munerum: omnia enim quæ Deus condidit, esse ab illo acceperunt: vt esse possit quodam modo sic crasse declarari, quod Deus dat primum omnibus, quæ creat. Nam vt nihil est supra esse, omnia sunt sub eo, aut certe nihil est eo vltcrius, ita mens nostra facilius nomen intelligit, quàm exprimit rem, imò illi alia omnia per ipsum vel additionem ipsius declarantur. Ab essentia nomine ens est deriuatum. Rei nomen tritius est Latinis auribus. Ideo ex illa generali significatione in alias permultas distribuitur: vt significet modò statum, sicut res publica, priuata, familiaris: & pecuniam, vt facis rem: & vt sit aliud à personis, quemadmodum in causis forensibus: & aliud à verbis, vt:

Prospecta.
Respecta

Esse.

Ens.
Res,

Verbaq; prouisam rem non inuita sequentur: Et aliud à tuturis, vt de redicas, non de spe: & aliud à præteritis de re morbi differe, non de causa: & pro commercio & negotio quocunque, vt res est tibi cum duro homine: etiam pro rebus gestis, siue actis, vt res Apostolorum scripsit Lucas: & pro cōmodo atque utilitate, vt in rem esse. Est & quiddam generalius: quàm vt possis verbo vno exprimere, velut

de re vxoria, de re rustica, de re bellica, & nauali : quæ Lau-
rentius Valla obseruauit. Nec solum in Latino sermone,
verumetiam in aliis linguis, quod illi rem vocant, in tam
multa diffundunt. Sed certè ens modò sit receptum appo-
sitiùs exprimit vim sui significatus, quale est Græcis *τὸ ὄν*,
quod Seneca queritur se vno Latino verbo non posse ex-
primere. Sed potest vsu tritum fieri:quam Latinorum mo-
rositatem iure Quintilianus accusat. Pergamus porrò en-
tis formas, modòque declarare : Id quod sensibili est rectum

Sensatū.

& quasi conuestitum, quod appellemus sanè sensatum, vt ab
armis armatū. In eo est sensibile, & moles illa exterior, quam
sensibile operit : tum quiddam intimum esse necessum est,
quod nec oculis, nec vlli sensui est peruium, à quo manant
actiones & opera, vt in homine consilia, & ratio : in arbore
frondes, flores, fructus : in cane latrare, & leporem perse-
qui. Quod si intereat sensatum illud, & aliud pro eo succe-
dat, vt quum homo perit, & existit cadauer, quum arescit ar-
bor, & remanet lignum emortuum, tum ex ligno fiunt ci-
neres, restant quidem multa ex sensibilibus, manet moles, aut
coniuncta, vt priùs, atque eiusdem tenoris, vt in cadauere:
aut sparsa, vt in cinere & fumo, actiones tamen ampliùs nō
sunt eadem : idcirco nec fons & quasi caput actionum est
idem, nempe vis illa intus latens. Nam in cadauere eadem
est moles, & tota exterior facies, nō tamen sensus, nec mens,

Vis.

nec actiones, quæ priùs. Vis omnis ex actionibus depræ-
henditur, vt facultas artificis, & ciuilis potentia: neq; enim
vim, aut facultatem, aut potentiam ipsam cernimus, nec sen-
su vllò vsurpamus, quæ in penetralibus sita est cuiusq; rei,
quò non penetrant sensus nostri hebetes. Et quàm est ge-
nerosa & actiuosa vis hæc, tam moles illa in qua residet ab-
iecta & torpida : ideo nec actione vlla vel opere potest co-
gnosci, quam non habet iners, & perpetuū segnis. Tegit-
tur quidem sensibilibus, quæ illam vtcunque spectandā præ-
bent: sicut dicimus intueri nos hominem, cuius vestimen-

Moles.

Species.

Forma.

Facies.

ta solum intuemur : idcirco species illius iure dici possunt,
& forma, quòd informem forment, & facies, quòd quasi fa-
ciant esse, sine quibus infecta esse videatur, ac rudis. Ceterum
torpens illa & qualiscunque eius natura meliùs capitur,
quum res priores cadunt, posteriores surgunt: vt quum bos
perit, aut ligna comburuntur. Nam quod viribus aliis di-
scendent

scedentibus, aliis subeuntibus quasi hospitium illud temporarium præstat, moles hæc est, quæ materies nominatur. Ea est velut ingens quædam massa, & sicut Græci dicunt, *Ματὴρ*, Materies, quasi sylua per totum mundum diffusa: ex qua portiunculas assumens author omniū addit vim illam, & existit vnūquodque ex iis, quæ tam pulchra & varia in mundo disponuntur homines, animantes, stirpes, lapides, metalla, vires illas præstantiores Deus condidit, quarum vnique aliquid de sua potentia & sapientia est impartitus, aliis plus, aliis minus, prout quodque fecit suorum munerum capax. Nos autem in tanta re imago aliqua ad intelligentiam diriget. Quemadmodum pinsuri panē massæ addunt fermentum: & coacturi caseum lacti indunt coagulum, & vt volunt vel panem vel caseum cōficere, ita multum aut parum fermenti & coaguli admiscunt. In pastillis quoque odoriferis stymmati, quod est corpus & materia succus infunditur, quod est ex olei generibus, quæ nominantur hedesmata, vnde varia fiunt pastillorum genera pro ratione succi. Et sicut multa habemus sigilla, quæ eidem ceræ imprimimus, ita Deus massa hæc vtitur vt lacte, vt corpore stymmatum, vt massa farinæ: fermenta autem coagula, succos habet varios quasi in pixides distributos: sumit partem massæ, adiungit particulam fermenti, vel coaguli: quibus massæ partibus ex eadem fermenti pixide applicat: hæc sunt earundem virium: vt duo homines, duo equi, duæ arbores quibus ex diuersis, diuersarum: sicut homo & canis: illa dicuntur eiusdem naturæ & rationis, hæc variarum. Ergo diuersitas hæc ex fermentis nascitur, non ex massa: fermenta enim sunt multa, massa vniusmodi: nec est vlla, quæ non quamlibet vim possit recipere: subacta certè & parata recipit. Omnes sunt & quæ torpidæ & segnes, sedes tantum virium: quarum quidem experimur quotidie casus, interitus, ortus nouos. Materies quantumcunq; dissipetur, manet tamen, & faciem se his mutationibus præbet: vt de eodem appareat esse fonte, quæ eiusdem sunt ingenii. In sublunari mundo facilè id potest intelligi: de cælesti materia dubitarit quis, vt quæ non videtur esse eiusdem naturæ, ac nationis, cuius hæc nostra: nec enim fluida est, sed firma, & constans. An id ex forma ei venit, non suo pte ingenio, ac nutu? Sed hoc certè nullus mortalium definierit, qui in cælis nunquàm est versatus: adducor tamen

Materia
calorū.

verbis diuini Philosophi, & quem illa sapientia edocuerit opifex rerū, vt existimē diuersæ esse naturæ. Moses enim librum originū mundi sic exorditur: In principio creauit Deus cælum & terrā, vt hoc dicto duæ materiā rationes, ac notæ videantur designatæ, non duæ corporum essentia: addit terram fuisse vastam, atque incompressam, & opertam tenebris. Quid potuit significantius dici de hac nostra materia eorum, quæ generationes ac interitus accipiunt? Ea est fluctuans, inculta, & tenebris obsita, cerni vt non queat: additur ei facies, formatur, & excolitur sigillo impresso, vel fermento adiecto. Hæc sunt duo frustra, ex quibus sensata omnia conglutinat, seu veriùs commiscet Deus. Idcirco primordia dicuntur sensorum. Neque verò necessariam esse video priuationem illam Aristotelicam, utiq; non magis, quàm noctem ad diem. Sed Aristoteles ne in totum dissentiret ab opinione veterū, quæ pugnātia fecerant principia mistorum naturæ, priuationem, id est, vim discedentem pro principio addidit materiæ, ac vi sequenti. Atqui non timide solet à priscorum sententiis discedere. Sed profectò non potest esse principium rei cui aduersatur, & quam impedit. Nec aliter ex priuatione fit sequens vis, quàm ex ludis Olympiis Gymnici, dies ex nocte, & omne posterius ex priore: quod ipse idem fatetur generationem non esse. Iam cur potius composita naturæ ex contrariis sunt confluenda, quàm ex consentientibus? Quod si contraria exiguntur, hoc est, diuersa, tam sunt diuersa materia & vis, quàm duæ vires. Cæterum quando materies vna est omnium, non potest rerum discrimen ex illa sumi vt sint hæc, vel talia.

Varietas Ex viribus varietates existunt in rebus, & inde in nominum ex na. Porro in nominibus rerum, alia essentiam rei significant, alia affectionem modum quendam quo res se habet: viribus. qui modi adferunt enti nomen aliud, quàm quod ex essentia sua sortitum est, vt materiæ huic si vis nutriendi & emittendi frondes, flores, fructus indatur, sit arbor, quod nomen est essentia illius: sin humilis sit, aut ruffa, aut viridis, lenis, aspera, hæc nomina modum quendam rei dicent, & proceritas, & color aliud ei nomen quàm pro essentia suæ ratione dabunt. Hi essentiarum modi atque affectiones à Græcis apto nomine *συμβεβηκότα* nominantur, quod essentia contingant,

tingant, à nobis vulgo accidentia: possunt etiam vocari accidentia, adiuncta, addita, adhærentia, seu inhærentia. Sed hæc essentiam non mutant rei, cui adhærent. Et cui hæc adiuncta innituntur tanquam fundamento primo substantia nuncupatur. Ea & recipit adhærentia, & mutat illa, aut certe liceret sine casu suo: nec ipsa cuiquam adhæret: addita verò cui substantiæ semel affiguntur in ea manent perpetuò, nec migrare possunt, sed in vestigio interire. Quin ipsa inter se alia aliis præbent fundamentum, vt olor candori, candor extensioni, & densitati: fundamentum tamen primum, & omnium est substantia, ideo sic appellata, quòd aliis subsistat: Græcè *ὑπόστασις* vt videatur aliud respicere, nempe accidens, sicut & hoc substantiam. Duo enim hæc ita sunt inter se complexa, vt nec accidens inueniri possit seiunctum à substantia, vtique in hac naturæ institutione, nec substantia nuda adhærentibus, id est, sine modo aliquo, & ratione qua se habeat. Quocirca à plerisque omnibus quæsitum est, essent ne substantia & accidens distincta, si non loco, certè essentiis: vt in panno madido aliud pannum dicimus, aliud humorem. Quidam negarunt duo esse, alii distincta. omnia distinxerunt, & interminabili adhærentium numero obruerunt non naturam, in quam illis nullum erat ius, sed ingenia discentium: alii quædam separarunt, vt colores, sapores, quædam vnierunt, vt motum & figuram: difficili profectò discretionem, in qua ægre dixeris quid sequantur. Ita res in varias sectas est discita, & agitata affectibus, non scientia, quæ in ea re nulla esse potest. Nam substantia & adhærens adeò sunt complicata, vt non modò sensu explicari non queant, sed nec cogitatione, vt imago vtriusque capi separata possit ab animo nostro tâto artifice imaginum. Quippe mens nostra clausa hoc corpore subsistentiæ imaginem non assequitur nudam adiectis. Nobis tamen omnia ea sunt, quæcunque iudicamus esse vel res naturæ, vel earum modos, & adiuncta, siue in substantia aliud ab ea, siue rationem quandam & affectionem illius hoc modo habentis. Quanquam vt solus Deus verè est, & omnia ab eo condita, si cum illo comparentur, non sunt: ita subsistentia inter res conditas, sola est, & recte *οὐσία* nominatur. Adhærentia tenuem quandam habent essentiæ participationem, quam debent substantiæ, siue aliud sint à sub-

stantia, siue non : nam quomodocunque res censeantur nostri instituti nihil interest. Neque aliter substantiæ & inhaerenti ens attribuitur, quàm hominis nuncupatio tibi & tuæ imaginî in tabella pictæ.

Materia. Ex substantiis materia proxima est nihilo, quemadmodum Augustinus inquit, quod alieno prorsum munere faciem & cognitionem accipiat, nempe beneficio illius vis, de qua diximus. Talem esse congruebat, quæ posset quascunque vires receptare viles, medias, præstantes: non aliter quàm oculus omni colore liber est, vt omnes recipiat : & auris omni sono externo, ne quem excludat. Nam si potestates infectæ sint energia aliqua, illa se & circa minorem præbebit ferocem, & circa maiorem contumacem : nihil ergo oportebat esse, quod erat futurum potestate omnia per vires quæ actionibus sunt inducendæ: idcirco materies nuncupatur. Nam materia est in quam vnaquæq; operatio exercetur. Quicquid agit, circa aliquid versatur, & in eo vult efficere, quod destinauit. Sic fabro ferrario ferrum est materia, & lignario ligni, & medico humanum corpus, dicenti res & verba, laudis materia est fortitudo, vituperationis ignauia, vel sordes: & materia libri dicitur, in qua scriptor elaborauit. Clodius materia gloriæ Miloni, Veientes Romanis. Ex materia omni addita congruenti actione ad aliquid, nascitur illud cuius materia est pars vna, & id quod ex actione accedit altera. Nam illa Clodius materia gloriæ Milonis, & fortitudo laudis, sic habet. Quippe ex Clodio & actione hominum scilicet iis quæ homines de illo sentiunt, ac loquuntur, existit Miloni gloria ex virtute & hominû de ea existimatione laus. Atqui nec Clodius illhuc intrat nec virtus: intrant utiq; non aliter quàm sunt materia: neque enim ipsæ res sunt materia vel laudis, vel gloriæ, sed in hominum menti: metaphora tamen illæ res dicuntur, vt imagines nomina eorum accipiunt, quæ referunt: veluti dicimus, Scipio semper erat in ore. Cæterum quæ sine metaphora rem cōficiunt, propriè sunt materiæ huius propositi, nempe naturales, ex quibus aliquid constat adueniente eo, quod per actionem accersitur, & in eas est operatio agentis, vt in ferrum & ligna: alteræ illæ potius sunt obiecta quædam, in quæ actio dirigitur: vsus tamen quæ essent similia, eadem fecit, vt in aliis multis: eaq; diligenter sunt discontia animaduertenda, ne iudicium perturb

turbetur. Idem vsus vnde aliquid proficisceretur materiam vocauit, sic diuitias materiam dixit ruinæ, Helenam belli. Quod ex actione Dei accrescit materiæ geminum est, internum & externum: exterius facies est, vt dixi, interius vis & facultas ad agendum. Sed ea non simplex. Nam quædam est præcipua, & velut artifex, altera artificis instrumentum: omnia enim quæ agunt instrumentis egent præter Deum vt in animante anima artifex est omnium functionum vitæ, quas tamen obit per calorem, per humorem in organis corporis, nempe stomacho & iecinore: hæc instrumenta adfert secum artifex in corpus: vt pictor penicillum, faber seram & scalprum. Præcipuam illam vim & opificem rectè Cicero effectiōnem nuncupauit, Aristoteles actum, id est, energiam: non quod per eam quod erat potestate hoc, fiat actu hoc: neque enim fit vnquam actu homo quod prius erat potestate homo, nempe materia concinnata & apta, quanuis de tali minùs forsitan esset absurdum: sed certè quod erat potestate ad hoc, fit re ipsa in hoc.

Effectio
Actus.
Energia.

Philosophorum recentium schola & effectiōnem, & faciem, & instrumenta, & omnia prope adherentia formas vocat recepto illis vocabulo. Sed de verbis in disciplina hac nõ conuenit nos litigare, intelligantur modò quæ vsurpentur. Illi enim formam diffiniunt, quæ adlerat esse rei, & eam in illo conseruet. Iam omnia penè accidentia aliquam rationem essentiaæ adierunt rei, siue substantiaæ, siue accidenti. Nā quemadmodum per effectiōnem rationalem homo est homo ita per virorem pannus est viridis, per calorem aqua est calida, per paternitatem homo est pater. Et quemadmodum sunt fermenta essentialium rerum, ita etiam adiunctorum, vt quæ ex eodem habent virores aut caloris fermento eiusdem sint eatenus ingenii, naturæ, rationis, & vti Philosophi loqui consueuerunt, speciei, ac formæ, quanquam effectio & actus essentialis magis est similis fermento, coagulo, succo, adhærens verò sigillo impresso. Habet quidem effectio ad materiam imaginem quandam eorum, quæ de adiunctis diximus: nam videtur illi hære, nec separari: quæ enim separaretur postmodum ostendemus: adde quod materia mutat effectiōnes. Verùm substantia est effectio magis, & veriùs, quàm materia. Nam si per quod accidentalia sunt est accidens, per quod substantialia sunt, nõne erit

Forma.

Effectio
substantia
substan

substantia? Per virorem res est viridis, per animam rationabilem res est homo. Si calor, exempli gratia, aut frigus est hæc effectio, non dicetur homo, sed calidus, aut frigidus: & peribunt appellationes substantiæ, quæ ex effectione nascuntur, non ex materia per quam nihil est hoc, aut illud, vel huius, aut illius modi. Iam materia bruta nunquam tantos effectus ederet, uti neque inhærens essentiæ tenuissimæ & proximæ nihilo: restat ut quod operatur, sit aliquid à materia distinctum, & ab inhærentibus quæ non habet vires ad tanta edenda opera: substantia igitur. Adhærentia enim res sunt leues, opera hæc magna, solida, maiora multò, quàm ipsa accidentia. At quod efficitur, maius non est, aut præstantius sua præcipua causa. Nec accidentia ipsa artifices sunt, sed artificibus se præbent. Quibus porro artificibus? Non materiæ, quæ iners, & ad actiones non solum inepta est, sed obturbans, & impediens corpore suo, ac segnitie. Nec si quis adamantis inhærentia in ligno collocaet protinus lignum fiet adamas, & eadem habebit vires. Quotidie experimur diuersa entia eisdem adiunctis diuersos effectus edere, & multò dissimillimos, non solum quæ inhærentia habent eadem torpida, & quasi emortua, sed illa etiam viuida, quæ prima nuncupantur, humiditatem dico, ariditatem, calorem, frigus, vnde tanquam ex parētibus oriuntur reliqua. Quid quod entia naturalia subinde mutāt adiuncta, & quidem in intimis, non modo in externis? Non ideo tamen essentia variatur, ut animantes omnes ætatibus, regionibus, victu, morbis vehementer mutantur, in eadem tamen ipsa effectione. Quid, aqua quum feruescit, desinit ne esse aqua? Neque verò si quis equi simulachro cereo caloris atque humoris & reliquorum adiunctorum tantum addat quantum est in vero equo, continuo equus existeret. Velim dicant mihi quantum caloris, & humoris sufficit conficiendo alino? quantum equo, vulpi, cani, leoni? Quæ sunt omnia eiusmodi, ut ab ipsis repudientur sensibus: nec aliter faciunt, quàm qui instrumentis attribuunt totum opus, si artificem non videant. Scitè ab Empedocle Aristoteles quærit, quid illud sit quod in materia tam varia & dissidentia inter se adiuncta contineat, & coerceat? nisi sit vis illa effectio: alioqui ipsa per se non consisterent, quoniam conatu suo vnumquodque ab alio separaretur, & dissiliret, præsertim quum in vita videan

videantur coherere. Ergo mistum naturale aliquid est, non Mistū naturale. per materiam penè nihil, nec per accidens, quod etiam minus est, sed per affectionem, quæ inter inferiora hæc maxime est, & reliqua omnia perficit, quibus adiungitur. Quapropter & substantia est effectio, & per eam solam sunt nomina talia. substantiæ, per quæcunque alia sunt accidentalia etiam per partes, vt frondosus, lacertosus, pinguis, materiatus: & per affectiones quamlibet intimas affectioni, vt viuens, & intelligens, si quidem actionem dicunt, non paratam ad id facultatem. Quas ob res haud rectè illud dicunt, vulgo plantam non sentire propter densitatem materiæ, nam effectio- rum essentia non nascuntur ex affectione materiæ: imò nulla est herba, quæ non sit rarior quouis humano corpore. In materia est effectio eo connexionis modo, vt nullum habemus similem, quo rectè possit exprimi. Sed quadantenus est simile succo in pastillo, & aquæ in massa farinæ. Neque hæret actus in materia, vt accidens: nam hoc magis dicitur adhærere, effectio inhærere, seu verius inesse, quæ in intimis eius est, quamcunque partem spectes. Adhærentia superfici ei applicantur, etiam illa quæ in occultissimis videntur affixa. Si enim retergeretur, quod est resectum, vt calor in visceribus, in extrema superficie deprehenderetur adiunctū, haud aliter quàm literæ in libro clauso, vel aqua in spōgia, seu pāno.

Et quemadmodum effectiones per se carent materie, ita sunt à Deo essentia quædam conditæ etiam minus sensus nostros ferentes, & propinquiores diuinæ naturæ. Nā effectiones ferè extendi videntur per corpus: quod declarant stirpes, & quædam repentia in modum annulorum compacta, quæ si patiaris, frustra per se viuent. Porro illæ alteræ essentia extendi non queunt nec in materia vlla possunt diffundi: refugiunt enim molem omnem, quæ spiritus à nobis nominatur, quoniam inter ea corpora, quæ nos sensibus vsurpamus, nullum est spiritu tenuius: ideo illuc quoque id nomen transtulimus, ad ea notanda, quæ nihil haberent crassum, nihil expansum: hac parte similes Deo, qui omni prorsum caret corpore, ac commistione. Nam si sancta illa & immortalis natura corpus aliquod haberet, vt homo, iam non per se viueret, sed per aliud, videlicet per animum, & aliquid in eo esset imperfectum, quod virtutem, atque ab- solutionem aliunde mutaretur, nempe corpus ex animo. Et sicut homo

De spiri-
bus, seu
mēubus.

Deus cor-
pus non
habet,

homo non ex materia homo est, sed ex animo, ita & Deus nomen suum ab animo acciperet: aliquidque in eo inueniretur non Deus, imò conflaretur ex iis, quæ non sunt dii, quemadmodum homo ex iis, quæ non sunt homines. Si aliud haberet genus concretionis & corporis, ex minutis diis constitueretur ille maximus Deus, non aliter ac tota aqua, ex aquis particularibus. At verò humanum ingenium paulum modò si se conetur erigere, ducente naturæ luce, facile assequetur esse spiritus à Deo conditos, diuersæ multò conditionis, quæ sunt hæc corpora, quæ sub sensus veniunt. Omitto quod ad mundi magnificum ornatum pertinet esse substantias aliquas molis, quas sensus capiant, aliquas omnino molis expertes, quas sola mens. Sed quemadmodum sunt aliquæ res conditæ multum Deo dissimiles, ut quas videmus, & tangimus, ita par est aliquas esse naturæ simplicitate similes. Et sicut Deus quum sit vniusmodi atque impermixtus, tamen quadantenus videtur coniunctus mundo, quum illud moderatur: quadantenus disiectus quum consideramus per se sine mundo: tum etiam contemplari est illum & mundum temperantem, salutemque illi præsentia sua conferentem, æqualem mundo, & sine mundi administratione priorem mundo. Ita conuenit duo esse genera spirituum, alterum corpori admixtum, quod regat corpus, & vitam illi ac salutem præstet, æquale corpori. Alterum corpori non admixtum, prius omni corpore. Et sicut Deus in illa simplicitate res vniuersas mente atque intelligentia continet, sic esse cõuenit res ab eo creatas, quæ omnia certa quadam ratione captu intelligentiæ suæ possint complecti. Iam in hoc ordine operum Dei quum ea, quæ intuemur, tam sint auctori dissimilia, par est non deesse similia aliqua. Vnde etiam mens, ut plena sint omnia, eam quoque similitudinem requirit, quæ vnum faciat, quod iam opus dici non possit, sed idem ipse. Videmus tam remota ab illo, necesse est esse proxima, necesse est esse coniunctissimum aliquid. Nec fas est locum aliquem esse in hoc spatio, & quasi ordine rerum

Vacuum. à Deo progenitarum vacuum, quo natura abhorret, nec patitur auctoris sapientiæ & potentia: vacuum dico, non rebus, sed rerum cum parente suo similitudine, ac conformitate. Atqui mens à Deo ad meram & nudam materiem progrediens in maximum locum inanē sibi incideret rerum spiritalium

ritatum. Quid quod cognitioni & iudicio sensuum, effectum abunde, iudicio mentis non satis? Sensus haberent sua propria, quæ caperent: mens non haberet, quo sine sensibus se attolleret.

Volo autem post hæc dici mihi quantum quidem humana ingenium potest assequi, quæ tandem condendi mundi causa? qui finis tantæ molitionis? siue conditus fuit ali-
quo temporis initio, siue æternus est: nam de hoc mox video. Pythagorici, & Plato bonitatem Dei dicunt esse causam quod quum bonus esset, boni autem natura sit nulli invidere, voluit beatitudine sua non se solum frui, sed alia procreavit, quibus se communicaret. Communicare se omnibus principem naturæ aliis magis, atque evidentius, aliis minus, & obscurius etiam Aristoteles sentit. Videmus enim res omnes quantum ipsis per vires naturæ suæ conceditur, assurgere ad imitationem, ad similitudinem, & participatum quendam æternæ illius atque infinitæ perfectionis auctoris sui: alia quidem magis aliis, prout nactæ sunt gradum sui erigendi, ut omnia videantur illum pro modo suo suspicere, admirari, amare, & cupiditatem se illi coniungendi, quibus possint signis, attestari. Quod si se ille ac suam indicibilem beatitudinem communicare aliquibus voluit serio, ac bona fide, profectò aliqua necesse est procreavit, quibus se amplius ac perfectius communicaret, quàm istis, quæ sub sensus veniunt. Ut enim tenuis est, ac propè nulla communicatio rerum torpentium, & perpetuò manentium in vestigio naturæ suæ, sine mente ac sensu: quænam est etiam brutorum communicatio? quæ hominū, quandiu hic corpore hoc clauduntur? Hicne est finis tantæ constructionis? converti certa lege astra, & cælos, inde inferiūs nasci omnia, tum ali, crescere aliquousque, paulisper vigere, sensim relabi, ac interire? Stati isti maximorum corporum motus, surgentium, & cadentium vices. Hæc quàm Paulus iure vanitatem appellavit, cui creatura omnis in hoc seculorum cursu subdita est, quem fructum, aut delectationem adferre potest sapientiæ, ac gravitati Dei? quum nec prudenti inter nos viro ullam adferant: nec velit homo sapiens ea gratia quicquam agere, nedum Deus illa sapientiæ & altitudinis mens infinitæ. Ergo ad veram & iustam sui communicationem progenit indubiè aliqua, quæ possent illū primum qui & quætus
effect

esset intelligere, ex intelligentia amare, ex amore velle illi coniungi, & ex coniunctione atque vnione cōsortes fierent ingentium bonorum illius, & in communionem venire immortalis felicitatis. Quos ergo ad hæc condidit, tales utiq; condidit, quales esse conueniret, qui hæc possent assequi: ad intelligentiam immaterialis immateriales, & mente celeres, atque actuosos, neque enim bruta hebetudo rem adeò subtilem penetrabit. Ad vnionem cum simplicissimo simplices, cum optimo bonos: quo modo enim aliter poterunt vniri sibi multò simillima? præsertim amoris copula quæ dissimiles nunquàm connectit? Quoniam similitudo amoris est sedes, dissimilitudo auersionis, & odii. Ad hæc si gustata semel huiuscemodi felicitate, mortales se esse recordarentur, & aliquando deuolutum iri tantis bonis, amarissimum beatitudini admisceretur condimentum, adeò vt beatitudinē esse non sineret: ideo quos amor ac vnioni suæ condidit, & capaces suæ felicitatis, immortalitatem quoque est impertitus: tum quòd tales esse congruebat, qui immortalem intelligerent, quique immortalī connecterentur, tanquam recepti in amicitiam, tum ne interitus memoria tanta illius gaudia, etiam quando perciperentur, eriperet. Quibus de causis & rationibus mentes esse aliquas necesse est intellectiōis participes, simplices, atque in sui natura omni corpore liberas: quæ per amorem authoris sui fiant bonæ, illiq; in beatitudine vniantur ad aternitatem victuræ. Certè mens nostra quemadmodum fieri aliter potuerit, ne cōminisci quidem potest. Hos, sicut dixi, spiritus nominamus. Inter quos primo loco sunt illi, qui de officii nomine vocantur angeli, quibus Deus vtitur ad ministerium mundi simplicissimis, & ideo agillimis, sapientissimis, optimis, fortissimis: tales esse decet ministros Dei ad res maximas. Pares istis sunt origine naturæ, impares conditione quidam, qui à Deo descenderunt, ideo defectores nominantur & transfugæ: nec cessant homines sollicitare, vt etiā à Deo deficient: quanquam indubiè peccatum retudit eis vires, & aciem naturæ, vt in hominibus. Secundo loco sunt animi nostri impares excellentia naturæ angelis. De homine enim dicitur in Psalmis. Minuisti eum paulò minùs ab angelis. Spiritus hos esse *ouíes* non minùs quàm nostra sensata, certum est: nam quum sint conditione ac natura sua præstantiora, certè non erunt mi-

Angeli.

Demos.
nes.

Animi.

aus aliquid, quàm illa. Sed an etiam substantiæ sint accidentium, quæri potest. Habent illa entia affectiones quasdam suo illo modo, quibus intelligunt, iudicant, volunt, nolunt: nec aliter illis hærent pro ratione suæ naturæ, quàm sensatis sensilia, nempe foris: vt si anima nostra vel angelus fieri posset corpus, ita existerent in eo illa eius adhærentia, vt in nobis, quæ cadunt sub sensus. Sed quod de sensatis nescitur, an eorū sensilia, & reliqua adiuncta, re ab ipsis distinguantur, multò minùs de spiritibus. Nos autem de his eadem figura pergamus loqui, qua cœpimus.

Quæsitum quot sint mentes illæ, quos nos angelos nuncupamus? Aristoteles quinque & quinquaginta posuit, vano Eudoxi commento adductus de orbium numero. Sed multò plures esse congruit, siue administratio spectetur tanti & tam multiformis regni, siue tanti principis maiestas, siue communicatio felicitatis Diuinæ, ac sempiternæ, quæ fuit condendi mundi causa. Quantò ille veriùs numerum accepit Daniel, qui vidit Deum in solio sedentem regni sui. Millia inquit, millium ministrabant ei, & myriades myriadum assiscebant ei. Christus hominum atque angelorum Dominus decem angelorum legiones paratas sibi esse dicit à patre, si poscat, vt pudeat homulum ei resistere, cuius imperata obedienter faciunt tanti exercitus, quorum cuilibet militi vel sapientia, vel robore non valet quicquid est hominum comparari.

Entia omnia, siue subsistentiæ, siue adiuncta alia veniunt paulatim ad essentiam, alia statim totam simul essentiã nanciscuntur. Homo & animantia omnia, & stirpes, & lapides, & metalla, denique quæcunq; molem aliquam habent paulatim fiunt, atque adolescunt: ea itidem hærentia, quæ sensibus intelliguntur, & alia ad eundem modum, vt artes, & prudentiæ, & virtutes, & vitia. Accipiunt simul totum esse suum, quæ mole carent: vt angeli, mentes nostræ, & quæ inhærentia partes non habent, nec crescere dicuntur, nec minui. Et eorum quæ sunt, alia simul eodem momenti habent partes sui omnes, vt saxum, homo, viriditas: alia fluxu quodam feruntur, vt motus, & tempus, quæ nec vnquam sunt tota, & in quacunq; sui parte dicuntur esse, vt hora, & annus. In his verò quæ paulatim velut in lucem hanc naturæ emergunt, ræ & non sunt quæ habent naturæ terminũ, sunt quæ nostrũ. Homini ster.

enim, & rebus quæ natura constant, natura ipsa terminum statuit, ad quem, quum peruenerint, recipiant essentia illius nomen: nempe hominis, quod prius erat embryo: aut cadaueris, quod prius homo: aut cineris, quod prius lignum: & fructus, quod prius flos: atq; in his sunt certi termini, & tanquam puncta, ante quæ nondum est hoc, sed simul primum attingit metam illam iam est hoc omni loco, omni tempore, quæ à nobis ignorantur. Nos verò limites iis posuimus, quæ sunt multa, pauca, magna, parua, longa, breuia, lata, angusta, denique quæ numero & magnitudine constant, hæc enim nostris iudiciis metimur: sicut illa per nos conficta, clarus, obscurus, diues, pauper, quæ etiam ad priora referuntur, mensuræ, molis, aut numeri: omnis porro mensura non rei est, sed metientis animi. Quocirca hæc certum nullum habet terminum, quandoquidem nos crassius res determinauimus, quàm natura, alia aliis videntur: nec quicquam statuere potuimus, quod omnes reciperent propter varietatem sententiarum in humano genere. Itaque difficile dictu est, quo termino indiuisibili aliquid dicatur magnū, quo pauper, quo diues, quo aceruus, quo populus, exercitus, seges, fluuius, ita vt vel supra illū iam non ampliū, vel infra illum nondum sit hoc: denique in omnibus, quæ illis cōstant, quæ dixi, multo, pauco, magno, paruo, & huiusce rationis, quæ in nostra æstimatione sunt posita. Quæ de re non vna est velut meta insectilis in nobis figenda, quod est naturæ: sed latus est limes, in quo illud sit hoc, & vel supra vel subter non sit: velut in aceruo tritici non per grana procedendum, quod faciebant Stoicorum & Academicorum cauilla spinosa, nec in populo per hominum singulos, sed in illo per mensuras aliquas, in hoc per quinquagenos aut centenos: ita enim crasso iudicio crassa sunt obicienda, quæ censeat: tum in latitudine illa tanta varietas iudiciorum, & sententiarum compræhendatur. Quæcunque res semel est ad terminum illum essentia suæ progressa siue naturæ, siue nostrum est illud, quod nanciscitur ex essentia nomen: vt homo, saxum, prudens, bonus, diues, aceruus, populus, albor, viriditas: & esse hoc nec in ipso recipit magis, aut minus, vt vno tēpore magis sit hoc, quam alio: nec ad aliud relatum simile: neq; enim duorum hominū, aut duorum virorum alter magis est homo, vel viror, aut minus. In acciden-

Esse non
recipit
magis aut
minus.

tibus

tibus verò, quæ recipiunt maius & minus, id est quæ crescere & minui diximus, ad substantiam comparatis magis est, ac minus: ut in albo & viridi. Apposita substantiæ ad accidentia pertinet, sicut humanus quali mansuetus: marmoreus, quali habens in se marmor: ut album habens alborum, vñ est magis altero. Si quis tamen spectet essentiæ rationem in albo aut iusto, magis quàm in hærentiâ subiecto, nullum iustum magis est alio iustum, aut minus. Sed ex subiecto cui hæret iustitia huic plus, illi minus. Quum verò magis & minus sumuntur pro potius, aut similis, aut propinquius, vel nomina substantiæ pro accidentalibus, possunt tum quidem illa aduerbia essentiæ adiungi. Græci magis sunt homines, quàm Scythæ, non pro essentiâ humanitatis, sed pro actionibus illius: ceu quis dicat humaniores sunt, plus valent ingenio, & ratione, & iis, quibus censentur homines. Sic viror hic magis est viror, quàm ille, id est, plus habet præstantiæ, nitoris, & actionis, nempe exhilarandi oculorum intuitum, & alia huius notæ. Amazones magis sunt viri, quàm Phryges, magis exhibent actiones, & opera virorum: magis ciuis qui natus, quàm qui ascitus: quali præstantior, & plus existimatur agere ea, quæ sunt ciuis. Crocodilus magis est serpens, quàm piscis, id est similior: & laterculus bene coctus magis petra, quàm crudus: hæc omnia ad accidens referuntur, nempe ad actionem, quæ se profert, aut in hærens aliquid occultum: quanquam vicinitate primi, ac veri entis sunt quæ dici possint magis, aut minus entia, sicuti postea demonstrabitur. Quas vires, & facultates Deus vel spiritibus, vel effectioibus attribuit, vel adhærentibus, vel sensatis, deniq; omnibus ad agendum in alia, vel ut aliorum in se actiones recipiant, naturæ nominantur. Ita nihil est **Natura.** aliud natura, quàm vis indita vnicuique rei à Deo ad agendum, aut patiendum: ut natura ignis est calefacere, & stupæ accendi facile, ferri non tam celeriter. Et quoniam à Deo hæc sunt vires ingenitæ, voluntatis illius sunt, cuius causæ à nobis nesciuntur, quum sint tamē maximæ, sapientissimæ, æquissimæ. Sunt naturæ quædā minores, seu priuatæ, alia maiores, & publicæ. In vnoquoq; est sua natura in effectio-
ne posita: Est vis quædam in cælis, est vis sparsa per orbem totum, leges videlicet in origine à Deo sancitæ: hæc est communis, quæ proprias connectit, & cōplectitur, ut vnum tan-

quam corpus ex illis seu membris coaleſcat mirifica cō-
 nexione: eaſque maioribus ſuis viribus iouet, adiuuat, vt bo-
 nus princeps ſubditos, aut vt filios pater, quantum ei licet,
 & quatenus ſe minores illi accommodant, & præbent faci-
 les. Vnde incredibilis naſcitur cuiq; charitas erga illam tan-
 to pere, vt ſeipſas deſerāt, ſi ita naturæ publicę expediat. Neq;
 enim aſcendet aër, nec deſcendet aqua. ne ſit vacuum, quod
 abhorret generalis natura. Et membra noſtrorum corpo-
 rum modò integra: pro toto corpore naturaliter ſeſe pericu-
 lo offerunt, non leuī hominum documento vnicuique ſalu-
 tem publicam priuata debere eſſe antiquiorem, quādoqui-
 dem & in comuni propria continetur, ſicut in iis, qui ea-
 dem vehuntur nauī. Nam hoc etiam indidit omnibus natu-
 ra, nihil priuatū ſaluū fore, ſi malè ſit reipublica. Sed ima-
 gine quadam cuiuſmodi ſit natura, commodiùs exponatur.
 Non aliter conſyderandum eſt naturam omnem eſſe à Deo
 paratam ac inſtructam, quā videntur machinam aliquam
αὐτὴματα, horologium puta, aut ſimiles ab artifice compo-
 ni, ac per momenta ſui intendi, vt illa deinceps vltro mouea-
 tur, & aliquid efficiat. Tale quiddam eſt in prima conſtitu-
 tionē naturæ, hoc modò eſt diſcrimen, quod artifex homo à
 machina ſua abſcedit, & ſiniteam per ſe opus exequi, Deus
 adeſt ſemper ſuæ naturæ, inſtructionē illam præſentiæ ſuæ
 ope continens: quam opem ſemper ei infundit, non ſecus
 quā ab anima corporis harmonia cōſeruatur. Itaque ap-
 tior fuerit, & propior imago, ſi velut *υπογραφή* quendam
 conſyderemus Deum.

Deus neu-
 roſpaſtes

Mundus
 aliquan-
 do con-
 ditus.

Cæterū de conditione mundi ingens fuit inter Philoſo-
 phos controuerſia, quos vel affectus agitabant ſtandi pro
 receptis inter ſe, atque adiuratis opinionibus, vel ignorātia
 potiorum: quorum ſententias alienum videri poſſet huc ad-
 ferri. Ego verò facile conſido me oſtenſurū, tum eſſe à Deo
 conditum, tum aliquo temporis principio non ab æternita-
 te. Herbam exempli cauſa aliquam ſumo. Quæro, quis eam
 procreauit? Dicunt terram vi ſua. Quis hanc vim terræ in-
 didit? Cæli. Quis cælis, & ſyderibus eam potentiam? Ex ſe
 ſunt naſti, inquiunt. At verò qui id dixerit, rem adferet, quā
 nec intelligere quidem poſſunt hominum ingenia: quod phi-
 loſopho quum de natura diſſerit, faciendum non eſt. Et pro-
 ſectò, nihil ſeipſum feciſſe, maximo eſt argumēto ab aliquo
 vno

vno esse facta omnia. Ad quam ego rem facile aduocabo generis humani testimonium: omnes enim eum, qui præ sit mundo authorem vniuersorum nuncupant. Nec aliud possunt sibi cogitatione comminisci. Quod si cæli conditores sunt huius orbis, quæro certane, ac necessaria lege, an ne libera & voluntaria? Si certa, quis imposuit? Quæ enim res astringit se ad aliquid, quæ possit esse libera? Tum quo consilio in æternitatem dispositi sunt tot, & tam varii effectus? Certè consilii fuit primùm, & sapientiæ tam multa, tam varia in tantam temporis longinquitatem perpetua serie ordinare, consilium autem, & sapientia necessitatem excludit actionum. Nam quod dicunt, agunt ita, nec aliter possunt, quoniam sic mundo expedit. Quam innumera sunt, quæ nõ minus mundo conduceret aliter fieri? An etiam tot habere me pilos, nec pauciores, nec plures, tot esse herbarum genera ad salutem mundi pertinet, accepturi maxima detrimenta, si diuersum accideret? At verò si libertate quadam, quur in tanta æternitate nullæ extiterunt, aut paucissimæ rerum species? Imò verò quur non alius orbis? quum vis eadem sit nunc, quæ priùs. Iam interrogo istos, vtrum cæli tanquam machinæ quædam per se agitentur, nec vllum habeant consilium, an habeant? Quid dici posset insanius, quàm sine mente, sine consilio agitari res ordinis & pulchritudinis admirandæ? Si habent, à quibus agantur & regantur, velim scire, quæ sit causa tot, & tam variorum effectuum, quot se nobis ostendunt per anni vices? Respondent motum cælorum. Ergo illæ primæ, & potissimæ erunt causæ, quæ cælos mouent. Nam si libratio halterum efficit, vt ad certas dimensiones pulsantur horæ, nimirum magis erit horum pulsuum causa, qui halteres composuit, & librauit. Et si torni conuersio effecit toreuma, veriùs id effecit toreutes. De his verò, qui regunt cælestes illos globos, ille erit summus, ac præstantissimus, qui reliquos torquet, ac regit, quem sanè Denm appellent licet.

Video quibusdam aquam hære, quod aiunt, in materia, Materia. vt eam existiment non esse à Deo conditam, sed in ea versari, atque exerceri Dei opificium: ideo illum opificem, atque artificem, & instructorem, & dispensatorem, & fabricatorem mundi nominant magis, quàm authorem: quod est oppidò quàm stultum. Placet illis effectiones omnes à Deo con-

di. An non plus est effectioes tantæ excellentiæ condere, quàm materiam brutam & torpentem? Omnes creati, & finiti artifices in materia operantur, & se exercent: si ille inconditus, atque infinitus ad eundem modum in materie versatur, quid plus præstat, quàm alii? Aut ubi est immensa illa ad efficiendum potentia?

**Mundum
nō fuisse
æternū.**

Mundum verò æternum non fuisse demonstrant rerum noua inuenta: quotidie enim aliquid prodit veteribus inauditum, incognitum, tanquam proficiente mundo. Quot genera morborum, artium, regionum vidit nostra ætas, maioribus prorsum, ne de nomine quidem nota: tum vetera inuenta nō longè à suis initiis progressa, ut appareat noua esse omnia? Dicunt mutari vices rerum, & easdem infinites reuerti. Cur ergo illorum non meminerunt priora secula? Nam nec eluuiēs, nec exustio terrarum vlla vniuersum orbem semel corripit: certè quæ alicui regioni perierint vel ipsa, vel earum reliquiæ, vel mentio saltem aliqua apud integras remanserit, si non hominum recordatione, at beneficio literarum, siquidem æternus est eius vsus, qualem esse in æterno mundo necessarium est. Quod si eluuiōi, vel incendio vllus est reliquus, is ad posteros de clade suorum velut per manus tradiderit: sin nemo, sed noui illhuc migrāt aquis exieccatis, aut conflagratione restincta, at isti saltem aliquid de origine, antiquaque sua patria posterorū memoriæ commendarint. Quid caulæ est quod nemo vnquam huius nouæ Indiæ, alterius huius orbis meminit? Historia Gentilium nulla de iis, quæ ante tria annorum millia contigerunt, ac ne hæræ quidem vllæ, ut ante hoc seculum nulli ænei typi. Nam quamuis Aegyptia, & Chaldæa vanitas annos pro libito suo sibi fingat, non tamen posset dicere aliquid gestum. Adde huc, quod illorum quæ habentur antiquissima de Iside & Phoronæo recentia sunt apud Græcos, qui minùs sibi permiserunt in annorum computatione mentiri. Pertinet verò ad Dei magnitudinem mundum esse ab eo factum, ut sciremus quid, & quantum esset, quod posset facere. Nemo enim potentiā illius intelligeret in æternitate mundi, quantumque diceretur author illius. Ex nihilo verò procreasse omnia hoc demum est immensæ facultatis. Nam in æternitate vires authoris absconduntur. Quid, quantum, quatenus, quomodo fecerit, latent illhic omnia vastissima altitudi-

dine diuersa. Nec quantus ipse per se esset solus, satis iudicari posset in æternitate operis. Pertinet ad Dei bonitatem existimari conditum, vt intelligamus quemadmodum voluerit se communicare. Nam sub æternitate necessitas quædam occultatur, quæ pretium bonitati detrahit. Quis enim bonum esse censeat, aut ei habeat gratiam, quem quæ agat, aliter non posse agere arbitretur? Tum vt nos sciremus, quæ nobis esset cum illo beatitudine perfruiendum, nempe non ea, quæ est in cõuersione cælestiũ sphaerarum: aut rebus cõdendis, sed quàm in se habebat solus sibi sufficiens, ante mundum præcreatum.

PRIMI LIBRI DE PRIMA PHILOSOPHIA, SIVE DE INTIMO NATVRÆ OFFICIO, FINIS.

DD 4

IOANNIS LV-

DOVICI VIVIS

VALENTINI,

De prima Philosophia, siue de
intimo naturæ opificio,
Liber Secundus.

Materia
nō perit.



DE NATURA & materia pergamus dicere. De quibus ita est sentiendum ut sit velut artifex quidam natura, sed conditus, edoctus atque instructus à Deo, cui Deus materiam assignavit, ut in ea vires & facultates illas exerceret, quas ab ipso accepisset. Quocirca non est quidem æterna materia, semel tamen cuncta est producta: nam quantumcunque inter hæc naturæ actiones cadant, vel oriantur effectiones, & adhærentia, nihil materiæ perit: discinditur quidem, & dissipatur, & aliunde transfertur aliò, nec usquam subsistit, nunquam tamen consumitur, neque partem ullam amittit sui. Alioquin in tanta continuatione, ac serie eorum quæ generantur, & intereunt, iam esset tota penè cōsumpta: & cōstringi oporteret cælum ac terræ admoueri. Agens verò est natura, & in hanc materiam: Porro agentis non est conficere sibi materiam, sed in aliunde acceptam operari. Ita qui materiā opificio naturæ suppeditavit, prior est natura: ut prior qui cædit syluam, quam qui nauem fabricatur. Quòd si crearet materiam natura, certè creando aliquid ageret: atqui actio naturæ omnis est in aliquo, & in aliquid. Cedò quid substitueretur actioni parandæ nouæ materiæ? Quæ porro essent actionis instrumenta? utique ex illis aliquid haberet materiæ, quod esset illi congenitum, & próinde naturale. Ergo parens & effector materiæ ille est, qui nec instrumen-

tis

ris eget ad agendum, nec in aliquo, aut in aliquid operatur: sed per se in nihilo, cuiusmodi nulla est natura condita, sed solus Deus. Materia hæc nullam omnino habet vim, idcirco nec naturam præter hanc nullam habere vim, nullam naturam, vt omnium sit capax: nisi quis fortè hæc vocet ad patiendum facultatem & naturam. Ergo quum vis illa sit velut artifex, siue ad actionē, siue ad passionem, nam passio quodammodo est actio, & artificio est opus ad commodè ferendum, ne momento temporis actio passum absumat, indiget *Natura* vis illa ad vtrunque instrumentis: nam per se solus diuinus *instru-* artifex operatur, cæteræ res omnes instrumenta adhibent: *mentis* nec quælibet instrumēta sufficiunt, sed certa, & ei quod efficiendum est consentanea: sicut non quocunque lignulo pictor pro penicillo vtitur pingendo, nec scriba pro calamo scribendo. At quum omnia, quæ sunt in actione, seruiant fini, artifex suo opere intentus tota actione nihil conatur aliud, nisi parare viam & facultatem fini, vt his ille, si sit vis aliqua, vtatur, quæ parata inuenit ad actionem suam exercendam, vel ferendam passionem: aut si nihil sit aliud quàm forma, vt in artificialibus, habeat promptam materiem sibi idoneam, in qua quiescat: vt quodam modo videatur pater filio thesaurizans naturæ instinctu, sicut Paulus inquit. Sic natura in bulga matris organa fabricatur venturæ animæ congrua. Tum effectio illa ingressa ea instrumenta, quæ ipsi prior elaborauit facultas, elimat, aptat & reddit sibi, quoad eius præstare valet, appositissima: velut anima membra corporis calore fouet, auget, corroborat: nisi fortè hæc quoque aptatio beneficii est prioris naturæ. Et non secus quàm artifex diuersis instrumentis diuersa, ac sæpe contraria operatur: eiusque opus commoditate instrumenti adiuuatur, incommoditate impeditur, aut fit deterius, ita in natura eadem facultas diuersis instrumentis tum varia, & pugnantiæ efficit: videlicet eadem anima in oculo intuetur, in aure audit, in appetitu quem ducit phantasie iudiciū vult: in voluntate, quam ducit ratio, non vult. Tum expeditius sit opus, vel impeditius: vt visio per oculum, operatio per manum quinque digitorum, aut trium. Nam effectrix vtrique eadem est, sicut idem scriba, vel faber. Quo circa bene parata materia à natura priore inducitur natura posterior, tanquàm hospes in hospitium: eadem

instrumenta & paratio quum deteritur, ac minuitur, & ad agendum facultas fit tardior, & ad patiendum imbecillior: unde sequitur facile à contrario corruptio.

Genera- Non ergo generationes & corruptiones sunt à materiæ
tionones & pronitate & natura, quæ nulla est, nec magis ad effectiõnem,
corrupti- aut faciem hanc vergit, quàm ad illam: neq; mutationes de-
ones unde syderat, neutra est enim ad quamcunque effectiõnem, & for-
 mam: sed ab hac materiæ adoratione, & quasi instrumen-
 tis facultatum ac naturarum ortus ac interitus existit, quo-
 niam effectiõnes quæ sunt actuosæ ex se, ac viuidæ, quum
 destituuntur agenti facultate, contabescunt, & extinguuntur.
 Accedit huc quod perpetuæ sunt aliarum naturarum in alias
 actiõnes, & quasi pugnæ, quum nihil sit quod contrariũ nõ
 habeat, vel ex ipso natum, quando aliunde deest: per instru-
 menta alia fortius agunt, alia infirmius resistunt: quæ natu-
 ra infirmius resistit, & quasi despondit animum, facultatem
 inimicæ præbet validius agendi in se: at quæ agit fortius, fa-
 cultatẽ resistendi constringit in altera: ita vna generat quod
 vult, altera discedit victa, & perit: vt corruptioni adiuncta sit
 semper generatio, & huic illa.

Prima p- Prima præparatio materiæ est velut pinxis quædam con-
paratio sciendis panibus, vt iam temperata sit, quasiq; mollita &
materiæ. subacta vltibus naturæ corporibus generandis, inducendis ef-
 fectiõibus, & viribus exercendis. Simul peculiaribus sensa-
 ris prospexit Deus, simul vniuersitati orbis, vt materia non
 informis iaceret, atque indigesta, sed concinnata recipiendis
 viribus, & cõducens ornatu, atque vltibus mundi huius. Non
 est indurata multa subactiõne, & effectiõibus inductis, quæ
 multis & fortibus instrumentis armatæ, negotium facessent
 naturæ operanti, ne facillè concederent: sed leuiter adiunctæ
 sunt effectiõnes paucis instrumētis, & tanquam infirmis sa-
 tellitibus munitæ, quæ non solum loco cederent naturæ ma-
 iori operosiori actiõni admoventi, sed illi etiã instrumen-
 tis suis quæ in materia relinquunt, auxilio essent.

Quatuor Principio quod non est visum auctori vniuersorum res
elemēta. omnes iacere torpidas, & quasi emortuas, nec in inuicẽ ex-
 pediebāt agi & concitari omnia, ideoque ignem actuosum,
 vigentem, celerem condidit: quod vel aspectu ipso intelli-
 gitur vi & agilitate perpetua. Terram verò firmam, atque
 stabilem: quod indicant densitas, & frigus pigrum, & quies
 semp

sempiterna, & mundi locus medius, vnde nihil necesse haberet aliis cedere, quò feruntur omnia quæ stabilitatem habent, & vnde leuia discedunt. itaque alter irrequietus semper sursum contendit. altera continuo sedit, nec se postmodum vltro commouet: erant etiam hæc idonea humanis sensibus, quod tamen est posterius, nempe ignis aspectui, terra tactui. Verù duo hæc quã tantũ inter se natura sua distent, iungi non poterant sine medio. Atqui est apud Timæum Pythagoricum, & Platonem: vinculorum id est aptissimum, atque pulcherrimum, quod ex se atque iis, quæ astringit, quàm maximè vnum efficit: id optimè assequitur ea, quæ Græcè analogia, Latine comparatio, proportio ve dici potest: quod aptè visum est posse fieri non tam vno vinculo, quàm duobus, nempe aere & aqua: vt aer vicinus esset igni, aqua terræ. Aqua densitate & frigore cõciliaretur terræ. Aër igni raritate, & liquore, & lubricitate sua morigerum se illi præbens. Aqua humore suo friabilem terram, ne disgregetur, contineret, cõhiberetque. Simul humido rigore velut frenos igni iniicit, ne omnia prærapidus absumat. Aër igni suppeditat leue alimentum seipsum, & quæ sublata ex aqua ipse agitationibus suis extenuat, & propè in naturam suam conuertitq, ne ignis spissum ac solidum nactus alimentum, ita in eo inualeceret, vt periclitaretur orbis iste. Adde quòd ab igne supernè concitatum, non finit aquam, & terram, & media corpora torpescere. Ad hæc insinuatus per loca omnia tenuitate, & lubricitate sua facillè sine incommodo seindentis dissipatur, simul etiã auget corpora hac insinuatione, dum aperit præcedens, & nutrimenti receptacula aperta continet, donec solidiori nutrimento cedat, vnde viuètia sustentantur, & crescunt: denique quascunque impressiones aliunde inuectas facillè in se admittit, quoniam sic est vsu naturæ, vt qui sit medius, & per inferiora hæc omnia diffusus. Iunguntur ergo & tanquã committètur subtilissimum interius cum superiore crassissimo: & ita aqua aëri applicatur, vt sensim videatur in aërem rarefcere: ita aër aquæ, vt sensim in aquã incrassari: non aliter quàm videmus in anno fieri vel in hominũ ætatibus, aut in habitu partium dei, fallente atq; indeprehensibili transitus, nisi postquam transierunt.

Corpora hæc, ignis terra, aqua & aër primum his inhærentibus

Quatuor tibus, & quasi vinculis sunt inter se connexa & temperata ea prima hęc lore, frigore, humore, sicco, vt humor astringat ariditatem, rentia. ne dissoluatur: ariditas frenum sit humori ne vniuersa inun-

det: frigus calori moderetur, calor frigus temperet: calor humor fiat tardior, ariditate acrior. Hęc est prima illius rudis materię pensio speciosa mundo & naturę, siue in pręsens, siue si quid maius molitur, vtilis. Sunt enim quatuor hęc ad agendum, & ad patiendum conducibilia naturę, & proinde generandis ac corrumpendis rebus: quę ita à nobis sumantur, non vt sint corpora sic affecta, sed vt affectiones corporum, & adiuncta: vnde statim alia ex horum actionibus nascuntur, videlicet calor: vt est actiuus & subtilis, inferiorem locum refugit, qui est quietis, & torporis, superiora appetit in quo diffundat se, & dilatet, & agat & vigeat proximus illis celestibus motionibus, quibus nullum est otium. Ideo multi locum assignant igni naturalem concauū globi lunę, sicut terrę mediū mundi, de quo est alibi disputandum: sed certē locus ille est calidissimus omnium,

Calor.

& ignitus. Calor humido pascitur: ideo omnia, in quę inuadit, quantum est virium suarum, exiccatur: quo fit vt humido segnior sit calor: frenum est illi humor, non minus quā pastus: & calor occupatus intus in humore consumendo foras exit lentior, in sicco acerrimus est: quum omnia sint intus victa, foras erumpit seu famelicus, & rapax, & vorax, vt stomachus in efurie. Qua de causa difficile vi-

Tempera deri posset multis temperationem qualitarum naturalium
tio aeris. aeris, aut vllius omnino elementi ex calido & humido mi-

sceri, quippe quę violentē cohabitāt. Quod si naturaliter & pacatē possent in eodem consistere, ea sola commistura vitam animantis efficeret, atque ad immortalitatem fulciret animam in corpore alimento semoto. Seneca verò, & alii Stoici aërem opinati sunt non calidum esse, sed frigidum, argumento esse illius medium, vbi maxime purus & naturalis est, nam vtrunque ex vicinia inficitur. Pythagorici quoque æthera frigidum vocant aërem. Sed profectō magis videtur aër alienarum qualitarum capax, quā suam vllam propriam sortitus: vt à superiore corpore accendatur, atque exiccetur: ab inferiore autem humectetur: in medio verò quod sit frigidus, non naturam ipsius demonstrat, sed quod ex cælo & terrarum vapore solis tepefacto

radiis

radiis vtrunque ad medium rigor pellitur, vbi cogit se, ac corroborat actione cohibitionis quam Aristoteles *αὐτὸ πύγιστον* vocat: ita vt existimari possit inter ignem & terram vnicum esse medium, aquam scilicet: eamque ex naturæ comodo subtilissimè extenuatam superne aëre nuncupari, principibus qualitatibus in tanta materiæ tenuitate aut elisis prorsum, aut leuiter admodum hærentibus. Sed re deo ad qualitatium opera. Frigus tardum est & pigrum, *Frigus.* ideo subidit, & is putatur locus frigidorum, nempe imus: indicio est leuius esse ferrum ignitum rigenti, & hominem viuum, quam cadauer. Reliqua ita fiunt graua & leuia, *Qualita-* prout hoc aut illud participant. Glutinum rerum est humor: *tes secun-* qui si abesset, omnia friarentur in puluerem, sicut fit in aridæ. *dæ.* dissimilis arenis: & quoniam caloris est pastus, eū calor quū inuadit, disirrat, vt in aëreū liquorem conuertat, quo facilius & in seipsum: sicuti cibus conficitur in corpore, vt paulatim quā simillimus reddatur corpori, & à similitudine fiat idem. Itaque calor humida resoluit, extenuat, rariora facit, hoc est, vt minus sit materiæ in æquali loco, aut tantundem in maiore. Nam rarum & densum sicut paruum & magnum relatione dicuntur inter se: extenuato humore, & absumpto in vaporem & auras, quod siccus superest abscedente calore contrahitur. Quod si omnino glutinum sit absumptum, fit multò minus quā antea: vt cernere est in cineribus, qui tantò minores sunt quā lignum: & in corio, & aliis, quæ postquā affectæ sunt vi caloris integra manent minora restant: inflat enim, & extendit humidum exalfectum. Ita membra animantium tument in exercitio, & in æstate: frigefacta verò longè sunt minora, quā prius: nam resolutus est humor, quem calor exuxit. Neque verò ita calor depascitur humorem vt corrumpat penitus: nihil enim materiæ perit in natura, sed igne extincto, illico in auras abit: quod humore est velut illitum, fit leue vt corium, curis iuuenum: is humor si absit, & ariditas extrema partes occupet, fit asperum, inæquale & rugosum quod videmus contingere in corio igni admoto, in quo primum omnium humor ille absumitur supernè fusus. Neque enim ex inæqualitate sola est asperitas, nisi accedat siccitati. Quid enim aqua leuius etiam in tempestate, & altissimis fluctibus? Et quum frigus ad centrum se cogat, calor verò ad extima prouolet, fit, vt

fit, vt humori additus calor, ampla reddat extrema, humori additum frigus minora, densiora tamen, velut in glacie, & in hominum manibus ac pedibus, quæ membra ampliora sunt in viris, quàm in sceminis. Si quod est glutinum in corpore vel densum disraratur, vel abstrusum foras elicitur, fit molle: vt in cera igni admota, in hastis, in cornu, in ferro. Quod verò densius habet glutinum & plus sicci, durius est. Durum est enim cuius partes tactui non cedunt, molle contrà: ita secundum comparisonem hæc dicuntur ad actionem tangentis. Neque verò idem esse quis putet densum, & durum: nec idem graue & durum, quippe plumbum mollius est ligno, quum sit densius, ac grauius, sed in coiliquor est maior. Quod humorem habet glutinosum, vt partes densæ tenaciùs inter se compingantur, est lentum, tanquam corium, radices aliquæ, vt raphani multi, & napi: quod verò humorem habet aqueum, huius partes leuiter compinguntur, fit tene- rum: & quanquod quidem partes infirmè connectuntur, facile separantur. Sed hæc iam secundæ sunt philosophiæ, sicut illa de coagulo, fractione, comminutione, scissione, imprelsione, & eiusmodi: quæ Aristoteles pro solita sua diligentia persequitur in libro *μετεωρολογικῶν* postremo. Hæc ergo terra, ignis aqua, aer elementa sunt mundi huius inferioris, & tanquam materia naturæ ad agendum apta: non ipsa sunt materia, sed ne illa rudis atque incondita iaceret, hisce qualitatibus est ornata, quæ naturæ operanti faciliè subseruiret. Idcirco elemēta hæc fusa sunt per hoc totū, quod cernimus, vt pròpta sit huic artifici materies, & ad manū in qua se exerceat, & vnde opera sua proferat: vt si quis domū alicuius opificis ingressus, aliquam conspiciat materiā passim iacentē, nihil dubitet, quin ea sit materia illius opificii.

Sed de eo inter sapientes disputatur, an illa quatuor insint in vnoquoque composito constante ex massa illa, de qua diximus, & specie substantiali. Vetus quæstio, & explicatu difficilis. In hac tamen nostrarum mentium cæcitate vtendum est sensibus manu ductoribus, vt mens iudicet ex iis, quæ illi nuntiant, quæque ipsi percipiunt vel in rebus ipsis, vel in earum actionibus, vel in iis, quæ similitudinem habēt cum natura, nempe artibus. Sed de artibus nihil nobis in præsentia illæ adierunt, quæ compositionibus non vtuntur, sed solitariis rebus, ac simplicibus detrahendo aut formando.

An quatuor elementa sint in vnoquoque mixto

do. Compositionum verò quædam iis rebus constant, quæ inter se non pugnant, cuius naturæ sunt gemma cum auro, Compositana cum serico, stannum cum plumbo, aliæ ex iis quidem tiones. quæ possunt, sed non commiscetur, tantum applicantur: ut quum fiunt imagunculæ ex saccharo, zinzibere, cinnamomo, pipere integris: aliæ ex comminutis & commistis fiunt, non tamen copula additur, qua vniantur, ut quum eadem illa contrita permiscetur: deest enim humor, quod est glutinum: aliæ compositiones habent omnia, sed proportionē actionis, & passionis tam inæquali, ut celerrima sit actio, ac propè momentanea: sicuti quum pauca guttæ aquæ in amphoram vini sunt infusæ. Quærendus est ergo opifex aliquis proposito nostro conformior, qui partes non solum applicet, sed commisceat, & mutuò infinuet, confundatque, & inter se pugnantia committat: quæ vires ad diuturnitatem pugnae adierant, & glutino compingantur, ac coadunentur: tales mistiones apud coquos & pharmacopolas est videre, qui in hoc quoque student, ut quemadmodum natura animantium corpora suis compositionibus finxit, ita ipsi suis conseruent, ac reparent naturalibus, quantum efficere possunt, similibus. Sed de pharmacopolis dicamus, quorum temperationes velut imagines quædam sunt naturalium. Itaque de pharmacis quæ illi conficiunt, in aliis simplicia manent integra, ut in cataplasmatis, quæ vulneribus adhiberi consueuerunt. Sic elemēta integra videmus in pruna ignis: in aliis sunt penitus extrita, vires solæ & agendi aut patiendi facultates quæ in illis prius erant, existunt apertæ, & promptæ ut in theriaca veteri: quod cernimus in corporibus animantiū omniū. In aliis vires quidem sunt reliquæ, sed consopitæ excitantur calore, nempe agitati, vel igne admoto ut in theriaca noua: sic animaduertere est in vino, aceto herbis multis: interdum resolutione, ut si in aquam immitatur saccharum, manifestò cernentur partes quædam fidere, nempe terræ, aliæ superiora petere, nempe aeræ, vel igneæ: hoc deprehendūt quotidie qui resoluunt mista & substantias segregant. In aliis vnum aliquid existit, vires aliorum in eo sunt absorptæ, ut nusquam cōpareant: sicut in vino diluto. Ita in coagmentatis naturæ. Sunt in quibus ex manifestis qualitatibus omnia dicas terrā, minimum reliquorum, quæ torpida sunt, & stabilia, ut metella, & saxa. Sunt quæ pluri

pharma-
ca.

plurimū habent aquæ, torpida, fluida, mollia, tenera: nō solum illa composita, quæ inchoata nominantur, nix, grando, ros, pruina, sed caro ostreorum, & marinæ stellæ. Vbicūque verō manifestus est ignis in composito, manifesta sunt reliqua elementa. Nam ignis nunquā descendet ad terram sine primis illis naturæ mediis: etiam in pruna quæ ardet, in flamma ipsa aliquid est humidiusculi, quod simul primum absumptū est, ignis extinguitur, tum etiam terreni & ærei: contra ascensus à terra ad ignem, non est adeò euidentis. Et fortassis saxum nihil ignis habet, aut certè si quid habet, exiguum est admodum, quòdque sensum effugiat. An quia pauculum ignis, ut actuosus & præstantissimus sufficit magnæ portioni terræ, in qua occultetur, vix ut deprehendi queat, sicut coagulum in caseo, fermentum in massa? Nec vitium est auctori naturæ effectiones cum materia coniungere sine illis principibus elementorū inhærentibus, quæ ut obscura sunt in his, quæ sensu & vita carent, sic in viuētibz sunt notabiles. Quæcunque enim aluntur, necesse est habeant vim igneam, nihil enim viuūt sine calore: ut intelligatur nec viētu- ros nos vitam alteram æternam sine charitate. Vis ignis in viuente rapit, retinet, conficit, conuertit, expellit. Hæc omnia animaduertimus in culinis nostris ab igne fieri. Porro si ignem habent viuētia, ergo & humorem alimentum ignis, & humorem prius aqueū, hinc æreum: tum solidum aliquid in quod alimentum & recipiatur, & conuertatur ad incrementa, ad conseruationēque illius igneæ rapacitatis tanquam iniectis claustris: alioqui breuissimæ omnes essent vitæ, ac prærapidæ, nec vlla sufficerēt alimentum. Quocirca effectiones has igneas dicamus, quoniam sine igne non tuentur sese: & ignis quodam modo est quiddam viuens: alitur enim & ablutit: idque in viuētibz promptum est, quæ quò plus habent caloris naturalis, hoc plus cibi & appetunt, & conficiunt. Animales effectiones quoniam præter viuendi munus sentiunt quoque, declarant & aliquid habere se supra stirpes: his ergo inest quiddam naturas horum elementorum excedens: quas sanè dicamus animas cælestes: nam & eas animaduertimus mirificè ad habitus cæli suos variare. Humanæ animæ mente ac ratione sunt præditæ, quod est plusquam cæleste, nempe diuinum, quo Deum & nouerunt & diligunt: ideo in descensu omnia secum

Effectio-
n. igneæ

Effectio-
nes cæle-
stes.

secum trahunt. Ergo prima & simplicissima initia, atque elementa rerum conditarum sunt potestas & actus, siue materies & vis: in sensatis prima illa rudis atque ignobilis materia, & effectio, quæ opificio naturæ inditur: ubi verò est adhærens, substantia est ei pro materia, adhærens illi pro vi & natura quadam. In spiritalibus ipsi spiritus modo quodam materiæ sunt suis adiunctis: accedunt primæ materiæ, quæ vulgo nominantur elementa, tanquam initia rerum, sed secunda, vt panis primum est farina & aqua, hinc massa iam pista: elementa verò sunt simplicia, ex quibus constant composita, vt verbum ex literis, ciuitas ex hominibus: partes iam sensati initia sunt, nō tam substantiæ quàm molis, aut numeri.

Et entium singula vires habent vel ex se, vel ex alio. Ex se **Vires.** dico habere ea, quibus munere Dei contigerunt, per illa quæ intus possident, vt pote per effectiōem substantiæ, aut formas inhærentes. Vnicuique massulæ fermenti, vt in priore similitudine persistamus, certas aliquas vires tribuit Deus, quas secum in massam illam materiæ inducunt, vt animabus asinorum, animabus leonum, effectiōibus adamantium, vitium, oliuarum, has vires omnes participāt res, quæ fermentatæ sunt illo velut fermento, quas esse eiusdem speciei seu formæ superius est positum. Similiter etiam inhærentibus, nam ex calore, frigore, virore, denso, graui, certæ quædam vires nascuntur: item in spiritalibus: hæc quidem entibus ex vnoquoque. Aliæ vires extrinsecus accedunt ex aliqua ratione soli, cæli, seminis, insitionis, medicationis, nutrimenti, & eiuscemodi, quæ applicantur, vel inferuntur, vt Persica poma in Persia lethalia, hic salubria. In his sunt vires effectiōnum nō per species, sed per rerum singula, quæ indiuidua nominantur, quæ ex priore vi & adiunctiōe huius peculiaris constantur: vt illa speciei simplex sit & elementum huius compositæ: quanquam & compositio huius peculiaris sit ex duarum, aut plurium effectiōnū compositiōne, nempe alimenti, aut soli huius additi effectiōni vitis, aut Persici pomi, aut hominis: vt ex specierum viribus conspiciantibus fiat singulare quiddam: qua ex temperatione prioris vis vel adiuuatur, vel impeditur, vel tollitur, vel aliò flectitur, vel noui aliquid accipit manens integra. Itaque munera Dei sunt hæc omnia, & voluntatis eius: nec secus quàm si

Interiora
per exter-
nas actio-
nes aut
passio-
nes se pro-
ferunt.

quis alteram libram in æquilibrio tangat, ea continuo ver-
get deorsum, ita omnia parata sunt ad eas propensiones,
quas Deus in eis faciet, ea illis erit natura. Sed interiora
illa per externas actiones aut passionis proferunt se, ac osten-
dunt: nam ad agendum vel patiendum datae sunt vires & fa-
cultas, quod hunc in modum facile erit cognoscere: Lapis
semper est idem, ac sui similis, intus ergo nihil habet, nisi
vniusmodi essentiam. Planta suis temporibus edit folia,
flores, fructum, crescit, decrevit, aliquid obtinet supra
essentiam: animans non solum crescit, & minuitur, sed sen-
tit, & cognoscit, aliquid affert supra plantam. Homo præ-
stat omnia, & præterea intelligit, ratiocinatur, iudicat, ali-
quid inest huic supra brutum. Hæc sunt Dei opera, quæ il-
le per voluntatem destinat, per sapientiã constituit, per po-
tentiam exequitur: quas agendi ac perficiendi facultates im-
partitus est iis mentibus, quas sui similes condidit. Loqua-
mur de homine, de quo quum dictum fuerit, facile de an-
gelo etiam intelligetur. Habet ergo homo ad Dei quandam
imaginem voluntatem, consilium siue rationem, & vires:
vt consilium suadeat, aut dissuadeat voluntati, quæ est im-
peratura: voluntas imperet viribus, vt se exerant ad opus:
vires capebant iussa. Voluntas ergo domina est, ratio con-
sultrix, vires mancipium. Facultates hæc quidem natura-
les sunt à Deo inditæ homini, quum naturam statueret, &
hæc naturale habent aliquid, quò nutu ferantur suo, vel à
quo abhorreant, ac discedant: dico voluntatem, & consilium:
nam vires vt mancipium, nec ad iubendum admittuntur,
nec ad consulendum, sed tanquam corpus sunt brutum pa-
rens semper imperio, nunquam imperans. Vergit ergo
ratio in verum, auersatur falsum: fertur volūtas in bonum,
malum deuitat: utique quod tale censuerit ratio, an falla-
tur, nihil interest, bonum certè, aut verum existimari suf-
ficit. Ratio hæc & iudicium quum se ad aliquid vel in se, vel
extra se vult applicare, habet læpe, & finem quem petat sibi
propositum, & viam & rationem prouisam, qua ad illum
perueniat. Hæc ratio vocatur industria, & ars, quæque ab
arte dicitur solertia: quæ est ratio seu facultas aliquid agen-
di, aut patiendi in se vel in aliis ingenio, aut studio quæsita:
vt loqui naturæ est, Romanè, aut Græcè artis. Deum cole-
re, humanis est mentibus informatum: sed hoc, aut illo mo-
do,

Ars.
Solertia.

do, ex humanis persuasionibus. Non enim nos solùm arte aliquid agimus, sed bestię quoque à nobis edoctę: vt per funem elephantum ingredi, & canem sic venari, & equum gyros complicare, & explicare: quę ipsi sua sponte faciunt, naturalia sunt. At quum vel finis non est pręstitutus, vel ratio, & via hæc non est promissa, sed temere aggredimur, quod exit casus est: vt fodiendo thesaurũ reperiri: hoc enim **Casus.** propositum non erat: aut regula de tecto lapsa, occisum esse hominem. Quumque nostras extruções imitari volunt pueri, congerunt temere lapides & ligna: & exit sæpe numero id in quo doctum ingeniũ elaborasset, priusquam exprimeret. Temeritas hæc est, vel quum nullus finis est prępositus, vel quum ad eum nihil omnino prospectum aut minus, aut aliter quàm oportet. Ideo in actiones hominum, qui tarditate cordis vel ad iudicandum impediuntur, vel rapida animi perturbatione impelluntur, multum valet casus. Sapientes minimum casui relinquunt in iis, in quibus casus solet interuenire, velut in rebus & negotiis vitę: nam in illis quę non sunt in manu nostra, nempe naturalibus effectis, aut incertis euentibus plurimum Deo committunt, seu **Casus in** verius omnia: quo fit vt casus interdum in artem vertatur, **artem in-** quum obseruatum est, quomodo illud exitit. Sic multa **terdũ ver-** sunt in artibus inuenta. In artificialibus, quę sola ars fa- **titur.** cit, dicuntur talia, nam alia naturę sunt quę potestatem sequuntur: vt homini persuaderi indignitatẽ artis est, ex persuasionẽ indignitatis inflammari ad iram, iratum diruere ædes, naturę. In lyra sonus naturalis est, concentus artis: qui si fiat sine arte, naturalis erit, vt si cadat testudo: aut quum casu spongię fit pictura. Compositio horologii artis, hinc curius ille per definita quędam momenta naturę est. Hęc vel illa compositio pharmaci artis est, operatio in animante naturalis.

Ars est naturę æmulatio, eaque quantum facere potest, **Ars natu-** conatur naturam exprimere: quod nunquàm assequitur. **rę æmu-** Natura enim intima rerum penetrat, ars circa exteriora, & **latio.** supremas facies vertatur. Id quoque videtur naturale, vt imitatio omnis citra exemplar subsistat: cum qua bene agitur, si quàm proximè accesserit. Et quemadmodum natura à rudissimis exorditur, postea paulatim educit ad perfectũ, ita & ars sensim expolit: natura inditionibus, & ingignendo

in intimis, ars verò addendo exterioribus, detrahendo, mutando: ut in cuforiis, nempe mutatione exterioris figuræ. Velutiquum æs funditur, & ex statua fit lebes: tum applicatione, & quasi contactu, ut quum pannus inficitur. Quæ nō solūm in iis animaduertūtur, quæ manu cōstāt, & *χειρουργικῆ* nominantur, verūm in illis etiam quæ penitus sunt in animo, disciplinæ, prudentiæ, virtutes, addendis quæ videntur necessaria, refecandis superfluis, corrigendis, & castigandis inuersis nascuntur, & incrementa sumunt. Tum sicut naturæ proposito illi tacito à Deo indito primum omnium occurrit opus perfectū, in actione verò simplicia primū quæruntur ad compositionem perfecti, ita humano artifice opus ipsum est primum cogitatione, primordia autem operis, & elementa prius exequitur. Quocirca animus in intelligendo iter sequitur, non actiones naturæ, sed propositi illius: prius enim mista intelligit, & sensui obiecta, hinc magis simplicia, & recondita. Et quemadmodum se habet homo ad artificium naturæ, ita iners homo ad artificium hominis periti. Nam homini prius notum est opus absolutum naturæ, quàm eius elementa: & imperito notius compositum artificiale, quàm eius partes. Nec aliter miratur homo ex illis iniitiis tanta opera posse à natura edi, quàm imperitus hoc præstare artificem ex tam rudi materia tanquam aliena, ab eo quod per artem videreditum. Et sicut infirmi & rudi materiæ accedens forma naturalis fit res naturalis, ferrum puta, homo, arbor, ita naturali accedens ars fit artificialis, nempe gladius, scamnum, grammaticus. Natura conatur ad optimum prouehere effectum suum, quantū cuique speciei concessum est, videlicet ad imaginem, & participatum proximū virtutis Dei: ars ad absolutionem naturæ. Sed nec natura potest Deum contingere, nec ars naturam, quod vtraque imitatio est. Vis in vnoquoque inclusa, siue naturæ, siue artis, quum se exerit, atque explicat, fit actio, vel passio, modo ne quid obster. Actio est explicatio potentie in aliud minus: passio explicatio potentie ad aliud maius: minus voco infirmius, & inualidius. Itaque in actionibus naturalibus actio & passio terminis differunt, non re: ut via inter Louanium & Lutetiam. Actio enim est ab a in b: passio à b ad a: Ex actione hac sequitur effectus, sed hac lege, ut aliquid sit quod agat, & nō temere, verūm propter finem: neq; enim

temer

Actio.

Passio.

temere suscipitur vlla actio. Etiam pueri fines aliquos statuunt suis actionibus, non refert an assequantur: sed neque viri, nec natura semper assequitur: certè quidem fines habent, sed ad finem spectare ac tendere quum sit in his quoque, quæ omni intelligendi facultate videmus orba, apparet ab eo regi, quia ea facultate non caret. Quæ enim non intelligentia tãquam intelligentia operantur, ab intelligente necesse est moueri. Quomodo cæcus ea quæ oculis cognoscuntur, censebit, nisi à vidente admonitus? Et hæ duæ verę **Causæ.** ac propriæ sunt causæ, agens, & finis: nempe à qua, vel propter quam aliquid fit: vt in motu principium & meta. Nam materiam, & formam quia partes sunt, causas nominari inusitatum est: magis initia & elementa nominaueris, sicut causas principia & origines. Si quis tamen & has quoque in causis velit recipere, in verbo erit sita controuersia. Efficiens causa actionem præcedit, finalis & actionem & effectum suum sequitur. hoc est id, quod propter illam fit: vt ædificans, domus, habitatio. In eo qui agit necessaria est facultas ad agendum quæ est vel interior, vel exterior, vt demonstrauimus. Et aliæ res celeres ad agendum vires ostendunt, ac pròinde motus incitatos, vt calor: aliæ tardas, vt frigus. Contrà in patiendò calor exiguas habet vires, quum est inimico inualidior: frigus verò ad ferendum multas, Idcirco citissimè ignis penetrat, tardè rigor: expellitur verò calor leuissimè, frigus lentè: vt febres acutæ celerius vel extinguunt ipsæ, vel extinguunt corpus: morbi frigidi pertiniaciores sunt: opium in theriacæ tardissimè omnium cedit. Ex naturalibus facultatibus hæ sunt necessariae, vt mutari nõ queant, sicut igni exurere: illæ voluntariæ, vt quæ ab hominis voluntate proficiuntur, tanquam comedere, bibere, currere. Ventriculum concoquere naturale est, & alia quæ in hominis manu sita non sunt. Naturale est in vnoquoque, ad quod agendum vel patiendum potentiam à natura accepit. Istud verò non vno modo, nec similiter in omnibus dicitur. Nam vel ea vis est effectiõni indita, vt semper agat, quoties in quod agat, admouetur: vt igni comburere, iracundo irasci: vel vt semper agat, quoties libeat, vt homini ratiocinari: vel est vis toti indita, vt homini ambulare: vel vis inhærenti indita, vt aquam feruēfactam calfacere: hoc verò inhærens vel ex ingenio compositi est attributum, vt lapidi

Agens.

Naturale

grauitas & durities: vel vi intrusum, velut in aquam feruor: vel casu contigit, vt venenum fungo, quod ex terra venenata adhæsit: vel arte partum, vt pennæ scribendi commoditas & gladio scindendi. Dicitur etiam naturale ad quod accepimus potentiam, & adeius omnino contrarium non habemus: vt homini errare, falli, mori: non enim potest nunquam errare, aut permanere immortalis: quicquid enim origine inditum est, aut circa originem, naturale nuncupatur, sicut cæcitas, & surditas in quibusdam: & sermo in vnoquoque, quem primum didicit. Naturale etiam est, quicquid non est contra naturam: ita & artificialia omnia, & voluntaria naturalia dici possunt. Nam etsi ad omnia, quæ ingenio atque vsu exculpiamus potentiam à natura accepimus nobis innatam, tamen quæ exercitatione, studio, industria paramus, artis dicuntur, non naturæ, quum industriam nostram spectamus: at quum potentiam, naturæ sunt: vt homini naturale est posse pingere, non equo: & artificialia vel tota sunt artis, vt scriptio: vel ratio quædam & modus, vt sic ambulare, sedere, comedere, loqui. Voluntarium quod à voluntate libera proficiscitur, vt hominis, vel angeli: hoc aut est elicitum à voluntate, vt velle: aut iussum, vt ingredi. Naturale in specie fit, voluntarium in particulari, vt ambulare nunc. Sunt quædam præter naturam, ad quod illa non dedit potentiam: sicut arborem in bruma flores fundere, ac fructus, saxum ab aqua excauari. Supra naturam, quum plus præstatur, quàm illa concesserit: vt puerum mouere grandem molarem. Alia contra naturam, quum contrarium fit, quàm illa dederit potetiam: vt glaciem ardere, ignem frigidum facere, lapidem per se sursum ferri: nam iactum violentum quidem est, sed non contra naturam, imò secundum eam: extra illam sunt hæc omnia. Verùm hæc distinctiones à vulgari sermone confunduntur: vtile tamen videtur in philosophia obseruari ad percipiendam disciplinam. His accedunt postremo diuina opera, vt omnia quæ egrediuntur naturæ limites: cuiusmodi Christi miracula, & quæ ille nos edocuit de arcanis suis. Sunt multa in natura quæ ad euentum referuntur, vt species naturæ sit, singulare autem euentus: sicut aquam defluere naturæ est, hæc verò aut illuc euentus.

Vsus & assuescētia etiam si artium sit, & rerum industria quæ sitarum, & efficiunt, hoc est habitum, qui in partem naturæ

Voluntarium.

Præter naturam.

Supra naturam.

Cōtra naturam.

Extra naturam.

Diuina.

naturæ concedit. Nam maximas, & penè naturales profert vires vtique in iis quæ recipiunt. Neq; enim omnibus de assuefactione vestigium relinquitur. Habitus est pronitas ad eadem, cui res assuevit: siue sit agere, vt in digitis ad pulsandum: siue pati, vt incendi febre, vel iracundia: siue negatio seu priuatio potiùs alterutrius, vt tacere, non ridere, non latrare. Nec aliud considerandum est esse habitum, quàm sigillum in materia impressum. Et quæadmodum in rebus, quas contrectamus vsu venit, vt signum non imprimatur, nisi in re molli: ita in tota natura ex assuefactione vestigium duntaxat adhæret rei molli. Possumus etiam ad explicationem figurare nobis res molles fluere in morè amnis, quòd si quæ decursus detur, & quasi aperiatur alueus, illæ defluunt, vt in fluuiis, in humoribus animantium. Ergo consuefactionem recipiunt corpora animantium, & stirpium, animi etiã nō ex se, verùm ex corpore cui sunt velut alligati, & quo tanquam instrumento vtuntur, quandiu eo sunt inclusi. At in quibus multū est humoris, citiùs adhæret impressio, quàm quibus parum: vt pueris celeriùs, quàm senibus, sanguineis, quàm cholericis. Siccis non hæret signum: vt saxo vel ferro: nec in admodum fluidis cōseruatur, vt in aqua aut aëre: cuiusmodi sunt hominū quidam leues, & mutabiles. Quòd si mollia admissio habitu indurent, tenaciùs eum retinent: vt in cera, quum durefcit: in ferro & argento, quod emollitum recepit notam aliquam, similiter quæ à teneris animis imbibuntur diutissime perseverant, quòd corpus solidius sit quotidie, ac firmitus. Quæ sunt ex natura totius speciei, aut contra eam, habitum non recipiunt: velut igni ardere: saxo ferri sursum.

Est & in habitu delectatio in iis, quæ alioqui dura sunt factu, & difficilia: nam in facilibus mutatio reficit: sed habitus delectatio est in illis quia minùs sentitur molestia actionis. Pròptius enim, ac ideo facilius fit, quod sæpe est factū: quippe itur aduerso flumine in nouis, prono verò in solitis. Nec leue adert momentū delectatio ad id quod agendum, aut patiendum est: quòdve aut non agendum, aut non patiendum. Et quoniam habitus naturā respicit, fit vt quantumcunq; artis habeat actio, si ei diu & perpetuò assueuimus, naturalis videatur: sicut accuratus & elegans sermo in Euripide, cauilla & sales in Plauto, & bonis benefacere ex vsu in naturam vertit;

Delectatio in habitu.

ars enim in vsum, & pròinde in naturā videturcessisse: nam quicquid artem non præ se fert, naturale nominatur: quemadmodum & simplex, vt in omnibus actionibus, quum nihil est simulatum, ac fictum: & naturale à ficto distinguitur, vt flores naturales ac ficti. Et quemadmodum fluuius per datum alueum decurrit, qui illi crebrò agendo aperitur, ita si cesses, oblimatur: & primum malignè aqua defluit, hinc omnino auertit aliò iter: sic habitus, qui agendo altius imprimuntur, ac confirmantur, desidria exolescunt.

Necessarium. Naturali proximum est necessarium ac possibile: ei verò quod cōtra naturam est, impossibile. Necessarium est, quod aliter non potest esse, quàm quomodo est: idque vel simpliciter, vt Deum esse: vel collatum alicui, vt hominem respirare si sit victurus: & studere, si sit futurus sapiens: & anima necessaria est corpori ad vitam. Hoc necessarium variè spectatur, Deo, naturæ, homini, huic homini, illi, hoc tempore, hoc loco, hoc statu rerum: & aliud magis alio, vt magis necessaria respiratio ad hominis vitam, quàm epulæ: magis necessaria anima, quàm respiratio: quòd diutius liceat vitam prorogare sine alimento, quàm sine respiratione: & sine respiratione, quàm sine anima. Verùm necessitas hæc non certi est momenti, sed alicuius lati temporis. In appellationem venit necessarii, quod est conducibile: sicut homini vestis, & tectum: quæ etiam à Græcis ἀναγκαῖα. Similiter quæ oportet fieri, vt posita in æquitate, lege, more, officio, instituto: & hoc necessarium est in re, ex re verò in pronuntiatione, vt Deus est omnipotens, & quod viuit habet animam.

Impossibile. Impossibile contrarium est necessario in pronuntiatione, nō in re, nam in re nihil est possibile, sed in dicto, quum esse nō potest, quemadmodum asseritur, aut negatur, vt hominem sine respiratione diu viuere. Sed in re tamen impossibile contrarium est utili, & commodo, vt sine tecto & vestitu vitam degere impossibile.

Possibile. Possibile, seu quod tritius est Græcis δυνατόν: nam nos Latino hoc rariùs vtimur, ac ferè nunquàm: & si non video cur sit reiiciendum in philosophia, præsertim quum veteres non dubitarint aliquando impossibile dicere: sed certè eius significatio ad necessarium se habet, vt aliquando ad semper: ad impossibile verò, vt ad nunquàm. Interdum possibile iis quidem qui vsurpant, pro facili sumitur: sicut impossi-

bile

bile pro arduo, & difficili: & in hoc aliud magis est alio, pro-
ut est facilitati vicinius, sicut expeditum, & promptum: vt
tres, & quatuor, & quot quisque voluerit gradus, possit sta-
tuere. Ex iis quæ aliunde veniunt, quædam sunt contra na-
turam formæ violentia quædam externa inuecta: vt calor in
aquam. Sunt quæ cogi & verti non possunt, vt ignem hoc
naturæ cursu frigefacere.

Quæ contra naturam fiunt, sic cognoscuntur: Effectus Quæ cõ-
velut inuitus extorquetur: & ipsa quum primum licet, sen- tra natu-
sim se in conditionem suam restituunt. Idcirco eiusmodi ram.
actiones postquam impetum cogentis euaserunt, debilio-
res sunt, quàm antea: est enim aliquis in violentia terminus,
quo transacto lentescit, & flaccescit actio. Verùm nec vni-
uersa vis cogētis repentè se explicat, sed paulatim inualescit,
donec cõsumatur amplitudo potentiæ. Quocirca lapis sur-
sum iactus minimū habet viriū vno digito à manu, ad me-
dium ferè plurimum, in fine per quàm parum. Contra in de-
scensu plus habet viriū iuxta terrā, quàm in medio aëre. Hic
est naturalis motus: vnde apertū sit ex nihilo omnia hæc in-
ter quæ versamur, esse à Deo condita, & tanquam ab ipso vi
quædam iacta aliquo vsq; ferri: tum sensim eadem reduci ad
nihilum etiā maiore impetu ac nisu, quàm ascenderāt, nem-
pe ad naturā suam. Quòd si hæc est conditio singulorū, etiā
mundi ipsius esse credi conuenit, quantum quidem ad vires
istas motuum ortus & occasus pertinet. Efficiēs sicut prius-
quam agat, finē aliquem sibi destināt, ita sine proposito in-
strumenta, seu media prouidet ad finem pertingendum.

Instrumentum est, quo quis vel extra se, vel certè alio à Instru-
se ad aliquid vel agendum vel patiendum vtitur. Ferrum in- mentum.
strumentum est hominis, itidem manus: ratio verò instru-
mentum animi, quæ facultas quædam intelligitur esse ani-
mi, & tanquam eius pars: quæ quāuis essentia non differat,
differt vel facultate sua ac potentia, vel certè nostra intelli-
gentia, quod ad sic definiendum nobis sufficit. Et quoniam
instrumenta omnia ad aptationē materiæ applicātur, apta-
tio materiæ opus est instrumentorum: quod verò ex apta-
iam materia existit opus, artificis dicitur: vt ferræ findere,
asciæ dolare, arca verò huius operarii, quatenus talis: nam
hominis per se non est, neque Socratis.

Exem -

In hunc locū venit etiam exemplar, quod quis in agendo plar.

contemplatur, vt simile effingat: quod genus sunt apud pictores plurima. Platonis Ideæ. quæ nullæ sunt apud Deum, extra illum quidem, aut aliud ab illo: nam maior & potentior est illa sapientia, quàm vt externis adiumentis indigeat: nimisque Diuina illa magnitudo ad angustias nostræ mentis à sapientissimo philosopho contrahitur. Instrumentorum alia sunt animata, alia inanimata: ex animatis hoc rationis cōpos, illud impos. Tum alia libera, alia serua: quorum exempla sunt amici, clientes, affecclæ, serui, filii, opes, arma, authoritas, potentia. Instrumentum si se contra naturæ suæ rationem accommodat agenti, inuitum est, & coactum: vt lapidem ferri sursum, & auem occidere: aut moueri a ciuē, & fieri mensam. sin secus, naturale est: vt lapidem demissum ab aliquo ferire eum, qui est subtrus. Quæ secundum naturam vniuscuiusque instrumenti facimus, nullis egent viribus, vt lapidem demitti: quæ contra naturam egent, naturalia sunt, vt in medicina. Iis quæ manibus exercentur, adhibetur vis, vnde difficultas, & ex hac labor, & ex labore lassitudo. Spectantur in difficultate instrumentum, & qua agendum, & in quid: vt scribere penna plumbea, & per chartā asperam: aut grauem gladium per aduersum flumen trahere ad scindendum nodum ligni. Vires enim requirit instrumentū: tum alias per se medium, & alias id, in quod operatur, prout actioni ipsi repugnat, vel actioni, quæ hoc instrumento exercetur: velut securi rubiginosa lignum scindi.

Omnia Quare quum vires naturales vniuscuiusq; rei nihil sint
sunt Deo aliud, quàm quas Deus in eo ingenuit, neque enim quicquā
naturalia sibi fecit vires, necesse est, vt omnia se præbeant Deo ad agendum naturaliter: & tam ignem frigefacere sit Deo secundum naturam, quum vult, quàm nunc contra naturam, quum nō vult, id est, contra ipsum eundem. Neque est aliud in vnoquoque natura, quàm quod ipse vult, quodq; ipse dat. Ergo quemadmodum Lunæ lumen Solis est lumen, quia ab ipso venit, & conseruatur: aut quod ex calybe soli opposito in parietem reflectitur: ita vires naturales Dei vires sunt, & adhuc propius, ac verius, quàm hæc ipsa: & eis ille vitur ad agendum minimè necessariis. Non enim qui per alium facit, continuo per seipsum non posset: vt magister quum iubet discipulum à condiscipulo cædi. Quumq; ille omnia condiderit è nihilo, egit certè aliquando solus, quæ nūc per causas

fas naturæ, vt hominem gigni, vel herbam ex semine. Quod si sit huius agentis naturalis opere ac vi, eam verò vim totam largitus est ille, profectò eundem ipse effectum potuit solus edere, qui præbet, quicquid agens facultatis possidet, & potentia ad agendum illud. Imò verò si quis naturales causas consideret, quæ se Deo ad aliquid efficiendum, administras exhibent, inueniet nihil in eis ex se esse virium ad id vel perficiendum: vel quadantenus adiuuandum, sed esse omnia voluntatis Dei: quod ipse idem satis ostendit, quum luto aperuit oculos cæci. Quid lutum ad aperiendos oculos conferebat? Imo potius ad obturandos videbatur valiturum. Cæterùm demonstrare voluit, se ad hunc istum modum vti secundis causis ex voluntate sua, non ex necessitate. Quocirca quum omnia Deo vtenti naturalia sint, agit Deus sine labore, sine molestia, sine resistantia. Nam si quid resistantia esset contra naturam operaretur: siquidem est resistantia ex appetitu sui conseruandi, ideo resistit ei qui corruptionem intonat, aliquid contra nutum naturæ suæ agendo. Nec conuenit potentia Dei, quicquam illi posse resistere. Nam quæ tandè posset esse proportio inter vires Dei condentis, & rei conditæ, vt vel momentum temporis valeat subsistere inuito illo? Quare quum voluntas eius sit natura cuiusque, voluntate sola operatur, nempe indita natura: nam si velit lapidem ascendere, eam faciet esse eius naturam: nec aliter tum ascendat, quàm nunc in hac eius voluntate descendit.

Ex causis si actio spectetur, aliæ sunt certæ, quæ semper ita agunt, vt ignem calfacere: aliæ incertæ: quæ nō semper ad eundem modū, vt lapidem iactū autē ferire. Sunt sine quibus non fit aliquid, et si efficiendi hoc quidem naturā nullam habet: vt lucē nō illustrare cubiculū, nisi aperiatur fenestra: quæ latissimè patent. Nā ex eis nonnullæ sunt quietæ penitus, ac torpidæ, & vt Cicero vocat stolidæ: quæ nihil prorsus in eo quod subiectū est, ipsæ exequuntur: vt pecunia iurgii, & latrocinii: aliæ quædam per se adferunt adiumenta, vt aspectus & collocutio benevolentia. Sunt qui in genere hoc ferramenta & instrumenta omnia concludant. Ad idem genus pertinent, quæ remotione sua inducunt effectum ei contrarium quod admotione sua solent: vt abscessu solis terram frigefieri, quæ calfit accessu. Sin effectus spectetur & in eo locus, vel tempus. Sunt in loco & tempore proximæ, vt ignis,

Causarū
diuisio.

calo

caloris in manu admota : Sunt remotæ , vt ignis caloris in manu . quæ incaluit tactu aquæ seruesactę : & in his alias licet aliis remotiores dicere. Est enim ordo in causis, vt hæ sint primæ , secundæ illę , tum tertiæ , & quartæ. Sed neque in infinitum tamen recta disceditur , nec in causis re ipsa existentibus eodem tempore, nec in iis quarum aliæ aliis tempore succedunt. Quippe infinitæ non sunt res, nec tempus fuit infinitum. Sed quæ numero distât, vel ordine non protinus loco distant, aut tempore, aut actione. Sol lunam illuminat, luna speculum, speculum cubile : simul existunt hæc omnia eodem puncto temporis. Referuntur quoque causæ ad cognitionem nostram, vt aliæ sint cognitæ, aliæ incognitæ: in aduentu pleręque omnes sunt ignotæ, in recessu multæ cognoscuntur.

Finis,

Finis est cuius causa aliquid fit. Is mouet vim & potentiam ad agendum , quare ea est potissimum causa : nam & causa ponitur in eius diffinitione : & principium omnis actionis ab eo exordimur : & in eo tota conquiescit actio : inque illo est ratio quædam etiam efficientis, itaq; dicimus sanitas deambulationes has facit, & potentiam laborum, qui suscipiuntur propter eam. Finis omnis à cupiditate nascitur, vel vt adsit aliquid, quod abest: vel vt maneat: quod adest. Sic in negatiuis, vt absit quod adest, vel auertatur quod aderit. In præteritum non est finis, neque in præsens, semper in futurum: illhuc enim actiones, & destinata diriguntur, quò spes, & cupiditates. Iam verò finis est semper cuique, quod ipsi videtur profuturum: ideo quicquid obtinet locum finis, semper est specie quadam boni contextum, etiam si honũ re vera nõ sit, certè tale esse existimatur. Nec potest pro fine proponi, de quo quis desperat: nam alioqui nunquàm destinaret sibi, quod assequi se non posse haberet compertum.

Media.

Media sunt ceu instrumenta quædam, quis finem licebit consequi. Finem oportet esse omnium pretiosissimum: media viliora sunt. Quippe finis, quòd vltimus est, quò appetitus tendit, per se amatur, amoris huius nulla est mēsurā: ipse alia omnia metitur: vt vnumquodque ex mediis tanti à nobis fiat, quantum est ad nanciscendum finem idoneum. Nemo quod pluris æstimat pretium vilioris facit: nam etiā qui aureo homo piscatur, vt est in prouerbio, chariorem habet vel oblectationem suam, vel ostentationem, quàm aurum ipsum

ipsum: nō quidem piscem, quā aurum, sed aliud, quod ipse facit finem piscationis: nec qui tonsor nouacula argentea reddit barbam, numulum, quem mercedis loco accipit, finem statum argenti: sed aliud, nempe ditescere, quum à pluribus, & plus quā alii collecturus sit. Et sicut vniuersus nutus voluntatis ad potiendum sine propendet, ita vehementiūseritur in ea media sine quibus consequi illum nullo modo posset, quā cum quibus posset quidem, sed non périnde ex sententia, vt cum illis. Quapropter ea sola res finem sibi præstituit, quæ voluntatis & cupiditatis est compos: cætera quæ sunt harum expertia, ex eo pendent, quod habet velle: quodque cum voluntate illis præstet: atque cōvergūt, quō ille iubet: vt res brutæ à Deo: & ii nutus sunt illis naturales quædam cupiditates. Nec aliquid est quod agat sine fine: nam is semper excitat vires ad agendum, vti modò dicebamus. Non quod omnis ex actione effectus destinatus sit illi, sed quod nihil agit, nisi quod sibi destinarit. Neque enim aliter eligerentur ad certas actiones certa instrumenta: sed ad quascunque sine discretionē arriperentur quælibet, essentque actiones omnes vagæ & incertæ. Atqui contrā experimur in omnibus venire vsu, & hominem parata habere instrumenta varia, & Deum rebus dedisse diuersa ingenia ac facultates, vt si his vtantur: fiant hæc: sin illis, illa. Et alienis instrumentis eodē euentus sequi: magnum hoc argumentum est aliquid esse in agendo præstitutum ac præfixum, pro ratione cuius deligantur instrumenta. Quod si instrumenta finem arguunt, quid causæ est, quin intelligentia hominis, & vis mutuæ charitatis, & religio, ac Dei cultus ob oculos nobis ponant, cui fini sumus conditi. Neque enim tantis & talibus instrumentis erat opus ad edendum, bibendum, vestiendum, habitandum. Præter hæc multum abest temeritas à ratione: quæ temeritas in Deo profectō esset, & in homine, si in sua actione nullum scopum prospicerent, sed expectarent casum. Nam quid dicitur fieri temere, nisi quod sine cōsilio, sine iudicio, sine ratione, quæ omnia scopum semper prospiciunt, euentui creditur incerto? Quapropter homini non sola tributa est voluntas, vt quid velit agere, sed mens & ratio quæ consultant agendum ne sit, & quomodo quod cupit, consequetur. Similiter Deo attribuiamus sapientem, & prouid

Temeritas.

providam voluntatem, quæ sunt propter finem: quippe providentia finem spectat, adeo ut quàm quisque sit providentissimus, tam intueatur fines longiores. iam in homine & rebus omnibus conditis duntaxat quæ inter nos versantur, non est actio sine difficultate & labore, nempe conatu perveniendi ad finem. Atqui nemo laborem suscipit nullo fine proposito, quum dulcius & pretiosius sit quiescere, & molestia vacare. Medium verò nunquam est eo pretiosius, propter quod suscipitur: nec solum hoc comperimus in voluntate hominis & ratione, sed in voluntatibus naturalibus. Nec homo peristeret in actione, sed simul cum esset defessus ad aliud transiret: quod pueri & leues homines facit, quos non multum tenet desiderium finis, quanto teneret minus, si nullum omnino defixissent? Iam voluntas semel quiescens nunquam moveretur: nam à se non movetur, nunquam enim desineret moveri: & si quid eam impelleret ac moveret, ut ad se ferretur, is eius esset finis. Nec videremus eam conquiescere finem assecutam, nempe ubi pervenit, quod volebat: cessat enim motus sublata causa. Nec semel mota unquam quiesceret, quum eadem semper esset motus causa, quæ prius: nempe semper nulla, sed casus & temeritas. Quod si omnia instrumenta sunt illi principi opifici, & ab ipso reguntur, ac moventur omnia, nihil movetur sine causa, & fine, quum casus & temeritas longissimè absint ab illa infinita providentia: neque enim fas est de Deo dicere, quod de sapiente viro esset, nefas ipsum quidem agere, cur verò agat, nescire. Et si in regno mundi maiora sunt ordinata, finem habent aliquem: etsi nullum minus agitur nisi per maiora, & hæc minora sine utique non carent. Nec est sapientie eius non videre quid post actionem sequetur, nec consilii si videt, non magis in aliquem certum scopum dirigere, quàm temere iacere, & si omnia condit, quia vult erit temeraria voluntas eius, quæ sine causa impelletur: quod est furiosum atque impium cogitare: & fines illius ad nos referuntur, non ad illum, id est, ad nostra bona, non ad bona ipsius. Ille enim omni bono, quod expeti potest cumulus est: nam si ita esset, peiore esset conditione quàm nos: quibus si qua desint bona, ab ipso possunt desumi: illi quæ deficerent, a nullo: ita semper quo careret, requireret, nec posset adipisci. Nam quid tandem maius aut melius esset illo

illo, quod ei de bono suo impartiretur: quum bona omnia à Deo & alia quæcunq; tanquam ex perenni quoddam fonte continenter dimanent, nec aliunde possint. Quòd si sufficiens sibi est Deus, non creauit res sibi, sed rebus: si bonus, non creauit malo, sed bono. Itaque videmus in his naturis quæ quantum possunt, parentem omnium imitantur, vt priores ac generantes non laborent agendo sibi, sed operi suo, ac sequenti naturæ. At quod in mysticis literis scribitur, omnia propter semetipsum creauit Dominus, impiū quoque ad diem malum, ostendit cui fini omnia sint parata, nempe quæ rationem sortita non sunt propter hominem ratione præditum: hic verò ad Deum refertur, vt cum eo sit beatus: sed ex hominibus qui à Deo abscesserint, his calamitosus manet dies. Non est autem homo propter angelum cōditus, sicut est equus propter hominem: scilicet homine angelus non indiget, vtique nec vlla re corporea. Homo est qui illis indiget, ac vtitur etiam angelo ad ductum cæcitatæ suæ, & custodiam infirmitatis: nisi illi vnus Deus velit esse pro omnibus. Quocirca melior est homo cunctis rebus corporis videlicet finis quàm media potior. Propter etiam ad efficiendam causam nonnunquam pertinet, vt Dominus mundum hunc non produxerit propter aliquem, quòd aliquis hoc meruerit, sed propter se quòd sit ipse optimus. At verò finis, vt dixi, proposito primus est, executione postremus. Sunt alii fines propter alios, vt scribere propter opes, hæ propter iucundam vitam. Ideo finis in hoc medius, est in illo extremus: vt nauem perficere, finis est fabro, nauis medium huic in portum deducere post navigationem negotiatori medium, finis quæstus. Sæpe etiam in eodem, vt finis huius hominis fabri mensam efficere, patrisfamilias vt, egeni pecunia mutare. Proprius cuiusque operantis finis est is, quem vbi assequutus est, desinit sic operari, aut quatenus talis: quum nauigat nauta hoc agit, vt nauta, quum bibit, aut comedit, vt animal: quum pecuniam recipit, vt auarus, vel vsurus. Quum Appelles pingit tabulam, agit vt pictor, & picta tabula quiescit pictor, quum de pretio, agit vt negotiator, vbi cōuenit de pretio, quiescit negotiator, redit ad alia. Hæc sunt propria & per se: quū aliis applicantur per aliud dicuntur: vt pictor negotiatur: & finis huius hominis tabulam perficere. Ergo quo finis poster-

rior

rior est, hoc magis respicit naturam finis. Et tantò est prior, & antiquior proposito, adde etiam maior, & potior. Tum quò quisque prudentior, hoc magis postremos fines cogitatione spectat: nam in ultimum illud intendit aciem mentis, & eò dirigit sua omnia. Contrà pecora id solum intuentur, quod adest, quòdque præsens est, & huc modò tendunt.

In finib' Sed in finibus ab vno ad alium in infinitum non tendi-
non ten- tur in rectum, neque in reflexum: ut alii sint aliorum fines
ditur in numero interminabili. Nam si essent innumerabiles, quo-
infinitū. modo finis gratia quicquam fieret, quod ab agente infinitis
 abesset gradibus? Neq; verò finem huiusmodi vel incitatio-
 ne mentis possemus consequi: media enim distinctione in-
 finita non est in tempore finito à definita celeritate pertran-
 sire. Nec aliquid esset finis extremus, quoniam in innume-
 ris nihil est ultimum: at quum de fine extremo censeantur reli-
 qua, nulla restaret interiectionum finium censura, neq; pre-
 tium: ideo nec optimum quicquam: siquidem optimum est,
 cuius gratia reliqua omnia facimus. Hanc ergo inutilitatem
 & cōfusionem finium meritò natura abhorruit, quæ quum
 ordinatissima est, tum semper ad utilitatem aliquam relata:
 itaque singula rerum naturalium metam aliquam habere cer-
 tam videmus, quam cuique fixit cōditor providentissimus,
 in qua sisteret, inque ea videmus sistere: nec mens nostra in-
 finita separata simul capit, idcirco ad innumerabilia se non
 extendit: quāvis fertur nonnunquam in vnum aliquid, quod
 est infinitum continuum, ut est appetitus infiniti: qualis fuit
 in iis, qui æqualitatem Dei expetiuerunt. Sed fortassis in
 hominibus non est ille vnus appetitus cuncti immentis, sed
 per partes: ut hoc affecutus ad illud transeat, inde in aliud, ex
 quo rursus in aliud, nec vspiciam sistat. At verò in reflexum
 aut circulare infinitorum est noster appetitus non vnus, ve-
 rum ut dicebam modò, multi: quemadmodum si velit quis
 opes ob honorem, hunc propter famam, at famam rursus
 propter opes, ut non singularia videantur sumi, sed formæ
 & rationes: nec tamen miserius est quicquam quàm aliud ex
 alio fieri finem, nec vnquam sistere, semper pendere. Idcir-
 co nihil miserius hac vita, in qua nulla quies est, sed vana o-
 mnia. Vanum enim est quòd intus nihil habet vtile, quod
 proferat, sicut vanæ bullæ, & vanis elusit auenis, & homines
 vani vel de inani mente, vel de verbis, quæ quum videantur
 plena,

Optimū.

Vanum.

plena, vacua sunt. Sic actio rerum contemptibilium vana, velut in puerili lusu. Vanum est etiā quod finem nunquam assequitur: vel quod assequitur quidem, sed minor est, & res ipsa vilior nauata opera: aut ex eo est genere in quo non acquiescimus, sed alium expetimus ex alio: quod arguit leuitatem & vilitatem exitus, vt in se nō detineat, sed tanquam nihil sit actum, ad alia excitet protinus, tanquam priorum semper, pœniteat. Quo sensu Paulus dicit vanitati creaturam omnem esse subditam. Quando quidem nulla videtur esse postrema actionum meta in qua acquiescāt, sed ex aliis in alios irrequietē transitur: aut vtique vilis est ac despicibilis, vt operæ in eo cursu positæ nos pigeat: cuius generis sunt curæ omnes in vita dempta virtute.

In causis tam efficiētibus, quā finalibus cognoscendis, **Causarū** vehementer aberramus ignorantia, & tenebris, & infirmitate nostri ingenii. **cognitio.** Iam author omnium plurimarum notitiam sibi reseruauit vni, vt ne angelis quidem, & beatis illis mentibus communicarit. Sunt omnia quidem exposita, sed mentes nō tantum adferunt lucis, vt peruideant: nec tantum capacitatis, vt possint complecti. Nos verō quoniam experimentis sensuum omnia collegimus, experimenta verō sunt effectus & actionis, sit, vt hinc ad causas peruenerimus: tum vicissim retro à causis ad effectus commeamus. Ex calore intelleximus ignem calfacere: iam vbi ignem videmus, calfacturum eum scimus. Quod hominem aliquem leo deuorarit, animaduertimus eam esse in eo naturam: itaque quum leonem conspeximus, deuoraturū, si quem sit nactus, non ambigimus, atque ea de causā metuemus, ac fugimus. Pluere sæpenumero à meridie comperimus, quum in ortu solis rubicundum sumus cælum intuiti: iam vbi rubet cælum, pluuiam prænuntiamus. In quo tamen frequenter fallimur: putamus enim aliquam esse causam, quia solet euenire, vt si quis decies aut duodecies ineat viam plenilunio, putet forsā aliquis plenilunium esse illius itineris causam. Iam quum duo sint pariter oculis exposita, multi vtram alterius dicant esse causam, ambigunt: vt cū Romuli excessu sol defecit: alii defectum syderis causam dicunt fuisse mortis regis, alii contrā: quum non rarō neutra sit alterius caua, vt in hoc exemplo. Fines quoque ignoratissimi sunt, propterea quod nec nos eadē ingredimur in cognoscendo, qua

natura in operando, nec tam procul progredimur, idcirco eodem non pertingimus: itaque vel citra consistimus, vel abimus in diuersum. Quicquid causa est prioris, existimatur etiam esse causa posterioris: ut persuasio voluntatis, voluntas operis, ergo & persuasio operis: sic author & consultor causa operis, & principium eius & caput. Ergo Deus causa est prima, origo, fons, principium, caput omnium causarum. Et ut nihil gignit se, sed saepe simile, ita nihil est causa sui ipsius, sed similis: ut calor motus, & motus caloris: non eiusdem tamen caloris, sed alterius, nempe aucti, aut diminuti: ut edacitas morbi, & morbus edacitatis, non idem verò morbus, aut eiusdem edacitatis. Consulatum expeto propter honorem, & honorem propter consulatum, non eundem tamen consulatum, sed in speciem. Iam ergo & efficientem causam habemus instructam facultate, & finem qui ad se mouet, sequitur ut sit, quando & ubi fiat actio: neque enim sine loco & tempore exercentur nostrae actiones, nec earum rerum omnium quae mole constant. Nam quicquid sub aliquem sensum venit, extensum est, & in quocunque est ea siue extensio, siue quantitas, est moles, quae materiem illam primam & effectiorem complectitur, eaque si secetur, prodit numerus. Ita numerus potestate in extensione includitur. Extensio vel spectatur per exteriora molis, vel per intima: in exterioribus sunt longum, & latum: in intimis altum, quod idem profundum. Geometra extensiones has separat à mole, id est à corporibus materiae ad tradenda artis suae praecepta: ut quod nulla expansione consideratur, sit punctum: velut sol in caelo, terra in mundo. Quod vna tantum alicunde aliquo, longum vocat, non latum, neque imum, lineam scilicet: ut quas sol suo cursu describit lineas imaginantur duci lapsu notae: ut sole cōficiēte ambitus illos suos. Quod verò duas habet extensiones in eodem plano, nempe in rectum, & transversum, superficiem volunt esse, quasi superiorem faciem: eamque diffundi imaginantur ex transuerso fluxu lineae. Quod verò in profundum descendit, corpus est: quod considerant fieri, si sidat superficies. Quod vna tantum productione spectatur, id longum est, siue in rectum ante nos iaceat, siue in obliquum, ut linea: quod duabus, ex iis altera nempe maior, longitudo est, minor, latitudo. Sin aequales sint, quod in rectum, est longum: quod in transversum, latum.

quare

Quantitas.

Punctum.

Linea.

Superficies.

quare longum & latum ex spectatibus censetur: ut in quadrato, aut circulo: idque in iis quæ similes habent partes: nam quibus sunt dissimiles aliquid naturaliter est longum, aliud latum: sicut aliud inferius, aliud superius, initium, medium, finis. Quorum omnium in nobis sunt exempla, & in quocunque animante: in homine à capite ad pedes longum protenditur, inter brachia seu latera est latum: in stirpibus initium à principio vitæ sumitur, nempe à radice, sicut libri exordium est initium siue apud nos, siue apud Hebræos, quauis diuersa scribendi ratione. Molis atque extensionis nulla est adeo exigua, quæ ex partibus non concreseat, etiam sensum frustrentur: neque enim ex impartibilibus coagmetatur: quod Aristoteles acutè colligit in sexto libro de physico auditu: ut magis mirer Epicurum post illius argumenta opinionem esse completum de atomis. Sed forsitan Aristotelica non legerat, ut contemnebat omnia præ suis. Itaque diuidendæ magnitudinis nullus est modus in re tametsi aliquis est in nostra facultate: nam tenuissimæ quædam minuties non solum manus & instrumenta nostra effugiunt, sed aciem quoque sensuum frustrantur.

Quæsitum est tamen sint ne infecabilia in mole aliqua, De indici-
etiam si non sint partes eius, punctum dico, lineam illatabi- uisibili-
lem, & superficiem sine denso: explicatu quidem haud facile, bus.
sed certè non videtur. Nam qui adducti geometrarum authoritate id censuerunt, falsi sunt ignoracione principiorum illius artis. Non enim vlla dicunt illi esse talia, cogitatione solùm à materia seiungunt. Ideo Aristoteles ait eos non mentiri, quoniã non sic ponunt esse, sed sic se imaginari, in quod mendacium non potest incurrere. Puncta lineam finiunt, non constituunt, lineæ superficiem, hæc corpus. Ergo quisquis secat lineam, quum ex duobus finibus quatuor faciat, etiã duo noua addit puncta, id est profert terminos duarum linearum, quæ prius erat una: qui termini antea latebant: non quod nascantur, sed quod exeant, & se ostendant. Quisquis superficiem partitur, quatuor edit lineas: quisquis corpus, superficies plures. Et sicut nihil est infecibile in extensione, ita nihil immensum siue infinitum, ut finem omnino nullum habeat.

Infinitum duobus modis intelligitur, aut quod nullum Infinitum
penitus habet exitum, aut quod nullum certum, ut linea in circum-
flexa: quomodo infinitum imperium in magistratibus
dicimus nullum omnino habet terminum corpus partiendo,

quod est infinitum, non re ipsa, sed potestate, quæ nunquam sisteret, nec perfici actione vlla posset, particulatim tantum carpitur: neque enim infinitum est re ipsa in natura, non extensione, non numero: sed neque in aliis dici potest infinitum, nisi in quanto molis vel numeri, aut in iis quæ habent se ut talia. Mundum ipsum videmus finitum, quocumque libeat Astrologis cælos conuolui: vnumquodque enim eorū proportionem habet ad terram aliquam. Quod verò proportionem habet ad finitum, esse infinitum æquit. Solus Deus est infinitus illa velut magnitudine viriū, ac durationis, tum etiam aliarum rerum, quas ex operibus illi attribuiamus: de quo post disputabimus. Sunt quædam quæ sine materia & mole expansionis habent quandam similitudinem & proportionem magnitudinis, extensionisque, nempe tempus, & motus.

Tempus. Tempus quid sit, magnis visum est authoribus difficillimum dicere, ut Ciceroni, & Augustino: nec Aristoteles satis explicauit, mensura motus & quietis, quanuis cōgrueret satis. Nos verò imagine quadā exprimamus mēsurā esse durationis & perseverantiæ essentiæ cuiusque rei: quod magis figura quadam adumbratum sit nobis, quā declaratione essentiæ temporis.

Æternitas. Æternitas est quæ tota simul & semper ei adest, qui in illa est tanquam mensura sui, cuiusmodi solus est Deus, unde æternus nominatur, reliquæ enim quæ æterna non sunt, in tēpore dicuntur esse, non in æternitate: quæ tamen comprehendit omnia, non tamen mensura est, cui accommodari quicquam possit non æternum.

Partes tēporis. In tempore est quidem momentū nunc præsens, sed quod fluit continenter, & tanquam labitur. Est præteritum, quod iam effluxit, & abiit in nihilum. Est futurū, quod appropinquat, quod appetit, quod instat atque vrget præsens, ut sibi cedat. Hæ sunt tres partes temporis.

Nunc æternitas. In æternitate est nunc vnum quod semper sistit, fixum atq; immobile, quod hodie existimatur à Psalmista dici: Ego hodie genui te. Sed nos hoc non assequimur. Nostra verò tēpora ex capto, & cōparatione nostrarū rerum Deo accōmodamus: ut quod crearet, quod crearet, quod creabit, quod fuit hoc aut illud agens, quod erit, quod est: quum nullum præteritum, nec futurum

Præsens, illi congruat: ac ne nostrū quidem præsens, & nunc, ut Plato sapien-

sapienter sensit: nam quū nec dum futurum sit, nec iam præteritum, nec nostri quidem præsentis scias statuere, quid sit: alii præsens latius capiunt, quā alii, prout sunt mente ampla. Deus quidem totam æternitatem: inter nos autē, alii magis, alii minus: bestię exiguū admodum. Sed de nostro, quū ex partibus constet, quantumcunq; sit minutū, quoniā certē extensum est, nemo facile dixerit, quæ pars re vera sit: quippe illius aliqua iam præterit, alia nondum est. Quocirca nec hoc quidem nostrū nunc satis competit Deo. Nec aliud verē esse dicitur: nam nos nō sumus, & ex natura nostra, cui semper admista est mors, & ex tēpore, in quo velut torrēte quodam rapimur, quod nunquā est, cuius etiam præsentis aliud iam abierit, aliud nondum venerit. Huius est nature tempus omne fluxum, & caducū, quantumcunq; prorogetur, etiam si in infinitum, quod in mentibus sit nunquā perituris: quæ quidem perpetuæ sunt, æternæ non sunt: quoniā illis prius est, & posterius: quod ab æternitate est alienum. Sempiternæ utiq; dicuntur, atq; etiam quadantenus æternæ: quod parte quadam fruuntur æternitatis in illa felicitate deinceps sequuturæ. Sed intelligātur modò, quæ dicimus: verbis vnusquisq; vtetur arbitratu suo. Ergo tēpus nostrū de æternitate expressum est, & nostrum sectile de illo insectili, sed vt fax ē puro: & eam ob causam tam dissimile: non propter id vnde exprimitur, sed propter id, in quod recipitur, quod statim deprauat, & corrūpit illud purissimū, quod in se accipit, applicant se tamen insectili illi æternitati partes nostri tēporis per illam fixam transeuntis, nō dissimiliter, atq; ad terrā partes cæli circūacti, quo sensu fuisse & fore accomodamus Deo.

Sed in nostro tempore est quiddam, quod in infinitum dilatatur, vt ratio huius mensuræ triplex sit, immensæ antē, ac post: immensæ in sequens modò, definitæ vtrique: quarta porro est nulla: nam quod exordium nunquā habuit, nec habere potest exitum. Quænam enim existere potest noua interitus causa, quæ in infinito tēpore nulla fuerit? Et quoniam rectum mensura est optima sui & prauū, ordinatum inordinati, neque aliter prauum atque inordinatum depræhendetur, quā ex collatione ordinati ac recti, idcirco nostra omnia tempora ad motus cælorum referimus, qui ordinem admirabilem obtinent.

Temporis partes aliæ sunt essentielles, vt futurum, præte- Tempore.

ris diui- ritum, momentum, punctum, hora, dies, pro spatio quo Sol
sio. circumagitur. mentis, annus. Nunc verò, & tunc nostrę sunt
indicationis. Accedentium sunt vel ex rebus quę in tempore
naturaliter dies, nox, hyems, æstas, pueritia, iuuenta, seculū.
Illa autem pluuiosum, serenum, non sunt iam partes tempo-
ris, sed habitus illius quidam. Nostra tempora sunt quę ad
actiones atque opera hominum pertinent, lectus dies, profes-
sus, lementis, vindemia: in quo est occasio rerum agendarū:
id est in quo solet, aut potest commodē, aut debet, aut oportet
aliquid fieri, vel non fieri: sicut loqui, tacere, mouere se,
aut quiescere. Occasio est enim aptissimum ad aliquid agen-
dum tempus. Actionis cessatio sub actione sit nobis in
proposito conclusa: vt tacere, & quiescere: quę referuntur ad
priuationem huius actionis magis, quàm ad negationē vni-
uersalem, nam in negatione nō est simpliciter occasio: quip-
pe infinitē patet, & plurimarum rerum genera includit. Oc-
casio etiam tempus nominatur, vt à Græcis *καιρός*. Occasio
ad nos spectat, & ex ratione rerum sumitur: nam idem tem-
pus huic est occasio, illi non est. Et quemadmodum res sunt
in tempore, ita etiam in loco.

Occasio.

In alio
esse.

In alio esse dicimus, quod ab eo compræhenditur: modus
enim imaginationis nostrę est vt maius & capacius videatur
esse, in quo quid est, quàm id ipsum quod inest in alio:
tamen si re vera non sit: quippe crebrò vel par est, vel etiā ma-
ius. Quibus modis esse dicatur aliquid in alio, infinitū esset
persequi, non solum in varietate linguarum, quarum cuique
est sua loquendi proprietas, sed vel in vna quapiam propter
tropicas dicendi formulas. Sed nos ex lingua Latina, & Grę-
ca quardam consignabimus ad intelligentiā philosophiæ, ac
vitæ. Est aliquid in alio quati intra illud, vt vinum in dolio,
cor & renes in corpore: vnde reliquę oriuntur rationes eo-
rum, quę inesse dicuntur. Sic condita omnia insunt in tēpo-
re: quod tempus imaginamur velut extensum supra mun-
dum vniuersum, non aliter quàm cælum: nam quomodo re-
vera simus in tēpore, nemo facile eloquetur. Est aliud in ali-
quo quati illi applicitū, siue adhaerens, vt homines in area, in
terra, in naui, in lecto modo quodā tūc in tēpore. Est aliquid in
alio cuius maxima pars ab eo tegitur, aut potissima: vt ho-
mo in pallio, vel thorace: in quo valde indulget sibi mos lo-
quēdi cōmunis, vt etiā homo dicatur esse in pallio, quum so-
lum

lum regitur dorsum & caput in pileolo, quo vix operitur summus vertex: in iis etiā quæ cingūt aut redimiunt, vt corpus in zona, & caput in diademate, ac tertis. Sunt aliqua in aliis, quum corū essentia est in illis, velut inhærēs in substantia, anima in corpore, Deus pater in Deo filio, & hic in illo. Est in alio cuius producendi potestas est in illo, sicut fruges & arbores in seminibus, in patre filius, atq; etiā nepos: quēadmodum Paulus dicit in lumbis Abraham fuisse Leui, quum ei occurreret Melchisedec rex Salem. Hoc modo in pictore est pictura nondum edita: in Deo mundus est, & omne opus in authore, prius quàm proferatur. Similitudo quæ reddit ferè idem, etiā efficit vt similia inter se alia in aliis censèantur esse, vt pater in filio, amicus in amico. Nam etiam eadem inesse mutuò censentur, vt puer in viro, & consul prior in posteriore, & ciuitas quæ fuit ab hinc mille annos in hac quæ nūc est, successionē sunt hæc eadē vt ostendemus. Est in alio, quod ab eo tanquā generali cōprehenditur, vt homo in animali, brachiū in corpore. Generale etiā per distributionē in iis est, quæ cōprehendit, vniuersale in singulis, totū in cunctis, vt animal in homine, homo in societate, corpus in suis mēbris vniuersis. Trāsfertur aliquid ad suas vires, tūc in eo esse dicitur, in quo suæ vires tanquā regnū in rege. In etiam pro potētia sumitur, vt hoc eodē loco, & quū sic effamur, hō esse in honorato honorē, sed in honorāte, quod ex Græcitate ducitur. Transfertur animans ad animi cogitatū, atq; intentionē, quo modo dicitur esse in eo, quod agit, & in quod intentus est, sicut sapiens magistratus in cōstitutione reipublicæ, theologus in contēplatione pietatis. Finis huc pertinet, in quo sita sunt cuiq; media, & instrumēta: vt auaro omnia sunt in pecunia. Sapienti autem in se ipso collocata.

In pro po-
tentia.

Intra quod quicque continetur locus est illius, vt cubiculum hoc locus meus, & domus in qua est cubiculum, & hæc vrbs, & aer, & cælum, quo cuncta continentur. Sed citimus cuiusque rei, ac proprius locus, qui circūdat illud proximē, non aliud: quod mathematicè est intelligendum consideratione corporis tāquam superficiē, quā dense volet quis, modò sub ratione solum lati atque ambientis: moueturque id comprahēdens ad motum comprahēsi, non aliter: quod à nobis additur in gratiam communis sermonis, qui mutatum non dicit locum, etiam si re vera corpus circumseprens

Locus,

mutetur: vt ædes hæ non protinus mutantur, quòd subinde circa eas nouus aër succedat, qui cum vento diffatur. Quocirca locus non tam rationem habet corporis, quàm comprehensionis, quod quidem ad motum attinet, relatæ ad fixum aliquod: vt si exempli causa ea cõprehensio eodem situ est ad immotum parietem, quo erat prius, locus non censetur mutatus. Potest nonnunquam considerari substantia corporis continentis, vt corpus: tunc verò non mutata comprehensionis collatione ad immobile mutatus dicitur locus: vt quum vinum eodem positu in apotheca de dolio in seriam transuafatum est, in quo nec deessent, qui mutatum quidem vas dicerent, locum non dicerent: vas enim corporis habet rationem, locus superficiei. Assignauit natura vnicuique rei locum ingenio ipsius aptum, & pròinde conseruationi: vt nobis aërem, aquam piscibus, aquæ superficiem terræ, aëri supra terrâ & aquam, grauibz mundi medium, leuibz extremum: qui loci quod à natura distributi sunt, naturales nominantur. Locus ille in ciuili sermone pro statu rerum, non est huius instituti, neque pro existimatione, & vice, vt loco fratris.

Loco attributa. In loco quædam sunt partes, quædam positis, alia inhærentia. Partes sunt, quæ naturæ constant ordine sursum, deorsum, antè, & pone. Positis verò, quæ relatione ad aliquid positum, vt dextrum, sinistrum, hic, isthic, illhic, quæ ad collationem nostram pertinent. In rotundo locus medius est semper infimus, circuitus est superior: sic in mundo cælum sub nobis superius est terra, licet nobis videatur esse inferius. Fiunt sæpe ex partibus positiones, vt loci quarundam rerum consideratione ac respectu anteriores reddantur posteriores, inferni superni, sicut dextri ac sinistri. Inhærentium numero reponuntur nomina partium loci, quæ ex corporibus ambientibus sumuntur, cælum, aër, aqua, terra. Hinc terræ partes, Italia, Hispania, Gallia, tum aquæ, hoc fretum, pelagus, portus. Accipiunt & aër & cælum terræ nuncupationes, vt hæc auis volat in Hispania, hesperus lucet in Italia, duo soles apparuerunt in Græcia. Remotiora sunt ab loci essentia adiuncta illa, locus latus, angustus, planus, montosus, saluber, maritimus. Ex nobis sunt desertus, celebris, honestus, pudendus, sacer, prophanus, forum, templum, quæ nos facimus. Ergo in quibus antè & retro,

tro, in eisdem prius ac posterius, nempe in tempore, & loco. In tempore alia ordine ipso temporis, vt vetustiora sunt priora, alia nostro ordine, nam interdū propinquiora nobis dicimus priora, & vetustiora propinquiora, quemadmodum antiquiora vocantur vltima. Naturæ sunt priora tempore, quæ illius cursu alia antecedunt: vt Deus primus, & simplicia priora compositis, & partes toto, & cor cæteris membris, & genitis gignentia, & causæ effectis: denique vnde quid nascitur, & sine quo aliud non possit esse, quum illud esse possit sine eo. In loco prius positionis ordine, vt omne principium prius medio, & caput prius pedibus: prius nostro ordine, vt honoratius in honorato est prius: & locus medius apud alios primus, apud alios non item. Ad hunc modum dignissima sunt cæteris priora, vt prior cōsul quàm prætor, & hic quàm quæstor: prior homo quàm bellua, effectio quàm materies. Ideo etiam antiquiora nominantur meliora translatione à loco ad tempus, & quos habemus charissimos vel coniunctos sanguine, aut aliqua necessitudine, priores sunt aliis, vt patri filius prior quàm frater, loco scilicet & ordinatione affectus. Est etiam prius loco naturæ ordine, vt quod illa posuit principium in quaque re: velut in homine caput, radix in arbore: & quod est ei charius, vt quisquis sibi, & propria quàm aliena. Eiusdem rationis ac modi quod illi præstātius, vt Deus, quàm res conditæ, & finis quàm instrumenta, & res vera, quàm simulata, & totum parte, & cælestia terrestribus, & vt verbo vno concludam, ea quæ sunt mundo potiora.

Sed res spiritales in quo sint loco, & quemadmodum, non est explanare promptum. Illæ verò nec nusquam sunt, quare necesse est esse alicubi, sed non ita sunt in loco, quemadmodum corpora, vt superficies aut corpus essentiam earum circumsepiat: quòdque intra huiusmodi corpus relinquitur, illæ impleant, futurum aliòqui vacuum. Nec possum aptius declarare qua ratione spiritus sint in loco, quàm si eos ita esse in eo dixerim, vt nos in tempore. Est ergo spiritus essentia in loco, nam nō vbique: limites verò loci illius operatio eius exterior determinabit, quæ quàm latè se porrigat, tam præsens esse angeli essentia iudicetur. Quocirca quū mens nostra corpore quanto inclusa quanta solum possit imagine animi cōcipere, de loco operationis spirituum vtcunque

Locus spirituum.

possumus dicere, de loco præsentia nullo modo.

**Immen-
sitas.**

Sed quid dicemus de immensitate Dei, quæ capit, & quod est, & quod non est? Pauca utique, magis ut testemur nos non capere, quam ut confidamus posse definire. Sicut ex æternitate defluit tempus impurum ex impuro, diuisibile ex indiuisibili, ita ex immensitate locus: immensitas enim est præsentia tota ubique simul. Et non aliter quam ex infirmitate nostri iudicii Deus dicitur esse in tempore, ita etiam in loco: similiter enim se habent ad Deum locus & tempus. Quocir-

**Hic im-
mensitatis.**

ca quæ de æternitate sunt nobis ad tempus dicta, immensitati ad locum possunt aptari. Aeternitas mensura est immensurabilis infinita infiniti: immensitas locus est immensi, & illud hic vnum est atque idem per quicquid est in mundo, & extra mundum, quod nos non capimus, nempe mundani. Deus tamen non minus illi hic est extra mundum, quam extra nostrum tempus. Et applicat se hic noster locus per partes immenso illi sine partibus: quomodo Deum dicimus esse in hoc aut illo loco, haud multum aliter quam humanam animam in toto corpore, & in quacunque eius parte. Sed assensus iste arduus admodum est humanis ingeniis: quare ad alia transeundum.

Vacuum.

In disputatione de loco percommode quæsitum est à philosophis sit ne vacuum alicubi in mundo. De vacuo variè homines loquuntur. Vulgus vacuum appellat in quo nihil est solidi: ut mediū hoc, quod idcirco inane nominat: ex qua loquendi ratione Epicuræi sunt falsi. Alio modo quum non inest quo debet, aut solet impleri, ut vacuū caput, in quo nihil prudentiæ: & vacuū pectus, in quo non est cor: crumena sine numis vacua: vrbs vacua, in qua non sunt homines, & si crebræ pecudes: vacuus folliculus, quum non tumet vento. Est vacuum locus in quo nihil est omnino: qua intelligentia loquuntur philosophi, ut nullū sit in hac rerum natura vacuū. Quid sit extra cælum, norunt calites. In hac certè cuncta finxit Deus conferta corporibus, nihil inane, aut vacans: ut hic mundus similis esset authori suo, in quo plena sunt omnia, nihil otiosum, aut vacuum. Nam quod maximè videri posset vacuum, medium hoc expletum cernimus aëre: aërem verò substantiæ lubricæ esse voluit, & subtilem, ut facile quauis penetraret, ac repleret: aliisq; discedentibus corporibus, ipse succederet. Et vniuersitatis naturam vacuum ab-
horre

horre argumēto sunt peculiāres naturæ, quæ illi communi seruiunt. Atqui in contrarium seruntur hæ sui plarum, contra nutus suos agunt. atq. ingenia, ne vel temporis momentum aliquid existat vacuum. Sic aquam videre licet calamo aut fistula attractam sursum ascendere, & cucurbitam irroratoriam quæ subtus est multiforacilis, continere aquam superiore foramine obstruso: nec dolium quum perterebratur, vinum effundere, nisi aperiatur prius aliquod æris spiraculum, magno documento hominum vt priuata cōmoda publicis postponent. Plana etiā se contingentia vi diuelluntur, donec aer subeat, ne sit vacuum. Lucretius Epicurus argumenta quædam colligit, quibus concludere se autumat esse vacuum, scilicet, quod nisi id esset, nihil vel moueri posset in pleno, vel ali atque augeri, refertis & constipatis meatibus: imò ob ea ipsa nihil est vacuū: nam nec vllus esset motus in vacuo, sed subita & momentanea à loco in locum migratio: nec alimentum reciperetur sentim in venas: sed puncto temporis cuncta peruaderet: quod nutrimento & auctibus esset inimicissimum. Omitto alia eiusdem magis quàm hæc sunt, ridicula. Quid quod omnis naturæ mutatio per ocultos fit & fallentes transitus, ab hyeme in ver, ab hoc in æstatem, tum in autumnum, rursus in hyemem: à die in vesp̄um, à vesp̄o in noctem, ab hac in auroram & diem. Idē est cursus in hominum ætatibus, vt nihil lacunosum, vel hiās relinquitur: quæ aperte plena esse omnia loquuntur.

Prius quàm de motu dissero, addam quæ de quantitate restant dicenda, quæ etiam ad actionis cognitionem facient, Ea in quibus est quantitas habent partem, & totum. *Pars.* Pars est, quæ cum alio vel aliis facit aliud. Pars omnis in iis est, in quibus sunt multa & pauca. Et quauis in mole continua sint partes, nihilo secus tamen partis nomen magis ad quantitatem numeri vergit: nam quum partes in corpore signantur congregatio efficitur, id est numerus. Sed partes necesse est congruenti quodam spatio esse coniunctas, coniunctæ non possunt nimis esse. Nam quid tandem excogitari potest materia & effectione coniunctius? Dissungi verò vsque eo possunt vt ampliùs non dicantur partes: velut si populus ciuitatis sit valde dispersus. Prima coniunctio est materiæ, & effectione, proxima inherētis: nam effectio insinuata est per materiæ intima; inherens autem extrema potius

potius materiæ videtur attingere, quàm penitiora: quemadmodum est à nobis paulò antè declaratum Sed certè eius est secunda coniunctio: hæ dicuntur partes essentiæ huius vel talis: quæ sequuntur et si essentiam rei construunt, tamen partes vocantur quantitatis: nam magis ex congregatione rerum iam absolutarum inter se, aut extensione vniuscuiusq; rei sumuntur, quàm ex illa complicatione materiæ, ac speciei, vnde rei essentia conflatur. Itaque tertia coniunctio est eorum quæ iam quidem ex materia constant, & effectione, vel forma, ita sunt tamen vel apta inter se, vel connexa, vt nō coniuncta videantur, sed res vnius tenoris, & tanquam alia videatur ex alia nasci, quæ vulgo continuant nominantur, nos vnita nominemus: hæc non est simplex: nam alia non est cōnexa omnino, sed aptata, vt quæ nullo penitus medio, sed per se ipsas congruentia vnius ad alterum ita committuntur, vt vnus sit tenor non solum rei, verum & nominū quoque: sic aqua, aër, os, nervus, & cætera huiusmodi habēt partes, quæ à Græcis *ὁμοιωτές* nuncupantur, quasi eiusdem naturæ cognatæ germanæ: nam vna quæque pars extensionis aquæ est aqua, non autem essentiæ: neque enim materia est aqua. Alię distant inter se & formis inhærentium, & facie ac figura: ideo nominibus quoque, vt caput, brachium, manus: tum inter se caro, os nerui, cortex, rami, folia, flores, fructus, idcirco indigent copula, quæ talis est in eis, qualis in mundo: quæ ex iis quæ compingit, & se ipsa vnum faciat, naturam vtriusque retinens, non formæ appellatione, sed ingenio rei: vt cartilago quæ à carne est caro, & sit sensum os, vsq; ad os: ab hoc incipiens est os, & paulatim in carnem definit. Omnia viuientia & artificialia penè habent huius generis partes quas Græci vocāt *ἰσποριωτές*, quasi dissimilares: quæ vocentur à nobis membra: ipsa verò quæ priores partes habent: dicantur *ὀμοιομερῆς*: quæ posteriores, *ἰσποιομερῆς*. quasi vni-partia & vari-partia. In iis inhærentibus, quæ crescunt, quæque minuuntur, auctus illi & diminutiones tanquam eorum partes à nobis considerantur: ita enim parua est ira, quæ quasi paucas & exiguas partes, magna quæ contrà, & sunt *ὀμοιομερῆς* ad hunc modum nigritia, prudentia. Sunt quædam artificialia, quæ habent partes dissimilares, vt grammatica: non enim vnaquæque grammaticæ pars est grammatica. Quarta coniunctio eorum quæ attingunt se tantum, quæ sunt

sunt vel applicita, vt cùm tabulæ compinguntur, quæ commissæ nominantur: vel connexa, vt in fune, in textura, in nodatione. In hoc reponuntur genere, quæ coniunguntur quidem, sed glutino, quod non respicit vtriusque naturam: quæ omnia vocantur contigua: sic domus habet partes contiguas, & liber folia. Fit tamen vt illud glutinum procedente tempore in naturam eorum, quæ conuincit, vertatur: sicut calx in lapidem: tum ex contiguis fit corpus vnitatis. Huius sunt generis quæ miscentur, aqua & vinum, tum pharmaca quousque fiant vnum. Quinta coniunctio est eorum, quæ certis quibusdam interuallis congregata quiddam efficiunt, vt grana aceruum, ligna struem, homines populum, & ciuitatem, nisi quis ciuitatem censeat non tam conuentu intra eadem mœnia, quàm eodem iure, officio, magistratu, vt in bello ciuili Pompeiano, de quo non laboro, verba & sermo in hoc genus cadit: neque enim quantuncunque separata grana facient aceruum, nec homines populum, nec literæ verbum, nec verba orationem, nec domus ciuitatem, nec milites exercitum. Hoc modo omnia quæ sunt in mundo, efficiunt mundum. Sed numerus interdum est naturæ ac rei, interdum nostræ cogitationis. Sic quatuor reges quantumcunque separati, coniunguntur à nobis mente, quum reges computamus, & numerum reddunt. Est & alia coniunctio spirituum, maior multò, quàm quæuis corporum, etiam eorum, quæ vnita sunt: quum scilicet spiritus nexu suo deuinciuntur, qui est amor: sicut duorum amicorum animi coherent, & vnum fiunt.

Quod constat ex partibus, totum est. Sed nec simpliciter totum dicitur, nam totum vel refertur ad minora, vel ad se, vel ad maius. Ad minora nempe ad partes totum est: quicquid conficit pars cum alio, id est, quicquid partem illam capit: vt ad manum & homo est totum, & brachium. Sin ad se, totum est quod constat ex omnibus suis partibus, ex quibus pro natura speciei solet constare: & hoc vocatur integrum. Cui opponitur diminutum, seu truncatum: quum aliquid deest formæ illi à natura tributum, quæ mutilatio non est si-
 ta in paruo & magno, sed in congregatione partium, quas illa species naturæ munere accepit: quare in membris est mutilatio, non in partibus germanis: non enim diminuta est manus, si sit parua, aut brachium exiguum, cæterum si desic

Totum.

Integrū
Diminu-
tum.

vnus

vnus ex quinque digitis: nec ciuitas est imminuta, si vnus aliquis priuatus moriatur: neque singuli homines partes sunt ciuitati à natura tributæ, id est rationi & essentiæ ciuitatis, sed si non sint magistratus, aut publicum consilium, aut plebes. Et quanquam omnis detruncatio singulorum est, quandoquidem detruncari, ac diminui formæ non solent, tamen est alia diminutio huius in nomine speciei, & alia in re singulari. Manus hæc si pars minusculi digiti decidatur, non est manus diminuta, est tamen hæc manus diminuta: vt non sit iam quæ prius. Est quum totum refertur ad maius, ita totum est, quod alterius pars non est: difficile inuentu, quod non sit pars alicuius. Nam ad summum vnaquæque res est pars mundi. Sed vt consideramus, ita exprimimus: velut si quis de ciuitate nihil cogitet, vnum hominem dicet totum, sin cogitet, huius erit pars. Ergo totum quod de partibus sumitur, aut est ex complexu, aut ex vnitæte, aut commissione, aut connexionẽ, aut innodatione, aut copula, aut mistione, aut congregatione: omnes ferè eiusmodi habet corpus animantis, nempe materiam simplicissimam, effectiõnem, inhaerentia, caput, & truncum, nodos in spina, & annulos in collo, connexionem intestinorum, colligationẽ neruorum, atque ossium, sanguinem, mistionem humorum, & quasi congeriem partium. Ex partibus sunt quædam ad solam quantitatem spectantia omni seclusa mole: vt quæ sunt mathematica, angulus, palmus, vlna, hæc enim extra materiam omnem intelligimus, alia inter se collationem dicunt quantitatis: vt quæ sub comparationem eunt maioris ac minoris simplum, duplum, dimidium sesquialterum: quarum hæc ad numerum magis se applicant, ille ad extensionem. Et quædam rei partes eam habent in toto dignitatem, vt sine illis totum nõ queat conseruari: quale est in homine caput: & in omni animante cor, aut quod est cordis vice. Aliæ sunt inferioris dignitatis, quibus remotis, et si id totum quod erat antea, non maneret, quod restaret tamen nomen obtineret prioris essentiæ, ac formæ: vt si homini abscinderetur digitus, homo remaneret: & ciuitas vno quolibet priuato moriente.

An pars
hominis
homo.

Ventilata est quæstio inter captiones disputantium, an partes aliquæ animati eodem censcantur nomine, quo totum: vt brachium hominis animal sit, & homo: nam in quo dicun

dicunt inesse animam, & quidem rationabilem, id verò ius esse aiunt & animal, & hominem vocari. Sed enimvero quæ partes animalis, si essent ab aliis relectæ, animal conficerent, eis liceat nomen idem competere: vt reliquum corpus digito, aut manu dempta: in cæteras appellatio totius non competat, sicut in brachium, vel crus: neque verò corpora sunt animata, id est, animam habentia ceu effectiōnem, etsi vim animæ sentiant: nam animatum id demum placet esse, in quo anima est effectio. Sit tanè in hominis brachio rationalis anima, vt præsens, non tamen vt forma seu effectio, & tanquam artifex: videlicet quod alicubi apta instrumenta non habet, id in eo artifex esse & effectio non potest: quo circa corpus necessariis instrumentis ornatum, quod organicum dicitur, id solum est corpus animæ, id est, in quo animæ licet actionibus suis fungi: nec aliud verè animari dicitur, non magis quàm si in saxo poneretur hominis anima. Neque enim præsentia est animatio, sed exercitium operationum. Reuertamur iam ad compositum quod ex partibus diximus coagmentari. **Simplex** & vnicum est ens, quod partes habet omnino nullas, tanquam angelus, & quo quicque pauciores habet partes, minúsque inter se dissimiles, hoc est simplicius, & magis vniusmodi: velut aqua, vel charta, quàm homo, & arbor. Simplex etiam est cui nihil est additum aliud à ratione suæ essentia: quomodo solus Deus est simplex: nam quicquid in eo consideratur esse, de natura est ac ratione diuinitatis: qua mente ne angeli quidè sunt simplices: nam eis bonitatem & intellectus plurimarum rerum addimus, quæ de natura ipsorum non sunt: accedunt, recedunt, minuuntur, crescunt. Sed nos Deum vocemus simplicissimum & vniusmodi, angelos, & mentes nostras, simplices, ac immistas. Verùm vnaquæque res sicut similitudine quadã Dei est, ita similitudine illius intra se est reducta: vt substantiam suam, & essentiam in se complectatur, ac contineat, ab aliis seclusa: nec alienas essentias in suam admittat: alienas voco, quæcunque ad illius absolutionem non pertinent, vt ea sit vel hoc, vel tale. Idcirco vnaquæque quamlibet misceatur ex variis, vnum est ens quemadmodum Deus vnum est: nam etsi vnum non sit simplicitate essentia, vt angelus, nec complexu partium essentialium vt corpus & anima, nec vnione vt charta, vel stirps nec connectione

Simplex.

Vnum.

nectione vt pannus, nec conglutinatione vt paries, inueniet nihilominus formam vnius aliquam, qua se vnitati vendicet nempe in modum vel acerui, vel struis, vel cœtus. Et quæ sunt rationes partium ac totius, eadẽ sunt vnius etiã: quocirca sicut vnaquæque res est vna, & author rerum vnus, ita opus illius quod capit vniuersa vnum est: vnus mundus, & vnum in eo humanũ genus, & vnus Dei filius Christus vnius humani generis collapsi magister, instaurator, seruator.

**Vnus mû
dus.**

Motus.

Sequitur vt dicamus de motu, quem Aristoteles facit quadruplicẽ, à loco in locum oppositum: ab ortu ad interitum, vel contrariã: ab adiuncto ad adiunctum maius, minus, aduersum: vel à remotione adiuncti ad adiunctum, aut vice versa: à magnitudine maiore ad minorem, aut ab hac ad illã. Primus est translatio: secundus generatio, si ad hanc tendit, vel corruptio si ad eam: tertius variatio quam ille *ἐπιπόρευσις* nominat, vulgo alterationem vertunt: quartus incrementum, si ad maius itur, diminutio si ad minus: vt motum in genere diffiniri liceat transitum, siue mutationem ab hoc in illud. Ita omnis actio atque operatio erit motus, tanquam transirus ab eo vnde proficiscitur actio, ad id quò intendit. Sic angeli dicantur moueri, quum quid agunt: & animi nostri non solum in illis tumultibus, & tempestatibus affectionum, sed in cogitatione etiam & placida intelligentia, sicut Platoni visum est: de quo à nobis alibi disputabitur. Ita motus est transitus entis ad id consequendum re, quod habet potestate: quocirca Deus non mouetur, quando nihil ei nouum potest accedere.

**Deus im-
mobilis.**

Quies.

Quies absentia est seu priuatio motus, quemadmodum tenebræ lucis, silentium soni: ita quot modis dicitur motus, totidem quies. Iam quæ mouetur, alia mouetur per se, alia ad motum alterius, alia vtroque motu. Per se mouetur homo, quum ingreditur: ad motum alterius, quum gestatur: ambobus modis, quum in naui satagit per tempestatem. Motus in rebus spiritalibus quã fiat, nemo facile dixerit. In mobilibus verò per medium est ab extremo ad extremum, id est à principio ad finem illius: nec vnquam simul est in toto, aliqui momento temporis idem esset in duobus locis, nempe in exordio, & termino. Ad hoc si in medio nactum esset finem, ibi sisteret: itaque foret finis motus in medio: nec iam id esset medium, sed extremum: quod in infinitum restitingeretur,

tur, vt quæcunque essent media, fierent metæ. Neque actiones mentium nostrarum aut angelorum expertes sunt temporis: omnes enim rerum conditarum actiones tempus metitur, sicut diuinas æternitas: quare tantum intelligitur esse de motu & actione in præsens, quantum de tempore: & quando tempus mensura est motus, ideo celeritatem quoque; motus tempus definit, vt quod plus spatii cōfecerit in pari tempore, & sic proportionem temporis ad spatium peractum, celerius existimetur motum: & in spiritalibus quod parem actionem, vel opus actionis minore tempore absoluerit, citius dicatur moueri: quapropter admirabiles sunt rerum spiritalium concitationes, ac celeritates: conferuntur inter se, vt alia ingenia aliis dicantur magis cita, & actiuosa, nempe quæ idem velocius assequuntur, aut maiora pari tempore. In angelis magis dixerimus rapidissimos esse impetus, quàm motus: expeditissimè enim quicquid instituerunt, perficiunt. Motus ad eundem cōsideratur modum, quo lineæ: quarum aliæ sunt directæ à puncto in punctum breuissimæ: aliæ ambagiosæ vel incuruæ: quæ quum ita se in seipsas reflectunt, vt punctum extremum attingat primum, fiunt circuli: & sicut linea curua vna est, linea fracta nō est vna, ita curuus aut orbicularis motus vnus est: sin rumpatur, fiunt multi. Rumpitur motus morula atque interstitio. Quod si progrediatur vterius semper ad oram ei contrariam, vnde primum exiuit, motus sunt recti: sin versus eandem reuertatur vnde venerat, reflexi, seu reciproci: siue id pereadem lineam directam fiat, aut per aliam curuam ad idem punctum, siue per aliam omnino lineam ad aliud punctum in eandem regionem vergens, altius, depressius, par: vt ab a ad b, à b in a, vel in c, in his figuris quinque: quæ non solum cōtingunt in translatione molis, quum ea locum mutat, sed in omni actione spiritus, ac corporis. Porro quod inter eos transitus intercedat cessatio aliqua, quum docet ratio, tum sensu in plerisque percipimus. Nam res omnis vel mouetur naturaliter, vel vi: si naturaliter, nacta igitur finem suum quiescet: sin vi, ergo inter finem violentiæ, & initium pronitatis naturæ aliquam ponet intercapedinem, dum violentia flaccescat, & natura se exerat: quemadmodum in lapide sursum iacto. Neque ex motu violento & naturali vnus motus fiet eodem tenore vnitus: etiam in quibus vis altera subito excipit,

B B
ID

A A

B

N
A C

B

B
M M
C A

A C

GG

ac retorquet, aliquid est interstitii, etsi minus ad depræhendendum expositi, quo prior vis delassata, posteriori nouæ, ac vigenti concedit: in quo est pugna, & contentio, quæ in momento temporis indiuiduo nō transigitur, tempore aliquo est opus breuissimo quidem ad actionem celerrimam, sed diuiduo tamen. Sunt in quibus sensu ipso quietem annotamus, vt in sagitta sursum iacta, quæ se in momento quo deorsum retroagit, cessat paulisper, ac nouum motum exorditur: idem in actionibus, & passionibus principum qualitatum corporis, idem in omni incremento ac decremento naturæ licet depræhendere, vt in tempore, in æstu Oceani, in animantibus: idem in ipsis naturis spiritualibus, videlicet in cogitatibus nostri animi. Motus rectus nō potest esse infinitus, vnus, continuus: quoniam infinito esset opus spatio, in quo se extenderet, quale nullum est vsquam: circularis infinitus esse potest, quoniam in eodem spatio posset continuari quamlibet angustæ, modò à vi aliqua, & potentia indefatigabili sustineretur. Idcirco motus eiusmodi attributus est cælo, vt diurnus esse possit: nec pausam vllam interponit vnquam, quoniam ita est ex vsu naturæ. Et sicut magnitudinibus quosdā affingimus limites, in corpore superficies, in his lineamenta, in lineamentis notas, seu puncta, & hos omnes ratione quadam insectili quatenus sunt termini: sic in tempore quædam cōsideramus puncta, quæ ab Aristotele vocantur *τὰ νῦν*, eaque velut initia sunt & fines, non partes temporis, eius dico quod nos partimur, nam ipsum in natura vnum est perpetuum, nec interstitit. In motu etiam quædam interualla & quasi puncta imaginamur, quibus non aliter motum dissecamus, quàm tempus: eaque Aristoteles appellat *κινήματα*, mutata vulgo nominantur. Et quum actio omnis motus sit ab aliquo in aliud, opus est ad eam mouente ad initium, & mouente ad exitum: ad initium mouet finis destinatus, ab initio verò ad calcem ducit efficiens: finis est in voluntate, efficiens in viribus. Hac temperatione atque harmonia, connexuit Deus omnia: nam & vtrunque tam finis, quàm efficiens in exordio, & medio operantur: efficiens explicatione virium, finis incitatione atque stimulatione: desiderium enim finis detinet agens in opere: scitè Horatius, Animum, spe finis dura ferentem. Nam in quibus delectatio detinet, ea ipsa

Ipsa delectatio est finis. Quocirca duo sunt in actionem Duo ne-
 necessaria, velle & posse: hoc est virium, illud finis. Vo- cessaria
 luntas in iis, quæ mente, iudicio, consilio sunt prædita, li- ad actio-
 bera est: nanque hac gratia attributi sunt ei illi velut consul- nem.
 tores, vt quid factu videatur optimum, cum eis consultet, ac
 deliberet: reliqua tantum habent instigationem quandam,
 & tacitum naturæ calcar, quo sine deliberatione agitantur,
 atque impelluntur: nec possunt retrouertere, nisi cum vi
 maiore repelluntur, vt quum ignis feruor circumfuso fri-
 gore impeditur: & auiditas cibi in cane metu fustis retarda-
 tur: in quo naturæ vires diuersæ inter se pugnant: tam enim
 fertur brutum naturæ impulsu, quàm res inanima: itaque
 consilio non est opus, vbi nõ consultatur: stimulo est opus
 intimo, & saluari illi, in quo est. In potentia seu facultate Vires.
 sunt agentis vires, quæ considerantur aliæ: ex dantis mune-
 re: hæ sunt effectiõni, aut cuiunque formæ ingenitæ, vel
 aliunde inditæ: pars sunt acquisitæ, vt artes hominum: Sunt
 violenter obtrusæ, atque impressæ, sicut calor in aqua feruē
 facta. In partem virium venit instrumentum, quod vires Instru-
 adiuuat: vt manus, vel gladius. Quod si instrumentum mentum.
 accommodum non sit, impedimentum est, non instrumen-
 tum: vt inualidum puerum graui & inhabili ense armari.
 Censentur vires vel ex loco, & tanquam sede, vel ex opere.
 Ex loco, nam aliæ sunt spirituales in spiritibus, vt in animis
 nostris vis ingenii ac memoriæ: aliæ corporales in corpori-
 bus: ex quibus nonnullæ sunt in insensibilibus, aliæ in ani-
 mantibus, quædam in nobis, vel extra nos, vel intra nos.
 Accedit his ex loco & tempore commoditas, quæ duo viri-
 bus modò profunt, modò obsunt: plura & maiora facimus
 illo aut illo, paruo, magno loco, & tempore. Adde his adiun-
 cta tempori & loco, vt comedere, concoquere, studere, labo-
 rare, salubri loco, die sudo, & subfrigido. Ex opere autem:
 nam sunt quibus vtimur vtroneis, hoc est, ex pronitate na-
 turæ, & tanquam libentibus: vt igne ad vrendum, ventricu-
 li calore ad coquendum. Sunt quibus repugnantibus, & co-
 actis, vt gladio ad scindendum: seruo, qui ad officium per-
 trahitur: aliis precario, vt principe ad fauorem. Alia tan-
 quam ex officio præsto sunt, vt leges, & boni magistratus.
 Quorundam est eblandiendæ opera, sicut vulgi amicorum:
 ingenia etiã nostra plerunq; sunt allicefaciendæ. Sunt quibus

quam mensuram acceperit, nec accipere plus poterat? Quis illius manus constrinxit? Quæ res modum ei potuit imponere? Cedò autem, num non id constat Deum esse, quo nihil maius cogitari potest, imò maius esse omni, quod cogitari potest, & ut sapienter addit Ioannes Picus, infinite maius. At si infinitus non est, minus certè est, quàm concipere possit nostra mens: nullum est enim finitum, supra quod illa non valeat se erigere. Adde quòd non potest ea supra primum sui authorem cogitatione se attollere: sicut nec est aliquid, quod ultra suam originem queat regredi: atqui quocunque limitato amplius aliquid illa concipit, maior est ergo conditor omnium. Quorsum attinet, impietates committi, quas nec ingenium nostrum capiat, quum interdum id in pietate ipsa vix ferant nonnulli? Constituant iam isti philosophi, vtrum malint factum aliquando mundum, **Mundus an aternũ.** Si aternus est, infinita Dei virtus declaratur con-
 seruatione per tempus infinitum sine lassitudine. Si in ali-
 quo temporis principio est exortus, infinita virtus ostenditur productione de nihilo: omnis enim finita virtus in aliquo se, & ex aliquo exercet. Quod autem ex nihilo aliquid educit, infinitum sit necesse est, nempe quod tantam habeat proportionem virium supra opus, quantam aliquid supra nihil: quæ planè est infinita. Itaque Dei opera quantus sit opifex, testantur. Quæro autem, quid egerit, siue in numero, siue in magnitudine, siue in modo, quo non possit aliter, & maius, & præstabilius, efficere? Quid tandem est in operibus Dei postremum, supra quod nihil esse possit? An in singulis rerum aliquid? An in formis, & quas species nominant? An non plures potest arbores cõdere? plures equos? plures homines? plures cælos? ac stellas? & ut homo pomis alitur ac pane, ita lignis, & saxis? & ut cælum ab hoc Orientis puncto ad istud Occidentis conuertitur, contrario motu volui? Aristoteles fieri aliter posse non putat, quoniam quemadmodum factum sit, bonum sit mundo: addas etiam licet optimum, sed ita ut melius fieri non possit, non autem ut hoc melius sit, quàm quicquid ille potest facere: isthuc enim optimum non in puncto insectili est positum, latè patet: si diuersum fecisset, id quoque optimum fuisset mundo. Sed Aristoteles perinde facit, ac si quis quod architectũ commodam ædificasset domum viderit, existimet nec aliam, nec

aliter posse eum extruere æquè aptam vsibus. Quòd si de architecto homine cogitare dementiæ sit, quale erit de architecto immensæ sapientiæ ac potestatis? Cæli Aristotelis seculo octo esse putabantur. Apud illos contenta his erat rerum natura: imò non credebatur plures posse capere: nonus est à sequentibus astronomis adiectus: postea decimus. Stellæ quid agunt in mundo? Adornatum vult eas esse Aristoteles sparsas. Quæso te, vna addita, vel dempta variaret hunc ornatum? Quòd si non plura esse possunt astra, neq; pauciora, nec ampliore numero esse homines poterūt, nec minores: quum magis hominum genus ad mundi salutem pertineat quàm astra: quoniam, semoto homine nullus est condituræ huius vsus. Quòd si rerum singula & plura & pauciora potest condere, quinetiã de formis idem existimamus? præsertim quum iam adulto mundo non pauca sanè extiterint, nouæ rerū species ex veterum cōmitione, non minùs inter ea quæ sensus sunt expertia, quàm inter animantia, & stirpes quædam perierint. Quid quòd multa arte nostra fiunt meliora, quàm quomodo sunt à natura ipsa initio producta, ut triticum, & vna: nos ergo Dei opera poterimus, ut sic dicam, meliora facere, id est, aptiora nobis, ipse non poterit? imò aliquid poterit plus arte nostra adiutus, quàm solus, quæ vel cogitare, furoris est. Ad hæc interuallum excellentiæ formarum inter se alicuius est latitudinis, in quo noua species posset interici: ab vltima etiam & illi proxima specie ad eum spatium est non modò magnum, verum infinitum quoque: & esset infinitum etiam si centuplo præstantior aliqua species conderetur: ut appareat relinqui locum infinitis formis, antequàm expleatur quod inter Deum authorē & quodcunque eius opus immensa intercapedine se porrigit. Meritoque est à Platoniceis reprehensus Aristoteles, qui illa velut distributione publicorum munium vniuersitatis quum septem inferiores orbes assignasset mentibus, octauum Deo attribuit, iniqua proportionē: etenim magis præstat Deus mentes omnes pariter, quàm octauus orbis septimū. Itaq; non habet princeps mundi peculiare opus, quoniam illius sunt cuncta, & ipse est supra omnia tanto interuallo, quan-

Deus an to immensus supra definita. Quid ergo, nam id requiritur rat aliquis, si infinitus est Deus, num omnia infinitè exequi infinitè. tur? Ad actionē quidē infinitè, ad opus finitè: ex nihilo pro-

creare singula infinita est actionis, opera tamen quæ existunt, finita sunt. Non enim accommodat Deus res potentia suæ, sed nostris visibus, ac commoditatibus: non spectat quid ipse possit facere, sed quid mundo conducat: ut quum nobis loquitur, non vitur infinita sua facundia, & sapietia, quæ mentes omnes obrueret, ac cõfunderet, sed ea quæ congruat cum nostra infirmitate. Si omnia fuissent infinita, nullus constitisset ordo: essent prærapida, immoderata, actiones subita, & momento temporis: interitus atque ortus singulorum vel certè rigor perpetuus sine motu in eodem vestigio, atque æternus torpor, nec iste ornatus, ordo, vices, distinctio rata, & constantes. Et quanquam ille in natura sua nec numerum habet, nec pondus, nec mensuram, omnia tamen perfecit his tribus consistentia, quemadmodum à nostro sapiente dictum est: quoniam ita est illi visum, nō quia aliter facere nec debuit, nec potuit. Nam si ad hunc modum necessariò ageret, actio illius foret naturalis, nec esset actionum suarum compos & dominus: & quantumcunque delectaretur opere, nō tamen aliter in eo versaretur, quam plantæ, aut bruta, aut corpus nostrum, non ut mens. Sed libertas profectò nostrarum functionum, & libertas spirituum omnium dico in agēdis, extrorsus declarat, quò res sunt illi viciniore, eò maiore esse libertate præditas: idcirco in eo esse fontem libertatis purum, quemadmodum essentia, vnde cõmunicetur reliquis. Quid minus conuenit quàm existimare nos esse actionum nostrarum dominos, illum nō esse? Quòd si naturaliter ageret, omnia secundum absolutā suam atque extremam vim produceret, ut in iis videmus, quæ naturaliter quid agunt: itaque omnia ab eo exirent infinita, nempe ab infinita vi ac potentia totam sese in opus explicante. Nam quæ agunt naturaliter, nullum delectum habent virium, nec partim explicant, partim reseruant sibi: sed quascunque possunt, simul effundunt: id licet in nobis animaduertere in actione voluntatis & actione mentis: quarum hæc naturalis est, illa libera. Tamen si nec natura sua Deus caret, & hac de causa neque naturali actione: ex qua quod nascitur, quemadmodum è potentia est infinita, sic illud sit etiā infinitū necesse est: & quia naturaliter gignitur, simillimū sit parentis sui: huc enim naturalissimæ omnes actiones intēdūt. Et quādo Deū nihil habere potestate docui-

Deus an
agat ne-
cessariò.

mus, sed actum esse purum, sit ut otiosi illum aliquando sit nefas : quocirca ab actione nunquam cessauit, & verisimilius est ab actione naturali non cessare, quam à libera: quemadmodum etiam ex nobilissimis licet cernere, in quibus interquiescit voluntas aliquando, mens nunquam. Colligimus ergo Deum aliquid produxisse naturaliter, infinitum, simillimum sibi, æternum: quod quia ex parte mentis venire magis intelligimus, quam voluntatis, quoniam illuc se applicat natura, huc libertas, sapientiã nuncupari, fas, iusque est: hoc philosophus quo nomine sanè voluerit, insigniat: Christiana sapiëntia, filium patris appellat: verum hæc persequi exactius altioris est contemplationis. Habes Aristoteles Deum actum purum, nec vnquam cessantem, & aliquid naturaliter producentem: non tamen insultamus tibi, tanquam aliquid nos eruerimus, quod te latuerit: nec ista nos adeò plenè assequeremur, nisi ab eadem ipsa Dei sapientia edocti: cui agimus gratias de ineffabili suo dono, non ingeniis nostris, aut diligentia studiorum. Redeamus iam ad finitas vires, quæ indigent ad actiones suas tempore, quum infinita non indigeat. Nam si finita est potentia, aliquatenus licebit illi: sit hoc a b c: illud ergo consumetur in tempore itidem a b c: partes igitur in partibus, nempe a in a tempore, b in b, c in c: nec vlla pars virium est infectilis, non ergo se explicat in tempore infectili. Præter hæc si actio omnis est transitus, nec transitus est absque medio, non poterit fieri nisi in tempore ab ea quidem potentia, quæ simul nequit esse in ambobus terminis, nempe limitata. Et si in quacunq; actione inest conatus perueniendi ad calcem, certe aliquid distat initium ab exitu, in qua intercapedine conatus exercetur, alioqui non erit opus illo. In iis quæ contra naturam aguntur patientis, semper est lucta initio, medio exitu: nunquam enim non pugnant agentis violentia, & patientis natura. In iis verò quæ secundum naturam, nulla est motus initio contentio: nam is motus à natura excitatur, quæ est in vnoquoque: quæ secum non pugnat, nisi fortè admistum habeat impediens, ut animum ad speculandum consurgere, deprimitur enim mole corporis. Sed quantumcunque vis sit naturalis, vbi est actionem ingressa confligit in quod agit cum agente: propterea quòd agens nempe mouens, nititur penetrare ad finem: medium verò quantumcunque

cunque molle penetrationi renititur: siquidem est penetra-
tio omnis velut diuisio, diuisio autem corruptionis initium,
non aliter ac coniunctio conseruationis adminiculum. Et
quò durius est medium, hòc habet partes constipatiores, &
próinde auctiores vires: itaq; validius reluctatur: ideo mo-
tus in aqua difficilior est, quàm in aëre, & in luto, quàm in
aqua liquida. Traducuntur hæc ad res spiritales, vt aciem
dicamus ingenii, iudicii, sensum quasi penetret interiùs, tum
dura sunt quæ difficilia, atque abstrusa, ceu multa contexta
cortice, & densa, vel procul posita, vt per longiorem motum
eò sit veniendum, & per aliorum gradus atque adminicula.
In hoc actionis medio materia componitur, & adornatur,
inductioni eius speciei, quam agens instituit, siue artis, siue
naturæ, essentialis, aut inhærentis. Extrema sunt, à quo ad
quod res transit, medium est inter hæc. Transit verò res ab
vno loco in diuersum, transit ab adiuncto ad adiunctum,
transit materies ab effectione ad effectiorem. A loco in lo-
cum res transmittitur, vel quod nouum habet locum relicto
priore, nò mutata sua magnitudine, aut murata, si prius mo-
tus est loci: sin mutata, vel dilatata, vel contracta: si dilatata
creuit: sin contracta, diminuta est. Medium in motu locali
est translatio, quæ fit vel ab ipso moto, qualis est in anima-
libus ingredi, nare, volare, serpere: vel extrinsecus expelli, at-
trahi, attolli, deprimi, vehi, volui, seu conuerti. Medium in
incremento est additio extensionis, in decremento est detra-
ctio. Ab inhærente ad inhærens variatio est, seu vt vulgo lo-
quuntur alteratio: quæ fit quum nouum inhærens quæritur,
siue prius amittatur nullum, siue aliquod. Sed si orbationes,
& quasi spoliationes accedentium in accedētia reponamus,
vt tenebræ, quies, silentium: erit ab accedente ad accedens, vel
à toto accedente ad totum, qui est ceu motus quidam loci à
termino ad terminum: vel à maiore ad minus, vel contrà:
quæ sunt incrementum & decrementum. Ex inhærentibus *Inhæren-*
alia sensim subeunt: vt quæ sunt in extensione, & in quibus *tium* mo-
sunt consuetudines, quemadmodum virtus ac vitium: alia *tus*.
repentè, vt paternitas, filiatio: tum quædam alia accedens
habet contrarium seu aduersum: contraria enim sunt inhæ- *Contra-*
rentia, quæ rationem actionum, & effectum significant sub *ria*.
eodem genere diuersissimorum, ita vt magis diuersa aut re-
mota nò sint alia, eiusdem quidem generis: vt quorum colo-

Priuatio.

rum hic maximè cogit obtutum, ille dissipat: hic plurimum exhilarat oculos, ille contristat: ex saporibus qui gratissimus est palato, & qui ingratisissimus: ex principibus qualitatibus, quæ vehementissimè agit, & quæ remississimè, quæ sursum attollit, & quæ deorsum deprimat. Nec inconuenit sub vna generis latitudine multa esse extrema, multa aduersa: vt quum genus est amplum, sicut in tactili: aut quum variè pugnarum naturæ spectantur. Sunt quæ aduersum habent nullum, sed absentia illorum nomen inditur, quæ est orbitas quædam, vt dixi, seu nuditas, seu priuatio, vt si absit visus animanti, in eo est cæcitas: quo in loco nō est lux, sunt tenebræ: vbi non est sonus, ibi silentium: vbi non est motus, ibi quies: quæ orationes in variis linguis variè exprimuntur: sunt quæ pauciores habent, sunt quæ plures, prout sunt linguæ copiosæ. Atque hæ certis nonnunquam, & impolitatis nominibus assignantur: non rarò tamen ea notantur non minum cōpositione, quæ expers significatur, aut sine. Apud Græcos est *τὸ ἀλφει*: quod illis est promptissimum, ideo plurimarum habent aptiora nomina, quàm Latini: apud quos est in, & quandoque ex: tamen ex his nonnulla contraria magis sunt, quàm orbantia: vt iustus, iniustus. Iam quæ videntur, pro iis consueuimus ducere, quæ sunt: ita oliuam dicimus & hominem exossem, quod in eis parum sit olis, & ideo nihil videatur: lignum insecabile, quia difficilè secatur: materiā immortalem, quia post longum tempus perit. Sed quæ vera sunt priuantia essentiam habent nullam, contraria habent. Non enim sola absentia caloris est frigus, neque frigoris calor: neque sanitatis morbus, aut morbi sanitas. Nam est, quæ facit sanitatem harmonia illa humorum, est qui facit morbum humor aliquis excreescens: nisi fortè non ex illo humore redundanti morbus nascitur, sed ex perturbatione concentus. At verò quum non sola alterius absentia facit alterum, sed causæ sunt vtrique certæ, non dicuntur priuatiæ: & si hoc facilius dictu est in genere, quàm explicare in singulis, quia pleræque causæ sunt incognitæ, præsertim inter quæ nō inuenitur medium. Quippe sunt quæ in substantia idonea si alterutrum non insit, necesse sit inesse alterū: vt in quocunque homine statim quodam tempore naturæ dentatum esse, aut edentatum: videns aut cæcum: neque enim videns est lapis, aut cæcus, nec caniculus ante certam diem. Ac-

grum

grum & sanum medium non habere Aristoteles affirmat: in quo est illi controuersia cum medicis. In iis quæ sensum fiunt, motus est per adiectum vel detractum adhærentis vsq; ad terminum maioris aut minoris, vel certè vsque ad aliud: vt quum ex albo fit candidum, aut fuscum, vel ex albo cæruleum: ex cæco videns, ex vidente cæcum. In priuationibus fiunt omnia, per ea quæ aliquid adferunt, quæ sunt positiones siue habitus, Græce ἵστας: ab illis plerumque orationes nomina sua accipiunt, diffinitiones autē semper: atque adeò hæc est priuationis præcipua nota, quòd per positionem suā tanquam absentem declaratur, nec aliter potest. Neque verò quicquam sit admiratus me à cæco ad videns reuertisse, quādoquidem non video vbi locum habeat, quod dicitur, à priuatione in habitum non posse regressum fieri: etenim à sibi-letio, à quiete, à tenebris fit: à cæcitate quotidie experimur, à morte ipsa etiam gentiles produnt. In iis accedentibus quæ subito existunt, non est in ea ipsa actio, sed in illa, per quæ existunt: vt in paternitate gigni filium, in consulatu declarari consulem: in quibus tamen motibus necdum vel paternitas est, vel consulatus. Ab effectione in effectiōnem migrat materies per expulsionem, & tanquam reuulsionem prioris, nam radicata est omnis effectio in materia: & quò radicalior, hoc illam euellere operosius. Quantò agens est potentius, tantò celerius, & facilius, & aptius quamcunque sumit materiā, ei operi, quod destinauit, parat ac proinde proprius opus absoluit. Deo obsequentiissima est quæcunque materia, nobis multæ reluctantur. Aliæ pertrahi nō possunt, quòd volumus: vt ex aëre simulachrum à nobis fieri, quod angelus faceret. Quare ista omnia vires, repugnātia, & eiusmodi relatione dicuntur, non per se, ac simpliciter: vt magnum, paruum, robustum, imbecillum. Et quia in actione omni resistentia est ex eo, quod patitur, agens ad eam vincendam colligit vires: tum minores, quum minùs videt obistere & lētius, ac remissiùs agit: tum maiores, quum validiùs putat patiens obniti, ac repugnare. Idem vicissim patiens facit aduersum agens: quæ collectio virium conatus appellatur, etiam si nihil sit opus, satis est tamen agens iudicare esse opus: vnde est dictum illud: magno conatu magnas nugas agere, in eos qui vel ingenii vigorem, vel eloquentiam in rebus nullius pretii consumunt. Ex conatu oritur labor, tanquā actio

A priuatione in habitum regressus.

Conatus.

Labor.

& pass

Defatiga-
tio.

& passio ex potentia: nam magni conatus executio est labor, nempe actio in id, quod existimatur multum reluctari: vel passio in id, quod existimatur valide agere: quo potentior creditur contentio, maior est labor. Ideo viri magis videntur sibi laborare, quam pueri: quoniam magis expèdunt actiones; pueri autem, ut qui sine consideratione ac reputatione se exercent, tamen si plus agant, tamen non videntur sibi perinde laborare. Laborem sequitur defatigatio, quæ est debilitatio potètiæ, ut reddatur infirmior. Quocirca ii qui laborem respiciunt, ac facile metiuntur, quum se magis laborasse credant, remittunt vires: & defatigatos se esse sibi ipsi persuadent, multò prius quam ad metam virium sit peruentum: qui laborem non respiciunt, nec perpendunt, ut quæ naturaliter operantur sine expensione actionis, cuiusmodi sunt belluæ, & pueri, non prius defatigationem sentiunt, quam exhaustæ omnino sint vires. Quapropter tunc demum assuefaciendus est labori homo, quum laborem non sentit.

* *

LIBRI SECVNDI DE PRIMA PHILOSOPHIA, SIVE DE INTIMO NATVRÆ OPIFICIO FINIS.

IOANNIS LV-

DOVICI VIVIS

VALENTINI,

De prima Philosophia, siue de
intimo naturæ opificio,
Liber Tertius.



BI PERVENTVM est ad si- **Actio**
nem actionis naturalis, nulla est
amplius resistētia, sed opus est per-
fectum, & cōquiescit agens: videli-
cet si etiam num superesset conten-
tio in illo opere ac reluctatio, agēs
non quiesceret, quoad eam sustulif-
set: quippe perfectum nondum esset
opus, quod agens cupit. Nam quod

defectum otatur, antequam opus perficiat, non consummat
nec operis, nec sui finis actionem, sed suarum virium. Itaq;
parata materia, sequitur ex natura ipsa parationis effectio,
vel forma adiuncti citra omnem penitus laborem, non secus
atque in operatione naturali: tanquam ornata domo indu-
citur dominus, vel quæ sitis instrumentis artifex. Neque ars
nostra vltius progreditur, quàm quoad materies sit apta,
& concinna: vt pingendo, aut struendo. Sed nos quemadmo-
dum perficiatur opus artis perspicimus, quoniam ars no-
stra: quemadmodum opus naturæ non perspicimus, quo-
niam illa est Dei: nos coniunctione, & commistione, & de-
tractione vtimur extrorsus. Natura in intimis versatur, idcir-
co naturales ortus, auctus, cursus, diminutiones tacita sunt,
& occulta omnia nec prius intelliguntur, quàm sunt pro-
gressa: vt in calorū agitatione, in mutationibus tempo-
rum, ætatum, incrementis & damnis animantium, quæ fieri
nemo potest deprehendere, facta intelligimus. Tum inter
nata

**Materię
paratio.**

**Effectus
actionũ.**

naturam & artem, hoc est discrimen, quod natura perfecta actione, effectiones indit, quas habet munere Dei ac lege, quam quum orbem conderet, sanxit: ars eis caret, quas si haberet, tam naturalia essent artis opera, nec minus suis partibus expleta, quàm naturæ: nunc verò inchoatio nostri operis se prodit, quod illi deest effectio, id est, postrema illa absolutio, & tanquam colophon: quod perspicui potest in theriace, quam nos compositione inchoamus, natura verò perficit operatione virium suarum, quas vires commistis rebus indidit. Sed paratio materiæ non vna est, & simplex: ut quum triticum in terra occatum putrescit, hinc germinat, adolescit, innodatur geniculis, profert spicam. Qui in mediis aptationibus versantur, nõ dicuntur principes opifices, sed qui in postrema, quum vltima manus additur, & opus relinquitur perfectum: nam qui in officina pictoris calores terunt, & tabellas leuigant, & carbone imaginem delineant monogrammam, non dicuntur pictores, sed qui colores inducunt, qui adumbrant, & quendam velut motum, vigorẽmq; ac spiritum addunt picturæ, quæ est ceu effectiois similitudo quædam, & imago. Est actio quæ relinquit post se effectum aliquid, ut cuius finis non est eadem ipsa actio, sicut in extructura ædium: est alia quæ suimet est finis, ut cantus in cicada: nam in homine delectatio videtur peti, & in delectatione resectio virium corporis vel animi. Effecta sunt nonnulla causis similia, ut homo hominis, calor caloris, quæ paria vel similia nominantur, vel etiam germana, & cognomina & conformia: alia dissimilia, ut ex igne compresso in luto, collatio in cera, quæ vocentur disparia, dissona, absimilia, difformia. Alia effecta simul nascuntur cum suis causis, ut lux cum sole, calor cum igne: alia post, ut homo post hominem. Alia non diutius existunt quàm causa est præsens, ut lux solis, imago in speculo: de quorum numero sunt res omnes conditæ, quas Deus salutari sua præsentia à casu in nihilum defendit. Sunt quæ remanent quidem, sed amota causa continuo flaccescunt: sicut calor quem ignis reliquit, & motus rotæ digresso vertere: alii ex causa non pendent, ut animantia, ab animantibus genita. Sed iam de operibus naturæ cõcretis loquamur, nempe quæ ex materie illa rudi, & effectione intelliguntur consari. Est inter hæc quod ubi conditum est sistit, ut lapides,

gem

gemmæ: quæ sunt sanè rara. Nam crescunt pleraq; omnia, quippe quæ ex parvis admodum initiis videmus adlescere: quocirca elementa prona sunt ad mutuam migrationem, labuntur, transeunt, permutantur faciliè, quò suppetat rebus omnibus alimentorum copia: & quod relictum est ab vno, in alterius ius, ac naturam concedat: quoniam noua materies mundo non accedit, ex vetere omnia pinsuntur: non tamè pari alùtur modo, alia quâdiu sunt aluntur, crescunt, Alimēta. decrescunt: quâdâ nō semper: priora sunt plātæ, & animalia: posteriora sunt metalla, saxa, alumen, sulphur, lignum vel ab arbore decisum, vel à terra euulsum, aut os animali demptum. Quæ aluntur, vel additione ad prius totum dilatantur, vt metalla, & calculi: vel subitò atque insinuatione materiæ occulta, vt animâtes, & stirpes. Quocirca hæc cōuenit meatum plures habere, tum ampliōres etiā, per quos nutrimentum commect: sed nec ita apertos tamen, ac directos, vt quod inditum sit, continuò trāscurrat. Alendi vis ac facultas paulatim demutat escam in similitudinē corporis naturæ suæ, quo ex gradu breuis est ad corpus ipsū transitus, nempe inter cōformia: ideo dicitur viuētia ex eisdem fieri & alii: nisi enim ita conuertatur cibus, non aletur viuens, vt in quibus affecta est vis illa & debilitata. Hinc adlescunt viuētia vsque ad certā quandā metam: post quam recurrunt, & dimi- Adolēscere. nuuntur. Sed alimenta quantū efficiere possunt per vim nutriticem, sarciūt, ac reparant, quod detrimēti est acceptū. Semper quidē viuēti corpori detrahatur aliquid à calore naturaliter insito, sed minus tamē, vsq; ad illum crescendi limitem, quā sit additum, si modò non desit pastus conueniens. At verò quēadmodū ritè composito ac librato horologio automato, vis illi & potestas est ab artifice instructa certo aliquo tēporis spatio horas pulsandi, aut signādi: quæ vis statim dimēsiq; interuallis se explicās profert, atq; ostēdit: haud aliter vnaquēq; res victura in prima cōstitutione originis suæ facultatem à natura accipit ad certos virium, vigoris, incrementi numeros, quos ratis temporibus per gradus suos explicat: velut quum porrigit membra, quum amplificat robur: vt in minutissimo corpore magnum illud quod deinceps intuemur, latuisse credas: velut fruges, poma, ingentes arbores, homines, elephantos, in tā exiguis seminibus præcessisse, quæ omnia nō temere sunt iacta, & casui ad inde

Status.

Termini
crescendi
ac minuē
di.

indefinitum atque incertum aliquid quasi commendata, sed eorum omnium dimensus in semine atque ipsa origine à natura sunt præscripti: ut quibus curæ fuit hæc animaduvertere inspecto semine aut animante recens orto, facile prædicant, quos deinceps auctus, quas vires, quam valetudinem habiturum sit. Hoc tamen artifex & natura distant, quod ille horologium instructum relinquit, natura opus suum nunquā describit, semper comitatur, seu veriùs ducit: tantū initio fundamenta iacit operis deinceps futuri, & quasi in exiguo spatio delineat cuiusmodi velit illud euadere. Res omnes ad statum naturæ suæ fastigium progressæ insistent aliquantisper, priùs quàm retro abeant. Mora enim inter duos contrarios motus intercedit à nihilo ad certum aliquid, & ab hoc retro in nihilum: in quo interstitio pugnat natura cum violentia, seu potiùs duæ naturæ inter se euectrix ad aliquid, & deductrix ad nihilum: prior enim quæ ascensum promouit, laborat conseruare, in quo statuit loco: at quæ descensum molitur, laborat reducere ad locum vnde res est desumpta: sed hæc vincit, nempe naturalior, quoniam ex origine profecta consistentia eò est diuturnior, quò contentio est maior: vincente autem natura nihili res deorsum reuoluuntur, partim æquis gradibus, quibus ascenderant, partim lentioribus, partim plenioribus, prout valida est natura alicuius. Sed quum non procul ventum est ab exitu, vehementer fracto atque extenuato fulcimento prioris naturæ, inualefcit natura nihili, quæ est originis cuiusque rei: & citatissimè rapit effectiōnem ad idem nihilum, vnde erat desumpta. Nec singulæ modò rerum, sed species quæque crescendi ac minuendi habent terminos ratos definitōsque à natura. Neque enim in mole ac incremento eorū quæ dilatantur in infinitum est abire, nec cōhiberi ad minimum sub quo nihil sit amplius: ergo meta est aliqua posita, & à certo ac prouido opifice certa ac definita. siquidem equi effectiō nec tam ingentem valet occupare molem, quàm sunt Pyrenæi, aut Alpes: nec tam parua coerceri, ac cōstringi, quàm pulex. Nam in omni coniunctione effectiōnis cum materia adhiberi solent quædam inhærentia, quibus ceu instrumentis effectiō ad exercendas suas vires vtatur, ab effectiōne est restrictiō, ab inhærentibus dilatatiō. Potest enim & asini & equi effectiō in leuissima poni minutie: potest & anima ratio.

rationalis in puncto infectili: sed inhærentia per quæ vitæ functiones obit, materiam exigunt extentam: contrà verò inhærentia prorogari ac diffundi latissimè possunt, nempe adiunctione similium: effectio verò quæ potentia est terminatæ dilatare se tantopere, ac vires suas per tantum spatium porrigere non potest. Ex quibus licet depræhendere, quàm diueriæ res sint effectio opitæ, & effectioni instrumenta adiuncta. Nec solùm magnitudinem aliquam materię inhærentium exercitatio postulat, sed densitatem quoque, & constipationem certam, in qua tantum valeat cogi virium, quod ad agendum aut patiendum sufficiat. itaque non in quantumcunque rara materie fungetur suis muneribus equi vel leonis anima, nec quantumcunque pressa & densa: quippe in extenuata parum erit virium ad agendum, in densa ad patiendum: quæ duo necessaria sunt iis, quæ aluntur, & augentur. Quantò vires, & facultates corporales subtiliores sunt, & magis quasi spirituales, minùs indigent materie ad sui exercitationem, & efficiendum aliquid: cuius est generis vis ignis, & eorum omnium quæ reipiunt illius naturam, atque ingenium, vt venena calida, & gemmæ: nò quin in maiori materia & spissiore potentiores sint, sed quòd in exigua & prætenui id vigoris obtineant, vt faciliè se ostendant: & cognoscatur illa inesse: cæterùm in tam minutaamenta gemmam contriueris, aut venenum tenuaris, vel in tam rara materia ignem accenderis, vt insensibile vestigium relinquatur efficaciz. Nam vires illæ sicut infectiles non sunt, ita detrahendo, vel tenuiter extendendo ad eam imbecillitatem possunt redigi, vt consopiantur penitus tanquam emortuæ: quod videmus aquæ contingere, cuius humectatio non percipitur vel in gutta minutissima, vel in euaporatione valde rarefacta. Non sunt iidem formarum omnium limites, nec eiusdem vltro & citro certi, nobis utiq;: nec fortassis à natura in indiuiduo quodam puncto collocati, sed latitudinem habent. Et sicut substantiæ crescunt, ita etiam adiuncta illarum: in quibus vel extensio consideratur, vel intentio, & quædam altitudo, ac quasi infectionis laturitas: in extensionem metam non habent sursum, deorsum habent: in profundo verò vtrinque: quoniam in extensione augescunt applicando, quod est infinitum: in intensione viribus, quæ sunt finitæ. Etenim adiungendæ materiæ nullus est modus,

- detrahendæ est aliquis, vt illud possit hære: profundum verò per incrementum fit virium, quibus aliquid esse extremum est necesse. Ita videmus candorem aliquem, quo nihil fieri posset candidius, dulcorem, quo nihil dulcius. In altero verò extremo si vehementer diluatur color, aut quodcunque aliud inhærens flaccescat, perdit formæ illius nomen: citius quidem censuræ nostræ, quàm naturæ rerum, sed & ipsi quoque aliquando. Eæ res, quibus nihil est alieni admistum, puræ nominantur: quæ etiam simplices, & interdum meræ, vt medicina simplex, aurum purum, odor musci merus. Alienum est quod naturæ cuiusque compositionis non est necessarium, nec refert, etiam si semper inueniatur coniunctum: satis est nō esse de ratione illius temperamenti ac essentiæ: rationem eam dico, quam natura in specie constituit: qua mente dicere consueuimus nusquam inueniri aquam, vel terram puram, aut quid simile: & medici tertianam febrem, aut quartanam puram aliam vocant, quandam non puram. Transit hic loquendi mos ad artes hominum, vt pura sint, quibus nihil est additum, quod artis ratio addi non iubeat: sicut theriacam puram aut non puram, cui absynthium sit admistum, vel mentha: hoc enim
- Purum.**
- Alienū.**
- Mistum.** adici ars non præcipit. Mistum nō vno modo dicitur, nam est & quod de multis conflat, vt homo, vt pharmacum, & cui purum est contrarium, de quo loquebar modò: sic mithridaticum aliàs purum ac simplex nominatur, aliàs mistum. Quod si adiunctum sit peius, reddit ens corruptum, siue deprauatum. Quum verò in procreatione similitum, quod genitum est gignente apparet peius, degeneratio nominatur: quod in adhærere potissimum, sed in essentia quoque non rarò accidit: velut in frugibus, in seminio animantium, in hominibus: idque fit vel ex eodem ipso generante prius deprauato, vt quum ex valente cane imbecillus nascitur in morbo parentum progenitus: quum ex ouo aquilæ accipiter, ex ouo accipitris coccyx, aut miluus: phasellum si in hoc solo seueris, vicias colliges: vel ex praua qualitate accedente, dum fingitur & nascitur: velut quum optimum frumentum ab immodicis humoribus in auenam mutatur: vel post natum à qualitate soli, cæli, victus, à moribus & consuetudine: vt capræ illæ interioris Asiæ, ex quibus fit caprinum sericum vndis pictum, si in citeriorem Asiam,
- aut

aut in Aegades iusulas transportentur, bonitatem pili perdunt: earum autem soboles aliis indigenis omnino est similis. Canes si assuecant domi iacere, & de aulicociis, vel mensæ analectis pasci, licet parentibus venatoribus nati, ingenium mutant: quod in illis duobus canibus Lycargus Spartanis monstrauit. Res vniuersæ desumptæ sunt e nihilo, & pleræque illarum execrationi subditæ propter noxam hominis earum domini, ita non solum vergunt ad nihilum, sed etiam quia deprauatæ, celerius eò feruntur, impellente deteriore illo admisto. Quare si nulla adhibeatur cura & diligentia, hoc est, si quiescant, & torpeant, occasionem præbent, ut peius illud ad corruptionem inualescat. Ita aquæ immotæ cœnum contrahunt, terræ squalorem ac situm, aurum obducitur scoria, frumenta acerres infestant, & his nocentior gurgulio: humanum corpus vexatur morbis, & animo nostro multum sese bestię, ac bruti insinuat, nempe ingenio torpenti ignorantia, inertia, stupor: rationi & iudicio imprudentia ac impetus: quod fit quum in otio iacuit ratio diu languens, ac dissoluta, affectibus verò impulsoribus gesta sunt omnia: quo quid aliud est esse belluam? Artes etiam deprauantur desidia. Exercitiis purgantur omnia, & virescunt: ignis, aqua, terræ, frumenta, libri, vestes, ædes. Idcirco Anneus Seneca prouidentiam ait, & dispositorem mundi Deum aëra dedisse ventis agitandum, illi quoque ab omni parte iussisse spirare, ne quid remaneret situ squalidū, & torpens. Euentilatio vegetat stirpes, euannatio mundat, conseruatque fruges. Exercitatio purgat aurum, argentum, **Exercita-** ferrum. Exercitatio corroborat animantium corpora. **tio.** exercitatio animos nostros ad humanitatem, omnemque sapientiam excolit. Et inhumanæ sunt nationes illæ, quæ sub cæli cardinibus torpentes, sœcordiam ipsæ suam delidendo augent. Sapienter in Theæteto Plato: Motus, inquit, facit videri gigni rem, & esse: quies autem non esse, atque interire. Agitatio enim, & confictio foris quidem noxia, & damnosa, quæ se extrinsecus continenter rei applicant, excutit, nec finit affigi, intus verò quæ illhuc sese insinuant, cōcutit, ac reuellit: calorem autem salutarem tum deterlis sordibus & tanquam exteriori quodā frigore purgat, ac pròinde acuit, tum abditum elicit, & consopitū exulcitat: qui inuadens in inimica absumit illa, & tantò facilius, quòd ea iam ex con-

Calor omnia viuificat.

cussu luxata minùs adhærebant rei. Quies verò per cessationem caloris finit frigus inualefcere : quòd non repugnans contrariis præbet multis corrumpentibus occasionem & locum, vnde res perimitur : magno & mirabili documento viuificari per calorem corpora, mètes verò per charitatem: frigore autem contabescere, ac interire. Quæcunque natura hoc agit sine, vt effectiõnem, seu formam importet, obiter priorem tollit, cum qua manere nequit, quam vult inducere. Quocirca agentia naturalia non directè corrumpunt, tanquam is sit eorum finis, sed obliquè, quòd aliter non queunt quod destinarunt perficere: effectiõni quidem nihil est pugnans, sed iis qualitativibus, formisque, quæ materiam vt effectiõni apta fiat temperât, & quasi pinsunt, & sine quibus durare nequit effectiõ in materie, sicut homo in domicilio supellestili denudato. Nam quæ sunt in natura inimicitia hostiles, vt vulpi & cygno, tum amicitia, vt palumbi & perdici, quas historici naturæ persequuntur, etsi inter effectiõnes videntur exerceri in cuncta specie, re vera inter illas sunt solùm contemperaciones materiar, haud secus quàm inter homines ignotos primo occurssu, & inter venenũ, & animal: scilicet qualitates petit venenum, nempe calorem frigus, humorem ariditas, & has vitiat. vnde sequitur viuētis mors: nam necesse est effectiõnem instrumentis & cuncto ornatu destitutam loco cedere. Non abnuo quin interdũ agens voluntarium malitia sua tantummodo spectet interitum rei: sed nos de naturalibus loquimur. Omnis actiõ contra rem vel incūbit extrinsecus, vt opprimens, ac cõburens: vel extrinsecus quidem adoritur, insinuat se tamen ad penitiora, vt cibus, & venenum, & caries, deniq; sua in quaque re vitia: aut intus est suborta, quoniam compositiõ rei ex contrariis miscetur, foris venienti quod plus habet roboris nõ ad agendum, sed renitendum, magis obstitit, ac pròinde diuturnius sese conseruat: cuiusmodi sunt frigus, & ariditas. Quod verò irrepit, ac se insinuat, si pugnam intus reperit, alterutri se adiungit parti, nempe conformiori suo ingenio, atque ita prægrauat alteram: vnde temperatura illa damnum accipit. Temperatura enim vt harmonia, in rata quadam libratione partium est sita. Libratione disturbata, & temperaturam disturbari est necesse. Quapropter subueniendum semper est laboranti, quod velimus conseruatum. Nam vt actiõni ac

pals

passioni omni difficultas est adiuncta, & ea de causa labor, continuatione illa agendi aut patiendi deteruntur ac delassantur vires: quas vel augeri conuenit, vel conseruari, vel saltem reparari. Augentur iis rebus auctis, & confirmatis, in quibus sedes est virium: vt in animali neruis, qui torpescunt humore nimio, frigore contrahuntur, excitantur, & dilatantur calore moderato: ideo exercitatio multum confert ad vires, tum propter calorem, tum etiam propter assuesfactionem, qua succus & spiritus vigoris eliciuntur ad neruos, tanquam aluco aperto, quo diximus omnia defluere, in animatis potissimum. Conseruantur vires si à cōtrario, & corrumpente vendicantur: Reparantur, atque instaurantur, si quantum amissum sit, resarcitur: quod fit vel foris vel medicinis, & vnctionibus, & fomentis, & alimento iniecto: aut intus sublato obice, vt cruditate, si ea oberat, & sumministrato salutari succo, vt brachiis fossoris, cruribus cursoris, cerebro studiosi. Internum fomentum est quies post laborem, sicuti Poeta ille dicit:

Quod caret alterna requie durabile non est,

Hæc reparat vires, fessaque membra nouat.

Quanquam hoc non præstat quies, quæ est laboris cessatio: neq; priuatione sola fit relectio, quæ priuatio ex se nihil est, Quies. sed adiectu, & positu, nempe diffusione succi per concoctionem, & collectione eius in otio, in quo vires quod circa inimicum pellendum non sunt occupatæ, vacare possunt accersendis vndique, quibus coadunatione atq; auxilio stabiliantur: ratione hac stomachi vires studio debilitatæ recreantur, ac reficiuntur quiete: eadem in laborante ingenio, in agro, in arcu: in quo tenso neruus & lignum continenter laborant, dum vterque in alterum tanquam violētum contrà nititur. Arcus tē- Quod si crebrò iaculeris, atteruntur agitatione, & disgregantur partes: sin remittas, coguntur, & coadunantur. sio. Verum in rebus omnibus postquam ad metam illam, quo cursu & alacritate sua progredi vis naturæ potest, peruentū est, consumpto in vnoquoque vigore potentiz, remanet nihilo secius inimicus, & pugna interitum minans: quo loco vtres tantopere defessæ & afflicte, nunquàm vsque possunt aliunde fulciri, atque adiuuari, quin plus semper sit, quod perit, quàm quod restituitur. Nam hostis semper est recens, vires autem de contentione fatigatæ. Ita sensim ad casum

Senium. nutant, magnamque corruptioni fenestram aperiunt. Hic firmitatis defectus, quum non subita vi aliqua & prærapida, sed sensim, & tanquam naturaliter post peractum vigoris iter irrepit, senium nominatur: quod iter aliis breuius datum est, aliis longius. quæ distinctio etiam iis contingit, quæ sunt eiusdem formæ, vt hominibus, equis, prunis, ceræis, menthis, petroselinis: nonnulla etiam habent breuius, quàm ferebat ratio primarum virium, ac valentiæ à natura ingentiarum, quoniam aliquid illis accidit, quod eas affligeret, ac debilitaret, vt citiore termino defatigatæ consistendum haberent: quodeuenit morbis corporis, ægritudine animi, immodicis laboribus, vñ Veneris: denique omnia quæ ad valetudinis rationem faciunt, ad senium quoque. Quæ res pugnam in se elementorum maiorem habent, magis sunt & mutationibus & casui obnoxia: vt omnia viuentia, & de viuentibus animalia: in hisque manifestius est senium, in quibus varietates & permutationes videmus crebriores, magisque ad admirationem notabiles. Et quando animi humani visum, quæ phantasia nominatur, à corpore tam variabili regitur, visum autem iudicium mentis agitat, fit vt magnas subinde varietates ac mutationes in hominū sententiis ac voluntatibus animaduertamus, ac pròinde in humanis operibus, quæ ab illis oriuntur. In quibus non tantus est conflictus aduersorum sicut in inanimis, variatio quidem longè minor, ac rarior, sed ferè est aliqua. Vbi autem pugnatium minor est temperatio, ibi firmitas ac stabilitas diuturnior: tanquam in saxis, auro, argento, ferro, gemmis. Quæ res fini est vicina, velut naturali quodam impulsu in præceps à natura datur, quæ tum hoc rapit ad nihilum, tum materiam concinnauit iam, atque aptauit nouo enti, quod illico existet. Cæterum cum naturali actione effectio expellitur, & iamiam abit, ad postremam luctam, & velut dimicationem de summa rerum vires omnes suas reliquas foras euocat, quæ antea in intimis erant reconditæ, & affixæ, vnde corroborari appareat, & quasi reuiuiscere: quod in igne videmus contingere, & morbis animantium, sed eo impetu à fortiore vi compresso, ac cohibito, statim effectio exarmata penitus excedit. Inhærentium alia sunt naturalia, quæ simul cum re nascuntur, vt in igne calor, partim vel ex facultate rei accedunt, vt in homine scire aliquid, prouide-

Inhæren-
tiū ortus.

videre, scribere, vel causa quapiam externa. Tum alia paulatim prodeunt, & augentur, sicuti prudentia, vitium, virtus, Inherentia & sensilia: nonnulla subito, & tanquam temporis momentum in-
to, sicut paternitas. Sunt quædam sempiterna, ut natiua, quæ teritus. Vm non admittunt: frigus tolli potest ex aqua, ex niue non potest: quemadmodum neque ex igne calor, & omnes effecti-
onis vires. Singula adiuncta nulla sunt perpetua, ut hic calor, hoc frigus: in specie possunt esse talia, ut calor frigus in igne & niue: sunt multa non natiua perpetua, multa diu-
turna: in utroque genere infecturæ, & consuetudines animi reponuntur, quædam brevis sunt temporis, ut calor aquæ igne amoto: quædam momentanea, ut rubor ex pudore, pallor ex terrore vano. Ad eundem modum alia accidentia tolluntur subito, ut paternitas: alia paulatim recedunt, sicut venerant, sue contrariis de causis, candor contractus frigore, calore cluitur: siue priuatione atque absentia causæ, velut calor præsentia ignis genitus, separatione paulatim restinguitur: sic animi assuetudines desuetudine exolescunt primum, tandem abolentur quasi obstructione elicis, per quam humor solebat decurrere. Quædam sola mora evanescent, ut plerique animorum motus: quædam diuersas habent causas, velut proferendi, ac subducendi sui, quas persequi nemo posset. Perpetua nisi subiecto pereunte non percunt: subiecto enim ablato non solum perpetua, sed quæcunque
inhærentia extinguuntur. Diligenter tamen intuendum quod nam sit cuiusque inhærentis verum & germanum sub-
iectum, in quo situm sit, ne fallamur. Quandoquidem alia in effectione sola sunt affixa: quomodo in homine in-
telligere, in gemmis, in herbis, ac stirpibus, in animantibus vires illæ multas ad res utiles: quæ licet non exercentur sine mole, non sunt illius tamen, sed effecti-
onis: quæ sunt talia, illico cum effectione penitus fugiunt. Alia sunt in materie per effecti-
onem, ut in igne calor: hæc sublata effecti-
one restant aliquantisper, sensim tamen vanescunt, ut calor animantis: haud aliter quam rota eo cessante, qui con-
uertit. Quod si sequens effectio non respuit eius formæ adiuncta, conseruantur ea in materie, dum prior effectio aboletur, & effecti-
onis nouæ aduentu confirmantur: cuius-
modi sunt omnia penè sensilia. Hærent nonnulla in copula-
tione materiæ ac effecti-
onis seu formæ: quod genus sunt sen-

Subiectū
inhæren-
tis quod

siones : quæ quum illa duo dissoluuntur , & ipsa intereunt quædam materiæ sunt infixæ , sed per quantitatem , vt omni quæ ad figuram & formam pertinent : quæ pereunt variati quantitate , vt triangulus , quadrangulus , rectum , obliquum sonus , quæ est velut forma quædam aëri impressa , ita dissipato aëre vel conquiescit sonus , vel notam aliam recipit : cuius rei exemplo sunt voces in vento . Sunt quæ in effectiorem transeunt , sed per materiem , & à materie , vt violenta agitatio , hæc quauis effectio intereat , manent tamen , vt quum homo in fluctibus suffocatur . Quæ adiuncta originem habent foris , vt pote quæ per collationē dicuntur , possunt extrinsecus perire , manente fundamento : vt paternitas filio mortuo . Possunt quidem aliis multis de causis nasci & corrumpi adherētia , sed nos de eorum modo cum suis subiectis interitu verba fecimus .

Finis.

Habet quicquid agit finem aliquem , quem sibi quasi scopum proposuit : ad eum vbi peruenit , opus est ei perfectum cessat , aut se aliō cōuertit , videlicet ad aliud genus operis , aut in eodem ipso opere ad aliud genus actionis : vt postquam factus est homo , expletum est hoc opus naturæ in essentia : ad ornamenta eius & incrementa sese transfert , curat vt fiat maior , vt facultates quas ipsa est elargita , in vsum aliquem proferat : huc enim à natura inducitur , & occulto stimulo instigatur . Quò res fini postremo propius accedit , hoc est perfectior , vt in pictura , in colore , in sapientia , in virtute , in homine , quando corporatur in vtero . Sed diuersarum rerum diuersi sunt fines : sunt nostri , sunt naturæ , id est causarum naturalium , & huiusce vis per vniuersum extensæ diffusæque . Sunt Dei . Arbor Deo , ac naturæ opus est absolutum , non statuario , vel nauiculatori . Homo qui vni-manus nascitur , vel sedigitus imperfectus est naturæ , sicuti eidem scæmina imperfectus est vir , quippe natura ad optimum in vnaquaque specie intendit , idcirco & in humana ad virum : nec scæminam nisi defecta viribus gignit . Est quidem perfecta scæmina , non tamen perfectus homo . Itaque absolutum & perfectum ad comparisonem dicitur , vt perfectum enthymema , imperfectus syllogismus : absolutus vir politicus , inchoatus philosophus . Dei , vt est in sacris literis , perfecta sunt opera : huic omnia sunt consummata , & suis omnibus partibus expleta , atque hac ipsa de causa bona etiam :

Perfectū.

etiam : videlicet bonum est cuique quod ipse vult aut tanquam finem, aut tanquam ad finem. Neque enim voluntas & appetitus omnis aliò fertur, quàm ad boni rationem, ac speciem. Itaque finis, & quæ ad finem spectant boni semper faciem ac formam obtinent. Idcirco in sacra historia dicitur : Vidit Deus cuncta quæ fecerat, & erant valde bona : quod Plato in Timæo secutus dicit opificem naturæ, quum contemplatus esset opus absolutum, perfusum esse lætitiâ, illudque approbasse: videlicet rebus omnibus adhæsit aliquid ex ingenio causæ eius, qua mūdus est procreatus, nempe bonitatis Dei, quæ illum ad nouam hanc molitionem adduxit. Nobis vt diuersi sunt fines, ita & diuersæ perfectiones ac bonitates, tum aliæ alio tempore. Homine Deus in hoc mundo collocauit, instruxitque, quibus opus esset ad nanciſcendam felicitatē immortalem. Ergo perfectus homo est Deo, qui ad hunc modum est adornatus : perfectus verò sibi, qui iam æternitate perfruitur, & quò illi propior, hoc perfectior. Perfectus est nemo quandiu æuum hoc degit. Sed vir bonus qui in stadio sese exercet pietatis, magis indies perficitur, donec per fidem & agnitionē filii Dei occurrat in virum perfectum, in mensuram ætatis plenitudinis Christi: & vnatur imperfectum perfectioni vel quæ cogitari potest, summæ. Perfectio non rarò pro excellentia, & præstantia viurpatur, de qua est non nihil dicendum.

In præstantiis oportet esse normam aliquam, qua censeantur : nam aliter quæ quibus præsent, dici non poterit. Ac quemadmodum rectū mensura est & sui, & obliqui, non econtrario obliquum recti, aut sui, siquidem rectum vnum est, simplex, & sui simile: obliquum varium, dissimile, multiplex. Ita excellens minus excellentis erit mensura, non versa vice. Quippe non aliter iudicatur imperfectum, quàm per distantiam à perfecto. Imperfectum ergo reflexim est interdum absoluti norma, vt præstans & sui, & vilioris norma est rectè, ac simpliciter. Quumque alia aliis præsent, necesse est aliquid esse omnium excelsissimum, vnde reliqua & excellentias suas mutuuntur, & excellentiarum mensuram. At quando excellentiæ nihil sunt aliud, quàm bona quædam cuiusque naturæ attributa munera, illhic esse oportet excellentiarum fontem, vnde in reliqua quicquid est boni, dimanat, nempe in optimo, qui aliis rebus omni-

bus largitur bona, non de alieno, sed de suo : qui est ipsa etiā bonitas, quam ex se possidet, non ex alio, aut per aliud. Adeo ut vel ipsius umbram & simulachrum quoddam assequi bonum efficiat. Quod si vel sola eius similitudo bona reddi entia, multisque excellentiis cumulata, quantam existimari excellentiam illam par est? Infinita est nimirum eiusmodi præstantia, multisque rationibus ab ingeniis nostris enumerata, ut complures esse videantur. Sed quæ cum rebus conditis communicatæ sunt, eæ considerantur, quas habet ut conditor, nempe ut causa operis, videlicet & quæ creauit, & propter quam est creatum. De tantis arcanis, & tam sanis mysteriis modicè loquendum est, ac reuerenter, ne aliquibi vel per prauitatem sensus, quod ille auertat, labamur, vel per imperitiam verborum. Causa condendi mundi efficiens fuit eius bonitas, finis beatitas : nam quod felicissimum se videbat esse, & quod bonus esset, voluit alia etiam procreare, quibus beatitatem suam impartiretur. Est ille per se felicissimus, nec felicitatem suam aliunde accipit: nec vices ullas sentit felicitatis, ut vel loco aliquo, vel tempore quicquam felicitati accedat, aut decedat: vna essentia, vna beatitudo, simplex, & sui semper similis. Neque enim summa esset felicitas, quæ augeri posset: nec in ea summa lætitia, quæ vices reciperet incrementi, ac decrementi. Nec certe est aliquid vnde possit mutari, de quo in sanctis oraculis legitur: Ego Deus, & non mutor. Apostolus Iacobus docet apud Deum non esse vicissitudinis obumbrationem: & Plato æternam illam pulchritudinem nullas vices ait recipere. Nec in illa purissima bonitate cupido est nocendi vlla. Qui enim læditur, à seipso læditur, non à Deo. Nam si ad illum accedit, iuuatur, nempe à vicino bono: sin ab eo recedit, læditur, nempe à vicino malo. Communicat verò se, quantum quicque pro modo suo posset capere: paratúsque est cuicumque quantum id velit, & possit. Atque ut declararet communicare se & velit, & possit, si quis modò capiat, gignit similem sibi per omnia: & cum eo nexu utriusque per omnia simili se coniungit: in quo magna præbetur nobis fiducia, cuiusmodi futuri sumus cum illo in immortalitate. Scilicet filii & patris connexio, exemplar est, quo cognoscamus cuiusmodi nostra futura sit: quod Christus ipse declarauit, quum à patre suo petit, ut sint vnum quemadmodum

modum nos sumus. Nec bonus esset, nec felicitatem suam cognosceret nisi vim haberet cognoscendi, & intelligendi: neque aliter vellet se communicare, neu iucunda esset nobis illius communicatio, si brutum esset, aut torpens. Ad hæc sapientem esse necesse est, tum ad viam communicationis inueniendam, tum quod non esset absoluta beatitudo ex conjunctione insipientis. Nec vllum potest esse bonum in re mortua nec solida felicitas cum mortuo versari: viuit ergo, & quidem nunquam senescens: quum nec intus habeat, vnde possit affici, qui sit omnino Deus: nec exterius queat existere, quum extra illum nihil sit nisi ab eo conditum, & quod eius sola voluntate perseveret. Immortalis igitur est, nec vnquam beatitudo nostra deficiet: nec beatitudo esset timentibus illius casum: idcirco illi vna terræ ac cælorum voce acclamatur, Tu autem idem ipse es, & anni tui non deficient. Est vis infinita, vt qui illo vno confidunt, quique illius sunt participes, certi sint: habituros se quicquid cupiant: nec aliquid posse interuenire, quod illorum gaudium perturbet: quum infinita vis eos tueatur. Merito Timæus, & Plato inducunt authorem diuorum pollicentem diuis immortales illos futuros, non quidem natura ipsorum, sed consilio suo: quod potentius sit quacunque fraude ac damno. Et Dominus noster cōfirmat eos qui ad se venerint, neminem erepturum de manu sua. Quippe vis illius voluntati est par: imo vis & facultas nihil est aliud, quàm voluntas: de quo scriptum est, Ipse dixit, & facta sunt: ipse mandauit, & creata sunt. Et facultas hæc tanta nullo est otio alternata, sed actus est merus, nunquam interquiescens. Nam si esset magis, tum oppoteret nos qui illi essemus coniuncti, interdum cessarent: beatitudo nostra vt quæ vices reciperet, non esset perpetua. Agit etiam expedite omnia, nulla eum difficultas attingit, nullus labor: nihil enim aut laborans, aut impeditum, aut in difficultates coniectum, felix est: nec qui illius est particeps beatus, qualis esset nostra beatitudo de lassata: sed nec vnde defatigetur habet, quando omnia, quod ille vult, agunt naturaliter, vt ostendi. Quod si actus est purus, nihil admiscetur ei potestatis, & tanquam materiæ: quo fit, vt quoniam sine potestate cognoscit, summè cognoscat: impedit nanque cognitionem potestas. Idcirco de illo scriptum est: omnia esse nuda & aperta coram

coram oculis illius, Quapropter venire nobis in mentem non potest, quo minus summe sit sapiens: quippe cuius intelligentiam nihil vel retardat, vel interturbat: quocirca nulla res eum potest fallere. Postremo quod fundamentum est omnium, verè ac absolute est, à quo, & per quem reliqua sunt sunt: ergo à capite omnia generationem colligentes excellentiæ in eo hæc connumerantur, bonitas, beatitudo, immutabilitas, communicatio sui, generatio, cognitio, sapientia, vivere, nec vnquam senescere, immortalitas, vis, actus purus, actio expedita, essentia. Cui hæc adsunt tanta & tam admiranda bona, quibus nihil vel fingi potest maius, pulchrius, præstabilius eum necesse est seipso esse contentum, suoque statu acquiescere, ac pròinde infinite esse beatus, quàm nos explicare possumus, vel etiam cogitare: quin & nos etiam futuros beatissimos si in consortium admittamur vel tenuissimæ particulæ tantæ beatitudinis. Sed non sentiendum est præstantias has vel re vel specie ac ratione aliqua, distingui in Deo: vna est modo quæ capit omnes, & ea est vnaque illarum. Scilicet bonitas est omnes, & immutabilitas est omnes, & generatio est omnes, & actus purus omnes, atque ad eundem in modum de reliquis: non per confusionem aut permissionem, sed per simplicitatem, & unitatem sanctæ illius essentia: nos verò ad nostram intelligentiam, & loquendi commoditatem separamus. Quæ nos de diuino illo & omnipotenti numine cum omni veneratione sentire fas iusque est, & ratio præscribit. Gradus inter has excellentias hoc modo est considerare, vt quando omnis excellentia in eo sita est, cum illa excellentia immensa coniungi, vnde nascitur beatitudo immarcessibilis, id demum sit excellentissimum, quod cum eo nos deuincit, atque vnum facit, quod est amor illius: nam amor rerum spiritualium est copula: ex amore nascitur fiducia in eo solo, vt cum amemus. & illi vni fidamus, quando quidem videmus nos & bonum, & potentissimum amare: Hæc appellatur bonitas, non illa quæ à Deo generaliter per omnia, quæ condidit, est fusa, sed qua mens in similitudinem quandam transformatur diuinæ nature, quæ omnibus prodesse vult, nocere nemini. Eiuscemodi bonitas multas in partes distribuitur, de quo Cõmuni non est hic dicendi locus. Proxima est communicatio sui, si quid habet vtile: nam hoc maxime est cum bonitate cõiunctum

Cum, nemini invidere, sua bona aliis impartiri. Hinc sapiē-
 tia consequitur. Nam proximus gradus ad bene agere est be Sapiētia
 ne sentire, ac sapere de rebus. Neque ad sapientiam nisi per
 intelligentiam venit: nec ad intelligentiam nisi per cogni- Intelligē
 tionem tum animi internam, tum exteriorem sensuum, in tia.
 iis quidem certē, quæ sensus habent, sicut in vnoquoque Cognitio
 nostrum est videre. Vita verò & vigor quidam initium est Vita.
 tanquam motus ad cognitionem. Generationis naturalis Genera-
 est cupiditas etiam sine sensu: quæ est æmulatio generatio- tio.
 nis diuinæ. Charitas verò fœtus altius spectat. nec est sine
 sensu, qua imitatur nodum illum amoris, quo pater & filius
 connectuntur. Tum immortalitas vel certē diuturnitas vi- Immorta
 tæ est adiunctum, sicut perseverantia eiusdem status ac mo- litas.
 di, & immutabilitas sine senio. Nam in his, quæ excellen-
 tiæ alias comprehendunt superiores sunt, vt quæ p'ures ha-
 beant præstantias: quæ sine aliis esse possunt, in eriores di-
 cuntur, vt quæ pauciores cludent. Sequitur iam vis & a- Vis.
 ctio quæ sine vita esse potest quemadmodum & actio lon- Actio.
 ga. expedita, minùs delassabilis. Essentia infimum est o- Essentia.
 mnium quæ sine aliis omnibus potest subsistere, sine ipsa
 reliquorum nihil. Communicantur hæc creaturis, quan-
 tum ipsæ capiunt, larga quidem manu, quod est in Deo, sed
 non amplius, quàm quod valent recipere, & quo pacto va-
 lent, quoniam excellentia Dei quum ad creaturam pertin-
 git, ita fit in ea deprauata, & turbida, vt non ex fonte illo
 videatur hausta, sed ex alio cœnoso. sicut aqua de liquidissi-
 mo fonte sumpta, quum vitio amphoræ perturbatur, ex li-
 mo videtur deprompta, non ex puro. Quocirca perfectio-
 nes quæ sunt in Deo communicantur rebus conditis: & ex
 illis sunt perfectiones, sed imperfectæ, si cum eisdem conse-
 rantur in Deo existentibus. Et in vnaquaq; excellentia dege-
 neratio facilè ostenditur, velex collatione maioris in con- Degenera
 ditis rebus: vt cognitio bruti quàm degeneret indicabitur, si tio.
 quis admoveat humanam conditionem: illa enim ultra vi-
 sum, seu phantasiam non progreditur: hæc verò supra visum
 se attollit, humanæ quoq; vitium ex angelica erit intelli-
 gere: nam nostra vaga, incerta est, operæ. ac negotii plena.
 Angelicam etiam facilè degenerantem deprehenderimus,
 si paululum nos sustulerimus ad contemplationem diui-
 næ. Deus lucem habet in se, & ex se, angelus à Deo mu-
 tuatur

tuatur. Sed nos rem tantam figura aliqua ob oculos ponamus. Imaginemur annulum aliquem, cuius signum imprimatur chartæ multiplici, expressiora sunt singula in prima charta, quàm in secunda, & in hac, quàm in tertia, & ad hunc modum in cæteris, quousque ventum sit ad postremas: in quibus imago quidem erit totius sigilli, sed confusa adeo, & perturbata, ut in genere potius dicas huius sigilli esse, quàm ut quicquam peculiare possis annotare, quin erit aliqua de postremis vel postrema ipsa, quæ potius habere imaginem sigilli alicuius dicetur, quàm huius aut illius, sed certe sigilli: nulla erit tamen, quæ non aliquid retineat impressum: nam quæ nihil prorsum retinet, non est huius numeri. Simile est huic, si quis consideret circulos, quos in aqua efficit lapis immissus. Tales sunt perfectiones à Deo in creaturis consignatæ, & impressæ, quantum ad earum distantiam attinet: quarum quæ propinquiores sunt Deo, expressius illius sigillum reterunt. Propinquiores voco non loco, sed similitudine naturæ. Quocirca alteram similitudinem sumamus fortassis aptiorem, non iam ex loco, sed natura. Obiciamus soli multa corpora variè perspicua, nempe aquam puram, & pellucidam, vitrum chrystallum, laminam corneam, linteum, pannum lineum, ebur, lignum, saxum, ferrum. Hic licebit intueri, quàm variè lumen transmittet: videlicet per vnumquodque, ut est eius perspicuitas. Eodem modo lux illa diuinæ excellentiæ vniuscuiusque sese naturæ communicat, quomodo ea est capax, & in aliis translucet radius, alia adumbrant: & umbra hæc densior est in minus perspicuis, & in solidissimis densissima: sicut quam lignum facit, vel saxum. Poterimus fingere ad figuram aliquam angulum acutum, cuius lineæ in infinitum abeant, hunc esse Deum: creaturas in eo angulo aliquousque progredi, ut exempli gratia sint lineæ a b, angulus c: infima sit in contactu, superiores latius se extendant, aliæ super alias, vsque ad d e. Quapropter excellentiarum mensura in nobis, ac norma gemina est, altera recta, altera reflexa: recta & vera cuiusque rei, ut perfectiùs



Norma metiatur id, quod est minus perfectum. Hæc est in præsentia non proportio vel accessus ad diuinam excellentiam, citiarum. tra quam infinito interuallo cuncta subsistunt: quo fieret ut paria essent omnia: quippe finita ab infinito intercapedine pari

ne pari separata: sed similitudo quædam, imitatio, effectio, imago excellentiæ diuinæ, quam vtique mentes nostræ capiunt, in his rebus, quas diximus: vt quæ propius nobis referant & expressius diuinam imaginem, quam concepimus animo sublimiora censeamus, hinc quæ obscurius pro humilioribus habeantur. In quo ordine primi erunt angeli, secundi sunt homines, hinc rationis expertia, in quibus vestigium citius dicas adheuisse, quàm imaginē. Ita vt si quis cogitatione sibi pingat Deum condentem mundum per opus suum transisse, iacentia statuet omnia præter hominem & angelum, hos rectos, vt in his aliqua similitudo imaginis Dei adhæserit, in illis solum vestigia. Est altera censura reflexa, qua nos sæpenumero propter imbecillitatem nostrorum iudiciorum commodius, quàm recta illa vtimur: ita discessus à despiciatissimo erit formula: vt quo quicque discesserit ab infimo, hoc existimetur excellentius. Quæ attingunt altiores excellentias, excellentiora sunt: itidem quæ eandem, sed copiosius, & expressius ad exemplar. Quod si in ignobilioribus excellentiæ sunt quædam, quæ non in superioribus, eæ perfectionem maiorem non arguunt: quia superiora sortita sunt plura, aut plus, aut meliora, & potiora: vt in animante generare, quod non est in angelo: in quo id esset creare, quoniam ex nihilo produceret: animans autem ex materia progignit, quæ nulla est in angelo, & lapis in essentia diuturna atque immutabili præstat animans, & animalium complura homini in sentiendo præferuntur.

In vnaquaque specie facultates excellentiæ sunt per singulas rerum partes, non tamen actus propterea quod facultas illa impeditur nonnunquam, ac retardatur, vt per totum genus hominum posse bonitatem assequi, etiam si bonus sit nullus: modò ne sit bonitatis facultas sublata, vt in dæmone: in quo scelus tanquam impactus aries vehementer retroegit præstantiam nobilissimæ naturæ etiam vsque ad imum: quoniam longissimè à fiducia, & amore in Deum abest, quem nullum habet: ideo is solus in sacris libris malus dicitur. Multarum quoque rerum præclaras facultates peccatum homini detraxit. Longè est aliud in comparatione singulorum, aut aliqua multorum, sicut populi, & nationis. Nationes nāque, & populi & quidem vnumquodlibet eorum aliquod nactum, creditur peculiare à Deo munus

Excellentia speciei

Ordo rerum.

aus: quæ persequi ad nullam scientiam pertinet: non enim posset, quæ sunt infinita, & magis necessaria turbaret: ut si quis in medicina propriam cuiusque herbæ, vel ægroti naturam insisteret perscrutari. Generatim hæc, aut speciatim sunt ab artibus tractanda, non sigillatim. Sunt in actibus tamen qui ex facultatibus nascuntur, limites quidam in unaquaque specie statim, quos nullum eius singulare transgreditur: nempe quod est summum in facultate formæ. Equi gestare non queunt pondus quodcunque: nec in artibus abitur in immensum, quantumcunque; additio per alios fiat. Videlicet neque additio proficit, quæ sit in re si in ingenio nostro redundat, atque effluit. Describere formarum ordines: & tanquam in classes ad sensum vocare, hoc est, quæ species quibus præstant, & ordinare eas in speculatione nostra, quemadmodum ordinatæ sunt in natura, hoc verò solus ille potest, qui condidit. Nam nobis proprietates rerum, vires, excellentiæ ignorantur: nisi fortè in genere, ut angeli sint primi propter bonitatem & felicitatem, quam copiosissime possident, hinc homines propter facultatē ad bona similia. Tum animantes integræ, quæ perfectæ nominantur, nempe sensu & cognitione præditæ: tum inchoatæ, quæ sensu carent aliquo: stirpes dehinc, quia viuunt: & ex his frugiferis, quorum censura est ex generatione ac viribus: gemmæ admirabiles facultates ad ordinem suum adierunt. Sequuntur metalla, quæ non omnino sunt inertia, vel torpida: hinc lapides, & glarea. Postrema in substantiis est materies, & proxima non enti: nam adiuncta velut entia sunt picta, sicuti aliàs est expositum. Sed inter hæc prima sunt, quæ in mentibus sedem obtinent, hinc quæ in animis, & sensibus. Tum ex corporalibus sunt illa elementorum quatuor propter vires agendi, ac patiendi: dehinc quæ ex iis nascuntur, quæ ad tactum pertinent. Inde quæ ad reliquos sensus, post interiora, & quæ minùs esse deprehenduntur: sequuntur hæc priuationes: vltima iam & sine sensu ac classe sunt inania, excogitata, conficta.

Vnde nata Sciscitetur aliquis, unde nata sit rerum distinctio? quanta est re- do quidem author est vnus, simplex, vbique sui similis. Grarum di- ues & recõditas quæstiones subinde attingimus: verendum- stinctio. que est, ne nos multa temere ac inconsideratè iactemus. Sed de hac timide, nec sine veniæ præfatione paucis est dicendum.

cendum. Videntur rerum differentia ex communicatio-
 ne desumptæ excellentiæ diuinæ: vt ea si variè in variis elu-
 ceret, faciliùs à mente rationabili posset intelligi, quæ vni
 communicata minùs esset ad cognoscendum, æstimandùm-
 que prompta. Tum verò vt maiores agnoscerent, quan-
 to plus ipsis tribuit Deus, quàm minoribus. Ornatus
 quoque stupendus, & decor ineffabilis ex difformibus, ac
 dissentientibus est quæsitus. Adde quòd ad vsum potio-
 rum rerum viliores Deus progeniuit. Disposuit præterea
 ad similitudinem sui, vt alia faceret esse, alia viuere, alia
 intelligere: & qui vnus potest omnia, ita temperauit sin-
 gula, vt ea imitatione quadam sui possent aliquid: quique
 vnus quodam modo est omnia, voluit vt singula essent ali-
 quid: non aliter quàm doctus quispiam, qui artes omnes
 pernouit, alium librum de grammatica scribit, alium de
 dialectica, alium de philosophia naturæ. Libri verò simu-
 lachrum quoddam sunt illius mentis: qui quemadmodum
 ea intus habita sit loquuntur. Postremò quòd infinitus
 protulerit finita, vnus multa, testatum esse voluit, se ad hæc
 condenda voluntate adductum, non necessitate vlla. Sed
 nos iam tenebris incipimus offundi: itaque referamus pe-
 dem. Si quis philosophari cupiat, quantam hic depræhen-
 det Philosophiæ partem hominibus ignotam? de ordine ex-
 cellentiarum inter species, de similitudine, aut vestigiis en-
 tium creatorum ad Deum, quum nihil sit in rebus condi-
 tis, quod non efformatum, atque effectum sit ad expressio-
 nem alicuius perfectionis Dei. Nam cur procrearet similia
 nisi exemplari, quod est intuitus, nempe sibi ipsi? quem vnum
 noscit, & per se quæ sunt, quæque non sunt omnia tan-
 quam essent, & re vera sunt illi. Itaque hominem habere
 binas manus, quinos digitos, & ungues in singulis, leonem
 pilosum esse, murenā glabram, virum barbātum, scēmi-
 nam imberbem, laurum semper virere, cerasum rotundum,
 ac rubens, prunum oblongum, lupum voracem, leporem
 timidum, vulpem astutam, ouem mansuetā, apiculam pro-
 uidam, omnia ad illius imaginem aliquam sunt effecta.
 Quis hic non cogatur exclamare: O altitudo diuitiarum
 sapientiæ & scientiæ Dei?

Species inter se non sunt sicut numeri discretæ, sed sicut Species

quomo- series in magnitudine, in qua alia aliis copulantur: nec
do distin- quicquam est proprius, quàm velut annulos esse in torque,
guuntur. nihil vt remaneat inane, nec tamen vt momentis, & velut
punctis insectilibus distinguantur: conferra quidem sunt
spatia, sed tamē interferi aliquid potest inter proximas com-
municatione ambarum: velut inter equum & asinum mulus:
quod innumeris contingere nō posset: nihil enim inter qua-
tuor & quinque interieceris. Atqui nouas species ex com-
mixture aliarum videmus nasci. Ergo inferior excellentia
aliquid attingit altioris, sed erigit se quantum valet, vt mul-
tum se in illius præstantiam inserat, plurimùmque de illa
communicet: quod si assequatur, aliis eiusdem notæ sit præ-
stantior: vt lapis si vitam agat stirpis, stirps si aliquid de sen-
su animantis referat, mutum de intelligentia & sensu ho-
minis, homo de sapientia angeli, angelus de bonitate & fe-
licitate Dei. Nam similitudo harum excellentiarū excellen-
tiæ dicuntur, si cum iis conferantur, quæ vestigium earum
nullum habent: vt in ape & formica illa velut in futurum
providentia, in cane sagacitas, in vulpe cautio. Quocirca
superius est semper norma & censura deiectionis. Deus o-
mnium, angelus hominis, homo animalium, hæc stirpium,
stipes metallorum, metalla saxorum: dico in eo, in quo ex-
cellit: nam in sentiendo extrinsecus non est homo censura
aliorum animantium. Itaque elephas mutorum est præ-
stantissimus, quia proximus intelligentiæ rationabili. Quod
si hominis forma formarum est inter animantes pulcherri-
ma, excellentior erit simiæ facies, quàm equi. Id nisi recipia-
tur, nulla erit regula præstantiarum, nec iudicium firmum.
Sed in simia offendit nos dissimilitudo formosæ faciei, nē pe-
color teter, pili, simitas, perpetua gesticulatio: quæ etiam
in Aethiope homine essent odiosa.

Agere ex Vnumquodque entium ea ratione agit, qua habet excel-
præstan- lentiam, qua verò imperfectionem, & defectum à similitu-
tia. dine summi patitur. Loquor de passione perpellente ad in-
teritum, non de adornante ad aliquid consequendum me-
lius. Hæc quidem est rerum præstantia, sed præstans sumi-
tur nonnunquam pro bono, quo sensu ea sunt præstantio-
ra nobis, quæ aptiora nostris destinatis: appetitus enim, vti
demonstrari, de fine est, hic de bono: ita in rebus commo-
ditates

ditates appellamus præstantias : vt præstat aurum argen-
to , caro veruecis carni lupi , aut pilcis , & philomela gra-
culo : quæ ad nos referuntur. Quòd si omnia hæc à Deo
sunt parata homini , vtique re vera , & simpliciter præstan-
tiæ dici possunt : nam quò illi maiorem vsum adferent , ex-
cellentiora dicentur.

Perfectum est etiam quod vndique absolutum, expletum- Perfectum.
que per seipsum sufficiens sibi alienæ opis nō indiget, quo-
modo nec homines , neque angeli , nec cæli perfecti sunt:
sed Deus solus omnipotens , infinitus , æternus. Natura-
lis cuiusque rei cupiditas est , vt ad optimum illud , atque ex-
cellentissimum speciei suæ pertingat , quantum consequi
per facultatem valeat : hoc vbi est nacta , conquiescit , & stu-
det se in eo conseruare. Homo verò quum semper vterius
appetat , & viuat in futurum nixus , nec vnquam in eo quod
adest , velit fixus persistere , semper autem alia ex aliis con-
cupiscat , & quidem diuersi generis , colligitur profectò eum
in æuo hoc summum illud & perfectissimum non habere ,
nec posse felicem hinc fieri. Reliqui appetitus ex desiderio
perfectionis oriuntur , nempe tuendi sui , & obfistendi ini-
mico : nam nisi sit quicque , non potest perfectum illud asse-
qui. Habet homo talem quoque naturalem appetitum con-
seruationis sui ipsius , verum vt non naturæ informatione
iudicat , sed sua persuasionem in errores incidit turbulentos, Error ho
ignarus quid sit ipse , quæ sui conseruatio. Itaque alii se-
minis in uocant suum corpus , alii suam potentiam : alii suas diuitias , se cognò
alii existimationem sui : qua mente diuus Paulus homines scendo.
illos dicit amantes sui. Ex conseruatione sui , statim nasci-
tur contrario corrumpenti repugnare , & coadiuuari cū eo ,
à quò aliquid possit virium accedere ad se defendendum ,
nempe eum suo simili. Ea coniunctio , & quasi conspira-
tio *ἀντιπρίσσις* dicitur verbo Græco ab Aristotele , &
Theophrasto : cohibitio à nobis , vel coertio : quæ iis potis-
simum contingit , quæ lubrica sunt , ac pròinde faciliè ad se
mutuò transcurrunt : quod genus sunt liquida omnia , aer ,
aqua , & quæ sunt naturæ horum , oleum , vinū , seuum , san-
guis , ac eiusmodi. Cuius rei plurima sunt in natura rerū ,
& quotidiana experimenta. In aridis non æquè hæc depræ-
henduntur. Est in bestiis quoque hæc ad mutuū auxilium

Syncretis conspiratio. Nec hominibus deest is qui syncretismus de
mus. vetere Cretensium more nominatur: de quo est illud, con-
iungunt homines mala. Nihil est felicius, quàm fieri vo-
ti compotem, nihil acerbius, aut miserius, quàm frustra-

ri. Quapropter orandus est pater cælestis author,

& rex naturæ, vt & animum præbeat, quo

velimus, & vires augeat, quis possi-

mus ad summam veri ac

naturalis boni

peruenire.

* *

TERTII LIBRI DE PRIMA PHI-

LOSOPHIA, SIVE DE INTIMO

NATURAE OPIFICIO,

FINIS.

IOAN-

IOANNIS LV- DOVICI VIVIS

VALENTINI,

De Explanatione cuius- que essentia.



HAC materie per vniuersum
diffusa sumit semper natura velut
ex sylua, & addit suum artificium
quasi massæ fermentum, vti aliàs
dixi: quibus de eodem fermento in-
dit, ea sunt eiusdem seu speciei, seu
formæ: nam fermentum illud est pro
effectiōe aut forma: sic vtcunque
sit hoc nobis, imagine hac declara-
tum: sed pergemus tamen etiam aliter explicare, vt res fiat di-
lucidior: nam non hæc quàm dicantur exactè quærimus, sed
quàm aptè ad intelligentiam. Quemadmodum pharmaco-
polæ & vnguentarii dispositas domi habent capsulas, & nar-
thecia, quorum alia piper continent, alia myrobalanos, sunt
quæ theriacam, sunt quæ potiunculas, & cætera quæ ad eos
artifices pertinent, & nomen superscribunt, quid in quoque
insita natura omnia in suas velut pixides distribuit, & cui-
que adscripsit nomen, illis quæ continerentur, commune ho-
mo, equus, adamas, pyrus, albor, nigror, virtus, vitium. Rur-
sus quemadmodum vna est ciuitas, & in ea familiæ multæ
Scipionum, Lentulorum, Ciceronum, Fabiorum, vnaquæq;
ab vno aliquo pro authore sanguinis deducta: sic in mun-
do familiæ hæc hominum, illa equorum, pyrorum, auri, ar-
genti. Itaque non loco sunt distincta hæc, sed vt in ciuitate
Scipiones alii habitant in Saburra, alii in exquiliis, alii in
palatio, sunt tamen omnes eiusdem familiæ: non aliter in na-
tura similitudo, & conformitas coniungit hæc, non locus.
Porro similitudo hæc ad essentiam semper refertur, non ad

Vniuer-
sale.

hærentium rationem: quod est acutè ac subtiliter attendendum: nam etiam inter inhærentia est communicatio hæc, & conformitas, vt inter duo alba, inter duo nigra, sed ea tamen ad nigri & albi essentialiam pertinent. Est inter Aethiopem, & coruum conformitas in nigræ, non tamen qua sunt hæc animalia, sed qua sunt colore hoc tincti. Itaque communio hæc similitudo est essentialis in multis: quod in schola vniuersale nominatur. Essentialiam verò cuiusque rei non per se ipsam cognoscimus, sed per ea, quæ de illa sensibus vsurpamus, nepe actiones, & passionibus cuiusque: nihil enim agēs, vt inquit Cicero, ne cogitari quidē potest quale sit: & in actionibus vel passionibus non eas contemplamur, quæ ex constitutione sola materiæ nascuntur, quales sunt viri & fœminæ in animantibus, & quibusdam plantis: nec temporarias & additicias, sed quæ maximè ex intimis veniunt: vbi est effectio & essentialis cuiusque fons, quæ actiones, passionēsve perpetuæ sunt: non quod semper sint in actu, sed quod semper sit ad agendum facultas parata: nanque has demum videtur habere ex natura: atque hanc sequimur similitudinis viā etiā in iis rebus, quæ materiæ sunt expertes: cuiusmodi sunt omnia inhærentia, & angeli: vt ex intimis & perpetuis actionibus quæ similia sint dicamus, quæ dissimilia: neque enim video quid causæ sit, quò minùs aliquot angeli in similitudine vna ingenii ac naturæ congruant, vt animæ hominum, & multa inhærentium. Nam materies non efficit vnum indiuiduum, sed effectiōnem aut formam ad multa indifferentem astringit ad hoc vnum. Pergamus autem de iis loqui, quæ sub sensu cadunt: videlicet quæ habent materiam hanc, quæ ipsa se oculis intuentium ostendunt, & formam sui exteriorē præbent cognoscendam sensibus: ex qua ferè de interiorē habitu licet iudicare, & ex qua primum nomen formæ, & speciei est ortum. Quippe imago illa & forma, & facies, & species in omnibus hominibus effecit, vt eiusdem dicerentur formæ atque speciei: in omnibus armatis, sedentibus, nigris, albis. Cæterum ex actionibus difficile est iudicium, propterea quòd vnde nascantur, & quales sint non satis perspectum habere, atque exploratum possumus: sæpe ex similibus siue affectionibus siue formis diuersæ nascuntur actiones: nonnunquam contrariæ: sed vel ipsas veras & germanas tenemus, quod est sanè quàm rarum: vel quantum possumus

sumus, finitimas, & proximas: ratio enim distinctionis formarum ex his actionibus petitur: ideo hæ sunt, quæ & cuique speciei sunt propriæ, & aliæ ab aliis species per has separantur. Itaque & propria dicantur suarum formarum, & aliarum differentia: quarum differentiarum nos ingenti laborare penuria merito Aristoteles est conquestus. Atverò sicut in ciuitate gens vna in multas discedit familias, & harum vnaquæque adhuc in alias: vt de Corneliis sunt quidam Lentuli, quidam Scipiones, & Scipionum partim sunt Africani, partim Nalicæ, partim Asiatici: sic in rerum natura sunt latiores quædam similitudines, quæ alias arctiores capiunt: sunt arctæ, quæ secari, ac separari iam inter se vltius non queunt: vt omnia animalia similitudine quadam tenentur effectiōis viuētis & sentientis: sed homines inter se non solum effectiōis viuētis sentientisque, verum intelligentis quoque & ratione præditæ. Colorata omnia hoc ipso sunt similia, quod colorem habet superfusum: alba verò hoc eodem ipso, & quod colorem disgregantem visum. Iam ergo imponamus nomina, quod facilius sit deinceps rei intelligentia. Similitudo hæc vocetur natura, seu conditio, seu ratio, seu forma, seu nota: vltatius est in latioribus genus, in angustioribus species: ea capit multa in vno aliquo conformia, id est, de multis dicitur: quatenus in vno aliquo sunt similia, aut communicant, quod vnum est de illorum essentiæ ratione, id est, quatenus sunt hæc, aut illa: sed ampliores similitudines collatæ ad suas arctiores dicuntur genera: quæ capiunt multas species, quatenus in vno aliquo essentiali communicant: totum & partes nuncupantur. Sed generis nomine pro ratione, & modo, & forma, & nota quadam abutimur, vt genus belli, cibi, dicendi: & pro natione aut gente, genus humanum, Trojanum. Et generis vinculum vt speciei cum vniuscuiusque essentia est aptum, & connexum: & essentia pereat sit tollatur. Ergo genus & plures species completitur, & de vnaquaque affirmatiue dicitur: tum cuiunque potest illa congruere, & genus: quin & omni dicitur tempore, nec potest non dici. Cæterum eadem ipsæ latæ si ad alias conferantur latiores, fiunt species. Itaque sunt latissimæ nonnullæ, quæ latiores supra se non habent: velut vltra quas nihil est, sicut res. Ista dicuntur genera generum, seu suaprema, prima, antiquissima: ex quibus ceteræ species suspen-

Species.

Genus.

sæ sunt, vt inquit Seneca. Infimas nominemus meras, & arctissimas, & imas, sub quibus nihil est commune aliquibus, sed rerum singula, vt homo, equus. Nam Troianus, & Romanus si qua ratione sunt conformes in humanitate considerentur, vna est similitudo: sin patria, segregantur, quæ ad hominem non pertinet distinctio, sed ad locum, vel nationem; enim sub humanitate comprehenditur ea diffinitas, sicut rudere & hinc sub vita. Videlicet idem homo esset M. Caro, etiam si alibi natus, quàm Romæ: non idem animal Bucephalus si non hinniret. Species omnia quæ sunt naturæ ac essentia generis, continet: addit insuper ex se aliquid, quod est suæ essentia, non inhaerentis, aut materia: vt homo ei quod est animalis, nempe vitæ & sensui, rationem adiungit: & album colorato sparsionem intuitus. Troianus nihil essenziale adfert homini: ac ne vir quidem, aut scemina: materie nanque est sexus non effectiois. Ideo mutasse quosdam sexum minùs est mirandum, quoniã non migrabant ab effectioe essentiali in diuersam. Ita que multò est aliud superius in dialectica, & species vel genus in hac speculatione: siquidem illud nuncupationem modò capaciorem spectat, hoc essentiam latiore: vtrobique nomina sunt nobis proposita, sed illhic nomina affirmanter dicta: hic res nominibus comprehensæ, & consignatæ: quandoquidem genus hoc aut species non modò in nominibus vel nostris intelligentiis est situm, sed in natura rerum est ea similitudo, ac communio, etiam extra nomina, atque intelligentias nostras: est enim in ipsis rebus, seu potiùs res ipsæ similes conformesque, tum in facultate naturæ mundi lege ad productionem similium, vt in ea sit vi quadam, in rebus autem expressione. Nos tamen similitudines conferimus, & nomina alia à singularibus imponimus, quum res non sit alia. Sunt quædam similitudines mediæ, quæ subalterna vicissitudinaria dicantur: vt nec latissimæ sint, nec arctissimæ, quibus aliquid est antiquius: hæ & genera, & species dicuntur: mediæ, siue interiectæ. Quod vnicum est in se contractum, & à similitudine capitur, nec ipsum capit alia, Græci *ἀτομον* vocant, à nobis dici potest singulare: vel rerum singula, vnum, vnicum, ex Græco vertentibus inlectile, vel indiuiduum: & quia etiam *ἰνδιαισις* Græcè, suppositum à nonnullis appellatur. Seneca speciales homines

vocat

Indiuiduum.

vocat Ciceronem, & Catonē, generalem verò, qui sub oculos non venit. Vnaquæque res mundi tam substantiarum, quàm accedentiū vna est, & singularis imagine authoris sui: neque est vlla tanta inter res duas similitudo, quæ vnum ex duobus possit reddere, nisi quum figura aliqua & loquendi ratione tale quiddam dicimus: vt ex duobus animis amoris vinculo vnum fieri, & duo candida eodem colore esse infecta, quia simili: quomodo singulare nominamus, quod par, aut simile non habet: vt singularis Christi erga nos charitas. Verùm in se contracta est vnaquæque res, vt non solum sui absimilis, sed nec ea sit, quæ sibi est simillima: & quemadmodum in substantiis infectile est vnum, ac singulare, quod per se totum subsistit: ita in adiunctis, quod in vno inhæret singulare est. Prouidendum tamen ne nos fallant res in nominibus: nam sunt quædam res, quæ solæ quidem & singulares sunt, nomina tamen indiuidui nō habent: vt sol, luna: in quo ratio significationis nominum est attendenda: videamus, quomodo vel sit impositum, vel à nobis vsurpetur: vtrum vt hoc vnum solum significet, nec aliud quicquam, vt Socrates: an vt hoc, & quicquid huic fiat essentia simile: si hoc, species est, sin illud, indiuiduum: ergo sol species est, Saturnus, aut Venus indiuiduum. Ille verò gradus quo à genere in speciem descenditur, videlicet illa actionis facultas vel passio- nis propria vnique speciei, & qua abundat species supra genus, speciei suæ proprium est, aliorum differentia. Proprium cuique est, & quod est diuturnū, ac perpetuum: vt diuorum propriæ sunt voluptates, ait ille in comœdia: & proprium quod cum alio non est commune, vt proprius Pauli mos: ita quod quisq; habet solus, est illi proprium. Sic differ-
 rentia est, qua inter se res differunt, velut Plato & Socrates
 nobilitate, forma, ætate: in quo differentia tria distinctorum
 genera complectitur, diuersa, varia, separata: vt diuersitas ad
 essentiā referatur, varietas ad inhærentia, separatio ad com-
 pagem, aut coniunctionē: vt duæ partes candidæ huius char-
 itæ integræ diuersæ sint: si altera nigro imbuatur, sint variæ,
 si discindatur, separatæ. Sed in proposito nos essentiæ ratio-
 nem spectamus, vt ea facultas & vis quæ cuiq; formæ est at-
 tributa Dei munere per naturā constituto, nec vlli alii, pro-
 prium sit illius, differentia aliorum: si assequimur, bene ha-
 bet, sin minus, confectamur quantum possumus, proxima.

Propriū.

Differen-
tia.

Quæ arte & vſu ſunt quæſita, non dicuntur naturę, neq; illa quæ aliunde extrinſecus acceſſerunt: vt medicamine aliquo, aut à ſoli vel cæli proprietate peculiari: quippe quæ nō ſunt muneris à natura conſtituti, & aſſignati illi formæ ſimpli- citer, ſed ex addito: vt Perſico occidere in Perſia, non hīc. Proprium ergo eſt, quo reſtringitur genus ad aliquam ſpe- ciem: differentia qua ab aliis formis ſiue ſui, ſiue alieni gene- ris ſegregatur, ſed proprior eſt & germana magis, quum ſui. Cicero conſulit filio, vt ſi proprium non inueniat, commu- nium frequentia vtatur loco proprii: nec vllius rei maiore la- boramus inopia, quàm differentiarum: quocirca perdiffici- le eſt aſſignare genera & ſpecies, ſiue deſcendendum ſit à ſu- perioribus ad inferiora coarctando, ſiue laxando aſcenden- dum: tum vt rerum intelligentia, ita etiam nominibus defi- cimur, quæ non ex rebus nobis naſcuntur, ſed ex captu inge- nii noſtri aptantur rebus. Et quia toties inhærentis memini- mus, dicamus & de illo nonnihil.

Inhærens. Inhærens eſt, quicquid eſſentiæ accedit, id eſt quod nō eſt de eſſentię ratione, ac ingenio: vt albor in homine, & in olo- re. Sunt inter hærentia alia momentanea, quæ ex ſubito ali- quo affectu naſcuntur: vt rubor, in eo qui verecundatur: hæc etiā ſubito tranſeunt: alia diuturniora, velut candor in char- ta: alia ſunt perpetua, ſed quę mutari poſſent, vt nigrities corui: nā poſſunt corui albi naſci medicatis ouis: alia quæ mutare nulla vi aut arte quæunt, vt calor in igne: his vti- que naturæ legibus. Similitudo accidentalis eſt, quum in eo res congruunt, quod non eſt de eorum eſſentia: vt Aethiops & coruus, Germanus & olor: ſi quis tamen duo nigra dicat ſimilitudo eſt eſſentialis: nigrities enim de eſſentia eſt ni- gri, nempe forma eius. Itaque Socrates & Plato ſedentes, ſimilitudinem habent adiuncti: ſi quis autē dicat duo ſeden- tes, quatenus ſunt ſedentes ſimilitudinem habent eſſentiæ: & ſedens ſpecies eſt illorum ſingularium: ita accedens vniuer- ſale nō eſt, quoniam non in eſſentia ſuperius.

Nominū diſtin- ctio. Nominum alia ſumuntur ab eſſentia, ſiue effectione aut facultate illius naturali: vt homo, vel rationale: hæc dicun- tur eſſentialia: item albor, nigrities: nam adhærentia eſſentiā quandam habent ſuo modo: quod verò de inhærentibus ſi- gnificatione trahit, id eſt accidentale: tanquam album, nigrū: in quibus ſunt, & quæ materiam notant corpulētus: & quæ partem

partem succosus: & quæ inhærens dicunt, vel exterioris sensus: vt albor, ridere: vel interioris, vt intelligens, ridere aptus, bonus: in quo sunt vires rerum, vt herbarum, lapidum: vel quæ ex collatione, pater, filius: vel quæ applicita, vt herbidus coronatus, vestitus, armatus: quæque in loco & tempore, aut contrâ, id est quæ capiunt, aut capiuntur: vt vinum doliare, & dolium vinarium: & quæ res admixtas signant, & magis interiores, limosus, lapidosa via, piscosus lacus: & quæ separata sunt, vt omnia quæ possidentur, vel possident, vt diues, v-xorius, paulinus: vel ab ea vel in eam procedens, vt actio, & passio: quibus & si exempli gratia à nobis positis omnem rationem rerum distinctionem fermè conclusimus, quanuis res naturæ in certas velut sedes tribuere fortasse impossibile non fuerit: verba autem quis poterit, tam sparsa, tam diffusa, translata, impropria, in tanta licentia sermonis, & tanta varietate linguarum?

Ex iis conformitatibus nascitur idē, & diuersum: seu aliud. Nam quæ vehementer sunt cōformia, idem solemus nominare: aliud vel diuersum pro dissimili vsurpamus: similitudo enim facit tanquam idem, quemadmodū de amico dicitur, quod sit alter ipse, propter cōformitatem animorum: tum sensu & phantasie iudiciū sequimur, cui multitudo plurimū in appellandis rebus tribuit: at hoc ex similibus vnum apud se efficit. Sed ex eisdem alia eadem sunt, siue idem specie quasi similia specie, seu sub eadem speciei congregatione, & velut familia, vt duo homines: alia idem sunt genere, vt hic homo, & ille equus, id est sub eodem genere animalis: aliqua idem sunt indiuiduo, hoc est vnum sunt ἄτομον, vna res singularis: quum dicimus hæc duo, aut tria idem sunt indiuiduo, vel duo nomina ostēdimus, vt Socrates & Sophronisci filius: vel rem eiusdem nominis diuersis temporibus aut locis, vt Socratē heri & hodie, Tyberim Romæ & propter Hostiam: aut quasi diuersæ res ostenduntur, vt Aristoteles sedens, & deambulans, siue eodem tempore & loco, siue diuersis. Res eadem aut idem sunt indiuiduo variis locis, aut temporibus, quæ mutatae non sunt: quæ verò mutatae sunt diuersæ indiuiduo dicuntur. At mutatio hæc vel spectatur ex ipsa re & natura, vel ex nostris iudiciis. Ex ipsa re solus Deus est immutabilis: quippe qui idē omni loco, omni tēpore, Socrates alius est hodie, q̄ heri, multain eo varian-

tur.

Idem.
Aliud vel
diuersum

Mutatio.

tur. Sed mutatio vel ad ea pertinet ex quibus constat rei essentia, ut materiam & formam, siue effectiōem. Et hæc mutata faciunt aliud ens: nempe si quid sit materie ademptum, si quid additum. Quocirca anima cuiusque nostrum, unusquisque angelus, saxum in mari non est aliud ens, quàm fuit superiore anno: homo est aliud hodie, quàm heri: in viuenti bus enim fuit semper materies propter alimentatiōem: in herentia verò faciunt aliud tale. Hoc modo angeli & animæ mutantur: & idem sunt Barcherus candidus, & fuscus. Sed iudiciis nostris non est certa, nec perpetua regula, ut quisque considerat, ita & sentit, & eloquitur: alia alius animaduertit: quæ cuique mutata non videntur, eadem illi dicuntur, ut fluiui perennis aqua heri & hodie: quæ autem videntur mutata, in similem tamen locum & ordinem successerunt, apud plerisque non amittunt eiusdem appellationem: ut eadem sit naui totos decem annos sæpius relata, quemadmodum de nauī Thesei Athenienses cauillabantur. In iis quæ crescunt, quæque minuuntur plerique vocat idem, ut in homine puero & viro, in albore, in iustitia, in prudentia. Sunt, qui aliud: illi ita vocant vnum, tanquam explicuerit se, quod erat contractum in auctu: vel contraxerit, quod erat expansum in damno. Hi verò tanquam aliquid sit detractum, aut de nouo accesserit. Non desunt, qui etiam de mutatione accidentium aliud ens vocent: ut alium hominem, alium equum, alium Socratem: in quo hi spectant faciem, illi mores, ingenium, fortunam, actiones, adeò ut alium etiam Deum quidam inconsideratè dicant, ex diuersitate actionum diuersum facientes agens.

Diuisio.
Diffinitio.

Ex descensu à genere ad speciē diuisio & diffinitio nascitur, duæ res omnibus artibus maximè necessariae. Diuisio nihil est aliud, quàm separatio coniunctorum. Diffinitio est cuiusque rei limitatio. Coniuncta sunt partes in mole continua, & partes in numero, quæ congregatæ sunt. Quum partes continui secantur, partitio est: quum partes numeri, distributio, segregatio, separatio, & aliis nominibus hunc in modum. Sed sunt quædam partes congregatæ in cumulo vno cōformitatis ac similitudinis, ut indiuidua in specie, species in genere, ideo & genus totum dicitur, & species partes: nam ita genus ex suis formis cōstat, ut corpus ex suis omnibus partibus: nisi quòd in aliis totis partes nomen sui totius

non

non obtinent, species habent. Vnusquisque enim hominum est animal, non quæuis hominis pars homo. At vnaquæque pars aquæ est aqua, sed non ea aqua, cuius est pars. Vnusquisque verò homo est animal, non aliud animal, quod ipse est, aliud cuius est pars: nam conformitatis illius ratio iusta est æquabiliter per omnia, quæ eiusmodi conformitate, & quasi cognatione tenentur: vt in familia & gente vnusquisque est Scipio, & Cornelius. Itaque eadem etiam similitudo efficit vt vnaquæque pars sanguinis pars quidem molis sit sanguis, nō is sanguis, cuius est pars, nec quatenus est sanguinis pars, sed quatenus illa ratione & natura est similis. Quæ verò ambiguitate nominis clauduntur, ea non separantur, sed declarantur: vt taurus mons, & animal: nam si aliqua similitudine colligantur, eatenus nomen similitudinis genus est illorum, vt si canis sit animal hac forma & figura, marinus, & terrestris sunt sub eo: & si Socrates significet, quicquid sic vocatur species est ad omnes ita nuncupatos. Sin nulla tenentur similitudine, non est genus, sed ambiguum nominatur vt taurus mons, & animal, aquila avis, & tydus: quæ translationibus dicuntur, ad hanc de qua loquimur, similitudinem non pertinent: vt ignis, qui ardet, & amor: item quæ per imaginem nomen recipiunt, vt homo pictus, & verus: nam pictus non simpliciter homo dicitur, sed abusione quadam vulgaris sermonis, qui à sensibus regitur: vt ipsum vulgus sermonis dominus. Separatio ergo partium quæ sub toto genere clauduntur, diuisio à philosophis nominatur. Sed quatenus incommodum est in diuidendo multa persequi, ideo in locum formarum succedunt differentiæ, quæ in pauciores possunt contrahi, quàm species, vt si quis singulas ciuitates ad rationem administrationis persequi institerit, longum nimis fiet: ita comprehendet breuiter: Esse ciuitates alias quæ ab vno regantur, quæ est monarchia: alias à paucis regi, quæ oligarchia: alias à multitudine, quæ democratia.

Videndum vt quæ diuidunt, exhauriant totum diuisum: *Leges di-*
ideo non est proba diuisio, animalium hoc bipes, illud qua- *uisionis.*
drupes: nam sunt apoda. Tum ne plura comprehendāt partes, quàm totum: ideo neque hæc est proba, de animalibus hæc quidem viuere, illa esse extincta: quippe mortua nō sunt animalia. Tertiò ne vnum membrum de alio possit affirmatiuè dici: quare neque sic rectè distribueris. Animalium quodd

quoddam quadrupes, quoddam bipes, quoddam repens quando sunt etiam quadrupeda, quæ repunt. Quapropter danda opera, ut membra quo inter se non congruant sint vel opposita vel disposita, quæ dicuntur disparata: Ex virtutibus hæc, quidem est pietas in Deum, illa verò iustitia erga homines: In metallis aurum, argentum, æs, stannum, plumbum, cuprum, argentum viuum. In oppositis sunt contraria seu aduersa, ut quæ sub eodem genere remotissimas habent vires: album, nigrum: dulce, amarum: calidum, frigidum: motus sursum, & motus deorsum. Hæc habent certa à natura & definita fundamenta: neque enim lapis bonus est, aut malis moribus, nec æger aut sanus: & in fundamentis tempus à natura constitutum: nec infans bonus est nec malus: & aliis aduersis medium interponitur, qualia sunt propè omnia, album ac nigrum ambiunt ceruleum & viride. Sunt quæ carent medio, ut sanum & ægrum ex Aristotelis sententia. Sunt alia opposita, quæ dicuntur priuantia, quorum vnum nihil aliud videtur quàm priuatio, ac denudatio alterius: tanquam lux & tenebræ, videns, cæcum. Quædam sunt contradicentia: etiam, non: hoc, non hoc: relatiua nonnulla, de quibus alibi est à nobis dictum. Ex his omnibus sit bona distributio: videlicet, aduersis inter quæ non est medium, animalium partim sunt sana, partim ægra: si habeant medium minus commodè. Sed videndum ne quid omittatur, nisi fortè exempli gratia fiat diuisio magis ad intelligentiam alterius rei, quàm ad eius ipsius accuratam expositionem: ut sapes sunt, dulce, amarum, austerum, acidum, & eiusmodi: quod sæpenumero solet fieri: præcipuè in assignandis artium exemplis, ut nos interim fecimus per priuantia hoc modo: Locorum alii lucidi, alii obscuri: Hominum alii videntes, alii cæci. Per contradictoria fit quum vel differentiarum nomen ignoratur, vel adeò multa sunt, & varia, ut non commodè queant comprehendi: Pars volucrum est rapax, pars non est rapax. Relatiua locum habent præcipuum in rebus politicis: Ciues omnes aut priuati sunt, aut magistratus. Hæc ratio diuidendi spectat & ad diffinitiones assignandas: nam superiore posito, & membro vno sectionis illi applicato, rectè quæ ab aliis omnibus seiuncto, existit diffinitio. Nam ut rerum natura in certas formarum similitudines cuncta disposuit, ita singula ab aliis omnibus secluserunt quæ

quæ illa similitudine non tenerentur. Quare diuisio condu-
cibilis est ad explicationem eorum, quæ sub illa conformita-
te cõprehenduntur, diffinitio verò ad segregationem à dif-
formibus atq; ab similibus, vt ea similitudo tota intra se coga-
tur, nec aliud admittat, quod non sit eiusdem ingenti, ac na-
ture: idcirco finitio, seu diffinitio nominatur, à Græcis *ἔσθ* Finitio.
quasi terminus, & designatio limitū: ne vel res ipsa ad alic-
nos egrediatur, vel alienum aliquid intra illos se insinuet: a-
lioqui magna sequeretur & in loquendo, & sentiendo per-
turbatio: qualem videmus accidere, quum de rebus agitur,
quarum ignoratur diffinitio. Idcirco sapienter Plato præce-
pit, vt disputatio omnis & disertio à diffinitione sumat ex-
ordium. Ergo finitio sit nobis intellecta brevis explanatio
similitudinis & dissimilitudinis, communionis & proprie-
tatis, illud in genere, hoc in proprio. Hæc quidem germana
est diffinitio, quæ essentialis nominatur: sed quatenus rerū
essentiæ per se sunt nobis ignotæ, quæ sita sunt per quæ illæ
nobis innotescerēt, nempe adiuncta: quippe vt intelligentiæ
nostræ ex sensuibus nascuntur, ita essentialium cognitio,
quæ est mentis ex adhærentium cognitione, quæ est sensus:
nec solum in essentia substantiarum hoc usu venit, sed in es-
sentia quoque inherentium. Cæterum explanationes istæ
per adiuncta magis declarationes, aut expositiones, aut expli-
cationes dici debent, aut vt vocant nonnulli, descriptiones,
quàm finitiones. Quia verò non solum per illas essentiæ
quædam monstratur ratio, sed etiam quadantenus termina-
tur, ac intra certos fines redigitur, diffinitio videtur posse no-
minari: modò quæ sit inter eas discretio sciamus, videlicet vt
illa diffiniat, hæc declaret. Et quò penitus rei essentiam diffi-
nitio attingit, hoc fit verior quidem, sed tamen obscurior:
quo fit vt essentiæ diffinitiones parum nos doceât, minimèq;
sint nobis utiles, ac ea de causa, vt puto, raræ. At verò essen-
tiæ finitione sola diffinitur species, quæ est species: quæ &
genus habet ad communionem, & ad segregationem pro-
priam differentiam. Genus verò genere non capitur, nisi
qua ratione est species. Sed neque singulare habet propriam
sibi distinctionem essentiæ, accidentibus figuratur: vt qui sit
M. Cato, qui Bucephalus, quæ Portia aut Lucretia.

Dicamus ergo diffinitionem breuiter ac propriè com-
prehensam rei naturam, per ea quæ sunt illi intima: declara-
tio quid.

Interpre-

Etymo-
logia.

tionem autem expositionem cognobilium inhærentium illi propriè congruentem, quod declarat. Vtroque autem modo diffinitio est brevis, atque apta rei limitatio, seu circumscriptio. Sed multis modis explicatur, declaraturve quæque res. Aut enim ignoràtia vocis clauditur: vt tuburcinari, id est celeriter comedere: antigerio, id est, valde: *αντρωος*, id est, homo: quod fit ab vna lingua in aliam, vel in eadem: nihil ad hunc locum, interpretatio est hæc, non diffinitio. Proxima est huic etymologia, vt fides quasi fiat quod dicitur, quæ ex se non habet satis virium ad hoc quod quærimus, & variatur apud varias gentes, & robur, atque auctoritatem sumit ab iis, qui vel sic appellant, vel sic exponunt originem. Sunt tamen quædam etyma, quæ ex natura rei acutè ac subtiliter deducta, diffinitionis habere locum possunt: qualia sunt vera nomina: & quæ ob eam causam naturaliter significare dixit Plato in Cratylo: sicut vipera, quòd viuum pariat: in omni enim lingua sic diffiniretur. Hæ sunt explanationes vocum magis, quàm rerum, sicut in diuisionibus. Philosophi alii de inuentoribus sumunt appellationem, alii de schola, sunt qui de placitis sectæ, quidam de vita. Tertia

Metapho-
ra.Propor-
tio.

expositio fit per metaphoram: ver anni est pueritia: homo paruus mundus: coitus brevis morbus comitialis. Lusus sunt hæc, etsi declarant interdum rem, ac circumscribunt: vt affectus est ignis animi, cuius ardor celari ægre potest. Huc pertinet similitudo omnis, seu proportio, quæ Græcè *αναλογία* dicitur: mens est in homine, quod in mundo Deus. Quarta est remouendis iis, quæ cognoscimus, vt sciamus, quod non cognoscimus, nihil esse illorum: animus est, quod solum ex homine non apparet, edit tamen hæc opera tam admiranda. Interdum sublati iis sigillatim, quæ nouimus, subiungitur aliquid aliud. Angeli sunt non Deus, non homines, sed medii quidam spiritus inter illos. Sunt nonnulla quæ aliqua rei nota insigniuntur, vt cognoscantur, tanquam oues signatæ, aut merces. Paulus est, quem persequentem ecclesiam Christus ad se conuertit. Cæstius est, qui dicebat Ciceronem nescire literas: licet interdum haud scias statuere, vtrum potius alterius sit nota, Cæstius sui dicti, an dictum illud Cæstii. Sed non est iustus & tanquam legitimus terminus, nisi res quadranter sit comprehensa, vt ea concludatur sola: & quicquid ipsa amplectitur: aliæ res omnes quæ eiusdem

dem non sunt rationis ac naturæ, sint exclusæ. Quapropter ad rectè diffiniendum, sumendum est de principio non tam genus, quàm superius quiddam accommodatum exprimendæ rei, siue id essentiæ sit, siue adhærentis, siue etiam metaphoræ: tum concinnandum, & coarctandum adiunctione inferiorum, dum illud totum quadret, ac fiat propriū: quod ex diuidendi ratione, commodè posse fieri Boëthius Seuerinus docet: vt diuidatur quicquid additur, & examinetur, num membrum vni rei propositæ cōgruat, alterum non, an vtrunque: si alterum non cōpetit, astringendum adhuc pressius: si verò vtrunque propriū est, sistendum ibi, quoniam expleta est suis omnibus partibus diffinitio. Itaque hic non pèrinde propria & differētiæ sunt essentiæ diligendæ, quàm declarationis. Superius verò de quo dixi, id etiam debet esse, quoad eius fieri poterit, declarans, & remanente oculos subiiciens: hoc ferè est proximi loci superius. Nam quod recedit longiùs propter amplitudinem minùs est aptum. Exemplum inquirendæ diffinitionis est apud Platonem de Sophista, licet non satis ad docendum idoneū, magis erit, quod Rodolphus habet de iure, cuius hæc sunt verba: Sumamus inquit, exemplo nobis ius diffiniendum: inueniemus primum ius vim quandam in se habere cogendi, & iussum, vnde nomen videatur traxisse. Itaque erit ius nobis vel placitum, vel decretum quoddam. Veruntamen non omne decretum ius erit: nam & domini seruis, & patres filiis, & philosophi discipulis decreta edunt, quæ tamen ius nō vocamus, cogitemus aliquid, quo ista excludamus: videmus potestatem quandam esse istis, sed minorē, quàm vt iura facere possint: addamus ergo esse placitum maioris potestatis, hoc est vel populi, vel in quem populus potestatem suam transtulit, vt senatus, vt principis. Quid ergo? Quicquid iusserit princeps, si seruis vt lectum inserviant, ius erit: Non videtur: sed, quod ciuitati iussum est, idq; quod ad statum eius tuendum pertinet: sed neque id quidem ius erit, si vel partem aliquam ciuitatis grauius premat, vel finitimos contra fas naturæ, gentiumve lædat: æquum ergo esse oportebit. Circumsferamus diligenter oculos, videamusque, ecquid intra completum diffinitionis possit venire, quod nomine diffiniti non contineatur, sed & contrà quoque, contineatur ne aliquid diffinitio, quod diffinitio non admittat: quæ si non videbun-

tur, colligamus iam à capite omnia, dicamúsque: Ius est decretum maioris potestatis ad tuendum ciuitatis statum ex æquo & bono institutum. Hæc Rodolphus.

Distribu-
tio rerū
in locos.

Verumenimvero ei, qui rectè diffiniturus, aut diuisurus est, rem esse perfectam penitus, & cognitam oportet, intus, foris, vt in numerato atq; ad manum ea habeat omnia, quæ ad illam pertinent: quæ nos ad artem tantæ utilitatis adiuuandam hunc in modum tribuamus, vt alia de ipsa sint rei essentia, velut genus, forma, differentia, singularia, pars, totum: omnia hæc inter se in directa serie siue ascendendo siue descendendo ad essentiam mutuam spectant, cuiusmodi sunt animal, homo, ratione præditus, Aristoteles, corpus, caput. Alia essentia sunt applicita, & hærentia: vt quæ sensu comprehenduntur, quæq; cogitatione ac mente, vsq; adeò affixa rei, vt manere iam ampliùs sine illa non queant. Hinc sunt actio & passio: Tum causæ nempe efficiens, & finis, media etiā, & effecta. Postea quæ rem capiunt arma, indumenta, locus, tempus: in quibus ordo & in ordine prius ac posterius: contra etiā quæ res ipsa complectitur, vt quæ in loco, quæ in tempore, quæ in corpore, quæ in vestitu, denique quacunque ratione existentiæ in alio. Iam quæ referuntur ad rem, in quibus sunt quatuor oppositionum genera: pugnantia, orbantia, contradicentia, relata. Est quum ad dissipta & separata egredimur, ea sunt duæ res diuersæ, aut plures nullo comparationis vinculo inter se collatæ: comparationem voco quatuor illas oppositionum formas. Sunt etiam addita quomocunq; & applicita: vt cruor in veste, lutum in facie, geometria addita rhetorice in eodem animo. Sunt à nobis attributa, vt conficta in vita, possessiones, & ii qui possident, facultates, opes, honor, dignitas, nobilitas, magistratus. His subiunguntur, quæ sunt ante rem, quæ illā quomocunq; censentur antecessisse, maiores, prædictiones, oracula, somnia. Postremò quæ illi quocunq; pacto succedunt: vt fama, posterius, exemplum. Hæc ferè in libris primæ philosophiæ explanauimus subtiliter: & quum de probabilitate differemus, persequemur fusiùs. Ex his omnibus diffinitiones, ac diuisiones depromuntur, quod videre est in scriptoribus cuiusque notæ, & cuncto vitæ vsu. Speusippi circumscribitur de Platonis diffinitionibus Libellus, in quo multa eorum, quæ diximus licet exempla animaduertere. Sed

nos

nos sigillatim de vnoquoque genere subiungemus, eodem quo posuimus ordine. A genere in formā sic partimur: *Ciuitatis regimē, aut democratia est, aut oligarchia, aut monarchia. Simiæ sunt simii, Cercopytheci, Cynocephali, Cæpi, Sphinges, Callitriches, Satyri, Cynopsopi, Manticoræ, Crocutæ: ad differentes, ex animalibus hoc ratione præditū, illud orbum: ad singulas res, Christiani orbis Reges Carolus, Fernandus, Franciscus, Henricus, Ioānes, Iacobus.* **A toto.** A toto ad partes diuisio est huiusmodi: Literæ aliæ pinguntur atramēto, aliæ minio, aliæ creta, aliæ carbone: hæ sunt enim literarum partes, nempe materies. Ex adhærentibus, partim hominum sunt naso timo, quidam extante, quidam aquilo, nonnulli repando, aliqui retorto, multi recto: quæ aliorum pertinent, nempe ad adiuncta: contrā verō à partibus in totum, à minoribus ad capaciora non est diuidere. Finitiones inferiorū per superiora fiunt, sicut est declaratum: nonnunquam retrorsum venit, ut per inferiora finiatur superius, & maius, quum eo loci positum est superius, ut ultra se nihil admittat, quo explicetur, aut certē non possit apte: ita magis tum arctioribus tanquam exemplo quodam ostenditur, quā diffinitur: ut ens est quod est substantia, quodve substantiæ accedens: in quo quando ascendere non datur, descendimus. Huius notæ sunt diffinitiones illæ, qualitas est per quam quales esse dicimur, ut Aristoteles inquit: inhærens est, per quod res habet aliud nomē, quā pro essentia suā ratione. Assignatur etiam diffinitio à partibus totius, ut apud Ciceronem: ius ciuile est quod in legibus, senatus consultis, rebus iudicatis, iuris peritorum autoritate, edictis magistratuum, more, æquitate, consistit. Et Papi- nianus: ius ciuile est quod ex legibus, plebiscitis, senatusconsultis, decretis principum venit. Homo est quod cōstat anima rationabili & corpore ita formato: Corpus componitur ex capite & trunco: Domus ex fundamento, parietibus, tecto: Ciuitas ex senatu, equestri ordine, ac plebe. Quæ utique diffinitio tum demū assignatur, quum notiores sunt partes, quā totum. Contrā ex toto fit partis diffinitio: Materies est ex qua constant quæ generantur, quæque corrumpuntur omnia. Quod genus diffinitionis difficile est aptum & simplex reddere, nisi aliquid sit admistum ex alio delumptum loco: velut caput est in omni animāte primum, ad or-

dinem refertur: facies est, ex qua homo cognoscitur, ac censetur, ad actionem, nam pars de se non satis potest totū explicare. Sequuntur inhxerentia, quæ campum diuidentibus & diffinientibus aperiunt latissimum. Oculi sunt quidam nigri, quidam glauci, partim virides, partim cęrulei: Animalium sunt alia simplicia, alia cauta, alia stolidia. Diffinitio hinc accipitur: Homo est animal rectum, lato pectore, expansum in brachia, diductis manibus in digitos, leui cute, ad prudentiam & bonitatem appositum, & factum, pietatis capax. Bouis descriptio est apud Varronem, Equi apud Virgilium. Sed quid persequor singula? Animantes omnes, stirpes, lapides, metalla, gemmæ hoc ferè modo declarantur, utpote sensibus congruentissima. In actione diuisio est: Animalia vel ingredi, vel serpere, vel natere, vel volare: Diffinitio: Delphinus est piscis celerrimè omnium natans, & solus inter eos saliens: Amor est condimentum, quo res omnes etiam amarissimæ dulcorantur. Ex passione: Eorum qui bene viuunt, ii multa sentiunt incommoda in vita, nempe qui agunt inter malos: illi honore afficiuntur, qui inter bonos. Iracundus diffinitur, qui ad iram leuissimis de causis celerrimè rapitur. Accedunt his causæ: Calor omnis aut est à Sole ac cælis, aut ab igne. Diffinitio: Dies est lux per hemisphærium nostrum à Sole diffusa. Homo est animal peculiari Dei opere conditum. In numerū causarum veniunt instrumenta: Eruditio paratur vñ, paratur studio, paratur doctrina. Persuasio omnis fit rebus, aut verbis: Triticum aliud molitur mola aquaria, aliud ventaria, pars asinaria, pars trusatili. Oleum est liquor ex oliua trapetibus expressus. Altera causa est finis: Eruditio ab aliis ad vñ corporis quæritur, ab aliis ad vñ animi, à quibusdam verò ad vanitatem ostentationis. Diffinitur hoc loco homo, animal à Deo ad æternam beatitudinem genitum. Ius ciuile est æquitas constituta iis qui eiusdem ciuitatis sunt ad res suas obtinendas. Media sub instrumentorum rationem ferè concluduntur. Sunt causæ sine quibus effectus non sequitur. Fames contigit aliàs sterilitate agrorum, aliàs vastatione. Bellum Troianum est quod Græci cum Troianis gesserunt propter raptam Helenam. Est in causis ignotis fortuna: ut, Aliis hominibus cessantibus perueniunt omnia, aliis nihil nec vigilantibus, ac strenuè laborantibus, aliis tenuiter

ter, ac maligne. Diffinitio: Honor popularis est locus dignitatis, quo cæca fors sine delectu euehit, quos ipsa non videt. Casus est in iis, quæ accidunt præter destinationem: Duo hi foderunt, hic thesaurum reperit, ille laqueum, Thesauros partim bestię prodiderunt, partim homines terram vertendo, pars ruina exiit ædificiorum vel montium. Diffinitio: Orichalcū est æs auro simile, quod Orius metallarius produxit, dum studet ex ære aurum facere: Bombarda est tormentum bellicum, quod metallario aliud agenti inopinato exiit. E causis nascuntur effecta. Est ira quæ aliis cogit manus asserre, est quæ sibi met ipsi. Diffinitio: Vipera est quæ sola ex serpentibus vinum parit.

Ab effectis.

Quæ rem capiūt varii sunt generis, sicut in prima philosophia patefecimus. Ex omnibus & diuisiones eliciūtur, & diffinitiones: quorū exēpla serē sic habēt. In eo quod capit homines hi vestiuntur panno, hi linteis, illi byssinis, aut sericis, sunt qui cōtextis frondibus, aut plumis. Vinum aliud seria, aliud dolio, aliud vtē seruatur. Ex loco, Animalium alia in terra viuunt, alia in aqua, partim in aëre, quædā sunt amphibia. Herbarū sunt agrestes nonnullæ, sunt aliæ hortenses. Crocodilus piscis, est serpētinus in Nilo viuens. Balsamum liquor est odoratissimus in sola Iudæa proueniens. Valētia vrbs est in Hispania vltiore, miliari vno à mari reducta. Concio est oratio, quæ in loco publico ad multitudinem habetur. Triarii sunt milites fortissimi in postrema acie collocati: In tempore: Flores nascuntur quidā primo vere, quidam adulto, quidā senescēte, alii æstate ipsa, atq; etiā autumno. Amygdalus est arbor, quæ prima omnium floret. Pyrus syluestris, quæ tardissimē. Vegetatio est vis animæ, quæ prima se in homine profert: ratio quæ postrema. Cupiditas gloria est quæ vltima præstantibus viris exuitur. Quæ sunt velut in hærentia in substantia: intelligēdi vis in hominibus est sita, vel in angelis, vel dæmonibus. Angina est morbus faucibus affixa, & podagra articulis pedum. Partes in toto: Dignitas & manui & pedi sunt communes: Folia tum arbores, tum frutices, tum herbe habēt. Intercalaris est dies, quē solus habet quartus quisq; annus. Quæ in aliis sunt potestate: Fruges aliæ sunt in herba, aliæ in semine: Picturæ sunt quædā delineatæ iam, aliæ adhuc in animo pictoris. Quæ in aliis vi, & potentia: Regnum vel in vno est, vel in multis, vel in

Quæ rem capiunt.

paucis, in optimatibus, aut plebe. Diffinitiones, quæ aliquid declarent non facile est in his generibus inuenire: propterea quod quæ in alio sunt potestate vel potentia, ita latent, ut ea sint potius per alia explicanda, quam ut alia explicent. Sed de his satis: nam singulorum adferre exempla, quæ in prima philosophia persecuti sumus, quum esset longum, tum verò minimè necessarium: & verendū esset ne subtilis illa rerum minutarum concisio fastidium lectori adferret.

Quæ ab
aliis capiuntur.

Quæ ab aliis capiuntur eadem propè sunt in his, quæ modo sunt dicta. In vtre aut mel seruatur, aut aqua, aut oleum, aut vinum. In bulga mulieris vel puer nascitur, vel mola, vel bestia. Semina sunt quæ continent in se arborem, sunt quæ fruticem, sunt quæ herbam. Regum hi habent in se regnum in vniuersum, hi bonam partem, alii exiguam. Diffinitiones sunt: Humana mens est sedes intelligentiæ, rationis consilii: Ciuitas sine iustitia est receptaculum latronum. Maiestas reipublicæ est in qua continetur dignitas, & amplitudo ciuitatis. Annus est in quo duodecim menses comprehenduntur: Pes est extrema atq; infima hominis pars: Aurora principium diei: Bonus princeps est, qui nō in cogitatione suorum commodorum, sed publicorum est cunctus.

Relata ad
aliud.

Iam quæ referunt, per se quidem inhærentia sunt, sed inter se comparata ad hunc locum pertinent, in quem diuisio non cadit: nam hæc si per superius partiuntur aliorum spectant: ut, Colorum hic niger, hic albus: quæ sunt generis & formarum. Hominum hi vident, illi cæci sunt, alii patres alii autem filii: in adiunctis reponuntur. Sin vnum in aliud tentes diuidere nihil proficies. Diffinitiones in his sunt,

Virtus est vitium fugere, & sapientia prima Stultitia caruisse.

Sed propius & exactius: Album est color, cui ex contrario maximè repugnat nigrum: Cæcitas est visus orbitas: quæ etiam est essentialis. Nam priuationis essentia est positionis absentia: ut tenebræ luminis. Hæ essentialis sunt quoque: Pater est, qui habet filiū: Dominus, qui seruū: Seruus, qui dominum. Idcirco minùs quàm aliis ex locis notæ. Contradictoria & separata per omnia diuidendi genera sunt fusa: deq; earum diffinitione iam est dictū. In additis diuisio est: Dicendi ars in quibusdam est sola, in aliis est cum philosophiæ cognitione coniuncta. Diffinitio; Parasitus est comes in diuid

Addita.

individuus stultorum, ac profusorum diuitum: Magister equitum est dux, quem sibi adiungit dictator. *Attributa* In- te homines inuenias diuites & pauperes: inuenias nobiles ac ignobiles: tum honestos, ac viles. Pauper est cuius census non valet quinquaginta numis aureis: Eques est ciuis Romanus, cuius census est quingenta millia. *Ante rē.* Contrā sic: Possessiones alix sunt pauperum, alix locupletum, alix nobilium, alix plebeiorum. Nobilitas est dignitas, quæ antiquitate diuitiarum censetur. *Post rem* Ante rem: Qui nascuntur, alii patre viuo: alii mortuo: Ex iis qui viuunt, alii sunt patrimi, alii matrimi, alii vtrunq; alii neutrum. Posthumus est qui nascitur patre mortuo. Opiter, qui patrem quum non habeat, habet auum. Paris est Priami filius, de quo parentes somniant futurum eum Troiæ facem. Post rem: Alii obscuri moriuntur, alii claritatem post se relinquunt: Felix mors boni ciuis est, quæ contingit in limine calamitatis patriæ.

Miscentur ex diuersis locis diffinitiones, quas vel nominemus mistas, vel de loco censeantur præcipuo, vel certè ab eo, quem quisque potissimum spectarit: quod ut diffiniendo non est vitium, ita in diuidendo esset turpe: in quo est cauendum, ne rationes diuidendi in eadem diuisione cōfundamus: ut, Animalium alia terrestria, alia aquatilia, quædam aërea, nonnulla rapacia: Herbarum sunt aruentes, hortentes, salubres, multifolix, paucifolix: incurrunt enim in se membra, quod vitandum esse superius admonuimus. Verum si ad varias diuisiones pertinet, non miscentur: Homines colore sunt candido, fusco, atro: naso aquilo, simo, repando: oculis nigris, glaucis, cæruleis: Auium alix gregales sunt, alix solitaria, alix feræ, quædam mansuetæ: aliis pastus est carnes, aliis fruges, nonnullis vtrunque. Difficile dictu, vnde diffinitio elicitur, nisi ei, qui prius vniuersam rei essentiam rationemque interiùs ac exteriùs pernorit: quin & illi etiam, qui exploratum hoc habet, non perinde promptum statuere, vnde petitur diffinitio, quàm diffinire.

Leges diffinitionis sunt, ut diffinitio sit æqualis diffinito, non minor, neu maior. Tum ut rem explicet: idcirco parum apta est, quum in ea diffinitum ponitur, nisi in rebus, quæ sunt *per se*, quod aliter nequit fieri. Mihi verò continere superuacaneum vel redundans, id est quod abscindicitra iacturam totius possit, non video necessarium existi-

Diffinitiones mixtæ.

Leges diffinitionis.

mari : neque enim ingeniis omnibus breues sufficiunt , sed nec longas esse conuenit , quæ expeditæ intelligentiæ rei parantur. Et quando explanare ad ingenia audientium refertur , prospiciendum diligenter , qui audiant , vt quantum res pariat , diffinitio eorum captui applicetur. Quocirca Cicero & Quintilianus ita diffiniendum censent , vt maximè præsentì negotio congruat : aliterque gloriam finit Cicero agens Cæsari gratias pro Marcello restituto , nempe ad populum populariter , quàm in Tusculanis quæstionibus philosophicè differens apud paucos. Et Aristoteles de iucundo loquens in Rhetoricis ad Theodectem , oportere ait existimari diffinitiones eas esse sufficientes , quæ neque exactæ sint , neque tamen obscuræ : quod dictum ad res morum , ac vitæ pertinet.

Diffinire
quanti sit
viri.

At verò hæc quæ à nobis posita sunt omnia percipere ac tenere , quum sit diuisuro & diffinituro necessarium , apparet profectò quàm sit diffiniendi hoc munus magni viri , & excellentis : quique non vniuersam modò eiusce rei , quam diffiniturus est naturam explorarit , sed alia plurima non ignoret : neque enim aliter poterit eam rem , quam limitandam suscepit , & in maiore includere , & in minora diducere , & à vicinis , circumfusiisque secernere , ac separare. Neque vlla nota alia æquè doctum ab indocto , acrem à tardo distinxeris , vt peritia diffiniendi. Nam quibus multa sunt per ruditatem aut torpedinem confusa , si discernere ea nesciunt : ita rebus finitimis & similibus falluntur , vt fraus omnis ex conformitate nascitur. Error autem quamlibet in diffiniendo exiguus , breui sit ingens , quippe procedente scrutatione ac dissertatione rei amplificatur. Quòd si ritè sit ab exordio diffinitum , omnia certiora existunt , & multa facilima.

*

DE EXPLANATIONE CV-
IVSQUE ESSENTIAE
FINIS.

IOANN

IOANNIS LV-

DOVICI VIVIS

VALENTINI,

De Censura veri Li- ber Prior.



INSTRUMENTVM exami-
nandæ veritatis singulis disciplina-
rum atque artium idem accommo-
datur. Nec ullam habet certam ma-
teriam rerum, in qua versetur: sicut
nec illud alterum de quærenda pro-
babilitate: adhibetur enim à quoque
artifice, dum in materia sua inqui-
rit, quàm aptè enuntiatur sit ad ve-
ritatem expromendam: aut quàm rectè veritatem per pro-
babilia inuestigarit. Itaque duo hic examinantur, simplicia
effata, quæ nondum in argumentationem coguntur, & ar-
gumentationum cōplexio. De quibus prius quàm dicamus,
aliquid est de eorū partibus loquendum. Quarum partium
aliæ sunt minimæ ac simplicissimæ, aliæ compositæ. Minu-
tissimæ ac tenuissimæ sunt in grammatica literæ, in censu-
ra hac voces integræ, quæ ad aliquid significandum sunt in-
stitutæ. Est autem significare signum facere, indicare aliquid **Signifi-**
alicui. Sic homo homini aliquid significat literis, nutu, ma-
nu, gesticulatione. Ipsa quoq; eadem signa non nihil signifi-
cant, per quæ aliquid declaratur, aut ostenditur, velut manus **care.**
mota, index, nutatio, in viis regiis mercurioli, & quæ ten-
duntur ante cauponas, & tabernas, & officinas omnis gene-
ris, quibus admonetur populus, aduentores recipi, aut hoc
vel illud cudi, aut vendi. Ex hoc genere sunt voces prolatae, &
scriptæ: utrasq; aliàs voces, aliàs verba nominabo. Ergo si-
gnificat animo id omne, quo animus quomodocunque ad-
monitus intelligit. Sed in hac intelligentia duo sunt, cogni-
tio signi, & significati: ut vocis huius homo, & hominū: prior

illa cognitio est imperfecta, atque inchoata, posterior plena & absoluta, illius quidem signi. Significare verò non simpliciter sumendum est, aut vniuersaliter, sed semper respectu & ratione alicuius, sunt enim voces quæ equis aliquid significant, velut clogmi, & poppylmi: sunt quæ canibus, vt iubilatus, aliæ Græcis hominibus, aliæ Latinis, aliæ Hispanis. Celebris illa apud Sophistas vox buf Latinis auribus nihil est, Catalano statû designat: vt becus Aegyptio vox erat incognita, Phrygi panem præcipuum edulium denotabat. Sunt voces peculiariter paucis quibusdam notæ ipsorum vel conuentu vel tacito consensu, vt inter cæcos in Hispania lingua est quædam propria, quam vulgus non capit, etiam inter lenones: sic in negotiis principum ne depræhensæ literæ prodant arcana, & inter priuatos, vt Ciceronem & Atticû, vnde fit, vt minùs illæ epistolæ possint intelligi. Quocirca voces quæ nihil significant in ea lingua qua loquimur, etiam si in aliis sexcentis significant, nihil significare eas dicemus. Præter interiectiones reliquæ omnes voces significant, vt Aristoteles dicit *κατὰ συνθήκην*, hoc est, ex compacto, ex conuentione, & quadam loquentium conspiratione ac consensu, nullæ naturaliter significant, nisi interiectiones, nec eæ omnes: nam quædam Romani aut Græci sunt magis sermonis, quàm affectus: sicut euax, euge. Nisi quòd fortasse is motus corporis, & ea adhibebatur pronuntiatio, vt illhinc potius, quemadmodum affectus esset animus, posset intelligi, quàm ex verbo ipso. Neque verò perturbat nos, quòd Quintilianus naturalem significationem à trāslatione distinguit: vt volare natura sua sit auium, trāslatione animorum: alia mente ille est locutus ac nos, vt in libris de dicendi ratione ostendemus. Sic ergo diffiniamus vocem significantem, vt sit communis nota, qua inter se aliqui aliis notiones suas explicant, id est quæ mente concipiunt. Itaque vsus est dominus significatum. Bouinari, & lesum, & Latina illa nomina, quæ, vt inquit Ennius, fauni vatetque caneant, aliquid illo prisco seculo significabant, ætate Ciceronis nihil. Quid opus est crasis argutis in iis, quæ pueri propè adferunt ex ludo illo suo? Quocirca vocum significatio, hoc est notatio animum spectat, non res. Nam Hæstor, Chimæra, bellum punicum, & cætera, quorum res nusquam sunt, aliquid tamen significant

Vox significās.

cant, id est animo sunt alicuius rei nota: quæ res etsi ex natura sit sublata, animo tamen superest etiamnum, & tanquã viuit, dum intelligentia comprehenditur. Quare alia dicitur significare aliquid, quod in solo sit animo: alia aliquid quod in natura rerum. Quanquam ex iis, quæ significant, sunt quæ animo significant aliquid, vel aliqua, vt homo, capra, herba, albus, niger, Hector, Chimæra: denique omnes partes declinabiles, præter pauca quædam per quæ animus concipit vel rei alicuius imaginem, vel aliam eius generis, ac modi, cuius sunt res: vt per Hectorem hominem quendam, sicut per me, aut te: per Chimæram animal quoddam varium, sed certè animal, vel animalium partes. Alia non insigniuntur, atque imprimuntur animo tanquam rei quædam imago, sed tanquam modus rebus inuisus: vt omnis, aliquis, quidam: & omnes partes orationis, quæ non inflectuntur: licet inter aduerbia sint quædam, quæ aliquid significant: vt mane, quemadmodum quum dicit Perlius: iam clarum mane fenestras intrat: & multo mane. Reliqua omnia per se nihil sunt, nisi aliis applicentur: quæ tamen modum quendam & rationem illis adferunt, non aliter quàm inhærentia non subsistunt sine subiectis, faciem autem quandam, rationemque illis addunt. Priora illa significatiua, hæc posteriora consignificatiua nominantur, ab Hammonio σημαίνεσθαι καὶ συνσημαίνεσθαι, ab aliis categorematica hoc est prædicatiua, & syncategorematica, id est comprædicatiua, quo etymo mox declarabitur: illa primigenia possunt nuncupari, hæc posteriora, seu secundaria: nam nec essentiam vllam habent sine illis, sicut de inhærentibus diximus: nec inueniri nisi illis inuentis potuerunt: vt prior fuit substantia quàm inhærens. Mirumque est potuisse illa consignificatiua declarari: nam de significatiuis etsi magnum fuit, non tamen adeò admirabile. Itaque veteres illæ & rudes linguæ, vt sermo puerilis, minùs illis syncategorematis abundat, quàm recentiores excultæ iam vsu atque expolitæ: & quò quilibet est in quaque lingua facundissimus, ita vsu horum exactissimè callet: contrà rudes, aut tardi faciliùs rerum nomina affequentur, quàm hæc secundaria. Ex vocibus aliæ binæ aut ternæ aut quocunq; alio numero idem inter se comparatæ significant, aliæ diuersum. Idè quæ significant non vno modo:

Significatiua
re aliquid
& aliquo
modo.

Significatiua.
Consignificatiua.


Quipp

Significa Quippe alia idem sunt penitus, ut Socrates Socrates, equus re idem et equus : alia significatione incomplexa idem notant ut valdiuersum de, multum : bellum, duellum : alia explicatione, ut Socrates Sophronisci filius. Scipio domitor Africa. Homo animal ratione præditum. Illæ primæ eadem nominentur, postremæ pares, siue æquales, mediæ synonymæ. Reliquæ sunt diuersæ aut variæ quæ non omnino idem significant. Quærat aliquis an voces in diuersis linguis idem significantes, ut homo & ἄνθρωπος, synonymæ sint dicendæ? Non videtur, nam non idem utrique genti significant: nisi fortè apud quâ in vsum sunt receptæ ambæ, sicut Zephyrus & Fauonius: phlegma & pituita: Pallas & Minerva. Diximus enim significare non simpliciter dici, sed secundû respectû. Ex iis vocibus, quæ diuersum significant, id est quarum aliquis vnus ambitu significatus clauditur, quod non alterius, alia superiores. sunt aliis, quæ & illas, & aliquid ultra includunt: inferiores sunt inclusæ animal homo, coloratum album, homo hic homo, album hoc album, homo Troianus, scæmina Troiana, Alia nihil inter se habent commune, ut homo asinus, album nigrum: quæ dicantur diuersæ, seu distinctæ: inter quas alia sunt auersæ, alia negantes, alia diuersæ. priuantes, alia collatæ, alia aduersæ ac segregatæ. Aduersæ sunt quæ sub genere vno aliquo adiunctorum extrema obtinēt, ut album & nigrum sub colore, frigidum calidum sub tactili. Negantes sunt duæ eadem, quarum alteri negatio additur, bonum non bonum: hæc propemodum in appositionis contingunt, sicut priora, aut in iis, quæ vim & naturâ habent talium. Priuantes sunt, quarum altera priuationem tantûm dicit alterius in subiecto iam apto positionem recipere, ut videns, & cæcum. Collatæ sunt, quæ relationem ad aliquid habent, sine quo non intelliguntur ut pater, filius. duplum, dimidium: neque enim essentia suæ rationem per se tuentur: ab Aristotele dicuntur ὁρίσι, à Cicero ne ea, quæ cum aliquo conferuntur, vulgò relatiua, non eo modo, quo quædam pronominum à grammatico vocantur relatiua. Cætera omnia nominantur auersa, & segregata, seu vt vsus obtinuit desperata. Ex categorematicis alia rem simplicem & vnâ significant sine adiecto, ut quæ cuiusque essentiam denotant, homo, capra, lapis, aurum, cuiusmodi sunt pleraque nomina substantiua vnus generis: quæ

quæ Quintilianus vocat rerum nomina, philosophorum Absoluta
 vsus absoluta. Alia cum adiecto significant, vt quæ dicuntur
 adiectiua, quæ idem Quintilianus appositæ nuncupat: item
 nomina cõmunia, & vnius generis nonnulla, quæ aliquid
 affingunt substantiæ velut magister, dominus, pater, diues
 pauper, consul, iudex, appellationes nominantur. Substan- Concretũ
 tia vniuscuiusque eorum vocatur concretum, velut in pa-
 tre homo, in albo res ipsa, cui albor est affixus, quod non
 est ex se tale: neque enim homo est ex se consul, id est, ex ho-
 minis essentia: nec charta ex chartæ essentiæ candida. Abstra- Abstra-
 ctum est, vnde fit tale, vt consul ex illo magistratu, candidus
 ex candore. Idcirco negant candorem dici candidum, & vi-
 rorem viridem: quod sanè ita est, nisi cum magnitudo qua-
 litatis significatur: vt viridissimus est in smaragdo viror, &
 hic viror viridior, aut minùs viridis, quàm ille. Ex vocibus siue
 significatiuæ sint, siue consignificatiuæ, aliæ res significant,
 aliæ rerum sunt vocabula: hoc est aliæ sunt rerum nomi-
 na, aliæ nominum nomina. Nihil quidem est quod non
 sit res, sed hic ego rem à vocibus distinguo, sicut apud
 Horatium.

Verbâque prouisam rem non inuita sequentur.
 Nec solùm quæ aliquid vel aliquas res designant, sed quæ
 modum dicunt rebus innitentẽ, rem significare dico in præ-
 sentia, quemadmodum inhærens voco rem. Vocum nomi-
 na sunt quæ nihil aliud quàm voces significant, non quate-
 nus sunt voces tantùm aut scripturæ, sed quatenus illæ ali-
 quid significant. Huius sunt generis ea, quæ in tribus de ser-
 mone artibus tractantur, nomen, verbum, inflexio, longa
 syllaba, breuis syllaba, Tropus, Schema, metaphora, enun-
 tiatio, syllogismus, enthymema. Illa quæ rem notant, ap-
 pellantur primæ rationis, siue intentionis, siue ut Capella
 & Boethus loquuntur, impositionis, vel positionis: hæc al-
 tera secundæ. Sunt voces quæ vnum tantùm significant, vel
 plura vt vnum: vnum significat Socrates, hic filius Sophro-
 nisci: plura significat populus: plura quidem homo, animal,
 sed vt vnum: quod fit dupliciter, vt illa omnia vnum effi-
 ciant tanquam corpus coniunctione, aut congregatione, vt
 in aceruo & ciuitate, vel vnum, vt vna sit impositio, vnus
 intellectus, & ratio omnium in illa congruentia, & qua-
 si similitudine. Sic homo Socratem, & Platonem eadem
 homi

Primæ in-
 tentionis
 Secundæ
 intentio-
 nis.

- hominis ratione, quoniam vterque est animal rationale:
Vniuoca. animal bouem & equum, quæ vnum sunt in vna ratione a-
Acquiuo- nimalis, nempe in substantia sentiente: hæc vocant vniuoca,
ca. siue certa, siue definita. Aliæ significant plura diuersis ratio-
 nibus, causis, impositionibus, quæ dicuntur æquiuoca, siue
 pluriuoca, & ambigua: vt taurus bouem marem, & montem
 diuersissima ratione. Asina scemina asini, & illum ex gente
 Cornelia. Sunt qui ambigua hæc à casu dicant appellari
 quod ea velut  suis quidam traduxit ad illam alteram si-
 gnificationem, non prima & naturalis nominis impositio
 atque attributio significationis: vt taurus Romæ bouem si-
 gnificabat primum, postea montem illum Asiæ: fortasse
 postquam L. Scipio Romana arma illhuc tulit. Asina prius
 significabat asinum sceminam, Cornelium verò illum, non
 priusquam is, asinam duxit in forum are onustam pro do-
 te filia. Quæ nota aliqua distinguuntur, æquiuoca non
 sunt, vt prolatione, scriptione, genere, numero. Sunt quæ gra-
Metapho- du aliquo transeunt ad res etiam alias signandas: ideo meta-
ra. phora nominatur, siue translatio: in qua semper inesse oportet
 aliquid ceu transitum præbens nempe rerum quandam
 inter se conformitatem, aut proportionem, quæ Græcè ana-
Analogū. logia vocatur: ideo & hoc analogum appellemus, quasi pro-
 portionale: vt, ferreus de eo dicitur, quod ferro constat, sed
 propter duritiam de quibusdam animis. Caro & os de ani-
 mali: at illa similitudo quædam ad oliuam, & prunum, & ce-
 rasum traduxit. Quod si marinus canis propterea sic voca-
 tur, quod similitudinem habeat huius nostri, analogum erit,
Ambiguū non pluriuocum: nihilo secius vtrunque est ambiguum. Te-
Regula. nenda est hæc regula, quod in proposito non est ambiguum
 non est habendum pro ambiguo, vt si quis quærat, ex qui-
 bus elementis constat mundus, aut quomodo periturus sit:
 nihil attinet adferre aliquid de mundo muliebri, aut de Duce
Simplex. illo Iustiniani Augusti: vel de elementis literarum. Voces sim-
 plices sunt octo orationis partes, aut quæ pro vna aliqua
 sumuntur, vt parterfamilias *δινοδοιπότης*, magister populi di-
 ctator, linguæ inopia, non solum in nostra, sed in Græca
Cōposita etiam, quibus magis & diutius licuit fingere. Compositæ
 siue complexæ voces sunt duæ, aut tres, aut plures orationis
 partes vel vinculo colligatæ, vt Valdaura & Maluenda: Ego
 cum Ioannio: affectus est tempestas vel congruentia adiun-
 ctæ

Etæ & applicatæ, vt substantium & appositum, vel duo substantiua in eodem casu appositivè, vel diuersis, ratione quadam grammaticæ structuræ, velut possessionis, aut cuiusmodi: nomen & verbum, aduerbium, & nomen vel verbum, vel participium, interiectio: & id quo affectus tendit, vt o factū bene. Nam ista, Socrates per & cum, nihil sunt, nec simplices voces, nec compositæ. Hæc crassius sint à nobis posita, magis vt intelligantur tanquā fundamenta rudium, quàm vt subtiliter examinentur: sed nec sunt accuratè exigenda quæ fere sunt primæ institutionis, & quorum dominus est vossus populi.

*

DE ENVNT



X compositis vocibus aliæ imperfectum reddunt sensum & quasi suspensum, in quo delideretur aliquid: ut homo in campo, Socrates & Ioannes, hominem amare. Aliæ perfectum, & acquiescit qui audit: ut Petre lege: quæ orationes nominantur, & si non omnes orationes expletum habent sensum: ut si vene-

ris: an tu disputas? Ex perfectis atque absolutis quæ sunt de indicatiuo modo, id est quæ significant aliquid esse, fuisse, fore, ad hoc nostrum institutum pertinent: in eis enim est hoc quod quærimus, verum vel falsum, ideo indicatiuus modus, & demonstratiuus, & narratiuus nuncupatur, à Græcis verò *ὀριστικός*, quasi definitiuus, & à Quintiliano fatendi modus, quod aliquid dicat ac demonstrat quemadmodum sit, erit, aut fuit. Hæ orationes multis nominibus signantur, ab Aristotele *ἀποφάνσεις*, id est, pronuntiationes, siue pronuntiata, siue proloquia, ab aliis *ἰπαρρίσματα*, quasi enuntiationes: est enim *ἰπαρρίσασθαι* declarare, enuntiare, aperire: ab Stocis *ἀξιόματα*, quod Cicero effata vertit. Sunt nonnullæ enuntiationes in quibus etiam si sit alius modus quàm indicatiuus, tamen is intelligitur, ut vellem prandere, hoc est volo: & modum subiunctiuum pro indicatiuo poni, & tēpora illius pro tēporibus huius: id verò ludi est grāmatici. Impediuntur interdū hæ pronuntiationes, quæ sunt indicatiui, aliqua adiectione, quæ sententiā suspēdit: quemadmodum de orationibus diximus: ut quum tu hæc dices? & interrogationes ferè, quamvis sunt in eis quædam, quæ perfectum sensum obtinent, ut apud oratores, quum non tam rogandi causa fiunt, quàm vrgendi: An est aliquis seditio? scelerator? Quis est homo qui vult vitam, diligit videre dies bonos? Sunt enuntiationū quædā genera implicita, & clausa, quæ ex priorum sensu patefiunt: ut, Superbia inuidiam parit, & contrā: Ego semel huc veni, atque iterum: de quibus non aliter censendum, quàm si essent explicatæ. Quæ vnum verbū habent indicatiui nominantur categoricæ, quasi prædicatiuæ: nam *κατηγορηματικὰ* dicunt Græci, aliquid de aliquo enunt

Enuntia-
tiones.

Catego-
ricæ.

enuntiari seu dici, à nobis enuntiatiuæ nominētur, seu simplices: quæ verò duo vel plura habēt verba vel indicatiui, vel subiunctiui aliquo vinculo connexa, vocentur compositæ, seu coniunctæ. In categorica duo sunt termini, quæ Aristoteles *αυτὰ* vocat, hoc est extrema: id quod de aliquo dicitur, seu enuntiatur, & id de quo enuntiatur. Hoc nuncupatur subiectum, illud prædicatum. Prædicatum dicitur quoniam sicuti modò admonui, prædicare appellāt Græci *κατηγορεῖν*. Subiectum verò est, quod alteri subiacer, cui alterum superponitur. Nam id est subiectum in enuntiatione, cui ratio significatus prædicati innititur, aut attribuitur per affirmationem, vel negationem: vt iudex sedet, non sedet: diligitur, non diligitur. Ita subiectum ceu materia est, & fundamentum prædicati velut accedentis. Quicquid reliquum sit in enuntiatione dempto subiecto, prædicatum esse magnis artibus huius authoribus placuit, vt Socrates disputat bene mane in Academia deambulans, præter Socratem reliquum totum esse prædicatū. Sed sunt effata quædam, in quibus idem semper est subiectum, quomodocunque vertantur, vt voluptas est pernicioſa: alia, in quibus variari potest situ, vt titillatio est vitium: non omnis homo est animal, non omne animal est homo. Simplicius fuerit, & huic proposito aptius subiectum diffinire cui aliquid tribui aut tolli significatur, quod à nobis obiectum nominetur: prædicatum vero, quod alicui applicatur, aut tollitur, quod sit sanè dictum. Neque enim minùs nō esse animal dicitur de lapide, quàm esse animal de homine. At interdum idem dicitur de eodem: Socrates est Socrates, gladius est ensis: nonnunquam par de pari, vt homo est animal rationale: aliàs superius de inferiore, vt homo est viuens: aliàs contrà, vt animal aliquod est homo, non omne animal est homo: vel inhærens de subiecto, Socrates est fuscus, parsimonia est vtilissima: vel diuersum de diuerso, Socrates est Plato, homo est equus. Omnis vox quæ vergit ad dictum, pars est dicti, quæ ad obiectum obiecti: vt lusus & magistratus sunt coticulæ: sunt voces, quæ aliis adhærent, non coniunctione aut nodo, sed quadratione & congruentia, sicut obliquus recto, appositum substantiuo, aduerbium alii parti: quæ determinationes nominantur, siue affectiones, quasi limitationes quædam, & moderationes eorū, quibus adiunguntur: quæ vires suas variè exer-

Prædicatum.

Subiectum.

Obiectum.
Dictum.

cent. Nam alia astringunt, ut liber Platonis, aliquis equus hic equus. Alia laxant, omnis homo semper disputat, possibile, & eiusmodi. Alia auertunt à perfectione naturæ ad diuersum, hic homo viuit vitam stirpis: partim ferè mutant, militaris clementia: sunt quæ explicant nomen, canis celestis: sunt quæ rem, hoc est rei essentiam, rationalis homo, mortalis homo: quædam inherencia declarant, malè suada fames, & turpis egestas. Nonnulla tollunt penitus, velut homo depictus in tabula: quæ affectio dicitur distrahens, vita saxi, ferè omnis, non enim est omnis. In partem dicti accedit verbum, in quo sunt duo, coniungendi vis, & tempus: in priore sunt affirmatio & negatio, quæ ad modum & connectionem verbi pertinent, & sunt velut nexio & dissolutio: quæ adesse aliquid significat, affirmat: quæ aufert, negat: hæc appellatur enuntiatio negatiua, illa affirmatiua. Boëthius affirmationem & negationem nuncupat. Cicero enuntiationem aientem, & negantem, affirmantiam & negantiam. Capella dedicatiuam & abdicatiuam: nec est necesse negationem exprimi, satis est clusam intelligi: ut arrogans est alius sapiente bonoque: rixosus distat à philosopho. Sunt mistæ qualitatis, ut Socrates aliter disputat, quàm Plato: Socrates omnibus præterquam pecunia abundabat. tantum habeo Titum mecum, caro pecunia: quibus aliquid significatur esse, aliquid non esse. Ad tempus pertinent aduerbia temporis, aut nomina, per quæ tempus designatur, ut iam, nunc, cras, nunquàm, longo tempore, hoc die, necessario, possibile, impossibile. Nam illa prætor nunc, cras erit consul: victor iam postea vincetur, verbum habent in se latens: qui nunc est prætor, qui nunc est victor: etiam si dicas iste victor aliquando fuit victus, & sedentem possibile est ambulare: in quo geminus esse potest sensus, aut totius, ut quod hæc sit possibilis, sedens ambulat, tunc vnum est tempus: aut partium, in quo duo sunt tempora, nempe quod potest sedere, potest etiam ambulare: prius Aristoteles dicit componere, posterius diuidere. Sunt tempora quæ habitum significant, vel quæ loquendi consuetudine aliorum referenda sunt, quàm ad ipsum tempus verbi. Iste pingit, actus est: iste bene pingit, moris & consuetudinis: ut iste ius dicit in hoc populo, iste pingit hanc tabulam, rosa est flos, intelliguntur quum rosa est, & quum tabula pingitur: in quo

In verbo
quæ.
Affirma-
tio.
Negatio.

Compo-
sita.
Diuisa.

quo facile est cauillari, sed per lufum & argutias: qui loquitur, & qui audit, multo secus intelligit: vt si quis dormientem roget, tu dormis? is ait se dormire: & qui dixit, bona est voluptas, & addit, ego mentior, de alio sentit tempore: sicut in quibusdam verbis quæ voce eiusdem sunt temporis, re non sunt. Socrates vbi libenter vixit, ibi est mortuus: In quo loco hic prandet, in eodem cœnat: Idem solum & frumenta profert, & legumina: Eadem manus morbum & medicinam dabit, de variis temporibus dicuntur: quemadmodum non est vnum tempus, si dixerò, Nudiustertius emi ardes meas, non enim erant meæ, quum emerem, sed quæ nunc sunt meæ. Itaque ad communem intelligentiam sunt hæc referenda. Nam de sermone omni non possunt in vniuersum perpetuæ tradi formulæ, vt qui non ea quæ naturalia sunt sequitur, sed quæ voluntaria, & varii ac subinde mutabilis iudicii. Quicquid in pronuntiatione ponitur aut sumitur pro vno certo tantum, vt pro alio non possit: aut pro multis tanquam vno, vt quæ sunt propria ex se, vel quæ nota aliqua proprietatis signantur: Socrates hic homo, hi homines, isti homines, nunc, hic: ea reddunt effatum singulare seu certum. Sunt alia, quæ ita pro vno sumuntur, vt pro alio sumi possint: aut quæ pro multis sumuntur. **Enuntiatione singulari.** disiunctione, vt aliquis homo, nempe hic, vel ille, vel alius: aut pro vnoquoque sui significatus, illa particularem **Particularenuntiationem** efficiunt, siue specialem, hæc vniuersalem: **In singulari.** plurali ad eundem modum, aliqui homines, omnes homines: in illa pro aliquibus capitur vt distinctis disiunctione, **Vniuersalis.** isti, vel illi: in hac pro omnibus & isti, & illi. **Mistæ sunt** quæ simul istorum habent aliqua. **Mistæ.** Quæ verò sint vniuersalitatis, singularitatis, particularitatis notæ, non est dialectici definire, sicut nec quæ negationis, sed vsus, & eius artis, quæ in hoc vsum obseruat: ea si qua est, sit grammatica. **Singulares.** Exempla horum omnium sunt, quò res fiat notior, vt singulares dicantur hæ, Socrates disputat, hic homo docet: res. vniuersales hæ, omnis homo docet, nemo docet, nemo non docet, quis non docet? Nam quum dico nemo docet, homo pro omnibus hominibus accipitur: nō minùs quàm in hac, qui que docet. Sunt quædam enuntiationes, quæ quum faciem habeant vniuersalitatis, ad aliud potius genus ex sensu referuntur: vt cuncti simul ore fremebant: quæ collectiua uer.

Uniuersa isti omnes simul. Est & aliud uniuersalitat^{is} genus, quod appellatur generalis conuenientia potest, id est eius, quod conuenit, expedit, par est, necessarium est, & huiusmodi: exempla huius sunt multa, ut apud Marcum Tullium, Omnia tua causa volo: omnia profecta sunt abs te in me. Et in Exodo dicit Dominus Moysi, Ostendam tibi omne bonum: tum in Euangelio, Spiritus sanctus docebit vos omnem veritatem. Est etiam alia uniuersalitas reflexa, ut Aristoteles omnia diligenter scripsit, nempe quæ scripsit. Vergilius:

Ipseque tellus

Omnia liberiùs nullo poscente ferebat.

Particulares.

Infinitæ.

Scilicet quæ ferebat omnia. Est & quædam imperfecta quum pro pluribus aut plerisque abutimur. Cicero pro Sextio: letitiam paucorum luctum omnium. Particulares sunt, aliquis homo disputat, non disputat. Nam quidam homo disputat, si quis velit in singularibus reponere, cum hoc non admodum contendam. Infinitæ sunt quæ ex se nulla nota attributæ sunt alicui generi, homo disputat, Athenienses pugnant, Romani hanc urbem condiderunt: quæ ex sensu transire vel ad uniuersales possunt, virtus est bonum: vel ad singulares, homo adest, de aliquo prius locutus: vel ad particulares, Achiui hic occultantur, homines habitant sub æquinoctiali, dolus latet sub hoc verbo. In quibus verò uniuersalitas & singularitas insunt, vel qua alia mixtæ nominantur, utique ex se, nam aliis sic spectatibus uniuersales fiunt: aliis secus singulares, aut speciales: ut si quis dicat, Socrates semper deambulat in Academia: alius Socratem modò considerabit, huic fiet certa, & dicet cur singulariter ais hoc de Socrate? & non item de Glauco, vel Hippia? alius illud semper, & respondebit uniuersaliter, isthuc quidē ne dixeris, an nunquam sedet? ad eundem modum in his: hic homo possidet alium, Socrates habet aliquot discipulos.

Composita enuntiatione.

Composita enuntiatione est plures simplices vel aliquo vinculo, vel per seipsas aptè connexæ: ut, Fortuna & dominos facit insolentes, & seruos meticulosos. Interdum ratio conjunctionis in proprietate linguæ postulat alium modum à narratiuo, nec tamen non continuo est coniuncta, siue composita. Nam in his sola spectatur connexionis ratio: ut si equus haberet alas, volaret: Tu es adeò eruditus, ut Aristotelem

telem superes: nam indocti dicunt quòd Aristotelem superas: idem tamen quod nos intelligunt, & nos, quod illi. sed hoc nostrum est secūdum linguæ proprietatem. Multa etiā per indicatiuum Græci efferūt, quæ nos per subiunctiuum, & illi per infinitiuum, quæ nos per subiunctiuum, aut imperatiuum. Omnia coniunctionum genera, quæ à Grammaticis *ἀνώνυμα* earum nominantur, his sunt apta: coniunctiuæ, disiunctiuæ, illatiuæ, aduersatiuæ, approbatiuæ, & causales: quæ ex ludo sunt literario. Tum quædam aduerbiorum formæ, vt Temporis, quum, quando. Loci, ubi. Similitudinis: ita, adeò, sicut, Comparationis, hòc, quò, quantò, tantò, tam, quàm, & in ablatiuis absolutis, quæ terè tempus significant. Stulto regnante sapientes affliguntur, & per quàm, vt magis currit, quàm deambulat. Adde his relatiuum quis, Sine copula sunt apte applicita: Bona ingenia pudor debilitat, mala confirmat audacia: Optare quæ libeat, potes, consequi quæ libeat, non potes: Pauperi defunt multa, auaro omnia: quibus vetustatis gratia vinculum demitur. In his non aliter quàm in simplicibus, negatio in nodum incumbit, id est in copulam, non in partes: non &, non vel, non si, vel certè significatur incumbere. Cicero post nodum transtulit primo de diuinatione, si nò significant, nullas dant vias: pro non significant, nullas dant vias. Omittitur interdum consequens per figuram Græcam, & potissimùm Atticam: vt apud Thucydidem & alios: quod nostri quoque sunt imitati, vt Cicero in tertio de Oratore.

Negatio & affirmatio pugnant inter se, sed ex ratione quantitatis, vt vniuersalitas cum vniuersalitate: Omnis homo legit, nullus homo legit: vel vniuersalitas cum particularitate aut singularitate: Omnis homo legit, aliquis non legit, Socrates non legit: & singulares, Socrates disputat, non disputat. Et inter se mixtæ, Socrates semper disputat, nunquam disputat, aliquando non disputat, nunc non disputat. Quum singulares sunt, aut quidquid in vna erat vniuersalitas, fit in altera particularitas, vel singularitas: aut e contrario, vocatur contradictio: & si has quoque contrarias Contradio appellat Cicero in libello de Fato: sed nos aptius ad artem distinximus. Quum verò vniuersalitas in vtraque remanet, contrarietas, seu aduersitas. In compositis pronuntiatis affirmatio & negatio ad deuinctionem spectat, non ad rietas.

Pugnæ-
nūtiatio-
num.

verba, vnde censetur eis oppositio. Coniunctiuæ vniuersalitem quandam videntur præ se ferre, disiunctiuæ particularitatem: iustitia est virtus, & fraus est scelus: Non est virtus iustitia, vel nulla fraus est scelus contradictoria: si remanet coniunctio &, fiunt aduersæ, vt, iustitia est virtus, & fraus, scelus: Non est virtus iustitia, neque vlla fraus est scelus, quæcunque ad rationem coniunctiuarum se applicant vniuersalitem participant, quæ disiunctiuarum particularitatem.

Regula.

Regula est generalis in Latina lingua contradictiones in omni genere enuntiationum proprias, ac germanas fieri præpositione negationis: aut si fuerit præposita, subtractione,

modò harere possit commodè. In

Græca, & aliis tametsi ex proprietate sua repugnet

lingua, sensu tamen idem

fit.

★

DE CENS



ENSERE quæ enuntiatio vera sit, quæ falsa, id nullius est artis certum, sed vniuscuiusque in sua materia, & in iis quæ sunt vitæ cōmunis, viri prudentis multum in negotiis, & vltimum rerum versati, quique cōmunem sensum, atque intelligentiā acute animaduertit. Instrumentum tamen hoc trademus, quo quisque in sua arte, rebus

tamen præcognitis, verum & falsum in pronuntiatis inquirat. Vera pronuntiatio est, quæ enuntiat id, quod res ipsa ita est. Falsa quæ id, quod non ita est. Vera est, Deus est omnipotens, Adam fuit, Christus iudicabit homines. Non est quidem Adam, sed verum est fuisse. Et hæc, Adam fuit, ita significat sicut est, nempe illum fuisse. Ad verum & falsum multa consequuntur, alia ex re, alia ex nobis. In re sunt immutabilia, in quibus necessaria, & impossibilia, sicut in prioribus contingentia, solita, rara, crebra. Possibilia falsa sunt per omnia, magis tamen vergunt ad mutabilia: quāuis necessariū non est simplex, vt nec possibile. Necessarium quod oportet fieri, vt necesse est esurientem comedere, & parere legibus, vel quod fieri aliter nequit, siue immutabili rei essentia, siue inuitabili aliqua vi, vt homini moriendum esse. Possibile est, quod legibus licet, quod est cōmodum, quod concessum, permissum: potest etiam fieri, quicquid naturæ rei non repugnat. Ex verbis autem alia sunt certa, alia incerta, absurda, incredibilia, scita, ignorata, dubitata, & eiusmodi. Proposita enuntiatione videndum est nunquid sit ambiguus, siue in verbo pluriuoco, vt canis est animal: siue in connexione vocum, vt aio te Acacida Romanos vincere posse: hoc statim distinguendum, quod nullius est artis, quemadmodum de vero & falso dixi, sed cuiusque in suis, vel prudentis in communione vitæ. Explicanda etiam ea, quæ diximus implicite, vt iterum, contra & eum meditari: non. Tum verum falsumque inquirendum ex quantitate, ex qualitate, ex copula, & affectionibus.

Enuntiatio vera.

Necessarium.

Possibile

Regulæ de vero.

Prima formula. Omnia quæ sub vniuersalitate cōprehenduntur.

dunt, veram eam reddunt, si ei, quod enuntiatur, quomodo enuntiatur cōgruant: vnum aliquid, si nō congruat, sit falsa. Si quis ab vniuersalitate ad singularia rem deducat, descendere dicitur, sin à singularibus ad vniuersalitatem ascendere: hoc ad aſtruendam vniuersalitatem valet, illud ad infirmamdam. Videndum, vt singularia verè sint illius vniuersalis, contemplandum tempus, & moderationes, & cōiunctæ ſumantur coniunctiue. In aſcenſu & deſcenſu vniuersalitatis omnia compræhendi eſt neceſſe ad verum aſtruendum, aut putari aliqua generali clauſula compræhenſa: vtpote ſic in cæteris, nec eſt reperire quidnam obſtet, in cōtrarium non eſt obſeruatum, aut quid ſimile: in deſcenſu vnum ſufficit ad diſſoluendum, tanto ſcilicet facilius deſtruere, quàm conſtruere, lædere, quàm iuuare: vt nō ſit magni viri poſſe officere, ſed prodeſſe. Eſt quum vno aut altero inducto, vniuersalitatem ſubiicimus, rati illa pro omnibus ſufficere, quod exemplis agitur more Socratico: eaque dicitur *ἡ ἀπορία*: Ad nauem regendam non adhibetur niſi peritiſſimus, ad ſcholam, ad equum, ergo nec ad rempublicam adminiſtrandam aſciſcendus eſt niſi peritiſſimus. Id genus inductionis latentem habet vniuersalitatem, hoc modo: ad equum, ad nauem, ad ſcholam, nec eſt inuenire in contrarium aliquid, ergo ad omnia, ſi ad omnia, & ad rempublicam. Abſurdum enim ſit negare, quod ad hoc ſolum, quum ad alia omnia conueniat, præſertim quod de eo ipſo eſt controuerſia, vt tantummodo videatur negaſſe temporis cauſa, non veritatis. Quod ſi cui parum placet, ſit ſane inductio non vniuersalitatis, ſed ſimilitudinis, & exemplorum.

Secunda. Secunda formula. Particularitatem vna ſingularitas pro ea confirmat, omnes contra eam infirmant. Et ſicut in vniuersalitate vſi ſumus cōiunctiua, quæ naturam obtinet vniuersalitatis, ſic in particulari vtemur diſiunctiua cōſimilis ingenii. Sed eſt animaduertendū inueniri in particularitate acceptiones duas, hanc certā, illam incertam. Certa eſt, quum ſub nulla deliteſcit, nec ad aliam refertur, vt alicui vni certo poſſit congruere, quod eſt eſſatū: vt orator aliquis hæc ſcripſit. Incerta eſt, quum ſub alio deliteſcit, nec de vno aliquo eſt ſenſus, nempe quū ſub vniuersalitate ſignificabatur clauſa: vt ad ſingula illius vniuersalitatis referatur, nō ad totam. Hæc iunioribus ſuppoſitio conſuſa nuncupatur, quæ ſic eſt

Ciceroni

Suppoſitio conſuſa.

Ciceroni exposita in libro quinto de finibus bonorū ac malorum: Quum dicimus omnibus animalibus extremum esse secundum naturam viuere, nō ita accipiendum est, quasi dicamus, vnum esse omnium extremum: sed vt omnīū artium rectè dici potest commune esse, vt in aliqua scientia versentur, scientiam autem suam cuiusque artis esse, sic animalium commune secundum naturam viuere, sed naturas esse diuersas, vt aliud equo sit, natura, aliud boui, aliud homini, & tamen in omnibus summa communis. Sic ille. Fit etiā incerta, vt hīc pane est opus ad edendum: neque enim hoc aut illo, si modò opus esse id dicitur, sine quo nequit fieri. Solus homo nouit religionem, non solus hic aut ille: sed hæc pèrinde est, ac si dicas, quicquid nouit religionem est homo, sicut in illa quisquis edit panem edit. Tum Romæ ac Spartæ consilium publicum est senatus: & in peruulgato exemplo, Parisiis & Romæ venditur piper: quia τὸ & vniuersalitas quædā est, sicut τὸ vtrobique. Hæc verò siue incerta, siue confusa, attingenda non est, quoad collatio illa vniuersalitatis in singularitatem, aut particularitatem sit resoluta.

Tertia formula. Singulare vnum probat suum commune. Tertia.
ne particulare, non contrā: particulare inferius probat suum superius, item particulare, sed retrorsus non idem. Vniuersale superius probat singulare, & inferius tam particulare, quàm vniuersale.

Quantum ad copulam in pronuntiato simplici attinet, Tria tempora sunt tempora, præsens, præteritum, futurum, quæ sunt tempora. natura tempora. Et in hæc reducuntur artis tempora, siue Latinæ linguæ seu Græcæ. Præteritum imperfectum significat nō fuisse aliquid absolutum, quum aliud fieret, aut esset factum. Præteritum plusquamperfectū significat fuisse absolutum. Sunt & duo futura, perfectum, atq; imperfectum, legam, legero. Sunt quædam tempora vel consuetudinis ac frequentię, vel conditionis, vt aliās admonui: Iste pingit, Iste docet pueros huius vrbs, Iste ius dicit, Rosa est flos suauis odoris. Alia non ad tempus quod præ se ostendunt referuntur, sed ad quod intelliguntur: vt si quis dicat, Cicero est infans, verū ergo mentior: quæq; eiusdem tēporis in voce, diuersi in re esse docuimus: tum etiam Historici quum narrant, Scipio vincit Annibalem, Pompeius nascitur, Brugæ conduntur, intelligendum hoc tempore de quo scribo. Istis

quoque adduntur limitationes, quæ idem efficiunt, ut, Hic bene pullat fides, iste semper garrit: in quo est vel frequentia, vel continuatio longi temporis. Possibile quatenus pro non repugnanti sumitur amplius est tribus temporibus, ut quicquid sit, erit, fuit, sit possibile: & quod nunquam erit, modo ne repugnet naturæ rei. Cogitabile, intelligibile, opinabile, & alia de quibus potest humanus cōminisci, etiā latiora sunt, quàm quæ fieri possunt: nam animus noster humanæ naturæ terminos excedit, unde apparet longinquiorē esse eius originem. Tempus præsens non eandē habet apud omnes latitudinem. Deo tota æternitas est præsens, & quò quis est propinquior illi naturæ, hoc eius animus capacior est temporis. Aliæ res fluunt, aliæ manent. Quæ fluunt non aliter sunt, quàm quum fiunt. Quæ verò manēt, & fiunt paulatim, quum fiunt, nondum sunt. Illæ autē in quacunque sui parte sunt: hæ non nisi quum partes omnes habēt absolutas, & cōiunctas. Enuntiationes de futuro & de præterito interdum significant simpliciter aliquid fuisse in præterito tempore, aut futurum in venturo: nonnunquam etiam ex loquendi ratione denotant iam non esse, aut nondum esse: ut,

„ Fuimus Troes, Fuit Ilium, & ingēs gloria Dardanidum. Et
 „ campos vbi Troia fuit. Et quod Cicero de occisis cōiuratis

Regula. dixit, fuerunt. In prioribus datur formula, de futuro vera est enuntiatio, si aliquando verum erit in præsentī, sin aliter falsa. In posterioribus non solum idem requiritur, sed negatio etiam huius præsentis: tales solent esse de rebus fluxis: ut, Hæc hora fuit, ille annus erit: de quibus si sint, solemus respondere, Fuit verò? Imò est: Erit verò? Imò est. Quæ sunt de præterito plusquam perfectō, & imperfectō ad præsens reducuntur, cum collatione alterius temporis explicato & signato, quo ad existentiam reducto, reducitur posterius: Quum ego veni, tu legebas: In a tempore veni, in a tempore legebas: nam in a vera erat, tu legis, quum veniebam tu legebas: in a veniebam, in a legebas: quum veniebam, tu legeras, in a veniebam, & ante a legisti. In narrationibus utimur crebro præteritis imperfectis, propterea quòd omnia velut in cursu quodā ostēdimus, & tanquā fierēt nondū contummata: quippe ad illud tēpus referuntur, de quo verba facimus.

Futurum perfectum reducitur ad præteritum eius temporis, quod signatur, Quum venies, iam cœnauero, in a venies:

nies: in eo iam hæc erit vera, ego sum cœnatus: De possibili, ut si ponatur inesse, nihil sequatur repugnans ei, cui est possibile, nempe Deo, naturæ, homini, & eiusmodi: de intelligibili, humanam mentem sic concipere. Sed prouidendum, ne in explicando tempore fallamur, ut quod confusum est tempus, ante vniuersalitatem dissolutam explicetur. Omnes Cæsares fuerunt Romæ: non enim sic ad præsens reducetur; Omnes Cæsares sunt Romæ: sicut in hac, Augustus & Vespasianus fuerunt boni principes: nam coniunctionem &, vniuersalitatem quandam diximus comprehendere. Eodem modo pluratiua quæ rō & includunt: Catones fuerunt viri sapientes. Sunt in quibus varia, sicut dixi, includuntur tempora, quod est animaduertendum: nam quum sic effamur, Heri emi edes meas, Heri scribebam hoc opus, Hic victor aliquando erit victus, duo sunt tempora, præsens in eo hic victor, aut certè antèrius: futurum, aut posterius in illo erit: Ita ergo redigetur, Qui aliquando vicit, nunc est victus, ut quum futurum illud posterius sit præsens, iam præterierit illud prius. Eundem in mundum quando enuntiamus, Albū possibile est esse nigrum. duo sunt tempora: Et iste dux est sapientior Pyrrho, quàm Pyrrhus fuit: ex qua pendent hæc atque huius notæ, Scipio fuit omnium, quos vnquam Roma genuit continentissimus imperator. Sic in aliis: de quibus communis sensus nos docebit. Sunt quæ sæliùs censentur sine reductione, quàm reductæ: ut illæ de præterito imperfecto & plulquamperfecto, & futuro absoluto: tum etiã quum quid additur, iste aliquando studebat, bene pingebat, olim erit doctus, statim veniet, diu fuit in magistratu: sed tamen ut reducantur spectandum tempus, quo quicque referatur. considerandum hoc ex iudicio cuiusq;, ut statim veniet. Sumamus dimidium horæ intra quod hæc sit vera, veniet, diu fuit consul: in toto hoc tempore est consul. Affectio necesse est aprè hæreat affecto: nec est iam affectum expendendum simpliciter, sed sic habens: Omnis minister tyranni est crudelis: Ferè omnes sic viuunt.

Connotatum connotatiuo adiunctum abstracta coniun- Appella-
git, vel ipsa vel quæ ad ea pertinent, non connotatiua: bo- tio.
nus pictor, non bonus homo designatur, sed bonitas pingen-
di, si modò hæcere possint, aut ex vsu soleant: nam aliqui
dissiliunt, & aliò transeunt, ut tutor cocles. Sunt schemata,
quæ

quæ efficiunt vt interim ad vtrunque res pertineat, mœstu^s poeta. & qui mœstus est, & qui mœsta canit: Orator inflatu^s Orator bene pastus, talis oratione, aut corpore, Cecidit præ-
torem, vel hunc hominem, vel præturę dignitatem, atque au-
thoritatem: Pictor vxorius, vel homo vxori deditus, aut qui
semper vxorem pingit, aut qui omnes mulieres similes vxori
suæ, qualem nouimus quendam. In verbis cognoscendi
idem euenire, author est Aristoteles, vt cognosco venientem,
cognosco consulem, video pontificem: est, quum cohærent,
est quum non. Ceterum nos vsum obseruamus, nō facimus:
Nouit ne ille nostrum consulem? fieri potest, vt non coniun-
gantur cognitio, & consulatus, sicut vidisti pontificem. In
compositis enuntiationibus intuendum in coniunctionem,
in quam tota veritas enuntiatu compositi incumbit, aut con-
tra falsum: nam de simplicibus iam est dictum. Ad veritatem
coniunctionis & disiunctionis eadem sunt, quæ ad vniuer-
salitatem & particularitatem necessaria. Coniunctionis veri-
tas omnes partes exigit veras, falso satis est vnam esse falsam
quale est illud, quod apud Quintilianum mater inquit: ma-
nifestum est de duobus non dixisse verum, quos de altero cō-
state esse mentitos. Disiunctioni sufficit vera vna, ad corrobo-
randum: ad debilitandum verò omnes oportet esse falsas. Dis-
iunctiua sensus communis sic ferè vtitur, vt non putet se v-
trunque confirmare quemadmodum ponit, sed alterum tan-
tum ex dubitatione amborum: Quem video, aut frater meus
est, aut præceptor: nemo sic loqueretur, si alterum sciret ve-
rum esse, aut vtrunq; nisi fortè per iocum. Ideo Stoici, quos
secutus est Cicero in Topicis, Ciceronem Latinorum con-
sensus, aiunt in dissuictione plus vno verum esse non posse: di-
centis quidem ea est mens, nam quum medici sic præcipiunt,
ad febrem proficere hanc herbam, aut illam, aut fomentum,
aut pilulas, aut ecligma, aut potionem hanc, prosunt quidem
omnia, sed non sentiunt adhibenda esse omnia, nec simul ali-
qua: verum vt dicentis ignorantia potest partes disiunctio-
nis omnes falsas efficere, propterea quòd non omnia ita cō-
plectitur: vt nihil sit reliqui, sub quo verum excludatur: sic
etiam potest veras partes facere, quod non ita distinguit,
quin inter se in veritate congruant, vel ex sua imperitia, vel
quod interdum quoque omnia vult confirmare, sed separa-
tim, & disiunctim. Ita Stoici non ex re ipsa de veritate disiun-
ctionis

Decom-
positis.

Disiuncti-
uas

tionis statuerunt, sed ex quorundam loquentium sensu.

Vergilius in secundo Aeneidos:

Aut hoc inclusū ligno occultantur Achivi.

Aut hæc in nostros fabricata est machina muros,

Inspectura domos, venturæque desuper vrbi,

Aut aliquis latet error.

Omnia in re erant: ut quum dicimus, Hic lepus aut sibi timet, aut soboli: Milites semper sunt aut de suis, aut de hostium periculis solliciti. Proculus iuriconsultus duo facit disiunctiuarum genera, nempe disiunctiuarum & subdisiunctiuarum: atque has rursus in species duas partitur, primum genus ponit quum necesse est vnum verum esse, alterum falsum: ut dies est, aut nox: secundum, quum potest esse vtrunq; falsum, non vtrunque verum: ut homo sedet, vel deambulat: tertium, quum vtrunque verum, non de vtrunque falsum: ut omne animal agit, aut patitur: quæ sunt in libro quinquagesimo pandectarium iuris Romani. Ad conditionalem exigitur, ut posita conditione ponatur id, quod ex conditione sequitur. Nam in hac, Si vis verum dicere, hoc vinum est generosum, perinde est, ac si quis enuntiet, Si vis verum dicere, fa-teberis hoc vinum esse generosum, aut aliquid eiusmodi. Ad rationalem, ut quod sequitur, tanquam ex ratione videatur inferri à proposito. Causalis non est vnius generis & simplex siquidem & omnia genera causarum continet, & effectus, & signa, denique fusa est per omnia genera argumentorum. Temporales ad tempus, Locales ad locum explicatum referuntur. Relatiua sunt duplicia, astricta, & simplicia, siue in genere. Astricta sunt quæ referunt antecedens cum eo, quod de illo est dictum: ut aliquis homo est mutus, qui nouit literas, nempe ille idem, qui est mutus. Relatiua in genere seu simpliciter, ad antecedens pertinent solum, non astrictum limitationibus. Romanus vincit, qui se solum putat gubernandi peritissimum: non ille idem qui vincit, sed Romani. Sunt quædam obiecta & dicta, quæ naturam resipiunt complexorum: Fames & morabilem ciunt: Ceruisia vel vinum inebriat: Habes pecuniam & famem, pecuniam, vel famem, Sumuntur hæc vel complexè, vel separatè: aut sic, cunctim & sigillatim: sigillatim, ut vnum quodque separatim & per se: Crapula & meridiatio nocet valetudini, hæc nocet, & illa nocet. Quod si numerus sit pluralis, qui ad illos refertur in sin-

Conditio-nalis.

Rationa-lis,
Causalis.

Relatiua.

gular

gularitatem cum illis dissoluitur: Mare & meretrix sunt magna voragines: Est magna vorago, & est magna vorago. Si cōplexim, non resoluuntur, sed pro vno conuenit termino accipi, atque ita explorantur, an recte congruat obiectum cum dicto. Anima rationalis: & caro vnus est homo. Lac & pisces sunt venenum.

Aequiua-
lentia.

Examinatur veritas æquipollentia pronuntiatorum: omnis vniuersalitas par est vniuersalitati: omnis particularitas particularitati, certa certæ, incerta incertæ, quantumcunque conuertantur pronuntiata, modo iidem maneant termini, eadem significatio, & qualitas. Itaque hæc recurrunt, Nullum concretum ex elementis est immortale, nullum immortale est concretum ex elementis: Aliqua virtus est sempiterna, aliquod sempiternum est virtus. Sunt aliæ æquiualentie peculiares linguis, vt in Latina plerunque duæ negationes affirmant nunquam non, id est semper: nonnunquam, aliquando: quantum est hominum, pro omnibus, sicut in rogando nonne pro etiam? num pro non: sed hæc linguæ sunt propria.

Lex.

Oppositione etiam exploratur veritas, vt contrarium contrario, album nigro. Lex est, contradictorias nec veras esse posse, nec falsas: Nam si omne a est b, fieri non poterit vt aliquod a non sit b: & si fiat vt aliquod a non sit b, iam fieri non poterit vt omne a sit b: quum hoc a non sit b. Eodem modo necesse est Socratem esse vel non esse: & aliter esse vsque est impossibile, vt nec humanus animus capacissimus capiat, & in fingendo satis liber possit fingere. Idcirco hæc lex est præcipua, & notissima in omnibus artibus, in disciplinis, & in tota vita. Estque fundamentum, & regula omnium.

Lex altera.

Altera lex, aduersas, seu contrarias falsas esse posse, nunquam veras: nemo enim esse potest vbiq;

& nusquam: potest tamē nec vbiq;
esse, nec nusquam.

* *

PRIORIS, QUI EST DE CENSURA
VERI ET FALSI LIBRI FINIS.

IOAN

IOANNIS LV-

DOVICI VIVIS

VALENTINI,

De Censura veri & falsi

Liber Posterior.

DE ARGUMENTATIONE.



ARGUMENTATIO est con-
nexio enuntiationum, ut prius ex po-
steriori sequi, & quodam modo na-
scenti videtur, & cum eo quasi necessa-
rio coherere: homo aliquis dispu-
tat, ergo rationem exercet. Prius vo-
catur antecedens, ratio, argumentū,
propositum: posterius, sequens, con-
sequens, intentio, illatio, totū verò

Ciceroni est, conclusio, vulgo consequentiam dicunt. Prius
& posterius voco non positione, sed sensu. Id quod alterum
inferre intelligitur, prius est: id quod inferitur, posterius: si-
cut quum dico esse connexionem, ut prius ex posteriore se-
quatur, ad nos refero, non ad rem: neque enim minùs erit ar-
gumentatio etiam si non consequatur, ut dies est, ergo auro-
ra splendet: sed tamen connexio est, ut consequi existime-
tur, id est quum ita connectimus, ut videamus velle signi, ac
inferri. In hoc cōfectionis genere ea est conditio, ut argumē-
ti veritas necessario intentionem reddat veram, adhibebitur
illa certissima regula de contradictoriis, ut contradictoriū
sequentis repugnet præcedenti: aut existant duo contradicē-
tia simul vera vel falsa. Sed connexio hæc rectè fit vel ex signi-
ficatione vocum, vel ex structura pronuntiationum: illa si
bona est, priuatim in se bona est non perpetuò in simili:
hæc vero altera, quæ ex constructione nascitur, vniuersalis Similis
est, ubique idem valet, dummodo similis constructio siue cō-
formatio
positio

Particula
res argu-
mentatio
nes.

positio seruetur, id est similis sit nodus, & ratio colligandi: quod sit, ut sicut in vna se habent inter se primum, secundum, & tertium, sic in altera. Si quis ita coniungat omne c possidetur ab a, b est c, ergo & b possidetur ab a: similes sunt hæc, b est de numero c, b est vnū ex c, ergo a possidet c & a habet c: non tamen si quis inferat, ergo c concutatur ab a: nihil enim habent commune possidere & concutere. Cuiusmodi illud est apud Ciceronem: li qui in morbo sunt, sani non sunt omnium insipientiū animi in morbo sunt, omnes insipientes igitur insaniunt: Proba est conclusio, & generalis: quando non aliud sunt insipientium animi, quā insipientes: nec insanire, quā sanos non esse. Itaque non rectè occurreret, qui sic cauillaretur: Qui in morbo sunt, sani non sunt, omnium sapientum mancipia in morbo sunt, omnes sapientes igitur insaniunt. Vniuersales argumentationes tribus constant terminis, ut mox dicetur, inter se aptè collatis. Priuata autem seu peculiare duobus, aut tribus, aut pluribus pronuntiatis, sed non ita aptè connexis. Et in particularibus sunt quædā temporariæ, aliæ perpetuæ. Temporariæ, quod sic vsu venit illo tempore: ut Puerum doceo, nam filiū tuum doceo: Hic suscepit inimicitias cum Cæsare Octauiano, ergo morietur: Ante constitutam monarchiam ita erat, postea non item. Sunt aliæ perpetuæ vel conditione, vel causa, vel rationali copula coniunctæ. Conditionalium aliæ sunt, in quibus ex conditione sequitur aliud pro statu præsentis rerum, non pro natura perpetua: ut, Si veneris, colloquemur: Si vis adferre pecuniam potes, inuenies me domi: Si filius venisset, salutasset patrem. Ex natura sunt, quum quod inferri significatur naturaliter ad alterum denotatur sequi, ac velut nasci: in quibus pro si, posset poni ergo: ut, Si homo currit, animal currit: homo currit, ergo animal currit. Istæ sunt complexiones de quibus hîc loquimur. Interdum rogatione ad vrgendum, quod est oratorum, & poetarum: ut apud Silium: Cur vni patriâ si affligere fas est, vni sit seruare nefas? Complexio hæc vel de rebus sumit vires, vel de nostra intelligendi ratione, quæ nihilominus fundata est in rebus. Inter res sunt, quæ alias velut pariunt, ut causæ ex quibus aliæ simul sunt cum effectis rebus, veluti Sol & splendor: aliæ præcedunt, ut pater filium. Tum effecta sine causis esse quædam non possunt, alia possunt: de quibus in prima philosophia differ

differrimus. Aliæ sunt res quæ alias statim subsequuntur, aut præcedunt: vt prognostica, quæ etiam nascuntur ex causis, & ordo rerum à natura statutus. Nonnulla non queunt, aut non debent, aut non solent esse sine aliis, vnde oriuntur coniecturæ prudentum, quorum est ex iis quæ antecesserunt, de venturis dicere: in quibus sunt exempla, & comparationes. In his omnibus bonæ conclusiones componuntur seruata vtriusq; rei natura, ac ratione: vt Ignis ardet, ergo fumus est: Cælum rubet vespere, cras ergo erit serenum: Aurora est, ante horam erit dies. Sol lucet, dies est igitur. Est homo, ergo habet caput, & cor, & viuit. Catilina vir factiosus & nobilis propter egestatem sumpsit arma contra rempublicam, ergo & hic egenus nobilis, inquieti animi sumet. Nasica priuatus occidit Gracchum seditiosum, decet ergo Ciceronem consulem occidere Catilinam coniuratorem.

In iis quæ mens nostra è rebus accipit, sunt signa rerum, Vocum collatio. nempe voces, quæ inter se collatæ aut pares sunt, aut impares, aut oppositæ: in quibus aduersæ, priuantes, negantes, collatæ, auersæ in istis hoc modo inferimus par, & astruit par astructum, & tollit sublatum: Est iustum, ergo æquum: non est iustum, nec æquum. Superius distributum asserit inferius assertum, & destruit destructum: Nulla virtus, ergo nec iustitia: Omnis virtus, omnis ergo iustitia. Inferius assertum ponit superius non distributum, sublatum tollit etiam non distributum. Homo, ergo animal: Nullus homo, ergo aliquod animal non. Quid si nullus sit homo: dicet aliquis, iam non est animal supra hominem, qui nullus est: sicut homo superius non dicetur Troianis, quum nullus est Troianus, neque enim hic omnia coniciamus in intelligentiam, sicuti quum de significando ageremus, sed ad res maxima ex parte. Hinc accipiunt vires conclusiones illæ, quæ à restricto exeunt ad laxius, vt à voce affecta ad simplicem: Est homo albus, ergo homo: Est canis Socratis, ergo canis, nam moderatum angustius est soluto, nisi sit affectio ex earum ordine, quæ auertunt, aut tollunt: vt, Vita saxi, ergo vita: Homo pictus, ergo homo: Ferè omnia, ergo omnia. Sic à verbo substantiuo cui aliquid additur, ad idem simplex venit: vt Est miser, ergo est: quin etiam ab omni alio verbo: nam est, omnia capit, præter ea, quæ non tam in rerum natura esse intelliguntur, quàm in potestate, aut in animo

& cogitatione nostra, vt significat, denotat : quod genus est illud Aristotelis, Homerus viuut vt poëta: & Aristoteles dissentit à Platone. Philo Platonizat, & Plato Philonizat. Aliud est Chimæra, quàm Antichristus: ad mentem enim spectant hæc, non ad existentiam rerum. Relata vox in eo, quo refertur, & sublata tollit relatā, & posita ponit: Pater est, ergo filius est: Non est pater, ergo nec filius. non tamen sic, Video patrem, & filium igitur: in essentia enim relata sunt, non in videndo. Sic verò rectè, Si lædo hunc confœderatum, lædo & illum alterum: nam in hoc sunt confœderati. Aduersa, & auersa, & priuātia magis se tollunt posita, quàm vel ponunt posita, vel tollunt sublata: Est album, est videns, est homo, nō ergo nigrum, nec cæcum, nequequus. Non tamen si non est album, est nigrum: multa enim sunt media. Non est cæcus, videns igitur: nam catulus ante nonum diem non est cæcus: sed nec videns. Lapis itidem neutrū est. Si tamē sint pugnantia absq; medio, vt sanum, ægrum, quod dicit Aristoteles, & in supposito iam apto, & congruente, alterum confirmatum interimit pugnant, ac vice versa: Non est hic homo cæcus, videns ergo: Non æger, sanus igitur. Ex istis complexionibus priores illæ quæ de rebus omnino sumuntur, nullius sunt artis certæ, sed cuiusque in sua: videlicet de hac iudicabit medicus, Accessio est febris, cor ergo palpitat plus iusto: de hac nautæ, Ludunt in sicco fulicæ, ergo instat tempestas. Istæ posteriores magis sunt dialectici, sed ita, vt id instrumentum vnusquisq; vsurpet in sua arte, neq; enim dialecticus de hac cognosceret, Triangulus omnis habet duos angulos rectis pares, ergo Isoscheles, nisi illā quoq; cognoscat, & Isoscheles est triangulus, quod docet geometria. Distinctæ sunt hæ cōnexiones, & varia acceperunt nomina, enthymemata, epicheremata, ascēsus, descensus, cōparationes, exēpla, epagogas, gradationē, soritas, dilemmata, Antistropheotes.

Enthy-
mema.

Enthymema quid sit, non satis conuenit: sed inter plures constat esse imperfectū syllogismū, id est omnia argumentationum genera quæ proposuimus. Nam Rhetores quidā argumentationem ex cōtrariis vocauerunt, propterea quod quæ ex illis fieret esset acutissima: ita nomen commune cessit in ius vnus tanquàm propriū: quemadmodum Poëtam

Epiche-
rema.

Græci Homerum vocant, Latini Virgilium.

Ἐπιχειρήματα aggressionē sonat. Non est genus argumentationis,

tationis, vt videtur, sed ad ordinē pertinet, vt in acie prima-
ni: est enim intentio, qua aggredimur propositum thema.

Ascensus est à singularibus ad vniuersale, descensus con- *Ascēsus.*
trà: sed in priore cōiunctiue ascenditur ad vniuersale distri- *Descen-*
butum, disiunctiue ad non distributum: sic etiam descendi- *sus.*
tur: de quo antea memini. Exemplū est, quo aliquid per- *Exem-*
simile probatur. Scipio maluit exulare, quam libertatē pa- *plum.*
trix imminuere: ergo idē est cuius bono faciendum. Nam
illa quæ per negationem enuntiātur, similitudinis sunt, ille
non fecit, tu facies? quasi tibi non est faciendum. *Compa-*
ratio in quam frequens exemplū incurrit, fit in tertio. Mar- *ratio.*
cellus nō ademit victis libertatē in bello, tu adimes in pace?
Aut à maiore, aut à minore, aut à pari: Non feretis vos exi-
guas contumelias propter Christum, cuius gratia Martyres
profuderunt sanguinem, & vitam: Multi sola prudentia fulti
affectiōnes suas habuerunt in sua potestate, non habebit vir
sapiētiae affectator? Socrates philosophus iniurias dissimu-
lauit, idem te decet facere philosophū. Epagoge siue indu- *Indu-*
ctio & ascensum, & exempla capit. Socrates est in ea multus, *ctio.*
tum artes omnes sunt sic inuentæ, ex singularibus experi-
mentis, quæ sensus ostenderūt, collecta artis regula, mentis
artificio: & si non raro etiam singularia illa ad solum animū
pertinent. Socrates ad aliquid probandū multa similia con-
tēbat, vt quum in illis esset datum, puderet non dare in eo,
de quo agebatur, quum versaretur illud in cōtrouersia. Ro-
dolphus Agricola ascensum enumerationem, *ἐναγωγή* in-
ductionem vocat: quia ex aliquot inducitur auditor ad cre-
dendum. Itaque Epagoge est similium enumeratio partium,
quæ per collationem eo peruenit, quò intendit.

Gradatio quum multa sic sumuntur, vt ex primo infera- *Grada-*
tur secundum, ex secundo tertium, atque ita quocunque alio *tio.*
numero: Quod Diophantus vult, mater vult, quod mater,
Themistocles, populus Atheniensis, ergo quod puer Dio-
phantus, & populus Atheniensis. Cicero Primo de Legibus:
Quibus ratio à natura data est, eisdē & recta ratio data est:
ergo lex, quæ est recta ratio in iubendo, & vetando: Si lex,
ius quoque: at omnibus ratio, ius igitur datum est omnibus.
Cuius norma ex Aristotele deducitur in categoriis. Quan-
do alterum de altero prædicatur, vt de subiecto, quacunque
de eo quod prædicatur dicuntur, omnia etiā de subiecto di-

cuntur: vt, Homo de homine hoc aut illo prædicatur, animal vero de homine, ergo & de hoc homine: is enim & homo est, & animal est. Itaque si duco genus à Cæsare, & ab Aenea: si ab hoc, & ab Anchisæ: quoniam Cæsar ab Aenea Anchisæ filio. Item quicquid sequitur ad illationem bonæ conclusionis, sequitur etiam ad propositum eiusdem.

Coaceruatio.

Coaceruatio est, quum addendo vel detrahendo cumulo nusquam sisto, sed probo nec confici vnquam, nec destrui: vt de cauda equi apud Horatium, & de populo, & de aceruo tritici: quem si vnum granum non efficit, quid duo? si nec duo: nec tria, nec in quocunque numero. Græci soron vel soritas nominant.

Dilemma.

Dilemma est argumentum cornutum, in quo duobus propositis quodcumque eligas, capiere: Si ducis formosam, habebis communem: si deformem, molestam. Si diues erit, letenda: si pauper, alenda. Eiusmodi colligendi ratione videtur significare Cicero Hortensium permultum vti consueuisse: nam in diuinatione aduersus Verrem sic inquit: Te verò Cæcili quemadmodum sit elusurus, quam omni ratione iactaturus, videre iam videor: quoties ille tibi potestatem, opinionemque facturus sit, vt eligas vtrum velis, factum esse, nec ne: verum esse, an falsum: vtrum dixeris, id contra te futurum.

Antistrephon.

Antistrephon quod à Cicerone nominatur conuersio, dissolutio est dilemmatis: Si ducis formosam, habebis voluptatem: at si deformem, non communem. Si diuitem, alet te: si pauperem, nihil exprobrabit.

DE SYL

DE SYLLOGISMO.



EQVITVR vera, & germana, & periecta argumētatio, quę à Grecis syllogismus dicitur, id est collectio, à Cicerone, ratiocinatio. Nos de nomine non erimus solliciti, veteribus utemur vocabulis. Ea non solum in iis verbis, & ea significatione efficax est, sed seposita omni significatione, & in aliis eadem facie ac forma, id est nodi ratione, & cōgruentia partium inter se: quemadmodum docuimus: ideo propriē ad dialecticum pertinet, & huius vnus est artis. Diffiniatur autem nobis sic: Ratiocinatio est collectio trium enuntiationum, in quibus tertia quę inferri significatur, ex duarum connexionē naturaliter elicitur. Naturaliter dico, vt aliud nihil sit extrinsecus necessarium, sed natura sua ex eis nascatur sine supplemento intelligentiæ: nam qui eo indiget, perfectus syllogismus non est. Vel sic: Syllogismus est comparatio duorum ad tertium, ex qua nascitur illorum duorum habitus inter se, vt vel ne-

ctantur, vel dissoluantur. Huius hæc est in natura ratio: quoniam quęcunque vni tertio congruunt, inter se congruunt: & quę inter se congruunt, eodem modo congruunt tertio: vt si Iloscheles sit par duobus angulis rectis, & Schaleron sit item par duobus angulis rectis, Iloscheles & Schaleron pares sunt. Et contrā: non tamen consequitur, vt si tertio alicui non sunt apta, nec inter se sint: neque enim Iloscheles & Schaleron cōgruunt circulo. Ideo ex merē negatiuis nihil infertur. Et quę vna in parte congruunt illius tertii, non necesse est cōgruere inter se: vt Iloscheles & quadratum congruunt cum Schaleronte, hoc in angulo recto, illud in acuto, nec tamen vllō modo cōgruunt inter se: ac ne si totum quidem, vt angulus acutus totus conuenit cum parte Iloscheli, & rectus cum parte quadrati, illa tamen inter se sunt omnino diuersa: ideo nec aliquid efficitur, quū medium est in vtraque particulare: de singularibus aliās dicemus. Videndum etiam ne quod in parte dictum est prius, in toto concludatur: quocirca haud ritē ex non distributo distributum colligitur. Sed quatenus quum vnum con-

Ratio syllogismorum.

gruit, alterum non congruit, illa duo non necesse est omnino vel congruere: vel non congruere, ideo ex negatiua & affirmatiua negatiua elicitur: ex vniuersalitate & particularitate particularitas: semper enim minus est ac deterius quod exprimitur. Tota vis syllogismorum in eo est sita, vt ex vniuersalitate inferatur vniuersalitas, vel particularitas, ex negatione negatio, ex affirmationibus affirmatio. Videntur vt integre sumatur medium, & quicquid in præmissis non est medium, nec pars medii, conferatur in intentionem nihil addendo, aut detrahendo, quod quidem sensum variet, & seruata eadem significatione verborum, ne fiat æquiuocatio, vel amphibologia. Ergo sumuntur hæc omnino congruere, & partim congruere: nam ex non congruere per se nihil efficitur. Quocirca sint in medio pro omnino congruere, omne: pro partim, aliquod: in utroque decem sunt collationes seu connexiones quas combinationes nostri nominant: medium sit a, extrema b c. Medium vt mensura est duorum, ideo postquam perfunctum est metiendi munere, foris remanet: ratio & habitus quidam illorum duorum consideratur, hoc enim quærebat per mensuram: quare in id quod efficere & comparare volumus, medium non intrat. Terminus qui in prima sumitur cum medio dicitur maior terminus, qui in secunda minor: pronuntiationes ipsæ prima nominatur vulgo maior, minor altera: præmissæ ambæ. Capella primam assumptionem, alteram propositionem, tertiam illationem: in quo sicut arbitror, commutatæ sunt voces. Nam Cicero quem ille sequitur, contrà, item Quintilianus qui maiorem enuntiationem vocant propositionem, minorem assumptionem: alii maius & minus assumptum, siue sumptiones. Tum directè concludere, vt maius extremum dicatur, de minore: indirectè contrà. Capella directum inferre, ac reflexum. Explanemus hæc per exempla aptè ad vsum. Comparationes sunt istæ: Si aliqua pars a capit totum b, & aliqua pars b capit totum c, c totum capietur ab a: vt si tres trianguli pingantur, quorum vnus b sit maximus, & capiet alterum a, tertius sit minimus intra a, qui sit c: ita dicimus si omne b est a, & omne c est b, omne c est a. Adhibeatur regula, quam diximus esse canonem artium omnium, & vitæ totius: si manente proposito, illatum infirmetur, duo

Directè
concludere
& indire-
ctè.



duo contradicentia concedentur, videlicet aliquod *c* non est *a*, & idem est *a*: nam si non omne *c* est *a*, sit sanè illud *c*, dum si omne *c* est *b*, etiam d erit *b*: & si omne *b* est *a*, etiam d erit *a*: alioqui non omne b erit *a*, nempe *d*: ita hoc d erit *a*: atqui idem ipsum non erit *a*. In iis quæ concludunt directe ex contradictorio consequentis cum minore, inferitur contradictorium assumptionis. Hæc est via ad facilius inveniendam rationem examinandæ bonæ connexionis. Verum capiamus, quò res fiat distinctior, & explanatior, non literas iam, sed voces significantes: Omnis virtus est bonum, iustitia omnis est virtus, omnis igitur iustitia est bonum: non quin sine significatione res sit ex sola structura valida, sed minùs perturbatur ingenium in significantibus, quàm in literis propter minutiam earum. Quòd si concluditur omnem iustitiam esse bonum inferetur etiam aliquam iustitiam esse bonam: scilicet ad omne sequitur aliquod: etsi aliquam iustitiam esse bonam, etiam aliquod bonum esse iustitiam: nam hic tantum transponuntur verba, sensus restat idem. Quocirca de iis quæ adæquantur, aut se subsequuntur, rarius loquar: putabo enim dictum de alteris, ubi de alteris præcepero, itaque prima hæc forma vocetur à nobis, ut vulgo Barbara: ne in eo, quod nihil refert, affectatè videamur discedere à trita & vulgari via: in quo satis liquet ex vniuersalitate confici vniuersalitatem, ex particularitate nō nisi particularitatem: quoniam *b* quod erat particulare in ratione, tale est in iudicio illationis. Licebit omnes formulas regulare per normam illam, quam posuimus de congruentia duorum ad tertium. Sed ut apertius & compendiosius præcipiamus, omittetur deinceps: satis fuerit de principio attigisse, unusquisque per se examinet: nam hæc seorsum melius intelliguntur, quàm in tumultu. Secunda coniunctio: Si omnis virtus est bonum, & aliqua iustitia est virtus, utique iustitia aliqua est bona: nam detur oppositum, nulla iustitia est bona: ergo neque hæc iustitia, quæ est virtus per assumptum: ergo aliqua virtus non est bona, & tamen omnis virtus est bona: hæc dicitur Darij: ex particularitatibus collecta est particularitas, id est, quæ in præcedentibus fuerant particularitates, manent in consequente. Tertia, Si nulla virtus est bonum, & omnis iustitia est virtus, nulla virtus est bonum: detur diuersum, aliqua iu-

Barbara,

Darij.

istitia est bona, & eadem est virtus, aliqua ergo virtus est bona: sit Celarent. Quarta, Si nulla virtus est bona, & aliqua iustitia est virtus, aliqua iustitia non est bona. Sumatur oppositum, Omnis iustitia est bonum: ergo hæc iustitia est bona, indico illam, quæ per secundam est virtus: ergo hæc virtus est bona, & tamen nulla virtus est bona: sit Ferio. Quinta, Si omnis virtus est bonum, & aliqua iustitia non est virtus, nihil efficitur: collatio est ut vocant inutilis: quippe proceditur à non distributo ad distributum: bonum sit maius virtute, & iustitia æqualis, aut minor bono: omnis homo est animal, aliqua substantia sensibilis non est animal: nisi quis sic colligat, ergo aliqua substantia sensibilis, aliquod animal non est: ut animal non distribuatur. Sed nemo sic loquitur. Ideo Petrus Mantuanus, & alii sophistæ has vocant de inconsueto modo loquendi. Sexta, Omnis virtus est bonum, nulla iustitia est virtus, non potest hæc nasci, nulla iustitia est virtus, nec aliqua iustitia non est virtus: nam bonum quod non erat prius vniuersalitas, nunc fit. Instaretur, si bonum superius esset ad iustitiam: animal, lapis, homo. Sed sic indirectè, Aliquod bonum non est iustitia, tunc omnia remanent, ut oportet, cedo repugnans omne bonum est iustitia: hoc igitur bonum, quod etiam est virtus, secundum priorem assumptionem: quare hæc iustitia est virtus, quod est contrarium Secundæ: Fapesmo vocatur. Iam veniamus ad sextam, Si omnis virtus est bonum, & omnis virtus est iustitia, aliqua iustitia est bona: detur aliud, Nulla iustitia est bonum, ergo neque hæc iustitia: ostensa illa, quæ sit virtus per minorem: itaque hæc virtus non est bona, & tamen omnis virtus est bona: vniuersalis non potest inferri, omnis iustitia est bonum, sumamus virtutem minorem bono, & iustitiam maiore bono: Sic omnis homo est animal, omnis homo est corpus: nec contrà: nam itè contra sumam. Sit hæc Darapti. Septima, Omnis virtus est bonum, aliqua virtus est iustitia, aliqua iustitia est bona: repugnans enim est, nulla iustitia est bonum, ergo nec illa iustitia quæ est virtus, iuxta secundam: quare nonnulla virtus non est bona: & tamè omnis virtus est bona. Sit Darisi. Octaua, Omnis virtus est bonum, nulla virtus est iustitia, ergo aliquod bonum non est iustitia: reducitur ad Fapesmo conuersione minoris, Nulla iustitia est virtus: & tunc facile probatur ad regulam,

ut factum est, ideo huic nomen ne imponamus, quandoquidem omnino pendet ex alio: si quis tamen nomen requirit, vocet sanè *Fapello*. Nona, Omnis virtus est bonum, aliqua virtus non est iustitia, non producant hanc, aliqua iustitia non est bona, si iustitia sit minor bono: omnis homo est animal, aliquis homo non est Hispanus, ergo Hispanus non est animal: à non distributo ad distributum concluditur, sed vel illa naicetur de inconsueto loquendi more, aliqua iustitia bona non est: vel hæc indirectè, bonum non est iustitia. nam si quis non acquiescit, transeat ad aduersum, omne bonum est iustitia, atqui virtus omnis est bonum, quare omnis virtus est iustitia: quod est contradictorium assumpti. sed accipit vires à *Barbara*, ideo etiam relinquatur: sit tamen, si quis velit, *Barboco*. Decima, Nulla virtus est bonum, omnis virtus est iustitia, non potest inferri vniuersaliter, nulla iustitia est bonum, si iustitia sit superior bono: nullus lapis est homo, omnis lapis est substantia, ergo nulla substantia est homo: sed sic, Aliqua iustitia non est bonum. Detur oppositum, omnis iustitia est bonum, ergo & illa iustitia, quæ est virtus: itaque aliqua virtus est bonum, & nulla virtus est bonum. *Felapton* dicitur. Vndecima, Nulla virtus est bonum, aliqua virtus est iustitia, aliqua iustitia non est bona. Detur diuersum, Omnis iustitia est bonum, ergo & hæc, ostensa illa quæ est virtus: & tamen nulla virtus est bonum: dicitur *Ferison*. Duodecima, Aliqua virtus est bona, omnis virtus est iustitia, ergo aliqua iustitia est bona. Cedò oppositum, Nulla iustitia est bona, ergo nec illa, quæ est virtus: quocirca aliqua virtus non est bona, & tamen omnis virtus est bona: dicitur *Disamis*. Tertiadecima, Aliqua virtus est bona, nulla virtus est iustitia, non infert, aliqua iustitia non est bona: nam ascenditur à non distributo ad distributum, sit apertum, si virtus sit amplior quàm iustitia: Aliquis lapis est substantia, nullus lapis est animal. Sed sic indirectè, concluditur, aliquod bonum non est iustitia. Detur aliud: Omne bonum est iustitia, ergo & illud bonum quod est virtus. Itaque virtus est iustitia, & tamen nulla virtus est iustitia: vocetur *Ferisco*, nam ad *Ferio* pertinet, si quis assumptionem conuertat, & de maiore fiat minor. Quartadecima, Aliqua virtus est non bona, omnis virtus est iustitia, ergo aliqua iustitia non est bona. Concedatur op-

- positum, Omnis iustitia est bonum, & omnis virtus est iustitia, ergo omnis iustitia est bonum: quod cōtradietorium propositionis ex Barbara sumit vires: sed forma per se solet
- Bocardo.** poni, Bocardo dicta. Quintadecima. Omne bonum est virtus, omnis iustitia est virtus, nihil efficitur ob medii particularitatem in vtraque. Decima sexta, Omne bonum est virtus, nulla iustitia virtus, nulla iustitia bonū: nam ponatur, aliqua iustitia est bonum, ergo aliquod bonum est iustitia: ostendo illud bonum, quod est virtus, per priorem, ergo aliquod bonum est virtus, quod est oppositum secundi assumpti: vocatur Camestres. Sextadecima, Omne bonum est virtus, aliqua iustitia non est virtus, aliqua iustitia non est bona: nam si omnis iustitia est bonū, ergo & ista iustitia, illam indico quæ non est virtus: itaq; & hæc iustitia est bona, quæ non est virtus, aliquod igitur bonum nō est virtus, quod est
- Baroco.** contradictorium maioris: dicitur Baroco. Decima septima, Nullum bonū est virtus, omnis iustitia est virtus, ergo nulla iustitia est bonum: nam si non acquiescis, sit ergo aliqua iustitia bona, & omnis iustitia est virtus: sumo hanc iustitiam, quæ est bonum, eadem est virtus, ergo aliqua virtus est bona, quod est contradictorium propositionis: vocatur Cesare. Decima octava, Nullum bonum est virtus, aliqua iustitia est virtus, aliqua iustitia non est bona: repugnat intentioni, omnis iustitia est bonum: indico ergo illam iustitiā, quæ est virtus, ergo aliqua virtus est bona, quod est contradictorium assumpti prioris: Festino dicitur. Sunt aliæ collationes, quæ tantum ab iis quæ modò positæ sunt, transmutatione sumptionum distant: ut quum dicimus, Omnis virtus est bonum, & omnis iustitia est virtus, si dicatur, Omnis iustitia est virtus, & omnis iustitia est bonum. In istis eodem modo cōcludetur, quo in aliis, sed indirectè: ut apud illum, Omne peccatum est actio, omnis actio voluntaria, ergo omne peccatum voluntarium. Et apud Ciceronem, Quod est bonum omne, laudabile est: quod laudabile est omne, honestum est, bonum igitur quod est, honestum est: Si quis tamen velit directè concludere, hoc tantum deuiet, ne à particularitate ad vniuersalitatem transeat: Omnis iustitia est virtus, omnis virtus est bonum, ergo aliquod bonum est iustitia. Quapropter collectiones sunt septemdecim: quas licebit in tres ordines distribuere: ut
- quum

quum medium in altera est obiectum, in altera dictum existat primus ordo: quum in vtraque dictum, secundus: quum in vtraque obiectum, tertius. In primo ordine sunt hæc formæ, ac velut gradus, Barbara, Darii, Celarent, Ferio, Fapellmo. In secundo, Camestres, Baroco, Celare, Festino. In tertio, Darapti, Datisi, Barboco, Felapton, Ferison, Ditalamis, Ferisco, Bocardo. Neque hic spectauimus quæ effata possent inferri, sed quæ sunt comparationes, quæ aliquid inferant. Reliquæ omnes siue collationes, siue combinationes aut sunt ex particularitatibus, aut ex negantibus, aut vniuersale ex particulari concludunt, aut detortam aliquam intentionem ad inconfuetum loquendi morem. Nec comparationes attingi, quæ non sunt in communi vlu: Omnis virtus est omne bonum, iustitia est omnis virtus: nihil sunt hæc, nisi ad hoc reducuntur, omnis virtus est iustitia: vt fiat secundi ordinis. Et illa, Omnis virtus est omne bonum, parest huic, Vnaquæque virtus est quodcunque bonum: nec à singulari differt, neque aliter potest esse vera: nam si duæ sint virtutes, & duo bona, non potest vilo pacto vera esse. Caterùm formæ illæ primi ordinis efficacissimæ sunt, propterea quod paratam ostendunt refutationem, si quis non assentiatur, & maximè congruunt naturæ: videmus enim rudes atque imperitos homines plurimum illis vt, & acquiescere: idcirco alios etiam ordines ad illum volunt reduci posse, hoc est illos per hunc examinari, probarique: quod fit vel sumptis pronuntiatis paribus, seruatis eisdem terminis, vel minoribus, quæ à maioribus deducuntur conuersis vel commutatis propositis rationis, vel sumpto contradictorio illationis per aliquem illorum modorum, cum altera assumptionum interre contradicentem enuntiationem alterius. Reductio Et vnaquæque forma reducitur ad formam cum qua communem habet literam principalem sic, vt quam vocalem sequitur s, effati eius sumatur æquipollens: vbi p, sumatur quæ astrictior elicitur: vbi m, commutentur sumpta: vbi c, ad contradictorium deducitur: velut Celare, Nullum animal est lapis, omne saxum est lapis, ergo nullum saxum animal: primæ æquipollens, quæ idem retrorsum valet, est hæc, nullus lapis est animal: fit in Celarent, nullus lapis est animal, omne saxum est lapis, ergo nullum saxum animal. In Baroco sic, omnis homo est animal aliquod

candi

candidum non est animal, ergo aliquod candidum non est homo. Sic, Omnis homo est animal, omne candidum est homo, ergo omne candidum est animal, in Barbara. Ratio huiusmodi omnium est, quod ad paria idem sequitur: ut quod ad bonum & iustitiam, idem ad iustitiam & bonum: & quod ex minori exprimitur, multo facilius est maiori: tum à contradictorio illati recurritur ad contradictorium propositi tanquam coticula probæ collectionis. Et quod diximus de illis subiectis & dictis distributis, idem dicendum & sentiendum in omni particularitate, & vniuersalitate: ut, Cuiusque docti libri sunt accurate perscripti, Budæus est unus est doctus, illius ergo libri bene & diligenter sunt perscripti: Nullus superbus placet Deo, nunc nulli hominum animi grati sunt Deo, aliqui ergo illorum non sunt superbi. Nullum equum iudicem video, Morus est equus iudex, illum igitur non video: ad eundem modum in cæteris. Si quis sumat semper, nunquam, aliquando etiam, aliquando non, omnia illa genera syllogismorum effinget, quæ prius. Observabuntur quæ modo diximus, ut omnia sint paria. Claymōdus semper aliquid meditatur de literis, heri cōuenisti Claymondum, ergo heri cōuenisti aliquid meditātem de literis. Eodem modo ubi vniuersalitas intelligitur: Virtus est bonū, iustitia est virtus, ergo bona. Senec. Ebrius nemo committit secretum sermonem, atqui bono viro committit, ergo bonus vir non est ebrius: in Felapton, nam & ebrius vniuersaliter capitur, & bonus vir. Quod de affectis quæritur possibile, impossibile, necessarium, per regulas est censendum. Possibile particulare est, particularius quàm quodlibet tempus verbi: impossibile vniuersale est negans: necessario vniuersale aiens: meminimus, quid superius de vniuersalitate & particularitate admonuimus. Sunt quædam verba, quæ inuoluta rationem syllogismi perturbant, euoluta autem sunt facillima. Tota voluptas est in sensu, totus sensus in parte animæ brutali, tota ergo voluptas in brutali animæ portione: nam illud totum significat quicquid est eius. Similiter nullum animal præter hominem est capax religionis, elephas non est homo quum sit animal, ergo non est religionis capax. Sic enim explicatur, Nullum animal, quod non est homo, habet religionem, nullus elephas habet religionem: nam solus vniuersalitatem ad alterum extremum iacit, ut sit, omnes habentes

religio

religionem sunt homines, elephas non habet, & cætera. Sunt qui valent in certis vocibus, in aliis non: vt pauci homines sunt in hoc campo, exercitus non est pauci homines, ergo non est in hoc campo: nihil concludes, si dicas, albi homines sunt in hoc campo, Aethiopes non sunt albi, ergo non sunt Syllogismi in hoc campo, in quo sunt ipsi, & Germani. Singularitas permi in unum inde est, ac si esset quædam vniuersalitas: ideóque in ea pro-gularib⁹. bos syllogismos cõtexueris, & quidem in tribus ordinibus. In primo ex aientibus: Ioannius legit, Gasparis filius est Ioannius, ergo Gasparis filius legit. Si maior sit negans: Socrates non disputat, Sophronisci filius est Socrates, ergo nõ disputat: non valet in minore, Socrates est philosophus, Plato non est Socrates, ergo non est philosophus: nam arguitur à non distributo ad distributũ, nisi dicatur, vt antea, aliquis philosophus non est. In secunda ex affirmantibus: Orator est Cicero, philosophus est Cicero, orator ergo aliquis philosophus est. Ex negatiua, aliquis theologus non est Vergara, aliquis theologus est Vergara. non conficitur theologum non esse theologum, sed theologum aliquem nonnullum theologum non esse. Et ex minore negatiua ad eundem modum. In tertio: Aristoteles est doctus, & ide est maritus, aliquis igitur maritus doctus. Et ex negatiuis: Socrates non fuit auri cupidus, Socrates fuit philosophus, aliquis ergo philosophus auri cupiditate caruit: at minore negatiua, Socrates est homo, & non est Troianus, non sequitur aliquem Troianum non esse hominem: sed sicut dictum est aliquem Troianum aliquem hominem non esse,

Sunt quidam syllogismi multiplices, qualis erat ille Socraticus: Amicorum omnia sunt communia, dii & homines boni sunt amici, deorum sunt omnia, ergo & bonorum hominum. Gradationem quidam vocant: ego vt sic non appellem, facit, quòd non semper posterius sequitur ex priore. Sed est geminus syllogismus, ad hunc modum: Quorumcunque amicorum omnia sunt communia, dii & boni homines sunt amici, ergo eorum omnia communia. Rursum, Quæcunque sunt deorum, sunt bonorum hominum, omnia quæ sunt, deorum sunt, igitur & bonorum hominum. Si quis velit gradationem nominare, nihil impedio.

Syllogismi qui fiunt in comparatiuis & superlatiuis habent peculiarem quandam rationem: vt, Quisquis animum

excolit, melior est eo, qui negligit, studioſo ſapientiæ nihil eſt melius, animum ergo excolit. Quod optimum eſt, deſſe beato non poteſt, ſapientia & virtute nihil melius, his igitur vir beatus non caret. Et apud Ciceronem Secundo de Legibus: Quum omnia, quæ rationem habent, præſtent iis, quæ ſunt rationis expertia, neſciſque ſit dicere vllam rem præſtare naturæ omnium rerum, rationem ineſſe in ea conſitendum eſt. In relatiuis quæ referunt exactè, ſumendum eſt antecedens cum relatiuo, aliter nihil proficit conſuſio: Omnis homo qui ſe ſummittit, extolletur, vir ſapiēs eſt homo qui ſe ſummittit, ergo extolletur. Non tamen ſic, Vir ſapiens eſt homo, ergo vir ſapiens qui ſe ſummittit extolletur: nam in ſimili obicitur, Vir ſtultus ac deploratus eſt homo, ergo vir eiufmodi, qui ſe ſummittit, extolletur: quum nullus ſit talis. In iis quæ referunt genus, ſatis eſt ſumere antecedens, vt, Omnis ſophiſta eſt rixofus, qui & cauillatur, Lucianus eſt ſophiſta, ergo rixofus, qui & cauillatur. Similiter omnis iuſtitia & fortitudo, Cato vel Cicero pro ſimplicibus ſunt: coniunctio naturæ eſt vniuerſalitatſis, ac proinde vtrunque neceſſe eſt eſſe verum: quocirca ab illa ad vtrunque eius partem ritè colligimus, non autem retro agimus. Obediendum eſt & Deo & homini in poteſtate, ergo homini in poteſtate. A negatione partis contradicſtorium totius concluditur: nulla eſt in diſſidio reſpublica, ergo non & in diſſidio eſt reſpublica, & magiſtratus auari rectè adminiſtrant: quæ eſt diſiunctio, à qua ad nullam partem valet complexio, ſed à parte ad illam. Similiter à diiunctiua, ſi quis tollat vnam partem, ponet alteram: Theologus vel curat animum ſuum, vel alienum, non curat ſuum ergo alienum: non refleſtitur, nam poteſt vtrunque ſacere. Sed qui diiunctio nis alteram partem veram volunt, alteram falſam, bene putant argui à poſitione vnius partis ad ſublacionem alterius: vel ſedet, vel edit, ſedet, non ergo edit. Sic Cicero pro Cluentio: Vnum quidem certè nemo erit tam iniquus Cluentio, qui mihi non concedat, ſi conſtet corruptum illud eſſe iudicium, aut ab Habito, aut ab Opianico eſſe corruptum. Si doceo non ab Habito, vinco ab Opianico: Si oſtendo ab Opianico, purgo Habitum: non videtur in genere bene colligi, nam potuit corrupti ab vtroque: etſi non in illis, certè in aliis: quemadmodum ſupra demonſtraui,

poſſe

posse partes omnes disunctionis veræ veras esse. Iam à conditionali. Qui ponit conditionem, ponit sequens, qui tollit sequens, & conditionem, non vice versa. Si est virtus, est bonum: est virtus, ergo bonum, non est bonum, ergo nec virtus. Si est virtus, non est bonum: est virtus, ergo non bonum: est bonum, ergo non virtus. Si non est virtus, est bonum: non est virtus, ergo bonum: non est bonum, ergo virtus. Si non est virtus, nec bonum: non est virtus, ergo nec bonum, est bonum, ergo virtus. Hi quidem syllogismi, quæ *Reductio* est mensura & regula, qua alias argumentationes cenlemus. *enthymema* Nam enthymema fiet vniuersaliter bonum, si ad eum reducatur. Sed enthymema est bisarium, aliud quod ex significationibus verborum velet, vt homo currit, ergo animal mouetur: aliud quod quadantenus ex verbis, vt quod habet aliquid in vtroque pronuntiato idem, obiectum videlicet aut dictum: sicut Socrates verè philosophatur, Socrates ergo contemnit opes & gloriam. Socrates nihil habet arrogantia, ergo philosophus aliquis nihil habet arrogantia: & hoc solum reducitur ad vnum syllogismum: illud prius ad multa. *Inuentio* Quod fiet primum medii inuentione, proposito themate quod velis probare, aut improbare: vt homo est albus, non est homo albus. Videndum primum quid superius, qui inferius, quid oppositum, aut alienum ab iis terminis, qui in argumentatione sunt positi: vt quum sumo homo & album, homini superius est animal, corpus, substantia: inferius Troianus, Romanus: nihil est aduersum: auerſa aut separata sunt ea omnia, quæ non sunt homo puta leo, lapis, odor, sapor: albor, coloratum superius, hoc album inferius: candidum par nigrum contrarium, separatum, viride, latitua, odor, sapor. Ad concludendum affirmanter aliquid, oportet id pro medio sumere, quod vtrique terminorum competat. Ad cõcludendum neganter, non quod ab vtroque discrepet, neque enim ex negantiis quicquam conficitur, sed quod vni conueniat, alteri non. Ad vniuersalem affirmatiuam medium oportet esse maius, aut par eo, quod distribuitur: minus, eo quod non distribuitur, si vtrique sit æquale, omnia erunt in contextu æqualia, vt omne risibile est corpus: medium erit homo, vel animal, ad hunc modum: Omne animal est corpus, omne risibile animal, itaque & corpus: colligitur solū in primo ordine, ideo in altera oportet distribui, tunc

tunc erit minus, aut par. Ad particularem annuentem nihil impedit medium minus esse utroque: omnis homo est animal, omnis homo est substantia, aliqua substantia est animal: hæc infertur in primo & tertio ordine: in primo sic, omnis homo est substantia, aliquod animal est homo, ergo & substantia. Ad vniuersalem abnuentem medium vni nullo modo congruat, atque in hoc incumbat negatio: altero erit maius, aut par, & hoc affirmabitur: iustitia, voluptas, bonum, istud erit medium: nullum bonum est voluptas, omnis iustitia est bonum, nulla ergo voluptas bona: hæc infertur in primo & secundo ordine: ideo in vniuersali non distribuitur affirmatiua, tunc erit maius aut par: nam ea est assumptio. Ad particularem negantiæ ut mediū ab eo, in quod incumbit negatio, tollatur, vel totum à toto, vel totum à parte, alteri congruat quomodocunque: fit in tribus ordinibus: si totum omnino à toto tollitur, fit in Ferio, Féstino, Felapton, Ferifco, Fapello: in quibus prior est vniuersalis abnuens: si à parte fit in Baroco, & Bocardo, & Barboco, in quibus altera est particularis negantia. Proprius iam de enthymemate. In omni enthymemate, aut est maior cū illatione, aut minor cum illatione: hic deest maior, illhic minor. Sermo communis, & oratores, qui sermoni communi se accomodant, enthymematis ad persuadendum magis vtuntur, quàm expressis ac perfectis syllogismis: & omittunt eā potissimū partem argumentationis, quæ adeò est facilis ex se, & cuius exposita, ut sorderet si explicaretur, ac generaret fastidium, tanquam diffideret auditori, qui dicit: eodem modo in epagogis duo aut tria exempla pro omnibus putāt sufficere. Solent reduci enthymemata ad primum aut tertium ordinem: ad secundum verò perrarō. Quum obiectum est idem, non potest reduci ad tertium ordinem: nam medium ingrederetur confectiōem, reducitur ad primum. Si dictum est idem, potest ad vtranque: nam si eius quod illi additur pro supplemento, obiectum congruit obiecto, existit in tertio: si obiectum dicto, in primo: quādo dictum dicto, in secundo. Quando verò desit propositio, quando assumptio, hoc est eius cognoscere, qui viderit, quid desideretur ad perfectam probationem. Reliqua enthymemata, quæ nihil habēt commune, ad plures syllogismos reducuntur: homo currit, ergo animal mouetur: infertur hæc sic, ho-

mo currit, omnis homo est animal, ergo animal currit: tum sic, animal currit, quicquid currit mouetur, ergo animal mouetur. Ad explorationem siue syllogismi, siue cuiuscunque consecutionis nulla est certior coticula, quam, ut sæpe admonuimus, contradictorium intentionis repugnare vel toti rationi, vel cum vna parte eius repugnare alteri, & rem deduci ad concelsionem duarum contradictoriarum: qua examinatione nulla est euidentior in natura. Hinc sequitur hoc dogma: Consequens semper meliore est conditione quam antecedens, aut certè pari. Nam si quid boni habet ratio, intentioni communicat, non contra. Si quid verò habet incommodi consequens, in argumentum refundit: semper liquidius est, & purius, quod exprimitur. Si propositum verum, & intentio: si propositum necessarium, & intentio: alioqui poterit dari verum antecedens illati falsi: si possibile est antecedens, & quod conficitur: si quid cōgruit cum sumptione, & cum intentione, nō e contrario: quippe antecedens potest esse falsum, consequente vero: ut studia sunt bona, ergo ab omnibus expetuntur. Si quid sequitur ad illationem, sequitur ad præcedens: nam quod ad posterius, & ad prius, vnde posterius: quum semper prius sit potentius, quippe ex his omnis homo est albus, & omne rationabile est homo, sequitur hæc, aliquod rationabile est album: ad quam non sequitur omne rationabile est album, quod tamen ex prioribus nascitur. Si quid repugnat sequenti, & præcedenti, non verò inuicem: quandoquidem cum antecedente illo priori pugnat hæc, aliquod rationabile non est album: non tamen cum intentione consequenti. Similiter in nobis ex rebus, si argumentum est scitum, est intellectum, est concedendum, & illatio: quum hæc neganda aut dubitanda, & ratio. Nam in hac collectione, omnem binarium scis esse parem, ergo & hunc, quem te go veste: deest minor, & hic est binarius. Quod si quis de consequente probæ conclusionis incipiat ambigere, ea dubitatio ad antecedens se porrigit. de quo fortasse nihil prius ambigebat: ut, Quæ duo sunt in tertio paria, sunt ipsa inter se paria: a & b sunt paria c, ergo & ipsa inter se, quum c in deprehensibili discrimine excedit a, & exceditur à b: b vero perceptibili ipsum a, propositionem putat se scire, assumptionem credit se oculis cernere, in confecto intelligit se captum: refert pedem, & recurrit ad prio-

ra, vt fraudem inuestiget.

De reflex- Restant captiones pseudomenorum, quæ à recentiori-
xis & in-bus reflexa nominantur, propterea quòd de se loquantur,
solubili- & in seipfas reflectant veritatem aut mendacium, sed hoc
bus. crebrius: ideo à Græcis dicta sunt *ψευδολογία*: vt hæc enun-
tiatione est falsa, demonstrata ipsa eadem: omnis vniuersalis
significat aliter esse quàm est, Epimenides dicit omnes Cre-
tenses esse mendaces, & ipse est Cretensis, ergo & ipse men-
dax, si mendax, ergo non ei credendum: & dicit Cretenses
esse mendaces, ergo non credendum: sunt igitur veraces, &
illis credendum: at hic Cretensis, ergo ei credendum: quale
est quod Psalmista inquit: Ego dixi in excessu meo, omnis
homo mendax. Apud Lactantium quidam admonitus est
per quietem, ne haberet fidem somniis: quæro habebit ne illi
fidem, an non? Si credit illi, credit somniis: si non credit so-
mniis, credit illi. Et crocodilina: vtrum reddam tibi filium,
an non reddam? Dic verum, alioqui non recipies. Sic dicis
redditurum, retinebo, quia es mentitus. Si non redditu-
rum, retinebo, vt sit verum: nam si redderem, esset falsum,
& ita essem nihilo minus retenturus. De Protagora Sophi-
sta Abderitano, & Euathlo eius discipulo, notum est illud de
pacta mercede, quod Aulus Gellius refert. Idem Protago-
ras dicebat, omnes omnium opiniones esse veras, Socrates
Platonicus refellit eum sic, at multi opinantur hoc esse fal-
sum, ergo ita est: falsum ergo opiniones omnes esse veras.
Idem Socrates dicebat se nihil scire, & hoc erat aliquid, non
ergo nihil sciebat. Pseudomenorum meminit Marcus Ci-
cero quarto Academicarum questionum, & in libello de Fa-
to: à quibus dicit vehementer fuisse Stoicos perturbatos,
qui ea inexplicabilia nominarunt, aculeos & tortuosum ge-
nus disputandi: quæ colligauit magis Chrysippus, quàm dis-
soluit: ita vt hæc à regula illa exceperint, omne effatum ve-
rum esse aut falsum: idcirco etiam & à nostris hominibus
insolubilia nominantur. Sed harum omnium questionum
vna est profligatio: quoniam verba, sicut instrumenta aliis
rebus accommodantur, non sibi: neque enim cultellus sibi scin-
dendo est repertus, aut malleus sibi tundendo, sed aliis re-
bus: sic in verbis semper alia sunt censenda, per id quod di-
citur, non idem ipsum, nisi forte in quibusdā locosis & pue-
rilibus: vt hæc scripta sunt minio: nam serio quum loqui-
mur

mur hæc scripti tibi ad Calendas Octobres, de superioribus significatur, aut sequentibus, non de eo ipso: ut sæpe Cicero ad Atticum, & alibi: Hæc habui de amicitia, quæ dicerem.

Hæc tibi dictabam templum post putre Vacunæ.

Similiter quum dicimus, omnis homo mendax, alii omnes, & ego, sed non in hoc. Iam minimè credendum somnus, aliis utique: omnes Creteneses mendaces præter illum, & ille: sed non in eo ipso, quod dicit. Quum vicerò primam litem, reddam tibi mercedem, sed non de hac ista re. Crocodilinae interrogationi nihil potest responderi: proponat alia, quæ in se non retorqueantur: nam ad illam nihil potest aliter verius dicere, aut aptius, quàm se nescire: aut aliquid argutum ridiculum. Tum omnes omnium opinionum esse veras aliis de rebus. Quidam dixerunt se nihil scire, ne hoc quidem metu argumenti illius. Atqui nec Socrates ignorabat se esse, & hanc Xantippem esse uxorem suam, & hunc

esse Platonem discipulum suum: cæterum ad perfectam quandam scientiam dictum illius pertinebat. Qui-

dam minimè necessariam exceptionem

addiderunt: Socrates nihil sciebat

præter id vnum: ut Varro

in Academicis qua-

stionibus Ci-

ceronis.

* *

POSTERIORIS, QVI EST DE

CENSURA VERI ET FALSI

LIBRI FINIS.

NN 2

IOANNIS LV-

DOVICI VIVIS

VALENTINI,

De instrumento probabilitatis Liber.



MENS humana, quæ est facultas veri cognoscendi, naturalem quandam habet cognationem atque amicitiam cum veris illis primis, & tanquam seminibus, vnde reliqua vera nascuntur, quæ anticipationes atque informationes nominantur, à Græcis *πρόληψες*. Hinc Platonis est orta opinio, recordari nos, non addiscere: &

animas hominum, magnarum, multarumque rerum habuisse cognitionem, priusquam in corpus mergerentur: sed profecto non magis, quam habet oculi notitia colorum, priusquam ex matris utero in hanc lucem prodeant: potestas ea est ad ista, non actus. Ex principibus illis veris, paulatim alia vera colligit, sicut ex seminibus stirpes crescunt. Sed nouitas omnis admirationem parit, quæ postquam aliquandiu in ea substitit mentis acies, stimulat ad quærendum, atque inuestigandum. Ea prouincia iudicio mādatur: vnde assensio sequitur eius, quod iudicatum est verum, & quasi accessio: dissensio autem & auersatio ab eo quod falsum. Est medium quiddam, quum neutrum horum agit: quod contigit vel ambiguitate distracto iudicio argumentorum momentis in varias partes, qui est motus & nutatio iudicii: vel quiescente iudicio, quum à quo impellatur, non habet: & assensio vnus, est oppositi dissensio, ac vice versa. Assentitur simpliciter, hoc est, hoc non est: assentitur, sed pedetentim, & cautè, non nihil addubitans, arbitror, opinor, credo: quum animus, quò argumentum impulit, ita adhærescit, vt tamen securus non sit, & fieri aliter posse putet: infirmius etiamnum adhæret, quum

Assensuū
differen-
tiæ.

quum illa exeunt, suspicor, coniecto, ni fallor, videtur: & per negationem, non credo, non arbitror, non suspicor, non memini. Assentitur firmè, & securè & omni semoto dubio, quum dicit, scio, cōpertum, exploratum habeo. Aut per negationem, nempe assensum firmum contrarii: Res est impossibilis, incredibilis, fabula, cōmentum. Quis credat? Tu id credis? quæ interdum habent dubitationem, & admirationem magis, quàm assensum contrarii confirmatum. Ironia pro dissensione est, Sanctus & diligens prætor Verres: Homo infans & stultus Cicero. Ex admiratione nascitur querendi cupiditas: in qua primus aggressus vocatur quaestio, qua volumus scrutari de essentia, aut inhærete alicuius rei, siue foras exeat ad aliū, siue intra scriptum subsistat, qui quaerit. Quaestionum alia simplex quoddam responsum postulant affirmationis aut negationis sine argumēto: vt, Dic mihi Dameta, cuium pecus? quæ interrogationes nominantur: alia rationem & argumentum requirunt, aut certe fusiorē explicationem, quæ propriae quæstiones. Græci *ἑρμηνεία* interrogationem, *ῥησμοῦ* quæstionem dicunt: quāuis hæc interdū in linguis cōfundūtur. Rogat quisque vel de re, quid sit, aut cuiusmodi, quemadmodum affecta, quæ sunt infinita: nisi quis fortè redigere ad ea loca argumentorum velit, de quibus statim loquemur: vt totidem ex rebus quaestio existat, ex quot argumenta, per quæ satisfit quaestioni. Rogat item de assensu aliorum: Quid tu sentis? Quid populus? Quid senatus? Quid Aristoteles, aut Cicero? Interdum seipsum. Ego ne id credam? mane: expendamus acrius. Tum venit ad inquisitionē eorum, per quæ vel probando vel improbando acquiescat: cuius hæc est via: Mens nostra in extrema rerum facie sensuum cognitionem, atque arbitrium velut ducem sequitur, sed quem ipsa interdum deflexum de via iudicio suo reuocat: tum ex iis, quæ à sensibus didicit, attollit se altius, ac penitus se condit in rerum intima: aliaque assequitur, & eruit occulta atque abstrusa: sic tamen vt aditus ad incognita, sint prius cognita: ad incerta verò sint certa: credibilia quoque ac verisimilia ad ea de quibus ambigit. Necessesse est enim vt in assensu gradus attollat gradum, & sequentium adminiculum sint, quæ præcessere. Neque fieri potest vt in cursu ad metam perueniat, qui medium prius non attingit: nec in tenebris spectari quid potest, nisi lucem admove-

ris: ita neq; dubia & tenebris obscurata cerni vnquam poterunt, si non lux aliqua affulgeat ex iis, quæ nos velut spectata iam habemus, ac certa. Eundem admodum in mensuris, in ponderibus res ipsa nos docet, ut quæ sunt iam nobis cõperta & explorata, quæ probabilia & verisimilia reddat ea, quibus pro censura admouerentur talia, siue quod consentanea sibi sint, siue quod dissideant. Incredibile memoratu est, quot, & quam varias ad veri inuestigationem rationes humanum ingenium ineat, ac tentet, haud aliter quam qui rem magnopere abditam in tenebris inquirunt. Confirmant dubia ita esse aut non esse duorum modorum altero, aut quia aliquid sit, aut quia non sit: ut, Ancharus quis Deo? charus, quia pacis & concordiae amicus, & quia fluxas res non amat: non charus, nam concordiam habet inuisam, & amat immodicè suum corpus. Ergo est argumentum id, quod iam creditum ad fidem rei nondum creditæ sumitur. Ordo verò eorū, quæ

Argumē-
tum.

Ordo cre-
dibilium.

Primam fidem arbitramur esse sensuum, hanc vulgus certissimam esse ducit, nec falli se ab illa posse: vnde sunt illa, Et vocem his auribus hauri: Ego hitce oculis vidi. Et Dominus in Euangelio, Quæ vidimus, inquit, testamur. Apud Plautum quidam pluris facit oculatum testem vnum, quam auritos decem. Sed falli nonnunquam oculorum obrutum, & aliorum sensuum aciem, res est quotidiana, vitio suo, aut medii, aut obiecti, aut communis sensus, qui nisi aduertat, nihil percipitur rectè. Ideo in antiquis Romæ testimoniis illud semper etiam rebus manifestissimis addebatur, ut credo. Verum hæc causa non erat, cur Academia in totum abrogaret fidem sensibus: quasi nihil rectè possit deinceps agere, qui semel egerit prauè: sed quod vno tempore erratum est à sensibus, alio corrigitur: quod ab vno homine, sarcitur ab alio. Sunt paucula quædam in quibus necessario sensus labuntur, non culpa sua, sed rerum: his subuenit mens, cuius est certius iudicium atque exactius, quæque deprehenso semel sensuum errore, certius deinceps iudicat.

Secundus fidei locus est, quod suus cuique affectus sua sit: qui quādiu dominatur animo, omnia sui iuris facit, & quālibet falsa exploratissima creduntur: nam acumen ingenii & acrimoniam iudicii nebula quadā obducit, ne quid valeat inspicere nisi per eam ipsam. Interdum quoque tanta est cecitas, ut qui

Ut qui perturbationibus tenentur, videre se, vel audire negēt, quę vident, atq; audiunt: quandoq; re vera alienato mētis iudicio sensibus defungi non queunt: aliās obstinatione quadā non ferunt affectioni quicquam obāstere. Hinc amanti pulchra omnia, etiā deformissima, & in odio atq; inuidētia nihil latis bene. Quamquam sunt in affectu proni quidam ad desperationem, si nihil credunt, quod quidem optent euenisse: alii spem habent cum voto ad credulitatem propensiores, ad hos etiā quę vana esse non ignorātur, tamen si affectū moueant, nō nihil impetrāt fidei, ut fabulę quę delectationē afferunt: ita enim iudicii vim voluptas occupat, ut nihil sinat agere, nec expendere, cuiusmodi sint, quę dicātur vacet: quippe antecēssit affectio censurā, & excludit. Dehinc sunt argumentorū, & rationis vires, tum authoritas dicētis. Sed in iis non omnes ad eundē sese modū habent. Sunt qui omnia argumentis tribuant, non tam necessariis, quā verisimilibus. Alii necessaria requirunt, hi sunt, qui plurimum ingenio suo fidunt. Nam apud eos qui non tam sibi placent, malūntq; alienum dictum sequi, quā suum ipsorum, maximi pōderis est authoritas. Sed authoritates tamen nō omnes quę sunt momenti, de quibus erit peculiaris dicendi locus.

At si quid est alicui persuadendum, id cui ille assentitur, Probabilis ex probabilium est numero: & uti Quintilianus ait, si quid le. inter vtranque partem conuenit, & cuicunque non contradicit aduersarius. Hoc in opere omisissis aliis fidei generibus ac formis, de argumentis atque authoritate disserēdum est nobis. Nam sentis à natura sunt, qui non docentur: eos homines & ceterę animantes communiter possident ex beneficio naturę. Affectus rapiūtur impetu, antequam rationem audiant: quibus de causis excitentur, aut residant, non est instituti huius dicere, sed de anima. Ergo quicunque obscuras atque incertas res ex certioribus & clarioribus inuestigant, eidem argumentorum instrumentis, ac velut armis in diuersissimō materialium genere vtuntur. Quippe & iuriconsultus, & medicus, & geometres, & rhetor aliquid in sua peritia atque arte quæliturus, essentiam scrutatur, inhærentia, causas, effecta: ut eodem penicillo & in tabula pictor Cælarem pingit, & in crusta Alexandrum, & in linteo bouem, & in charta piscem. Hęc omnia magnis quidem atq; exercitatis vlu & prudentia ingeniis in promptu

Loci.

sunt : artis vice est illis acumen & celeritas mentis : verum tardioribus fuit consulendum. Iplis quoque felicissimis subeunt sæpenumero obliuiones , aut difficultates in rebus maximè necessariis , vt sunt humana omnia infirma : optimum factu est visum eam ipsam inquirendi rationē , & colligendi probabilia , quam omnes communiter vsurparent, obseruare, annotare, in præcepta redigere , & artem conficere, quam de inueniendo nominarunt , ne quoties aliquid esset vestigandum , peregrinandum haberet ingenium humanum mole corporis velut tricis retardatum per tantam immensitatem naturæ : & obtuso illi res essent densæ penetrandæ, & obscuræ perferutandæ in tenebris. Ergo digesta sunt singula , & tanquam inodomunculas & sedes redacta quos locos dixerunt opposito nomine , quòdque Aristoteli placuit inuentori, si Ciceroni credimus, facultatis huius. Est enim locus nomen instrumenti, quo rationem probabilem rimamur : sunt horum nomina tanquam lemmata nartheciorum apud pharmacopolas & vnguentaries, quis illi admonentur, quid in quoque insit narthecio aut capsula: ne omnia euoluere sit necesse , quum vno aliquo est opus. Verum illud initio statim ignorari non oportet consiliam hoc tempore & permistam quandam instrumentorum syluam à nobis tradi: quorum examinatio & iudicium, quid vnumquodque operi conducatur , & quantum , alterius sit contemplationis: vt sciat quisque, quātum in præsentia à nobis expectaturus sit: ne fortè maiora aut plura animo præsumens, quàm quod dabitur satisfactum sibi nō esse indignetur , sua magis culpa, quàm nostra. Quæcunque ergo res in dubitationem venerit, eam oportet penitus inspicere internè, externè, sursum, deorsum, antè, retro, cogitatione & mente omnia perlustrare: vt verum istud ad iudicium utiq; nostrum tam multis coopertum & occultatum inuolucris detegatur, atque in apertum se proferat : nam quum obiecto dictum additur, nihil quæ vtroque latent, expromantur ac cōferantur mutuo, nō facillè utique sciatur, quemadmodum illa inter se congruant. Quocirca multum ars hæc à prima philosophia adiunatur. Spectanda sunt illa etiam quæ de definiendo & diuidendo disseruimus : ea enim hunc in modum habent: pro loco est rei essentia, hinc inhaerentia, tum actiones passionēs, causæ ipsius, & ea quorum illa ipsa est causa, quæ

quæ rem illam capiunt, siue in quibus est & ea quæ res ipsa capit, quæ ad ipsam referunt, quæ ante eam sunt, quæ post addita, attributa, quæ humanis ingeniis excogitata, & in argumentum sunt assumpta.

Essentiam rei patefaciunt, & explicant diffinitiones: in **Locus** ab quibus hæc insunt omnia, genera, species, differentia, seu essentia. propria. Tum ea quibus quæq; res constituitur, & coagmen- **A genere.** tatur. Superius illud quod est generis vice essentiam inferioris utcumque demonstrat, in quo non tam est sumendum exactum illud genus, quàm superius quiddam, ut de diffinitione diximus. esse superius est ad omnia, eoque Cicero primo Tusculanarum Quæstionũ probat mortuos nõ esse miseros, quia non sint. Athenienses iuvenes gymnasiis se exercent: nam id est Græcis omnibus commune. Sic ostendit Cicero, Si acta Cæsaris confirmentur, potissimum leges Cæsaris debere defendi ac confirmari: quoniam nihil est magis in actis, quàm leges. Quare inquit, acta Gracchi, leges Semproniarum proferentur: quare Syllæ, Corneliæ: ita enim leges sunt inter acta, ut homines inter animalia: & recurritur ab inferiore ad superius, hoc est ab indiuiduo ad formã, ab hac ad genus. Qui potes malum negare, quem mendacem vides? & quem tu bonum vocas, nõ video quem locum probitatis teneat. Ex proprietate & differentia. Nihil magis **A pro-** est hominis, quàm iudicium, moderatio, consilium, ingenium, peritia, disciplina, quum sit animal rationale, & disciplinæ capax. **prio.** Quid minus est eius, quàm furor, præcipitatio consilii, affectu rapi, rationi non obtemperare, præcipitem ruere in quodcumque animo fuerit collibitum? Mitio Terentii arguit se patrem esse, Demeam non esse, quod hoc patrium sit potius consuetudine filium sua sponte rectè facere, quàm alieno metu: Hoc pater, inquit, & dominus interest: hoc qui nequit, fateatur se nescire imperare liberis.

At res ex partibus suis constant: nec aliud est pars, quàm **Totum.** ex quo cum alio vel aliis quicquam constituitur: quarum alia **Pars.** sunt essentielles & simplices, ut materies & effectio, alia composita, ut quæ ad quantitatem videntur referri. Ex materie deprehenderunt physici animantes omnes mortales esse: propterea quod hæc instabilis esset & fluxa, facileque mutationibus præberet locum. Et Iupiter apud Ovidium ex materia domus fatorum concludit ea esse immutabilia:

Tu sola insuperabile fatum

Nata mouere putas? Intres licet ipsa sororum

Tecta trium,

Et quæ sequuntur. Cicero vilitatē funeris Clodij arguit, quod tam multæ deessent partes, imagines, laudatio, & eiusmodi: Ex hominis effectiōe intelligitur hominē nō posse terrenis & caducis expleri, cuius animus celestis immortalisq; sit. L. Crassus orator non esse mirandum dixit si Domitius vocaretur Aenobarbus, cui esset os ferreū, & cor plumbeum. Aristoteles colligit pisces respirare, quia habeant pulmonē, & apes non respirare, quia non habeant: nec suscipere disciplinam, quod inauritæ sint. Ad partem dixerim pertinere sexum, marem, scēminam.

Coniugata,
ta,

Coniuncta sunt cum essentia ea, quæ solo casu & vocis mutatione distant, quæ à Cicerone cōiugata nominantur: vt sapiens, sapiēter, sapere, sapiētia: homo, humanus, humaniter. Terentius: Homo sum, humani nihil à me alienum puto. In quibus duæ sunt cōcludendi formulæ: nam vel ad idem pertinent, vel ad duo: singula ad singula. Prius est, Si eloquēs est admirabilis, eloquentia est admirāda. Alterum, Diuitiæ sunt beatitudo, diuites ergo sunt beati. Si coniugata coniugatis referātur sine adiectione vlla, valida existunt plerunq; argumēta: vt, Sapere est rectē viuere, ergo sapientia recta vita, sapiēs rectē viuens. Sin quid addatur, pinguis & perquam infirma, nec illa ipsa superiora satis in toto genere cōstant: Homo est pulcher, ergo humanitas pulchritudo. Philosophi sunt mali, ergo philosophia est mala: Hæc est bona, ergo illi boni. Sed hic inuentionem tradimus non iudicium.

A diffinitione.

Diffinitio postrema est huius loci. Persequitur C. Calsius Dolabellam. Qua lege? Cicero diffinitione legis ostēdit optima & maxima lege. Sic enim inquit in Antonia. vndecima: Quid C. Calsius pari magnitudine & animi, & consilii præditus, nonne eo ex Italia consilio profectus est, vt prohiberet Syria Dolabellam? Qua lege? Quo iure? eò, quod Iupiter ipse sanxit: vt omnia quæ reipublicæ salutaria essent, legitima & iusta haberentur. Est enim lex nihil aliud, nisi recta & à numine deorum tracta ratio imperans honesta, prohibens contraria: huic igitur legi paruit Calsius. Nec refert diffinitio ne sit essentialis, an quæ descriptiones nominantur: nam plerunque rei essentia non aliter, quàm ex adiunctis

cogn

cognoscitur. Hinc sumuntur plurimę cōtrouersię quid hoc, quid illud nominetur: quid sit sacrilegium, quid telum, quid postliminium.

Alter locus capit inhærentia amplissimo argumentorum receptu. Primùm ex iis, quę sensibus sunt obuia, & ei sensui qui communis nominatur, hinc occulta deprehenduntur. Terrę ac stirpium vires ex colore, sapore, tactu, odore: vt apud Vergiliũ de iudicio soli:

Et sapor indicium faciet manifestus & ora

Tristitia tentatum sensu torquetur amaror.

Animantium naturę ex facie, quod est physiognomoriã medicorum quoq;: vt qui morbos etiam ex voce deprehendunt: architecti locorum & ædificiorum rationem & commoditatem ex resonantia: & musici chordarum ex sono. Dicunt fuisse, qui de facie iudicium ferret ex voce, credo de buccis & naso, nam ea sunt vocis organa. Tum ex odore anhelitus de valetudine medici pronuntiant: ex oculorum & vultus habitu cognoscitur, quemadmodum qui que sit affectus. Alius est enim faciei habitus iratus, quàm placidis, lætis, quàm tristibus, metuentibus, quàm spei & fiducię plenis. Seneca in ludo negat Claudium d. bere Deum fieri, quod non esset corpore diuinę maiestatis capaci. Et barbari formosissimos quosque homines principes lacerabant, quod existimarent in eiusmodi corporibus habitare animos nō dissimiles. Hinc illa, Pulchros pulchra decent, Non bene olet, qui bene semper olet. Et Dominus apud Prophetã exprobrat Iudę genti impudentiam: Frons inquit mulieris meretricis tibi tacta est, Facies enim pudoris est sedes, & potissimùm oculi, qui indices sunt quemadmodum animo affecti simus. Pythagoras ex magnitudine pedis Herculis, vt Plutarchus refert, affectus est, quantus ille esset, quantumque homines reliquos amplitudine corporis antecederet. Hinc prouerbiũ, ex vnguibus leonem: quę habent etiam nonnihil comparationis. Ideo ad ea quoque pertinent, quę sunt ad rem. Ouidius hominem ostendit esse animalium præstantissimum, quod prona quũ spectent animalia cætera terram, & cætera.

Non veniunt in hunc locum, quę quis dixit, sed vocis sonus: nec illa ego vidi, ego audiui, autoritatis enim sunt hæc. Præterea externa inhærentia externorum sunt signa, vt ignis celeritas calorem arguit, & aspectus glaciæ rigentem esse

se

se aquam testatur. Sunt alia adiuncta: quæ capiuntur animo, huc venit per externa: sed alia tamen fiunt verisimilia per illa: velut à leone magis, quàm à cane discriptum hominem, quòd ea est fere sævitia: toxico potiùs aliquem subito extinctum, quàm bubula. Medici ex rerū viribus, ac naturis quas edit quis, si in morbum incidat, censent quid maxime valetudini obfuerit. Huius nationis sunt illa, furenti gladium non tradendum: puero, aut impotenti, ac violento animo publicam functionem non credendam, utique nec ouem lupo.

Ab actiōe

Actio sequitur, quæ ut ex interiore quadam vi & ingenio cuiusque rei proficiscitur, ita eam ipsam vim hominibus ostendit, & declarat, ut naturam fontis vel putei, quam inde hauseris aquam. Eodem quasi contubernio passionem colloco, quòd complicata ita sunt, ut actio esse non possit, ubi non est passio, & contrà: tum multa actionis creduntur esse quæ ad passionem alii referunt: ut sensus omnes Aristoteles, audire, videre, olfacere, tangere, gustare. Hinc promuntur quæcunque quis fecit, dixit, voluit, cogitavit: nec solum in transactio iam tempore, sed in præsentī, & venturo. Sedes signorum confertissima: conscius sceleris, nam expalluit, fugit, titubavit, odit: nam torfit os, minatus est, indignatus est, toruè aspexit. Cicero arguit Clodium insidias Miloni fecisse, quòd dixisset triduo illum moriturum: qualis vir, inquit vetus verbum, talis oratio. Et Dominus in Evangelio, A fructibus eorum cognoscetis eos. Ex iis quæ quis egit qualia ager? videlicet sumpto naturæ illius rei velut gustu quodam: unde collecta sunt experimenta naturæ rerum, & efficacia eorum, quæ utilia nobis essent, quæ noxia. Ex actibus non solum interiora inhærentia, vires, potentiæ, imbecillitas, generositas, degeneratio: Perfectus adamas, nam ferro non celsit: Ignauus canis, qui lupum metuit: Bonus magnes, calybē traxit: sed exteriora eliciuntur quoque: Dulce hoc vinum, quod calfecit. Et inter hæc numerantur, quæ quis non fecit, tanquam in quiete sit ratio aliqua actionis. Consciis, tacuit enim: Robur animi in Tito Annio Milone, quod in iudicio capitali non perturbatur animo, non illacrymetur, non deprecatur iudices. Eadem sunt, sed φιλοσοφικώτερα in Publio Rutilio, & Socrate Platonis: adde etiam, ut puto veriora, & accommodatiora ad formulam exactæ virtutis, quæ ille persequitur in

tur in apologia eius item Xenophon. Solemus item dicere, Ne diruas, quæ ipse non extruxisti: Non vis prodesse, saltem ne oblis: quasi qui illa non facit, par sit eum, nec altera facere. In quo est ceu vis quædam authoritatis debiri officii, de quo mox verba faciemus. Agamemnon apud Homerum verat Achillem animi & corporis viribus efferri. Dii inquit, huic illa dedere. Ceu dicat, Ne superbias iis rebus, quas ipse non parasti tibi, sed habes alieno beneficio. Explicatiùs apud Paulum Apostolum, & piè magis: Quid habes quod non accepisti? Si autem accepisti, quid gloriaris quasi non acceperis? Actio quoque actionem excludit: Ne occidat, quandoquidem expoliavit. Modus actionis hic expèditur, quomodo quicque sit actum. Tum pro passione est qui patitur. nēpe personæ, aut rei patientis qualitas: vt læsum hominem, & amicum læsum: achene merentem magistratum, patrem: sicut in Propheta, Virga percutient maxillam iudicis Israel. Et Demosthenes invidiam conflat Midix, quòd in facie ab eo casus esset, & quidem coronatus.

Causæ.

Coniunctissimæ sunt causæ actioni: nam causa est in proposito à qua fit aliquid, aut propter quam fit. Illa efficiens nominatur, hæc finis. Poterat efficiēs causa ad ea videri, quæ ante rem sunt spectare: vt finis atque effectum post rem. Sed cōsultius fuit hæc separare, q̃ nōnullæ causæ sunt simul cū effectis rebus, tum percipientur faciliùs hæc: nec est quicquā periculi, vti postea ostendam, si eadem pluribus interdū sint locis comprehensa. Causarum alia naturalis est, cuius actionis principium ac vis est in ipsius effectiōis natura: vt igni caliacere, aquæ frigefacere: alia quibus fit vis, vt aquæ ab igne feruēfacta caliacere: lapidi excusso ascēdere: sed hæc nō diuturna sunt, remoto eo quod vim affert, vnumquodque ad naturam suam actutum recurrit, vnde est illud, violenta non diuturna. Dionysius quum matri suæ vetulæ dissuaderet cōiugium, quod ipsa vehementer expetebat, leges, inquit, humanas cōgere possumus, naturę non possumus: nam sunt quædam naturalia, quibus non fit vis, vt in cursu vitæ. Naturali causæ alia quadā ratione opposita est fortuita causa, in quā & casus & inconstantia incurrit. Hic malus versus non est Homeri, nam ille est optimus vates: ita est. Sed aliquando poetæ doctissimi versus edunt non doctissimos: quandoq; bonus dormitat Homerus, vt inquit Horatius. Est & causa quæd

quædam propinquior, alia remotior, in quo multa sunt intervalla & tanquam gradus videlicet ut quæque propius ad effectum accedit, aut longius. In homine primi sunt parentes, hinc aui, proaui, & patria in quo est natus propior, quàm patria parentum, aut illa, in quam est receptus & alitus, Nā duplicem facit patriam Cicero, ciuitatis & naturæ: ut ipsi ciuitatis patria sit Roma, naturæ Arpinum. Est etiam patria antiqua quæ parètes vel auos edidit, ut Regillum antiqua patria Claudiorum apud Liuium. Patria quidem quatenus genuit, atque educauit, in his reponitur: nam si locus sit tātum, in iis est, quæ rem capiunt. Ex omnibus trahuntur argumenta: bonum ex bonis prognatum, malum ex malis: vnde originem habuit nobilitas. Dominus in Euāgelio: Si filii Abrahæ estis, opera Abrahæ facite: videlicet nō decet filium boni viri malum esse. Apud Liuium Publius Sempronius Tribunus plebis connumeratis Appiæ gentis scedis facinoribus, ostendit, nihil mirandum, si talis sit Appius ille, qui contra leges centuram retinebat. Et Cicero secunda Antoniana docet nihil fuisse opus Brutis & Cæsaribus cohortatione sua ad occidendum Cæsarem, quum illis essent maioribus progeniti. In patria Pœnum perfidum, auarum Romanum. Et comparisonem habent causæ: Non tam similis nepos auo, quàm patri filius. Non ita mores induimus ciuitatis qua donati sumus, ut in qua nati, & alti: at patriæ nostræ magis quàm parentum vel auorum, non tamen eius in qua educati, ut in qua nati solū. Neque genitores aut patria in solis excutiuntur hominibus, sed multo magis in cæteris animalibus, atque inanimis rebus, quia in illis plus valet natura, quæ voluntate & electione non ducuntur. Leo Europæ animosior quàm Africæ, hic autem ferocior. Adamas in Arabia repertus præstantior Cyprio. Vua melior Sargentina, quàm Parisiensis: melior hæc, quàm Louanienlis. Canes, oues, boues ex hoc, aut illo semine optimi, aut pessimi. Et quemadmodum in hominibus, ita in cæteris rebus author conciliat pretium operi, vel detrahit. Versus pessimus, quia Chærii, aut Meui. Oratio optima, nempe Ciceronis. Acutum inuentum, quia Aristotelis: ut sint qui dānare metuant, quæ non probant veneratione tantum authoris: ut quidā versus Vergilii aut Homeri phrasim in Cicerōe argumenta Aristotelis, picturā appellis: hæc enim quæ nō admittitur

raretur

raretur, rudis haberetur spectator. Hinc illud, Malo cum Platone errare, quàm cum aliis bene dicere. In remotioribus causis, & in quibus est transitus, error solet sæpe intervenire in gradibus, per quos rē deducimus: ut rixa causa cædis, nam ex rixa iurgia, ex his odium, hinc pugna, ex hac vulnera, unde cædes: nec semper hæc sese ut polita sunt, consequuntur. Ideo etiam causæ incertæ nominantur: nam aliæ certæ sunt, ex quibus semper illud efficitur, quod sub eis subiectū est: aliæ incertæ, quæ varietatem recipiunt, ut:

Causarū
differētiæ

Non semper feriet, quodcunque minabitur arcus.

Non omnes moriuntur, quibus mors est denūtiata: ex quibus hæc raro, illæ sæpe, aliæ plerunque efficiunt. Est causa involuntaria, quæ vi naturæ sine voluntate & delectu agit: velut ignis ardere, & calfacere: primi impetus affectuum sine ratione aliquo rapi: idcirco diminuitur illis culpa, sicuti neque animantes criminamur, si quid egerint ad quod instinctu naturæ suæ videntur impulsæ: & minùs culpamus stultos, quàm sapientes, quia minùs eligunt: & leges multū ignoscunt primis animi concitationibus. Aliæ sunt voluntariæ, in quibus voluntas & electio habet regnum: ut in homine, in coniecturis quum factum ne sit, aut fiet, quaeritur, prima solet voluntas considerari, an voluerit, an volet. Causæ adiungitur facultas, quasi dynamis, & potentia rei faciundæ. Ergo res pro facta habetur, si voluntas & facultas eidem adsint: quod si alterutrū desit, nihil fiet. Cicero de Cæsare: Nihil habet fortuna tua maius, quàm ut possis, nec natura tua melius, quàm ut velis conservare quàm plurimos. Plinius Tito Vespasiano: Nec quicquam mutavit in te fortunæ amplitudo in his, nisi ut tantundem prodesse posses, ut velles, Thiestes in Tragœdia, omnia se ait timere, quod Atreus frater tantum, inquit, potest, quantum odit. Contradicimus, quod est apud Ciceronem: non proderit, quia nolet, nec oberit, quia non poterit: aut nesciet. Et de populo Romano eiusdem ad Atticum, Quum videas voluntatem civitatis solutam, virtutem alligatam. In facultate sunt ars, peritia, exercitatio, usus. Idcirco ex antea facta vita coniecturam oratores faciunt de præsentī, aut ventura: ut Quintilianus de milite Mariano, Cicero de Marco Cælio, & Lucio Antonio, qui locus est apud eos frequentissimus. Et Plato non se quempiam ait reprehendere, quod luderet,

sed

Instrumentum. sed quod assuefactionem sibi generaret, quæ postea vel inuitum eodem protruderet. Est etiam in facultate instrumentum: Verisimilius Remum vomere occisum, quam gladio: quippe rusticis illis vomer magis ad manum: Et foeminam veneno interceptisse hominem, gladiatorem ferro. Est causa quæ sine qua non dicitur, ut apud Quintilianum in apibus pauperis: In summa iudices quis dubitat, quin ei sit dānum imputandum, sine quo non accidisset.

A fine. Hæc quidem de authore siue efficiente causa, nunc de fine: etenim quicquid agit, finem aliquem spectat, cuius gratia aliqua parata, & quaesita sunt, quæ media dici solent: ex fine de mediis censentur, & de eo ipso ex mediis, quod & finem sibi illum statuit, & media propter finem sumpit. Ergo de voluntate & facto quum dubitatur, ex fine promuntur argumenta, unde est illud Cæsii prætoris, qui quum fecisset ne quis, an non fecisset, inquireret, rogare illum solitum ferunt, cui bono fuit? quid emolumenti relaturus erat, si fecisset? quid incommodi, si non fecisset? existimabat enim homo acutus neminem gratis esse bonum, aut malum. Voluit Clodius Milonem occidere: quod eo sublato versaturum se rempublicam pro libito sperabat: & alia quæ sibi præstituisse, ac concepisse animo explicat in ea oratione Cicero. Non est credibile Ligarium bello voluisse se implicare, qui domum spectaret, qui redire ad suos cuperet: hæc verò per bellum consequi non poterat. Credibile est Cæsarem ultro venisse ad bellum civile, qui sibi spem regni à puero fecisset, & cupiditatem tot victoriis auxisset. Et qualitas rei arguitur ex destinatis, non modò essentia. Sanctum lucrum, quod in elemosynis consumetur: pia patientia, quæ pro celestibus ac immortalis felicitate suscipitur. etiam de qualitate eius, qui finem sibi proposuerat: vir bonus, nam hæc omnia pauperibus recipiendis extruxerat. Causæ & effecta mutuam sibi confirmationem præbent. Nam ut causæ effectas res arguunt, ita contrà effectæ res causas: bona causa, bonum effectum, & e contrario: eadem causa, similia effecta, & hæc eandem causam: ignis calorem, & calor ignem, quæ cum causis respondeant, ad eundem possunt modum distribui, quo de causis est dictum. Sunt effecta naturalia, ut calor ignis: Sunt violenta, quibus adhibetur vis: ut apud Virgilium de opere, diligentia, labore assiduo, qui obeundus est, ut terra aliquid fundat.

Effecta.

dat. Sic in multis hominum ingeniis vt aliquid discant, aut rectè faciant.

Vidi lecta diu, (inquit ille) & multo spectata labore

Degenerare tamen: ni vis humana quotannis

Maxima quæque manu legeret.

& illud Terentii, Redis ad ingenium, quasi tu non malis multò narrare hoc mihi, quàm ego audire. Fortuitum effectum in quo est casus, ex inconstantia depræhenditur, quod semper sic non euenit. Cicero de Antonio: **Q**uis dubitet hunc casu benefecisse, natura scelus esse. Hic fuit euentus: **Euentus.** Melior dux Scipio Annibale, quia illum vicit: in quibus variat fors: nam sæpe meliorem vincit peior, vt Menandrum Philemon in certamine Comediæ. Sic apud Ciceronem: Adde casus, adde incertos exitus pugnarum, Martemque communem, qui sæpe spoliantem iam & exultantem euertit, & perculit ab abiecto. Non est verisimile tantum vniuersi, & tam constantem ordinem casu vel factum esse, vel regi. **Q**uis credat tam elegantem tabulam casu pictam, non arte? Est effectum proximum & remotum: vt vxorẽ nolle Pamphilum, quia Dauus timet, ne detur. **Q**uoniamquidem maximus eorum amor præstat eis idem nolle, & idem velle. Hinc timere Dauum planum facit, timere etiam Pamphilum. Si timet, non vult, est certus. Hercules probatur vera louis proles ex facinoribus. Dominus noster in Euangelio Ioãnis ex operibus colligit cuius sint filii Iudæi, nempe diaboli, & non Dei, vel Abrahæ. Cicero Antoniana decimatertia. Hæc si cogitas M. Lepide, M. Lepidi Pontificis maximi fueris pronepos. Sic Germani olim liberos suos nascentes Rheno explorabant: & Aquila pullum ad solis radium. Cicero in Sallustium: Prætereo patrem tuum, qui si nunquàm in vita sua peccauit, tamen maiorem iniuriam Reipublicæ facere non potuit, quam quòd te talem filium genuit. Incertum effectum: vt hunc occisum ab illo, cum quo similitates exercebat, aut ex prandio largiore: punitur, ergo peccauit. Est voluntarium, & inuoluntarium. Tantum & tam diuturnum flagitiũ meditaturn est, & à malicia profectum, non ab effectu rapido. Facit etiam opus fidem facultatis: oportet, qui hæc pinxit, optimum esse pictorem: & qui sic orat, hominem indilertum. Tu nisi fingeres, non sic ageres, inquit Cicero. Instrumentum quoque iudicatur

ex re facta: vt pro Milone, vulnus in latere, quod acu punctū videretur, pro ictu gladiatoris putari. Et quemadmodum ab effectis ad causas reuertimur, ita ab aliis quæ sunt propter finem, aut ab eo qui destinauit, ad finē ipsum. Tanta materia naualis non est collecta nisi ad bellū, quæ fuit tertii belli Punici causa: & tanta vis telorū in domo Corneliij Cethegi suspicionem auxit ciuilis belli & coniurationis. Iam ab eo, qui destinat. Magna cæditur materia naualis, sed nō ad bellum Romanū. Nam Malsinissæ cæditur nobis amicissimo. Non lucratur auarus homo, vt distribuatur, sed vt custodiat.

Ab eo in
quo est.

Sequitur id in quo est res, seu quod rem capit. Primum coniunctissima sunt inhærēs & subiectū: quorum illud est in hoc. Et quemadmodum per sensus ab inhærēte ad subiectum progredimur, ita indagine quadā mentis ab hoc in illud: vt nō posse niuem esse calidam, quod eliquabili sit materia, quæ calori admota in aquā resoluitur: non posse animum affectibus obnoxium sapiētem esse, quod affectus iudicium omne, ac sapiētiā perturbant. Cicer. Quinto Tusculanarum Quæstionum ex subiecto colligit felicitatem esse in mente. Etenim inquit, quæ pars optatissima est in homine, in ea situm esse necesse est illud, quod quæris optimum. Capit etiam rem, quod est velut indumentum, & vestitus quidam: vt in metallis scoria, in truncis cortex, in fructibus putamen, & lanugo: quis sæpe probitas, improbitas, seminium, vires, patria iudicatur: in auibz pluma, in animantibus villi, setæ, vellera, & robur leonis atque vrsi ex testis, item apri. In homine cutis & pili. Iuuenalis:

Et duræ per brachia setæ

Promittunt atrocem animum:

nisi quis hac partem malit dicere. Sed homo est in vestitu, armatura, & quicquid corpori circumdatur: ex quo Turnus Virgilianus conuitium ignauitæ Phrygum fecit,

Et tunicæ manicas, & habent redimicula mitræ.

& Lentulus apud Lucanum de Parthis:

Illhic & laxas vestes, & fluxa virorum.

Velamenta vides. Cæsarex cinctu iudicabatur mollis, & effœminatus. Hinc iocus Ciceronis interrogati quomodo errasset in electione partium, præcinctura me decepit. Et dissolutum Quintii animum declarat idem Cicero ex amictu. Et illa vsque ad talos demissa purpura, pro Habito. Et apud

Ouidium

Ovidium frigus Scytharum:

Pellibus, & laxis arcent mala frigora braccis,

Oraque de toto corpore sola vides.

Continentur etiam omnia loco & tempore. De loco: hoc **Locus.**
vinum fuit in vtre, ergo sapiet picem. Versatus est hic vir
Carthagini, ergo didicit fallere: Athenis, loqui: Luteria, al-
tercari. A Septentrione spirat ventus, ergo frigidus. Cice-
ro pro Scauro ex templis circa forum Romanum suppedi-
tari sibi ait, quod pro Scauro dicat. Tempus: hic infans po- **Tempus.**
test iam ridere, nam plures quadraginta dies natus. Adie-
cta & loco & tempori partim naturalia sunt, partim ex hu-
manis rebus atque operibus sumpta. Locus latus, angu-
stus, montosus, planus, maritimus, ad Septentrionem, sub
hoc cælo, iuxta aquam, prope syluam: non pugnandum cum
equite hoc loco, quia est planus. Dicitur enim equum in
planiciem vocare, contrahendus in angustias, de quo est il-
lud, caue ne canterium in fossam. Tum sordidus, nitidus,
splendidus: non est verisimile regem hic diuersatum in tam
humili & sordido tuguriolo. Aristoteles Deo attribuit cæ-
lum pro sede ob loci excellentiam in libro de mundo, vel
quisquis est eius author. Indignitatem mortis Hærecuæ
ostendunt illi in tragædia, quod non solus esset futurus in
Charontis cymba. Lucanus cupidinem dominandi Cæsaris
& Pompeii non potest manifestiorē facere, quàm quod tan-
tum imperium duobus esset angustum. Idem Scythæ Ale-
xandro apud Curtium exprobrant. Iam locus publicus, pri-
uatus, sacer, prophanus, noster, alienus, frequens, desertus:
tum quibus frequens, amicis, inimicis, armatis, inermibus,
in castris, ruri, in vrbe, in agro, in via publica, quæque sunt
in loco omnia, coniecturas hinc natas suggerunt: ut in ora-
tione Camilli de templis Romanis, & sacris apud Lium:
alia alios locos decent. Non in templo rixandum, non phi-
lotophandum in ganea. Ajax Ovidianus indignum factu ait
esse, quod quum caula agatur ante rates, conferatur secum
Vlysses: quippe Vlysses persequentibus Troianis naues de-
seruerat, ipse seruarat. Cicero timere se dicit, quanuis dicat
pro fortissimo viro, quod insolita fori facies dispositis ubiq;
armatis à Pompeio animos terreret: & in eadem oratione,
inuidia cordis Clodianæ, quod occisus esset in via Appia
monimento suorum maiorum. Et in Antonium, Quid faceres

domi tuæ, quum alienæ tam sis insolens? Hinc illud Læconis ad Miletiū delicatè nimis sese gerentem, Domi nō hic Mileſia. Seneca in ludo rider Claudium quòd quum Romæ fuiſſet audaciſſimus, in cælo non auderet hiſcere: Gallum (inquit) in ſuo ſterquilinio plurimum poſſe.

Tempus naturale eſt primum modi, ſeu quantitatis: vt prudens quia diu vixit: Quid potuit vno die fieri? Vnde ſunt excuſationes illæ ſcribentium, quòd exiguum ſit tempus ad componendum relictum: & tempus numeri quod re ipſa à modo non diſtat, ſed tantum noſtro vel loquendi, vel cogitandi more. Iudæi Domino noſtro obiiciunt, quum nondū eſſet quinquaginta annos natus, qui potuerit Abraham videre, iam olim vira functum: hic eſt ætas: hæc ætas aliam vitā, alios mores poſtulat. Faciat, quia non eſt ſaſcturus diu: vt apud Ioannem in reuelatione: Tempus breue eſt, qui ſordet, ſordeat adhuc. Et in comœdia, Propè eſt pater, quum alieno arbitrio viuendum eſt mihi. Dicitur etiā contrā: Quid iuuat congerere, quæ ſis breui relicturus? vt Paulus, De cætero fratres tempus breue eſt. Itaq; qui habent vxores, ſint tanquam non habentes. Apud eundem multa ſunt ex tempore deducta argumenta: vt, Hortamur vos, ne in caſſum gratiam Dei recipiatis. Ait enim, Tempore accepto exaudiui te, & in die ſalutis adiuui te. Et alibi, Scientes, quia tempus eſt iam nos de ſomno ſurgerent: metū hoc illud pertinet, vt quādo tempus eſt breue, illis nos paremus rebus, quæ poſt hoc tempus ſequentur. Sed à tempore ductum eſt argumentū. Cicero ſecundo de officiis libro Lucium Craſſum ait magnam laudē ex accuſatione Carbonis eſſe adeptum, quòd ea ætate oſtendit id ſe in foro optimè iam premeditatum facere, quod etiā tum poterat domi cum laude meditari. Et diſciplina atque induſtria militaris Pompeii demōſtratur, quòd tantum bellum, tam diuturnum, tam longe latèq; diſperſum, quo bello omnes nationes gentēſque premebantur, extrema hyeme apparauit, incunte vere ſuſcepit, media æſtate conſecit: hoc enim non ex qualitate temporis, ſed ex meſura pender: qualitates enim ſunt naturales, æſtas, hyems, ver, autumnus, rigor, tepor, meridies, veſper. Alia aliis temporibus decent & conueniunt: mane conſilium, vt dicebat Socrates, veſperi conuiuiū. Hinc illa execratio Solomonis: Væ tibi terræ, cuius rex puer eſt, & cuius principes manē comedūt, hoc eſt

est tum epulantur, quum de consilio erat cogitandum, non de voluptate. Et Horatius de rebus intempestiuis:

Penula solstitio, campestre niualibus auris.

Tum ex nobis: sementis, messis, vindemiæ. Non vexadi nunc agricolæ, quia vindemiæ, quia messis. Nundinæ, mercatus, festum, profestum, tempus pacis, tempus belli, tyrannidis, libertatis. Nam status rerum tempora solent appellari: ut difficilia, periculosa, facilia tempora. Sunt quædam quæ occultius vel tempus significant, vel locum: Gaudendum, quia venit maritus, quia bellum finitum, tempus est: quoniam amicus adest, locus. Iam quæ sunt in alio, vel fuerunt, argumentum de eo adierunt. Mirandum non est vinum in hoc dolio acescere, in quo fuit acetum: & omnes esse oratores, ubi Cicero vixerit. Ab aliis quoque rationibus ac modis, quibus esse in aliquo res dicitur, argumenta deducuntur: ut quod Dominus Philippo respondit, roganti de Patre, Qui videt me, videt & Patrem meum: nam ego in Patre, & Pater in me est. Tum simile est in simili: velut quum prætori, aut senatui aliquid interdixisse cum vel statuisse dicimus, quod præcessores fecerint: & honorem Hephestioni habitum pro suo Alexander duxit: nam & hic est inquit, Alexander. Qui corrumpit semina, corrumpit anni alimenta, quæ sunt in seminibus. Oratio hæc est acerba, & rabiosa, apparet ergo animum, unde est profecta, non fuisse tum æquum, & liquidum. Regnum prauè, ac perturbatè regi, indicio est, Regem aut consiliarios vel imprudentes esse, vel malos. Rex hoc concessit, non ergo regnum refragabitur: nam in quo alio est regnum? Seges hæc vitata, & degenerans prodit, semen ergo fuit corruptum.

Ad rem dico in præsentia differri separata non solum ea, Ad rem. quæ sunt ad aliquid, inter quæ sunt æqualia, ut amici, inimici, sodales, socii, vicini. Cicero ostendit Catilinam esse senatui vrbis, quod nemo tota Italia fuerit nefarius homo, & scelerosus, quin se cum Catilina familiarissimè vixisse fateatur. Oportet te esse malum virum, qui sis optimo viro inimicus. Cicero pro Cælio: negat velle tibi esse inimicitias cum Clodia, quam omnes amicam potius omnium, quam cuiusquam inimicam putauerunt: Ex susceptis inimiciis cum magno, arguitur vel magnitudo animi, vel temeritas. Quanta sit furia Aleæto, declarat Virgilius, quod nec Pluto, nec

sorores sint illi amicæ:

Odit & ipse pater Pluton, odere sorores Tartaræ.
Et urbanus ille improbitatem atque importunitatem Tyberii Cæsaris explicuit. Breuiter vis omnia dicam: Dispererem si te mater amare potest. Sodales: Cum sancto sanctus eris, quales socii, talis ipse. Demosthenes qualis Philippus esset ostendit, ex iis, quibus cum viuatur, & quibus delectetur. Est enim vel conformitas in hoc, vel contagies. Vicini: ut Cyrenaici sunt superstitionibus dediti, videlicet Aegyptiis confines. Sunt ad aliquid Maiora, ut Deus, patria, quæ & locus est, & causâ, atque origo, quædam etiam relatio, ut parentes ad causas pertinent, & ad hunc cœtum, diuersa tamen ratione: illi hic ut genitores, hic ut maiores, & quibus subditos esse liberos par est. Dominus, Princeps, magistratus, maritus, tutor, patruus, magister. Itaque illa omnia Dei perfecta sunt opera, nempe tanti artificis: & nihil temere fieri à tali præfide, sed omnia iustissimè: & quod est apud Ciceronem de Demetrio Phaleræo, ut Theophrasti discipulum possis agnoscere, & in comœdia, Philosophos habet domi: & mali corui malum ouum. Causæ sunt, non secus ac si quis dicat, calidus, quia ad ignem accessit. Illa verò sunt nationis huius: Non decet sic viuere, cui Deus præest, & adest, Nunc Brutus amaret viuere sub regno tali, succumberet aulæ Fabricius, cuperent ipsi seruire Catones. Minora, quæ ad maiora referuntur, ciuis, subditus, priuatus, seruus, filius, vxor, discipulus: ex familiarium moribus, quales sint ipsi domini coniicimus: ex populo bene, aut secus morato, atque instituto, quales ij qui reipublicæ præsunt, & ad quos pertinet morum cura. Terentius: Apparet seruum hunc esse domini pauperis, miserique: quanquam hæc ad exemplar possunt pertinere, quod in causis numeratur. Sed illud Crassus ad Philippum proprium magis est loci huius: Non es meus Consul, cui ego non sum Senator. Alia sunt relata natura, ut similia, pater ac filius: alia voluntate, amicus, inimicus: alia fortuna seu sorte, magistratus, priuatus, dominus, seruus: non video cur docere sit turpe, quum discere sit pulcherrimum.

Téporis Inter hæc sunt temporis lociq; differentia, seu positus, & loci diff prius, posterius, ante, retro, sursum, deorsum: Non decet te ferentia. loqui primum, quum sis postremus: Loquere maior natus, decet

deceat enim te: Non conuenit te hoc agere, qui sis princeps: nam hic ordo est loci. In quibus videndum ne fallatur quis. Nam posterius concludit prius, si vnicum sit prius posteriori illi, sin secus, non concludit. Euntibus hinc in Hispaniam prior est Lutetia, quàm Aurelia, possum tamen alià peruenisse Aureliam. In tempore non ita res habet, in quo est velut vnica, simplex linea: vt, Neceffe est autumnum æstati succedere, annum tricesimum, vigesimo: vnde iocus ille Ciceronis, Fieri non potest, vt quum declamaret, natus non esset. Hic liber non est Cypriani, in quo sit Pipini mentio, neque hic Augustini, qui de Regibus Francorum loquitur, qui tantò post fuerunt. At verò prius non euincit fuisse posterius, vel fore, vel esse: vt, In procinctu stabant duæ acies, & priusquam concurrerent, facta est pax: non sequitur, concurrisse: vt in Euangelio de Diua Virgine dicitur, Antequam conuenirent, repertam gerere vterum: hoc verò non significat conuenisse.

Attributa quoque ad fidem accersuntur, quæ ab externis Attributis sumuntur rebus: vt diues à pecunia, vel agris: gloria à prædicatione aliorum de virtute: nobilis à progenitoribus: honestus ab honore, quem ei alii exhibent: & his contraria pauper, ignominiosus, ignobilis: maritus ab uxore: discipulus a magistro, quum non effectum aliquid aut efficientia illius coniunctionis significatur, sed aliud quiddam: nam si dicitur efficientia causa est Seruus à domino, quum inter se non cõferuntur, sed ad alia: vt non potest docere, quia est pater: non debet militare, quia nouus maritus, perinde est, ac si dicatur, est quod agat domini: non hoc intelligitur attributiuè, sed relatiuè. Huius velut domicilij sunt fortune, ac possessiones, & quæ habent, & habentur ciuili more & consuetudine: tum omnia adiecta extrinsecus: præclarum bellum, vilis triumphus, magnum argumentum multitudini ad res quàm plurimas.

Exulibus ne datur ducenda Lavinia coniunx?

O genitor, nec te miseret, nata quæ, tuique.

Comparata habent & comparisonem, quæ est duorum vel Comparum plurium collatio in vno, similitudinem duorum in duobus, rata, aut plurium in totidem. Exemplum coniunctum est cum suo Exemplum prioribus, & species illorum, nisi quod hoc tantum est factum vel dictum cuiusquæ ad imitationem pertineus, vt decet

nos superioribus parère, sicut Christus patri suo: & rudiorum atque infirmiorum imbecillitati se accommodare, quod Christus fecit in discipulis. Nulla debent esse ad nos exempla efficaciora, quàm Christi. Exempla ad exhortandum proficiunt plurimum, ut quia se ille ita gessit, par est te idem iacere: non tam probant esse quid, aut non esse, quàm suadent faciendum, vel contrà: itaque argumenta sunt æquæ, honesti, utilis, decori & aliorum: quæ sunt in deliberatione posita. Parabolæ seu similitudines aliæ ad declarandam rem assumuntur, quæ sunt ex ratione dicendi, non huius tractationis: aliæ ad fidem faciendam, ita esse quid, aut non esse, quoniam nihil est in natura, quod non cum aliquo alio similitudinis nodo vinciatur. Porro quæ similia sunt, eandem habent ea ex parte naturæ: alioqui non essent similia, ac quibus eadem est natura, eadem illis cōueniunt, quatenus quidem natura est illis vna. Itaque similitudo est par ratio, cur dictum hoc tam congruat huic obiecto, quàm illud illi. Peruntur exempla ex iis quæ contigerunt, ut historiis: aut contingunt, ut rebus naturæ: vel quæ videri volumus contingere, aut contigisse, quod genus sunt fabulæ, & apologi. Similitudo est, ut quemadmodum Sol vnus omnibus sufficit, ita vox vna præceptoris cunctis discipulis. Comparata sunt à maiori ad minus, ab hoc in illud: & à pari ad par: ut nono Aeneidos.

An non viderunt mœnia Troiæ

Neptuni fabricata manu confidere in ignes? Lucanus.

Vis tu magni fulcire ruinam,

Sub qua Roma iacet?

Et quod Iphicrates Aristophonti dixit: Tu id non fecisses, ego facerem? A minori ad maius: Antenor habet sedes, Aeneas Iouis proles nō habebit? Si Christi simbria tam effica, quātō magis mater? Si semur Abrahæ sanctum propter Christum, sanctior mater Christi. Caesar apud Lucanum.

An ne fugam magni tanta cum classe sequentur

Helperix gentes?

& alia. Vtrunque permiscetur: ut in Primo Aeneidos

Pallas ne exurere classem

Argiuū?

minore est Pallas, quàm Iuno: & plus exurere, quàm auertere. Comparatio alios quoque inter se locos commiscet:

Mirandum

Mirandum non est iuuenem imperitum à sene veterano ac veteratore circumscriptum. Demosthenes in Olinthia. Mirari non oportet nos cunctabundos, & rem suffragiis discernentes superatos à Philippo esse belligerante, præsente omnibus, nec occasionem ullam è manibus dimittentem. In Diuersa. diuersis sunt contraria, contradicentia, priuantia, distantia: adde huc τα πρὸς. Hæc enim ex iis sunt etiam quæ referuntur ad rem. Nam nisi collata nihil hic agunt: nigrum vel album per se inter inhærentia numerantur, mutuo verò commissa huc pertinent. Non faciet quia est seruus illius: non relatiuum, sed attributum. Est nigrum, non ergo album: Aliquis potest esse sanus, ergo & æger: Inimicus te fecit ægrum, amicus faciet sanum: Iniustitia malum, ergo iustitia bonum. Si oportet addiscentem credere, oportet eum minimè repugnare. Et à negantibus apud Liuium: Simul quod non oportet puduerit, quod oportet non pudebit: Quàm multa bona nascantur ex pace, ostendunt mala, quæ nascuntur ex bello: Cæcus, non ergo videt: Nunquàm profuisti, neque nunc proderis. In relatiuis videndum ut negantia eodē quo affirmantia pertineat: Est pater, ergo non filius, intelligendum eiisdem: Est duplum, non igitur eiisdem simplum. Cauendum ne in quibusdam fallamur quum relatiuum reddimus: ut in iis quæ eodem nomine reflectuntur. Simile similis simile: quod est ad hunc intelligendum modum: Est simile, non ergo suum simile: nisi quid sit sui simile, ut dici vulgo solet. quod magis ad tropum pertinet, quàm ad exactam normam philosophiæ: sicut magister suipius, & discipulus: quod de se Augustinus dicit, & Gulielmus Budæus: quanquam in his sunt velut duo, ut alter officio præceptoris fungatur, alter discantis. Sunt probationes quædam per contrarii propositionem: Si non esset nox, studeremus: sed est nox, non igitur studendum. Cui argumento alio argumento est opus, nam per se imbecillum est, & ornat magis, quàm probat: quanuis interdum quibusdam sufficit, *αὐτὶς τὸν* ab Hermogene vocatur: sed propositio alio est argumēto fulcienda: videlicet nocet oculis lucubratio ad candelam, nocet capiti humor nocturnus, & eiusmodi. In adiectis incertiores sunt probationes, sed vel negatiuis utimur, vel contrariis rebus. Si quem delectat magistratus, hic dolet, quum in ordinem redigitur. Atqui eidem

pater & filius sunt grati:& albus & niger color: sed habent magnā veri similitudinē in plerisq;. Lux dulcis, cecitas ergo acerba: æstas amœna, tristis igitur hyems. Quintilianus in geminis languentibus: Quantum facinus sit filium occidere, nemo magis fatetur, quàm qui vult videri se illud fecisse pro filio: hoc enim valet, seruare filium tantum est bonum, ut atrox sit pro eo facinus committendum, quantum ergo malum est filium occidere? Dicimus utroque modo: Hoc equi & bruta animantia faciunt, non ergo decet hominem: tum contrario quantò magis homo faciet: prius est huius naturæ, alterum comparatorum.

Ante rē.

Ante rem sunt, quæ illam quoquo modo præcesserunt, & ad eius argumentum quoddam propter aliquam similitudinem atque affinitatem inducuntur. Causæ viderentur posse hoc loco comprehendendi, verum eis sedem, ac domicilium aliud assignauimus, quòd eæ latissimè paterent. Sed si quis per causas argumentum aliquod non eruit, quod obscurius sit esse illam eiusce rei causam, sanè ex hoc loco eruat, nihil erit periculi, ut postea docebo. Nec ipse dubitabo exempla aliqua hîc ponere, eorum quæ causæ videri possunt, sed abditæ. Signa quæ vocantur plurima sunt in hoc loco & proximo, ut occidit, quia rixatus, minatus, trepidauit: nisi quis ad actiones potius referat, in quo non repugno. Quippe signa sparsa sunt per multa locorum genera: est hic illud M. Fabii, Quis dubitet mathematicum vera de futuris dixisse, quum de præteritis appareat eum non esse mentitum? Sunt hoc loco signa temporum, prænuntiationes & prædictiones. Serenum postridie, quia vesp̄er rubet: appetere vernum tempus, quia

Candida venit auis longis inuisa colubris.

Inter quæ sunt, quæ haberi pro causis possent: sed latētib⁹: ut,

Ventus erit, vento semper rubet aurea Phœbe.

Sunt quæ necessariò alia antecedunt, tanquā aurora diem, vesp̄er noctem. Sunt quæ ex conditione, si res procedat, iuuentus senectutem. Alia solent semper, sed non necessariò: ut feriæ diui Stephani post natalem Christi: in bellis Romanorum triarii post principes: in ædibus atrium post vestibulū. Sunt quæ plerunque, ut æstus post Maium, tepor post aduentum hirundinum. Alia nonnunquam ex coniecturis, ut principem ciuitatis futurum Periclem, quòd Piliſtratus ad eundē modum

modum oraret, Dionysium fore malum quandoquidem omnes qui arcem Syraculis occuparunt, mali fuerint. Si quid antea factum vel dictum ad imitationem producit, exempli est: sin ad argumentum aliud, huius est ordinis. Ergo rationum vires perinde erunt, ac illa fuerint, quæ antecedunt. Post rem sunt, quæ quoquo modo illam sequuntur: nec interest post rem sint omnino, an post tempus præsens: id quod velim quoque in his quæ sunt ante rem intelligi. Hic sunt posterius, fama, iudicia hominum, exempla, quæ quum ex aliis tumuntur, loci sunt exemplorum: quum ipsa ad alia applicantur, & argumentum præbent in futurum. Huius sunt notæ: Non arripiendam à Sylla dictaturam, ne posterius idem sibi putent licere. Et Pallas Telemacho apud Homerum, sis strenuus, ut bene de te posterorum quipiam loquatur. Et apud eundem Nestor dissuadet Agamemnoni & Achilli dissensionem propter sermones, qui erunt de ipsis in Græcia. Et quot genera antecedentium posuimus, eundem in consequentibus existimari conuenit. In argumentum sumitur alicuius sententia eam ad rem, quæ de agitur pertinens. Hæc auctoritas & testimonium à Cicerone nuncupatur. Itaque non solum dicta comprehenduntur hoc loco, sed nutus, sed facta, non facta. denique ea omnia, quæ sententia declaratur: ut legatos esse inuiolatos gentium iure, quia nemo eis nocet. Et Seneca Troadibus: Quis iste mos est, quando inferias homo est impenitus homini? Quocirca & exempla auctoritate etiam censentur, ut mox aperiam. Huius generis sunt symbola, & apophthegmata, & reposita. In auctoritatis vim, rationemque illa veniunt, Rumor popularis, fama auctore incerto, præiudicia, quod antea de simili causa, vel in eadem, aut rebus ad eandem pertinentibus ante legitimum atque ultimum iudicium pronuntiatum est. Testes, tabulæ, tormenta, qui communes loci à rhetoribus nominantur, quod in utranque partem magnam verisimilitudinem habeant. Auctoritas fide æstimatur. Non omnis persona eiusdem est auctoritatis. Nam eadem, sicut Euripides inquit, à diuersis dicta, non idem valent. Fides paratur, si is, qui quid dicit, credatur id scire: tum non mentiri scire eos putamus, qui valent vel natura, quem admodum ingeniosos homines, & animo ac cogitatione celeres, ac retque: vel peritia, ut artifices expertos, eos qui rei usum habent, atque experientia:

Post rem

Quod p
argumen
to sumi-
tur.Authori-
tas quo-
modo cē-
setur.

Tum

Tum diligentes, studiosos. Non creditur fallere, qui nescit aut non vult: non vult fallere, cui hoc non est futurum utile, cui non est fallendi causa: nemo enim gratis est malus. Vnde illa vehemens interrogatio, cur ego fallerem? & illud Græcorum, *τί πλὴν ἔγω ἀπατάμ*. Tum vir bonus aut amicus qui optimè cupit non decipiet: nescit fallere puer, demens, vinolētus, quorum morus seu naturales videntur esse. Ergo autoritas prima est Dei, & earum rerum, quas non dubitamus à Deo profectas. Nam hunc & nosse omnia, & nolle quenquam in fraudem conicere, omnes scimus. Neque enim est causa quainobrem id velit. Huius voluntas, ac sententia potissimū declarata est nobis ab vnigenito eius filio, qui semper est in eius sinu: hinc responsis, quæ patres acceperunt, & ante Christum natum, & post: ex quibus mystici libri sunt compositi. His accedunt somnia, & signa ea, quæ pro certo habemus à Deo mitti: vaticinia hominum diuino numine instinctorum. Habebant gentiles sua prodigia, ostenta, auguria, exta, omina. Hinc videtur posse colligi cum non habere fidem Euangelio, quisquis non ex eius præceptis vitam instituit. Secundo loco est consensus generis humani: in quo sunt naturales quædam animorum informationes, atque inde existunt æquitas, & debita humanitatis officia omnium pectoribus ingenta. Ex genere humano præcipui, & grauissimi ad fidem ponderis sunt sapientes, ac probissimi homines: velut philosophi, qui que humanum genus paterna quadam charitate complectuntur: tales interpretamur esse rectores patriæ, legum latores & eos à quibus populi, atque ciuitates formantur ad virtutem, & recti custodiam. Nam hos quum prudentes esse, tum procul à fallendi cupiditate abesse ducimus, quòd beneuoli sint erga eos, quibus bene consultum esse cupiant. Amicis enim multum tribuimus, dūmodo bene de eorū ingenio ac peritiā sentiamus, à quibus nunquā falli nos suspicamur. Sic magnopere fidimus iis, quæ parentes dixerunt, quæ nutrices, nutritii, consanguinei, præceptores. In eundem locum cadunt, quæ magni & sapientes viri iis præceperunt, quos charissimos habebant: vt Cato & Cicero filiis: & in vniuersum posteris, quibus nemo ferè malè vult nisi sit vir pessimus: vt qui dixit, me mortuo ardeat terra: vel qui aliquid ad vtilitatem suam velit eis persuasum, vt qui

capta

captarunt diuinitatis opinionem. Postremò vinolētis. & pueris, & mente captis multa credimus: facere fraudem nesciunt: tantum obstat, vt scire eos, quæ dicant suspicemur: testantur hoc prouerbia, in vino inesse verum, & puerum ac fatuum verè tateri. Quocirca populus plurimum tribuit dictis hominum diuitum: quòdeos sapientissimos esse censet, qui rem quoquo modo auxerunt: eam esse vnicam sapientiam opes parare. Suffragia quoque numerat, non appèdit: quod plures censent id pro verissimo accipit: vnde est morum, consuetudinum, officiorum ciuiliū, siue priuatim seu publicè custodia: prouerbiorum & dictorum, quæ vulgo feruntur, fides: existimat enim plures minùs posse decipi, quàm paucos: & minus esse cur tam multi vno consensu velint aliis imponere. Sed ex iis sententiis quæ sunt receptæ aliæ prudentissimè sunt animaduersæ, aliæ ab stultitia populari manarunt. Et apud alias nationes, atque adeò alios homines alii habentur pro sapientibus, & bonis: vbi est exemplorum efficacia. Græci barbarorum sentibus nihil tribunt. Romani Græcorum exempla rident, vt Scipio apud Titum Liuium. Solos maiores suos graues homines, magno ingento, iudicio, virtute, probitate esse arbitrantur. Nos Christianos non debent gentiliū exempla ad æmulandum adducere: nec quorumuis Christianorum, sed corū qui purè ac germanè Christum exprimunt, potissimū, Christi ipsius, qui ad hoc nos inuitat. Exemplum do vobis, vt quemadmodum ego facio, vos faciatis. Ideo Paulus ait, Imitatores mei estote, sicut & ego Christi. Si quid verò est inter gentiles probè, mitè piè, sanctè actum, tantò nos excellentius præstare cōuenit, quantò excellior est nostra conditio, qui baptizati sumus, lustratique sanguine illius, quem Pater dedit instauratorem priscae perfectionis, qua non longè ab angelis distedimus.

Eleuatur authoritas primū, quòd qui dicit, nesciat at. Authori- que ignoret de quibus loquitur: vel natura, vt sunt mente ca- tas quo-
pti, pueri, tardi homines: vel imperitia, vt qui nullum hu- modo ele-
iusce rei habent vsum, et si artem teneant: hanc scilicet parum uatur.
proficere citra assuetudinem: aut qui hanc quidem sunt na-
cti, non possētamen abique arte bene censere: quòd ars in
vniuersum sit de omnibus, experimenta de singularibus. Cō-
tradidere sibi quempiam fortissimum est argumentum cum
id ne

id nescire, quod affirmet: & detrahit aliis ipsius dictis fidem: tum ostentum esse aliquid eum asseruisse falsum, graue præiudicium est posse decipi, & esse hominem, & nonnunquam asserere, quæ non habeat comperta. Aut studium & diligentia defuit, ut qui non animaduertunt, qui leniter attigerunt aliud agentes, homines vani, qui quicquid in buccam. Sic solemus dicere, doctus, sed non in hoc. Iudex quidem sanctus, & incorruptus, sed malè edoctus de causa: quod in præiudiciis assertur: ad quam defensionis rationem mea quidem sententia potuisset Cicero deducere præiudicium censorum pro Cluentio, conseruata illorum gratia & maiestatis autoritate, ut diceret solere eos uti testimoniis inimicorum, quos ignorent esse tales: simul propter multitudinem rerum, quas vno eos eodémque tempore obire necesse est, non perinde omnia examinare, ac expendere, ut iudices decet facere, qui ad eam vnā rem vacant: adde his in ciuitate, in qua tot sunt inimicitiae: ita ut culpa ab eis in rem & mores hominum deriuetur. Nam ut ipse defendit, censes de leuitate suggillat. In scriptoribus si quid culpatur, sic excusare consueuimus, exempli gratia posuit, non quod expenderit, an ita esset: aut quod sic sentiret: dixit aliena fide: & contra rumorem, quod est credula multitudo, nec examinat, quæ confirmat. Loca, tempora, personæ exacuunt diligentiam, & circumspectionem, aut remittunt: in quo non tam autoritas consideratur dicentis, quàm dicti. Dixit inter pocula, in cubiculo, vni amicorum, inter nugandum, disiectus ad focum: contra verò in senatu, apud populum, die parasceues, quum esset consul. Spectatur modus. Ioco dixit ridens, dormitans, detorto nutu, moto capite, motis manibus, serio, iuratus: quæ omnia solent esse signa, quemadmodum quis sentiat. Negligentiam Erucii inuasit Cicero ad ostendendum falsam illius accusationem in Roscium Amerinum. Præter hæc authoritati detrahitur pondus, si existimatur voluisse fallere. Ad id homines nunquā gratis inducuntur, nisi sint praua quædam ingenia, quæ iam vsum mentiendi in naturam penè verterint, ut ubi nihil interest siceos, aut contra affirmare, ad mendacium defleant. Idcirco quem aliquoties in mendacio deprehendimus, huic fidem nequiquā habemus, etiam quum vera dicat: quod Aristoteles festiuè, & sapienter respondit, esse lucrum mendacium

dacium. Sed ferè utilitatem aliquam suam sectatur qui mentitur, hoc est, quod sibi putat conducere. Quo fit ut his distinctis & separatis prudentia & probitate, plus habeat virium ad fidem probitas, quàm scientia: peritos enim & malos non sapientes nominamus, sed callidos, astutos, versutos, vafros, nec quisquam se illis credit, nisi sint amici: sed si amici sint, iam boni viri esse existimantur. Neque enim hic quæritur qualis sit quisque, sed qualis credatur. Nec frustra illud dicitur, vita maximè persuadet. Quæritur à mentiente utilitas pecuniæ. Hanc solam imperitum vulgus utilitatem nominat: ideo magnopere fidem abrogat tenui ac pauperi homini. arrogat diuiti: quòd huic putat esse satis, eoque non facile adduci ad mentiendum spe lucri: pauperem nihil non dicturum & facturum exigui quæstus gratia, quum contrà maior sit ferè habendi sitis in his, qui plus hauserunt, & pauperes sæpe præsentibus & qualibuscunq; acquiescant. Si quis diuitem aut potentem laudet, suspecta est laudatio, quòd numo videtur tributa, non veritati. Captatur etiam honor, Multa & assentari, & mentiri coguntur, quos exagitat gloriæ cupido, cuius possessio non minus est, quàm diuitiarum molesta & laboriosa. Præterea in corpore est utilitas. Mètietur quis, ut præsentibus doloribus eximatur, aut ne grauiores perlerat, vel neci detur: quod in tormentis cōtingit: pro quibus neicio quid possit dici, quum vel præsens dolor in imbecillis, vel sequentis pœnæ metus in robustis veritatis vocem penitus intercludat: vnde natum est illud. Tormenta & qui perferre, & qui non perferre poterit, mentietur. Voluptates item: Plurima cogunt mentiri puellæ adamatæ, lenæ ministris: quo in genere mentientium continentur parasiti. Ex his omnibus declaratur maxima authoritas dictorum Christi, & eorum qui illum sunt secuti, quòd non solum commoda vel pecuniæ, vel honorum, vel corporis nulla spectabant, sed cum ingenti omnium harum rerum incommodo veritati parebant cœlitus patefactæ & ostensæ. Iam affectus ad mentiendum impel lunt, vel sui cuique, vel alicui, si inservire illis ster sententia. Sunt qui veritate parum se oblectaruros aliorum animos rentur, mendacia admiscant, ut Homerus, & ferè Poetæ. Alii gaudent grandia, atrocia, tragica narrare, ut alios vel terreant, vel deligant stupore: & se fore admirabiles arbitrantur,

trantur, si sua dicta admirabilia sint: itaq; his narrandis delectantur. In vtilitatum nostrarum numerum recipiuntur, quæ commoda sunt, quibus bene volumus, quæ incommoda, quibus malè, amanti non credendum: amicus pro amico mentietur, vt mater pro filio, vxor pro marito, & in illum quoque, quum est irata, vt inimicus contra inimicum: hinc amici contra amicum, & inimici pro inimico inuincibile testimonium. Animo irato, inquit Mimus, nihil oportet credere. Dicta quum in controuersiam vocantur, iam authoritati eius quem dixisse non ignoramus, non est locus. Sed sæpe authoritate salua, negamus hoc eum sensisse, quod aduersarius ait: aut confirmamus sensisse, quod ipsi volumus, de quo priùs est dictum: tum hoc non pertinere ad nostram rem, aut pertinere. Locus & tempus mutant vim dicti vel facti: verè dixit, rectè fecit, sed illo loco & tempore, hoc verò vel post illa, non ita est, non expedit: notæ sunt hæc quæstiones. Nec verò existimo quenquam admonendum si Cicero referat Aristotelem dicere mundum esse æternum, authoritatem huius sententiæ Aristotelis esse, Ciceronis verò Aristotelem hoc dicere.

A rei appellatione.

Rei appellationem in hunc locum reieci, quòd magna ex parte authoritatis sit: vt consilium publicum non debere ex iuuenibus constare, sed senibus, quòd senatus nuncupetur. Quæritur à quibus senatus nominetur? à Romanis: de eorum authoritate agitur: A Lacedæmoniis: quanta iis fides debeatur? Omnia etiam etyma, quas Cicero notationes vocauit, & ad verbū veriloquia, tanquam testimonia sunt eorum, qui ea vtuntur lingua: vocabula enim alia in aliis linguis habent etyma. Ita Cicero meliùs dicit & commodiùs à Latinis conuiuium dici, quàm quemadmodum à Græcis συμπόσιον, id est computationem: vel σύνδεσμον, id est concœnationem. Et in Paradoxis requirere se ait maiorū suorum prudentiam, qui hæc fluxa & contempribilia fortunæ munera bona appellarint. In hunc ordinem venit omnis appellatio siue nominis, siue prænominis, siue cognominis, siue tituli, & quod Græcè ἐπίθετον dicitur, inscriptionis, lemmatis. Aristoteles libro de Mundo ex nomine ipso τὸ κρείσσον docet nihil eo esse pulchrius, aut ordinatius. Nā κρείσσον μὲν δὲ dicuntur cætera, quæ sunt pulchrè, atque ordine. Non iniuria appellatum Draconem, qui tale virus efflarit legum.

Non

Polite

Non decere eum affectibus perturbari, & concuti, qui uocetur serenissimus: Eum qui beatissimus, non debere bellimiliis implicari: Non fœda & nefaria facinora designare, qui sit sanctissimus. Demosthenes in Midiam, eum qui Thesmothetam læserit, ciuitatem læsisse contendit: quod *Demosthenis* non alicuius hominis nomen sit, sed ciuitatis ipsius. Transitur ab una lingua in aliam. Cicero Philippi. Lydicus ipse in verbo Græco: & Plautus, nolo des mihi damnum in Epidamno. Sumitur argumentum ex æquiuoco: ut ni propius huic picturæ assederis, nam est leo, vel scorpheus, & amphibologia, ut:

Quis neget Aenææ magni de stirpe Neronem?

Sustulit hic matrem, sustulit ille patrem.

Quod est Sophistis aptum & dicacibus. Transfertur ad tropum, & in eo manemus, in quo inest sæpenumero festiuus ludus. Noli in æstate incendi: Homo frigidus ne huc accedas in bruma: Qui potest Maurus esse pectoris candidi? Quomodo hæc percurres æger pedibus? Domus opulenta & benefica, multos enim alit, de referta muribus. In nominibus quæ destinato & consulto imponuntur, examinatur quantum momēti habet illorum authoritas, qui indiderunt: prudentem hominem esse Marcum Portium, quod Cato cognominetur: quæritur uero, à quibus? quantū illis tribuendum? ex iis quæ de authoritate diximus repetenda hæc sunt: in quo sæpenumero est multitudo à philosophis reprobata, quum in alio omni genere scientiæ atque intelligentiæ, tum potissimum in iis, quæ ad mores virtutesque dicuntur pertinere. In quibus uero appellationibus non est consilium, sed recepta consuetudo nominandi, & uelut casus quidam, ludere licet: argumenta colligere non licet, nisi diluta admodum: & hæcenus, ut ex euentu ostendamus consilii potius fuisse nuncupationem, quàm casus. Primus ille Iunius qui dictus est Brutus, primus qui Bestia, qui Asina, & similia, reliquerunt has cognominationes posteris suis: in illis primis causa cur sic dicerentur fuit aliqua, in posterioribus nulla præter morem familiæ, quo Romæ cognomines sunt filii parentibus, non item Athenis, & in Asia. Hæc est immensa illa, atque adeò infinita argumentorum sylua, quæ variam & latissimam rerum naturam includit, non solum ad dicendum utilis, sed ad usum uitæ, & sentiendum, & viuendum.

Puto me locum nullum præterisse, species non sum omnes persecutus, sed neque poteram. Sufficit genera consignasse: citius periculum sit, ne eadē diuersis locis videātur repetita, vt argumētum idem ex variis locis credatur depromi posse. Equidem non adeò confudi locos, vt fortassis illis videri posset, qui harum rerum cognitionē distinctionēq; non satis accuratam & exactam perceperunt. Sed longē præstat desumi ex multis locis idem argumentum posse, quàm ex nullo, aut ægre ex aliquo. Non interest, quibus nominibus instrumenta nominentur, modò sint apta vsui: & commodissimum est artifice multa esse instrumenta, quorum vnoquoque si libeat, idem opus absoluat. Est qui parum dextre aliquibus vtitur instrumentis: huic si ad idem perficiendum opus, aliis instrumentis succurratur, ingens præculdubio adferetur vtilitas. Ita quæri ac elici idem argumentum ē variis argumentorū sedibus posse, fuerit ad inueniendum longē cōducibilius, quàm singula singulas tantum claudiquippe quod quærenti hac via non occurreret, alia præstò erit. Deinde nec in ferramentis contemplatur quis, quàm sint exposita, aut elegantia, sed quàm ad vtendum idonea.

Homo
per loca
argumen-
torum.

Verùm vt exempla omnium magis sint in promptu, ducamus hominem per locos argumentorum: tum quia varium animal, & materia vberissima ad dicendū, tum quia de illo cognitio maximè necessaria est, nempe quotidianæ tractationis. In substantia hominis est animal, & rationabile, vnde cōflatur eius diffinitio: hinc humanus, & humanæ coniugata: Tum partes essentiæ, materia sumpta de medio communis cum materia eorum omnium, quæ fiunt, & corrumpuntur: animus autem generosissima res omnium, quæ sub cælo sunt: partes item molis externæ caput, os, pectus, brachia, dorsum, crura, pedes: & internæ, lingua, guttur, pulmones, cor, nerui, venæ, caro, sanguis, os, spiritus: tum cutis, pilii, barba, nævus, verruca. Inherentia sunt in corpore color, forma, figura, filum corporis, macula aliqua, cicatrix, rectū, curuum, proportio membrorum, cellum caput, brachia expansa, manus diducta, cor ad sinistram, incessus, vox, vires, robur, imbecillitas, firmitudo, infirmitas, sanitas, morbus: in animo affectus: in mente acumen, hebetudo, memoria, obliuiofitas, eruditio, tot artes, & experimenta, prudentia, fatuitas, calliditas, vafricies, atque vsus rerum, virtutes, & vitia.

tia. Actionum sunt quæ dixit, fecit, voluit, tentauit, innuit,
 pertulit, passus est. Causæ eius sunt efficientes quidem Deus,
 & parentes, & quodammodo solum natale: finis naturalis,
 quem Deus ei destinauit, æterna felicitas. Ipse sibi ignoran-
 tia, & obedientia affectuum multos alios præstituit vanos,
 & noxios sibi, opes, honores, nomen, voluptates: Effectus eius
 sunt magna profectò & admirabilia, cultura agrorum, ciui-
 tates, leges, literæ, tot disciplinæ, atq; artes, quarû aliæ cor-
 pore, aliæ ingenio exercentur, partim utroq;. Instrumentis
 utitur ingenio, memoria, artibus, sermone, manibus, pedi-
 bus, & quæ extrinsecus sibi parat, ut sunt pënæ, calami, atra-
 mentum, penicillus, pecunia, culter, hasta, & alia quorû iniri
 numerus non potest. Ipse idem homo est finis cæterorû ani-
 mantium, & omniû quæ sub luna sunt condita. Est in tem-
 pore, in hyeme, mente Ianuario, pridie Calend. Februa.
 Principe Carolo Quinto, sereno, salubri tempore, in liber-
 tate, in republica, Brugis, in cubiculo, in armario, vestitus,
 armatus splendide, sordide. Ad hominem referuntur Deus,
 princeps, & rector eius, pater, mater, tutor, patruus, magi-
 stratus, Rex, patria, leges, dominus, maritus, filius, pupillus,
 filius fratris, filius sororis, priuatus, subditus, seruus, vxor,
 amicus, inimicus, sodalis, socius, commilito, vicinus, ciuis.
 Tum diuitiæ, possessiones, honores, fama, gloria, fauor, gra-
 tia, nobilitas: & his cõtraria paupertas, ignominia, obscuri-
 tas, inuidia, odium, ignobilitas. Conferuntur inter se pater,
 filius, seruus, dominus. Deniq; ea quæ superiora, inferiora,
 paria diximus: homini nihil est contrarium: contradictio
 est homo, non est homo. Dissitum est quicquid non est ho-
 mo, equus, lupus, color, magnitudo, liber. Pro argumentis
 adducantur maiores, exempla priorum, historiæ, fabulæ,
 prouerbia. Si quid prædictum de illo, aut præmonstratum,
 quid dixit, aut significauit quis: nomen, cognomen, appel-
 latio. Ex his apparet non solum ad arguendum valere hanc
 copiam, sed ad dicendum de quacunque reuelis: ut non ab-
 surdè videatur Rodolphus Agricola existimare Gorgiam,
 Hippiam, Protagoram, Prodichum, & alios Græcos so-
 phistas qui in cõuentu hominum paratos se esse profite-
 bantur ad dicendum, de quacunque re quis vellet audi-
 re, ex his fontibus vbertatem illam, & redundantiam co-
 rum, quæ dicturi essent, haurire, ut nunquàm dicendi

Quomodo alii videntur locis.

materia deficerentur. Duo restant consideranda, quo modo in aliis loci deprehendantur, hinc nobis quemadmodum iis utendum. Prius quidem, ut nos utamur, sicut magni auctores sunt vsi: Tam ut cognita ratione argumenti, quod aduersarius attulerit intelligamus, quantas habeat vires, sitq; facilius infirmari, ac dissolui, si sit opus. Est verò locus argumentorum ex aliis operosius eruere, quam nobis ipsis inuenire. Nam non habet quotidianus vsus rectum illum connectendæ argumentationis ductum, in quo promptum est cognoscere, quid petat, quid velit efficere, & quo modo. Ad hanc autem obliquitatem & infuscationem communis sermonis oratores, & omne scriptorum genus addunt alias tenebras orationis, partim ne ars appareat, & manifestæ fiant insidiæ, partim quòd maius robur accedit probationi: sicut punctim ferire, vel ex transuerso grauius interdum est, & lethalius. Ita ad inuolucra, quæ res sua sponte ac natura habet, alia ipsi superiecerunt artis, & ingenii sui, ergo interdum vno verbo cluditur tota argumentatio: ut consulatam petebat scurra. Nonnunquam totidem sunt argumenta, quot verba. Cicero in Anton. Tu istis faucibus, ista gladiatoria totius corporis firmitate: quod in amplificationem cadit. Iam multis verbis vnica est argumentatio: videlicet quum vnum verbum, in quo vis inest aliqua, variè tractatur, atque explicatur: An non erat resistendum insidiatori? Scilicet præbendū erat iugulum ei, qui vitam petebat? patiendum, quod latro cupiebat? Est quum pro tota argumentatione vna pars attingitur: Non occidet, nam quæ mater occidit filium? deest enim, & hæc est mater. Inuertunt sæpe argumentationis ordinem: ut Quintilianus libro tertio: Partes suadendi quidā putauerunt honestum, vtile, necessarium: ego non inuenio huic tertiæ locum: quantalibet enim vis ingruat, aliquid fortasse pati necesse erit, nihil facere. De faciendo autem deliberatur: quæ sic reducitur, omnis deliberatio est de faciendo, nulla ergo deliberatio de necessitate: & paulo post, itaq; mihi ne consilium quidem videtur, vbi necessitas est: non magis quàm vbi constat quid fieri non posse. Omnis enim deliberatio de dubiis est: hæc sic, omnis deliberatio de dubiis, nulla necessitas de dubiis, ergo nulla deliberatio de necessitate: hic assumptionem ubique posuit propositionis loco. Nonnunquam transiliunt relictis mediis. Brutos ego impelle-

rem?

rem? ait Cicero, quorum vterque L. Bruti imaginem quotidie videret, alter etiam Halæ. Hic omiſſa ſunt illa de genere, de facinoribus generis, expulſione regum, & Sp. Melio occiſo. Sic etiam à loco ad locum: Homo ſapiens, quia magno corde: fortis, quia amplo peſtore: partem ſumplerant, ſed ad partis accidens trãſierunt. Quandoque ſolum, quod ab aduerſario dici poſſet, præoccupatione quadam notât leuiter: Non occidet hæc filium, nam hoc ſola fecit Medæa. Occulant etiam figuris, & ſchematis, vt interrogatione enuntiēt, quod narrative poterant. Sed feriunt fortius. Et vno vt verbo ſiniam, ipſi idem maximi authores rationē ſui argumenti, vnde prompſerint, quemadmodū concinnarint, aptarint, torſerint, interrogati neſciant ſæpe explanare. Videndum tamen quid efficere ſtatuertint, quorum ſpectet argumentum, quid intendant. Ad id neceſſariū eſt cognoscere, in quo verſetur controuerſia, aut quæ ſit quæſtio, non ſolum illa generalis totius cauſæ, vel operis: ſed particularis, ad quam argumentum illud pertinet. Eam vbi erimus naſti, videndū multa ne ſint, quæ probent, an vnum tantum. Si multa, utrū ſit aliud aliud argumentum, an ad diuerſa tendant per ſe ſingula. Sumendum vnum quodque illorum, ei que aptandum, quod probatur: quoniam ex habitu & congruentia eorum probabilitas naſcitur, ac pròinde inſtrumentum probabilitatis, & eius appellatio. Sunt in quibz facile iudices, cui parti conueniat, quod pro argumento accipitur: nam quæ conſtant vno verbo, expoſita ſunt cognitioni, vt quiuis dicat, cum qua parte quadrent pronuntiati, de quo eſt controuerſia: quæ verò integra enuntiatione ſimplici aut compoſita, obſcuriora ſunt. Vno verbo cōſtant, quum vis probationis vno in verbo eſt ſita: pronuntiatio autem, quum per illud totum diſfuſa: vt Socrates nō ducet vxorem, quia philoſophus. Socrati hoc cōpetit: videndum quæ ſit eius proportionis ratio inter Socratem, & philoſophum, quod nomen: non ducet, quia eſt animal moroſum & querulum mulier vxori. Quæro an homo ſit equus, ſi colligo non eſſe, quia homo eſt rationabilis, ad hominem hoc pertinet. Sin verò quia equus non eſt rationabilis, ad equum. Sin vtrunque coniungo, duo ſunt loci: vt in hoc, omnis homo eſt rationabilis, nullus equus eſt rationabilis, nullus ergo homo, à proprietate & à diſſitis rationem duxi. Quum in argumento duo aut

Vnde na-
ſcitur no-
mē loci.

plura sunt verba, & vnumquodque suam habet proportionē & locum, consideranda sunt singula separata. Plato non ducet vxorem, quia philosophus, Socratis discipulus, vt neque Thales duxit. In philosopho est inhærens, in altero causa, in tertio exemplum. Non mouebit affectus in iudice, quia vir bonus, & Atheniensis, & pèrinde faceret, vt si normā, qua mensurus quid esset, prius inflecteret: primum est ex inhærente, secundum ex attributis, in tertio vis est similitudinis, quam habet canonis inflexio ad motum animi. Sunt abstrusiores loci alii, ad quos exercendo penetrabimus, ab his quæ diximus velut manu ducti, tamen si non pèrinde laborandum est eruere ex aliis locos, quam nobis ipsis ad rem nostram inuestigare. Est enim res hæc quæ vsu potissimū constat: vt nihil omnino ars tota sine diligenti & sedula tractatione profutura sit: hæc verò etiam citra artem multas habet vires & validas: quippe maximifuerunt oratores & disputatores acutissimi, antequam ars vlla esset inuenta, & ex quorum vsu ac operibus ars est obseruata. Omnia illa quæ supra sunt à nobis posita tenenda in promptu, vt literarum elementa, non eodem vtique ordine inueniendum, sicut nec eodem scribendum ordine, quo literas didicimus: tamen præstabit initio eo ordine exerceri, ad excudenda è locis argumenta. Nec omnia omnibus cōgruunt, sicut nec literas omnes in vnumquodque verbum infarcimus. Ac vt quæ literæ quibus verbis necessariae sint, non queunt tradi regulæ, communis vsus docet: ita in hac obseruatione cōtingit, vt qui quibus causis loci congruant præscribi non possit: videndum tamen quid velimus efficere. Cognoscenda exactissimè causa, & omnia quæ versantur in quæstione animo & cogitatione completenda: quocirca oportet eum, qui inuenturus est, versatum esse diligenter in præsentī quæstione, & tenere saltem generalia in ea arte, de quâ sumitur materia dicendi. Si non sit ex te vlla, certè sensum cōmunem vitæ, quid probabile sit iis, apud quos est dicturus, quid absonum: ad quæ prudētia adiuuamur. Ergo proposita quæstione, vestigandum per sedes has, quid sub vtroque termino claudatur, deinde conferenda singulacum singulis, & cum omnibus: assuefactio præstabit, vt vno quasi intuitu peruideamus necessaria, sicut in coniungendis literis. An Clodius iure sit cæsus, ex Clodio, ab inhærentibus, quia seditiosus: an omnis seditiosus iure occidi possit:

sit: si non omnis, an talis? hoc tempore? hoc loco? à tali viro?
 Tum quia insiditaorem: an omnem insidiatorem fas sit occidere: an hunc? hoc tempore? Nec aliter atque in syllabis & dictionibus in infinitum ferè tenditur, sic in locis. Sunt loci locorum: ut an Milo dignus exilio? non, quia vir fortis: an fortis dignus exilio? per omnia quæ sunt fortis & exilii, quæ Roma semper gerat bella, ij qui nullum reformidant periculum honestatis gratia retinendi. Iam an Romæ retinendi tales? & id quidem ascendendo ad generaliora: nam in singularibus est status. An homini cōueniat studium? etiam, quia est animal ratione præditum: An ratione præditis cōueniat studium? Iam loci quærendi in rationabili. An philosopho cōueniat belligerari? non, quia est homo deditus literis, amicus hominum: per locos hominis, per locos eruditi denique eorum omnium, quæ ponuntur in probatione. Si sint in quæsito plura, loci inter se omnes committendi, & comparandi. An omni generi scriptorum commodè possit historia admisceri? ex ratione scriptorum. Nam Theologiæ potest, & Philosophiæ, & Medicinæ. Iam ab iis quæ ex re, omni illi sermoni qui quid docet, tum ex historia,

omni generi scriptorum admiscetur cognitio rerum præteritarum: nam commodè: nam venustè, nam deletabiliter, nam ad probabilitatem, atq; intelligentiam appositè.

* *

DE INSTRUMENTO

PROBABILITATIS

FINIS.

IOANNIS LV-

DOVICI VIVIS

VALENTINI,

De disputatione.



ERITATEM non plenè aut apertè acies mētis nostræ intuetur, multa & densa obscuritate corporis oppressa, atque hebetata. Sed nos obicuritatem hanc à nobis in res ipsas traducimus, vt eas altissimis ac cæcis admodū tenebris dicamus obrui, & inextricabilibus inuolucris occultari. Quo sensu pronun-

tiauit Democritus veritatem in altissimo puteo demersam latere. Ad purgandos autem hosce cortices, vt nucleus prodeat purus, ingenium humanum examinandæ veritatis facultatem à Deo accepit: cuius functio disputatio nominatur. Nam quemadmodum vites, nuces, ferrum, aurū putantur, reiectis inutilibus: ita in examine illo & inquisitione veritatis remotis vel falsis, vel ambiguis, ac incertis ad ea veniatur, quæ dubio procul sint vera. Lux hæc est, quæ ingenio nostro infertur, vt per ea, quæ in confesso recipiuntur pro veris, illa de quibus dubitatur, explanentur, aut ea refutentur, quæ nobis sub specie se insinuabant veri. Sit ergo nobis definita disputatio, argumentorum ad aliquid probandum aut improbandum cōparatio. Nam vbi pro alterutra parte nullum est argumentum, nec disputatio potest vlla existere. Duces animi nostri sunt vires illi à Deo ad cognoscendum, & de cognitis iudicandum attributæ. Ioannes Philoponus ex republica Platonis quinque nos habere animi functiones scribit, Mentem, Dianam, Opinionem, Phantasiam, Sensum. Horū istæ sunt vires & opera. Sensus lentior est, quàm vt syllogismo discurrat, & aliquid colligat. Mens celerior, quàm vt syllogismum expectet. Opinio assensus est. Phantasi-

Disputatio quid.

Animi quinque functiones.

rafi

talia seu visum apprehensio. Diancea quam sanè cogitationem dicamus, est motus: itaque hæc ratiocinatur, & syllogismo utitur. Hæc quidem contemplationis sunt de anima: sed de his non plura in præsentia dicam, nec accuratiùs, quàm quod instituto nostro erit satis. Ratiocinatur ergo cogitatio vel ex iis, quæ mens illi suggerit, vel quæ opinio, vel quæ visum. Nam sensus visio seruiunt: ideo sub *ἐνάσιν* à Platone comprehenduntur. Mens ad cogitationem, quantum assequi potest, verissimam & perfectissimam adfert, vel axiomata, naturales informationes, & in omnium animis impressas insculptasque notiones, ex quibus aptissimæ ac firmissimæ rationis nectuntur syllogismi: in quibus est scientia, si alibi vsquam. Opinio suppeditat credibilia aliàs vera, aliàs falsa: unde existunt syllogismi verisimiles, qui secum nonnullam dubitationem important. Visum sumministrat vanas imagines, somnia, hallucinationes, imposturas: ducitur enim phantasia similitudine, quam ex ignorantia, atque incogitantia coniungit temere, & commiscet, ut vnum ex duobus aut ex multis confundat: unde error nascitur ambiguitate vel vocis, vel sententiæ: ut quum vox plura significat, quæ commiscuntur, & redduntur tanquàm vnum, nempe verbi ancipitis, vel orationis amphibolæ: tum ex scripto quod non distinguitur accentu, aspiratione, seriatione recta: in sensu autem quum ab vna significatus ratione ad aliam latenter subitur: nempe ab essentiali ad inhærens, vel contrà: velut quum sic coniungimus, Homo est animal, animal autem est genus: Mel est dulce, dulce verò aliud alio magis. Adde huc, quum praua conclusio pro vera recipitur, quòd aliquam illius præ se imaginem ostendet: de quibus vitiis superiùs admonuimus. Nam phantasia, ut leuiter ab vno in aliud mutatur, ita etiam leuiter assentitur: ut in quodcunque inciderit, ob segnitiam vltèrius scrutandi subsistat illico, & acquiescat: itaque vehementer fallitur, quoniam neque ambigua distinguit, nec partes inter se confert, ut quemadmodum compositæ sint, & colligatæ animaduertat. Iudicium animi inter hæc tam di- Iudicia. uersa velut disceptator quidam sedens incipit eorū omnium vires, & velut causam expendere, quæ reprobat, omnino respuit, & damnat: quæ approbat, alia securè admittit, alia incertus. Sunt inter quæ anceps & animi dubius pendet, quòd

similitudo aliqua & veri apparet, & falsi. Hi iudicii motus ē tribus argumētorum generibus excitantur. In quibus & res debent spectari, & connexio. Argumenta omnia, vel ex certis, exploratis, necessariis depromūtur rebus, vel ex probabilibus, & quæ de coniecturis pendent. Non sunt hæc rerum ipsarum nomina, sed quæ cuiq; videntur: aliis enim alia sunt certa, & indubitata: eadem etiam non omnibus talia. Quæ eliciuntur ex certis, nexuq; iunguntur euidenti, ac perspicuo cum iis, quæ confirmant, iudicium ad se pelliciunt securum: argumentatio huiusmodi nominatur certa atque euidens. Quæ verò vel probabilia sunt, vel non manifesta, cōplexione cum eo cohærent, cui probando adhibētur, iudicium ad se inuitant nutans, & suspectū: nec planè sibi fidens ipsi: hæc argumentatio probabilis nuncupatur, siue credibilis: ab Aristotele dailectica. Ambiguum est iudicium, & quasi seipsum sustinet, quum pares sunt argumentorum vires pro vtraque parte in re controuersa, ac velut paria in lancibus pondera. Quæ agumētatio iudiciū fallit, ea vel de materia decipit, ex qua constat, vel de artificio, nempe forma, & colligatione partiū. Cognitio materiæ ad singulas artiū pertinet: ut quū dicitur, omnis vnus principatus optimus, Tyrānus est principatus vnus, ergo optimus, Forma verò & cōpositio huius sunt loci: Omnis virtus suauis, & voluptas suauis, virtus igitur: hic propriè paralogismus appellatur: nā prior ille tæcti ex falsis, tamē bonus esse syllogismus pōt, qualis est ille idē.

**Materia
argumen
torū quo
modo tra
ctatur.**

Materiæ argumentorum generatim quidem sic itur obuiam: Certa & necessaria ostenduntur non esse eiusmodi, si declaretur aliud simillimum necessarium nō esse: interdum quoq; ex eodem illo argumento cōtrariū concludi. Si oppositur authoritas: fuisse, quibus non sit visum tale, quorum ingenium & iudicium aliis in rebus pro valido sit habitum.

**Probabi
le.**

Probabile est, quod cuique videtur ita esse, non certa & euidenti ratione, sed verisimiliore, quàm sit contraria. Sumitur aliquando probabile pro comperto & explorato, sed de illo priore nunc loquimur. Probabilia vel infirmantur, vel tolluntur penitus: infirmantur, si planum fiat minus esse in eis robur, quàm putabatur, solere contrarium plerunq; euenire. Tolluntur obiectione eorum quæ illi sint vel necessaria, vel magis credibilia: & patefactione circumstantiarū, cur in hoc loco, in hoc tempore, in his rebus illud nō procedat.

Prob

Probabiliora sunt quæ efficaciora pro se habent argumēta quæve pariter efficacia, sed plura tamen sunt, quibus quilibet lora. que fidē habet, quò maiorē, hòc sunt magis efficacia. In coniecturis non satis labefactat, qui non necessarias ostēdit, aut non fortes, sed qui nō bonas: quod fit exponendo in plerisq; vsu venire contrarium nō similibus tantum, sed in hoc eodē loco, tēpore, hominibus, rebus: vt erubescere hūc, & trepidare, & titubare, & perturbari pro signo conscientia accipitur atqui sic solet in omni congressu, etiam apud amicissimos, tutis & securis rebus, vt Cicero de quacunq; causa dicturus.

Iam verò argumentationem aptam & confectam vel repellimus, vel dissoluimus, vel eludimus, vel retundimus. Retractionis pellitur, quum negatur bene colligi. Dissoluitur, quum pro tractatio. fertur captio, quæ quia ferè fit ex ambiguo & simili, idcirco vocatur distinguere: in quo tanquam re duas aut plures in partes discisa, mēbrū vnū ipsi nobis sumimus, alterū vel reliqua aduersario concedimus. Eluditur, quum adfertur absurdum, quod sequeretur, si ita esset. Retunditur, & quasi opprimitur, quum fortius contra id argumentum opponitur. Qui verò negat aliquid in argumento ita habere nihil ad argumentationem dicit, sed ad examen partium illius: de quo iam sumus locuti. Elusio à retusione non multum distat: vtraque ab Aristotele appellatur *ὑπερβολή*, Latine ad verbum instantia, sed appositum rei vocabulum est obiectio, vel obex: qui velut currenti argumento obicitur, vt fit in fluminibus: quod est non connexionem argumenti dissolvere, aut discindere, sed venienti occurrere, & quasi cursum impendere. Idque cogitationi nostræ non rarò accidit. Nam quum ex intentione argumentationis res sequitur perabsurda, tum animus velut iniecta manu sistit primum, hinc quum se non bene progressum fuisse deprehendit, vnde cœperat reuertitur: & quanuis nesciat dicere, quo nam sit falsus loco, vbi sit erroris causa, errorem tamen inesse non dubitat.

Opponitur obex argumentationi ex eodem, ex simili ex De instā-
contrario, ex autoritate. Ex eodem: si quis dicat, amor bonum, quia dulce: occurritur, imò malum, quia indigētia. Ex tia.
contrario: bonus vir amicis nocebit: quòd ab eis læsus, à qui bus minimè oportebat: nequaquam, quòd nec malus amicis noceat, etiam ab eis læsus. Ex simili: Hic homo maleficio est semel

semel affectus, semper igitur oderit : quî hoc? quum beneficio affecti non semper ament. Ex autoritate: Ignoscendum his, quia sunt pueri: obiicitur: imò Solomon iubet, vt virga ne discedat à puero. In quo sunt exempla dictorum, & factorum. Parcendum huic, quia filius. Atqui Torquatus, & Brutus etiam occiderunt suos, & maluerunt orbi vitam agere, quàm habere improbos. In quibus non dissoluitur vinculum prioris cum posteriore, sed fluxum atque inualidum ostenditur. Quamquam in multis elici potest, quod dissoluatur, sed longiore ambage: vt quum dicimus, bonum virum non læsurum amicos læsum ab eis, quòd malus non referat amicis maleficii gratiam: sic soluitur prior probabilitas ex secunda, quòd læsio non debet esse causa ultionis in bono, quandoquidem non est in malo: quod est argumentum à cõparatione minoris. Tum maleficio semel affectus semper oderit, ex obiectione efficitur, amorem nō esse perpetuum, itaque nec esse naturę affectuum, vt sint perpetui: quare quū odiū sit affectus, mutabitur tempore. Dicendum iam est de singulis argumentationum generibus. Et syllogismi quidem quæ sit ratio, quæ deuinctio propositi cum intentione, alibi demonstrauimus.

Exemplū

Exempli vis est in similitudine: nam similibus causis similes attribuit natura effectus, similibus principiis similes progressus atque exitus, similibus qualitatibus, atque affectionibus similes facultates, & eiusmodi. Idcirco ad persuadendum non repugnanti, atque ei, qui ultro sequitur, aptissima est hæc probandi via: vt quæ docet & ostendit magis, quàm cogit: confirmatur similitudine, dissimilitudine infirmatur: quam difficile non est in omni simili inuenire. Neque enim sunt vlla tā cõformia, quæ non aliqua in rediscrepent: quin etiā si repugnās eā differentiā nō inueniat, haud in re culpā esse suspicatur, sed in se, qui vel nō bene inquisierit, vel nō faciliè inueniat. Examinandū est tamē an difformitas sit in eo, quo de agitur: vt Cato se occidit, ne Cæsari seruiret, ergo tu occide te ne seruias tyranno: respondebitur non esse simile: nam Catoni summum erat malorum seruire, & illis profanis: at initiatis Christiana pietate non item. Adicitur, imò summum malorum est seruire eum quem Christus liberum fecit. Ita est, non quidem homini seruire, sed peccato, & diabolo. Demosthenes tantus euasit Orator studio, cur non & tu quo

tu quoque? Quia in illo studium ardentius, ingenium viu-
dus, iudicium acrius, sermo patrius haustus cum lacte. In li-
bello Ciceronis de Senectute, quum Cato exemplo sui dō-
cuisset non debere ætatem grauem esse senibus, excipit Læ-
lius: fortasse dixerit quipiam, tibi propter opus, & copias, &
dignitatem tuam tolerabiliorem senectutem videri: id autē
non posse multis contingere. Subiicit Cato, non dignitati-
bus, aut diuitiis fieri ætatem leuem, aut molestam, sed patien-
tia vel stultitia: nec solū triumphalibus viris iucundam esse
senectutem, sed iis etiā, qui purē ac eleganter ætatē transege-
runt. Si dissimilitudo non sit præsto, consilium erit sequen-
dum M. Fabii, vt dubia liceat dicere fabulosa: quales sunt a-
pologi, poetice narrationes, Milesiæ fabulæ, res multæ
Chaldeorum, Persarum, Aegyptiorum: sin vera & certa esse
constet, tentandum, an obtineri poterit, ne illa quidem rectē
esse facta. Tum autoritas eius excutitur qui quid dixit, non
dixit, fecit, non fecit, quanti oporteat esse momēti apud nos.
Confirmatur autoritas ad corroborandum argumentum,
eleuatur ad debilitandum: de quo in inquisitione veritatis
diximus.

Enumerationem deprehensæ sunt artes omnes, nempe ex
multis experimentis collecta formula. Si hæc herba nocuit Enume-
ratio.
huic homini, profuit illi alino, & huic, & illi, ergo omni ho-
mini nocet, omni alino prodest: si in aliquo instatur, ruit to-
tum. Sed omnes singulares percensere impossibile. Aliquas
pro omnibus sumimus, ad postremū verō adiicimus, quod
sit pro aliis: vt sic in cæteris, vel non videtur aliquid esse in
contrarium, vel non est in contrarium obseruatum. Infir-
mantem dare aliquid ad oppositum est necesse: tunc vel de-
struit, vel concurrit. Scrupulum etiam iniicit addubitatione:
fortasse nō sic esse in omnibus. rem esse nouam, necdum satis
exploratam: vt de ligno hebeno, & multis rebus, quæ hac pri-
mum ætate in notitiam venerunt: vel quod paucis est id de-
prehensum. Licebit tum ex iis adierre aliqua, quæ quum cre-
derentur esse certissima, tempus docuit non esse talia: quæ
exempla non rara sunt & in natura rerum, & in vita homi-
num. Alter verō vel ostendet, quid sit vitii in eo: quod ille
obiicit, cur ab aliorum natura degeneret: vt si radix arboris
sit medicata vel saltem impetret in plerisque: pro re noua
multa sunt experimenta: pro vetere multos quæsisse, nemi-

nem

nem inuenisse in contrarium. Saltem verisimile esse, quandoquidem aduersum nemo comperit toties vestigatum.

Inductio Inductio Socratica argumentatio est conformis naturæ: quum in aliis ita sit, quæ sunt similia, ita debere esse in hoc. Qui depellit, reddat causam differentia, quemadmodum in exemplo. Sed maiorem hic esse ac fortio rem conuenit, ubi tot sunt exempla allata pro vno aliquo: velut cui credas nauem in periculo, eligis non amiciorē, sed peritiorē: cui rempublicā, cui equum domandum, ergo cui pecuniam: ex aduerso occurritur, non est ita: nam in illis opus est arte, hic fide. Tum faciendum est planum & illuc esse opus fide, & hic arte: quoniam quidem si inimicus sit, proderit consulto: & hic si imprudens, perdet nesciens: nam eandem illam adferre pro instantia de qua est controuersia, per absurdum est. Vtebatur etiam Epagogis Socrates, quod aptis simæ sunt ad capiendum: quum enim singularum rerum interrogatiunculæ proponuntur, minus apparet fraus: quæ profert se velut acie explicata: minusque circumspectis, qui respondet, quid sequatur ad posita sibi, ac concessa, quid repugnet.

Comparatio. In comparatione vis latè est sparsa: nec ad certam formulam potest redigi, quæ ad inuentionē argumentorum magis pertinet. Paria aut maius, & minus inter se in aliquo vel aliquibus conferuntur. Intuendum an in eo ipso sint paria, vel maius & minus: Priuatus homo gignit tot liberos, non gignet rex: nō sunt in hoc maius & minus. Priuatus cōcionabaris, ergo & cōsul: nō sunt maius & minus in cōcionando: quæ sæpenumero præbent vrbauitatis materiam. Quin ego vno verbo cedam, cui cedunt in omnibus triginta legiones? inquit Phauorinus. In eo quod sit, quid maius sit aut minus dicere est eius, qui vires rerum nouit: ut hoc efficit illa herba, ergo & illa alia: in eo autem quod decet prudentis. A minori aptum est argumentum confirmationi. A maiori infor-

Relatiua. mationi, A pari vtrique. Similiter de relatiuis dicit Aristoteles quod posito vno, ponitur & alterum: sublato, tollitur. Sed hoc rectè est intelligendum: Si aliquis est pater, aliquis est filius: si nullus est pater, nec filius: & hoc quidē certè in essentia. Nam in aliis nō sunt relatiua, Nullū patrē video: ergo nec filiū: Nullus filius docet, ergo nec pater. Videndum ut ritè assignetur relatiuum: Est seruus, ergo serui seruus, nō bene

bene, sed heri seruus: nā vt alibi est declaratū, sunt quādā paria: amicus inimic⁹, simile dissimile. Alia imparia: pater fili⁹, herus seruus. Neq; verò, pba est hæc collectio: Est seruus, ergo comitatur herus: sed sic, ergo est sub hero: sicut est herus, ergo possidet seruum: quando in hoc est seruus, vt sit sub heri potestate: & herus, vt possideat seruum. Iste non est pater, ergo nec filius, inualida est: non enim dictum est tollere mutuo in singulis, quod dictum est in vniuersali: in singulis autem imparibus contrā valent: vt respectu eiusdem posito vno, tollatur alterum: Hic est discipulus huius, ergo nō magister huius: nec solūm comparatione eiusdem relatiui, sed eiusdem rei, in qua committuntur, nam potest esse simul & discipulus & magister in diuersis rebus. In aduersis & priuatis, & dissitis ad infirmandum: cernamus prius, an illa habeat mediū, an sit tempus & subiectum à natura definitum, istuc verò aliunde petetur. Obseruandum etiam in quo sint talia: Do cœnam hominibus, non ergo equis: non sunt in hoc dissita. Hic homo habet seruos albatos, nō igitur atratos: haud sunt utiq; in hoc aduersa. Si quē delectat visus, huic est cæcitas inimica: in hoc priuatiua: quippe quā delectationē potest afferre visus, hanc cæcitate necesse est amitti.

In gradatione vis est, vt q̄ sequitur ad minus, nē pead illatum, lequatur ad maius, nempe ad rationē. Cauenda est hic, vt in omni genere argumentationis, ambiguitas: Studiosi amant otium, qui amant otiiū, sunt desides: Aliud est otiiū studiosorū, aliud desidū. Quod hic puer vult mater vult: quod mater vult, pater: quod pater, populus: Puer vult, pila ludere, ergo & populus, aliud est, quod puer vult matrem velle, aliud quod mater patrem, aliud quod pater populum. Transitus est obseruandus, in quo sæpe dolus delitescit: Qui bene potat, bene dormit, qui bene dormit, nihil facit: transitur ad aliud tempus, nam non in eodem tēpore potatur & dormitur. Qui nouit Laurentium Vallam, nouit & Theodoriū Gazam, qui hunc, & Politianum, qui Politianum, Erasmiū, ergo qui Vallam, Erasmus quoque. Sed in hoc vniuersalitas tuctur complexione: neque enim verum est illorum ali quod in vniuersali. In Soritis multi erant Stoici & Acade-

Gradatio

Soritæ.

tes

tes constituta, de quibus Cicero quarto Academicarum questionum meminit. Res valde est spinosa, & inuoluta, propterea quod terminos, qui consistunt in diuisibili, ipsi in insectili puncto collocari postulant, nec acernus consummatur singulis granorum, nec destruitur: ut nec pilis cauda equi, aut numatim est diuitias definire, sed multis simul: ita addi-
ciendo per indiuidua mirum non est, nunquam attingi, quod quaeritur. Adde quod nec per diuisibilia & quidem lata, qualia sunt quae mens nostra in illis capit: itaque per modios tritici est agendum, per crines centenos, per sestertia, & huiusmodi.

Dilemma Dilemma aptum est ad perturbandum, quum animus velut indagine vndique circumseptus, non statim prospicit exitum: aperitur effugium, si quid sit medium, ut si duxeris diuitem, erit terendum, si inopem, alendum: medium est aliquid, vel reflectitur antistrephonte: Si diuitem, lautius viuam: si pauperem, quietius. Sed hoc non tam est refellere dictum, quam regerere.

**Reflexa
probatio**

Sunt aliae probationes conclusionis, quae reflexae nominantur, quum negata illatione sumitur eius oppositum, ex quo solo, vel eo cum vna parte propositi, res ad id quod est maximum, & grauissimum deducitur, duo contradictoria ostendi simul vera: illi priores ductus sunt recti ad docendum & dicendum apti, iste ad refellendum: quemadmodum syllogismi, qui affirmatiue concludunt, valent ad probandum, qui negatiue ad improbandum. At verò in probationibus & quasi putatione hac tam diu progrediendum, quoad veniatur vel ad eam, quae necessaria sit, & omnibus cognita: vel ad probabilem, cui sine absurditate magna refragari non liceat: probabile dicetur, quod cuique est receptum. Huc usque postquam peruenieris, si pergas ulterius, periculum erit nimirum ne sicut est in proverbio, nimium scalpendo sanguinem elicias: & vitium rescindas, dum superuacanea immodicè cōsectaris putando. Illud in primis animaduerti conuenit, non omnia rerum genera, quae posita sunt in dubitatione, paribus constabilliri argumentis posse. Quae res sub sensuum notitiam cadunt, aptiora argumenta admittunt, & sensui magis expostigmento: cuius notae sunt effecta naturalium causarum: quae verò ratiō. mente, ea informationibus, quas hominum mentibus natura insculpsit, fulciuntur: ut multa in mathematicis, & prima
philos

philosophia. Porro quæ mentis indagine quasi eruuntur abdita & abstrusa, credibilibus sunt quibusdam contenta, vel sensibus vel menti magis accommodatis. At quæ prudentia, & usu vitæ, ea exposcunt, ad quæ plura sequuntur publicè aut priuatim commoda, vel certè potiora: & ampliora, vel pauciora & leuiora damna siue in futurum, siue in præsens. Multum valet in his autoritas illorum, qui sapientia & probitate præstantes esse homines existimantur: de quo numero sunt studiosi sapientiæ, senes, negotiorum callidi, legumlatores, magistratus, senatores, populi, ac ciuitates, quas accepimus bene institutas. In iis quæ docentur cælitus, quæque sensum omnem captumque humani animi exuperant, & à solo Deo cognosci possunt & tradi, potissimas partes serunt Dei ipsius autoritas, tum eorum, quos à Deo illustratos & edoctos esse euidentia nobis signa ostendunt: ut argumenta quibus dicta sua confirmant, dictis ipsis sint similia, nempe diuina, & naturam excedentia. At quemadmodum probalia sunt ad probationem ambigui admota, ita absurda ingeruntur ad reuincendum contradictorium eius, quod nos intendimus: ut pietas est summum bonorum: nam ni esset, cedo quid aliquid in eius locum reponeres? Id ne quod situm esset in animo? An quod in corpore? Quæ in corpore, communia sunt nobis cum belluis: quæ in animo, cum dæmonibus, dempra pietate. Summi ergo boni homines vel belluæ participes erunt, vel dæmones, quod est nefas, Absurda eodem propè modo censentur, quo probabilia. Hactenus de tacita & vera cuiusque secum disputatione. Nam in commissâ illa & comparata quæ est duorum, non perinde potest verum cerni, ac excudi, ut in illa interiore. Conflitu enim externo mentis acies turbatur, vel affectio-
nibus suscitatis, vel attentione ad ea, quæ sunt foris. Adde
quod quemadmodum prudenter inquit Aristoteles, duorum
differtio, & sermocinatio per orationem fit: in qua multæ
occultantur fraudes, & latenter irrepunt: quæ verò disputa-
tio est vnus secum, fit per res, quæ omnia liquidiùs ante
oculos statuunt, ac apertiùs. Itaque etiam in ea, quæ vnus
est disputatio, si per orationem exerceatur, multas se insin-
nuare in animum fraudes est necessum. Quippe fraus omnis
ex similitudine oritur vel veri vel boni, ac similitudo anceps
maior, promptiorque est in intelligentia dictionum, quam

Disputa-
tio exte-
rior.

rerum. Sed de hac nobis aliquorum siue disceptatione siue altercatione pauca quædam video dicenda: ne hæc scholæ exercitatio desiderari tanquam prætermissa à nobis possit: tametli de ea multa & in libris topicis, & in elenchis Aristoteles præcepta tradidit. Nos verò breuiter more nostro, ac dilucidè summas contrahemus earum rerum, quæ nobis ad hoc institutum videbuntur facere.

Caput est in altercatione omni vt sciatur, quid positum sit in controuersia, & de quo disputantes contendunt: alioqui enim temere ac ridiculè multa vltro citroq; iactabunt: quod passim videmus in disceptationibus contingere, vt alter aiat cælum agitari, alter conetur euincere terrâ in mundi medio quiescere. Proximum est vt respondens perspectam illorum omniū habeat naturam, de quibus agitur: vt ea non solum à diuersis, atque ab similibus cogitatione ac animi iudicio seiungat, sed à conformibus etiam, quæq; ex similitudine fucum possent facere ad fraudem. Ex hac separatione nascetur, vt & distinguere ambigua, & diuidere, & diffinire rectè valeat. Quorum trium ignorantia magnos in disputando & turbulentos errores affert, clamorèque absonos, plenos contentionis, quum velut andabatur, qui pedem contulerunt, oculis clausis dimicet, & plerumq; visu venit, vt quæ quis ignorat, tueatur pertinaciùs, siue oppugnet, seu propugnet, ratus vera sese asseuerare: quum contrà qui à falso se stare non nescit, lentius agit, ac remissiùs, ex conscientia videlicet, non ignarus captare se tantum. Quapropter vt hæc vterque clariùs peruideat, conseruandum est iudicium integrum, minimè perturbatū tempestate aliqua affectionum: quæ omnes incitata & accensæ velut fumum quendam rationi & facultati iudicandi offundunt, quo veri perspicientia impeditur. Vtilissimum est altercando non commoueri animo. Idcirco biliosi, feruidi, iritabiles, captatores inanis gloriolæ non sunt idonei altercationi, præsertim aduersus sophistam vasrum. Incenduntur enim faciliè, & censura tanquam deiciuntur de gradu eorum, quæ dicuntur, vt quid vel anti-sophista obiiciat, vel ipsi respondeant, non attendant. Tum studiosus gloriæ adeò est obseruandis omniū vultibus, gestibus, nutibus occupatus, vt ea quæ dicuntur, non possit animaduertere. Con fine intelligentiæ rerum earū, quæ in contentione versantur illud est, vt aduersarii verba probè intelligat,

intelligat, quo sensu ab illo soleant dici, quo ab auditoribus accipi. Sophista est, qui non veritatem sequitur rei, sed opinionem auditorum venatur de se: in qua finem sibi statuit vel quæstum, vel gloriam, vel irrisionem aduersarii, aut aliquid affectus prauī. Quare argumentis laborat efficere, ut quæ antistophista confirmari, labefacta ab se alii credant, & ostendisse falsa esse, illū pro veris cōplexatum: falsum id esse, duorū modorū altero conuincitur, vel quā idem ipse qui affirmarat, victus ratione & argumētis cōfiteatur se falsum sensisse, quæ est repugnātia: vel quum id, quo argumentorum viribus protruditur, contrarium est opinioni eorum, quibus fides iure debeat, nempe sensui omnium, vel opinioni ac sententiæ eorum, qui adsunt, vel receptis vulgo opinionibus, vel eorū, qui pro sapientibus habentur, censuræ ac iudicio: quæ pro falsis manifestò exhibantur, aut pro absurdis atque absonis reprobantur, aut nō admittuntur tanquam paradoxa. Sed maximè omniū cupit sophista ab ipso eodem aduersario confessionem contrarii extorquere. Non enim perinde & gloriosum sibi ducit, & diuersam tuenti partē turpe, si ille falsum aliquod ultro admittat, quā si quid paradoxum ac dubium pugnās cum eo, quod posuerat, altercando cogatur recipere, molem & vim rationum nō sustinens. Sed nos tamen momentaneam illam gloriā tantopere affectanti concedamus facillè: modò ipsi veritatis fructum teneamus: ut si aberrasse sentiamus nos, reuertamur in viam siue ultro, siue ab alio admoniti. Quippe satius & fructuosius est rectā ingredi, quò intendimus, quā aduersario nō concedere de victoriā, & pertinaciter tueri falsum. Inuicti quidem persisteremus, sed contra verum: à quo vinci longè præstat, quā omnino contra illud tendere. Vinci ab homine cōtra disputante leue est ac breuissimum dedecus: falli autem & decipi malum, ac miserum. Nec rarò vinci te ab altercante periputillum honorem illi parit, tibi verò emolumentum grande. Discedit ille inflatus victoriā, tu liberatus ignorantia, tanto ac tam fædo malo. Vitanda sunt tamen in sophista tria potissimū captionū genera. Ambiguitas omnis seu verbi vnius, seu multorū, propositio falsiorum dogmatū pro veris, nempe vniuersaliter dictorū, quæ tantum in parte valent, & colligandæ argumentationis nexus fraudulentus. Nec eius inter disputandum doli nos lateant. Nam

ille in quibus situs est negotii totius cardo, agere se contempnim simulat quò id negligentius à respondente expendatur. Tum quæ perperam sunt admissa, vel concessa, vel negata, blandis verbis approbat, ac extollit, ut in eo confirmetur respondens. quod cum assensu & laude videt accipi. Itaque suspectus sit nobis siue negligentiam præseferens, siue approbationem. Proponit etiam quæstiones varias: ut ex responsionibus in eam demum inuadat, quam se ex animi sui sententia tractaturum confidat. Quocirca vnam aliquam iubebimus eum deligere, quam velit ventilari, Quòd si cœperit ex nostro campo digredi, sensimq; & dolose aliorum pellicere, cogendus est, ut de statu quæstionis disputet, deque eo in quo versabitur controuersia, idque impensè vrgendū: ne imprudentes eò delabamur, de quo diceremus imparati. Quapropter si disceptatio certa sit, ac finita, expediet in respondendo paulò pluribus explicare rem: ne ambiguitate obscure scat, & ignorantia claudatur, vnde breuissimo gradu dolus inuadat tanquam ex insidiis: ad quem patefaciendum si post longam altercationem reuertamur, credat aliquis nò sponte nostra huc nos venisse, sed deuolutos sophistæ impulsibus: sin autem disputatio incerta sit atque infinita, de eo, quodcunque poterit ex verbis nostris sophista arripere, conculcissimum fuerit breuissima responsa interrogationibus reddere, & maximè ad rem. Sed sophista interim sinit sese rogari, ut ostēdat, quam facillè nos eludet, ac frustrabitur: itaque responsiones edit ancipites, ut semper sibi caueat effugium: operæ pretium fuerit exigere ut apertius loquatur, & rem diffinitione ac diuisione planiorem faciat, ut omnia circumstantibus reddantur apertiora, ne & nos illi videamur cauillando similes. Itaque dabimus nos operam ne ludere atque argutari in verbis existimemur, sed iis utemur naturaliter eo ipso sensu, quo ab spectantibus consueuerunt sumi. Sunt interrogationes nonnullæ multiplices, quarum simp' ex & categorica responsio ambiguitatem ex quæsito trahit: Fecisti sacrilegium? Non feci. Dubium est, quorsum ea responsio pertineat: utrū quòd nihil omnino surripuerit, an quod non sacrū, vel non de sacro. Hoc si sophista recusat exponere, ut captantē deludat, nos ipsi simplicius quærendo explicabimus: Surripuisti hoc, an non? Si negat, id est euincēdum. Sin fatetur, at hoc sacrum, itidem si abnuir, probandum: sin annuit

Sophista
respon-
dens.

annuit, an de sacro. Idem accidit in quouis argumento mul-
 ticipite, vt si quis persuadere velit imperium vnius esse opti-
 mum, quod Romani in maximis quibusque reipublicæ pe-
 riculis ad creandum dictatorem soliti essent confugere. So-
 phista hic inueniet, quo & Romanos perstringat, non fuisse
 illam bene constitutam ciuitatem: & de dictatoribus cauille-
 tur, vertisse illos ciuilem & legitimam potentiam in ty-
 rannidem, vt Syllam, & Cæsarem, & quòd non semper id
 sit factum: vt in eade Clodiana, & aliàs nonnunquam: itaq;
 adhærebit, cui erit commodissimum, vel ex vno in aliud
 transiliet: nos verò in eo vt sistat, postulabimus, in quo sit ca-
 put controuersia. Sed ille tamen quum de re non habet iam
 ampliùs quod dicat, ad auertendam ab argumentis au-
 dientium intentionē, vel dicit de aduersario, vel ad
 res alias egreditur: quæ iam ad disputa-
 tionem non pertinent, & veri in qui-
 sitionem, sed ad rixam, aut ina-
 nem quandā velitationem,
 in quibusdam verò inte-
 rim ad præsentem
 necessitatem
 elaben-
 di.

DE DISPUTATIONE FINIS

TOMI TERTII, QUI CONTINET

LIBROS DE ARTIBVS:

FINIS.

QQ 3

LVGDVNI,
Excudebat Ioannes
Frellonius.

1551

